



BIBLIOTECA NAZ.  
Vittorio Emanuele III

**XVII**

**G**

**55**


**NAPOLI**

XVII


G

55





BIL



THE UNIVERSITY OF CHICAGO PRESS

**B**

1

S U M M A  
THEOLOGICÆ  
SCOTISTICÆ,

IN QUA  
EX FIDEI LUMINE, S. SCRIPTURÆ  
Oraculis, Ecclesiæ Traditionibus, ac Decretis,  
SS. PP. ac Theologorum sententia,  
& rectæ rationis ductu,

**RELIGIONIS CHRISTIANÆ MYSTERIA,**  
Dogmata, Sacramenta, & Leges breviter, &  
scholasticè explicantur, & propugnantur ad  
mentem Doctoris Subtilis

**A. P. F. SEBASTIANO DUPASQUIER,**  
Min. Convent. S. Theologiæ Lectore Emerito,  
Doctore, ac Provinciæ Seraphici S. Bonaventuræ Exprovinciali conscripta.

*T O M U S IV.*

**Traët. VIII. De Aëtibus humanis, & Regulis mo-  
rum tam internis, fcilicet de confciantia,  
quàm externis, fcilicet de legibus.**



PATAVII, Typis Seminarii. MDCCXX.  
Apud Joannem Manfrè.  
SUPER, PERMISSU, ET PRIVILEGIO.

Idem Am<sup>o</sup> Di<sup>o</sup> Pri<sup>o</sup> Saye  
li a Grumo =

Pertinet ad Contum S. M<sup>e</sup>  
Carmel. S. Anthimi =

# AD RELIGIOSUM LECTOREM.

**N**Am in præcedenti Tomo te præmonui , charissime Frater , & Lector benevole , quòd ordinem scholæ non potui observare satis exactè in his duobus Tomulis . Verùm tibi liberum erit in studio quartum præponere tertio ; nec enim ita inter se , nec ab invicem dependent illi Tractatus , quin seorsim possint legi . Ut ut sit , compatere necessitati . Inde factum est , ut aliquando contigerit in his tractatibus citari decisiones , quæ nondum editæ sunt , &

supponuntur editæ; sed pro  
tua prudentia , & charitate  
supplebis facilè. Vale, & pro  
Deum ora.



# INDEX

## DISPUTATIONUM, ET QUÆSTIONUM HUIUS TOMI QUARTI,

De Actibus humanis .

### TRACTATUS VI.

Totius Summæ Theologicæ .

#### DISPUTATIO I.

**D**E natura , & conditionibus actus  
humanis , & moralis . pag. 2

Quæstio I. An , & quid sit actus  
humanus , & moralis ; in quo consi-  
stat moralitas . ibid.

Quæst. II. Quotuplex sit moralitas , seu actus  
moralis ; an illa dividatur adæquatè  
in bonitatem , & malitiam : An de-  
tur actus moralis indifferens . 17

Quæst. III. Qua requirantur ad moralita-  
tem ex parte intellectus . 33

Quæst. IV. De libertate actus humani , &  
primò de voluntarietate , quid sit . 39

Quæst. V. An , & qua sit libertas in homine .  
48

Quæst. VI. De causa radicali nostre liber-  
tatis , quomodo dependeat à Deo , &  
ab intellectu . 66

Quæst. VII. Quid importet libertas . 73

Quæst.

# I N D E X.

- Quæst. VIII. *Quoddam voluntarium requi-  
ratur ad actum humanum.* 78
- Quæst. IX. *De involuntario, & causis ejus,  
maximè ex coactione, & ignorantia.* 88
- Quæst. X. *De involuntario ex concupiscen-  
tia, & metu.* 102
- Quæst. XI. *An voluntarium, & libertas  
salventur in omissione pura. An  
hac sit possibilis, & libera, & quo-  
modo.* 110

## DISPUTATIO II.

**D**E bonitate, & malitia actus humani. 124.

Quæst. I. *Quid, & quotuplex sit bonitas,  
& malitia actus humani.* ibid.

Quæst. II. *De bonitate, & malitia, An  
actus contrahat illas ab objecto.*

Quæst. III. *De bonitate, & malitia ex cir-  
cumstantiis,* 131 155

Quæst. IV. *De bonitate, & malitia ex fi-  
ne, & mediis, seu de bonitate in-  
tentionis, & electionis,* 170

Quæst. V. *An actus externus augeat boni-  
tatem, & malitiam interni, & quo-  
modo participet.* 181

Quæst. VI. *An bonitas, & malitia sine  
prius in actu externo, vel interno.  
An sint duo peccata.* 194

# I N D E X.

## DISPUTATIO III.

<b>D</b> <i>E causa materiali morum, seu de passionibus.</i>	200
<i>Quæst. I. An, &amp; quid sit passio humana, &amp; quod simplex.</i>	201
<i>Quæst. II. De subjecto passionum.</i>	209
<i>Quæst. III. De causis passionum.</i>	217
<i>Quæst. IV. De ordine generationis, &amp; dignitatis passionum.</i>	231
<i>Quæst. V. De amore, &amp; odio.</i>	235
<i>Quæst. VI. De concupiscentia, seu desiderio, &amp; fuga.</i>	248
<i>Quæst. VII. De gaudio, seu delectatione, &amp; tristitia seu dolore.</i>	255
<i>Quæst. VIII. De spe, &amp; desperatione.</i>	268
<i>Quæst. IX. De audacia, &amp; timore.</i>	275
<i>Quæst. X. De ira, &amp; mansuetudine.</i>	282

## DISPUTATIO IV.

<b>D</b> <i>E habitibus in genere,</i>	288
<i>Quæst. I. An, &amp; quid sit habitus, &amp; quod simplex.</i>	289
<i>Quæst. II. De causa habituum.</i>	296
<i>Quæst. III. Quomodo habitus concurrant ad actus.</i>	301
<i>Quæst. IV. Quomodo desinant, seu corrumpantur habitus.</i>	312

# I N D E X

## DISPUTATIO V.

**D**E regula interna morum, seu de conscientia. 316

Quæst. I. Quid sit recta ratio, conscientia, & synderesis, & qua ejus efficacia. 317

Quæst. II. De actibus, & divisionibus conscientia. 318

Quæst. III. De influxu conscientia in actus humanos, & quomodo obliget, 332

Quæst. IV. De conscientia: An, & quomodo obliget. 338

Quæst. V. De conscientia scrupulosa: An, & quomodo obliget, 346

Quæst. VI. De conscientia dubia. 352

Quæst. VII. De conscientia probabili, seu opinativa: An, & quid sit. 362

Quæst. VIII. An, & qua probabilitas sufficiat ad formandam conscientiam rectam, & maxime in concursu opinionum oppositarum. 381

Quæst. IX. De conscientia tuta, & tutiori: An semper hac preferenda sit. 398

## DISPUTATIO VI.

**D**E regulis externis morum, seu de legibus. 402

Quæst. I. Quid, & quodplex sit lex. ibid.

Quæst. II. An lex sit opus intellectus, an voluntatis. 407

Quæst. III. De conditionibus requisitis ad legem. 413

Quæst.

# I N D E X.

- Quæst. IV. *Alia conditiones legis :* 429  
 Quæst. V. *De potestate legislativa : Ad  
 quos pertineat condere leges.* 434

## DISPUTATIO VII.

- D**<sup>E lege naturali.</sup> 446  
 Quæst. I. *An , & quid sit lex natu-  
 lis.* ibid.  
 Quæst. II. *An lex naturalis sit preceptiva,  
 unde habeat vim obligandi, & quo-  
 modo obliget.* 457  
 Quæst. III. *De materia legis natura , &  
 ejus preceptis.* 467  
 Quæst. IV. *De unitate, & immutabilitate  
 legis natura.* 476  
 Quæst. V. *An lex natura sit dispensabilis*  
 483  
 Quæst. VI. *De jure natura: An , & quo-  
 modo differat à jure gentium.* 496

## DISPUTATIO VIII.

- D**<sup>E lege divina.</sup> 499  
 Quæst. I. *An , & quid sit lex aterna  
 divina.* ibid.  
 Quæst. II. *De lege positiva , seu temporali  
 divina : An , quid , & quotuplex  
 sit.* 511  
 Quæst. III. *De lege veteri Mosaica.* 515  
 Quæst. IV. *De lege Divina , seu Evange-  
 lica:* 539

<b>D</b>	<i>E lege positiva humana.</i>	553
Quæst. I.	<i>An, &amp; quid sit lex humana : An in homine sit potestas legislativa.</i>	ibid.
Quæst. II.	<i>De materia legis humana. Quanam hæc possit præcipere, aut prohibere, An actus purè internos.</i>	558
Quæst. III.	<i>De obligatione hujus legis: An obliget in conscientia, &amp; sub peccato, vel alius pœnis.</i>	569
Quæst. IV.	<i>An possit obligare cum periculo vite.</i>	582
Quæst. V.	<i>Quosnam obliget lex humana.</i>	587
Quæst. VI.	<i>De lege humana pœnali : Quomodo obliget.</i>	596
Quæst. VII.	<i>De lege irritante, quomodo differat à prohibente.</i>	602
Quæst. VIII.	<i>De mutatione, seu cessatione legis per abrogationem.</i>	607
Quæst. IX.	<i>De dispensatione legis humana.</i>	613
Quæst. X.	<i>De interpretatione, &amp; Epiikeja, &amp; emendatione legis.</i>	618
Quæst. XI.	<i>De consuetudine.</i>	623
Quæst. XII.	<i>De privilegio.</i>	631

S U M M Æ

THEOLOGICÆ

SCOTISTICÆ

TRACTATUS VIII.

*De actibus humanis in genere .*

**B**EATITUDO , quam Deus præparavit nobis infinita sua bonitate , & misericordia humanis actibus acquiritur . Hanc scilicet præparavit Deus diligentibus se , non negligentibus . Ideo postquam vidimus , quid , & quanta illa sit in præcedenti disputatione , & tractatu , restant inquirenda media , quibus eam possimus consequi , & incipimus ab illis , quæ à nobis pendent , ut sunt operationes nostræ , quas *actus humanos* vocant ; & quidem primò de illis agimus hîc , prout in generaliter considerantur , deque regulis eorum communibus , ut verè humani dicuntur ; tùm descendemus ad eorum species suo loco , & tempore , cùm de singulis virtutibus , & vitiis disputavimus , Deo juvante .

## DISPUTATIO PRIMA.

*De natura, & conditionibus actus humani,  
& moralis.*



ON i a facile est, actus verè humanos distinguere ab actionibus hominum, quæ sunt illis communes cum brutis, aut saltem quæ carent moralitate: nihil tamen utilius, imò nec magis necessarium homini, ut suos actus examinet, & seipsum in illis agnoscat, & in finem, ac portum salutis dirigat, aut à recto deviantes, reformet, & rectificet. Notionem communiorum illorum hac disputatione prosequimur.

## QUÆSTIO PRIMA.

*An, & quid sit actus humanus, & moralis; in quo consistat moralitas.*

NOMINE actus, seu actionis humanæ non intelligimus hîc quascumque actiones, quæ ab homine fiunt, ut sunt illæ, quas habet communes cum bestiis, ut *movere, nutrire, edere, bibere, ambulare, dormire*, aut etiam illæ, quæ quidem illi sunt diversæ ab animalibus, ut *loqui, & ratiocinari* somnians, vel absque deliberatione, & libertate, sed eas tantum, quas elici deliberatè cum cognitione, & libertate, & quæ sunt capaces moralitatis, seu bonitatis, aut malitiæ. Nam actus humanus, & moralis idem sunt, & ideo laudabiles, aut vituperabiles, ac digni præmio, vel pœna dicuntur, & denique conducunt ad finem ultimum, vel ab eo avertunt. Dicuntur *humani*, quia sunt ab homine, ut homo est rationalis, & liber, & quia per hos maximè differt ab aliis viventibus, qui non agunt ex dictamine rationis, nec liberè.



## CONCLUSIO I.

**D**antur actus humani, & morales, qui describi possunt. Actus vitales hominis, qui ex libera, & deliberata voluntate procedunt. Est communis.

Prob. 1. ex Scoto, [1] qui vocat actus humanos propriè illos, qui causantur per intellectum, & voluntatem ab homine, & distinguit actus naturales elicitos seu non humanos, ut movere barbari, levare festucam, & huiusmodi, qui procedunt ex sola imaginatione, non ex libero arbitrio ab actibus humanis, qui sunt liberè elicit, &c.

Prob. 2. ex communi omnium Philosophorum, & Theologorum consensu, qui de his actibus agunt, & regulas tradunt: Et in hoc sensu de illis loquuntur.

Dicuntur i. actus vitales, quod ponitur loco generis; sic enim conveniunt cum actibus naturalibus procedentibus ex principiis vitæ vegetativæ, & animalis; per reliquum distinguuntur ab illis, atque etiam ab aliis, qui sunt quidem proprii solis hominibus, ut in pueris, & in amentibus, qui liberè quidem agunt, dum sumunt cibos, vestes, &c. sine iudicio tamen, & deliberatione requisita ad denominationem bonitatis, vel malitiæ moralis. Utrumque enim requiritur ad moralitatem, scilicet cognitio difformitatis, & conformitatis; & libera voluntas operans ex delectu, supposita illa cognitione.

Hinc patet 1. Actus brutorum, nec motus hominis indeliberatos, & primò primos, ut vocant, nec amorem Dei, quo se amat, nec amorem beatorum esse actus humanos, & morales, quia ex parte voluntatis non sunt plenè deliberati, & liberi. 2. nec etiam actus hominis liberos circa bonum delectabile, vel utile, si non procedant ex cognitione ulla bonitatis, vel malitiæ moralis ob eandem rationem; quia ex parte intellectus non fiunt ex debita consideratione vel attentione circa finem, & consultationem circa media, ut esse possint recti, aut mali, laudabiles, aut vituperabiles; meritorii, vel demeritorii, quæ tamen requiruntur ad propriam moralitatem, & ut

A 2

dicantur.

[1] 4.d.6.q.5.E.n.3.2.d.41.q.4.n.2.

4 *De actibus humanis in genere*  
dicantur proprie actus humani in sensu præsen-  
ti.

Objic. 1. Bruta habent actus liberos, non autem humanos; ergo isti malè describuntur actus liberi.

Resp. 1. ex dictis de anima, neg. ant. sola enim vera, & propria libertas convenit homini.

Resp. 2. dato gratis ant. neg. conseq. quia actus dicitur humanus non a sola libertate, sed etiam a ratione dirigente.

Objic. 2. Actus animæ separatae, & Angeli sunt liberi, & ex directione intellectus, & illis convenit hæc definitio: sed illi actus non sunt humani; ergo actus humani non sic rectè definiuntur. Prob. min. actus Angelici differunt specificè ab actibus hominis, & ita est de actibus animæ separatae; hæc enim non est homo.

Resp. neg. maj. pro 2. parte. Nam hæc definitio est de actibus ab intellectu, & voluntate hominis secundum modum ejus agendi connaturalem, & hoc sensu non convenit nec Angelo, nec animæ separatae, prout differunt ab homine.

Resp. 2. dist. min. Actus Angeli, & animæ separatae non sunt humani quoad vocem, & prout ab homine differunt, conc. min. quoad rem, & prout cum homine conveniunt, neg. min. & conseq. Nam Homo, & Angelus; & anima separata præscindendo à statu viæ, aut termini, conveniunt in modo agendi liberè, & ex cognitione, seu moraliter.

## CONCLUSIO II.

**M**oralitas actus non importat solam cognitionem bonitatis; aut malitiæ ex parte intellectus, per quam actus sit dirigibilis, nec solam libertatem ex parte voluntatis, sed utramque simul, & necessariò.

Prob. 1. ex Scoto, [1] qui loco citato, & alibi docet quòd nullus virtuosè agit, aut vitiosè, nisi agat ex deliberatione; Sicut enim non agit humanè, nisi agat intelligendo; ita circa illud, quod est ad finem, non bene agit humanè, nisi intelligendo illud, propter quod agit, & istud intelligere est deliberare. De libera-

[1] 3.d.33.q.n.23.

liberatio autem includit utrumque, scilicet & cognitionem finis, ac mediorum in intellectu, & libertatem ex parte voluntatis. Nam ut est deliberativa est libera, quia dicitur deliberativa, in quantum precipit deliberationem (intellectui) aut in quantum eligit, prævia deliberatione, & utrumque convenit sibi, in quantum libera, quia liberè imperat (consultationem circa media ad finem, & deliberationem) & libere eligit media proposita in deliberatione, &c. ergo ex Scoto, moralitas in actu inportat directionem, seu cognitionem ex parte intellectus, & libertatem ex parte voluntatis.

Prob. 2. ex Philos. Nequaquam simile est in artibus, & virtutibus: nam quæ ex arte procedunt, laudem in se habent, modo sint facta juxta regulas artis sive deliberatè, & scienter, sive casu, & inadvertenter, etiam somnando semper sunt laudanda) quare sufficit illa sic existere; sed quæ a virtute proficiuntur, non sufficit, si ipsa justè quodammodo se habeant, & modeste agantur; sed considerandum, si agens ita egerit. 1. si sciens; 2. si eligens propter ipsa, & 3. si certo, & immobili judicio; ergo ex Phil. actus virtutis moralis exigit scientiam, seu cognitionem, & directionem ex parte intellectus, & libertatem electionis ex parte voluntatis.

Prob. 3. per partes, & 1. quòd non in sola cognitione, seu directione, aut dirigibilitate; alioqui amor, quo Deus se amat, esset moralis; sed hoc est falsum; quia ille amor est necessarius, quod autem est necessarium non est morale; non est laude, aut vituperio, nec præmio, vel pœna dignum; ergo sola directio non sufficit ad moralitatem. Prob. maj. ille amor est conformis cognitioni, quam Deus habet de se, & de ipso amore; ergo si tota moralitas penderet à cognitione, seu directione intellectiva, ille amor esset in genere moris.

Idem esset dicendum à fortiori de amore beatifico Angelorum, & hominum, quem nemo dicet moralem, seu meritorium, quamvis dirigatur cognitione beata, & hoc, quia est necessarius; ergo sola dirigibilitas in actu non sufficit ad moralitatem.

Prob. 2. pars de libertate, quia sunt actus liberi, qui non habent ullam moralitatem, scilicet nec boni, nec

mali sunt; & ideo nulla eos ratio dictat faciendos, aut non faciendos. & tales sunt actus indifferentes si-  
vè in specie, si-ve in individuo; ergo sola libertas non  
facit moralitatem, quod enim fiant ex cognitione, &  
libertate indifferentiæ (& sic magis sint morales, quàm  
qui sunt sine ulla prorsus consideratione bonitatis,  
aut malitiæ, ut vult Mastrius) id non facit ad rem,  
quia loquimur de moralitate propria, quæ reddat ac-  
tum laudabilem, aut vituperabilem, sed esto hæc  
ratio non valeat ex eo capite.

Prob. 2. Nam cum eadem libertate potest mutari  
moralitas; ergo moralitas non est idem cum liberta-  
te. Prob. ant. Potest quis continuare comestitionem  
carnis ab ante, & post mediam noctem diei Jovis cum  
eadem volitione, & libertate, sed tunc mutabitur  
moralitas; nam cum esset bona, aut indifferens antè  
mediam noctem, fit mala post id tempus.

Prob. 3. quia mutata libertate non mutatur neces-  
sariò moralitas actuum; ergo non sunt idem. Prob.  
ant. volitio omittendi sacrum differt ab ipsa omisso-  
ne, & tamen utrobique est eadem species malitiæ, sci-  
licet sacrilegii; ergo &c.

Prob. 3. pars *de cognitione*, seu dirigibilitate ex par-  
te intellectus, quòd necessaria sit, nam actus dicitur  
bonus, aut malus, quatenus est conformis, aut dis-  
formis regulæ rectæ rationis; ergo non est moralis;  
nisi sit ita dirigibilis, certè voluntas non potest velle,  
aut nolle conformare se regulis morum, nisi cogno-  
scantur, & sibi ostendantur, non enim fertur in inco-  
gnitum, est potentia cæca egens directione; ergo  
directio requiritur ad moralitatem.

Prob. denique *de libertate*; neque enim actus est  
*laudabilis, nec vituperabilis, nisi sit à voluntate*, in-  
quit Scotus; [1] *actus dicitur moralis, quia liberè  
elicitur*: & ut dicebamus ex Philos. ut sit moralis, &  
bonus, debet esse deliberatus, & ex electione, quæ  
est actus liber, & certè per libertatem maxime illi ac-  
tus differunt ab actibus brutorum, qui non sunt  
morales, quia nec liberi; ergo libertas necessariò re-  
quiritur ad moralitatem.

Objic. 1. Scotus totam imputabilitatem, seu mo-  
ralitatem refundit in solam libertatem, ergo non  
impor-

importat directionem intellectus. Prob. ant. Dico, quod laudabile, aut vituperabile, imò generalius premiabile, aut punibile continentur sub hoc communi, quod est imputabile, & illius communis, scilicet imputabilitatis est una ratio hæc, scilicet actum esse in libera potestate agentis; ergo tota moralitas pendet à libertate, & idem est esse morale, quod esse imputabile, & esse imputabile; quod esse morale, & liberum.

Resp. neg. conseq. Nam Scotus ibi vult tantum, quod præcipua, & fundamentalis, seu radicalis ratio moralitatis, seu imputabilitatis petatur ex libertate, non verò unicè, & totaliter; imò addit, quod ad istam potestatem, seu libertatem concurrunt intellectus, voluntas. Propter hoc igitur, quod actus ejus (voluntatis) sic indifferenter ad agere, vel non agere est in ejus potestate, licet non nisi supposita intellectione, idè per se est imputabilis agenti; vides actus intellectus necessario præsupponi exercitio libertatis, & sic concurrere ad moralitatem.

Inst. Hoc ipso, quod actus est liber, est imputabilis, ergo & moralis; ergo moralitas non distinguitur à libertate. Prob. ant. si non esset liber, non esset imputabilis, nec moralis; ergo moralitas venit ex sola libertate.

Resp. dist. utrumque ant. quatenus libertas est radix, & fundamentum præcipuum imputabilitatis, & moralitatis; conc. ant. quasi verò sit ipsa formalis, & totalis moralitas, neg. ant. hoc ipso quod actus est liber, habet fundamentum moralitatis; sed libertas non est tota ratio moralitatis præcisè ab actu intellectus dictantis, quomodo sit habendus, ut sit bonus, aut malus.

Inst. Omnis actus liber, ut liber, est bonus, aut malus, aut indifferens; ergo omnis actus ut liber est moralis.

Resp. dist. ant. Est bonus, aut malus, aut indifferens in genere moris, aut naturæ, vel artis, conc. ant. præcisè, & formaliter, & in genere moris, neg. ant. & conf. & hoc patet de pueris, quorum actus sunt quidem liberi, sed physicè, & in genere naturæ potius, quàm moris propriè, & rigorosè.

Objic. 1. contra libertatem, actiones humanæ

Christi in via fuerunt morales, & simul necessariæ, idem est de amore beatifico, qui est actus nobilissimus, & laudabilissimus; ergo moralitas non exigit libertatem. Patet ant. nisi enim fuissent morales, non fuissent meritoriae, & si non essent necessariæ, potuisset peccare omitendo actiones præceptas; ergo fuerunt morales, & necessariæ, seu non liberæ libertate contingentiae, quæ requiritur ad meritum, & de qua hic agitur.

Resp. dist. ant. pro 2. parte, fuerunt necessariæ necessitate opposita libertati proximæ, & ab extrinseco, con. ant. necessitate opposita libertati remotæ, & intrinsecæ; quæ se tenet ex parte principii, seu potentiae, neg. ant. & conf. Fateor de via, & lege communi in viatoribus, & pro moralibus adesse libertatem tam proximam, & ab extrinseco, quàm remotam ex parte potentiae; sed de lege extraordinaria, dispensativè sufficit remota, & intrinseca; & sic factum est in Christo D. & fieri posset in beatis, si Deus vellet acceptare actus illorum in ordine ad aliquod præmium. Loquimur autem hic de moralitate secundum legem ordinariam pro homine viatore; in beatis autem de facto reperitur rectitudo quædam naturalis, & in genere physico propter naturam potentiae, quæ est intrinsecè libera.

Objic. 2. ad idem. Actio externa potest esse mala pro tempore, quo non est amplius in potestate voluntatis; ergo libertas non requiritur ad omnem moralitatem. Prob. ant. Qui veneno intentaret mortem alicui, posset nolle, ut mors sequatur, & poenitere, & remissionem impetrasse pro instanti, quo venenum interficit hominem; ergo homicidium est malum, & morale pro tempore, quo non est liberum, nec volitum.

Resp. neg. ant. & conseq. prob. Nam in casu posito homicidium est tantum imputabile propinanti venenum pro eo tempore, quo volens, & liberè propinavit, non pro illo, quo vellet impedire effectum ejus; sicut omissio officii tunc tantum est imputabilis sacerdoti; quando dat illi causam liberè, v. g. cum projicit breviarium in mare, non verò pro tempore, quo poenitens projectionis vellet posse recitare officium.

*Inst.*

**Inst.** Nisi tunc peccaret, cum sequitur mors, non puniretur pro illo actu externo, qui non est in eius potestate, sed punitur pro illo actu externo; ergo per illum, & tunc verè peccat etiam sine libertate. **Prob. min.** Nam tunc homicida incurrit censuras, & pœnas canonicas etiam in foro interno.

**Resp. neg. maj. & conf. prob.** Nam censuræ incuruntur ob effectum secutum ex causâ liberè posita, non autem propter mortem hominis præcisè; & absolutè. De hoc alias.

Constat igitur, quòd actus humanus, & moralis idem sunt, & ad actum moralem debet intervenire advertentia intellectus ad regulas morum, & libertas in voluntate, qua possit illis se conformare, vel non; & hæc libertas debet esse aut specificationis, seu contrarietatis, aut exercitii, seu contradictionis, & ista sufficit.

### CONCLUSIO III.

**M**oralitas est quid accidentale adveniēns entitati physicae actus; non tamen reale physicum, & intrinsecum, sed quasi intentionale, ac rationis, derelictum ex actibus, ac regulis morum, per modum denominationis extrinsecæ. Ita Scotiste, & alii.

**Prob. 1. ex Scoto, [1]** qui bonitatem docet distinguere ab actu, quia relatio non consequens necessariò naturam fundamenti non est eadem omninò cum fundamento; sed rectitudo non necessariò sequitur naturam actus; ergo non identificatur ipsi actu, in quo fundatur. Et alibi docet, quòd moralitas bonitatis, aut malitiæ accidit tam actui, quàm habitui, quantum ad istam conditionem actus accidentalem, quæ est bonitas moralis; & addit, [2] eundem habitum posse generari ex actibus bonis, & non bonis. Idem enim habitus in natura, qui generaretur ex actibus abstinentiæ elicientis cum ratione erronea in eliciente, manens post eum ratione recta esset postea virtus abstinentiæ, & prius non fuit habitus virtutis, quamdiu non fuit recta ratio abstinendi; ergo moralitas est accidens, & separabile ab habitu; ergo & ab actibus.

A 1

Prob.

[1] Quodlib. 18. X. n. 10.

[2] 1. 4. 17. 4. P. & Q. vel 9. 3. n. 3. n. 4.

Prob. 2. quia moralitas maximè fundatur in libertate, sed libertas est accidentalis entitati physicæ actuum hominis; ergo & moralitas. Maj. patet ex conclusione præcedenti, & min. ex dictis de libertate, ubi ostendimus, actum de necessario, seu non libero fieri posse liberum, vel è contrà ob dependentiam ab intellectu defectu advertentiæ. Actus ille abstinentiæ ab initio non est liber, & adveniente advertentiâ fit liber, & moralis, & bonus. Cùm ergo moralitas fundetur in libertate, si hæc accidentalis est entitatis physicæ actus, à fortiori moralitas.

Dices, adveniente advertentiâ non esse ampliùs eundem actum physicè; ergo hæc probatio falsum supponit, scilicet identitatem actus.

Contra. Nulla est necessitas hujus mutationis in actu; ergo gratis asseritur. Prob. ant. Illa necessitas oriretur ex varietate vel motivi, vel objecti materialis, aut formalis, sed neutrum dici potest; ergo nulla est. Prob. min. quia qui comedit carnes die jejunii inadvertenter post advertentiâ potest continuare ex eodem motivo delectationis gulæ, & sic comestio tam ante, quàm post advertentiâ habet idem objectum formale, & materiale; ergo diversitas non venit ex mutatione motivi, nec objecti.

Dices 2. variari objectum formale, quia ante advertentiâ objectum comestionis erat caro ut delectabilis, & non cognita ut prohibita positivè, & post advertentiâ est caro cognita ut prohibita, & rectæ rationi disconveniens.

Contra. Tota illa diversitas se tenet ex parte intellectus, nec propterea variatur delectabilitas; ergo non variatur etiam objectum formale, sed sola conditio extrinseca, scilicet advertentiâ.

Prob. 2. p. 1. ex Scoto, [1] quia ipsa libertas non est quid intrinsecum physicum in actu, sed denominatio extrinseca petita ab indifferentia, seu libertate voluntatis, voluntas ut in nobis est actus primus, libera est ad habendum actum volendi, non autem ipse actus volendi est liber, nec principium liberum producendi aliquid, quia actus volendi est quædam qualitas naturalis, & si est principium alicujus rei, est principium ejus naturale; non liberum; ergo liber-

tas



tas non est quid intrinsecum in actu morali; ergo nec moralitas, quæ in eo fundatur. Voluntas producit quidem volitionem liberè; & ipsa volitio est libera per denominationem petitam à libertate, quæ est in voluntate; sed ipsa volitio producat aliquid, v.g. habitum, id faciet, ut causa naturaliter agens, non liberè.

Prob. 2. quia, ex adversariis, moralitas peccati non consistit in aliquo positivo physico, nec morali; ergo moralitas ut sic non potest importare quid positivum physicum. Ant. patet, volunt enim, quod consistat in privatione rectitudinis debitæ. Prob. conf. moralitas ut sic est ratio communis actui bono, & malo; ergo debet esse eadem in utroque quoad rationem genericam.

Prob. 3. Moralitas est habitudo actus ad objectum propositum ut conveniens, aut disconveniens regule morum; sed illa habitudo non potest esse aliquid reale physicum; ergo. Prob. min. nihil dependens in esse ab intellectu potest esse reale physicum, sed illa habitudo pendet ab operatione intellectus; nam pendet à propositione objecti sub illa cōvenientia, aut disconvenientia; imò & ipsæ regulæ morum, v.g. prohibitiones, & præcepta sunt entia rationis, non quidem fictitia, ut chimæ, sed opera mentis: unde idem actus, qui de se esset bonus, vel indifferens, fit malus ex prohibitione, ut si missam celebrares in Ecclesia interdicta, vel si calcares paleas credens in esse peccatum, quia plures ibi efformantur cruce. Cum ergo ratio fundamentalis totius moralitatis in illis casibus sit ens rationis, illa moralitas nequit esse quid reale physicum.

Prob. 3. p. 1. Quia non potest meliùs explicari, quid sit illa entitas accidentalis, per quam actus dicitur moralis, (1) & bonus, aut malus, quàm si dicas eam esse ens aliquod rationis materiale consistens in denominatione extrinseca in actu, & quæ relinquatur ex illis omnibus concurrentibus: nam bonitas moralis actus est relata conformitatis ejus ad rectam rationem plene distantem de circumstantiis omnibus debitis, &c. ergo tota moralitas formalis nihil est aliud, quàm secunda quædam intentio resultans in entitate

A 6

te

[1] 1. d. 17. q. 2. O. & P. vel q. 2. n. 3.

te physica actus ex cognitionibus objectorum, ac circumstantiarum quoad bonitatem, & malitiam ex dictaminibus rectæ rationis, quibus si conformes sunt actus, habent moralitatem bonitatis, malitiæ verò, si non sint conformes.

Prob. 2. Denominatio extrinseca resultans ex terminatione alicujus actus vitalis dicitur ens quoddam rationis, seu intentionale, ut suppono ex dictis in Logica, sed moralitas in actibus humanis aliud nihil est, quàm talis denominatio; ergo moralitas nihil aliud est formaliter, quàm esse intentionale, seu rationis, &c. Prob. min. actum esse moralem, seu honestum, aut turpem, bonum, aut malum nihil aliud est, quàm procedere à dictamine rationis, & deliberatè & à potentia libera circa objectum aliquod honestum, vel turpe in talibus circumstantiis, sed tale dictamen, & deliberatio, & libertas præcisè nihil possunt intrinsecum in actibus voluntatis, sed puras denominationes relictas ex illis operationibus intellectus, & voluntatis, ergo &c. Moralitas ergo est id, ex quo sumimus occasionem concipiendi relationem actualem convenientiæ, vel disconvenientiæ, & illud fundamentum est esse intentionale derelictum ex actibus intellectus, & voluntatis, scilicet advertentiæ, dictaminis, ac deliberationis ad objectum, & legem, ac circumstantias, &c.

Confir. Moralitas inest actibus humanis, sicut in aliis rebus, v. g. in pretiis rerum venalium, in signis ad placitum, in contractibus dominio, servitute, &c. nam esse servum, aut dominum, valere tanti, vel tanti in moneta, &c. nihil est aliud in illis hominibus, rebus, & metallis, nisi denominatio extrinseca derelicta ex voluntate hominum, vel aliis actibus præteritis, in servo tota ratio servitutis nihil reale intrinsecum ponit in homine, sed denominationem relictam ex actu, quo dominus ipsum emit, aut cepit in bello justo; valor formalis in moneta, & significatio vini vendibilis in hedera appensa foribus domus nihil physicum est in entitate metalli, aut hederae, & figura, & forma, ac positione, præter denominationem relictam ex voluntate Principis statuentis illum valorem, vel hominum, qui ab initio voluerunt, ut hedera lic appensa significaret ibi adesse

se vinum vendibile, ergo sicut ex natura rei non resultant relationes domini, & servi inter duos homines, nec valoris in moneta, nec vendibilitatis inter vinum, & hederam, ita nec moralitatis, seu bonitatis, aut malitiæ in physica entitate actuum ex natura rei, sed ex actibus voluntatis in legislatore, qui statuit eos sic fieri debere, ut sint boni, & ex actibus ipsius hominis advertentis ad legem, ad objectum, & ad circumstantias, ita ut variata cognitione in agente, actuum moralitas varietur, sicut variata voluntate in superiore, eadem actio, quæ mox erat bona, modò fit mala; Missa ante interdictum bene in Ecclesia celebrabatur, non verò post. Moralitas ergo dicitur ens rationis, seu quid intentionale, sicut diximus de secundis intentionibus, & de universalibus non autem in sensu riguroso, sicut dici solet de entibus fictitiis, & Chimæricis.

Objic. 1. Actus à parte rei est bonus, vel malus moraliter; ergo moralitas est quid reale.

Respondeo dist. ant. dicitur moraliter bonus extrinsecè, sicut paries dicitur visus, conc. ant. intrinsecè, neg. ant. sicut ergo à parte rei paries dicitur visus, & hæc denominatio nihil reale intrinsecum importat in pariete, ita actus voluntatis dicitur bonus, & hoc nihil intrinsecum reale, ac physicum dicit in ipsa entitate actus, sed solum denominationem petitam ex directione intellectus, & libertate voluntatis, quam ipse terminat, & à quibus dicitur regulatus, & volitus.

Inst. Non potest actus dici verè, & realiter bonus, nisi per bonitatem inhaerentem ipsi; ergo non dicitur bonus, nec moralis per denominationem extrinsecam, quod enim sic denominamus, supponit fictionem ex parte nostra.

Resp. neg. ant. patet enim ex dictis in Logica, quòd denominationes extrinsecæ non important ullam fictionem, saltem necessariò; unde actuum denominari bonum, & moralem, id verè dicitur, & à parte rei; significat enim, actum illum esse verè directum per rectum dictamen, & liberè elicitum, vel imperatum juxta regulas rectæ rationis, licèt nihil intrinsecum ponat in eo talis denominatio, sicut de pariete viso, quia verè, & à parte rei terminat visionem.

Objic:

Objic. 2. Actus bonus, & malus à parte rei opponuntur, unus est laudabilis, & meritorius, alter est vituperabilis, & demeritorius, &c. ergo bonitas, & malitia sunt quid reale physicum. Prob. conf. non possunt realiter opponi, nisi per formalitates reales.

Resp. dist. ant. Opponuntur in genere moris, seu moraliter, conc. ant. physicè, & in genere naturæ, neg. ant. comestio carnis prohibita, & non prohibita vel ex ignorantia invincibili prohibitionis sunt ejusdem speciei in genere entis, & naturæ, & totam moralitatem, & oppositionem bonitatis, & indifferentiæ, vel malitiæ sumunt ab extrinseco, & sic nihil reale intrinsecum habent, quo opponantur, sed ex puro respectu, seu denominatione extrinseca diversæ terminationis dictaminis, vel advertentiæ ex parte intellectus, aut libertatis ex parte voluntatis.

Inst. Actus malus puniretur pœnis, & præmiaretur bonis physicis propter entia rationis, sed hoc est absurdum; ergo &c. Prob. seq. puniretur propter malitiam, & præmiaretur propter bonitatem; sed hæc essent entia rationis; ergo &c.

Resp. neg. seq. maj. & min. prob. nam, ut diximus, malitia, & bonitas non sunt entia rationis formaliter, sed materialiter: sunt denominationes extrinsecæ, sed veræ, & a parte rei volitæ, nec id magis repugnat in hoc sensu, quàm quòd puniantur pœnis positivis, & physicis propter privationes, nam ex multorum sententia formalis malitia peccati consistit in privatione rectitudinis.

Inst. 2. Relatio resultans ex natura rei inter extrema realiter distincta est realis, & intrinsecus adveniēns, sed moralitas in actibus humanis sic resultat; ergo realis est, non rationis. Prob. min. ex Scoto, qui docet, quòd impossibile est, actum aliquem poni in esse, & rationem rectam inesse, quin ex natura extremorum consequatur in actu talis conformitas ad rationem rectam; ergo moralitas consistit in relatione reali intrinsecus adveniente, etiam ex Scoto, non autem in relatione rationis.

Resp. dist. maj. Si rationes fundandi, & terminandi, & ipsa extrema sint entitates reales, & intrinsecæ in extremis, conc. majorem; si rationes fundandi, & terminandi sint entia intentionalia tantum, & non

sunt intrinsecæ in omnibus extremis, neg. maj. & min. Nam regula; seu recta ratio, & deliberatio, quæ sunt fundamenta conformitatis non sunt quid reale physicum, sed intentionale, & quamvis essent, nihil ponerent reale in actu regulato præter entitatem physicam ejus, & denominationem extrinsecam regulati ad regulas, & ad regulantem, in qua denominatione fundatur relatio conformitatis. Ad prob. ex Scoto neg. conseq. nam. sicut posito actu sic regulato resultat denominatio regulati, & hoc ex natura rei, & necessario, ita & relatio conformitatis, quæ in illa denominatione fundatur. Quod autem illa relatio sic resultans dicatur intrinsecus adveniens, ut volunt ejus commentatores. Lichetus, & Poncius, aut extrinsecus adveniens, ut putat Mastrius, quia non resultat ex præcisa positione regulæ, & actus, sed ex quasi approximatione, seu applicatione regulæ ad actum per dictamen intellectus, hoc inquam, parum refert ad intentum Doctoris, semper enim sequitur, quod moralitas non est entitas absoluta, quæ habeat principium activum proprium, sicut nec aliquis respectus.

Objic. 3. Actus dicitur intrinsecè bonus, & malus; ergo habet intrinsecum ordinem ad regulas morum, ergo moralitas non est denominatio extrinseca. Prob. ant. ratio specificativa actus est illi intrinseca; sed bonitas, & malitia sunt rationes specificativæ actuum; ergo sunt illis intrinsecæ, & dicunt intrinsecum ordinem ad regulas.

Resp. neg. absolute ant. & dist. maj. prob. est intrinseca formaliter, & reduplicativè ut est talis, conc. maj. materialiter, & specificativè, neg. maj. & conf. actus bonus ut bonus, & moralis ut moralis, & malus ut malus includit intrinsecè bonitatem, aut malitiam, sed specificativè sumptus: malitia, & bonitas, & per consequens moralitas, illi accidunt ab extrinseca regulatione, & libertate, quæ sunt in intellectu, & voluntate. Sic significatio in vocibus dici posset illis intrinseca, & valor in pecunia, &c. Ita est de omnibus entibus moralibus.

Inst. 1. Denominatio, quæ in uno extremo est extrinseca, debet esse intrinseca in alio; est enim à forma, quæ non potest existerè nisi in aliquo subiecto, sed

sed moralitas bonitatis non est in ullo subjecto intrinsecè, si non sit in actu; ergo vel est intrinseca actui, vel est nullibi. Maj. patet de visione, quæ cum sit extrinsecè in pariete, quem denominat visum, est intrinsecè in oculo, quem denominat videntem. Min. prob. quia bonitas, aut malitia non est in intellectu, nec in regula, nec in voluntate intrinsecè; ergo vel nullibi est, vel est in actu.

Resp. neg. maj. & conseq. prob. Nam licèt id verum sit de visione, & aliquibus aliis formis, non tamen id verum est de omnibus; sufficit ergo ut sit alicubi aut formaliter, aut causaliter, & sic moralitas est in regulis morum, & potentiis, à quibus elicitur actus; sic servitus, & dominium non important formam ullam realem in servo, vel domino intrinsecam, sed puram denominationem relictam ex emptione, vel victoria.

Inst. 2. Actus moralis se habet ad regulas morum, ut mensurabile ad mensuram; sed ratio mensuræ est extrinseca ipsi mensuræ, & mensurabilitas est intrinseca mensurabili; ergo moralitas est intrinseca actui, & consistit in habitudine ad regulas.

Resp. dist. maj. Actus moralis formaliter, & re-duplicativè ut moralis, conc. maj. quia ut per cognitionem reflexam cognoscatur ejus moralitas, debet comparari ad regulas, ut ad mensuram; & sic mensurabilitas est illi intrinseca, actus moralis materialiter, & specificativè, neg. maj. & conseq. nam prius est, actum esse moralem, ac dirigibilem per directionem regularum, quàm mensurabilem. Directio autem pendet, & est in regulis formaliter, aut causaliter, & in actibus extrinsecè, & cum mensurabilitas spectet ad actus, sicut & ad regulas intentionaliter, & ut in esse cognito, non autem in suo esse entitativo physico, sic patet, quòd hoc etiam sensu est semper aliquid rationis.

## QUÆSTIO II.

*Quotuplex sit moralitas, seu actus moralis, an adequatè dividatur in bonitatem, & malitiam, denique an dentur actus indifferentes morales.*

**J**uxta descriptionem actus humani, & moralis datam in quæstione præcedenti, actus omnes, qui à deliberata voluntate hominis viatoris procedunt, dici possunt morales, & moralitas eorum consistit in allata relatione, quam habent ad sua principia, & regulas, quibus nati sunt conformari. Moralitas autem solet dividi in *bonitatem*, & *malitiam*; & actus morales in *bonos*, & *malos*; & aliqui addunt tertium membrum, scilicet *indifferentiam*, ex qua fiunt actus *neutri*, seu *indifferentes*, & disputamus hic, an illa bimembris divisio sit adæquata, an verò manca, nisi addatur istud tertium; adeo ut admitterendi sint actus indifferentes, qui liberi, & verè humani sint, nec tamen positivè boni, nec mali, sed neutri.

Aliæ quædam proponuntur divisiones, sed levioris momenti, v. g. in actus *elicitos*, qui immediatè, & directè à voluntate libera manant, ut volitiones, & nolitiones, & *imperatos*, qui ab ea non manant nisi mediatè, & indirectè, sed eliciuntur ab aliis potentiis tum internis, tum externis, jussu tamen, seu motu voluntatis, ut attentio intellectus ad quædam objecta; actus plures appetitus sensitivi; & sensuum externorum; imò & sibi ipsi potest imperare.

Rursus alii versantur circa finem, ut *volitio*, seu *amor*, qui est actus appetitionis boni propositi; *intentio*, quæ est voluntas prosequendi tale bonum per media; & *fructio*, quæ est amor boni propter se, ita ut in eo quiescat, alii circa media, ut *consensus*, quo vult adhibere media proposita per intellectum ad boni consecutionem; & *electio*, qua ex pluribus mediis seligit utiliora, *imperium*, quo sibi, & aliis potentiis imperat executionem, seu usum mediorum, & denique *usus* ipse talium mediorum, ex quo sequitur *consecutio finis*, quæ etiam dicitur *fructio*: de quibus

bus singulis suo loco dicemus; nunc examinamus actus indifferentes.

Nota autem, quod moralitas consistit quidem in convenientia, vel disconvenientia ad rationem; sed hæc duplex est *positiva*, seu *rigorosa*, quæ consistit in accessu, vel recessu ad rationem præcipientem, vel prohibentem, aut consulentem, & *negativa*, seu *minus rigorosa*, quæ consistit in accessu, vel recessu à ratione permittente, seu non curante. Prima facit actus bonos, vel malos. 2. *indifferentes*. Non est autem quæstio de actibus non liberis, & purè naturalibus; certum enim est, eos non esse nec bonos, nec malos, sicut nec morales; loquimur de moralibus, & plenè liberis.

Porro actus humanus considerari potest 1. in *communi*, vel in genere, aut specie, & præcisè ratione objecti sui, non descendendo ad circumstantias singulares, 2. vel in *particulari*, in omnibus suis circumstantiis particularibus, nam quia primaria bonitas, vel malitia venit ab objecto, ideo si objectum sit de se honestum, actus dicitur bonus ex objecto licet ex aliqua circumstantia possit esse non bonus, v. g. largitio elemosynæ est actus ex objecto, & in specie bonus, sed ex circumstantia potest esse malus, ut si fiat ex vana gloria, vel animo fornicandi, & similiter aliqui sunt mali ex objecto, ut mendacium, odium Dei, &c. alia verò objecta sunt de se indifferentia; vel quia de se non habent ullam bonitatem, seu honestatem, & convenientiam, nec ullam malitiam, seu turpitudinem, & inconvenientiam, vel quia circa illa nec ratio naturalis, neque lex positiva decernit quidquam, sed vel permittit, vel negligit, & actus ab illis dicitur *indifferens in genere*, seu *ex objecto*; sed ex circumstantiis fieri potest bonus, aut malus; si autem actus circa illud maneat sic *indifferens* hic & nunc, & spectatis omnibus circumstantiis, dicetur *indifferens in individuo*; & non solum quoad speciem; quod accidere posse intelligitur vel *per se*, quando objectum, & ipsæ circumstantiæ sunt indifferentes, vel *per accidens*, quando id contingit vel ex ignorantia invincibili, vel ex opinione probabili. His suppositis.



## CONCLUSIO.

**D**ivisio moralitatis in bonitatem, & malitiam, seu actus moralis in bonum, & malum non est adequata, quia datur moralitas, seu actus moralis indifferens non solum in specie, sed etiam in individuo. Est communior quoad 1. p. & est Scotistarum, & aliorum quoad 2. contra Thomistas.

Prob. 1. ex Scoto. [1] Sunt ergo multi actus indifferentes, non tantum secundum esse, quod habent in specie naturæ, sed etiam secundum esse, quod habent in esse morali, & sunt etiam indifferentes ad bonum meritorium, vel demeritorium, quia unum individuum potest esse tale, & aliud tale. Multi etiam singulares actus elicitis sunt indifferentes, & non solum actus non humani, de quibus non est sermo, ut fricare barbam, levare festucam, & ejusmodi, quæ procedunt ex sola imaginatione, non ex libero arbitrio impellente, sed etiam de actibus liberè elicitis.

Prob. 2. quoad 1. partem; Nam si dentur actus morales indifferentes sive in specie, sive in individuo, sequitur evidenter, divisionem actus moralis non esse adequatam per illa duo membra: dari autem indifferentes mox patebit.

Prob. 2. & 3. p. 1. ex sancto Hieronymo [2] sic scribente ad S. August. Bonum est continentia, malum luxuria; inter utrumque indifferens ambulare, capitis è naribus excrementa projicere, spuis rheumata jacere, hoc nec bonum, nec malum est, sive etiam feceris, sive non feceris, nec iustitiam habebis, nec non habebis; imò & hæc ultima verba idem probant de actibus in individuo. Item ex Nazianzeno. [3] Quemadmodum quisquis supplicio haud dignus est; non idem statim prædicationem meretur, eodem modo nec qui laude, aut prædicatione dignus non est, idem confestim pœnam meretur; quod esset falsum, si omnis actus, etiam in individuo, esset bonus, aut malus.

Prob. 4. ex Phil. [4] nam inquit, *Habitus iustitiæ generatur ex operibus iustis non iuste factis*; ergo ex operibus indifferentibus; non enim sunt boni, quia non

[1] 2.d.41.c.n.4. [2] Ep.ad Aug.11.

[3] Orat.3.con.Ful. [4] 2.Ethic.

non sunt iuste facti, nec etiam mali, quia non generarent habitum virtutis iustitiæ. Quomodo id fieri possit in rigore, ipse viderit.

Prob. 5. ratione. Ut aliquis actus sive in specie, sive in singulari sit bonus, aut malus, debet agens videre in eo aliquam bonitatem, vel malitiam ex objecto, vel ex aliqua circumstantia, & velle elicere talem actum ex motivo virtutis, vel alio, cui annexum est peccatum, v.g. voluptatis prohibita; sed ut homo liberè aliquid agat, non est necesse, ut in eo videat talem bonitatem, aut malitiam, nec ut ab alterutra moveatur; ergo nec ut actio sit bona, aut mala ex objecto, vel circumstantiis, seu in specie, vel individuo. Maj. est certa in omni sententia. Probmin. ex adversariis, dantur objecta indifferentia, datur bonitas delectabilis, vel utilis, quæ moraliter honestatem non habet, & possent dari circumstantiæ, in quibus homo posset eam velle ut talem, nec necessitatur eam velle ex alio motivo, ut sputare, comedere, ambulare, tollere festucam; ergo non est necesse, ut quoties agit, videat in objecto, vel circumstantiis ullam bonitatem virtutis, vel vitii. Ant. patet solutio objectionum.

Dices: actum circa utile, vel delectabile esse etiam honestum, quia est ad utilitatem naturæ, vel iucunditatem.

Contra 1. quia actus non potest esse honestus, & virtuosus, nisi ex objecto, vel circumstantia adsit bonitas honestatis virtutis; sed in bono præcisè utili, vel jucundo nulla est honestas; ergo nec in actu. 2. quia si hoc sufficeret ad bonitatem moralem omnis actus voluntatis ex se, & secundum speciem, imò & in individuo esset bonus; quia voluntas non potest velle nisi bonum, & sic frustra quæreretur, an dantur actus indifferentes?

Prob. specialiter quoad 2. p. de actibus secundum speciem 1. ex Concilio Constantiensi, in quo condemnatur art. 15. Joannis Hus, qui docebat, *nulla esse opera indifferentia*, & hæc damnatio confir. à Martino V. in fine ejusdem Concilii; ergo saltem in specie dantur actus indifferentes.

Dico, *saltem in specie, & ex objecto*; nam licet verba illius hæretici possent intelligi tam in individuo, quam

quàm in specie, tamen non videtur, quòd Concilium id intellexerit damnare de actibus in individuo, quia multi Doctores Catholici, & piissimi negant dari tales actus.

Prob. 2. Actus ille est indifferens in communi, qui ex objecto non habet, quod sit bonus moraliter, nec malus, sed multi actus id habent; ergo multi sunt indifferentes in communi, seu in genere, seu in specie. Prob. min. objectum, quod ex se non habet conformitatem, nec indecentiam ad rectam rationem, ac regulam morum, non est ex se nec bonum, nec malum moraliter, sed talia sunt multa objecta actuum humanorum; ergo multa sunt de se indifferentia. Prob. min. sputare, fricare barbam, levare festucam, imò & ambulatio, comestio talia sunt de se, ut, nisi ex bona, aut mala intentione fiant, non sint moraliter bona, nec etiam mala.

Prob. 3. p. de indifferentia in individuo 1. certum est, nec id negant Thomistæ, quin homo, qui ex opinione probabili putans deambulationem solius recreationis causa, & sine omni alio fine virtutis esse indifferentem, & eam ut talem vellet, & exerceret, operaretur etiam indifferenter hîc, & nunc, & in particulari; ergo Scotista, qui juxta sua principia (quæ sunt ad minùs probabilia) sic ageret, haberet actus in particulari; & in individuo indifferentes; ergo absolute loquendo non repugnant tales actus; quia suppono licitum esse operari ex opinione probabili, de quo infra.

Prob. 2. Nam etiam independenter ab hoc dantur actus indifferentes in specie, & ex objecto, ut probatum est; ergo & in individuo. Prob. cons. 1. quia si quid obstatet indifferentiæ individuali, maxime quia tales actus deficerent à recta circumstantia finis, quatenus homo rationalis debet semper intendere finem virtutis; sed hoc non impedit; ergo nihil. Maj. patet ex præcipuo fundamento adversariorum. Prob. min. 1. quia licet adesset talis obligatio à parte rei, vel ex lege positiva, non tenetur homo id semper agnoscere, vel cogitare, quoties agit; 2. quia falsò asseritur illa obligatio, nec enim constat ex Scriptura, vel Conciliis, vel Patribus, vel ratione ulla convincenti, ut mox patebit, & ut jam diximus supra.

Eadem conf. prob. 2. Omnis natura specifica petit conservari in aliquo individuo; ergo si dantur actus indifferentes in specie, debent etiam dari in individuo.

Dices, id verum esse, si indifferentia esset positiva, sed cum sit tantum negativa, seu præcisiva per solam privationem bonitatis, aut malitiæ, non est necesse, ut in individuo reperiatur species illa; sicut ex eo, quod homo ex se præscindit, & indifferens est ad albedinem, & nigredinem, aut alium colorem, non oportet, ut detur aliquod individuum humanum sine albedine, aut nigredine, vel alio colore.

Contra. Objectum actus, quod est sic indifferens in suo genere, vel specie, habet aliquod singulare, in quo existit; ergo & actus aliquis existere potest, qui participet illam indifferentiam ex parte objecti, à quo ipse specificatur principaliter.

Dices 2. id fieri quidem posse, quantum est ex parte objecti, sed non ex parte finis extrinseci, aut alterius circumstantiæ, à qua determinabitur ad bonitatem, vel malitiam.

Contra 1. Jam habeo actum singularem ex fine intrinseco objecti esse indifferentem, nec esse bonum, aut malum, nisi ab extrinseco, scilicet ab aliqua circumstantia, & sic per accidens, quod sufficeret nobis; sed neque hic sistimus; nam si repugnatactui tendere in tale objectum secundum ejus indifferentiam intrinsecam; ergo nullus est actus indifferens etiam in specie, ad quid enim talis indifferentia objecti, si non possit terminare ullum actum?

Contra 2. quia sine ullo fundamento negatur, quòd cognito illo objecto cum sua indifferentia ad meritum, vel demeritum non possit voluntas, saltem pro libero exercitio libertatis suæ, velle illud ut tale absque ulla relatione ad ullum alium finem, aut circumstantiam extrinsecam; sed tunc illa volitio erit indifferens hic, & nunc, & in individuo æquæ ac in specie; ergo &c. Prob. maj. illa necessitas relationis ad alium finem veniret vel ex parte objecti, vel ex parte actus; non ex parte objecti, nam ex se est indifferens ad omnem alium finem; alioqui ille finis esset intrinsecus ipsi objecto; non etiam ex parte actus, quia non pēdet necessariò nisi ab objecto,

& in fine, & hic supponitur de se indifferens, & liber. Prob. denique ex D. Bonaventura, quia sunt multi actus levioris commoditatis naturæ, ut spueri, movere barbam; rheumata purgare, & similes, qui nullam honestatem moralem important, sive fiant, sive omittantur, nec prohibentur, nec imperantur; ergo illi, & similes sunt indifferentes, etiam in individuo, & plena deliberatione facti.

Objic. 1. Scotum, qui videtur negare actus indifferentes in genere, & ideo dicitur à multis non sibi constans, quatenus admittit indifferentes in individuo, & non in specie; imò & incurrere censuram Concilii Constantiensis contra Joan. [1] Hus; do verba ejus. *Triplex est bonitas moralis, 1. dicitur bonitas ex genere; 2. potest dici bonitas virtuosa, sive ex circumstantia, 3. bonitas meritoria, seu gratuita, sive ex acceptatione divina in ordine ad præmium. 1. competit voluntati ex hoc, quod transit super objectum conveniens tali actui secundum dictamen rectæ rationis, & non solum quia est conveniens tali actui naturaliter, ut solvi. Et hæc est 1. bonitas moralis. Huic triplici bonitati opponitur triplex malitia, 1. ex genere, quando scilicet actus, qui tantum habet bonitatem naturæ, ex quo deberet constitui in genere moris, habet malitiam, quia transit super objectum disconveniens; sic odire transit super Deum. 2. est malitia ex aliqua circumstantia deordinante actum, licet transeat super objectum conveniens actui secundum rectam rationem, 3. est malitia in demerito. Quelibet istarum malitiarum potest accipi contrariè, vel privativè. Respectu suæ bonitatis, & ut privativè accipitur, tantum privat suam bonitatem, ut accipitur contrariè, ponitur ultra carentiam illam aliquid repugnans tali bonitati; malitia ex genere contrariè accepta, & privativè convertuntur, & ideo sicut inter privationem, & habitum immediatum non datur medium, ita bonum ex genere, & malum ex genere sunt contraria immediata. Ratio est, quia actus non potest esse, quin transeat super objectum conveniens, vel disconveniens, & ideo necessario actus bonus ex genere ex objecto convenienti, vel actus malus ex genere ex objecto disconvenienti; ergo ex Scoto, sicut non datur objectum indifferens, & medium inter conveniens, & disconveniens rectæ rationi, & in genere moris, ita*

nec actus indifferens in genere, seu ex objecto & id putavit adeo clarum Vulpes noster, ut existimet, nullum dari actum indifferentem in specie.

Resp. tamen, eos, qui sic censent de mente Scoti, [1] non bene ipsum intellexisse. 1. quia ibidem docet, dari actus neutros, seu indifferentes in genere moris, & inter actus virtuosos, & vitiosos; *Potest enim actus aliquis carere circumstantia requisita ad perfectionem actus virtuosus, & tamen non elici cum circumstantia repugnante, quæ redderet actum vitiosum: puta si det eleemosynam pauperi, non ex finis circumstantia, quia non considerat, nec secundum alias circumstantias requisitas ad actum virtuosum: iste quidem actus non est bonus, vel virtuosus moraliter, quia non est circumstantionatus, nec tamen malus contrariè, quia non ordinatur ad finem indebitum, &c. Et ita tam in 2. membro, quam in 3. videtur poni actus indifferens, qui licet sit malus privativè, non tamen contrariè, quia indifferens, &c. ergo Scotus agnoscit actus indifferentes in genere moris.*

2. Si rectè consideretur sensus, quo dicit *Malitia ex genere, & bonitas item ex genere opponuntur contrariè, & privativè, & oppositione immediata*, parum habet difficultatis; nam bonitas illa *ex genere* est convenientia rei cum actu, qua res dicitur conveniens *ex genere*; seu materialiter hoc ipso, quod de se non dedecet rectam rationem: quo sensu non solum objectum positivè bonum, ut Eleemossyna, sed etiam indifferens, ut sputatio, dicitur objectum conveniens, saltem negativè, quia non habet indecentiam positivam moralem; & actus transiens super hoc objectum est etiam bonus, & decens *ex genere*; & quod non est bonum, saltem hac bonitate, est sine dubio malum etiam *ex genere*. Uno verbo, bonum *ex genere* seu objectum conveniens est omne id, circa quod potest haberi actus sine peccato, & secundum rectam rationem; malum verò ex objecto, seu *ex genere* est omne id, circa quod non potest haberi actus secundum rectam rationem, & sine peccato: & inter hæc non datur medium, ex Scoto, & secundum veritatem, nec inter has bonitates admittimus indifferentiam; quod enim non potest fieri licite est sine dubio illicitum,

[1] *Ibid.* F. n. 12. & 13.

tum, & malum; at actus indifferens fieri potest licite, & secundum rectam rationem, & quod fieri potest licite, est hoc sensu bonum, sed non bonitate honestatis moralis, ac virtuosæ, per quam sic agens sit laude dignus. Bonum delectabile, & utile sunt hujusmodi, & saltem secundum se, & præcisè circumstantiis, in quibus illorum prosecutio fieret mala, aut bona.

3. Notanda est ratio vocandi hanc bonitatem *ex genere*, quia est *quasi materialis* respectu omnis boni ulterioris in genere moris; nam actus transiens super objectum est quasi formabilis per quamcumque aliam circumstantiam moralem, & ita quasi potentiale non omnino extra genus moris, sicut fuit ipse actus in genere naturæ. Vides, quod Doctor bonitatem *ex genere* comparat materiæ informi, scilicet quæ est in potentia ad bonitatem honestatis, seu virtutis, quæ est secunda species bonitatis, & meriti, quæ est 3. sicut materia physica est in potentia ad formas, & sicut genus, quod est materia Logica, aut Metaphysica, est in potentia ad differentias. Quid ergo mirum, si inter hanc bonitatem, & malitiam oppositam non admittat medium; quod enim non est bonum saltem materialiter, & in potentia ad bonitatem moralem, est sine dubio malum & privativè, & contrariè.

Hinc respondeo in forma: Scotus negat actus indifferentes inter bonos, & malos ex genere, seu ex objecto, dist. ant. loquendo de bonitate impropria, & late sumpta, *potentia*, seu *materiali*, aut *negativa*, & de malitia illis opposita, & rigorosa, conc. ant. de bonitate formali honestatis, & moralitatis actualis, neg. ant. & conf. quæ responsio patet ex verbis Scoti, nec gravabit Tyronem hujus objectionis, & responsionis prolixitas insolita; quia debuit vindicari subtilis præceptor ab injuria, quam illi faciunt non solum alieni, sed etiam aliqui ex suis.

Objic. 2. Inter privativè opposita non datur medium; sed bonum, & malum ex objecto privativè opponuntur, ex Scoto citato: ergo non datur inter illa medium; seu indifferens. Maj. prob. ex eodem: sicut inter privationem, & habitum immediatum non datur medium, ita bonum ex genere, & malum ex genere sunt contraria immediata: hæc ob-

jectio militat contra utramque partem.

Resp. dist. maj. non datur medium, quando subiectum est proprium susceptibile formæ, conc. maj. si non sit susceptibile, neg. maj. nam videns, & cæcus in homine opponuntur privativè, quia homo est natus ad visionem, non verò in fele ante octavum diem à nativitate; quia ante illud tempus non est aptus videre; ideo per octo illas dies non est nec cæcus, nec videns, sed est non videns; ad min. dico bonum, & malum *ex genere* non solum privativè, sed etiam contrariè opponuntur, quia actus circa tale objectum non est malus, nisi ex aliqua circumstantia illi repugnante positivè; v. g. sputatio de se non est mala, nisi fiat ex malo fine, vel alia circumstantia indebita, & sic erit mala privativè, & contrariè. Concessa ergo min. dist. conf. inter bonum purè *ex genere* in sensu Scoti, non est bonum potentiale, & propriè indifferens, conc. conf. inter bonum positivè honestum morale, & malum oppositum, neg. conf. & ratio patet ex dictis; nam illa bonitas *ex genere*, seu potentialis, aut materialis in sensu explicato consistit in eo, quod res illa possit fieri sine peccato, imo & virtuosè, estque capax ulterioris bonitatis moralis, & certum est, quod objectum, quod non habet ad minus illam bonitatem, est malum; nec datur in hoc medium; sed bonitas, & malitia, inter quas asserimus medium, & indifferentiam, sunt bonitas formalis, & positiva honestatis, & malitia similiter formalis opposita: hæc, ut puto, est germana mens Scoti, & in hoc solidius philosophatur, quam alii, qui non sic distinguunt bonitatem, & malitiam *ex genere*, seu ex objecto.

Inst. 1. Inter contradictoria non datur medium; sed bonitas, & malitia moralis sunt contradictoria: ergo non datur indifferentia, quæ sit media inter illas. Prob. min. bonitas est convenientia, & malitia est non convenientia; objectum bonum est conveniens rectæ rationi, seu actus juxta rectam rationem, & malum est non conveniens; sed conveniens ad rectam rationem, & non conveniens ad eandem sunt contradictoria; ergo bonum, & malum opponuntur contradictoriè,

Resp. neg. min. & dist. maj. prob. malum est discon-



veniens rectæ rationi præcipienti, & consulenti, atque etiam permittenti, bonum verò ut sic est similiter conforme rationi eidem, con. maj. & in hoc sensu opponuntur negativè, & privativè, conc. min. bonum omne tam proprium, quàm improprium, tam virtuosum, & honestum, & positivum, quàm negativum, & materiale, neg. maj. & conf. Nam omne quidem malum, saltem rigorosum, dicit privationem conformitatis ad rectam rationem præcipientem, aut permittentem; sed non ita est de bono nam bonum positivum formale, & rigorosum, seu virtuosum, seu honestum dicit convenientiam ad regulam positivè præcipientem, aut consulentem; materiale verò, seu negativum, & privativum dicit tantum conformitatem ad rationem negativam, id est permittentem, seu non curantem; & talia objecta, & actus circa illa dicimus bona negativè, & impropriè, & similiter non mala etiam positivè, & sic indifferentia.

Inst 2. Hæc objecta, & actus sunt capacia bonitatis, & malitiæ; ergo sunt bona, aut mala in genere moris: ergo non sunt indifferentia.

Resp. dist. ant. sunt capacia bonitatis, a ut malitiæ ex aliqua circumstantia extrinseca, quæ influat decentiam, aut indecentiam, con. ant. ex se, seu ex objecto, neg. ant. & conf. v.g. si levares festucam ex superfluitate, si sputares ex contemptu, isti actus ex fine essent mali; si verò eadem faceres ex motivo honesto, essent honesti, sed semper levatio festucæ, & sputatio ex se sunt indifferentes ad utrumque; nec enim omne, quod est referibile in finem honestum, vel inhonestum; est hoc ipso inhonestum, vel honestum, sed in potentia ad alterutrum; sicut quia paries est in potentia ad albedinem, vel nigredinem, non sequitur, quòd sit albus, aut niger.

Inst. Omne, quod est volibile ab homine ratione utente, est bonum, saltem ut tale: sed omne bonum homini ut ratione utenti est honestum; ergo omne sic volibile est honestum; atqui objectum, quod dicimus indifferens, est volibile ab homine ratione utente, & de facto assertit aliquod bonum naturæ rationali; ergo non est indifferens, sed bonum.

Resp. dist. maj. aliqua bonitate, saltem negativa,

& permissiva, conc. maj. & min. bonitate positiva, propria, & virtuosa, neg. maj. & min. & conf. subsumpti, quia ad volendum aliquid sufficit simplex permissio objecti, vel actus circa illud.

Objic. 3. Inter verum, & falsum respectu actuum intellectus non datur objectum indifferens; ergo neque inter bonum, & malum respectu voluntatis; ut enim se habent illa ad intellectum; sic ista ad voluntatem. Prob. ant. omnis propositio est determinatè vera, aut falsa respectu intellectus.

Resp. 1. neg. conf. & rationem ejus: nam lata est disparitas inter veritatem respectu intellectus; quia non est quid morale, nec dependet ab ullis conditionibus, vel circumstantiis, ut bonitas.

Resp. 2. neg. ant. nam præciso Dei decreto circa futuritionem rerum propositio circa illam non est vera, nec falsa determinatè, sed neutra, & indifferens ad veritatem, aut falsitatem; quod à fortiori dici potest de bonitate, & malitia objectiva, & in specie.

Objic. 4. Actus moralis dicit ordinem ad rectam rationem, per quam est regulabilis; sed actus ex objecto indifferens non dicit talem ordinem; ergo non est moralis; ergo moralitas non patitur medium inter bonum, & malum etiam objectivè. Maj. patet ex definitione actus moralis. Prob. min. ratio recta nihil dicit, nec disponit circa indifferentiam.

Resp. neg. min. & prob. ejus; Nam recta ratio permittit actum circa objectum indifferens, sicut præcipit, aut suadet bonum honestum, & vetat indecens. Ideo S. Thomas assignat tres actus legis, scilicet præceptum, prohibitionem, & permissionem, & quæ ratio permittit, possunt fieri, vel omitti etiam secundum rectam rationem, & qui sic agit, non meretur laudem, aut vituperium; imò aliquatenus bene agit, quatenus utitur jure suo, nec transgreditur legem ullam.

Objic. contra 3. p. de indifferentia singulari 1. ex Scriptura; nam jubemur [1] *omnia in Dei gloriam facere*. Et, [2] *Reddetur ratio de omni verbo otioso*, sed actus indifferens non est in gloriam Dei, alioqui esset bonus; est saltem otiosus, & inutilis; ergo ex Scriptura non datur actus moralis indifferens in individuo.

Resp.

[1] 1. Cor. 10. [2] Matth. 12.

Resp. ut jam diximus disp. præcedenti 1. locum non esse præceptum, seu Consilium, & pro 2. neg. cons. nam præcisè ex eo quod reddenda sit ratio de verbo otioso, non sequitur, illud esse malum; reddetur enim ratio tam de bonis, quàm de malis juxta illud ex Symbolo S. Athanasii, *Reddituri sunt de factis propriis rationem*, &c. revera autem Sancti Patres, & alii interpretes meliores censent, per *verbum otiosum* hic intelligi nocivum, & malum, quod mendacio in-juinatur: *Quod ad calumniam dicitur*, inquit Chrysostomus, [1] nec actus indifferens est propriè onosus, seu inutilis, *aut si in se inutilis, non inutiliter fit*, inquiebat S. Bern. sed ob aliquale solatium.

Objic. 2. Homo naturali præcepto debet agere juxta rectam rationem, quia rationalis est, & ut talis debet agere; id enim exigit dignitas naturæ rationalis; ergo omnis actus humanus, qui non est juxta rectam rationem, est malus, qui verò est juxta rationem, est bonus; ergo nullus est indifferens.

Resp. dist. maj. Juxta rationem, ita ut nihil faciat contrarium, conc. maj. & neg. min. ita ut teneatur omnia referre in finem honestum, neg. maj. & cons. nullibi enim constat de tali obligatione, modò nihil faciat, quod sit positivè dedecens rationem. Ratio naturalis dicat omnia dirigere in proprios fines; & sic contra rationem nihil facit, cùm permilla, & indifferentia agit ut talia.

Inst. Homo ut rationalis debet semper agere ob finem proprium, & dignum creatura rationali, & si non facit, peccat: sed ille finis est honestus; ergo debet semper agere ob finem honestum. Prob. maj. quia in hoc distinguitur à bruto, cum agit ob finem rationis; ergo, &c.

Resp. dist. maj. Ob finem proprium positivè, aut saltem negativè, conc. maj. ob finem proprium positivè, qui sit honestas virtutis, neg. maj. & min. potest enim aliquando agere ex fine delectationis, & libertatis saltem in levibus, & circa objecta iudicetia, & permilla, & sic nihil agit contra rationem, sed potius juxta rationem, saltem materialiter, & negativè.

Objic. 3. Omnis actus humanus debet esse propter finem aliquem mediatè, vel immediatè; ergo propter

bonum honestum; vel delectabile: nam utile ut tale non finalizat; sed actus, qui est propter delectabile, est malus, & qui est propter honestum, est bonus; ergo omnis actus humanus est positivè bonus, aut malus.

Resp. 1. hoc argumentum retorqueri posse contra adversarios illos, qui admittunt actus indifferentes in genere, vel specie.

Resp. 2. neg. subsumptum, scilicet actum circa delectabile esse malum præcisè ut delectabile, & nisi ex aliqua circumstantia vitietur; quis enim diceret, eum peccare, qui amaret musicam, quæ recreat auditum, aut pulchritudinem, aut lucem, quia placet oculis. Dico, nisi ex aliqua circumstantia extrinseca vitietur, sed id non semper necessariò accidit.

Objic. 4. Darentur actus humani, quos non magis curaret Deus, quàm actus brutorum; non enim magis deberet curare indifferentes, quàm animales, juxta illud Apostoli, [1] *Numquid de bonis cura est Deus* sed consequens est absurdum; ergo & absurdum est asserere actus humanos indifferentes.

Resp. neg. maj. & rationem ejus: nam sicut prudentia humana debet curare actus indifferentes, ne fiant mali, sed maneant intra fines indifferentiæ, aut eleventur ad altiorem finem; ita & Deus cum proportionem. Præterea illud argumentum facit contra illos, qui admittunt actus indifferentes per accidens, v. g. ex opinione probabili.

Inst. Si darentur tales actus, possent per illos generari habitus etiam indifferentes; sed hoc est contra experientiam, & Arist. qui dicit, quòd habitus omnes voluntatis sunt virtutes, aut vitia; ergo non dantur.

Resp. 1. retorqueri posse hoc argumentum contra admittentes indifferentiam ex objecto: nam actus circa illa objecta ex principiis suis intrinsicis specificantur essentialiter ab illis, nec differunt à bonis, vel malis, nisi per circumstantias extrinsecas, v. g. ex fine. Per mendacia ex intentione furandi contrahitur habitus mentiendi, etiam ex intentione fornicandi; & sic de aliis.

Resp. 2. neg. min. Nihil enim vetat, quin per actus fricandi barbam, aut levandi festucas generentur habitus agendi similia.

Objic.

Objic. 5. In omni actu deliberato voluntas sequitur dictamentationis, vel non sequitur; si sequitur, bene agit; id enim semper dicit ratio; si non sequitur, male agit; ergo inter actum malum, & bonum nullus est medius.

Resp. neg. conf. Nam sicut ratio dicit, quod fricare barbam, aut levare festucam est indifferens, & permixtum; ita voluntas conformando se illi dictamini agit indifferenter: præterea hoc argumentum valeret etiam contra actus indifferentes in specie.

Objic. denique SS. Patres: nam inquit August. (1) *Mirum si voluntas possit in medio quodam consistere, ut nec mala, nec bona sit. Aut enim iustum diligimus, & bona est; aut iustum non diligimus, & bona non est. Quis autem dubiet dicere, voluntatem non diligentem iustitiam non modo malam esse, sed etiam pessimam voluntatem. Et clarius. Cavendum est, ne, sicut Philosophi, quedam facta hominum media dicamus inter rectè factum, & peccatum; ergo ex Aug. nullus datur actus indifferens, seu medius inter bonum, & malum.*

Resp. neg. conf. Nec enim ibi August. loquitur adpropositum. In 1. loquitur de voluntate, cui proponeretur iustitia, & bonum graviter obligans, vel incommuni, & quod nullo modo diligeret, & tunc pessimam esse, quia ab omni bono esset penitus averfa. Quis enim diceret, voluntatem esse pessimam, cui proponitur emunctio narium propter sanitatem, aut cecitatem; & hoc non faceret propter Deum? An potuit somnare August. Ne in omnibus quidem peccatis est pessima; alioqui nullum daretur peccatum: ne, quod est hæreticum. Loquitur etiam de voluntate habitualiter, quæ nullo modo inclinaretur ad iustitiam, non verò de aliquo actu particulari voluntatis. In 2. loco loquitur occasione implendi præcepti, quod urget; unde fatetur, caeremonias aliquas, & legem, quæ præcipiebantur, non fuisse bonas, nec malas, sed indifferentes; ergo potius nobis favet. Constat igitur 1. divisionem actus humani in bonum, & malum positivè non esse adæquatam: dantur enim actus medii, seu indifferentes, qui nec potest esse boni, saltem bonitate virtutis, nec mali,

B. 4.

sed

] 2. de peccat. mer. 12.

sed neutri, quamvis liberi, ac deliberati, & hoc non solum ex objectis suis in genere, aut specie, sed etiam ex circumstantiis, & in particulari.

Constat 2. quod dantur actus indifferentes non solum in genere moris, sed ratione etiam meriti, vel demeriti; nam cum actus non possit esse meritorius, nisi sit bonus positivè, nec demeritorius, nisi sit malus etiam formaliter, & in genere moris, sequitur, quod si dentur actus indifferentes in genere moris, a fortiori dantur in genere meriti; & id apertè docet Scotus [1].cit. *Sunt ergo multi actus indifferentes non solum secundum esse, quod habent in specie naturæ, sed etiam secundum esse, quod habent in esse morali, & sunt etiam indifferentes ad bonum meritorium, & malum demeritorium, &c.* imò etiam si non admitteremus indifferentes in genere moris, adhuc essent admittendi in genere meriti; quia plus requiritur ad meritum, quàm ad bonum morale; & cum non omnia opera infidelium, vel peccatorum sint peccata, & tamen non sint meritoria, quia ad meritum requiritur status gratiæ sanctificantis, & charitatis, sequitur, quod illa in genere meriti rigorosi sunt indifferentia. De hoc aliàs.

### QUÆSTIO III.

*Quenam requirantur ad moralitatem ex parte intellectus.*

**D**Iximus, actum humanum eum dici, qui ex libera, & deliberata voluntate procedit, & quod moralitas importat ex parte intellectus cognitionem bonitatis, aut malitiæ actus; nam ex Scoto, [2] *homo non agit humanè, nisi intelligendo illud, quod est ad finem, scilicet media, & illud, propter quod agit, scilicet finem, & illud intelligere est deliberare; & docuimus, aliquam cognitionem objecti prærequiri ad hoc, ut voluntas in illud feratur per volitionem, aut nolitionem, quæ cognitio se habet ad actus voluntatis ut pure conditio approximans, seu applicans objectum ad potentiam: unde circumfertur istud axioma, Nihil volitum quin præcognitum. Dico, aliqua*

[1] Ibid. C. n. 4. [2] 7. 4. d. 14. q. 2.

*liqua cognitio* ; nam absolute ad actum amoris, vel odii sufficit cognitio quaecumque, v. g. simplex apprehensio, sed ad actum plenè deliberatum ; qualis est actus humanus, seu moralis, requiri videtur cognitio iudicativa de bonitate ; vel malitia objecti, & actus circa ipsum.

Diximus, quòd voluntas non necessitatur se conformare illi dictamini, & sic defectus, seu malitia est irregularitas in voluntate, & non semper arguit defectum in intellectu ; illa quippè videt per intellectum bona, & meliora, & pro libertate sua sequitur deteriora ; unde conclusimus, quòd non determinatur in actibus suis per iudicium ultimum practicum intellectus, sed tamen illud iudicium præcedit, & requiritur ad moralitatem. Profectò si actus voluntatis non est liber, nisi præcedat cognitio, ita etiam ne erit moralis ; quia libertas est essentialis actui morali formaliter, & reduplicative, ut moralis est.

Diximus etiam, quomodo libertas non est in intellectu formaliter, neque radicaliter, nisi quatenus voluntas exercere non potest suam libertatem *contrarietatis*, & *contradictionis*, nisi præcedat cognitio, & iudicium intellectus de bonitate, & malitia, vel indifferentia objecti, & actus circa illud in suis circumstantiis : sed, ut mox dicebamus, illud iudicium, qualecunque sit, non prædeterminat voluntatem sic, quin saltem possit omittere actum sibi propositum etiam practice ab intellectu.

Diximus etiam, cognitionem, seu iudicium intellectus circa agibilia duplex esse, scilicet *speculativum*, quod consistit in simplici cognitione, ac iudicio rei agibilis, seu bonitatis, vel malitiæ, seu amabilitatis, seu honestatis virtutis, & odibilitatis, seu turpitudinis vitii, & *practicum*, quod dictat honestatem, seu virtutem esse amandum, & turpitudinem, seu vitium esse fugiendum : rursus, istud subdividitur in *practicum simpliciter*, quod dictat sic in generali, quid agendum, amandum, & fugiendum in objectis : v. g. *virtus est amanda, vitium fugiendum* ; & *practicum particulare*, seu *ultimum*, quod dictat in particulari de singulis actibus attentis omnibus circumstantiis : v. g. hic & nunc orandum, hodie jejunandum, &c. Et hoc dicitur ultimum ; quia immediate ad illud se-

quitur determinatio voluntatis, quæ vult, aut non vult orare, aut jeiunare. Denique sunt alii actus *eliciti*, seu *directi*, alii *imperati*, alii ex utrisque participant, & ideo datur in anima actus, qui dicitur *imperium*, quatenus per illum actum sibi, aut aliis facultatibus præcipit usum, & executionem alicujus operationis circa objecta; v. g. cum voluntas sibi imperat efficaciter actum amoris Dei hic, & nunc; aut manibus aliquem motum; aut intellectui aliquam considerationem, aut studium; illi, quos sibi ipsi imperat, de utroque participant, scilicet de elicitis, & de imperatis: nam ab ipsamet imperante eliciuntur; alii verò, quos imperant intellectui, aut facultatibus tam internis, quam externis, sunt simpliciter imperati. Actus autem, quo jubentur, dicitur *imperium*: hi autem posteriores non sunt in se liberi, quia nec intellectus, nec illæ aliæ facultates sunt liberæ; sunt ergo liberi extrinsecè, & à libertate imperii, seu voluntatis liberè imperantis; priores verò sunt utrinque liberi; quia scilicet & liberè imperantur, & liberè exercentur.

Porro circa hos actus solet disputari, an imperium sit actus intellectus, an voluntatis, & in quo consistat. Item an per aliquos ex illis judiciis ex parte intellectus voluntatem determinet ad agendum, & an influat physicè in actus liberos ejusdem. Duas posteriores quæstiones decidimus negativè suo loco. Restat prima.

## CONCLUSIO

**A**D actum moralem non requiritur aliquod imperium ex parte intellectus, & si adest, non est actus intellectus, sed voluntatis: nec est actus distinctus à volitione efficaci finis, & electione mediorum. Ita Scotistæ cum D. Bonaventura, & aliis contra Thomistas, & alios, qui volunt adeste imperium, & illud esse actum intellectus.

Prob. 1. p. 1. ex Scoto, [1] & SS. Patribus, qui docent, voluntatem esse nobiliorem intellectu, quia hæc illi imperat. *Voluntas imperat intellectui; ergo voluntas est causa efficiens æquivoca intellectus.* Et

con-

[1] 4.d.49.q.4. n. 16.



confir. per D. Anselmum, qui docet, quod voluntas movet se contra iudicium aliarum potentiarum, & quod ipsa movet omnes alias secundum imperium suum. Et ex Aug. qui dicit, quod voluntas utitur aliis omnibus potentiis; usus autem sequitur imperium: quod superius dixerat etiam positivè: [1] Ille actus est actus voluntatis, cuius est imperare intellectui, & voluntati, & hoc imperio pertinente ad irascibilem, & potentiā aliquam habentem aliquid simile virtuti irascibili, &c.

Prob. 2. magis specialiter ex SS. PP. nam Aug. [2] voluntatem Dei vocat legem. In cœlesti republica, ubi Dei voluntas lex est: & explicans illud, [3] Fiat voluntas tua, ait, Quomodo menti nostræ placet tua jussio, sic ei consentiat caro nostra. Jussio, lex, præceptum, imperium, idem sunt, ergo si illa ex August. sunt voluntatis, ita & illud.

Prob. 3. ratione Scoti: quia voluntas imperat intellectui, non iste illi, quæ idè dicitur Imperatrix, & Regina in Regno animæ. Unde sic argumentor ex Fabro [4] nostro: Actus est illius potentie, à qua exercetur: sed actus imperii exercetur à voluntate, non ab intellectu; ergo imperium est actus voluntatis, non verò intellectus. Prob. min. imperium formaliter, & secundum substantiam est actus obligans inferioris conscientiam ad obediendum superiori: sed actus formaliter obligatorius non est actus intellectus, sed voluntatis; ergo imperium formaliter non est actus intellectus, sed voluntatis. Prob. maj. præcisā virtute obligandi, ab imperio, vel lege tollitur formalis ratio imperii, seu legis; præceptum enim, quod non obligat, non est præceptum, nisi nomine, & abusive: ideo imperium competit soli superiori, non æquali, vel inferiori: & in hoc differt à consilio, idè licet intellectus intimet mihi voluntatem alterius, quàm superioris, non erit præceptum, sed simplex locutio, nec inducit obligationem obedientiæ. Imò nec quælibet intimatio voluntatis superioris est imperium, nec præceptum, sed illa sola, quæ obligat me ad parendum. Quod autem sola voluntas obliget, videtur concedi ab omnibus; ejus enim solius est decernere.

B 6.

Prob.

[1] d. 14. c. 2. G. n. 5. [2] 2. de civ. r.

[3] c. 19. &amp; hom. 42. [4] de Penit. l. 9. n. 188.

Prob. 4. & simul confir. præcedens. Actus imperii est liber, non autem necessarius; sed actus intellectus non est in se liber, sed necessarius, & naturalis, ut patet ex dictis aliis, id competit solis actibus voluntatis, ergo imperium non est actus intellectus, sed voluntatis. Prob. maj. actus imperandi debet esse in potestate imperantis, qui velit hoc, & non illud, hoc, vel illo modo, & qui in præceptis sequitur regulas rectæ rationis, dicitur rectè imperare, & hoc imputatur ad meritum, vel demeritum; ergo imperium est actus liber, & in potestate imperantis; actus autem intellectus non est in se liber. Dico, *in se*; quia potest esse liber ex imperio voluntatis, quæ libera est.

Prob. 5. Si imperium esset actus intellectus, maxime pertineret ad 2. operationem, quæ est iudicium; sed iudicium non est imperium; ergo nec ullus actus intellectus, maj. patet, non enim est apprehensio simplex, nec discursus; illa nihil affirmat, aut negat, & iste solum asserit convenientiam unius iudicii, vel termini cum aliis; & imperium est potius consequens discursum, & conclusionem prudentiæ, ac Syllogismi practici. Prob. min. iudicium enim tantum dicit, *hoc faciendum est*, vel *non est faciendum*. Imperium verò dicit, *fac hoc*, vel *noli hoc facere*, vel *volo facias*, &c.

Prob. denique. Illi soli potentiæ adscribitur imperium in homine, cuius est dominari aliis; sed sola voluntas aliis potentiis humanis dominatur, & ipsa sola est libera, seu domina suorum actuum; ergo & sola imperat. Prob. min. nam aliæ omnes potentiæ obediunt volitionibus efficacibus voluntatis, non verò cognitionibus, aut iudiciis, ideo iudicante intellectu non esse furandum, tamen voluntate imperante furamur, ut diximus alias ex SS. PP. & patet experientia, quod sæpe *Videmus, quid agendum, & tamen nolimus agere*, inquit August. [1] Et, *Voluntas non sine ratione, tamen contra rationem potest eligere minus bonum*, ait S. Bern.

Objic. 1. Arist. [2] qui tribuit vim præceptivam prudentiæ: nam quæ præceptiva est, finis ipsius est, quid, nam sit agendum, aut non agendum præcipere. Idem docet Script. d. Sapiencia. *Per me reges regnant, per*

me

*me principes imperant*, &c. sed prudentia, & sapientia sunt virtutes intellectus; ergo & imperium.

Resp. dist. maj. prudentia, & sapientia sunt præceptivæ per modum consilii ostendentes, quid sit bonum, quid sit agendum, quid præcipiendum, atque etiam quid præcipiatur, & intimantes præcepta, conc. maj. quasi ipsæ præcipiant formaliter, & imperent, neg. maj. & cons. non negamus, quin requiratur ad imperium actus intellectus, qui dicet voluntati, quid bonum sit, & præcipiendum, & per quem hæc cognoscat quid præcipiatur: sed in neutro horum actuum consistit formaliter ratio imperii, sed tantum consultationis. Unde intellectus in homine faciem præbet, ut Consiliarius, voluntas decernit, & imperat ut Regina.

Inst. Præcipuus scopus legis est dirigere, & docere, juxta illud, *Lucerna pedibus meis verbum tuum*. Et, [1] *Lucerna mandatum est*, & *lex lux*: & Philosoph. dicit, quod ratio præcipit, & appetitus obtemperat; ideo comparat rationem pedagogo, cujus est instruere, & dirigere discipulum; ergo formale imperium est actus intellectus.

Resp. neg. cons. nam lex quidem utrumque facit, docet, & præcipit, illuminat, & ligat, sed vis præceptiva, & obligativa attenditur penes voluntatem superioris; nec tenemur conformari ejus cognitioni, sed voluntati. Aristoteles autem per rationem intelligit totam animam, & per appetitum facultates inferiores.

Inst. 2. Ipsa intimatio voluntatis superioris est formale imperium; sed hæc intimatio, seu notificatio est actus intellectus; ergo imperium formale est actus intellectus. Prob. maj. velle superioris, seu lex non obligat nisi cognitum; sed non cognoscitur, nisi per intimationem intellectus; ergo obligatio, seu formale imperium est in notificatione per intellectum.

Resp. neg. maj. & cons. prob. nam notificatio est quidem concomitans, & conditio necessaria, ut imperium obliget, sed non est formale imperium: requiritur quidem actus intellectus, seu cognitio imperii, ac legis ad hoc, ut obliget, & executioni mandetur præceptum: sed ille non præcipit, sicut præco legem publicans non est legislator.

Ob. 3. Ut se habet oratio inferioris ad superiorem, ita imperium superioris ad inferiorem; sed oratio est actus intellectus notificantis desiderium suum superiori; ergo & imperium notificans velle suum inferiori. Prob. maj. nam uterque actus consistit in notificatione desiderii orantis, & imperantis.

Resp. neg. min. formaliter enim oratio est petitio, & per consequens actus voluntatis: notificatio verò, seu oratio materialiter est actus imperatus à voluntate, quam oratio comitatur.

Objic. 4. Imperium exprimitur dicendo, *fac hoc*; sed id pertinet ad intellectum; ergo & imperium. Prob. min. talis expressio est conclusio Syllogismi practici; ergo pertinet ad intellectum, cujus est Syllogizare.

Resp. neg. min. & ant. prob. nam conclusio Syllogismi practici est, quòd hoc sit faciendum, v. g. *Deus est amandus*, &c. quod non sapit formale imperium, sed iudicium, consilium, & suasionem, cui potest voluntas non obedire, sed potius imperare contrarium aut sibi, aut aliis potentiis.

Quæres, an imperium sit actus distinctus ab intentione, & electione.

Resp. non distingui. 1. quia nulla est necessitas talis multiplicationis actuum. 2. quia posita volitione efficaci finis, & electione mediorum ad illum, sequitur facile executio tam ex parte ipsiusmet voluntatis, quantum ad illam spectat, quam ex parte aliarum facultatum absque ulteriori præcepto.

Igitur ad actuum moralium exercitium concurrunt, & sufficiunt hi actus. 1. notitia finis per intellectum. 2. eius intentio, seu volitio per voluntatem. 3. notitia, & consultatio mediorum. 4. electio eorundem. 5. ad electionem sequitur applicatio, seu executio per potentias, ad quas spectat, & hæc vocatur *usus*, estque actus voluntatis moventis illas ad actionem, seu prosecutionem finis per media electa, sive iste usus sit alter actus distinctus ab eadem electione, ut putant Thomistæ, sive sit indistinctus, ut probabilius est, ob eandem rationem. Saltem non videtur necessitas distinctionis; fortè tamen aliquando contingere potest per distinctos actus. Quoad intentionem autem, & electionem omnes conveniunt.

unt esse actus voluntatis, an distincti, an unus realiter; puto aliquando distinctis actibus voluntatem velle finem, & media eligere; aliquando unico, & eodem realiter, licet multiplici virtualiter: sed hoc longius discutere non est animus. Vide quæ dixi disput. de voluntate.

## QUÆSTIO IV.

*De libertate actus humani, & 1. de voluntario, an, & quid sit.*

**E**X definitione actus humani, & de mortalitate constat, quod debet esse deliberatus, hoc est à voluntate ex delectu operante, non verò coactè, nec cecè, sed cum debita consideratione, seu attentione circa finem, & consultatione circa media, quantum sufficit ad libertatis exercitium, & maxime ad imputabilitatem in præmium, vel poenam, in laudem, aut vituperium, ut patebit infra.

De voluntario principaliter agendum, quia ex ejus intelligentia pendet plurimum scientia moralitatis; nomen mutuatur à voluntate, à qua procedit, vel in qua subiectatur, aut quam respicit, imo & in latissima, & impropria significatione sumitur pro spontaneo, & eo omni, quod est juxta appetitum, atque inclinationem agentis; unde voluntarium idem ferme significat in ea latitudine, quod spontaneum; & sic lapis dicitur sponte descendere, & ignis sponte ascendere; quia inclinantur ad illos motus appetitu innato. 2. minus improprie utrumque dicitur de iis, quæ fiunt ex appetitu elicito in viventibus, maxime animalibus cum aliqua cognitione rei; & tale reperitur in brutis, in infantibus, & amentibus, dum appetant, & sumunt cibos, & alia bona convenientia illorum appetitui, & dicitur voluntarium imperfectum; sed 3. proprie dicitur de iis, quæ sunt à voluntate humana cum perfecta cognitione; & tale reperitur in solis hominibus ratione utentibus, & à fortiori in Angelis, & Deo.

Scotus [1] docet, quod voluntarium potest dici illud 1. quod est subiectivè in voluntate; vel 2. quod est

[1] Quod. 18. EE. n. 21.

*volitum à voluntate, vel 3. quod est imperatum à voluntate. i. primum non facit completè, quòd aliquid sit voluntarium, quia habitus potest esse in voluntate, & tamen voluntas non habet illum voluntariè, v. g. tristitia est in voluntate, sæpe tamen non est voluntaria. 2. dicitur voluntarium participativè; quia acceptatio ejus, ut objecti, est voluntaria, sed potiùs, & melius diceretur volitum, quàm voluntarium. 3. voluntarium propriè dicitur, quod est in potestate voluntatis, & sic dicitur 3. modo; voluntarium ergo debet dici illud, quod est causaliter à voluntate eliciente, vel imperante, licet per prius dicatur voluntarium illud, quod est elicium, quàm quod est imperatum.*

## CONCLUSIO I.

**V**oluntarium sufficienter describitur, quod à voluntate procedit, ut à suo principio intrinseco cum cognitione ejus, quod agitur. Ita communiter explicatur.

Et prob. 1. ex Phil. [2.] & Scoto, qui illud definit, quod est à principio intrinseco singula cognoscente, in quibus actio consistit seu, cujus in se ipso principium est sciente singula, quæ agit; involuntaria verò dicuntur, quæ per vim, vel ignorantiam perpetrantur, violentum autem est, cujus principium ab extra existit, in quo agens, vel patiens nihil confert. Nostra ergo descriptio voluntarii coincidit cum ista, illud principium intrinsecum est ipsa voluntas, quæ agit ex cognitione, seu per directionem intellectus finem propONENTIS, & medium, & circumstantias, quæ pertinent ad actum ejus. Scotus autem postquam descripsit involuntarium simpliciter illud, contra quod voluntas simpliciter remurmurat, dicit, quòd voluntarium potest intelligi tripliciter. 1. contra quod voluntas non omnino remurmurat, sed patienter sustinet. 2. quod voluntariè acceptat. 3. quod voluntariè causat velut causa partialis, & non intendens istum effectum, vel ut causa remota principalis intendens effectum. Nam in hoc ultimo sensu voluntarium est verè à principio intrinseco, & cognoscente singula, quandoquidem procedit cum intentione, quæ intentio est actus circa finem ut cognitum. Hæc enumeratio coincidit cum  
su-

[1] Quodl. 18. EE. n. 21. [2] 3. Ethic. I.

superiori; nam 1. voluntarium, quod voluntas patienter sustinet, est subjective in ea. 2. quod voluntarie acceptat, est objectum volitum, & 3. quod causat, est elicitedum, vel imperatum à voluntate; & istud est causaliter à voluntate eliciente, vel imperante, & habet propriam rationem voluntarii; ergo ex Scoto, voluntarium est, quod procedit à voluntate ut principio intrinseco, & quidem cum cognitione; quia ex eodem, *Proprium voluntarium proprie dicitur, quod est in potestate voluntatis*. Et sic dicitur 3. modo in potestate agentis, quod non esset sine cognitione finis, & circumstantiarum, *Nam quia actus est in potestate voluntatis sic, ut ipsa sit sui determinativa in alterutram partem contradictionis, seu ad agendum, vel non agendum, licet non nisi supposita intellectione, ideo per se est imputabilis agenti*.

Prob. 2. quia sic solet à Theologis, & Philosophis explicari, & in hoc sensu usurpari nomen voluntarii. Dicitur à voluntate, & sic convenit cum actibus omnibus etiam naturalibus, qui procedunt à voluntate; & sic differt ab illis spontaneis, qui procedunt ab inanimatis, ut motus ignis sursum, aut ab impetu sensitivo, ut in brutis; illi enim non sunt voluntarii. 2. ut à principio intrinseco, & sic distinguitur à violento, quod venit ab extrinseco; ut motus lapidis sursum, qui venit à projiciente. Incarceratio avium, & ea, quæ patitur voluntas, seu anima ab aliquo agente extraneo, v. g. à demone. 3. cum cognitione ejus, quod agitur, scilicet tam actus, & finis, quàm circumstantiarum: nam ad voluntarium non tantum debet cognosci actus, & res, quæ fit, sed etiam omnes circumstantiæ, quæ influunt moralitatem in aliqua specie bonitatis, aut malitiæ; v. g. ut furtum sit sacrilegium, debet cognosci furtum, & circumstantia loci, aut rei sacræ: unde puerorum actus, & amentium non sunt voluntarii in genere moris, quia non cognoscunt bonitatem, aut malitiam eorum; denique ignorantia impedit voluntarium, ut patet ex definitionibus Aristotelicis.

Hinc habes condiciones necessarias ad voluntarium. 1. ut actus sit à voluntate aliquo modo. 2. ut ab ipsa eliciatur, vel imperetur ut agente ab intra, & proprio motu. 3. ut sit cum cognitione finis, & actus.

Actus, ac circumstantiarum omnium, quæ induunt speciem aliquam bonitatis, aut malitiæ. 4. ut habeat annexam, vel consequentem delectationem aliquam; quia per illud appetitus expletur, nusquam enim magis delectamur, quam cum satisfacimus appetitui nostro, & agimus, quod volumus: unde Scotus dicit, voluntarium esse illud, *contra quod voluntas non omnino remurmurat.*

Objic. 1. Hæc definitio non convenit puræ omissioni; sed pura ommissio est voluntaria; ergo non convenit omni voluntario. Prob. maj. pura ommissio non est verè id, quod procedit; ergo hæc definitio non convenit puræ omissioni. Prob. ant. id, quod procedit elicitive, aut imperitive à voluntate, est aliquod ens positivum; sed ommissio non est ens positivum; ergo &c.

Resp. dist. min. Est voluntaria negativè, implicite, & interpretativè, conc. min. positivè, formaliter, & explicitè, neg. min. & dist. conf. non convenit omni voluntario tam positivo, quam negativo, & directe, conc. conf. indirectè, & reductivè, neg. conf. inde patet responsio ad probationes; nam sicut ommissio est negatio actus, ita est voluntaria non directe, & explicitè, nec positivè, alioqui non esset pura, sed importaret actum aliquem positivum, & in hoc sensu non convenit illi hæc definitio; sed sicut est voluntaria interpretativè, implicite, & indirectè, ita ei convenit definitio, saltem reductivè.

Inst. particula, *quod procedit*, habet locum generis in definitione; ergo debet convenire omni voluntario; nam genus est quid univocum ad omnia contenta sub definito; sed non potest convenire univocè voluntario positivo, & negativo; ergo vel illa particula non rectè ponitur, vel non convenit omissioni, quæ est voluntarium negativum. Prob. min. nihil convenit univocè enti, & non enti, sed illud genus supponit pro ente positivo, scilicet pro actu voluntatis, & ommissio est non ens; ergo non est genus univocum utrique.

Resp. dist. ant. Habet locum generis directe respectu voluntarii positivi, & indirectè, ac reductivè, & implicite respectu negativi, conc. ant. directe respectu utriusque, neg. ant. & conf. Per idem patet ad subsum.



sumptum, omissio procedit negativè à voluntate; seu est negatio actus positivi, quæ libera est voluntati, quatenus sic eam habet, ut posset eam non habere per actum illi oppositum; & quantum ad hanc libertatem, seu voluntarietatem convenit cum voluntario, & libero positivo, quod directè definitur.

Colligis ergo, *involuntarium* dici posse id, quod est in voluntate sine cognitione, aut ab extrinseco, qualis esset amor in ea productus à Deo solo, ut possibile diximus, & id, quod per vim, aut violentiam perpetratur. Violentum verò, cuius principium ab extra existit, seu in quo agens, vel patiens nihil confert.

## CONCLUSIO I.

**V**oluntarium, & liberum in aliquibus conveniunt, & differunt; nec enim omne voluntarium est liberum. Est communis inter verè Catholicos, & videtur de fide; loquor de libertate contingentiae.

Prob. 1. pars ex dictis, nam actui libero convenit tota definitio, & omnes conditiones voluntarii, est enim à voluntate, ut à principio intrinseco cum cognitione ejus, quod fit; nec in hoc est ulla difficultas. Patet ex Scoto, [1] apud quem aliquid dicitur voluntarium dupliciter; 1. contingenter, sicut voluntas nostra, quæ est libera contingenter ad actum aliquem eliciendum, vel oppositum positivè, vel privativè. 2. dicitur voluntarium necessariò, & sic secundum Arist. intelligentia movet Cælum voluntariè, & necessariò, non cum necessitate coactionis, sed necessitate complacentiæ. Tamen secundum fidem, & veritatem intelligentia, scilicet Deus, movet Cælum liberè, & contingenter; ergo ex Scoto voluntarium, & liberum conveniunt in aliquibus, & omne liberum est etiam voluntarium. Major difficultas est in 2. p. quidam enim hæretici, & alii confundunt voluntarium cum libero.

Prob. ergo 2. p. 1. ex-textu allato Scoti patet, voluntarium itare cum necessitate, non autem libertatem contingentiae.

Prob. 2. ex decretis Ecclesiæ; nam Pius V. Gregorius XIII., & Urbanus VIII. has duas propositiones,

Mi.

[1] 2. *Phy.* 9. 4. n. 5.

Michaelis Baji Doctoris Lovaniensis damnarunt, in quibus confundebat voluntarium cum libero: & necessitatem conciliabat cum libertate humana, quæ ad meritum, ac demeritum sufficiat, dicens 1. *quod voluntarie fit, etiamsi necessario fiat, liberè tamen fit*. 2. *sola violentia repugnat hominis libertati naturali*; sed non omne voluntarium opponitur necessitati, bene verò liberum contingens, seu morale; ergo ex decretis Ecclesiæ non omne voluntarium est liberum libertate morali. Min. patet ex dictis; nam Deus voluntariè se amat, non verò contingenter; ergo definitio voluntarii convenit tam necessario, quàm contingenti.

Prob. 3. ex SS. Patribus. *Latius patere deprehendimus, quod sponte fit*, ait Nicenus, [2] seu Nemefius, *Omnis enim electio sponte suscipitur, non etiam quid quid sponte suscipitur, electio est: Nam pueri, & bestia sponte quidem faciunt, non tamen eligentes . . . Itaque ex omnibus istis concluditur, non idem valere sponte factum, & electionem*; id est actionem liberam, ut explicat S. Tho. [3] sic habes totam conclusionem. Idem docet Sanctus Damasc. [4] *Pueri, & belluæ spontaneè faciunt, sed non eligentes, & quæ per iram facimus, sed non secundum electionem*. Spontaneum sumit pro voluntario; nam concludit, *Hæc siquidem omnia voluntaria ob voluptatem, quæ in ipsis est, non tamen secundum electionem, quia non sunt à consilio*: idem probant alii docentes, libertatem moralem consistere in indifferentia, & electione; quod non dicunt de omni voluntario.

Prob. 4. ex Phil. à quo Patres, & Theologi sumpserunt distinctionem electionis à spontaneo, seu voluntario. *Electio utique voluntarium esse videtur, non idem autem, sed in plus voluntarium. Voluntario enim & pueri, & omnia animalia communicant, electione autem non, & repentina voluntaria quidem dicuntur, secundum electionem autem non*. Fateor tamen, voluntarium, prout descripsimus illud, magis accedere ad libertatem, quàm actiones brutorum, aut puerorum, quatenus procedit à cognitione, & deliberatione; sed hæc conclusio est de voluntario ab-

se

[1] Propos. 39. & 66. [2] I. d. An. facul. c. 33.

[3] I. 2. 7. 6. 4. 3. [4] I. 2. de fide c. 24.

solutè; prout opponitur involuntario, seu violento, non prout opponitur necessario, vel coincidit cum contingenti. Alibi docet, quòd *sponte agimus multa, antequam consulemus*. Unde concludit, *Non ergo spontaneum eligibile, sed eligibile spontaneum*; in his ultimis verbis habes totam conclusionem nostram.

Prob. denique; nam voluntarietas præcisè non opponitur necessitati, benè verò libertas contingentia, seu moralis; ergo liberum, & voluntarium distinguuntur, adeò ut non omne voluntarium sit liberum. Prob. ant. quia amor Dei, quo se amat, & amor beatorum in Cælo est verè voluntarius; quia est à voluntate, ut à principio intrinseco efficiente cum plena cognitione, & tamen est necessarius, ut suppono ex dicendis; libertas verò contingentia est libertas à necessitate antecedenti; ergo &c. necessitas amoris beatifici oritur ex perfectissima cognitione, & habitu luminis gloriæ, & gratiæ consummate; necessitas verò amoris, & voluntarii in pueris, & amentibus oritur ex imperfectione cognitionis talis, qualis requiritur ad usum libertatis.

Objic. 1. Omnis, qui agit voluntariè, agit, quia vult; sed omnis, qui agit, quia vult, agit liberè; ergo omnis, qui agit voluntariè, agit & liberè; ergo voluntarium, & liberum idem sunt; & omne voluntarium est liberum.

Resp. dist. maj. quia vult, id est quia non agit nolens, seu invitus, conc. maj. & neg. min. quia id non sufficit ad libertatem contingentia, agit quia vult, ita ut possit non velle, seu non agere, neg. maj. & conf. nam ad libertatem moralem debet sic velle, ut pro eodem instanti, & in iisdem circumstantiis posset non velle in sensu diviso, ut loquitur Scotus.

Objic. 2. Voluntas ex August. aut libera est, aut voluntas non est; ergo quamdiu voluntas agit, semper agit liberè æquè ac voluntariè.

Resp. dist. conf. agit liberè, id est non coactè, conc. conf. liberè contingenter, seu libertate morali, neg. conf. Id patet ex dictis de pueris, & amentibus, qui agunt voluntariè, & non coactè, nec propterea liberè hac libertate, quæ ad moralitatem requiritur.

Igitur voluntarium ut sic dividitur 1. in necessarium, quod tale est, ut agens positis omnibus ad agendum

requisitis non possit non agere, vel non possit agere aliud: & *liberum*, quod tale est, ut agens possit iisdem circumstantiis, & requisitis ad agendum, in quibus agit, posset non agere. Fateor, *liberum*, & *voluntarium* sæpe confundi, & pro eodem sumi, sed improprie. Voluntarietas in agentibus intellectualibus posset quidem dici libertas essentialis, quam diximus stare posse cum necessitate, & opponitur tantum coactioni, seu violentiæ; & ideo dicunt Scotistæ, amorem Dei, quo se amat, & spirationem activam, & amorem beatificum esse liberum hac libertate; sed libertas moralis, quæ dicitur contingentia, opponitur non solum coactioni, & violentiæ, sed etiam necessitati, saltem antecedenti. Igitur *voluntarium* est illud, quod non ita est in potestate voluntatis, ut possit illud non agere. *Liberum* verò, quod est à voluntate, ut libera est, & indifferens ad agendum, vel non agendum, vel ad agendum contrarium; seu, ut loquitur Scotus, quod est in plena potestate voluntatis; & dicitur *voluntarium perfectum*.

2. Dividitur in *indirectum*, seu *negativum*, & *directum*, seu *positivum*. Istud est in se ipso, & immediate elicitum, vel imperatum à voluntate, & per actum positivum, ut amor, locutio &c. Illud verò non est in se volitum, sed sequitur ex alio, scilicet in causa, ut expulsio catapultæ prævidendo posse hinc provenire homicidium, tunc homicidium est voluntarium *indirectè*. Idem est de omissione, quæ cum sit negatio actus, non est in se directè, volita, sed indirectè, scilicet in aliquo, ex quo illa sequitur.

3. In *formale*, seu *explicitum*, & *virtuale*, seu *implicitum*, seu *interpretativum*. Illud consistit in actu elicitò immediate ab ipsa voluntate: istud verò sequitur ex aliquo actu, vel affectu directè volito. Sic dum decernis audire sacrum, & ex vi talis decreti accipis iter ad Ecclesiam, volitio est formaliter voluntaria, & explicitè; passus verò singuli, quos facis usque ad Ecclesiam, sunt voluntarii *virtualiter*, & *implicitè*. Similiter ommissio pura est voluntaria interpretativè.

4. In voluntarium *propria voluntate*, & *aliena*; primum procedit ab ipsa voluntate agentis formaliter, & expressè; ut cum propria voluntate jejunas, aut voves jejunium. 2. procedit à voluntate alterius, cui  
quam

tuam voluntatem commisisti: ut cum contrahis per procuratores; sic peccatum Adæ fuit voluntarium posteris ejus; quia Deus voluntates eorum omnium commiserat voluntati Adæ.

5. In *Elicitum*, & *imperatum*; illud immediate, & directè elicitur ab ipsa voluntate, istud verò elicitur vel ab alia facultate interna, vel externa per imperium voluntatis elicitum; vel ab ipsamet voluntate sibi per unum actu præcipiente alium; ut si ex amore in Deum amas proximum, primus amor imperat secundum.

6. In *actuale*, & *habituale*, illud est, quando de præsentī, & de facto cogitans, & advertens facis aliquid, v. g. conficis Sacramentum, aut cum actuali attentione recitas preces; istud verò quando aliquid facis non cogitans actu, & explicitè de actione, nec illa actio sequitur ex aliquo præcedenti, & explicitè volito; (tunc enim esset *virtuale*) sed tantum facis id ex aliqua consuetudine, & sic animo dispositus es, ut si adverteres, velles id ita fieri; v. g. si adverteres, te esse distractum in precibus, te ad attentionem componeres, & ad hoc necessarium est; ut aliquando explicitè volueris attentè orare, nec unquam retractaveris hanc voluntatem per volitionem contrariam; sic enim prima illa volitio censetur moraliter perseverare; sed quia non influit physicè, nec verè in orationem præsentem, nequidem mediata, per ullum actum connexum (alioqui esset attentio *virtualiter* voluntaria) ideò dicitur habitualis. Quod valde notandum est; nam hæc distinctio maxime examinatur in confectione sacramentorum quoad intentionem ad hoc necessariam.

Quæres, an divisio voluntarii in liberum, & necessarium sui generis in species propriè; seu an differant essentialiter, an verò accidentaliter.

Resp. quòd differunt accidentaliter. Ratio est, quia idem actus de libero fieri potest non liber, & vicissim de non libero liber absque ulla mutatione intrinseca in entitate actus: quod magis patebit infra.

## Q U Æ S T I O V.

An, & quæ sit libertas in homine.

**A**D pleniorẽ cognitionem voluntarii requisiti in actibus moralibus, dicendum de libertate, an sit, & quid sit; quandoquidem id non potuit dici in tr. de anima, ne nimium turgeret 4. Tomus.

Patet autem, voluntatem humanam esse liberam essentialiter, quia per hoc differt ab appetitu sensitivo, qui est potentia *naturalis*, seu potentia determinata ex se ad unum modum agendi, ut ignis ad comburendum, intellectus ad intelligendum, ita ut, quantum est de se, ille semper comburat, & ipse semper intelligat positis omnibus requisitis ad agendum; potentia verò *libera* de se est indeterminata ad opposita, ita ut positis omnibus ad agendum requisitis possit agere, vel non agere; sic voluntas est de se indeterminata ad volendum, aut nolendum, aut non volendum.

Notandæ sunt istæ voces *liberum*, *liberum arbitrium*, *arbitrium*, *spontaneum*, *voluntarium*, *contingens*, *necessarium*, & *coactum*, si enim confundantur, capi non possunt Philosophorum, & Theologorum placita in hac materia. 1. *liberum* est, quod sic habet actum suum in sua potestate, ut positis omnibus ad agendum requisitis possit agere, vel non agere, vel agere quodlibet ex contrariis. 2. *liberum arbitrium* idem significat, sc. voluntatem, quæ sic habet actum suum in sua potestate, sed connotat actum intellectus, cujus *arbitrium*, seu iudicium prærequiritur velut necessarium exercitio libertatis. 3. *Arbitrium* est iudicium, sicut *arbitrari* est iudicium suum proferre. Sic *liberum arbitrium* includit intellectum, & voluntatem, quia, inquit Scotus, [r] *libertas* est voluntatis, & *arbitrari*, seu *iudicare* de bonitate, aut malitia rei, & illam proponere amandam, aut fugiendam pertinet ad intellectum, cum voluntas non feratur in incognitum.

4. *Spontaneum*, *voluntarium*, & *liberum* sæpè confunduntur, sed in rigore distinguuntur; nam spontaneum

neum est universalius, & convenit actibus appetitus sensitivi brutorum æquè, ac voluntatis humanæ. Et adhuc convenit actibus puerorum, & amentium, in quibus non est propriè usus libertatis, sicut nec rationis, licèt agant per voluntatem. Hæc autem duo *spontaneum*, & *voluntarium* opponuntur *coactioni*, quæ est vis illata ab extrinseco. *Spontanea* enim, & *voluntaria* sunt, quæ fiunt à principio intrinseco secundum propriam agentis inclinationem.

Igitur *spontaneum*, *voluntarium*, & *liberum* conveniunt 1. in hoc, quòd sunt à principio intrinseco, non ab extrinseco vi inferente, & sic opponuntur *violento*. 2. quòd fiunt prævia cognitione objecti, & sic distinguuntur à *naturali*. Differunt autem, quia in *spontaneis*, & *voluntariis* non datur propriè electio, benè verò in *liberis*; nam appetitus potius ducitur, quàm ducat; non ita est de libertate.

Libertas hæc dividitur in libertatem *essentialem*, & *contingentia*. 1. consistit in simplici dominio voluntatis in suos actus, quatenus ad eos se ipsam determinat sive necessariò, sive contingenter, & hoc per modum inclinationis, seu delectabiliter, & complacenter, talis est libertas amoris Dei ad se ipsum, & Beatorum in cælo. 2. verò consistit in eo, quòd voluntas est sic domina sui actus, ut possit omnibus requisitis possit eum ponere, vel non ponere, aut ponere contrarium.

Rursus libertas hæc contingentia vel est *contrarietatis*, seu specificationis, quia est ad actus specie diversos, seu contrarios, ut ad amorem, vel odium, vel *contradictionis*, seu *exercitii*, quia est ad actum, vel negationem, seu omissionem ejus, ut ad amorem, vel non amorem, licèt non oderit per actum positivum.

Denique voluntas consideratur vel secundum appetitum innatum, quo fertur in bonum suum, sicut grave fertur deorsum, & leve sursum, vel secundum quod est potentia elicitiva sui actus, seu volitionum, & nolitionum suarum; sub 1. respectu non habet actus ullos elicitos, sed nudam propensionem in bonum; sub 2. sic elicit suos actus, ut posset non elicere.

50 De actibus humanis in genere  
aut elicere contrarios, & sic dicitur libera, seu do-  
minia suorum actuum.

Querimus ergo 1. an voluntas humana sit libera,  
2. qua libertate. 3. An libertas sit adeo propria vo-  
luntati, ut non pertineat etiam ad intellectum, sal-  
tem radicaliter. 4. an id voluntati competat, prout  
activa est, an ut passiva, &c.

## CONCLUSIO I.

**V**oluntas est verè libera libertate contingentiae,  
prout activa est 1. pars est communis, & de fide  
contra hæreticos. 2. est communior.

Prob. 1. ex Scoto. [1] Actus est in sola potestate a-  
gentis, & licet ad istam potestatem concurrant intelle-  
ctus, & voluntas, tamen illa indifferentia, qua pos-  
set non sic fieri illud, quod fit, & posset fieri illud, quod  
non fit, insensu sc. divisionis, ista, inquam, indiffe-  
rentia, seu indeterminatio in alteram partem non pot-  
est completè reduci, nisi ad ipsam voluntatem. Volun-  
tas sola habet indifferentiam ad contradictoria, & ta-  
tem, qua ipsa sit sola sui determinativa ad alterum  
eorum, &c. ergo ex Scoto, voluntas est sola plenè  
libera libertate contingentiae, seu indifferentiae, &  
id, prout est activa, seu prout se ipsam determinat ad  
agendum.

Prob. 2. ex Script. [2] Proposui vobis vitam, &  
mortem, benedictionem, & maledictionem; eligite,  
quod placet, &c. Item, [3] Apposui tibi ignem, &  
aquam, ad quod volueris, extende manum tuam.  
Item, [4] Deus dereliquit hominem in manu consilii  
sui. Et de homine iusto dicitur, [5] Qui potuit  
transgredi, & non est transgressus. Vide libertatem  
activam sc. ad eligendum, ad agendum benè, aut  
malè.

Prob. 3. quia definitum est, in nobis esse liberum  
arbitrium à Deo motum, & excitatum cooperari Deo  
excitanti, & sic se preparare ad obtinendam gratiam  
iustificationis, & posse dissentire gratiae vocanti, si ve-  
rit, & non se habere omninò passivè, sed vere agere,  
&c. Si quis dixerit, liberum hominis arbitrium post  
Adā

[1] Quodli. 18. M. n. 9. [2] Dent. 4. [3] Jos. 24.  
[4] Eccl. 24. [5] Eccl. c. 5.



*Adæ peccatum amissum, & extinctum, aut non esse in potestate hominis vias suas facere malas, &c. Anathema sit.* Idem [1] definierat Concil. Arausic. [2] ergo voluntas libera est ad agendum.

Prob. 4. ex SS. Patrib. *Aut voluntas non est, aut libera dicenda est*, ait August. [3] *Potest quidem mutari voluntas, sed non nisi in aliam voluntatem, ut nunquam amittat libertatem*, inquit Bernar. *Tanta ergo non potest illa privari, quia nec se ipsa, sicut enim impossibile est, de se ipsa sibi non obedire, sic etiam impossibile est sua privari libertate.* Et sic de aliis.

Prob. 5. quoad 1. p. quia homo per suam voluntatem habet dominium suorum actuum, ut patet experientia, & textibus citatis ex Script. & Conciliis; & per hoc dominium potest agere, vel non agere, vel agere contraria; sed in hoc consistit tota hæc libertas; ergo &c. qui negaret experientiam, esset virgis, aut baculo excipiendus, donec fateretur, vapulationem posse cessare, vel omitti, inquit Doctor.

Prob. 2. p. De ratione libertatis est, ut id, quod dicitur liberum, sit in ejus potestate; sed ea, ad quæ voluntas est merè passiva, non sunt in ejus potestate; ergo non est libera ut passiva, sed ut activa. Prob. min. ex Scoto, [4] Passio non est in potestate patientis, & maxime quando est ab agente naturali; nam patiens non patitur, nisi qua agens agit, & prius est agens agere, quam patiens patiatur; sed prius non est in potestate posterioris, nec ab illo dependet; ergo passio non est in potestate patientis; ergo voluntas non est formaliter libera ut passiva, nec ad ea, ad quæ se habet merè passivè.

Confir. ex Concil. Trid. [5] dicente, hominem se disponere ad gratiam libere assensiendo, & cooperando gratiæ Dei, ita ut neque homo ipse nihil omnino agat, nec merè passivè se habeat; ergo etiam respectu actuum supernaturalium ex gratia voluntas est libera, ut activa. De hoc fusiùs aliàs.

Objic. 1. Scriptura [6] videtur non agnoscere in nobis libertatem ad bonum, & malum, cum dicit, [7] *bene, aut male facite, si potestis*; ergo &c.

C 2

Resp.

[1] SS. 9. can. 4. 5. & 6. [2] Can. 13.

[3] 1. Retrac. c. 9. [4] 2. d. 25. A. n. 6.

[5] SS. 6. c. cap. 3. [6] Isa. 41. [7] Ps. 13.

Resp. neg. ant. nec enim hic est sensus scripturæ qua hæretici abutuntur, hæc verba diriguntur ad idola mortua, & insensibilia, non ad homines; *illa os habent, & non loquuntur*, bene verò homines.

Objic. 2. ex Aug. *homo male utens libero arbitrio & se, & ipsum perdit*; sed Adam per peccatum male usus est arbitrio; ergo istud perdidit; ergo post peccatum Adæ non remansit in homine libertas arbitrii.

Resp. dist. ant. perdidit ipsum arbitrium infirmando, debilitando, con. totaliter, neg. ant. nec enim id prætendit Aug. sed tantum, quod debilitatum est per peccatum, ita ut non sit ita sana, & robusta voluntas, nec libertas ad faciendum bonum, & vitandum malum, nisi fortiori juvetur gratia. [1] *Peccato Adæ liberum arbitrium de hominum natura perisse non dicimus, sed ad peccandum valere in hominibus subditis diabolo, ad bene autem, pique vivere non valere, nisi ipsa voluntas hominis Dei gratia fuerit liberata, & ad omne bonum adiuta*, inquit ipse August.

Objic. 3. Libertas contingentis est facultas, quæ positis omnibus ad agendum requisitis, voluntas potest agere, vel non agere, sed talis facultas non est in nobis; ergo nec libertas. Prob. min. Concursum est unum ex requisitis, sed, posito concursu Dei, voluntas non potest non agere, ergo &c.

Resp. neg. utramque min. concursus enim Dei nullam imponit necessitatem, sed est accomodatus libertati nostræ, ut diximus in Physicis.

Objic. 1. con. 2. p. Voluntas est libera ad actus supernaturales, v. g. charitatis; sed ad illos actus voluntas non habet indifferentiam activam, sed pure passivam; ergo ad libertatem sufficit indifferentia passiva. Maj. patet ex Concil. Trid. [2] cit. prob. min. actus illi fiunt immediate à sola gratia; ergo voluntas non concurrat ad illos active, sed passive tantum. Prob. ant. ex Script. *non volentis, neque currentis, sed misereantis est Dei*. Item, *Quicumque spiritui Dei aguntur*; sc. voluntas non agit, sed agitur; ergo &c. Confir. ex SS. Patribus: nam Chrysost. [3] versans illud Apostoli, *Non sumus sufficientes cogitare*

[1] 2. duas ep. Pelag. c. 5. [2] Ro. 9. & 8. [3] ho. 22. de humil

*tare aliquid, &c.* dicit, *Planè non fiduciam habemus, ut partim sit nostrum, partim sit Dei, sed totum illi tribuimus* ergo actus illi sunt totaliter à Deo quamvis liberi.

Resp. neg. maj. 1. argum. & ant. 2. & conf. illatas ex textibus Script. & PP. nam in tantum illos actus soli Deo tribuere videntur, quia sunt principaliter ab eo ut excitante, adjuvante, & operante, imò & dat ea, quibus nos ipsi cooperamus, sed tamen sunt toti à Deo, & toti à nobis, & singuli in suo ordine.

Objic. 2. Receptio gratiæ est libera voluntati, sed ad illam se habet merè passivè; ergo ut passiva est etiam libera.

Resp. dist. maj. Receptio gratiæ sanctificantis est libera objectivè, con. formaliter, & elicitive, neg. maj. Et de gratia actuali est absolutè falsa. Illam operatur Deus in nobis sine nobis, & hæc facit, ut velimus: receptio verò sanctificantis est libera objectivè, quatenus illam optamus, & nos ad eam disponimus libere cooperando gratiis actualibus.

Objic. 3. Datur pura omissio, & suspensio actus libera; sed tunc voluntas nihil agit; ergo est libera sine activitate.

Resp. 1. quòd sicut tunc nihil agit, ita nec patitur. 2. dist. min. nihil agit, sed potest agere, con. nihil agit, nec potest agere, neg. min. & conf. nam ideo omissio pura est libera, quia sic eam habet voluntas, ut posset non habere, faciendo id, quod omittit.

## CONCLUSIO II.

**L**ibertas formalis est in sola voluntate, non autem in intellectu, nequidem radicaliter. Est communis contra Thomistas ponentes eam radicaliter in intellectu, & completivè tantum in voluntate.

Ut autem vitetur quæstio de nomine, nota, quòd in duplici sensu dici potest, libertatem esse radicaliter in intellectu. 1. quia voluntas non exercet suam libertatem, maxime contrarietatis, nisi objectum ei repræsentetur ab intellectu bonum, aut malum. ita ut illa repræsentatio sit velut applicatio objecti ad potentiam, & occasio, seu conditio, sine qua voluntas non ageret, quia est potentia cæca, & non

fertur in incognitum. Et hoc sensu non negamus, libertatem esse radicaliter, seu occasionaliter in intellectu, & de hoc non est quaestio. 2. sic intelligi potest, ut indifferentia ad amandum, vel non amandum dependeat saltem radicaliter ab actu, quo intellectus repræsentat objectum ut amandum, vel odiendum, ita ut voluntas non possit non amare, si intellectus dicat esse amandum; uno verbo, sic dependeat à judicio practico intellectus, ut debeat necessariò se illi conformare, & facere, vel omittere, quod ille dicat faciendum, vel omittendum, & hoc sensu negamus, libertatem voluntatis dependere, & esse radicaliter in intellectu. Et hoc

Prob. 1. ex Scoto [1] cit. quia nihil aliud à voluntate est causa totalis volitionis in voluntate, & libertas non potest esse in intellectu, quia hic agit modo maxime naturali ... ergo intellectus non est causa indeterminata alicujus effectus, sed determinata; ergo non est in eo libertas. Nam liberum, & determinatum opponuntur. Liberum est indifferens, & indeterminatum quoad specificationem, vel exercitium, vel quoad utrumque; sed intellectus utroque modo est determinatus; ergo neutro modo est indifferens, nec liber. Prob. min. si esset indifferens quoad specificationem, proposita illi per sensum specie ignis, posset intelligere aquam, & si esset indifferens quoad exercitium, posset non intelligere; sed utrumque est falsum, & contra experientiam; ergo &c.

Confir. quia, ut diximus in Philosophia, intelligere formaliter est quoddam pati; sed passio non est in potestate patientis; ergo nec intelligere in potestate intellectus.

Prob. 2. Si ullus actus intellectus esset ei liber, maxime judicium; sed hoc non est ei liberum; ergo nullus actus est liber intellectui, saltem formaliter. Maj. est certa ex adversariis, qui eam libertatem ponunt in judicio proponente objecta ut fugienda, vel amanda sub diversis rationibus, & certè in apprehensione non potest esse indifferentia, cum maxime pendeat ab objecto immittente speciem. Prob. min. non est in potestate intellectus facere, ut propositio sit vera, vel falsa, nec ut conclusio sit bona, aut mala, repræ-

sentat

sentat enim objecta, qualia sunt, vel apparent; non potest judicare rem bonam, si appareat mala, nec malam, si appareat bona, & si repræsentat eam ut indifferentem, id non facit pro libitu, sed quia hæc in se talis apparet; ergo nulla indifferentia formalis est in intellectu; ergo tota est in voluntate.

Objic. 1. Potentia libera debet cognoscere objecta, inter quæ potest eligere; sed cognitio est in intellectu; ergo & libertas.

Resp. dist. maj. Cognoscere per se, vel per alium; con. per se ipsam, neg. maj. & conf. sufficit, quod objecta cognoscantur per intellectum, qui ea proponat voluntati, ut eligat.

Inst. Potentia libera debet posse se determinare; sed potentia, in qua non est formaliter cognitio, non potest se determinare; ergo nec est libera. Prob. min. electio est ex cognitione; ergo potentia, in qua non est formaliter cognitio, non potest se determinare.

Resp. neg. min. & conf. prob. Nam requiritur quidem cognitio, sed non ipsa in potentia eligente, sufficit, quod adsit in intellectu.

Objic. 2. Ibi est libertas, ubi est principium domini in actus suos, sed illud principium residet in intellectu; ergo & libertas. Prob. min. ad perfectum dominium requiritur, ut potentia judicet, dirigat, & imperet, sed directio, judicium, & imperium spectant ad potentiam cognoscitivam; ergo & principium domini in actus suos.

Resp. neg. utramque min. nam directio per modum imperii spectat ad solam voluntatem, judicium verò ad intellectum, sed istud non est formaliter dominium, licet ei præsupponatur: & sic dirigit iudicando, non autem jubendo.

Objic. 3. ex Arist. [1] desiderium, & electio oriuntur ex Consilio, sed consilium, & judicium sunt in intellectu; ergo & radix electionis, seu libertatis.

Resp. dist. maj. Oriuntur ex consilio, quasi ex conditionibus prærequisitis ad illos actus, con. quasi ex principio elicitive, seu effectivo, neg. maj. & conf. cognitio boni absentis prærequiritur ad desiderium, & consultatio ad electionem mediorum, sed tam desiderium, quam electio sunt à voluntate.

C 4

Inst.

[1] 2. Ethic. c. 2. &amp; 3.

Inst. Ideò voluntas dicitur *liberum arbitrium*, quia per judicium proponuntur ei media eligenda; ergo libertas voluntatis radicatur in judicio intellectus.

Resp. neg. conf. quia illa dependentia electionis à judicio non est velut à principio, sed ut à pura conditione, & ideò non est vera radicatio physica, nec metaphysica libertatis, nec intellectus repræsentat ea media eligenda, ut indifferentia pro libitu suo, sed quia talia sunt in se, nec potest aliter ea repræsentare, quàm ut cognoscit; ergo tota libertas electionis est in voluntate.

Inst. 2. Libertas contingentia in Deo non venit ex indifferentia voluntatis, sed judicii: qui judicat objecta creata indifferentia; ergo ita est in nobis. Prob. ant. indifferentia, & determinatio esset imperfectio in voluntate Dei, quia diceret potentialitatem; ergo &c.

Resp. neg. ant. & rationem ejus. Nam libertas in Deo nihil aliud dicit, nisi quòd quæ vult contingenter posset non velle, & quæ non vult, posset velle; quod non importat potentialitatem physicam, nec imperfectionem, sed maximam perfectionem, sc. libertatem.

Inst. 3. Si judicium non est indifferens, voluntas erit determinata ad unum, non autem libera; ergo ejus libertas venit ab intellectu, sc. ab indifferentia judicii. Prob. ant. si judicium proponit objectum determinatè ut bonum, & amandum, voluntas determinatur ad amorem, ut patet in motibus primò primis, qui ideò non sunt liberi; ergo &c.

Resp. neg. ant. & prob. ejus; nam licèt voluntas non possit odisse rem sibi propositam ut bonam purè sine malitia, potest tamen non amare ob libertatem exercitii, & contradictionis. Motus autem primò primi, qui sunt indeliberati, non sunt in voluntate, sed in appetitu animali. Ideò non video, quòd sint peccata, inquit Doctor, [1] quia præcedunt omnem actum voluntatis.

Inst. 4. Etiam ad libertatem exercitii requiritur judicium indifferens; ergo nulla solutio. Prob. ant. libertas exercitii est circa actum, vel omissionem ejus; sed voluntas non est indifferens ad actum, vel  
omiss.

[1] 2. d. 42. R. n. 19.

omissionem ejus, v. g. ad amorem, vel non amorem, nisi intellectus utrumque proponat sub aliqua ratione bonitatis; ergo etiam ad libertatem exercitii requiritur judicium indifferens. Prob. min. voluntas non est indifferens ad specificationem, v. g. ad amorem, & odium, nisi utrumque ei proponatur ab intellectu; ergo ita est de amore, & non amore.

Resp. neg. ant. 1. argum. & min. 2. & cons. 3. nam ad puram omissionem amoris, v. g. circa bonum creatum non requiritur ullum motivum positivum distinctum à libertate voluntatis. Et lata est disparitas de amore, & odio in libertate specificationis; nam ad omnem actum positivum voluntas debet moveri ab objecto, & ideo objectum debet cognosci ut odibile, non verò ad negationem actus.

Objic. 4. Bonitas, vel malitia actus augetur, vel minuitur in voluntate ex majori, vel minori libertate, & hæc ex majori, vel minori cognitione bonitatis, aut malitiæ objecti; ergo libertas pendet à cognitione intellectus, & in eo radicitur. Ant. patet ex illo Axiomate; *Sicut se habet magis ad magis, ita simpliciter ad simpliciter*. Prob. ant. ex omnium consensu, si advertentia non est plena, ita nec libertas; ergo libertas augetur, vel minuitur ex majori, vel minori cognitione.

Resp. 1. neg. cons. & ratio ejus non est universaliter, & absolutè vera. Nam actus pendet partialiter ab habitu, & potentia, & quò intensior est habitus, eò etiam est intensior actus, & tamen actus nunquam potest esse simpliciter ab habitu sine potentia. Sic licet malitia crescat ex majori cognitione mali, non sequitur, quòd possit esse tota à cognitione.

Resp. 2. dist. ant. & maj. prob. augetur libertas accidentaliter, & extrinseca, con. essentialiter, & intrinseca, neg. ant. & maj. prob. malitia actus intrinseca, & libertas pariter intrinseca venit à voluntate, quæ magis vult malum cognitum; cognitio verò est circumstantia, & conditio, sine qua malitia, & deordinatio illa non esset tam voluntaria: sicut actus ignis eò fortior est, quò major applicatio, & tamen illa applicatio non dicitur principium radicale actionis; ita est de cognitione respectu actuum voluntatis, quæ non amat, nec odit res, nisi applicatas per cognitionem.

## CONCLUSIO III.

**L**ibertas est adeo essentialis voluntati, ut non possit physice violentari ad actus elicitos, bene verò moraliter.

Dico, ad actus elicitos. Nam si volitiones, & no-  
litiones possint produci à solo Deo in voluntate merè  
passivè se habente, ut dictum est de intellectionibus,  
certum est, quòd tales actus non erunt liberi volun-  
tati. Loquimur ergo de actibus ab ipsa eliciendis, &  
dicimus, eam non posse cogi ad eliciendos. in se ullos  
actus positivos, bene verò impediri, ne eliciat, &  
tunc omissio non esset libera. Hoc supposito.

Prob. 1. ex Scoto. [1] i. p. *Contradictum est volunta-  
tem simpliciter cogi ad actum volendi, quia violentum  
est, cuius principium est extra, non conferente vim pas-  
so, seu quod est totaliter à principis extrinseco, & contra  
inclinationem passivi. Sed velle non potest sic inesse volun-  
tati, quia tunc nolens vellet, & volens nollet, quod est  
contradictorium; ergo ex Scoto [2] implicat, quòd vo-  
luntas possit cogi ad volitionem eliciendam.*

Prob. 2. ex SS. Patribus, quos ipsemet Doctor [3]  
citatur. *Nihil tam in nostra potestate, quam ipsa volun-  
tas est; (sc. actus voluntatis elicitus) quod si fieri non  
potest, ut dum volumus, non velimus, adest utique  
voluntas volentibus, nec aliud quidpiam est in potesta-  
te, nisi quod volentibus adest, ait August. [4] ergo  
ex Patribus libertas à coactione ad actus elicitos sic  
essentialis est voluntati, ut non possit ea privari.*

Prob. 3. Voluntas non potest agere contra naturam  
suam; sed modus agendi coactè est contra naturam  
voluntatis; ergo non potest sic cogi. Maj. patet, nam  
ignis non potest agere per modum aquæ, nec aqua per  
modum ignis, quia modus agendi naturalis venit à  
propria rerum forma. Prob. min. 1. ex August. [5]  
dicente, quòd libertas est tam propria voluntati, quam  
gravitas lapidi, *Motus voluntatis similis est illi motui,  
quo deorsum lapis fertur. . . veruntamen in eo dissimilis,  
quòd in potestate non habet lapis cohibere motum, quo  
fertur inferius, animus verò dum non vult, non ita move-*

*tur.*

[1] 4. d. 29. B. n. 6. [2] 1. d. 1. q. 4. n. 18. [3] l. 3. de lib. ar.  
c. 17. & 1. [4] Retra. c. 9. [5] 16. d. c. 1.



*2.* quia differentia formalis voluntatis ab intellectu consistit in hoc, quod iste agit naturaliter, & illa liberè, 3. quia causa naturalis non potest agere liberè; ergo nec libera potest agere naturaliter, seu coactè.

Prob. 4. Non potest dici, quomodo sic posset cogi; ergo nec quod sit possibile. Prob. ant. non potest cogi nisi à Deo vel per se immediatè, vel per creaturam; v. g. per qualitatem physicam prædeterminantem; sed neutro modo id potest fieri; ergo nullo. Prob. min. 1. si per se, id faceret per concursum extraordinarium, & prædeterminantem; nam ordinarius non prædeterminat; sed hoc dici non potest; ergo Deus id per se non potest facere. Prob. min. quia concursus, ut concursus, essentialiter connotat concursum alium ex parte creaturæ, & condeterminationem sibi connaturalem; ergo concursus Dei qualiscumque non induceret coactionem, quia supponeret semper voluntatem connaturaliter, id est liberè concurrentem. 2. non per qualitatem prædeterminantem; tum quia si Deus per seipsum id non potest facere, ita nec per causam ullam secundam; tum quia si qualitas illa se sola produceret volitionem, iam voluntas non ageret, sed se haberet merè passivè, & sic non est ad propositum, si verò voluntas coageret; ergo liberè, quia vellet agere, tum 3. quia nulla actio creaturæ habet maiorem efficaciam, quàm decretum, & concursus Dei; ergo si ille non cogit, multò minùs illa id poterit; tum 4. quia omnis actio creaturæ habet effectum contingentem; ergo ab ea non potest venire necessitas.

Prob. 2. p. quia necessitas moralis est ea, qua fit, ut in aliquibus circumstantiis voluntas absolutè, & physicè possit quidem resistere gratiæ, & voluntati Dei, & non agere; sed tamen adeò efficaciter inclinatur, & trahitur, ut infallibiliter velit, & consentiat; sed talis necessitas induci potest in voluntatem; ergo hæc potest cogi moraliter ad actus elicitos. Prob. min. nam de facto sic necessitatur voluntas beatorum ad amorem per præsentiam objecti beatifici, & sic accidit quandoque viatoribus quibusdam per gratias efficacissimas.

Obijc. 1. ex Script. *Voluntati Dei quis resistit*; ergo

Deo volente ut velim, etiam contra inclinationem meam, id erit, alioqui Deo resisterem; & ille non esset omnipotens.

Respond. neg. conf. Nam cum Deus non possit velle contra rerum essentiam, non potest velle, ut nolens velim; si facit, ut velim, non facit violentiam.

Objic. 2. Potest Deus causare, & conservare in anima talem cognitionem objecti, & tam determinatæ bonitatis, ut nulla maneat indifferentia in voluntate ad illud volendum; ergo tunc determinabitur ad volendum. Prob. conf. voluntas non potest nolle objectum, in quo nullum repræsentatur motivum notationis; ergo necessario illud volet.

Resp. neg. conf. utramque, nam si non possit nolle, saltem poterit non velle, propter libertatem contradictionis. Ita est de objecto, quod repræsentaretur purè malum, quia licet non posset illud amare, saltem posset non odisse.

Inst. Deus posset negare concursum suum in 1. casu ad ullum actum præterquam ad amorem, & in 2. ad solum odium, & negare concursum ad suspensionem amoris, vel odii; ergo in 1. non posset non amare, & in 2. non posset non odisse.

Resp. neg. conf. tum quia si tunc amaret, vel odiret, id faceret liberè, quia vellet, tum quia non requiritur concursus ad non agendum.

Objic. 3. Concilia, & Patres non arguunt hæreticos, qui negant libertatem ex impossibilitate eam tollendi, sed ex dispositione justitiæ, & sapientiæ, quas non decet punire, nec præmiare actus involuntarios; ergo non putant, coactionem esse impossibilem.

Resp. neg. ant. Patet enim ex discursu cit. S. Aug. contra Pelagianos, qui negabant liberum arbitrium, quòd illa necessitas repugnat voluntati, & quòd libertas est illi essentialis, &c.

Inst. Aug. docet, [1] Deum posse vertere voluntatem in bonum contra inclinationem, quam habet in malum. Quis tam impie desipiat, ut dicat, Deum malas hominum voluntates, quas voluerit, ubi voluerit, in bonum non posse convertere? ergo sentit, Deum posse cogere voluntatem.

Resp. neg. conf. Nam ad hoc sufficit, quod Deus possit

[1] Enchi. c. 98.

possit ita flectere voluntatem in bonum, ut velit illud, & per consequens liberè, & necessitas erit moralis, non physica, de qua loquimur.

Objic. 4. Volitio finis necessitat ad electionem mediorum; ergo necessitas non repugnat voluntati ad actus elicitos. Prob. ant. qui vult finem, vult necessariò media.

Resp. neg. conf. Nam volitio efficax finis est etiam volitio mediorum, saltem implicita, & sic nulla est ibi necessitas ab extrinseco, de qua loquimur.

Ob. 5. ex Scoto. [1] Si Deus ageret necessariò ad extra, tolleretur contingentia in creaturis; ergo & libertas voluntatis, quia non minùs influit, & potest in voluntatem, quàm in alias causas; ergo voluntas posset necessitari ad agendum.

Resp. dist. ant. Tolleretur contingentia proxima, & actualis, con. remota, & essentialis, seu aptitudinalis, neg. ant. non enim impediret, quin creaturæ essent ex natura sua contingenter activæ, quia non mutaretur earum essentia, sed quia activitas earum proxima, & actualis pendet à concursu Dei, si iste esset necessarius, ita & illa.

Resp. 2. neg. conf. quia si Deus ad extra ageret necessariò, ageret ad extremum potentix suæ, & sic se solo faceret, quidquid nunc facit cum creatura, & sic ista nihil ageret, sed non propterea tolleretur libertas intrinseca.

Resp. 3. neg. eandem conf. quia si non esset libertas in Deo, neque esset in creatura, in qua nulla perfectio esse potest, quæ non sit in Deo, & sic corrumpitur fundamentum argumenti; supponimus enim, voluntatem esse de facto liberam.

## CONCLUSIO. IV.

**N**on omnis libertas opponitur necessitati, libertas essentialis; & dominii stat cum necessitate, & opponitur soli coactioni; libertas sola contingentia opponitur necessitati. Ita Scotistæ.

Libertas autem dominii, seu essentialis est illa, quæ agens sic est dominus suæ actionis, ut seipsum determinet ad agendum, licet actionem cohibere non possit,

[1] 1. d. 2. q. 2. R. n. 20.

fit, & dicitur *essentialis*, quia sequitur naturam voluntatis, ut dicebamus supra; libertas verò contingentia est, quia agens sic se determinat ad agendum, ut posset non agere, vel agere opposita.

Item duplex est necessitas, ex Scoto [1] 1. *prævia*, seu *antecedens*, quæ sic determinat voluntatem ad actum, ut illa non habeat hujus dominium, & sic voluntas non agit, sed agitur; ideo non est libera, 2. *concomitans*, quæ non cadit in voluntatem *antecedenter*, nec ab extrinseco illi imponitur, sed à seipsa, dum elicit actum suum, & perseverat in illo. 1. destruit omnem libertatem. 2. verò non impedit libertatem dominii, sed tantum contingentia. Hoc supposito

Prob. 1. ex Scoto [2] quoad 1. p. Cum necessitate ad volendum stat libertas in voluntate. Et id probat ex August. Oportebat prius hominem fieri, ut posset bene velie, & male, nec gratis, vel frustrà, si bene, nec impunè, si malè, postea verò sic erit (sc. in Cælo) ut malè velle non possit, nec ideo libero carebit arbitrio, multò quippe liberius erit arbitrium, quod omninò non poterit servire peccato. Item ex Anselmo, Quia voluntas divina necessariò vult bonitatem suam, & tamen in volendo eam est libera. Et consistere dicit eam libertatem in eo, quòd delectabiliter, & eligibiliter elicit actum suum, & permanet in actu. Est ergo libertas à coactione, seu à necessitate antecedente, quia excludit determinationem ad agendum, quæ veniat ab extrinseco, & antecedente; non est autem libertas à necessitate concomitante, quia est necessitas, quam Deus sibi imponit per actum suum proprium, & dicitur dominii. 1. captivat voluntatem, cum sit antecedens, & permittit ei dominium sui actus, 2. verò, quam sibi imponit voluntas, non tollit illud dominium, sed potius est exercitium illius dominii, quod exercet per actum suum, dum agit eligibiliter, & delectabiliter.

Prob. 2. p. ex dictis: nam ex omnium sensu, necessitas non patitur indifferentiam ad agere, vel non agere; ergo opponitur libertati contingentia, quæ consistit in illa indifferentia.

Objicies 1. con. 1. p. Si libertas vera staret cum aliqua necessitate, actiones liberæ non differrent à natu-

[1] Quodlib. 16. N. 10. [2] Ibid. K. 8.

naturalibus ; sed consequ. est falsum ; ergo & quod libertas vera stet cum ulla necessitate. Prob. maj. tam dici potest, quod motus lapidis deorsum sit à forma ejus intrinseca, sc. à gravitate, quam ulla talis volitio à voluntate ; ergo tam ille motus esset liber, quam illa volitio..

Resp. neg. maj. & cons. prob. & Scotus [1] dat disparitatem, quia *lapis est lapis, & gravis est gravis, voluntas verò est voluntas*. Sc. modus agendi eorum venit à formis eorum specificis, & formæ illæ sunt 1. & essentialiter distinctæ ; nec aliunde petenda est ratio, cur unum sic, aliud verò sic agat, aut moveatur, quam ex formis, & naturis singulorum. Unde *voluntas nunquam est principium agendi naturaliter ; quia esse activum naturaliter, et esse activum liberè sunt primæ differentiæ principii activi, et voluntas est principium activum liberè, quia est voluntas, &c.* Sic non est alia ratio, quare hoc habeat talem modum agendi, puta, naturaliter, vel liberè, nisi quia est tale principium activum, sc. naturale, vel liberum.

Hoc notare placuit ex Scoto, ut capiatur doctrina ejus de libertate tam in Deo, quam in creatis. Videbimus autem infra, quod ad meritum, vel demeritum non sufficit hæc libertas, sed requiritur libertas contingentiae. Per idem patet, quod nequidem cum prædeterminatione physica, ) saltem ut solet explicari ) non staret libertas contingentiae ; quia si imponatur aliquam necessitatem, illa erit prævia, seu antecedens, & ab extra.

Denique libertas contingentiae est propria homini viatori, libertas verò dominii, & essentialis est generalissimus gradus libertatis communis voluntati divinæ, & creatæ, per quem agens liberum primò dividitur à naturali..

## CONCLUSIO I.

**V**oluntas non cessat esse libera ad actum pro primo instanti, quo illum habet ; seu non cessat esse libera in ipso exercitio suæ libertatis. Ita Scotistæ, & alii. Sed ut melius capiatur.

Suppono, voluntatem spectari posse in triplici statu.

(1) *Ibid. n. 15.*

statu 1. in actu primo remoto, sc. prout est potentia de se indifferens ad agere, vel non agere, estque *libertas remota*. 2. in actu primo proximo, sc. non ut nuda potentia, sed simul cum omnibus ad agendum requisitis, & tunc dicitur *proxime libera*, quia nihil ei deest præter actualem determinationem, seu volitionem, aut nolitionem. 3. in ipso actuali exercitio libertatis, & cum primum elicit volitionem, aut nolitionem, & tunc est actualiter determinata per actum, quem elicit. Nemo dubitat de 1. & 2. statu, sed agimus de 3. & dicimus, quod in ipso instanti, quo elicit actum suum volitionis, aut nolitionis, est adhuc libera. Hoc supposito.

Prob. 1. ex Scoto. [1] Nam potentia contradictionis non est necessario potentia ante actum; nam cuiuslibet propositioni contingenti de futuro responderet sua contingens de præsentī, v. g. huic, *Tu sedebis*, responderet ista, *Tu sedes*, & utraque est contingens; sed hæc de præsentī est magis determinata, & ideo potentia non præcedit actum prioritate temporis, sed naturæ; alioqui Deus non prædestinaret liberè, quia non datur instans, vel tempus durationis ante actualem prædestinationem. Hinc

Prob. 2. Deus in ipsa actuali prædestinatione liberè agit; ergo per usum libertatis non cessat liber esse respectu talis actus; ergo ut voluntas dicatur libera sufficit, ut sit libera prius natura, quam ponatur actus: alioqui Deus nunquam esset liber, quia nulum est instans reale, in quo non sit sub omni actu, sub quo esse potest.

Prob. 3. Si Voluntas non esset libera pro instanti, quo agit, nunquam esset actu libera, nec actus liber, & contingens; sed consequ. est falsum; ergo & ant. Prob. maj. 1. quia ex Aug. [2] *Nemo dicitur peccare in eo, quod facturus est, vel quod fecit, sed in eo, quod facit*, sc. de præsentī, & dum est sub actu; ergo voluntas non dicitur libere agere ante actum, vel post, & si non esset libera pro instanti, quo agit, nunquam esset libera. 2. quia alioqui actus non diceretur liber ut existens, sed ut futurus; ergo esse liber, antequam esset, quod absurdum est; *Non enim ais enim non sunt qualitates*.

Con-

Confir. quia causa non est causa, nisi quando actu causat, & ad rationem causae sufficit prioritas naturae ad effectum; ergo ita est de libertate.

Objic. 1. Quod est actu determinatum, non est actu liberum, sed voluntas in actu 2. exercitii libertatis est actu determinata; ergo tunc non est libera. Min. patet, nam per volitionem actualem determinatur ad unam partem contradictionis, vel contrarietatis. Prob. maj. quia libertas consistit in indifferentia, sed in actu 2. actionis non est amplius indifferens; ergo nec libera.

Resp. dist. maj. quod est determinatum in actu 2. non est liberum in actu 2. con. non est liberum in actu 1. neg. maj. Et sic dist. min. prob. in actu 2. actionis non est indifferens in actu 2. con. in actu 1. neg. min. nam de facto agit ut potentia indifferens, & determinatio actus 2. non tollit indifferentiam 1. Ideo Logici docent, quod *indeterminatio de possibili stat cum determinatione de inesse*.

Inst. Eadem actio non potest esse pro eodem instanti elicitā, & suspensā; ergo nec voluntas indifferens, seu libera, & determinata. Prob. conf. libera dicit actionem suspensam, & ut agens dicit elicitam, quia ut libera, est indifferens ad agere, vel non agere; ergo si manet libertas in actu 1. dum agit, actio erit simul elicitā, & suspensā.

Resp. neg. conf. & dist. ant. prob. dicit actionem suspensam, & elicitam sub diverso respectu, con. sub eodem, neg. ant. nam actio dicitur suspensā per ordinem ad potentiam, & in actu 1. & elicitā in actu 2. Nam libertas non dicit potentiam simultatis in actibus, seu partibus contrarietatis, sed simultatem potentiae ad illas: voluntas respicit agere, vel non agere divisim, sc. unum, vel alterum, non autem conjunctim.

Objic. 2. Necessitas opponitur libertati, ac contingentiae, sed actus voluntatis est necessarius pro instanti, in quo elicitur; ergo pro eo instanti non est liber. Prob. min. omne, quod est, non potest non esse pro eo instanti, in quo est; alioqui esset, & non esset; sed actus est pro instanti, quo elicitur; ergo tunc necessario est.

Resp. neg. 1. min. & dist. maj. prob. omne, quod est,

est, non potest non esse in sensu composito, con. in sensu diviso, & simpliciter, neg. maj. & conf. volitio actualis, ut actualis, & in sensu composito suæ existentiae, non potest non esse; sed divisim, & per respectum ad voluntatem posset non esse, quia voluntas est de se libera, & indifferens ad illum actum, etiam quando illum habet.

## QUÆSTIO VI.

*De causa radicali nostræ libertatis, quomodo dependeat à Deo, & ab intellectu.*

**D**ico, *Radicali*, nam de efficiente certum est, eam esse à solo Deo, sicut & tota anima, & totum esse omnium. Item de *materiali*, & *subiectiva* patet ex præcedenti, quod est in sola voluntate formaliter. De *finali* nihil speciale inquirendum est pro nunc. Restat ergo querendum de radicali tam intrinseca, quam extrinseca, & 1. an pendeat à iudicio intellectus, ita ut si hoc sit determinatum, proponat objectum sub unica ratione volubilitatis, voluntas non possit non velle, & è contra non possit illud velle, sed necessitetur ad fugiendum, si proponat illud sub unica ratione odibilitatis, & ita est de iudicio ultimo, seu practice practico; v.g. si iudicet, *Deus est hic, & nunc amandus*, non possit voluntas omittere amorem. 2. Queritur, an sic libertas nostra dependeat à divina, ut si Deus non ageret liberè, adhuc voluntas nostra ageret liberè, utrumque dubium jam tetigimus in præcedenti, sed pauca addenda ad pleniorē huius materię intelligentiam, quæ maximi est momenti ad intelligentiam actuum humanorum.

Suppono autem, quod in Deo libertas, & omnipotentia distinguuntur inter se, & ab essentia formaliter ex natura rei, sicut cætera ejus attributa; nam libertas est principium agendi delectabiliter, & eligibiliter, & cum indifferentia; omnipotentia verò est principium agendi infinitè, & si Deus non esset liber ad extra, adhuc esset omnipotens, & è contra si non esset omnipotens, adhuc posset esse liber; ideò merito querimus, an libertas nostra pendeat ab omnipotentia, vel à libertate Dei.

C O N.



## CONCLUSIO I.

**L**ibertas nostra sic pendet extrinsecè à libertate Dei, & in ea radicatur, ut si Deus non esset liber ad extra, nec voluntas nostra liberè ageret: intrinsecè autem ipsamet voluntas nostra est radix sua propria libertatis. Ita Scotistæ, & alii contra Thomistas, & iam tetigimus in Metaph.

Prob. 1. ex Scoto, [1] qui sic argumentatur: *Aliquid causatur contingenter; ergo causa 1. contingenter, & volens causat.* Prob. conf. *Qualibet causa 2. causat, in quantum movetur à prima, & si prima necessario movet, ita erit de 2.* Prob. conf. *Omnis causa, quæ agit ut mota ab alia, si necessario movetur ab illa, ipsa quoque necessario movet, & agit; sed si Deus non esset liber ad extra, voluntas nostra, sicut & omnis causa 2. necessario moveretur à Deo; ergo & necessario ageret.*

Dices, mai. esse falsam, quia motio 1. causæ recepta in 2. modificatur ab illa, in qua agit secundum modum ejus, qui est agere contingenter juxta commune axioma, *Quidquid recipitur &c.*

Contra 1. quia causa necessaria agit, in quantum potest; ergo si Deus ageret necessario in voluntate nostra, ageret infinitè, & secundum totam potentiam suam, quæ est infinita; at causa finita non potest limitare infinitam, nec impedire effectus ejus; ergo replica vana est, & major Scoti est vera: sequitur enim, quòd potentia Dei se sola produceret omnia, quæ jam producit cum creatura, quia non posset se ipsam attemperare, nec expectare concursum ejus, ut facit, quia id facit merè liberè.

Contra 2. Nam replica supponit, concursum, & actionem Dei recipi in causa 2. immediatè, non verò in ipsis effectibus, quod ex dictis in Physica constat esse falsum; ergo & falsum est, actionem Dei recipi in voluntate nostra. Ideo.

Prob. 2. Deus priùs natura agit in effectum, quàm causa 2. ergo si in illo priori Deus ageret necessario, effectus ab eo totaliter produceretur, & volùtas nostra non daret illi contingentiam in instanti posteriori.

Ant.

[1] 1. d. 2. q. 2. O. R. n. 20. & d. 2. 8. q. 3. K. n. 12. & d. 39. 1. n. 12.

Ant. supponitur ex dictis in Physica de causa 1. quòd sit prior natura, ordine, & dignitate, & concursus ejus sit independens à nostro, immediatius immédiatione virtutis attingat effectum, licet sit simul tempore cum actione nostra. Prob. conf. in 1. instanti naturæ effectus supponitur existens per causam principaliorē, & efficaciorē, sed Deus est causa principalior, & efficacior actionum voluntatis, & ageret necessario pro omni suo posse; ergo voluntas nostra non tolleretur ab effectu necessitate, nec daret ei contingentiam.

Confir. tum quia causa dependentior, ignobilior, & debilior, & finita, qualis est creatura, non potest impedire effectum potentioris, & infinitæ, ut est Deus: tum quia idem effectus esset simul necessarius, & contingens, imò & ipsa eadem actio, nam ex adversariorum sententia concursus Dei, & creaturæ sunt eadem actio.

Prob. 3. Si libertas contingentia non esset in Deo, non esset in nobis, quia nulla perfectio est in creatura, nisi participatè à Deo; ergo si Deus non ageret liberè ad extra, nec nos liberi essemus. ergo libertas nostra pendet à Dei libertate, & in illa radicitur. Prob. ant. quia implicat, dari perfectionem in creatura, vel ullo ente, quæ non sit in Deo eminenter; sed libertas est maxima perfectio; ergo si non esset in Deo, ita nec in creatura.

Prob. 2. p. 1. ex Scoto [1] docente, cotingentiam actuum nostrorum haberi non solum à causa proxima, sc. à voluntate nostra, sed etiam à causa prima, & quòd præciso omni libero arbitrio humano, Angelico, & Divino, omnia evenirent de necessitate, & nihil contingenter eveniret; ergo libertas ista residet intrinsecè in voluntate nostra æquè, ac in Deo, quod patet ex quest. præcedenti: nam libertas est intrinseca voluntati, nec in hoc immorandum, sufficit hoc addidisse; ut melius capiatur mens Scoti, & nostra, & hoc videant, qui ei imponunt, quasi velit unicam, & totalem causam nostræ libertatis. peti à Divina, quod ne quidem somniavit.

Objic. 1. Arist. putat, Deum agere necessario, & tamen agnoscit in rebus contingentiam, & in nobis liber.

Libertatem; ergo contra ipsum est dicere, quod, si Deus ageret necessario, nulla esset libertas in nobis.

Resp. con. totum, nec in hoc audiendus Arist. qui errat in cognitione Dei nostri, & non mirum, quod erret in consequenti, qui errat in principio.

Inst. Contingentia dicit imperfectionem in Deo; ergo rectè illam negat Arist. in Deo, & nos malè arguimus eum. Prob. ant. libertas contingentiae dicit potentialitatē ad oppositos actus; sed omnis potentialitas repugnat Deo, quia est actus purissimus; ergo &c.

Resp. neg. ant. & dist. maj. dicit potentialitatem activam con. maj. & neg. min. passivam, neg. maj. & conf. potentialitas passiva dicit imperfectionem, ideo repugnat Deo, sed activa dicit perfectionem, & virtutem, quæ tanto major est, quanto plura respicit.

Objic. 2. Effectus aliarum creaturarum non amittunt contingentiam propter concursum unius causæ, necessariæ; ergo nec actus humani, licet Deus ad eos concurreret necessario; ant. patet, nam sydera influunt necessario, & naturaliter in actus nostros cum voluntate, quæ non definit esse libera. Prob. conf. tum quia est utrobique par ratio, tum quia in syllogismo licet una præmissarum sit necessaria, conclusio non definit esse contingens propter aliam præmissam contingentem, & probabilem, quia effectus, sicut conclusio sequitur debiliorem partem; ergo &c.

Resp. neg. utramque conf. & disparitas est 1. quia ambæ causæ creatæ sunt finitæ, & neutra potest se sola ponere totum effectum, ut Deus cum creaturis, qui est agens infinitum, & totum effectum se solo poneret, si ageret ad extremum virtutis suæ, & necessario. 2. quia conclusio sequitur necessario vi formæ ex qualibuscumque præmissis; contingentia verò venit ex parte materiæ illarum, ergo paritas nō valet.

Inst. 1. Cum effectus pendet à pluribus causis ordinatis, defectus illarum inducitur in effectum; ergo, si una est contingens, ita & effectus, quia contingentia est defectus præ necessitate, quia est quædam defectibilitas; ergo si Deus concurreret necessario ad volitiones nostras, non minùs essent contingentes propter voluntatem nostram. Prob. ant. ex illis regulis; *Bonum ex integra causa, malum ex quocumque defectu.* Et, *Effectus nunquam superat causam suam.*

Resp.

Resp. dist. ant. Si omnes de facto influant, nec una præveniatur, vel impediatur ab influxu, con. si una sit potentior, & independens, altera dependens, & præveniatur, aut impediatur, neg. ant. & conf. nam, ut dicebamus, causa 1. quæ est infinitè potens, & prius natura ageret, & necessario, & ad extremum suæ potentix præveniret 2. & totum effectum se sola poneret.

Resp. 2. neg. suppositum argumenti, nempe quòd causa 2. ageret liberè, vel esset libera: hoc enim falsum esset, si Deus non esset liber.

Inst. 2. Voluntas esset ejusdem naturæ, ac nunc est, sed nunc est essentialiter libera; ergo & tunc.

Resp. neg. maj. Nam implicante libertate in Deo, implicaret etiam creatura libera.

Resp. 2. dist. min. est essentialiter libera in actu 1. conc. in actu 2. & quoad exercitium, neg. min. quia in casu posito, voluntas non posset exercere suam libertatem ob suam dependentiam à concursu Dei, qui esset necessarius.

Inst. 3. Concursus etiam Dei nunc est ejusdem naturæ, qualis esset tunc, sed nunc non tollit libertatem; ergo neque tunc tolleret. Prob. maj. nunc, & de lege posita Deus necessario concurrat, & eodem concursu; ergo concursus Dei est ejusdem naturæ, & tam necessarius, quàm esset tunc.

Resp. neg. ant. utriusque argum. nam nunc, & de facto concursus Dei est liber, & per consequens attemperatus modo nostro agendi, & in casu supposito esset necessarius, & sine attemperazione; sed absolutus, & infinitus.

Objic. 3. Sequeretur, totam libertatem voluntatis refundi in Deum, ita ut actus nostri totam suam contingentiam haberent ab eo, & nihil à nobis, sed consequ. est falsum; ergo & ant. Prob. maj. nam si quid haberent à nobis, illud non posset nisi esse contingens; ergo &c.

Resp. neg. maj. & conf. prob. Nam sequeretur tantum, vel quod implicaret in nobis libertas, si repugnaret Deo, vel voluntas nostra esset tantum libera in actu primo, quod in actu secundo, seu de facto nihil ageret, quia præveniretur à Deo, ut diximus.

## CONCLUSIO II.

**V**oluntas non determinatur in actibus suis per iudicium practicum ultimum intellectus ita, quin posset illud non sequi. Est contra eosdem.

Prob. 1. ex Scoto cit. [1] q. precedenti, nam si voluntas determinaretur à iudicio practico, libertas tota esset in intellectu, non in voluntate. Scotus verò docet, quod nihil aliud à voluntate est causa totalis volitionis, & rationes, quas ibi adduximus pro hac conclusione, sufficiunt. Præterea

Prob. 2. ex Arist. [2] Præcipiente intellectu, & dictante intelligentia fugere aliquid, aut prosequi, non movetur (voluntas) sed secundum concupiscentiam agit, ut incontinens (vel ut legunt Conimbricenses) intellectus jubet nonnunquam, ratioque fugere aliquid, aut prosequi dicit, at non obtemperat homo, neque movetur, sed agit cupiditate, ut in ipso fieri solet incontinente. Et alibi dicit, quod nonnulli opinantur quidem melius, sed propter pravisatem eligunt, quæ non oportet. Item, Voluntas incontinentis appetit id, quod non putat esse faciendum; ergo ex Philosopho voluntas non determinatur per iudicium ullam intellectus, sed potius sæpè facit contrarium.

Prob. 3. ex SS. Patribus. Nam sæpè quid sit agendum videmus, nec agimus, quia non delectat, ait August. [3] Ecce videmus, quid agendum, & tamen volumus agere. Et S. Ber. voluntas licet non sine ratione, tamen contra rationem potest eligere minus bonum. Et patet ex Evangelio de servo, qui novit voluntatem Domini, & non præparavit, & non fecit, vapulabit multis; ergo posito quocumque iudicio intellectus, voluntas potest non sequi, imò & facere oppositum.

Prob. 4. rationibus adductis suprâ de radice libertatis, v. g. quod ipse intellectus determinetur in suis iudiciis ab objectis, & sic non est liber, nec libertas aliter ab illis peti potest, quàm velut ex applicatione objecti ad potentiam, & conditione sine qua non; quia intellectus officium in nobis non est nisi ostendere, quid

[1] 2. d. 25. S. n. 22. 3. de An. q. 47.

[2] 3. Ethic. c. 2. & 14.

[3] Ps. 123. de lib. arb.

quid agendum, non autem imperare, aut movere physice, nec determinare voluntatem, aut alias potentias, id soli voluntati competit.

Prob. 6. De ratione potentiæ liberæ est, ut, positis omnibus ad agendum requisitis, possit agere, vel non agere; sed iudicium ultimum practicum est voluntati unum ex prærequisitis ad agendum; ergo vel voluntas non est libera, vel posito illo iudicio potest agere, vel non agere id, quod iudicatur agendum.

Prob. 7. Si voluntas non posset agere contra iudicii ultimi dictamen, nunquam esset in ea peccatum, quin esset error in intellectu, sed hoc est falsum; ergo & illud. Prob. min. nam alioqui frustra diceret Scriptura, *Scienti bonum, & non facienti peccatum est illi*.

Prob. 8. quia stante iudicio ultimo de inæqualitate mediorum, & dictante melius eligendum, voluntas potest eligere minus utile; unde enim illi veniret necessitas eligendi utilius; ergo &c.

Objic. 1. Arist. [1] docet, illud eligi à voluntate, quod fuit consultatione deliberatum, & quod voluntas sequitur iudicium rationis. Et D. Bern. dicit, quod voluntas quocumque se vertat, semper comitem habet rationem, quia nunquam sine ratione movetur; ergo determinatur per iudicium.

Resp. neg. conf. Nam Arist. & Patres volunt tantum, quod voluntas debeat dirigi per intellectum, & sequi ejus dictamen, si velit recte agere, quod non negamus, nec de hoc quaestio est: non negant, sed potius asserunt, eam posse non sequi rationis iudicia, ut patet ex locis citatis.

Objic. 2. Quandiu intellectus proponit objectum indifferenter, voluntas manet indifferens, ergo determinatio venit ab intellectu practico. Prob. ant. sicut voluntas absolute non fertur in incognitum, ita non fertur, nisi prout est cognitum; ergo si sit cognitum indifferenter, illa manet indifferens.

Resp. neg. ant. utrumque, nam licet iudicium sit problematicum, aut dubium, voluntas potest se determinare pro libitu ad unam partem; imò quoties videt meliora, probatque per intellectum, & deiora sequitur, ut contingit, quoties peccat.

Inst.

**Inst. 1.** Quando iudicium dicitur determinatè amandum esse, si voluntas posset non amare, non posset dare rationem, cur ita faceret; sed hoc conf. est absurdum; ergo & ant. Prob. min. nisi enim posset dare rationem facti sui, non esset rationalis, quia ageret sine ratione; & de facto nemo est, qui interrogatus, cur sic agat, non det rationem sui actus.

**Resp. neg. maj.** Nam voluntas semper agit ex aliquo fine, quem quisque allegat pro ratione sui actus, & quem illi proposuit intellectus sub aliqua ratione boni prohibiti, vel honesti; v.g. ostendit furtum ut prohibitum, sed utile, & voluntas sprete prohibitione præfert utilitatem; idem est de fornicatione, & alijs peccatis.

**Inst. 2.** Objectum voluntatis est bonum cognitum at bonum; sed non cognoscitur ut bonum, nisi per iudicium practicum, & determinatum; ergo, &c.

**Resp. neg. min.** Requiritur quidem cognitio aliqualis malitiæ, aut bonitatis rei, ut ametur, vel odietur, sed non requiritur semper iudicium practicum; nec per istud sic determinatur voluntas, ut non possit conformari illi.

Restat ergo, plenam libertatem esse in voluntate, & licet dicamus, eam pendere à libertate Dei, tamen hæc dependentia est extrinseca in sensu prædicto, & pendet etiam ab intellectu, sed tanquam à dirigente, & illuminante, ut diximus, cui potest non se conformare; alioqui frustra desudarent Theologi ad probandum, eam debere conformare se dictamini conscientiarum, & opinioni probabiliori, & tutiori, quandoquidem non posset discordare à iudicio practico, eò vel maximè, quia intellectus determinatur ab objectis ad opinandum.

## QUÆSTIO VII.

*Quid importet libertas formalis supra entitatem physicam actuum voluntatis.*

**A**D pleniorē libertatis cognitionem querimus, an illa sit adeò intrinseca actui, ut ille idem, qui nunc est liber, non potuerit esse non liber, an saltem sit modus illi intrinsecus, & inseparabilis, ac indistinctus

ctus realiter, an verò modus quidam solum extrinsecus, & accidentalis?

Suppono autem, quod omnis volitio, & volitio positiva est qualitas positiva verè, & physicè producta; & distincta à voluntate; ut probatum est suo loco; nam inter producentem, & productum est distinctio realis, & inter causam, & effectum dantur multae relationes, v.g. causæ ad causatum, & causati ad causam in genere, in specie, & in individuo. Sic in omni actu voluntatis datur respectus in voluntate ad illum, ut causæ ad causatum, & producentis ad productum, &c. Quòd si voluntas sit causa naturalis, aut necessaria sui actus, insurgent respectus, qui importabunt formalitates, seu denominationes naturalitatis, aut necessitatis; & si causat libere, illi respectus importabunt formalitates, aut denominationes libertatis, & tales respectus dicimus actiones, & passionem.

Item sicut in voluntate distinguimus *libertatem proximam*, qua, positis omnibus ad agendum requisitis, possit agere, vel non agere, & *remotam*, quæ nihil est distinctum ab entitate potentiae cum dominio appetituum in suos actus: ita est de actibus eius; nam dicuntur *remotè*, seu *apertitudinaliter* liberi, quatenus sunt à potentia, quæ de se nata est agere, vel non agere; *proximè* autem, seu *formaliter*, quatenus exeunt de facto à voluntate sic disposita, ut in iisdem circumstantiis, in quibus eos producit, posset non eos producere, seu non agere.

## CONCLUSIO.

**L**ibertas est essentialis actui, sed hic dicitur *libertas* per denominationem extrinsecam à libertate voluntatis, à qua produciuntur, vel etiam à productione passiva. Est communior.

Prob. lex Scoto. [1] Nam *formalis*, seu essentialis volitio voluntatis in principiando est *libertas*, quæ non ita convenit ipsi volitioni. Et infra, *Voluntas ut in nobis sit actus primus, libera est ad actum volendi, non autem ipse actus volendi est liber, sive principium liberum producendi aliquid.* Nam si actus ille



ille producat aliquid, v. g. habitum, id non facit liberè, sed ut causa naturalis. Loquitur Doctor [1] de libertate activa, non de passiva, quæ est in actu producto liberè. *Actio volendi in nobis non est formaliter libera, sed ipsa voluntas; quia actio illa est quædam qualitas; & quædam forma naturalis in se, & non aliquid intellectuale habens inclinationem ad opposita; ergo ex Scoto, volitio non est in se formaliter libera, sed à voluntate sic eam producente, ut posset non producere. Quod confirmari potest ex dictis, sc. quòd volitio est qualitas absoluta, quæ produci potest à solo Deo in voluntate merè passivè se habente; tunc enim non esset libera voluntati.*

Prob. 2. quoad 1. p. Eadem volitio de libera fieri potest non libera, & vicissim; ergo libertas non est illi essentialis, sed accidentalis. Prob. ant. Idem numero amor per defectum, vel adventum advertentiæ fit de non libero liber, aut de libero non liber. Item in actu primo potuit esse non liber defectu concursus ex parte Dei, & fieret liber in actu secundo, adveniente concursu Dei. Denique eadem ommissio, quæ in primo instanti esset libera, quia adsunt omnia requisita ad agendum actum, qui omittitur, potest esse non libera in secundo, si Deus tunc vellet negare concursum suum; ergo, &c.

Dices, in illis casibus variari actus propter mutationem advertentiæ, aut concursus ad meritum, vel defectum.

Contrà. Cognitio non insluit physicè in volitiones, sed per modum conditionis proponentis objectum, ut objectum est; ergo non causat diversitatem in volitione. Idem est de concursu; nam eodem concursu posset Deus producere se solo volitionem eandem, quam producit cum voluntate; ergo identitas, vel diversitas concursus non variat volitionem.

Confir. quia eadem volitio producta à voluntate indifferenti esset libera, & producta à solo Deo in voluntate non esset libera; ergo libertas est illi accidentalis.

Prob. 3. Nam hoc ipso, quod volitio procedit à potentia libera, & quæ sic eam habet, ut posset non habere, sufficienter, & verè dicitur libera; sed talis

denominatio est extrinseca; nam libertas illa se tenet ex parte potentia; ergo actus dicitur liber per denominationem extrinsecam.

Prob. 2.p. 1. quia si admittatur in actibus relatio causati ad causantem quæ dicitur passio correspondens formali actioni productivæ, actus verè est liber, & illa relatio verè inest actui producto; ergo illum denominat liberum. Prob. ant. actio productiva, quæ est in voluntate agente, est in se libera; ergo & passio illi correspondens. Quod à fortiori debent dicere, qui ponunt actionem in passo, nec volunt eam distingui a passione.

Objic. 1. con. 1.p. Vitalitas est intrinseca, & essentialis volitioni, ergo & libertas: ant. patet; Deus enim non potest facere, ut de non vitali fiat vitalis, velè contra. Prob. conf. libertas est modus quidam vitalis; ergo tam est inseparabilis ab actu, quàm vitalitas.

Resp. dist. ant. Vitalitas remota, & in actu primo, conc. proxima, & in actu secundo, neg. utrumque ant. nam loquimur de libertate in actu secundo, & proximo, & hæc non est modus intrinsecus vitalitatis, sed extrinsecus.

Inst. Libertas in actu primo est essentialis principio vitali; nam per hanc voluntas differt essentialiter ab appetitu bruti; ergo in actu primo est essentialis vitalitati actus. Prob. conf. omni actui primo correspondet 2. proportionatus; ergo si vitalitas in actu primo est essentialis principio vitali, seu voluntati, ita & libertas actui ejus 2.

Resp. neg. utramque conf. nam sufficit, quòd actus voluntatis natus sit fieri liberè, & hæc proportio cum actu primo sufficit; alioqui amor beatorum, & Dei non posset esse necessarius, quia est à voluntate libera: quod est falsum in bona Theologia.

Objic. 2. Actus liber, & necessarius petunt esse à potentiis essentialiter diversis; ergo & ipsi differunt essentialiter. Prob. ant. potentia non libera non potest producere actum liberum; ergo nec libera potest producere necessarium.

Resp. dist. ant. Liber, & naturalis, con. actus pr. cisse necessarius, & non contingens, neg. ant. & con. eq. prob. nam potentia remotè libera potest producere actum proximè necessarium, ut patet de voluntate bea

beata, & hoc sufficit ad divinitatem actuum: Ali-  
ter est de necessitate naturali, & libertate contingen-  
tiæ, quæ non possunt venire ab eadem potentia.

Inst. Voluntas non potest habere actum, qui non sit  
voluntarius; ergo nec qui non sit liber: quia libe-  
rum, & voluntarium connectuntur.

Resp. neg. conf. & rationem ejus: nam hæc duo  
longe differunt, ut patet ex dictis.

Objic. 1. con. 2. p. Libertas in voluntate agente est  
quid physicum; ergo est quid reale intrinsecum vo-  
luntati. Prob. ant. nam libertas in volitione est ter-  
minus physicus voluntatis, ut operativa est.

Resp. dist. ant. Libertas actualis, & proxima est quid  
physicum accidentale actui, con. essenziale, neg. ant.  
nam actualis, & proxima in voluntate, ut operante,  
est tantum modus extrinsecus, quo denominatur li-  
berè operans, seu cum expedito usu libertatis essentia-  
lis; ideo nihil reale intrinsecum ponit in actu suo,  
præter denominationem extrinsecam petitam à li-  
bertate voluntatis.

Inst. 1. Voluntati ut productivæ respondet entitas  
volitionis ut productæ; ergo & voluntati ut liberæ  
respondet libertas in volitione; ergo hæc erit intrinse-  
ca volitioni. Prob. conf. voluntas tam producit ut li-  
bera, quàm ut activa; ergo tam debet ei correspon-  
dere libertas in volitione, quàm ulla alia entitas.

Resp. neg. conseq. & dist. ant. prob. Tam producit ut  
libera libertate remota, vel proxima, con. proxima.  
neg. ant. nam libertas proxima se habet accidentaliter  
ad illam productionem; & neg. conf. nam sicut volun-  
tas dicitur liberè agens in actu secundo propter cir-  
cumstantias, quæ illi permittunt indifferentiam actua-  
lem quoad exercitium nativæ libertatis, ita libertas i-  
sta actualis est accidentaliter illi actui, in quo nihil po-  
nit intrinsecum.

Inst. 2. Libertas, quæ est in volitione, potest esse  
objectum specialis complacentiæ Dei, qualis non erit  
in volitione non libera; ergo illa libertas est quid in-  
trinsecum illi volitioni. Prob. conf. nisi esset aliquid  
intrinsecum in illa, quod non est injusta, non posset  
sic movere Deum ad complacentiam propter deno-  
minationem purè extrinsecam.

Resp. neg. conf. & ant. prob. Nam actus externus

D 3 potest

potest terminare Dei complacentiam, & tamen non est liber intrinsecè.

Objic. 2. Voluntas dicitur intrinsecè, & activè libera in agendo propter actum, quem elicit; ergo & ipse actus erit intrinsecè liber propter libertatem passivam.

Resp. neg. ant. Nam posset producere eundem actum non liberè. Ideo dicitur libera non præcisè propter actum, sed propter circumstantias requisitas ad liberum exercitium libertatis.

Objic. 3. Actus interni voluntatis, & ab ea elicti aliter sunt liberi, quàm externi elicti ab alijs potentijs, quos illa imperat; sed externi sunt liberi per denominationem extrinsecam; ergo interni sunt liberi per intrinsecam.

Resp. dist. maj. aliter, quia interni sunt immediatè liberi, sicut & immediatè elicti, con. quatenus libertas formaliter illis inhæret, neg. maj. & conf. actus ergo elicti à voluntate sunt liberi per denominationem immediatam, & externi per mediatam; sed neutris libertas inhæret formaliter.

Fateor tamen, quòd, si libertas in actione, qua formaliter voluntas elicit volitionem, sit aliquid physicum intrinsecum, quo distinguatur ab alia actione, qua produceretur volitio necessaria, tunc dici poterit, quòd in illis fundentur diversæ relationes, & denominationes intrinsecæ passionis, seu libertatis, & necessitatis passivæ. An verò id ita sit, nec ne parum interest.

## QUÆSTIO VIII.

*Quodnam voluntarium requiratur ad actum, verè moralem.*

**Q**uia non agimus hìc de voluntario, & libero, nisi in ordine ad actus humanos; seu morales, videndum, an quæcunque voluntarietas ad illos sufficiat, sive sit libertas, seu voluntarietas essentialis stans cum necessitate, seu spontaneitas, seu libertas à coactione, sive sit libertas *contingentia*, & hoc propter quosdam hæreticos, qui non agnoscunt in homine post peccatum Adæ libertatem *indifferentiæ*, seu *contingentiam*.

tingentiæ, & specificationis, aut contradictionis, & putant, libertatem à coactione, & violentia sufficere ad moralitatem, seu imputabilitatem: contra primum illum errorem negantem existentiam libertatis nihil restat dicendum; veritatem catholicam sustinimus supra ex Scriptura, Conciliis, & SS. Patribus, sc. existentiam liberi arbitrii. De secundo agendum, maximè contra Bajanos, [1] & alios quosdam recentes, qui docent, quòd ad merendum, vel demerendum in statu naturæ lapsæ non requiritur in homine libertas à necessitate (qualis est libertas contingentie) sed sufficit libertas à coactione, inquit Bajus, & quòd homo peccat etiam damnabiliter in eo, quod necessario facit. Et libertatis modus, qui est à necessitate, sub libertatis nomine non reperitur in Scripturis, sed libertas à peccato. Et ab Alexandro VIII. 17. Decembris anni 1690. damnata [2] est inter alias hæc propositio in statu naturæ lapsæ ad peccatum mortale, & demeritum sufficit illa libertas, qua voluntarium, ac liberum fuit in causa sua peccatum originale in voluntate Adam peccantis. Sit igitur

## CONCLUSIO.

**A**ctus voluntatis ut sit humanus, & moralis, debet esse voluntarius perfecta voluntarietate, seu libertate contingentie, seu indifferentie; nec sufficit libertas à coactione. Ita Catholici, & videtur de fide.

Prob. I. ex Scriptura, & Patribus, qui libertatem illam docent nobis datam, ut agamus bonum, si volumus. *Dedit nobis potestatem filios Dei fieri.* Unde notat S. Hilar. [3] *Hinc mens. nescis, esse filios Dei, non necessitatem esse, sed potestatem.* Quod etiam notat Chrysost. [4] *Non dixit, fecit eos filios Dei fieri, ut ostendat multa nobis opus esse diligentia, ut adoptionis impressam imaginem puram servemus, atque intactam: quod iisdem ferme verbis notat Theophylactus, scilicet Dei gratia nostræ diligentie, & electioni commissæ, ut eam servemus, vel abiciamus.* Colligitur ex aliis multis Scripturæ locis, ut cùm D. Paulus [5] dicit, *Non habens necessitatem, potestatem autem habens*

D. 4

sue

[1] Propos. 3. n. 67. &amp; 41. [2] Propos. 1.

[3] I. De Trin. [4] Hom. 9. in Joa. [5] I. Cor. 7.

sua voluntatis; sic enim à voluntate hominis excludit necessitatem: [1] Non habet potestatem singulus tui si ex eadem massa facere aliud vas in honorem, aliud in contumeliam? scilicet ex libertate indifferenti hominis ad sua opera colligit Dei libertatem circa homines, quod Christus significarat comparans Patrem suum homini, qui [2] peregre profectus reliquit domum suam, & dedit servis suis potestatem cuiuscunque operis: ibi vides libertatem non tantum contradictionis, & exercitii, sed etiam contrarietatis, & specificationis; quippe quæ in potestate nostra sunt, ea sicut volumus diligentia nostra disponuntur, inquit Euseb. [3] ea in nostra potestate sunt, quæ aequè in utramque partem contingunt, ut moveri, & non moveri, mentiri, & non mentiri, dare, & non dare. Denique quæcumque huiusmodi sunt, ut in iis vitii, aut virtutis opera insint, inquit Nemes. cit. qui per ultima verba docet, hanc libertatem indifferentiæ esse generaliter in omnibus actibus humanis, seu moralibus, qui vitio, vel virtuti imputantur.

Ad idem facit illud sapientis; [4] Apposui tibi ignem, & aquam, ad quod volueris, porrige manum tuam. Anse hominem visa, & mors, bonum, & malum; quod placueris ei, dabitur illi. Non loquebatur de homine integro, & in statu innocentie, sed de homine lapsa. Deus ergo dicit, posui anse vitam, & mortem, ad quod volueris, extende manum tuam; Daemon dicit, non est in te, ad quod extendas manum tuam, sed necessitate quadam id agis. Videntur ne tibi hæc fide digniora? inquit Chrysost. [5] Unde dicitur Beatus ille, qui potuit transgredi, & non est transgressus, facere mala, & non fecit: ideo stabilita sunt bona illius in Domino, &c. & certè id non esset, si ex necessitate fecisset, fuissetque determinatus ad illud bonum, non autem indifferens; & è contra immeritò puniretur, si ex necessitate peccaret; [6] Subiicit tibi Diabolus scortationis cogitationis, si vis, probas, si nolis, improbas. Nota illationem S. Cyrilli, [7] Si enim ex necessitate scortareris, cuius gratia Deus gehennam parasset?

Prob.

[1] Rom. 9. [2] Mar. 13. [3] Præpar. Ecum. l. 6. c. 7.

[4] Eccl. 15. [5] Ser. 2. de provid.

[6] Eccl. 31. [7] De statu hom. cath. 4.

Prob. 2. ex Conciliis, & decretis Ecclesiæ. Nam Concilium Constantiense, Coloniense, Senonense, & novissime Tridentinum (ut antiquiora omittam) docent, in homine adesse libertatem ad cooperandum gratiæ, & non cooperandum; Si quis dixerit, liberum arbitrium à Deo motum, & excitatum nihil cooperari Deo excitanti, neque posse dissentire, si velit, Anath. sit; cooperari autem, & non cooperari, seu dissentire sunt actus oppositi contrariè, aut contradictoriè; ergo definiunt, in homine esse libertatem moralem, seu indifferentiæ. Id confirm. ex Bullis Pontificiis Pii V. Gregorii XIII. Urbani VIII. & Innocentii X. ex quibus damnantur prædictæ Baji, & Jansenii propositiones, & aliorum, qui negant hujusmodi libertatis existentiam, vel necessitatem ad meritum, vel demeritum, seu ad actus morales: & ex Constit. Alexandri VIII.

Prob. 3. specialiter ex SS. Patribus. *Animi* (inquit August.) [1] si libero ad faciendum, & non faciendum motu careant, si denique his abstinendi ab opere suo potestas nulla conceditur, eorum peccatum tenere non possumus: & alibi: [2] Quæcumque ista causa est voluntatis, si non ei potest resisti sine peccato ei ceditur; quis enim peccat in eo, quod nullo modo caveri potest? peccatur autem; ergo caveri potest. De virtute idem docet Hieron. [3] vedit eis mentis propriæ libertatem, & ut viveret unusquisque non ex necessitate, sed ex voluntate, ut virtus haberet locum; ergo si adsit determinatio, seu necessitas agendi, virtus non habebit locum; Voluntas habet penam, necessitas veniam, ait Optat. Milevit. Qui operantur bonum, & gloriam, & honorem percipiunt, quoniam operati sunt bonum, cum possent non operari illud. Qui autem illud non operantur, iudicium justum recipient Dei, quia non operati sunt bonum, cum possent operari illud, inquit S. Irenæus: idem docent communiter alii SS. Patres, quos citat Ripalda.

Prob. 3. ex Scoto, [4] qui præ cæteris Scholasticis Orthodoxis expressè pugnat pro libertate essentiali, quam vult stare cum necessitate, & talis est libertas, qua Deus se amat, & qua spirat Spiritum Sanctum,

D 5

&amp;

[1] de lib. arb. c. 21. [2] de lib. arb. c. 18. [3] Ep. 147. l. 7. ad v. Parmen. [4] 10. 3. de caus. supern. l. 2. d. 14.

& hanc libertatem vocat *essentialem*; quia est essentialis voluntati, & *dominii*, quia per ipsam est domina sui actus, ita ut ad eum non determinetur ab aliquo agente extrinseco, sed se ipsam delectabiliter, & complacenter determinat; & opponitur *coactioni*, non autem *necessitati*; sed tamen aliam agnoscit, quam vocat *contingentiae*, & *contradictionis*. Potentia rationalis perfecta, qualis est voluntas, quamvis sit contradictoriorum, poterit determinare se, obiecto praesente, ad unum illorum. scilicet velle, vel non velle. Et clariùs dixerat, [1] quòd in potestate voluntatis est non tantum sic, vel sic velle: sed velle, vel non velle: quia libertas eius est ad agendum, vel non agendum; & clarissimè, [2] In potestate voluntatis nostrae est habere nolle, & velle circa obiectam.

Hanc autem libertatem requirit ad actus morales: unde ponit hoc generale principium, scilicet: quòd *materia* primò, & *formaliter* non est nisi in aliquo actu voluntatis; sic iustitia, seu actus virtutis est pariter in voluntate, & id probat ex S. August. *Causa* primò peccandi est voluntas; nihil enim est peccatum, nisi quod est in potestate facientis, & nihil est in potestate facientis, nisi quod est in potestate voluntatis eius; quia nihil praeter hoc est impunitabile, &c. ergo actus moralis debet esse plenè liber libertate opposita necessitati; quia quod est necessarium, non est in potestate facientis, ut dicebamus ex SS. Patribus; ergo de mente Scoti in hac quaestione, nulla est ratio dubitandi, quin requirat voluntarium, seu libertatem perfectam immunem à necessitate, & id tam expresse docet, ut mirum sit, cum Ripaldæ [3] videri ambiguum; si legerit eum dicentem, quòd *proprie* loquendo de actibus humanis, *causantur* per intellectum, & voluntatem ab homine, id est cum advertentia, & intentione, ac libertate plena; & quòd actus, ad quem obligatur homo, debet esse humanus, & maxime dico, quòd laudabile, & vituperabile; imò generalius premiabile, & punibile continentur sub hoc communi, quòd est imputabile, & illius communis est una ratio, haec scilicet, actum esse in libera potestate agentis, & licet ad ipsam

[1] Quodl. 16. N. & 2. d. 25. fir. & 1. d. 1. q. 4. n. 18. & c.

[2] 2. d. 42. q. 4. A. a. 1. & 2. 13; 1b. d. disp. 15. n. 154. 4. d. 6. 1. 5. B. n. 3.



istam potestatem concurrant intellectus, & voluntas; tamen illa indifferentia, qua posset non fieri illud, quod fit, & posset fieri illud, quod non fit, ista, inquam, indifferentia, vel indeterminatio ad alteram partem non potest completè reduci, nisi ad ipsam voluntatem .... Voluntas sola habet indifferentiam ad contradictoria, & talem, quod ipsa est sui determinativa ad alterum illorum .... Propter hoc igitur, quod actus ejus sic indifferenter est in ejus potestate, licet non nisi supposita intellectione, ideo per se est imputabilis agentis, & id probat ex August. dicente, quòd motus, si culpa deputatur, non est naturalis, sed voluntarius, & post verba discipuli, Motus, quo voluntas convertitur, nisi esset voluntarius, & in nostra potestate positus, neque laudandus esset homo, neque culpandus. Uno verbo, semper dicit, aut supponit actum moralem, & imputabilem debere esse voluntarium, seu liberum. [1] Prima ratio voluntatis est ex convenientia actus ad efficiens, à quo actus dicitur moralis, quia libere elicitus, & hoc est commune actui bono, & malo, neque enim actus est laudabilis, nec vituperabilis, nisi sit à voluntate. Hæc fusius ex Scoto notamus ob rationem allatam, scilicet quia cum admittat aliquam speciem libertatis, quæ stat cum necessitate, & opponitur soli coactioni, quæ venit ab extrinseco, multi putant eum ad moralitatem, & imputabilitatem requirere solam voluntarietatem, seu libertatem à coactione immunem; quod planè alienum est ab ejus mente.

Prob. denique ratione, quia per actum moralem omnes intelligunt actum imputabilem in laudem, aut vituperium, in præmium, vel pœnam: denique per quem fit moraliter bonus, aut malus; ergo & actum plenè voluntarium, seu liberum à necessitate. Prob. conf. est enim à recta ratione alienum, ut actus, qui non potest vitari: sed necessariò fit, vel omnittitur, imputetur homini ad pœnam, vel præmium: ideo dicebat S. Ansel. [2] Cum punis malos, iustum est, quia illorum meritis capient, cum vero pœcis malis, iustum est, quia bonitati tuæ est condecens, punitio supponit demeritum, & istud supponit libertatem in peccante ad vitandum peccatum: & idem patet ex Aristot. citato.

D 6.

Con-

[1] 2. d. 40. A. n. 2. [2] Prolog. c. 10.

Confir. quia si ad moralitatem sufficeret volitio necessaria, & inevitabilis, ad quid regulæ, præcepta, vel Consilia? hæc enim frustra dantur homini determinato ad unum.

Objic. 1. Amor Dei, quo se amat, & iustitiani, est voluntarius, & liber; sed est etiam necessarius, & bonus in genere moris; ergo voluntarietas sit cum necessitate, & talis sufficit ad moralitatem; ergo non requiritur libertas indifferentiæ; maj. non potest negari. Prob. min. Deus non potest ulla ratione omittere amorem sui, nec iustitiæ: unde cum Julianus hæreticus diceret, quod *liberum non est, nisi quod duo potest velle, id est bonum, & malum*, sic instat S. Aug. [1] *liber ergo Deus non est, quia malum non potest velle; sicine Deum laudas, ut ei auferas libertatem? An potius intelligere debes, esse quandam beatam necessitatem, qua Deus injustus esse non potest?* Idem docet [2] contra Pelagium, qui dicebat, voluntatis arbitrio privari, quidquid naturali necessitate constringitur: & illi objicit, hinc sequi absurdum hoc, quod non appeteremus voluntariè beatitudinem, quia non possumus non velle illam. Perquam absurdum est, ut ideò dicamus non pertinere ad voluntatem nostram, quod beati esse volumus, quia id omnino nolle non possumus, nescio, qua & bona constructione naturæ: nec dicere audent, ideo Deum non voluntariem, sed necessitatem habere iustitiæ, quia non potest velie peccare: Et inquit Scotus; [3] *Voluntas divina necessariò vult bonitatem suam, & tamen in volendo eam est libera.* Item ex S. Tho. *Deus sua voluntate liberè amat seipsum, licet de necessitate amet seipsum*; ergo voluntarium, seu liberum non opponitur necessitati. His etiam argumentis utuntur Calvinus, & VVicleffus.

Resp. dist. maj. Est liber libertate essentiali, ac physica, seu dominii, conc. maj. libertate contingentia, & morali, neg. maj. & min. loquendo de genere moris in nostro sensu. Quidquid est in Deo, est quidem infinitè perfectum, & laudabile, sed moralitas illa est eminentioris infinitè ordinis, & sine comparatione ad nostram. Amat se delectabiliter, & compla-

cen-

[1] 1. de op. imperf. [2] De nat. & grat. c. 49.

[3] Quod. 19. de pot. q. 10. a. 2. ad 3.

center, & cum infinita propensione voluntatis suæ, quæ de se essentialiter est recta. Unde conc. ant. prob. neg. conseq. Ad August. idem potest responderi. Et præterea in 1. loco Julianus exigebat libertatem contrarietatis ad bonum, & malum: nobis verò sufficit libertas contradictionis: & licet in Deo agnoscat necessitatem cum libertate, non tamen infert, id sufficere ad imputabilitatem moralem, sed ad perfectionem physicam. Ad 2. locum patet ex dictis quid respondendum; licet enim nemo possit odisse beatitudinem, non negat tamen August. quin possit non amare; ideò multi nequidem cogitant de illa, ut diximus. Idem denique dicimus de Scoto, & D. Thoma.

Inst. Christus Dominus erat impeccabilis, sed tamen liber; ergo necessitas non repugnat libertati. Ant. supponitur ex Theologia, & patet ex SS. Patribus; *Neque enim metuendum erat, ne isto ineffabili modo in unitatem personæ à Verbo Dei assumpta natura humana per liberum voluntatis arbitrium peccaret, cum ista susceptio talis esset, ut natura hominis à Deo ita suscepta nullum in se morum malæ voluntatis admitteret,* inquit August. [1] imò voluntas ejus tantò magis erat libera, quantò magis peccato servire non poterat; ergo in eo fuit vera libertas ad peccandum cum necessitate non peccandi; & hoc argumento utebatur VViclefius, ut probaret, hominem ad præceptorum observantiam necessitari etiam antecedenter.

Resp. pro nunc conc. maj. de impeccabilitate proxima, & in sensu composito unionis hypostaticæ, & aliorum donorum, quæ illam consequuntur, & præcipuè visionis beatificæ, & neg. vel dist. min. erat liber libertate physica, & remota, conc. min. libertate morali, & proxima, neg. min. & conf. voluntas ejus humana erat similis nostræ, scilicet libera, & defectibilis; sed ut unita Verbo, & ab ipso directæ, & aliis donis cumulata non poterat deficere à recto: & hoc nunc sufficiat: quia in Theologia videbimus de impeccabilitate, & libertate Christi. Certè August. [2] potentiam peccandi non vult pertinere ad gradum ullum libertatis: *Posse enim peccare non est libertas, nec pars libertatis,* inquit: loquitur etiam ibi de liber-

[1] De cor. & gr. c. 13.

[2] Tr. 4. in Joa.

bertate à peccato, non à necessitate, *libertas prima est carere peccatis.*

Inst. 2. ergo Christus non fuit liber moraliter circa res præceptas. Prob. subf. quia non poterat illas omittere, aut contrarias facere sine peccato; ergo vel libertas illa moralis non est necessaria ad meritum, & denieritum, vel non fuit in Christo; quod est falsissimum; nam alioqui non potuisset mereri..

Resp. ex dicendis ibidem neg. sub. & ant. prob. 1. quia fortè nulli præcepto rigorofo subiacebat sub poenam peccati, ita ut peccaret non obediendo; hoc enim pendebat ab arbitrio voluntatis divinæ sic præcipientis, & disponentis; ut videtur docere Eminentiſſimus Laurea [1] noster: nam. *Lex iusto posita non est, scilicet ut illi dominetur: In illa enim est potestas, & cum ipsa, quam sub ipsa, quia amicus iustitiae, sive ut Lyranus explicat, Lex iusto non est posita. quantum ad vim coactivam; quia iustus non cohibetur timore poenæ à malis, sed virtutis amore, quia fuit liber quoad præceptorum executionem, non verò quoad violationem. Filius hominis est Dominus. etiam sabbati: unde Christus Deus erat, & poterat supra totam legem dispensare,* inquit noster Lyranus. Sed omnia æquè libenter acceptavit, & observavit, ac si sub poenis fuissent præcepta. 3. quia si non potuit aliqua omittere penitus sine peccato; saltem fuerunt ei libera quoad circumstantias temporis, loci, motivorum, intensionis, & sic potuit hæc implere pro libitu quoad tempus, & remissè, vel intensè, & ex motivis diversarum virtutum. Denique licèt non possemus conciliare impeccabilitatem Christi cum libertate moralis, non propterea negari deberet, quia clarè asseritur in Scriptura; [3] *Ego pono animam meam, & iterum firmam eam: nemo tollit eam à me, sed ego pono eam à me ipso . . . potestatem habeo ponendi animam meam,* & hanc libertatem habebat non obitante præcepto moriendi: *Hoc mandatum accepi à Patre meo, &c.* Unde August. [4] *Non carnem deseruisti invitus, sed quia voluisti, &c.* Vides libertatem ad substantiam, & circumstantias.

Inst. 3. Beati non possunt peccare, nec velle malum.  
nec

[1] De Incar. d. 17. n. 120. [2] 1. Tim. 1.

[3] 104. 10. [4] 4. de Trin. c. 13.

nec omittere amorem Dei; sed tamen sunt liberi; ergo libertas, etiam in hominibus, sufficit cum necessitate; maj. supponitur ab omnibus: sunt enim in termino, & confirmati in gratia, & perpetuitas beatitudinis id importat. Prob. min. ex S. August. [1] *Sic oportebat hominem fieri, ut & bene velle posset, & male, nec gratis, si bene, nec impune, si male. Postea verò sic erit, ut male re le non possit, nec ideo libero carebit arbitrio; multò quippe liberius erit arbitrium, quod omninò non poterit servire peccato; ergo Beati cum necessitate non peccandi erunt liberi, & magis liberi.*

Resp. 1. quòd simili argumento VVicleffus suum contra libertatem tuebatur errorem, ut scribit VValdensis; quia, inquebat, *est & libertas in Angelis, qui tamen ad hoc agendum, quod agunt, summa necessitate trahuntur; & idem notat de Calvino Bellarm.* [2] Ideo non debet proponi à Catholicis viris, sed rejici.

Resp. 2. diff. min. & conf. prob. Sunt liberi physicè, & liberiores libertate, quæ dicitur à servitute concupiscentiæ, & peccati, conc. min. & conf. libertate morali, & quæ sufficiat ad meritum, vel demeritum, neg. min. & conf. Hæc enim libertas est in solis viatoribus: illa verò prior non sufficit ad meritum, vel demeritum, & est libertas physica, seu essentialis, & libertas à servitute, & malo. *Erit in illis voluntas libera ab omni malo, & plena omni bono, ait August. erit libertas à coactione; A peccato abstinebunt libera voluntate, quia neque coacta non peccabit, sed sponte;* ergo hæc auctoritates August. non sunt ad rem, ut patet ex ipso textu.

Objc. 3. Nulla major libertas requiritur in homine ad moralitatem, quàm ut actus sint in ejus potestate; sed omnes actus voluntatis sunt in ejus potestate, etiam cum necessitate; ergo etiam cum necessitate stat sufficiens libertas moralis. Maj. patet ex fundamentis nostræ conclusionis. Prob. min. voluntas est essentialiter liberæ, & non potest cogi ad actus elictos; ergo actus omnes ejus sunt in ejus potestate, hoc ipso quod ab ipsa eliciuntur. Ant. constat ex dictis de voluntate. Prob. conf. ex August. [3] *Voluntas nostra*

nec

[1] Ench. c. 105. [2] l. 1. de doctr. fid. a. 1. c. 25.

[3] 3. de lib. arb. c. 3.

*nec voluntas esset, nisi esset in nostra potestate. Porro quia est in nostra potestate, libera est nobis. Non enim est nobis liberum, quod in potestate non habemus, aut potest non esse, quod habemus. Non enim posset aliud sentire esse in potestate nostra, nisi quod cum volumus, facimus. Quapropter nihil iam in nostra potestate, quam nostra voluntas est; ergo omnis actus voluntatis est liber hoc ipso, quod est voluntarius, seu à voluntate.*

*Resp. dist. maj. In nostra potestate opposita tam coactioni, quam necessitati, seu potestate indifferentiæ ad contraria, vel contradictoria, conc. maj. & neg. min. in nostra potestate opposita soli coactioni, neg. maj. & conf. quis enim dixerit, motus infantium, vel amentium, aut brutorum esse propriè in eorum potestate, quia spontanei, & voluntarii sunt non solum ipsis volentibus, seu appetentibus, & delectabiliter, sed etiam cum impetu in eos feruntur. Ad libertatem ergo, & perfectam voluntarietatem requiritur, ut volitiones, seu actus voluntatis nostræ ita sint in nostra potestate, ut possimus elicere, vel omittere, vel cessare ab eis pro libitu, & quoties ratio suggeret; & in hoc voluntarium rationabile, seu morale, ac humanum differt ab animali, seu irrationali. Hæc paulò fusiùs delibata sunt, quia sunt ad moralitatis intelligentiam prorsus necessaria.*

*Constat igitur, actum, ut sit humanus, & moralis, debere esse non qualitercumque voluntarium, sed perfectè voluntarium libertate, seu voluntarietate indifferentiæ ad contraria, vel contradictoria; nec sufficit libertas à coactione, sed requiritur libertas à necessitate, saltem antecedenti. Unde amor, quo Deus se amat, & quo spirat, est quidem summè voluntarius, sed est simul necessarius. Idem est de amore beatifico in Angelis, & Sanctis; ideò non est actus moralis,*

## QUÆSTIO IX.

*De involuntario, & causis ejus, maximè ex coactione, & ignorantia.*

**Q**uia contrariorum eadem est ratio, & juxta se posita magis elucescunt, meliùs, & plenius intellige-

ligetur natura voluntarii, ac liberi moralis, si dixerimus, in quo consistat involuntarium. Imò Arist. prius explicuit istud.

Repete quæ diximus de differentia liberi, ac voluntarii, & præcipue, quod voluntarium potest augeri, dum minuitur liberum. Quod enim magis propendet, & inclinatur in aliquod objectum, vel actum, eò magis est voluntarium; sed inde libertas minuitur; quia quò magis voluntas inclinatur in unam partem, eò magis determinatur ad illam, & sic minuitur indifferentia libertatis. Denique ex majori inclinatione, vel delectatione, aut concupiscentia fit vehementior motus, & augetur voluntarietas, sed minuitur libertas.

Porro notandæ sunt hæ voces, *necessarium*, *violentum*, *coactum*, & *involuntarium*, quæ si confundantur, ut solent, confusionem afferent huic materiæ. *Necessarium* est illud omne, quod fit sine libertate, & latius patet, quàm cætera; nam omne *involuntarium*, & *coactum*, & *violentum* est quidem *necessarium*, sed non è contra; nam omne *necessarium* non est *coactum*. Amor Dei, quo se amat, est *necessarius*, sed non est *violentus*, nec *coactus*, nec *involuntarius*. *Violentum* est, quod fit contra inclinationem passivi, sive illud sit appetitivum, sive non; ut calor est violentus aquæ, & ascensus lapidi; ideo non omne *necessarium* est *coactum*. *Involuntarium* describi solet à Philosopho, quod est ab extrinseco non conferente vim passivo, id est, si fallor, non inclinante, sed potius repugnante passivo. *Coactum* est, quod venit potentie appetitivæ, seu voluntati ab extrinseco, ipsa renitente, seu in contrarium inclinante, saltem ex propensione naturæ, vel habitus, ut si voluntas inclinans ad actum vindictæ impediretur à Deo per negationem concursus, aut alio modo. Utor hoc exemplo, quia suppono ex dictis, voluntatem non posse cogi ad actus elicitos: denique *involuntarium* non sumitur hic purè negativè pro eo, quod non est à voluntate, seu à principio appetente, sed sumitur contrariè pro eo, quod opponitur alicui actui voluntario, seu potentie appetitivæ.

## CONCLUSIO

**I**nvoluntarium est, quod venit à principio extrinseco voluntati contra inclinationem appetitus, vel ex ignorantia antecedente. Est communis.

Prob. ex dictis de voluntario; nam sicut voluntarium, ex Scoto, [1] debet esse causaliter à voluntate eliciente, vel imperante; sic quod est in voluntate, & venit ab extrinseco, est sine dubio involuntarium; & quia voluntarium præterea requirit cognitionem in volente, qua cognoscat id, quod vult, ac circumstantias ejus, quæ faciunt ad moralitatem, sic involuntarium nascitur etiam ex ignorantia, ita ut licet volitio, vel actus esset ab ipsa elicitus, tamen, nisi elicatur ex cognitione, adhuc erit involuntarius: uno verbo illud dicitur involuntarium, quod non est in potestate voluntatis illud patientis, sicut voluntarium propriè dicitur, quod est in potestate voluntatis, inquit Doctor, [2] & ipsemet utrumque definiebat supra dicens, [3] quod involuntarium simpliciter est illud, contra quod remurmurat simpliciter voluntas, & per oppositum voluntarium, contra quod voluntas non omninò remurmurat, &c. Item patet ex definitione Aristotelis de utroque. Dicit enim; involuntaria esse illa, quæ per vim, vel ignorantiam perpetrantur: violentum est, cujus principium ab extra tale existit, in quo agens, vel patiens nihil confert; veluti si ventus tulerit aliquo vel homines præpotentes.

Igitur voluntarium requirit duo copulativè, scilicet principium intrinsecum in agente, & cognitionem in eodem; & si alterum desit, cessat voluntarietas, sed ad involuntarietatem sufficit alterutra causa, scilicet si sit à principio extrinseco, vel ex ignorantia.

Quantum ex 1. capite involuntarium aliud est positivum, aliud negativum. 1. consistit vel in impulsu aliquo positivo, quo cogatur voluntas ad aliquid volendum, vel ex eo quod poneretur in ea alicujus actus volitio absque ejus activo concursu, v. g. amor non solum mali (tunc ille amor esset dupliciter violentus) sed etiam boni (tunc enim veniret purè ab extrinseco ipsa non cooperante) & ille esset illi violentus, non

[1] Quodl. 18. cit. [2] Ibid. [3] 4. d. 14. q. 1. N.



non ut passiva est, nec subjectivè, quia potius esset illi naturalis, & juxta inclinationem ejus, sed prout activa est, quia sic nihil ageret, sed se haberet merè passivè. 2. verò consistit in negatione, seu omissione actus, v. g. amoris, vel odii, ad quod inclinaretur positivè ob aliquod impedimentum ab extra veniens, v. g. ob negationem concursus divini, sine quo non potest actum elicere, sicut in fornace Babylonica ignis impedièbatur ab actione in tres pueros per negationem concursus divini, & illa inactio erat igni violenta negativè. 3. hæc violentia considerari potest quoad *actus imperatos*, quatenus per vim externam impeditur executio volitionum, ut si volenti percutere inimicum retineatur pes, aut manus, sit aliqua violentia tali homini.

Alia causa involuntarii est *ignorantia*, quam diximus triplicem, 1. dicitur *antecedens*, quæ sic præcedit actum voluntatis, ut illius sit causa, quatenus scilicet ille non fieret, si non illa præcessisset, ut cum quis nesciens in sylva latere hominem, sed putans ibi esse leporem, explodit globum catapultarium, & fratrem occidit, & si id cognovisset, non occidisset, & dicitur etiam *iusta*, *probabilis*, & *invincibilis*. 2. *subsequens*, seu *consequens*, quæ sequitur ex peccato quasi pœna ejus, inquit Scotus, sed ab aliis communiter dicitur, quæ antecedit quidem actum, estque aliquo modo causa ejus, sed est volita in se, quatenus homo vel neglexit, aut noluit scire id, quod impedisset actum, ut qui non vult scire præceptum festi, ut liberè, & sine scrupulo laboret: ideo hæc solet vocari *injusta*, *improbabilis*, *vincibilis*, *affektata*, & *crassa*. 3. est *comitans*, quæ non est volita, ut præcedens, nec causat effectum, ut prima; sed qui cum illa agit, nescit quidem malum, quod facit, sed ita est affectus, & dispositus, ut quamvis sciret, adhuc faceret, ut qui putans se ferire leporem in sylva, ferit inimicum nesciens ibi eum latere, sed quem nihilominus feriisset, si scivisset. *Ignorantia* igitur non potest directè causare effectum, cum sit non ens, seu negatio cognitionis, sed indirectè, quatenus tollit cognitionem, quæ necessaria est ad voluntarium, & quæ impediret actum, si adesset; & dicitur *tollens*, *prohibens*.

Ubi

Ubi vides, ignorantias omnes illas antecedere quidem effectum, sed non voluntatem; sola r. antecedit utrumque, dux posteriores consequuntur, aut comitantur voluntatem, non verò antecedunt, nec causant effectum, saltem totaliter. 1. nullo modo est volita, sed potius supponit moralem, & exactam diligentiam ad illam præveniendam, 2. est aliquo modo volita, saltem indirectè, quatenus homo nolit instrui, nec adhibuit debitam diligentiam, ut sciret quid juris, aut facti, v. g. venator videt aliquid moveri in sylva nesciens, an sit fera, vel homo, & non curans informari jaculatur; illa ignorantia est *crassa*, *affectata*, & *volita*, & licet fortè venator non explosisset catapultam, si perfectè scivisset, ibi latere hominem, sicque ignorantia influat in effectum aliquo modo, tamen non videtur involuntariè fecisse. De talibus dicitur, *Noluit intelligere, ut benè ageret*. 3. potest esse non volita, nec cogitata, sed effectus (nempe occisio) videtur adhuc voluntarius, & comitatur voluntatem pravam.

2. Ignorantia dicitur *invincibilis*, aut *vincibilis*:

1. est, quam remove nec possumus, nec debemus; seu quæ humano modo non potest expelli; & ideo dicitur *inculpabilis*. 2. quam remove possumus, & debemus, & ideo dicitur *culpabilis*, si non removetur. 3. alia dicitur *prava dispositionis*, estque positivus error, quo aliter judicatur de re, quàm est in se, & alia *pura privationis*, quæ est pura nescientia. 4. alia dicitur *iuris*, quæ ignoratur præceptum, vel prohibitio actus; & *facti*, quæ scitur quidem prohibitio, vel præceptum, sed ignoratur, an actus, aut res sit illa, quæ præcipitur, vel prohibetur, v. gr. scio prohiberi homicidium, & possum nescire, an occisio hostis, seu aggressoris sit illud homicidium prohibitum, & ad hanc ignorantiam facit non solum substantia rei, seu objecti, sed etiam circumstantiarum, quæ influunt in moralitatem. Aristoteles 1. vocat universalem; quia jus respicit omnes. 2. verò particularem, quia contingit circa singularia. Jus verò aliud est *naturale*, & aliud *positivum*. Rursus *positivum* aliud est *humanum*, aliud *divinum*, de quibus suo tempore dicetur. His autem suppositis, sit

## CONCLUSIO II.

**N**on datur, nec dari potest propriè involuntarium activum, passivum autem non repugnat; sed de facto non datur, nequidem in actibus supernaturalibus; longè magis possibile est negativum, aut privativum.

Prob. 1. p. ex Scoto, [1] & Philos. & ex dictis de voluntate, quam diximus non posse cogi ad actus elicitos, & hoc probat his verbis. *Contradictio est, voluntatem simpliciter cogi ad actum volendi, quia violentum est totaliter à principio extrinseco, quod est contra inclinationem passi: sed velle non potest sic inesse voluntari, (scilicet à principio totaliter extrinseco contra suam inclinationem) quia tunc nolens vellet, aut volens nollet, seu vellet, & non vellet, quod est contradictorium; ergo voluntas non potest habere involuntarium activum, seu quod idem est, non potest cogi ad actus elicitos. Vide quæ ibi diximus de tali Thesi.*

Prob. 2. p. etiam ex dictis; non enim repugnat, quamcumque volitionem, aut nolitionem produci à Deo solo in voluntate merè passivè se habente, imò & contra elicitam, aut innatam, aut habitualemente inclinationem; sed tunc illæ volitiones, & nolitiones essent involuntariæ passivæ; ergo non repugnat involuntarium passivum: maj. patet ex dictis ibi. min. prob. nihil enim aliud intelligimus per involuntarium passivum, quàm illud, quod ponitur totaliter à principio extrinseco, & maxime contra inclinationem passi, ut mox dicebamus ex Scoto, [2] & alibi docet dicens, *involuntarium simpliciter esse illud, contra quod voluntas remurmurat. Ideo dicit, quod habitus est in voluntate, & tamen non voluntariè voluntas habet illum. Vide etiam quæ diximus de possibilitate productionis intellectus in intellectu, & volitionis in voluntate.*

Confir. ex eodem. Voluntarium debet dici illud, quod est causaliter à voluntate eliciente, vel imperante; ergo volitio, vel nolitio, quæ non eliceretur, aut imperaretur à voluntate, non esset voluntaria, sed involuntaria, & maxime quando illa volitio esset contra

[1] 4. d. 29. B. n. 6. [2] Quodl. 18. EE. Ibid. 17. Addit.

tra inclinationem actualem, vel habitualement voluntatis; in hoc consistit maxime violentia positiva; si autem ille actus, seu volitio sit juxta inclinationem voluntatis, non erit illi simpliciter voluntaria, sed naturalis, prout naturale opponitur violento. Diceretur etiam voluntaria *negativè*, sed absolute loquendo esset involuntaria, quia non esset à principio intrinseco.

Prob. 3. p. quia si aliquæ volitiones, aut nolitiones sic producerentur in voluntate merè passivè se habente, maxime actus supernaturales fidei, spei, & charitatis, quibus ex supernaturali, & efficaci Dei auxilio excitante, & adjuvante operamur; sed tales actus non sunt à principio totaliter extrinseco, seu a Deo solo ita, ut voluntas nihil agat; ergo non dantur tales actus involuntarii. Maj. patet ex hæreticis, qui tales actus in nobis à solo Deo produci opinantur, abutentes variis textibus Scripturæ, ut vidimus in Philosophia, & fusiùs videbimus tr. de gratia. Prob. min. ex dictis de activitate, & libertate voluntatis, & maxime ex Concilio Tridentino, [1] *Si quis dixerit, liberum hominis arbitrium à Deo motum, & excitatum nihil cooperari, assentiendo Deo excitanti, atque vocanti, quoad obtinendam justificationis gratiam se disponat, (id docet præstari per actus fidei, spei, charitatis, & penitentiae) sed velut inanime quoddam nihil omnino agere, sed merè passivè se habere, anathema sit.*

Prob. 4. p. quia Deus potest negare concursum suum voluntati inclinatæ ad aliquem actum, v. g. ad amorem, vel odium; sed illa negatio amoris, vel odii erit involuntaria privativè, aut negativè; nihil enim intelligimus aliud per involuntarium *privativum*, & *negativum*; posita enim tali negatione, privatur libertate ad amandum, & determinatur ab extrinseco ad non amandum; & id verius est, si omnia ad amandum requisita adsint: creatura enim aliquo modo exigit concursum Dei ad agendum, positis aliis omnibus requisitis; ergo per negationem concursus fit illi aliqua violentia.

Dico, aliqua, nam in omni rigore non est vera violentia; sufficit, quod illa negatio actionis non sit illi voluntaria; & non est, quia illa venit penitus ab extrinseco.

Prob.

Prob. denique 5. p. Nam si voluntas imperet manui meæ, ut percutiat aliquem, potest detineri, & impediri, & è contra potest quis violenter movere manum meam, ut percutiam alium contra imperium voluntatis, & ipsa renitente, in quo non est difficultas.

Objectiones principales contra 1. & 2. & 3. partem jam solutæ sunt in locis prædictis.

Objic. 1. contra 1. p. Voluntas potest necessitari à Deo etiam ad actus elicitos; ergo & cogi. ant. patet: nam per lumen gloriæ, & visionem beatam necessitatur ad fruitionem, & Scotus[1] ipse fatetur, quòd prædeterminatio physica tolletet libertatem. Probat. ant. necessitas ad amorem sive ex visione, sive ex qualitate, aut gratia prædeterminante esset à principio extrinseco; ergo esset veræ coactio.

Resp. 1. dist. ant. potest necessitari moraliter, conc. ant. physicè, neg. ant. saltem quoad actus elicitos; nec id facit visio beata; & quantum ad hoc negant Scotistæ prædeterminationem physicam: quæ non solum destrueret libertatem contingentiaæ necessariam ad actus humanos, sed etiam modum essentialem agendi voluntatis humanæ.

Resp. 2. neg. conf. necessitas enim stat cum libertate essentiali voluntatis, quia non impedit, quin agat voluntariè, & delectabiliter, & complacenter; non verò violentia, seu coactio, quæ tota venit ab extrinseco: Visio Beata, & gratia, aut qualitas prædeterminans facerent, ut homo velit, & per consequens ut agat volens, non autem nolens.

Objic. 2. Potentia libera, & indifferens est capacior violentiæ, quàm naturalis, & determinata; sed naturalis, & determinata potest cogi; ergo & indifferens. Min. patet, nam grave, quod est determinatum ad descensum, potest moveri sursum, & sic de aliis. Prob. maj. indifferens ad plura magis distat à determinatione, & plus violentatur, si determinetur, quàm naturale, quod cum sit ex se determinatum ad unum, determinatur ad aliud oppositum, ut patet in exemplo allato de gravi, quod cum sit determinatum ad deorsum per violentiam, non determinatur nisi ad sursum; voluntas verò, quæ est indifferens ad innumeros actus, per coactionem determinatur ad unicum;

ergo

[1] 4.d.14.q.3.con.3.

ergo est magis capax violentiæ. Prob. conf. quia per violentiam patitur in iis omnibus objectis, & actibus, ad quos erat indeterminata; lapis verò non patitur, nisi in ea parte, in qua erat determinatus, scilicet in gravitate, seu descensu: in hoc argumento magnam vim facit recens Theologus. [1]

Resp. neg. maj. & ant. prob. Nam potius è contra dicendum, quòd quia indifferens magis repugnat cum determinatione, quàm determinatio ad unum cum determinatione ad oppositum, ideò indifferens est incapacius, & magis distat à determinabilitate, quæ illi magis repugnat; ergo male colligitur, quòd quia potentia naturalis, & determinata ad unum potest violentari, potentia indifferens etiam poterit. Fateor, si cogeretur voluntas, violentia esset major, sed non sequitur, quòd potius debeat subesse coactioni.

Inst. ex eodem, potentia indifferens habet plus activitatis, quàm naturalis; ergo habet minus resistentiæ; ergo magis potest pati violentiam: quia quæ habent plus activitatis, habent minus resistentiæ. Prob. ant. indifferens extendit activitatem ad plura; ergo habet plus activitatis.

Resp. 1. neg. ant. & dist. ant. prob. activitatem ad plura divisivè, conc. ant. simul, & conjunctim, neg. ant. & conf. voluntas habet activitatem ad opposita divisivè, quatenus potest velle, aut non velle, velle unum, aut aliud, non verò ad utrumque simul. Non ergo inde arguitur major activitas; imò virtus unita fortior, & sic causa determinata est activior.

Resp. 2. neg. conf. Inde quidem sequitur, voluntatem ob indifferentiam esse flexibiliorē in alterutram partem, sed non magis violentabilem; imò in quamcumque partem inclinetur, voluntariè inclinabitur.

Objic. 3. Homo gravi tentatione pressus cum modico gratiæ auxilio volens resistere, & non resistens ob vehementiorem motum tentationis, violenter caderet; ergo possibilis est coactio. prob. ant. quia moveretur contra inclinationem, & voluntas contra motum remurmuraret.

Resp.

Resp. neg. ant. utrumque ; nam quamdiu vellet resistere, non consentiret, & licet ratio, & gratia resistent suadentes, ut resistat, voluntas tamen cedit, & quidem volens.

Objic. contra 2. & 4. p. Voluntas de se est indifferens indifferentia contrarietatis, & contradictionis; ergo nullus actus, & nulla negatio actus potest esse illi involuntaria, seu violenta passivè, aut privativè. conf. patet ex principiis Scoti; nam involuntarium est illud, *contra quod voluntas remurmurat*; non murmurat autem contra id, ad quod est indifferens, sed tantum contra illud, in cuius oppositum inclinat positivè, & determinatè; sed non inclinat determinatè in ea, ad quæ est indifferens, ut sunt amor, & odium, amor, & non amor; ergo non potest pati violentiam, seu involuntarium passivum, nec privativum, & maximè respectu Dei; ergo quamcumque volitionem Deus in voluntate producat, vel impediatur, semper erit voluntaria.

Resp. neg. conf. & dist. maj. prob. in his, quæ ab ea sunt ut à principio intrinseco, conc. maj. ut à principio extrinseco, neg. maj. & similiter dist. min. est indifferens ad amorem, & odium, vel non amorem à se eliciendum activè, & ut à principio intrinseco, conc. min. à se purè recipiendum ab extrinseco, neg. min. & conf. voluntas est de se activa suarum volitionum, & indifferens ab extrinseco ad agere, vel non agere; ergo quoties ad unum contrariorum, vel contradictoriorum determinatur ab extrinseco, v. g. à Deo, qui vel volitionem, aut nolitionem in ea se solo producit, aut negat ei concursum ad aliquem actum, patitur violentiam in sua libertate, quæ necessario est activa, & ab intrinseco domina sui agere, vel non agere.

Init. Voluntas non potest remurmurare contra id, quod à creatore suo patitur; nec iste potest facere violentiam ulli suæ creaturæ, quia omnis creatura est in potentia obediens ad ipsum; ergo si Deus producat in voluntate volitionem, si neget ei concursum ad illam, non facit violentiam.

Resp. neg. conf. quia licet liberum sit Deo uti sua creatura ad nutum suum, tamen hoc ipso quod dedit illi talem naturam, & inclinationes, ut non concur-

rat conformiter ad illos motus, quos imprimit, illi sunt violenti quoad hoc, v. g. motus lapidis sursum, & impedimentum igni ne ageret, positis ultimis dispositionibus ad agendum spectata illorum natura, essent illis violenti; sic quia voluntas de se nata est esse domina suorum actuum, quidquid fit per quod tollitur illud dominium, facit, ut actus, vel negationes eorum sint involuntariæ aut positivæ, aut negativæ, aut privativæ; nec in his attenditur ad agens extrinsecum: nam tam calor à Deo productus, quam ab igne est violentus aquæ.

Objic. 2. Quod non est à principio extrinseco, non est involuntarium; sed quidquid est à Deo sive agente, sive negante concursus, non est à principio extrinseco; Deus enim non est quid extrinsecum nobis; ergo sive Deus se solo producat volitiones, sive impediatur, nulla erit involuntarietas, seu violentia.

Resp. neg. min. Nam per principium extrinsecum in definitione involuntarii intelligitur, quidquid est superadditum ipsi potentia, & talis est Deus, tales sunt gratia excitantes, & adiutrices quantumcunque inhærentes ipsi voluntati, & cum ipsa facientes unum principium activum volitionum.

Objic. 3. Voluntas non solum potest non remurmurare contra volitiones in ipsa productas, aut contra negationem concursus, & impedimenta, sed etiam potest, & debet eas velle; ergo non sunt, nec debent esse involuntariæ. Prob. ant. debet enim velle, quod placet Deo, & prima inclinatio omnis creaturæ est obedire creatori.

Resp. dist. consequ. Non erunt involuntariæ, id est non volitæ objectivè, conc. cons. elicitivè, neg. consequ. potest voluntas petere a Deo, ut in se producat amorem divinum, & impediatur volitionem peccati; illa petitio, seu desiderium est voluntarium, & ille amor, & illud impedimentum erunt volitæ objectivè, sed non erunt voluntaria elicitivè; idem est de actibus imperatis; v. g. percussio est voluntaria in actu imperante, sed non in se elicitivè.

Colligis 1. Voluntatem non posse pati violentiam quoad actus elicitos, quia non potest elicere actum ullum, nisi velit, & si velit, non violentatur.

Colligis 2. quod si Deus produceret in voluntate ali-



aliquam volitionem, aut motum, v. g. amorem, vel odium, illi actus essent quidem naturales voluntati, prout naturale opponitur violento, sed non voluntarii, nisi passivè, aut objectivè, quatenus voluntas eos vellet; nam voluntarietas, prout de illa hic agimus, attenditur penes activitatem, & dicitur per respectum ad principium activum, non verò ad passivum.

Colligis 3. Voluntatem posse impediri, & aliquo modo violentiam pati privativè tum quoad actus imperatos, ut si volentis percutere detineantur manus aut si proposito objecto amabili, vel odibili impediatur elicere actum amoris, vel odii, quem alioqui erat elicitura, & tunc negatio, vel privatio percussione erit violenta, sicut & carentia amoris, vel odii. Dico *aliquo modo*; nam omissio percussione, aut alterius actus imperati erit quidem non volita, sed non propriè involuntaria, imò percussio erit volita; at in negatione amoris circa bonum propositum, v. g. amoris Dei clarè visi, si negaretur concursus divinus, esset violenta privativè propter suam innatam propensionem ad amorem objecti hic præsentis.

### CONCLUSIO III.

**I**gnorantia antecedens, & quidem hæc sola causat verum involuntarium, quatenus impedit, ne actus, quem causat sit voluntarius, & imputabilis. Est communis, & videtur de fide quoad 1. partem. Nam dum hæc scribo, pervenit ad me Decretum jam citatum Alexandri VIII. qui mense præterito Decembri 1690. inter 31. propositiones damnatas ponit hanc, *Tametsi deus ignorantia invincibilis iuris naturæ, hæc in statu naturæ lapsæ operantem ex ipsa non excusat à peccato formali*: Siquidem ex tali decreto contra huiusmodi propositiones sequitur, quòd ignorantia invincibilis etiam iuris naturæ excusat à peccato formali, & per consequens tollit voluntarium.

Prob. præterea ex Scoto, & Phil. citatis in definitione voluntarii; nam ad illud requiritur, ut sit 4

*principio intrinseco cognoscens singula*. Item actus ut sit moralis, debet esse deliberatus, & per consequens ex cognitione, ac iudicio; ergo ignorantia, quæ causat actum, seu sine qua non esset actus; vel omissio, tollit voluntarietatem. Item ex communi axiomate, & ex dictis de voluntate, quod *non fertur in incognitum*; seu *nihil volitum, quin præcognitum*; ergo quod est ex ignorantia, est involuntarium.

Dico, *sola*; nam ignorantia consequens est ipsamet voluntaria, & ipsa mediante effectus est voluntarius, v. g. qui non vult scire præceptum jejunii, ut sine repugnantia comedat carnes, vult & ignorantiam præcepti, & omissionem jejunii, quam causat talis ignorantia, aut vult utrumque directè, scilicet ignorantiam, & omissionem jejunii. Qui emittit jaculum in sylvam nolens videre, an lateat homo, vel fera, vult ignorantiam, quæ impedisset homicidium, vel utrumque; ergo utrumque est voluntarium: qui enim vult causam, vult & effectum, quem prævidet ex illa secuturum.

De *comitante* id etiam patet, & quidem à fortiori: nam ignorantia illa non causat, sed comitatur homicidium; qui enim sic agit, vult homicidium potius, quàm ignorantiam; ergo homicidium non est illi involuntarium. Dicerem tamen, quod si venator ante emissionem jaculi nihil, prorsus cogitabat de homicidio, de quo postea lætatur, non est proprie voluntarium antecedenter, sed consequenter, & potius dicitur volitum, & approbatum, quàm voluntarium, & intentum. Istud maximè verum est, si ignorantia sit invincibilis: nam si est vincibilis, & crassa, utrumque erit volitum, & quidem magis, quàm in consequente, quia in ista si non præcessisset, non emisisset sagittam, benè verò in comitante.

Quæres, *an creatura possit pati violentiam à Deo?*

Resp. affirmativè, quia Deus respectu creaturæ est agens distinctum, & extrinsecum, & potest illi imprimere formas, & motus contra creaturarum naturalem inclinationem, v. g. potest movere lapidem sursum, calefacere aquam, impedire actionem ignis; ergo & facere violentiam: nam violentum est *quidquid est à principio extrinseco, & contra inclinationem passi*;

unde calor est violentus aquæ, & motus sursum lapidi, &c. à quocumque agente veniant, sive à Deo, sive à creatura sint, non minùs repugnant inclinationi subjectorum illorum.

Dices. Omnes creaturæ priùs inclinantur ad obediendum Deo, quam ad ullam qualitatem, vel motum creatum; ergo quidquid veniat à Deo sic volente, non est violentum.

Resp. neg. conf. Nam illa obedientia nihil est aliud, quàm dependentia, & capacitas patiendi, quidquid placuerit Deo illis inferre; sed non impedit repugnantiam naturalem cum illis qualitatibus, aut motibus, quam ille ipse indidit unicuique; repugnantia non respicit Deum agentem, sed formam, aut motum, aut privationem.

Dices 2. Omnis violentia supponit resistantiam in passio; sed nulla creatura resistit Deo; ergo nullam patitur violentiam.

Resp. dist. maj. Resistentiam respectu formæ, aut effectus, con. maj. & neg. min. respectu agentis, saltem supremi, neg. maj. & conf. nulla creatura resistit Deo agenti, bene verò effectibus, seu formis. Nulla creatura potest impedire, ne Deus in illam agat, & in ea producat quidquid voluerit, sed quantum potest, repugnat, & resistit effectui, v.g. aqua calori, & lapis ascensui.

Dices 3. Deus potest auferre gravitatem lapidi; sed tunc illum movendo sursum non faceret ei violentiam; ergo idem accidit omnibus in similibus casibus, scilicet auferit illis inclinationem contrariam motibus, quos illis imprimere placet. Prob. min. quia tunc illè motus non est contra inclinationem lapidis, quia venit ex gravitate.

Resp. neg. maj. quia gravitas est proprietas inseparabilis à forma lapidis, & ita est de aliis inclinationibus, ex quibus mensuratur propria violentia.

Resp. 2. dist. min. non fieret violentia immediata per illum motum, conc. min. mediata, neg. min. nam auferendo gravitatem actualem, faceret violentiam gravitati aptitudinali, quæ est intrinseca formæ suæ.

## QUÆSTIO X.

*De voluntario ex concupiscencia, & metu.*

**M**etus describitur *instantis periculi vel futuri mali mentis trepidatio seu fuga mali imminentis difficile vitandi*. Dicitur *mali instantis*, seu *imminentis*, quia quæ longè distant, non considerantur; ideo metum non incutiunt. 2. *futuri*, quia malum præsens facit dolorem, & præteritum facit tristitiam. 3. *mentis trepidatio*, quia metus attenditur in potentiis internis potius, quam in externis.

Alius dicitur *gravis*, seu *cadens in constantem virum*, qui causatur à malo gravi, quod scilicet prudenter, & honestè debet præferri alteri malo, ut perditio famæ, sanitatis, vitæ, aut ingentium bonorum; alius *levis*, seu *cadens in virum imbecillioris animi*, qui scilicet non debet movere hominem prudentem, nec alteri præponderat. *Gravitas* autem requirit 1. ut malum sit in se magni momenti, non autem ex imaginatione, vel ex levi apparentia. 2. ut valde probabiliter sit eventurum, non autem ex suspitione, & sine fundamento. 3. ut qui metum incutit, sit potens, & cui difficile resisti possit. 4. ut ipsum malum non possit facilè vitari.

2. Alius dicitur *iustus*, seu *non injuriosus*, qui incutitur à persona libera operante secundum justitiam, ut cum magistratus, vel superior præcipit rationabilia sub pœnis vitæ, aut animæ, seu salutis, vel testis minatur accusare aliquem de crimine verè commisso: *non injustus* est ille, qui venit à causa animata, v. g. a ventis, & tempestate, à qua imminet periculum naufragii. Alius *injustus*, seu *injuriosus*, qui venit à persona operante contra justitiam, v. g. à latrone minante mortem, nisi tradas illi pecuniam, aut à principe, nisi ad arbitrium ejus judices.

3. Alius *filialis*, seu *Reverentialis*; & *servilis*, *mundanus*, *castus*, seu *initialis*, & *naturalis*, de quibus in Theologia; nec faciunt ad propositum.

4. Alius dicitur *electivus eorum, quæ sunt lucrosa, & grata*, quando scilicet eliguntur media convenien-

nientia, & consona naturæ, aut valde utilia, ut si quis ad vitandam infirmitatem eligat poculum suave, & dulce, & valde gratum. Alius *electivus eorum*; quæ sunt ingrata, & damnifica, ut quando ad vitam salvandam tradis bursam latroni, aut sumis pharmacum amarum, aut pateris sectionem membrorum: & quæritur de his, timoribus, an causent involuntarium.

*Concupiscentia* est passio, seu motus quidam vehemens appetitus sensitivi, quo ad propositionem boni delectabilis, aut utilis allicitur voluntas cum aliquali vehementia ad ejus prosecutionem, cum est in concupiscibili; aut ad fugam, aut ad vindictam, si est in irascibili; & est vel *antecedens*, quando in appetitu prius existens, quàm in voluntate hanc movet ad amorem, vel odium, aut iram; vel *consequens*, si est prius in voluntate, quæ illos motus excitat in appetitu, ut promptius, & delectabilius teratur in objectum.

## CONCLUSIO I.

**M**et<sup>us</sup> non facit involuntarium simpliciter, sed quandoque secundum quid; seu quod sit ex metu, est simpliciter voluntarium, & involuntarium secundum quid, nisi præveniat usum rationis.

Prob. 1. ex Scoto [1] post Phil. dicente, quòd actio voluntatis, quæ est propriè humana, non potest esse coacta, nisi secundum quid, metu scilicet majòris mali, quàm sit ille actus, & est ista coactio (secundum quid) possibilis in homine virtuoso, quando non levi estimatione, sed certitudinaliter, saltem certitudine sufficiente in actibus humanis, scit malum sibi inferendum, quod majus est inconveniens sibi, quàm actum istum displicentem elicere, & potest bene esse, quod secundum rectam rationem sit sibi majus inconveniens, utpote mors, vel carcer, vel captivitas. Cum ergo iste sit dominus voluntatis suæ, potest & velle aliquid, quod alias nollit, & imperare actum alias nolitum, antequam incurrat ista mala, v. g. cum imperat, & vult projectionem mercium in mare, ut vitet mortem naufragii, quas alioqui valde amat, &

E. 4 vel

[1] 4. d. 29. B. n. 6.

vellet conservare, & hoc secundum rectam rationem. Unde talis metus dicitur cadere in virum constantem. Et loquens de projectione mercium propter tempestatem, & periculum vitæ, ubi metus inducit non tantum ad actum exteriorem projectionis, sed etiam ad actum interiorem, scilicet ad velle projicere, addit, quod uterq; actus [scilicet volitio interior, & projectio exterior] pro quanto ad illos inducitur [homo] metu pœnæ, est simpliciter involuntarius, secundum quid tamen voluntarius pro quanto ad fugiendum a maius malum, ut submersionem eligit minus malum, scilicet projectionem mercium, &c.

Prob. 2. ex eodem, quia involuntarium, seu violentum simpliciter est, cuius principium totaliter est extra non conferente vim passio, & non inclinato ad illam formam, quæ ab agente extrinseco inducitur, &c. sed homo non potest sic cogi ad velle illud internum, quod elicit ex metu, quia omnis actus humanus sive elicitus, sive imperatus, & liber, sive electivus, sive voluntarius. Et à principio interno eligente, & volente. Et a missionem mercium potius, quam incurrere periculum vitæ; ergo quod fit ex metu, est simpliciter voluntarium, & quidem liberum, ac imputabile, quia fit ex electione deliberata, in qua eligitur minus malum, ut vitetur majus.

Prob. 3. ex Aug. Si subtilius advertamus, etiam quod quisque iniurius facere cogitur, si facit, voluntate facit; sed quia malis aliud, ideo iniurius hoc est nolens facere dicitur. Malo quippe aliquo facere compellitur, quod volens evitare, vel à se remove, facit quod cogitur; nam si tanta voluntas sit, ut malis hoc non sùtere, quam illud pati, [v. g. mortem] cogenti procul dubio resistit, nec facit, ut patet non solum de martyribus, qui mori maluerunt, quam Tyrannia placere, sed etiam de aliis multis, qui ex constantia, vel obstinatione tormentorum, & mortis horrores contempserunt.

Prob. 4. In operante ex metu duplex consideratur voluntas. 1. efficax, & absoluta, & actus ejus est simpliciter voluntarius, ut projectio mercium: 2. conditionata, & inefficax, quæ haberetur, si metus abesset, ut conservatio mercium; & respectu hujus voluntatis projectio dicitur utcumque involuntaria; ergo voluntarium in his, quæ fiunt ex metu, prædomina-

minatur, nam voluntas projiciendi est efficax, & absoluta, & agit de presenti, voluntas autem conservandi ferè non est, sed esset, & vellet, nisi adesset metus: unumquodque autem simpliciter, & absolute denominatur ab eo, quod est actu, non verò ab eo, quod est in potentia nisi secundum quid ad summum, qualis est volitio conservandi merces.

Prob. 2. p. quia ordinariè, quod fit ex metu, fit cum quadam repugnantia interiori voluntatis, quæ ad id non se determinaret, nisi ad id impelleretur ex metu majoris mali: v.g. mercator non se determinaret ad projectionem mercium, nisi immineret periculum naufragii, hæc ergo est quidem voluntatis simpliciter, quia posset non velle illam, sed cum quadam involuntarietate, seu repugnantia.

Prob. 3. p. quia quandoque metus potest esse tam subitus, & vehemens, ut præveniat deliberationem, & tunc idem dicendum de his actibus, ac de motibus indeliberatis, aut ex ignorantia, qui non sunt liberi, nec per consequens humani, nec imputabiles.

Objic. 1. ex Phil. *Nemo sanæ mentis sponte jactat bona sua*; unde concludit, *jactationem bonorum*, & alia hujusmodi esse *per se involuntaria*: nemo enim aliquid tale sponte faceret: ergo projectio mercium ex metu naufragii non est simpliciter voluntaria, saltem ex Philosopho.

Respondeo neg. conf. alioqui Philos. [1] sibi contradiceret: docet enim, quòd violentum est, *cujus principium ab extra tale existit, in quo agens, vel patiens nihil confert*: & ad propositum addit, quòd *mixti sunt hujusmodi actus, sed magis similes voluntariis, nam in electione sunt tunc, cum fiunt, &c.* vult igitur, quòd tales actus ex metu habeant aliquid involuntarietatis ut plurimum.

Objic. 2. Promissa, & contractus ex metu non obligant, sed id oriri non potest nisi defectu libertatis: ergo metus facit involuntarium, seu non liberum. Prob. maj. vota, & matrimonia facta ex metu irritantur: ergo non obligant.

Resp. dist. maj. si fiant ex metu injusto, & sine consensu interno, non obligant in conscientia, con. maj. si adsit consensus internus, neg. maj. nam ille consen-

E. 5. fus.

sus internus erit omnino liber. Ad prob. dist. ant. irritantur in foro externo, & ex legibus humanis, con. ant. in foro interno, neg. ant. leges humanæ irritant contractus factos ex metu gravi ob rationes humanas, ne scilicet videantur approbare violentias, minas, & media, quibus apparenter vis infertur humanæ libertati; sed nos hic examinamus actus humanos in ordine ad libertatem internam.

Objic. 3. Si motus non faceret involuntarium, non excusaret à peccato transgressionem præceptorum: sed conf. est falsum; ergo &c. patet maj. non enim apparet, unde excusarentur, nisi ex involuntarietate, & metu; prob. min. urgente metu mortis v. g. potest omitti Baptismus, aut confessio ante Eucharistiam, & suppleri per contritionem potest celebrari Missa sine ornamentis, & alia omitti, quæ graviter præciipiuntur.

Respondco neg. min. & conf. prob. neque enim talia excusantur à peccato propter metum, vel involuntarietatem, sed quia in his casibus non urgent talia præcepta: nec enim leges humanæ, vel Ecclesiasticæ obligant cum tanto dispendio. Dico, *humanæ*; nam contra legem Dei, aut naturæ, quæ obligant pro semper, non possent unquam violari ob metum quemcumque; quia nullum potest imminere homini malum temporale, quod sit magis timendum, quam offensa Dei, quæ est inseparabilis à talibus transgressionibus.

Inst. Si metus non excusaret penitus à peccato, non diceretur unquam cadere in constantem, seu virtuosum virum; sed hoc est contra nos; ergo verè excusat.

Respondco neg. maj. Nam, ut dicatur cadere in constantem virum requiritur, & sufficit 1. quod sit de gravi malo. 2. incutiatur à potente, qui possit, & soleat exequi minas suas, & 3. ut non possit aliter vitari malum illud, & quia talis metus cadit in virum constantem, & virtuosum, idcò, tunc præcepta humana non obligant.

Objic. contra 2. Si metus causaret involuntarium secundum quid, observantia præceptorum, & victoria tentationum esset involuntaria; sed consequ. est falsum; ergo &c. Prob. maj. multi observant præcepta,

&c.



& vincunt tentationes metu damnationis; & inferni; v. g. cū fur abstinere à furto; aut in ardore carnis abstinere à fornicatione, vellet explere avaritiam, aut libidinem, nisi adesset timor inferni, ergo tam involuntariè servat mandata, quàm qui merces projicit metu naufragii.

Resp. neg. maj. & ant. prob. Nam furtum, & fornicatio per se mala sunt, & quidem gravissima, & atrociora in æstimatione fidelium, quàm pœnæ omnes inferni, nec unquam potest etiam inefficaciter, & conditionatè illa velle: conservatio autem mercium de se est licita, & ad minus indifferens, & potest desiderari; & ideo amittuntur cum quadam tristitia, & dolore, ex quo venit involuntarietas in projiciente illas metu naufragii, quòd autem vincens tentationem sentiat aliquam repugnantiam propter inclinationem carnis, aut cupiditatis, illamet erit involuntaria christiano, quia residet in parte inferiori animæ, & in parte sensitiva potiùs, quàm in voluntate.

Dixi autem in conclusione, *nisi metus præveniat usum rationis*, quia in tali casu actus non esset à principio intrinseco cognoscentè singula, nec esset actus humanus ..

## CONCLUSIO II.

**C**oncupiscentia antecedens non tollit, sed potiùs auget voluntarium, licet minuat liberum, nisi ita sit vehemens, ut præveniat rationem. Ita communiter ..

Prob. 1. ex Scoto (1) sæpè citato, quia involuntarium simpliciter est illud, quod est à principio extrinseco, & contra quòd voluntas remurmurat, & voluntarium, contra quòd voluntas non omninò remurmurat. 2. quòd voluntariè acceptat, & 3. quòd voluntariè causat: sed non solum non remurmurat contra actus suos, ad quos movetur à concupiscentia, sed etiam in eos inclinat, & fertur cum majori impetu, & delectatione; ergo, ex Scoto, non solum concupiscentia non impedit, aut minuit, sed etiam auget voluntarium. For-  
san non bene dicitur, esse illa involuntaria, quæ per iram, aut concupiscentiam fiunt, inquit Philos. (2)

E. 6.

Prima.

[1] 4. d. 14. q. 1. M. & O. ..

[2] 3. Ethic. c. 1.

Prima enim nullum aliud animal voluntariè ageret, nec pueri eiam. Deinde utrum nihil agemus voluntariè ex ira, quæ per iram, aut concupiscentiam, vel honesta quidem voluntariè, turpia verò involuntariè. Vel ridiculum est, cum una sit causa; absurdum verò dicere, illa involuntaria esse, quæ oportet appetere. Et irasci oportet in quibusdam, & concupiscere quædam, ut sanitatem, & doctrinam; alius verò hominum ex ira, & concupiscentia sum, quæ involuntaria ponere absurdum est.

Prob. 2. Tunc actus magis est voluntarius, quando fit cum cognitione, aut volitione, seu propensione voluntatis intensiori; sed quod fit ex concupiscentia, v. g. ex ira, vel amore, fit ex cognitione, & voluntatis inclinatione intensiori; ergo est magis voluntarium. Prob. minor. passio facit, ut attentius inspiciatur objectum sub ratione boni, & ira sub ratione mali, & per consequens ut fortius ametur, vel fugiatur; quia passio applicat intellectum, & voluntatem ad objectum, quod persequitur.

Prob. 2. p. quia libertas tunc est minor, quando minor est indifferentia voluntatis; & major determinatio in unam partem; sed ex concupiscentia nascitur minor indifferentia, & major determinatio voluntatis ad unam partem; ergo minuitur libertas. Prob. min. ex ira enim voluntas inclinatur ad fugam, & odium, & ex concupiscentia ad amorem, & prosecutionem.

Dixi autem 1. concupiscentia antecedens potius augeat voluntarium, nam de consequenti nulla est difficultas; illa enim est effectus volitionis, & maioris voluntarietatis signum, sed non causa; cum enim voluntas excitat in nobis passionem appetitus, & eas velut in auxilium suum advocat, signum est sine dubio illam fortius velle, quod agit.

Dixi 2. Nisi concupiscentia sit adeò prompta, & vehemens, ut præveniat usum rationis; ut fit in motibus primo primis; tunc enim deest cognitio, sine qua nullum est voluntarium.

Fateor tamen, ibi misceri etiam aliquid involuntarii, tum quia sæpe contingit, ut mediis utamur ad finem volitum ex concupiscentia cum aliqua retinencia, ut cum avarus vincente libidine profundit opes, aut si pater ex ambitione, vel superbia mactaret, vel exponeret unicum filium; nam in his casibus

eadem.

eadem est ratio de concupiscentia, ac de timore.

Objic. 1. con. 1. p. Illud est magis voluntarium, quod magis est à principio intrinseco cum cognitione; sed quæ sunt ex concupiscentia, sunt magis ab extrinseco, & cum minori cognitione, ergo sunt minus voluntaria. Prob. min. 1. enim concupiscentia est motus appetitus sensitivi, & extrinseca voluntati æquæ timor. 2. vehemens ira, vel amor impediunt intellectum, ne attentius consideret, & examinet in objectis, aut circumstantiis ea, quæ hominem detererent ab actu; ergo quæ sunt ex concupiscentia magis sunt ab extrinseco, & cum minori cognitione.

Resp. dist. maj. est magis voluntarium quoad extrinseca voluntarii, & per se, conc. maj. quoad intrinseca, & per accidens, neg. maj. & conf. Nam ratio intrinseca voluntarii consistit in hoc, quod sit à voluntate magis, & fortius agente cum minori resistentia, & majori complacencia, quod accidit in actibus ejus ex concupiscentia. Ad prob. patet ex dictis 1. quod licet concupiscentia moveat voluntatem, & quasi impellat, movet tamen illam secundum suam inclinationem, & sine renitentia ejus, sicut qui moveret lapidem deorsum. 2. patet, quod ordinariè attentius intuemur objecta, quæ volumus, & secundum eam rationem, quæ arridet, licet aliæ conditiones objecti, & circumstantiæ minus attendantur, & hoc sufficit ad majorem voluntarietatem ex hac parte. Et præterea cognitio se tenet ab intrinseco, & est velut conditio voluntarietatis.

Objic. 2. con. 2. p. Non potest minui libertas, quin minuatur voluntarietas; ergo si minuatur liberum, etiam minuitur voluntarium. Prob. maj. ratio generica non potest minui in specie, quin minuatur in genere; sed libertas est species voluntarietatis; ergo ubi est minor libertas, ibi est minor voluntarietas.

Resp. 1. neg. conf. quia liberum non est propriè species voluntarii, sunt quidem ab eodem principio, & quod est liberum, est quidem voluntarium, non è contra, sed voluntarium non est propriè penus ad liberum contingens, quandoquidem illud stat cum necessitate ut diximus.

Respondeo 2. neg. ant. Nam potest poni una species loco alterius absque diminutione generis, v. g. si loco

si loco albedinis ponatur nigredo, non minuetur, nec mutabitur coloratum mutato colore; ita est in proposito, ratio libertatis mutatur non mutata voluntarietate, quia cum voluntarium aliud sit necessarium, aliud contingens, potest magis accedere ad necessarium, ut sit in proposito, remanente semper ratione voluntarii. 3. quia ideo dicitur magis voluntarium, quia fit cum majori propensione, ac deletione voluntatis.

\* Obiic. 3. Concupiscentia minuit peccatum; ergo & voluntarium. Patet ant. nam quæ sunt ex iræ, vel concupiscentiæ vehementia, sunt leviora, cæteris paribus. Prob. conf. non enim apparet, unde fierent leviora, nisi ex involuntarietate.

Resp. neg. conf. & prob. ejus; venit enim non ex diminutione voluntarii, sed libertatis. de quo in tract. de peccatis.

Quæres, an vota, matrimonia, & alii contractus ex metu sint involuntaria, & nulla?

Resp. pro nunc, quod in foro conscientiæ si adsit internus consensus verus, mihi videtur, quod ligant, sed in foro externo sunt irrita, vel irritanda; sed de hoc alias; pro nunc ista sufficiant.

## Q U Æ S T I O . X I .

An voluntarietas, & libertas salvetur in omissione pura, seu an possibilis sit ommissio pura, & libera, & quomodo.

**N**omine omissionis libera, & puræ intelligo cessationem omnis actus voluntatis circa aliquod objectum, v. g. nolitionis, aut volitionis. positivæ circa Missam, aut jejunium. Dico voluntatis, nam ut illa cessatio sit libera, debet esse cognita ab intellectu, sicut & objectum ejus, & quantum, an sicut voluntas est libera ad volendum, aut nolendum positivè jejunium, quæ est libertas contrarietatis, seu specificationis, ita etiam ad libera ad cessandum ab omni volitione, aut nolitione positiva, etiam indirecta circa illud, aut alio actu ab illo elicito, vel imperato interno, vel externo, per se, vel occasionaliter. 2. an objectum omissionis, seu actus ommissus debeat esse obligatorius.

Por.

Porro voluntas dicitur aliquid velle directè, quando ipsum respicit immediatè in seipso, indirectè verò, quando illud respicit in alio, cum quo habet connexionem, aut oppositionem, v. g. qui vellet impendere ludo, aut venationi tempus, quo celebratur sacrum, vellet directè ludum, aut venationem, & indirectè omissionem sacri ad omissionem autem puram requiritur negatio utriusque volitionis positivæ, scilicet tam directæ, quàm indirectæ, seu mediatae, ita ut voluntas omittat sacrum independentè ab omni actu positivo, qui sit causa ejus tam directæ, quàm indirectæ.

## CONCLUSIO I.

**P**ossibilis est omissio pura, & libera. Est satis communis, maximè inter Scotistas.

Prob. 1. ex Scoto, (1) qui docet, voluntatem non necessitari ad actum positivum volitionis circa ultimum finem, etiam clarè cognitum, & ut purè bonum, quia tunc quidem non posset nolle illum, sed potest illud bonum perfectum non velle, quia in potestate voluntatis est non tantum sic vel sic velle, sed etiam velle, vel non velle, quia libertas eius est ad agendum, vel non agendum; &c. Non velle autem est omissio, seu negatio volitionis: sed clariùs docet, quòd voluntas ex libertate sua posset non velle, & ita nullum actum habere, quia secundum August. [2] nihil est tam in potestate voluntatis, quam ipsa voluntas quantum ad operari. Vides omissionem sine ullo actu voluntatis. Idem alibi sæpe confirmat.

Prob. 2. ex eodem. Illud est liberum, quod est in plena potestate voluntatis, sed tam negatio actus, quam ipse actus volitionis, aut nolitionis est in plena potestate; ergo & negatio actus, pura est libera æquè ac positio eius. Prob. min. nam si objectum proponatur sub ratione indifferenti, nihil cogit voluntatem ad actum ullum circa illud; ergo potest nullum habere, & tunc respectu ejus erit pura omissio: imò licet proponatur ut bonum, & amandum, adhuc potest non amare, alioqui non esset libera libertate contradictionis.

Dices

[1] 1. d. 7. 4. n. 18. [2] 1. d. 7. P. &amp; Q. n. 23.

Dices, minorem negandam esse, quia positio actus est directè, & immediatè in potestate voluntatis; negatio verò, seu omisio mediante actu aliquo, seu velle, quo vult omissionem, aut aliquid, ad quod illa sequitur, & sic omisio non est libera, nisi mediate, seu indirectè.

Contra 1. & prob. min. voluntas non majus dominium habet supra velle, aut nolle positivum, quàm supra non velle: sed habet dominium directum, & immediatum supra velle, aut nolle positivum; ergo & supra non velle. Prob. maj. non minùs est libera libertate contradictionis, & exercitii, quàm contrarietatis, & specificationis: sed ex omnium sententia, est libera libertate contrarietatis: ergo & contradictionis, ergo tam potest non velle, & non nolle positivè, quàm velle, & nolle. Certè si non possum omittere amorem Dei, nisi per actum odii, vel nolitionem positivam amoris, nulla est libertas contradictionis: nam nolle amare tam contrariè opponitur amori, vel volitioni amoris, quàm odium, vel volitio odii: ergo si non possum omittere amorem sine aliquo actu, nulla est libertas contradictionis circa amorem Dei.

Contr. quia licèt libertas contradictionis possit exerceri per actus positivos amoris, & nolitionis amoris, adhuc non probatur, quòd non possit exerceri etiam per amorem, & non amorem: ergo semper verum est possibilem esse omissionem puram, & liberam.

Prob. 3. Qui libere amat, potest cessare ab amore nihil cogitando de ullo alio objecto, vel de odio: imò posset ei negari concursus ad cognitionem alterius objecti, vel actus: sed tunc omisio amoris esset pura, & libera: ergo possibilis est talis omisio. Prob. maj. ad actum liberum requiritur, & sufficit ex parte voluntatis, 1. indifferentia ad agendum, vel non agendum. 2. cognitio bonitatis objecti. 3. concursus paratus ad utrumque: non autem requiritur indifferentia ad odium talis objecti nec ex parte voluntatis, neque ex parte concursus: ergo tria illa sufficiunt: sed tunc nihil cogitaretur de odio, vel nolitione amoris, nec de amore alterius objecti: ergo verè est illa major: nec minùs esset liber ille amor, quàm si adescent illa omnia.

Prob.

Prob. denique, quia sic melius salvatur totus cō-  
 certus libertatis; & in hoc nulla est repugnantia; er-  
 go debet admitti talis omissio.

Objic. 1. De essentia liberi, ac voluntarii est, ut sit à  
 principio intrinseco, ut patet ex definitione allata; sed  
 pura negatio actus, seu ommissio non potest dici esse à  
 principio; ergo nec libera. R. min. purum nihil  
 non habet principium; sed pura ommissio à purum ni-  
 hil; ergo non est à principio intrinseco.

Respondeo dist. maj. quod est à principio intrinse-  
 co agente, aut non agente, seu positivè per influ-  
 xum positivum, aut negationem influxus, conc. maj.  
 & neg. min. à principio agente positivè tantum, neg.  
 maj. & conf. quales sunt res, talia sunt earum prin-  
 cipia; negationes sunt entia negativa, seu non entia,  
 ideo sunt suo modo à principiis non influentibus po-  
 sitivè.

Inst. 1. In tantum aliquid est à principio aliquo, in  
 quantum pendet ab illo; sed pura negatio non potest  
 pendere ullo modo à voluntate; ergo non potest esse  
 ab illa ullo modo.

Resp. neg. min. Nam pendet negativè, & indirectè,  
 quatenus est in potestate libera voluntatis ponere ac-  
 tum oppositum, quo posito ipsa non inesset; sicut  
 tenebræ non inessent in hemisphærio nostro, si sol ibi  
 remaneret, & si illa perseverantia esset illi libera, sic  
 & negatio lucis, seu tenebræ.

Inst. 1. Omne voluntarium est per exercitium liber-  
 tatis; est enim actus ejus secundus; sed pura negatio  
 actus liberi non est exercitium, sed potius negatio e-  
 xercitii libertatis; ergo non est voluntaria.

Respondeo ut prius, dist. maj. exercitium positiv-  
 um, aut negativum, conc. maj. & neg. min. posi-  
 tivum semper, neg. maj. & conseq. quia sicut omis-  
 sio est negatio libera actus liberi, ita est exercitium  
 negativum libertatis.

Inst. 3. Exercitium potentiae vitalis debet fieri vita-  
 liter; sed hoc non fit sine actu positivo; ergo nec e-  
 xercitium libertatis. Prob. min. exercitium potentiae  
 vitalis non fit vitaliter, nisi quatenus homo se movet  
 ab intrinseco versus objectum; sed ille motus est quid  
 positivum; ergo &c.

Respondeo dist. maj. debet fieri vitaliter, quando  
 opera-

operatur, conc. maj. quando non operatur, neg. maj. & sic dist. min. & maj. prob. non fit sine actu positivo, quando operatur, conc. min. & maj. probationis, quando non operatur, neg. min. & maj. prob. nam potentia libera duobus modis exercet suam libertatem 1. positivè, & operando, & id facit per actum positivum. 2. negativè, & non agendo, & id præstat sine ullo actu, sed purè cessando, aut abstinendo ab actione, & ratio est, quia hæc libertas consistit in posse agere, vel non agere.

Inst. Omne exercitium libertatis in actu 2. differt eodem in actu primo, sed in actu 1. jam erat negatio omnis actus positivi; ergo in actu 2. debet adhuc quid positivum.

Respondéo dist. maj. differt positivè, aut negativè, con. maj. positivè, neg. maj. & min. nam in actu 1. omissionis voluntas est indifferens ad agere, vel omittere, & sic præscindebat à negatione, & actu; sed in exercitio, seu in actu 2. jam est sub negatione determinata.

Objices 2. Eo instanti, quo ommissio incipit esse libera, transit voluntas de actu 1. ad 2. & de non volente fit volens, & ommissio de non libera fit libera; ergo de novo aliquid advenit voluntati, & omissioni, sed nihil potest de novo advenire, præter aliquam volitionem directam, vel indirectam circa omissionem; ergo ita est, & sic ommissio non potest esse pura. Prob. conseq. nihil enim potest transire de contradictorio in contradictorium sine mutatione.

Resp. neg. subsumptum; advenit enim ipse transitus tam voluntatis, quàm omissionis, quo illa de non volente fit volens, de actu 1. ad 2. & ommissio de non libera dicitur libera.

Inst. Illæ denominationes, ad quas fit transitus, sunt novæ tam in voluntate, quàm in omissione; ergo illis advenit aliquid novi, per quod sic transit.

Resp. dist. conf. aliquid extrinsecum, vel intrinsecum, con. conf. aliquid positivum intrinsecum, neg. conf. nam sicut motus 1. primus v. g. qui in 1. instanti non erat liber, fit liber sine ulla nova entitate intrinseca tam in voluntate, quàm in actu; idem est de omissione, quæ in 1. instanti erat non libera, fit libera in



2. & istud novum potest esse cognitio proponens actum faciendum, vel omittendum, qua cognitione supposita voluntas fit potens facere, vel omittere, & deinceps hoc ipso, quod omittit, liberè omittit, quia poterat non omittere; est ergo denominatio nova extrinseca.

Inst. 2. Etiam hoc admissio, voluntas eligit, & se determinat ad omissionem, cum posset eligere actionem; sed electio, seu determinatio est quid positivum; ergo advenit aliquid positivum.

Respondeo dist. maj. Eligit, & se determinat negativè, conc. maj. positivè, seu per aliquem actum, neg. maj. & min. quia electio, seu determinatio ad continuationem omissionis nihil aliud importat, quam denominationem extrinsecam petitam ex indifferentia, in qua erat in actu primo ad agendum, vel non agendum, & ex negatione actionis in actu 2. quam poterat non habere.

Ob. 3. Omissio non potest esse libera in genere moris, nisi sit ex intentione alicujus finis sine actu positivo; sed non potest esse ex intentione alicujus finis sine actu positivo; ergo nec omissio pura. Maj. patet: nam omne agens liberum, & in genere moris agit ex proposito, & propter aliquod bonum sive committendo, sive omittendo. Min. etiam prob. quia ut agat propter finem debet moveri à fine; sed non potest moveri à fine, nisi per actum, aut passionem positivam; ergo &c. Magni faciunt hoc argumentum adversarii, sed immeritò.

Respondeo neg. maj. & dist. prob. ejus, agit ex proposito, & libertate contrarietatis, & propter bonum aliquod, si agat, conc. si omittat agere, & ut agens liberum libertate contradictionis, neg. inst. nam quæ necessitas proponendi sibi finem, & bonum aliquod in omissione actus indifferentis, aut debiti? Id quidem verum est in exercitio libertatis contrarietatis, cujus objecta sunt positiva, & contraria, sed id minimè necessarium est in exercitio libertatis contradictionis; ut agam, debeo moveri ab aliquo fine, sed ut abstineam ab omni actu, non debeo moveri, saltem explicitè, & formaliter.

Inst. 1. Voluntas non exercetur humano modo sine motivo, & fine; sed omissio hic consideratur  
ut

ut libera humano modo; ergo debet haberi ex alio quo motivo, & fine. Prob. min. sicut in actu humano positivo agitur propter finem, ita in omissione humana.

Resp. dist. maj. sine motivo, & sine formaliter, & explicitè, aut saltem virtualiter, & interpretativè, conc. maj. & neg. min. formaliter, & explicitè tantum, neg. maj. & cons. nam si possemus velle positivè aliquid humano modo sine intentione explicita, & formali alicujus finis, sed sufficit virtualis, & interpretativa, id à fortiori verum est in omissione volitionis, v. g. qui omittit sacrum, censetur id esse propter commoditatem.

Inst. 2. Causalitas, seu motio finis est realis; sed non potest esse realis sine aliquo actu positivo; ergo semper est aliquis actus positivus in omissione.

Resp. 1. dist. maj. Est realis, id est vera, prout reale opponitur ficto, conc. maj. est realis, id est physica, & per instantem vere exeuntem ab objecto, neg. maj. & cons. causalitas enim finis est metaphorica, & moralis, ut diximus in Physica.

Resp. 2. dist. eandem maj. est physica positivè, & explicitè, ac formaliter, quando finis movet formaliter, & explicitè, conc. quando movet solum virtualiter, & interpretativè, neg. maj. & min. nam sicut nullum est objectum, nec finis, qui moveat formaliter, sed tantum interpretativè, & virtualiter, ita & nulla est motio formalis physica.

Inst. 3. Quando intellectus repræsenteret duo motiva omittendi sacrum, v. g. ludum, & venationem, non posset interpretari, quodnam ex duobus moveret ad omissionem; ergo voluntas deberet se explicare, & hoc per aliquem actum; ergo in his casibus non posset dari omissio pura.

Resp. 1. negando consequ. quia licet non possemus divinare motivum unum ex duobus, non sequitur, quin alterutrum potuisset movere, & hoc sufficit nobis, quod alterutrum ex his objectis id possit efficere, ut omissio dicatur humana: & præterea licet in his, & similibus casibus, maxime quando objecta proposita essent contraria, non posset dari omissio pura, adhuc posset dari in aliis, in quibus non adesset occasio dubitationis, & perplexitatis.

Resp.

Resp. 2. neg. antec. Nam ex variis circumstantiis, & modis posset facile divinari, quodnam motivum induceret ad omissionem, an scilicet ex motivo ludi, aut venationis, vel id posset dici de utrolibet sub aliqua ratione communi, v.g. commodi, aut incommodi.

Objic. 4. Libertas est ad agere, & non agere; sed omissio non est objectum, seu terminus actionis; ergo nec libertatis. Prob. min. nihil enim potest fieri circa omissionem puram.

Resp. neg. maj. Nam sufficit, ut sit ad agere, vel non agere, aut agere oppositum; unde voluntas circa omissionem potest eam non habere agendo id, quod omittitur, & tunc non omitteret, vel non ageret, & tunc habetur omissio; non autem requiritur, ut directe, & copulative actio, & non actio possint terminari ad idem.

Inst. 1. Libertas est proprietas entis, seu est quid positivum; sed omissio est non ens; ergo non potest dici libera.

Resp. dist. maj. libertas ex parte principii activi, conc. maj. ex parte termini, qui denominatur liber, neg. maj. & conf. libertas formaliter est in voluntate, quam denominat liberam intrinsece; terminative autem est in actu, vel objecto, quod ab ea denominatur extrinsece, & sic ommissio dicitur libera à libertate, quæ est in voluntate, quæ sic omittit actum, ut posset non omittere.

Inst. 2. Omne liberum debet esse volitum vel propter se, vel propter aliud; sed neutrum dici potest de omissionem pura; ergo nullo modo potest esse libera. Prob. min. non propter se, quia est purum non ens; & sic nullam habet bonitatem in se, nisi propter aliud; ergo habet annexum aliquem actum positivum; & sic non est pura ommissio.

Resp. neg. maj. Sufficit enim, ut sit in potestate voluntatis, ita ut possit haberi, vel non haberi, esse, aut non esse suo modo, & talis est ommissio.

Inst. 3. Ommissio pura libera est non volitio cum advertentia, seu deliberata, & sic est nolitio virtualis: idem enim est omittere missam, ac non velle missam; sed omne nolle supponit aliquod velle oppositum ex Scoto, [1] v.g. nolle laborem est ex velle quietem;

tem; ergo, omnis ommissio supponit aliquem actum positivum.

Resp. dist. min. Supponit velle interpretativum, & virtuale, aut actuale, & formale, conc. min. actuale, seu formale tantum, neg. min. & cons. nam qui otatur per puram omissionem laboris censetur velle quietem, licet actu non cogitet, aut saltem non velit positivè quietem.

Objic. 5. Per frequentes omissiones destruuntur habitus acquisiti; ergo non sunt puræ negationes actus. Ant. patet experientia: qui enim frequenter omittit sacrum, sensim amittit habitum religionis. Prob. ant. ens positivum non posset destrui per purum non ens; sed ommissio pura est purum non ens; ergo non posset destrui per omissionem, si esset pura sine aliquo positivo.

Resp. dist. ant. destruuntur negativè, aut directè, vel indirectè, conc. ant. positivè, & directè, neg. ant. & rationem ejus, seu experientiam: nam 1. sicut habitus acquiruntur, & generantur per actus frequentatos, ita per non usum sensim amittuntur, & hoc voco destrui negativè. 2. si ommissio sit non pura, sed causata per actus directè oppositos, v. g. per nolationes positivas actuum religionis, habitus directè destruuntur per illos. 3. Si actus, qui sunt comitantes, seu occasiones omissionum, v. g. ludus, venatio, & similes sint positivi, contrahuntur habitus ludendi, venandi, &c. qui minuunt indirectè effectum religionis, & distrahunt ab illa.

Objic. 6. Deus non potest purè ommittere; ergo neque homo: patet cons. Deus enim non agit minus voluntariè, aut liberè. Prob. ant. Deus non potest ommittere v. g. conservationem, vel concursum nisi volens; ergo nec purè ommittere.

Resp. neg. cons. Nam licet ommissio pura notaret aliquam imperfectionem in libertate divina, v. g. aliquam potentialitatem, & ideo repugnaret Deo, non ita est de homine. 2. negari etiam posset ant. quia, ex Scoto, [1] in ordine actuum prædestinationis, & reprobationis in 1. & 2. signo, seu instanti, quo Deus vult Petro gloriam, & gratiam, nihil vult Judæ, adhuc nullus actus positivus divinæ voluntatis.

[1] 1. d. 41. B. n. 12.

luntatis est circa Judam, sed tantum negationis; ergo ex Scoto, pura omissio non repugnat libertati divinæ.

Objic. 7. Peccatum dividitur in dictum, factum, vel concupitum contra legem; ergo nullum est peccatum puræ ommissionis, vel illa divisio non est bona. Prob. conf. nam pura omissio non potest reduci ad ullum ex his membris.

Respondeo neg. conf. tum quia si non posset reduci omissio ad ullum ex his membris, sequeretur tantum, quod illa divisio non esset de peccato in genere, pro ut comprehendit peccatum ommissionis, & commissionis, sed de peccato commissionis; tum quia facile reduci posset ad concupitum, non positivè, sed interpretativè, quia perinde est quoad transgressionem legis, quod fiat per nolitionem positivam obedientiæ, aut per puram ommissionem ejusdem. Denique negatio ad idem genus reducitur, in quo ponitur affirmatio; *Non dictum reducitur ad dictum; non concupitum ad concupitum.*

Objic. denique Scotum, qui docet, [1] voluntatem non posse suspendere actum suum, v. g. amoris sine alio actu reflexo, quo dicat, *nolo amare*. Hoc non intelligo, quod sic ipsa possit voluntariè suspendere omnem actum suum, sed voluntariè potest non velle obiectum illud; sed habet tunc aliud velle, scilicet reflexum super actum suum, istud scilicet, volo modò non elicere actum circa illud obiectum, & hoc bene potest ex se, &c. Idem de Deo habet dicens, quòd *Deus potest velle voluntatem suam non velle hoc*; ergo ex Scoto [2] non datur pura omissio libera nec in Deo, nec in homine.

Respondeo neg. conf. nec enim id sequitur ex his textibus Scoti; nam in primo dicit, Deum non posse voluntariè suspendere omnem actum suum; nam ipsa met voluntaria suspensio est actus reflexus voluntatis ejus; nam loquitur de suspensione voluntaria positivè, quod verum est. In 2. potius docet contrarium expressis verbis; *Offerunt voluntati (divinæ) hunc peccatum, vel peccare, primò voluntas ejus circa hunc non habet velle, velle enim ipsum habere peccatum non potest, 2. potest intelligere voluntatem suam non volentem hoc, & tunc potest velle voluntatem suam*

7107

[1] Quodlib. 16. n. 4. [2] 1. d. 47. D. n. 5.

120 *De actibus humanis in genere,*  
*non velle hoc; esse omissionem puram, & non puram*  
*ex Scoto.*

## CONCLUSIO II.

**U**T illa omissio sit libera, non requiritur præceptum de re omissa. Ita Scotistæ contra Thomistas, & alios, qui volunt, quòd ut omissio sit voluntaria, requiratur, ut omittens teneatur non omittere.

Prob. 1. ex Scoto, qui in textibus allegatis nullam facit mentionem de præcepto, & maxime quia omissionis possibilitatem refert in libertatem voluntatis, quæ non minus exercetur non instante præcepto, quàm instante.

Prob. 2. Ut aliquid sit liberum, nihil aliud requiritur, quam quod sit in potestate voluntatis, ita ut possit esse, aut non esse; sed ut omissio pura ita sit in potestate voluntatis nihil refert, quòd sit præcepta, aut prohibita; ergo non requiritur præceptum, ut omissio pura sit libera. Maj. patet ex definitione liberi, & ad libertatem omissionis actus non plus requiritur, quam ad libertatem actus positivi. min. etiam patet, quia tam possum omittere sacrum die feriali, quo non præcipitur, quàm die festo, quo præcipitur. Hinc

Prob. 3. Omissio sacri die festo, & urgente præcepto est libera; ergo & die feriali. Prob. conf. quia præceptum nihil confert ad libertatem; tam enim possum audire, vel omittere sacrum die lunæ, quam die dominico.

Dices. Urgente præcepto potest ommissio imputari voluntati ut causæ ejus morali, non autem cessante præcepto.

Contra. Nisi urgente præcepto voluntas posset audire, vel non audire sacrum, ommissio non imputaretur illi ut causæ morali; ergo tota, aut saltem principalis, & fundamentalis ratio imputabilitatis est libertas audiendi, vel omittendi, & ad hoc nihil facit præceptum, nisi ad imputabilitatem in peccatum, vel virtutem; sed de hoc non est questio.

Objicies 1. Omissio sine obligatione nullam actualem connexionem habet cum voluntate; ergo sine præcepto obligante ommissio non est voluntaria. Prob. aut. connexio esset physica, aut moralis; sed neutra  
dici

dici potest; ergo nulla. Prob. min. 1. non est physica; quia cum sit pura negatio actus, voluntas ad eam non influit physicè. 2. non est moralis, quia est sine regula morum, quale est præceptum obligans.

Resp. neg. ant. 1. arg. & min. 2. & ad 3. dico, illam connexionem omissionis cum voluntate esse & physicam negativè, & moralem æquè sine præcepto, & obligatione, ac cum præcepto; unde hoc argumentum æquè solvendum est illis, qui admittunt possibilitatem puræ omissionis cum præcepto, seu obligatione, quomodo autem à nobis solvatur, patet ex præcedenti conclusione.

Inst. 1. Ut omissio sit voluntaria debet esse à voluntate per aliquem influxum: sed sine obligatione non potest esse ullo modo à voluntate; ergo ad omissionem liberam requiritur obligatio. Maj. patet ex definitione voluntarii. Prob. min. ut intelligamus fieri omissionem, debet præsupponi terminus aliquis à quo, nempe actus, & debitum, quæ omissioni opponuntur; quia debet intelligi aliqua mutatio in voluntate, qua de non omittente dicatur omittens; sed non præcedit actus, alioqui omissio non esset pura; ergo præcedit debitum.

Resp. eodem modo, neg. min. & maj. prob. quia obligatio nihil facit præcisè ad libertatem, sed tantum ad imputabilitatem; nam ex quo urget obligatio non omittendi, incipit omissio esse culpabilis; sed ante obligationem, & præceptum tam erat libera, quam post.

Inst. 3. Ut omissio sit libera debet habere aliquid in actu 2. quo voluntas exercet suam libertatem, quod non habebat in actu 1. in quo nondum dicebatur eam exercere; sed nihil potest habere de novo in actu 2. præter aliquam obligationem ad actum; ergo cum non habeat actum, si est pura, debet habere aliquam obligationem ortam ex præcepto: hoc est præcipuum fundamentum adversariorum. Vide quàm firmum.

Resp. 1. neg. min. & conf. 1. quia dum omittit scilicet, tam adest præceptum in actu 1. quàm in 2. ergo si in actu 1. omissio non erat libera, neque crit in 2. ut mihi est evidens. 2. falsa est eadem min. quia si aliquid requiritur pro actu 2. exercitii libertatis, illud est potentia omittendi, vel non omittendi, quæ non

præsupponitur esse in actu primo, & ante exercitium, scilicet ipso instanti, quo censetur liberè omittere factum, poterat velle non omittere, quod non censetur posse antea.

Inst. 4. Tam in actu 1. erat negatio actus omissi, quam in 2. ergo utrobique se habet eodem modo.

Resp. neg. ant. nam ante illud instans, in quo est omissio libera, voluntas est indifferens ad omissionem, vel contrarium; ideo non dicebatur omissio. In actu autem 2. jam est omissio, & quidem libera: quia pro hoc instanti secundo jam non potest non esse omissio, non potest haberi actus oppositus, saltem in sensu composito; in instanti autem 1. erat indifferens ad utrumque.

Dices: Per quid ergo tollitur illa indifferentia?

Resp. non tolli per obligationem, seu præceptum, ut patet ex dictis, sed per alia connotata, quæ assignavimus in 1. conclusione, v. g. per advertentiam intellectus, & alias circumstantias, quibus induci poterat voluntas ad volendum, aut non volendum omittere; obligatio autem facit, ut omissio sit peccaminosa, si est de actu præcepto, vel virtuosa, si est de vetito; sed de his dicetur, ubi de peccato omissionis.

### CONCLUSIO III.

**O**mnis eventus prævisus ex omissione pura, aut non pura tam est liber sine præcepto, quam ex præcepto. Sequitur ex præcedentibus.

Prob. 1. quia omissio est in se libera sine præcepto; ergo & omne, quod prævidetur ex illa sequi: ant. patet ex concl. 2. prob. conf. quia tam liberè posset voluntas impedire sequelam, quam causam ejus.

Prob. 2. quia nihil prorsus impedit libertatem hujusmodi eventuum: hoc enim ipso, quod amissio habetur liberè, & quod prævidentur eventus ex ea sequuturi, tam imputantur, quam ipsamet omissio; nec ad hoc aliud facit præceptum, nisi ut imputentur ad peccatum, & poenam, si sunt de rebus vetitis, vel laudem, & præmium, si sunt de rebus virtuosis.

Objic. 1. Ut aliquid sit voluntarium, & liberum, debet esse à voluntate, ut à causa physica, aut morali; sed eventus sequentes ex omissione non sunt à voluntate,



tate, ut à causa physica, aut morali sine præcepto : ergo nec liberi. Prob. min. submersio navis orta ex omissione regendi gubernaculum non esset nec physicè, nec moraliter à voluntate nautæ, nisi adesset præceptum regendi; ergo &c. Prob. ant. 1. non physicè, quia omissio illa; cum sit pura negatio, non potest habere ullum influxum physicum in effectum positivum, qualis est submersio navis. 2. non moraliter, quia nisi adesset obligatio regendi, non imputaretur illi submersio; ergo &c.

Resp. neg. min. & ant. utriusque prob. nam eodem prorsus modo, quo stante præcepto regendi navim, submersio esset libera nautæ, ita & cessante obligatione; tota differentia se tenet penes imputabilitatem, & peccatum, quæ oriuntur ex ea obligatione. Illi ergo eventus essent quidem liberi cessante obligatione circa omissionem, sed essent & liberi, & imputabiles stante obligatione non omittendi.

Objic. 2. Si hoc esset, peccata nostra essent libera Deo, sed hoc est falsum, & impium; ergo cessante præcepto, eventus ex omissione non sunt liberi. Prob. seq. quia Deus prævidet peccata secutura ex permissione, qua omittit ea impedire, æquè ac submersio navis est prævisa ex omissione directionis.

Resp. dist. maj. essent libera Deo permissivè, & inculpabiliter, conc. maj. & neg. min. quid enim in hoc injuriæ, vel erroris? positivè, & culpabiliter, neg. maj. & conf. Deus non solum permissivè, seu negativè concurrit ad peccatum, quod non impedit, cum posset, sed etiam positivè ad materiale peccati, quod aliunde prohibet, & punit; nec in hoc culpabilis, sed adoranda est ejus sapientia. Cur non liberè concurreret homo negativè ad eventus secutos ex omissione inculpabili, aut etiam laudabili?

## DISPUTATIO II.

De bonitate, &amp; malitia actuum humanorum.



Utrum vidimus, quid sit moralitas actus humani in genere, ac de libertate, quæ ad hoc requiritur; progredimur ad species moralitatis, inter quas patet bonitatem, & malitiam esse præcipuas: de indifferentia, quæ velut mediat inter illas, jam diximus.

## QUÆSTIO I.

An, & quid, & quotuplex sit bonitas actus humani, & quid sit malitia.

DE existentia malorum, & bonorum actuum non est qui dubitet tales dari, vel dari posse: docet ipsa Scriptura. [1] *Nonne si benè egeris, recipies, si autem malè, statim in foribus peccatum aders?* [2] Et, *Tribulatio, & angustia in omnem animam operantis malum, gloria autem, & honor, & pax omni operanti bonum.* Nec audiendi sunt hæretici docentes, omnia hominis etiam iusti opera esse peccata; nec in hoc immoramur. Quid autem sit illa bonitas, & in quo præcisè consistat, non adeò facile explicatur.

Diximus, quòd actus humanus est vel *internus*, qui à sola voluntate elicitur, vel *externus*, qui à voluntate imperatur aliis potentiis externis, & quatenus eorum actus dominio ejus subsunt; *interni* principales sunt *intentio*, quæ versatur circa finem, velut proprium, & immediatum objectum; & *electio*, quæ circa media, de quibus egimus in tract. de anima.

Bonitas actus humani alia est *naturalis*, quæ consistit in integritate eorum omnium, quæ ad entitatem ejus physicam, aut metaphysicam requiruntur: alia *moralis*, quæ in aggregatione omnium, quæ requiruntur ad illum, non ex natura physica ejus, sed ad perfectam ejus conformitatem ad rectam rationem; & è contra *malitia naturalis* erit quicumque defectus eorum, quæ requiruntur ad entitatem physicam,

aut

[1] Gen. 4. [2] Rom. 2.

aut metaphysicam actus; *moralis* verò erit defectus, seu carentia unius, aut plurium eorum, quæ requiruntur ad perfectam convenientiam actus cum recta ratione, seu regula morum. Dico, *unius, aut plurium*; quia ad bonitatem moralem requiritur aggregatio, seu concursus omnium requisitorum ad plenam convenientiam; sed ad malitiam sufficit defectus, seu carentia unius, juxta commune effatum ex D. Dionysio, *Bonum ex integra causa, malum ex quocunque defectu*: de bonitate & malitia naturali egimus in Metaphysica: de sola morali hæc loquimur.

Rursus *bonitas, & malitia moralis* duplex est. 1. *formalis*, seu *actualis*, quæ in ipso actu residet, & quæ actus dicitur formaliter bonus, aut malus, & est decor, seu pulchritudo actus consurgens ex illa aggregatione. 2. *materialis*, seu *objectiva*, quæ reperitur in objecto, prout ab intellectu repræsentatur, & facit honestum, vel inhonestum, seu amabile, vel odibile secundum rectam rationem, seu naturam rationalem; nomine autem *rectæ rationis, seu rationis naturalis* intelligimus dictamen intellectus nobis à natura insitum, quo dirigitur voluntas, & cui debet conformari in suis actibus; nam *recta ratio* est proxima, & intrinseca regula morum, quatenus per illam nobis proponitur lex naturalis, & positiva tam divina, quam humana, quæ est prima, & remotior regula; sed de his infra.

Denique, ex Scoto, [1] bonitas moralis adhuc triplex est juxta triplicem radicem, ex qua pullulat: prima dicitur *bonitas ex genere, seu objectiva, seu materialis*, quæ competit volitioni, quia transit super objectum conveniens actui secundum dictamen rectæ rationis; & hæc est prima bonitas moralis, quæ ideo dicitur *objectiva*, quia est ex objecto, & ex genere, & *materialis* propter proportionem aliquam ejus cum materia prima; quia sicut materia prima est ex se indifferens, & perfectibilis, seu determinabilis per plures formas; ita hæc bonitas objectiva est ex se indifferens ad plures posteriores moralitates petitas ex variis circumstantiis, & potest conjungi modò cum bonis, modò cum malis. Idem est de genere respectu differentiarum, quibus contrahitur ad varias spe-

cies: non tamen est bonitas abstracta, sicut animal respectu hominis, & bruti; nec reperitur semper in omnibus speciebus, sicut animal reperitur in bruto, & homine. 2. Dicitur *bonitas virtuosa*, seu *circumstantionalis*, quia advenit actui, non ex objecto, ut prior, sed ex aliqua circumstantia: v. g. ex fine, loco, tempore, &c. & ad hanc requiritur, ut adsint omnes circumstantiæ debitæ: quia, si unica desit, actus non erit bonus hac bonitate. 3. dicitur *gratuita*, quia est supernaturalis, & fundatur in gratia, & charitate; & *meritoria*, quia per illam meremur; dicitur etiam bonitas ex *acceptatione divina*, in ordine ad præmium. Hæ tres inter se sic ordinantur, ut prima præcedat, & sit quasi fundamentum secundæ, quæ illi supervenit, & huic tertiæ. Exemplum primæ sit eleemosyna, quæ ex objecto bona est: secundæ sit eadem eleemosyna, si detur de bonis propriis, & ut subvenias misero, & loco, & tempore decenti. Tertiæ sit ex eadem, si sit in statu gratiæ, & propter Deum; sic enim est meritoria. His tribus respondet triplex malitia, inquit Doctor. Dicemus 1. de *formali*, postea de *objectiva*, tum de *virtuosa*.

## CONCLUSIO I.

**B**onitas moralis sufficiens describitur ea *formatitas*: *relativa*, quæ consistit in aggregatione omnium, quæ secundum rectam rationem debentur actui; seu decor, & pulchritudo actus consurgens ex illa aggregatione. Ita communiter saltem quoad sensum.

Prob. 1. ex Scoto, [1] quia sicut pulchritudo est aggregatio omnium convenientium illi corpori, & inter se, puta, quantitatis, coloris, & figura, ut vult Augustinus: ita bonitas naturalis, quæ habet oppositum malum; bonitas verò moralis est ex aggregatione omnium convenientium actui, non absolute ex natura actus, sed quia conveniunt ei secundum rectam rationem: quia autem actui ratio recta dicat determinatum objectum convenire, & determinatum modum, & alias circumstantias, ideo non est completa bonitas ex solo fine, sed 1. ratio bonitatis eius est ex actus convenientia ad efficiens, a quo actus dicitur moralis, quia liberè elicitus.

Igi-

[1] 2. d. 49. A. n. 2.

Igitur Scotus ad *moralement bonitatem* requirit duas conditiones, 1. ex parte agentis, quam vocat convenientiam cum agente, & hæc consistit in eo, quod actus liberè eliciatur; & hæc est communis actui bono, & malo. 2. petitur ex parte objecti, quod debet esse conveniens vel ex se, & tunc actus dicitur *bonus ex genere*, seu *ex objecto* in se spectato, vel ex circumstantiis, quarum præcipua est circumstantia finis, & quando cum decentia objecti concurrunt etiam aliæ omnes circumstantiæ debitæ secundum rectam rationem, tunc bonitas actus dicitur completa. Patet igitur, inquit, quod sola bonitas finis, etiam cum intenditur secundum rectam rationem, non sufficit ad bonitatem actus, sed requiruntur etiam aliæ circumstantiæ, &c. & idem docet alibi [1] dicens, quod *Bonitas moralis actus est integritas eorum omnium, quæ recta ratio operantis iudicat deberi ipsi actui, vel ipsi agenti in suo actu convenire.*

Prob. 2. quia sic explicatur bonitas moralis actus, prout convenit cum aliis actibus moralibus, ut sunt actus indifferentes, & mali, & prout ab illis differt. Convenit in hoc, quod est *formalitas relativa* in actu humano. Differt autem per illam aggregationem integrantem; nam, ut dicebamus, si dehit unica ex circumstantiis debitis secundum rectam rationem, seu regulas morum, actus non erit bonus. Igitur omnis actus humanus, cui convenit hæc descriptio, & habet has conditiones, est bonus moraliter, & nullus erit sic bonus, cui non conveniat.

Dixi autem, seu decor, & pulchritudo actus exurgens ex illa aggregatione; nam bonitas fundamentalis consistit quidem in illa aggregatione, sed formalis consistit in relatione quadam decentiæ, quæ in actu resultat ex illo concursu. Sicut pulchritudo, inquit Doctor, [2] non est aliqua qualitas absoluta in corpore pulchro, sed est aggregatio omnium convenientium tali corpori, puta, magnitudinis, coloris, & figura, & aggregatio omnium respectuum, qui sunt istorum ad corpus, & ad se invicem, ita bonitas moralis actus est quasi quidam decor illius actus includens aggregationem debite proportionis ad omnia, ad quæ debet actus.

F 4

ctus.

[1] Quodlib. 18.c.n.4.

[2] 1.4.17.q.2.0.n.5.vet.9.3.A.n.2.

Actus proportionari, puta, ad potentiam, ad objectum, ad finem, ad locum, ad modum, & hoc specialiter, ut ista dicantur à recta ratione debere convenire actui: unde concludit, quòd principaliter conformitas actus ad rectam rationem plenè dictantem de circumstantiis omnibus debitis est bonitas moralis ejus; & hæc conformitas est relatio, quæ resultat positis illis omnibus: impossibile est enim poni aliquem actum in esse, & rectam rationem in esse, quin ex natura extremorum consequatur in actu talis conformitas ad rationem rectam. Relatio autem consequens extrema necessariò non habet causam propriam aliam ab extremis. Vides totam conclusionem luculenter probatam, & explicatam in sensu nostro.

Objic. 1. Hæc definitio convenit actui indifferenti circa bonum delectabile, v. g. circa cibum dulcem; ergo hæc definitio bonitatis moralis non est sufficiens; debet enim cõvenire soli actui moraliter bono. Prob. ant. ille actus non habet ullam indecentiam; alioqui non esset indifferens.

Resp. dist. ant. convenit actui indifferenti negativè, conc. ant. positivè, neg. ant. & prob. actus circa objectum delectabile præcisè ut talis non est contra regulas rectæ rationis nec quoad objectum, nec quoad finem, nec quoad alias circumstantias; sed non propterea dictatur à recta ratione, ut honestus; & ideo non habet positivè illum decorem.

Inst. ex virtute spei potest amari Deus, ut delectabilis nobis; sed ille amor esset sine dubio bonus moraliter; ergo nulla solutio. Prob. min. actus virtutis est bonus moraliter; sed ille amor est actus virtutis, nempe spei Theologicæ; ergo & bonus moraliter.

Resp. dist. maj. est bonus, si fiat ex præcepto, vel consilio, aut aliquo motivo honesto, saltem concomitanti, conc. maj. præcisè ex illo puro motivo, neg. min. Puto enim in illa præcisione non esse propriè actum spei Theologicæ, sed amoris proprii, seu concupiscentiæ humanæ; de quo tamen nolo hic decidere: idem respondendum ad min. & probationem ejus.

Inst. 2. Præceptum, vel consilium non facit, ut actus circa objectum indifferens sit bonus; ergo si a-

mox.

maior ille sit bonus, id non facit præceptum, vel consilium. Prob. ant. quia Deus non habet legem, vel consilium, & tamen operatur benè; ergo bonitas non petitur ex conformitate ad legem, vel consilium.

Resp. dist. ant. ut sit bonus ex parte objecti, conc. ex parte præcepti, vel consilii, neg. ant. & consequ. prob. nam præceptum, vel consilium de re indifferenti facit, ut actus sit moraliter bonus reflexè, scilicet bonitate obedientiæ, in qua est honestas, & conformitas ad rectam rationem. Quòd autem Deus non sit capax hujus bonitatis, venit ex ejus independentia, & sapientia, quæ nulli subjacent præcepto, vel consilio.

Objic. 2. Qui definiret corpus humanum esse illud, quod habet caput, brachia, truncum, crura, & pedes, diceret quidem verum, sed non definiret corpus humanum potius, quam bovinum, vel equinum; ergo per aggregationem partium, seu conditionum actus non rectè explicatur bonitas ejus moralis, sed debet explicari per conformitatem ad naturam rationalem, ut rationalis est.

Resp. neg. conf. & disparitas est, quia in ea descriptione ex collectione partium corporis humani nihil dicitur, quod respiciat formam, nequidem externam, seu figuram, ex qua colligi possit ejus differentia ab aliis corporibus, benè vero in descriptione nostra moralitatis, in qua collectionem illam notamus in ordine ad formam, scilicet convenientiam ad rectam rationem. Imò ibi explicatur & materia, & forma, scilicet fundamentum relationis, & ipsa relatio conformitatis ad rectam rationem.

Objic. 3. Sequeretur, bonitatem moralem esse aggregationem per accidens, non verò quid unum per se; sed hoc est absurdum, quia non constitueret unam veram speciem moralitatis, & essent plures bonitates; ergo non describitur per illam aggregationem.

Resp. neg. maj. Nam, ut dicebamus, illud aggregatum ex objecto, fine, & circumstantiis debitis non est ipsa formalis bonitas, sed causalis, ac fundamentalis; formalis verò est ille decor, & pulchritudo consurgens ex illa integritate, & aggregatione, ut patet ex textu Doctoris allato.

Quæres, an illa bonitas dicat formaliter quid ab-

130 De bonitate, & malitia act. hum.  
solum, & reale physicum superadditum entitati actus;  
an vero quid relativum, & quale illud sit?

Resp. ex dictis de moralitate in communi, quòd nihil addit absolutum physicum, sed relationem illam convenientiæ actus ad rectam rationem, quæ relatio est rationis, non quidem fingentis, sed cum fundamento, seu derelictum ex actu intellectus.

Ratio est, quia sicut moralitas ut sic nullam ponit entitatem physicam, nec absolutam, nec relativam propriè realem, ita est de bonitate, quæ est species moralitatis; & à fortiori de malitia; nam, ut probatum est, bonitas, nec malitia non dicuntur de actu, nisi per relationem ad objectum à ratione propositum, ut conveniens, vel disconveniens, sive de facto ita sit à parte rei, sive non, modò illud distamen sit prudens, id est per maturum examen, & ex motivis saltem probabilibus: ratio enim humana non potest omnia sine errore assequi, sed accidit aliquando, ut sine culpa judicet consentaneum, quando revera non est tale; de quo infra.

Quæres 2. an bonitas, & malitia sint essentielles actui; sive an actus de non bono possit fieri bonus, aut e contra.

Resp. id etiam patere ex dictis ibidem de moralitate; nam si hæc sit entitati actus accidentalis, à fortiori hoc dicendum erit de bonitate, & malitia; nec in istis est immorandum.

## CONCLUSIO II.

**F**ormalis malitia moralis consistit in defectu unius, vel plurium eorum, quæ secundum rectam rationem debentur actui, ex quo resultat relatio disformitatis ejusdem actus ab ea regula.

Hæc descriptio patet ex præcedenti, nam, ut dicebamus ex Scoto, cum bonum sit ex integra causa, & ideo bonitas resultet ex aggregatione omnium debitorum inesse actui; ita malitia ex defectu unius, aut plurium; quia malum ex quocumque defectu; unde sicut triplicem distinguit bonitatem, sic & triplicem malitiam ipsi oppositam. 1. est ex genere, quando actus transit super objectum disconveniens, ut si odire transeat super Deum, 2. est malitia ex ali-

qua



*qua circumstantia* deordinante actum, licet transeat super objectum conveniens actui secundum rectam rationem; ut si dares eleemosynam ex vanitate, aut alio malo fine, actus esset vitiosus ex malitia *circumstantiali*, non autem ex objecto; si verò dares neque ex bono, neque ex malo fine, neque ex aliis debitis circumstantiis, modò nulla esset positivè mala, actus quidem non esset virtuosus, sed tamen non esset positivè malus. 4. denique est *demeritoria*, quia demeretur pœnam; sed de hac, sicut de bonitate meritoria videbimus alibi.

Vides ergo, quòd sicut bonitas formalis consistit in illa decentia, & decore, seu pulchritudine, quæ relucet in actu humano ex aggregatione omnium, quæ secundum rectam rationem debentur illi, & quæ aggregatio est bonitas fundamentalis moralis; ita malitia formalis est illa indecentia, seu difformitas, quæ resultat in actum humanum ex defectu vel objecti, vel unius, vel plurium circumstantiarum debitarum inesse illi secundum rectam rationem; qui defectus est malitia fundamentalis: uno verbo, malitia formalis est negatio, vel privatio illius decoris, seu convenientiæ, seu integræ conformitatis.

Rursus, ex Scoto citato, alia est *privativa*, seu *contraria*, alia purè *negativa*; *privativa* non tantum deficit ab illa integritate, sed etiam inficitur aliqua circumstantia, vel objecto indebito: *negativa* autem est circa objectum indifferens, aut caret aliqua circumstantia necessaria ad positivam bonitatem, sed nulla adest, quæ sit positivè mala, ut diximus de actu indifferenti.

## Q U Æ S T I O II.

*De bonitate, & malitia objectiva; utrum actus contrahat aliquam ab objecto, & quam.*

**M**OX dicebamus ex Scoto, primam, & quasi radicalem bonitatem, aut malitiam dici ex genere, seu materiali, & esse ab objecto: sed quia de iis non satis convenit inter Philosophos, nec inter Theologos, speciali hac questione venit ex-

minandum, in quo consistat præcisè bonitas, & malitia illa objecti, per quam objectum aliquod dicitur bonum, aut malum, & actus dicitur bonus, aut malus ex objecto.

Certum est autem, quòd bonitas objecti præcedit non solum bonitatem actus, sed etiam rectitudinem iudicii, quo intellectus proponit illam voluntati; quia non ideò objectum est bonum, v. gr. non ideò Deus est amandus, quia amatur; nam posset amari diabolus, nec quia proponitur nobis ab intellectu ut bonus, & amandus, nec iudicium illud intellectus ullam ei infundit bonitatem, sed potius è contra ideò amor Dei est bonus, quia Deus in se est revera bonus, & amandus, & iudicium, quo sic proponitur voluntati, ideò rectum est, & bonum, quia Deus revera est talis, qualis iudicatur ab intellectu; ergo antecedenter ad ullum actum intellectus, aut voluntatis reperitur aliqua bonitas, vel malitia in rebus, propter quam bonum est, aut malum eas res amare, vel odisse, & illa propriè dicitur bonitas objectiva.

Certum est 2. aliqua esse bona, & honesta ex præcepto, & mala, & inhonesta ex prohibitione, seu ex lege affirmativa, aut negativa, quæ alioqui non essent sic bona, nec mala, saltem actualiter; & idem est de actibus circa illa, v. gr. lignum scientiæ boni, & mali in Paradiso terrestri non videbatur de se malum, nec ejus comestio mala seclusa prohibitione divina; sic ante legem scriptam circumcisio non videbatur objectivè bona, nec mala moraliter, imò neque in ea lege ante octavum diem, bene verò ex præcepto legis.

Aliqua etiam videntur ex se bona, & honestè amabilia, ut Deus, vel ex se mala, & inhonestè appetibilia, seclusa omni lege positiva, ut æqualitas Dei, mendacium, &c.

Certum est 3. bonitatem, quam in objecto, vel ex objecto quærimus, esse honestatis, non verò delectabilis, vel utilitatis, nec enim res dicitur bona moraliter, quia est delectabilis, vel utilis, sed quia honesta, & decens naturam rationalem, ut rationalis est. Utile, & delectabile, sicut & inutile, & injucundum possunt esse objecta honestæ actionis æquè ac

inhonestæ secundum varias circumstantias, quibus sociantur; ideo illa per se non dant actibus bonitatem, aut malitiam moralem; sæpe quod delectatur, turpe est, & quod displicet, honestum; ideo ista sunt de se indifferentia, & determinantur ad honestatem, vel turpitudinem per aliquas circumstantias, v. g. ex bono, vel malo fine, & similibus.

Certum est 4. nomine objecti aliquando intelligi rem externam, seu materiam, circa quam versatur actus, ut Deus, & proximus respectu charitatis; vel actum ipsum elicited imperatum respectu imperantis, ut actus furti respectu actus, quo dicis, *volofurari*, amor, & furtum sunt objecta immediata volitionum, per quas imperantur. Quæstio procedit de utrisque, sed præcipuè de objectis externis, an scilicet actus imperati, vel imperantes sumant aliquam malitiam, aut bonitatem moralem ab objectis materialibus, circa quæ versantur.

Quia autem solet bonitas describi per conformitatem ad legem, vel derivari in objecta ex lege, suppono ex dicendis suo loco, quod lex in genere est regula agendorum, vel omittendorum; seu regula, secundum quam homo inducitur ad agendum, vel ab agendo retrahitur; & dividitur in *naturalem*, & *positivam*, ex Scoto, [1] Illa est verum practicum lumine rationis naturalis ex propriis terminis simpliciter notum, ut in Mathematica, [2] *Omne totum est majus sua parte*; & in Metaphysica, *Quodlibet est, vel non est*; & in moralibus, *Summum bonum est amandum*. Unde lex naturæ dici etiam potest verum practicum ex aliquo tali principio evidenter demonstratum, ut *Deus est amandus, quia est summum bonum*. Unde quidquid noscitur conforme legi naturæ uno ex his modis est lex naturalis. Lex *positiva* importat actum voluntatis superioris, qui præcipit, vel prohibet cum intentione obligandi; & dividitur in *divinam*, quæ à Deo est, & continet quidquid S. Scriptæ, revelat necessarium, vel utile ad consequendam salutem ex ordinatione divina; & *humanam*, quæ est ab homine; & est vel *Ecclesiastica* continens quidquid

Ec.

[1] 1.2. quæst. 90. art. 1.

[2] 4. dist. 17. quæst. 1. &amp; dist. 26. quæst. 1. &amp; dist. 32. quæst. 1. ad 1.

134 *De bonitate, & malitia act. hum.*  
Ecclesia præcipit ob honestiorem observantiam in moribus, vel ob maiorem reverentiam in Sacramentis suscipiendis, vel dispensandis; vel Civilis, quæ manat ab imperantibus in bonum vitæ civilis.

Quidquid igitur aliqua ex his legibus præcipitur, aut prohibetur, dicitur objectum actuum humanorum; & inde videntur bonitatem, aut malitiam contrahere: & quoniam de *recta ratione* sæpius fit sermo, sufficit pro nunc scire, quòd sæpe sumitur *realiter* pro ipsa natura rationali, ut rationalis est, aliquando *formaliter* pro iudicio rei convenientis, aut disconvenientis, quod iudicium dicitur rectum, si sit conforme objectis, & si repræsentet veritates practicas, quales in se sunt, aut saltem quales apparent esse secundum motiva verisimiliora. Denique *recta ratio* describitur *originalis forma rectè vivendi mente concepta cum notitia omnium conspirantium ad ejus expressionem in moribus*.

His autem per transennam prælibatis, quæritur, an, & quid sit bonitas objectiva; id est an bonitas aliqua derivetur ab objectis in actus humanos, & qualis illa sit? Et idem quæritur de malitia. Id dicuntur negasse Epicurei, putantes nullam rem de se esse honestam, vel turpem; & Simon magus docens, nullam operationem esse naturaliter justam, sed ex antecedenti. Quod etiam docuit Carpocrates hæreticus; & Calvinus vult omnia opera nostra esse mala, & peccata, ut videre est apud Bellarminum. [1]

## CONCLUSIO I.

**D**antur aliqua objecta humanorum actuum moraliter bona, non solum ex lege positiva, sed etiam ex natura sua, & influunt in illas bonitatem moralem, quæ dicitur objectiva, & consistit in convenientia naturalis eorum ad rectam rationem, aut legem. Idem est de malitia cum proportionem.

Prob. 1. tota conclusio ex Scoto [2] docente, quòd, si objectum sit conveniens, tunc actus est bonus ex genere; & hanc bonitatem vocat primam, quia ex hoc, quod actus transit super objectum conveniens.

[1] lib. de justis. & de gratia.

[2] l. d. 7. r. 11.

ens tali actui secundum rectam rationis dictamen, & non solum est conveniens tali actui naturaliter, ut sol. visioni est prima bonitas moralis; & alibi docet [1] quod bonitas ex genere est prima in ordine moris; & quod actus habet malitiam, quia transit super objectum disconveniens, ut si odire transit super Deum; quia Deus non est objectum conveniens odio secundum rectam rationem; ergo ex Scoto [2] dantur objecta de se bona, & mala, quæ reddunt actus bonos, & malos; & illa bonitas objectiva, quæ est prima in actibus, consistit in convenientia illorum ad rectam rationem, & malitia in disconvenientia ad eandem; & utraque est in rebus aliquot ex earum natura, seclusa omni lege positiva; ut Deus est objectum conveniens amoris, & disconveniens odio ex se, & præcisa omni lege positiva.

Confir. Ille actus est de se malus, cuius objecto repugnat esse bonum, sive cuius objectum repugnat actui, & actus agentis; & per oppositum ille est de se bonus, cuius objectum est de se simpliciter necessarium, & perfectissimè conveniens agentis, & tales sunt actus odii, & amoris Dei; ille est de se, & essentialiter malus, & iste bonus, quia iste non potest esse contrarius rectæ rationi, imo. necessario est iuxta rectam rationem, quod talis actus tendat in tale objectum; hoc autem est, quia objectum est finis ultimus secundum se volendus, &c.

Prob. 2. ex August. [3] & Arist. nam ille quidem querit ab Evodio, cur adulterium male fieri putetur. Respondet ille: non sanè ideò malum est, quia vetatur à lege, sed ideò vetatur à lege, quia malum est: & in margine notatur: Malum ex se malum, etiam si non vetetur; nec responsum improbat August. nisi quatenus refundit hoc in legem æternam, de qua non agimus: ideò nitor Caramuelem, [4] qui hoc legerat, dixisse, quod nunquam Doctor aliquis, quem non lices explodere, expresse asserit res lege æterna malas. quia erant non solum metaphysicè, sed etiam Theologicè malæ moraliter. Distinguit malitiam ..

[1] Quodlib. 86. n. 6.

[2] 4. d. 16. q. 1. c. n. 4.

[3] 1. de liber. arbit. cap. 3.

[4] Theol. intemroc. num. 1031.

136 De bonitate, & malitia act. hum.  
nam, & peccatum philosophicum à Theologico. Sed  
hoc aliàs. Sufficit nobis, quòd aliquæ res sint aded  
bonæ, aut malæ, ut de se influant bonitatem, aut  
malitiam in actus, qui circa illas versantur indebite,  
& aliter, quàm illæ de se exigant. Sunt quædam, ait  
Arist. quæ statim ut nominata sunt, pravitatem con-  
nexam habent, ut malevolentia, impudentia, invi-  
demia, & in actibus stuprum &c. nunquam ex illis  
rectè facere datur, sed semper in illis delinquitur.

Prob. 3. quoad 1. p. ratione, quia de facto sunt plu-  
ra objecta, circa quæ voluntas non potest versari libe-  
rè, quin ex omnium sensu, & lumine naturali benè  
agat moraliter, si eorum bonitati, aut malitiæ con-  
formetur, amando quæ bona apparent, & odiendo  
quæ mala sunt, & circa quæ male agit, ac turpiter,  
nisi sic conformetur, & hoc independenter ab omni  
lege positiva divina, vel humana; ergo dantur ali-  
qua objecta moraliter bona, aut mala ex natura sua.  
Prob. ant. ex ipso lumine naturæ omnibus notum est,  
quòd Deus est bonus, & quòd per consequens amor  
ejus est bonus, & odium dedecens, & malum est;  
& quòd mendacium dedecet naturam rationalem,  
& malum est, & ideò amari non potest rationabiliter  
ut tale; & ex omnium sensu, & independenter ab ul-  
la lege positiva amor Dei laudatur, & odium ejus,  
ac mendacium damnatur; & licet de facto legibus  
positivis divinis, & humanis ille præcipiatur, & istud  
vetetur, non impedit, quin sic de se sint bona, &  
mala, & ideò ille præcipitur, & istud prohibetur.

De bonitate autem, & malitia objectiva ex legum  
præcepto, vel prohibitione nulla est difficultas: cer-  
tum est enim, esum carnis die veneris esse malum  
ex prohibitione, qua præcisæ esset licitus, & indis-  
ferens; & ita est de jejunio apud Minores Conven-  
tuales, qui ea die est bonus ex regulæ præcepto,  
cum aliàs non haberet eam bonitatem, sed vel esset  
indifferens, aut bonus alia bonitate, v. g. temperan-  
tiæ, &c.

Prob. 2. p. 1. ex Scoto. [1] Nam virtus omnis, &  
malitia ad aliquid sunt: Actus igitur esse bonus, vel vir-  
tuosus importat relationem, vel multas relationes; li-  
cet habeat modum denominationis, vel predicandi

*qualitatis, sicut sanum, & pulchrum; ergo bonitas, & malitia tam in objectis, quàm in actibus debet explicari, & mensurari per relationem convenientiæ, vel disconvenientiæ ad rectam rationem; unde semper sic explicat bonitatem, & malitiam moralem.*

Prob. 2. quia hæc bonitas, & malitia non potest melius explicari, quàm per illam convenientiam, & disconvenientiam ad rectam rationem; certum est, quòd omne objectum sic conveniens est moraliter bonum, & quòd sic disconvenit est moraliter malum; & ita est de actibus, qui circa illa versantur, si eis conformantur, erunt boni ex objecto, sin minus, erunt mali, etiam seclusis omnibus aliis circumstantiis; ergo bonitas, & malitia objectivè sufficienter explicantur per illam convenientiam, vel disconvenientiam.

Objic. 1. ex August. [1] *In omnibus non usus rerum, sed libido utentis in culpa est, in omnibus hujuscemodi rebus non ex earum rerum natura, quibus vivimus, sed ex causa utendi, & modo appetendi vel probandum est, vel improbandum, quod facimus, ergo in rebus non est bonitas, vel malitia, sed in circumstantiis, & modo iis utendi.*

Resp. dist. conf. in rebus omnibus, conc. conf. in aliquibus, neg. conf. nam Aug. non loquitur de omnibus, sed aliquibus, verbi gratia de cibis, de vestibus, & aliis hujuscemodi rebus, quæ cum de se indifferentes sint, aut licitæ, fiunt malæ ex abusu, & circumstantiis; sed aliæ sunt, in quibus non potest peccari, si versemur circa illas, ut ex se exigunt; verbi gratia non potest peccari in amore Dei, cum sit essentialiter bonus, & summè; nec excusari à peccato mendacium, quia est essentialiter malum. Non dicimus, objecta esse in se mala, aut bona moraliter, & absolutè bonitate, aut malitia morali, sed relativè ad actus, & rectam rationem; in hoc enim consistit moralitas.

Obj. 2. Objectum intrinsecè malum semper est malum; & idem est de bono, sed nullum datur semper bonum, aut semper malum; ergo nec intrinsecè bonum, aut malum. Prob. min. nullum est objectum

sic

fic bonum, quin possit haberi actus malus circa illud; & ita est de malo: ergo nullum est objectum semper bonum, aut malum.

Resp. neg. min. & conf. prob. nam bonitas, & malitia objectiva, de qua agimus, attenditur penes naturam objecti, quod de se exigit terminare actus, qui si sint tales, quales exigit secundum rectam rationem (ver. gr. amor circa Deum, & odium circa peccatum) erunt boni ex objecto; si verò non sint tales, quales exigit de se, erunt mali; & hæc malitia non tam venit ex parte objecti, quam ex deordinatione voluntaria hominis. Si ergo objecta bona spectentur relative, & in ordine ad amorem, quædam sunt semper bona, ut Deus, qui semper honestè amatur; si verò respectu odii, quædam sunt semper mala, quia semper odibilia, ut peccatum.

Objic. 3. contra totam concl. Convenientia objecti cum recta ratione est delectabilitas potius, quam honestas; nam esse conveniens nihil aliud est, quam esse commodum; sed delectabilitas non insuit bonitatem moralem in actum; ergo nec convenientia, seu bonitas objectiva; vel non bene explicatur per illam convenientiam.

Resp. neg. ma. & rationem ejus; nam convenientia, de qua loquimur, est decentiæ, non verò utilitatis, vel commoditatis; unde aliquid esse conveniens rectæ rationi est de se esse tale, ut recta ratio voluntati dicat, quòd potest, aut debet illud prosequi, & si id faciat, laudabiliter faciet, & è contra.

Inst. Si ex errore invincibili putares, homicidium esse bonum, ille actus tam bonus esset ex objecto, quam malus est ex conscientia recta; ergo objectum de se, & fundamentaliter non est bonum, nec malum. Prob. ant. ille actus non posset esse bonus aliunde, quam ab objecto; ergo, &c.

Resp. neg. autec. utrumque: nam actus esset bonus ex conscientia erronea, cui debet conformari, quam diu est invincibilis, non autem ex objecto, pro ut est in se.

Objic. 4. Si objectum daret bonitatem, aut malitiam actui, idem actus haberet plures bonitates, aut malitias specie diversas, & posset poni in diversis specie-

bus



bus virtutis, aut vitii: sed hoc repugnat: ergo & illud. Prob. maj. quia idem actus potest habere plura objecta specie diversa; ut si jejunes ex obedientia, ex voto, ex gratitudine, &c. tunc enim jejunium respiciet plures bonitates specie diversas; ergo si actus summat bonitatem ab objecto, poterit habere plures specie bonitates virtutum diversarum.

Resp. dist. maj. & ant. prob. plures bonitates, sicut plura objecta partialia, & inadæquata, conc. plura objecta, & bonitates totales, & adæquatas, neg. maj. & min. implicat quidem, saltem naturaliter, quod idem actus habeat plura objecta, aut fines, aut bonitates, aut malitias totales, & adæquatas ob rationes datas in Physica: sed partiales, & inadæquatas, ac subordinatas habere potest, sicut effectus idem plures causas partiales.

Objic. specialiter contra 2. p. Illa definitio non assignat primum, & immediatum subjectum honestatis objectivæ; ergo non est bona, quia debet dari per genus, & differentiam propriam, & immediatam. Prob. ant. si quæratur, cur objectum sit conveniens cum natura rationali, seu cum recta ratione, debet responderi, quia est conforme legi positivæ divinæ, vel humanæ; ergo potius conformitas ad legem, quam ad rectam rationem est fundamentum primum, & immediatum bonitatis objectivæ.

Resp. neg. utrumque ant. nam cum illa convenientia cum recta ratione immediatè manet ab entitate objectorum (loquimur de bonitate, & malitia intrinseca) potius, quam à lege, à qua non venit nisi bonitas, & malitia extrinseca, rectè sic definitur: unde quærenti, cur Deus sit honestè amabilis, aut cur amor Dei sit honestus, si velis respondere per causam intrinsecam, & primariam, dices, id venire ex intrinseca, & essentiali ejus bonitate. & idem est, si quæratur prima ratio malitiæ objectivæ in odio Dei; in ejus enim summa bonitate fundatur turpitudine talis odii, & disconvenientia ejus ad rectam rationem; & lex ipsa positiva, qua præcipitur ille amor, fundatur in illa convenientia naturali.

Inst. Quærimus hic de bonitate objectiva morali, non verò de naturali, aut physica; sed bonitas, quæ petitur ab entitate objecti, est potius naturalis, & phy-

Phyfica, quàm moralis; ergo solutio non est ad rem.

Resp. dist. maj. non agitur de bonitate naturali phyfica, aut metaphyfica entis, conc. maj. de bonitate naturali morali, quæ fundatur in naturali convenientia rei ad rectam rationem, neg. maj. & similiter dist. min. est potius naturalis, & phyfica, prout naturale, & phyficum opponitur bonitati extrinsecæ, & arbitrariæ, quæ scilicet pendet à voluntate legislatoris, conc. min. prout naturalis bonitas significat integritatem entis, & conformitatem ad sua principia essentialia metaphyfica, aut convenientiam ad aliam naturam, quàm rationalem, & distinctam à bonitate, aut malitia morali, neg. min. & cons. nam convenientia, de qua loquimur, fundatur quidem in natura objectorum, & terminatur ad rectam rationem, secundum quam sunt amabilia, vel odibilia laudabiliter, ita ut si amentur, quæ sic bona sunt, & odiantur, quæ sic mala sunt, amor, & odium sint laudabilia, & bona moraliter; & è contra si non amentur secundum illam bonitatem, nec odiantur secundum disconvenientiam, actus isti erunt mali, & inhonesti moraliter; & hoc militat pro illis objectis, quæ præcisa lege positiva dicuntur bona, & mala: nam de aliis non procedit hæc objectio.

Inst. 2. Omne, quod honestè, & moraliter est amabile à voluntate humana, ideò est, quia ratio Dei sic dicat, & voluntas ejus sic statuit: sed ratio, & voluntas divina est lex æterna positiva; ergo omnis bonitas, seu amabilitas est à lege positiva, & debet explicari per conformitatem ad illam, non verò ad rectam rationem.

Resp. dist. maj. Ideò quia sic dicat ratio, & statuit voluntas divina, & simul, ac primariò quia objectum tale est de se, conc. maj. ideò tantum, & præcisa bonitate naturali objecti, neg. maj. & cons. imò ideò ratio divina cognoscit, & judicat essentiam Dei amabilem, & odium ei esse disconveniens, quia cognoscit summam bonitatem, & amabilitatem ejus, quam non dat, sed supponit scientia illa; & similiter dicendum de voluntate, & lege, qua præcipit amorem, & prohibet odium ejus. Fateor, Dei voluntatem posse red-  
dere positivè amabile, quod de se esset indifferens,

sed

sed id non impedit, quin aliqua sint utraque bonitate amabilia, scilicet naturali, & intrinseca, & ex se, quia talis sunt naturæ, & ex lege divina sic iubente positivè, ut patet de amore Dei, qui lege naturali, & positiva divina præcipitur.

Hæc doctrina fundatur apertè in Scot[us] dicente, quod *actus primam relationem (conformitatis) habet per se ab objecto, quod vel est rectitudo, praxi, vel ali quod includens virtualiter ipsam rectitudinem, & si habet hoc ex fine, tamen non in quantum finis, sed in quantum est objectum. Unde accipiendo regulam pro rectificante in praxi, prima regula est finis ultimus, scilicet Deus, non ut judicans, nec præcipiens seu non ut legislator æternus, sed ut finis ultimus, qui virtualiter includit notitiam omnium veritatum speculabilium (hoc est de ratione objecti primi) hac autem prima regula, qua est finis, regulate rectificat intellectum, & voluntatem, sicut ipsa potentia nata sunt ordinate agere, ita quod quasi prius gignit notitiam conformem rectæ praxi. Vides, quod Deus ut finis ultimus, & ut objectum veritatis, practicæ gignit prius notitiam, & per consequens lex est posterior bonitate objectiva; loquor semper de intrinseca, ut est bonitas divina, sed hoc fusius, ubi de peccatis, & legibus examinabimus.*

Igitur bonitas moralis actus ex objecto consistit formaliter in convenientia, quam habet cum objecto, quatenus versatur circa illud conformiter ad regulam rectæ rationis, ita ut amet, vel fugiat objectum, prout recta ratio dicitur illud esse amandum, aut fugiendum. Objectum verò esse sic bonum, & convenientius, nihil aliud est, quàm illud esse ex natura sua tale, si bonitas est intrinseca, quod voluntas potest illud prosequi sine peccato, imò & laudabiliter, & ita dicendum de malitia tam formali actus, quàm objectiva; nam contrariorum eadem est disciplina.

## CONCLUSIO II.

**L**icet bonitas, & malitia, quam ab objecto habet actus humanus, dicatur generica, & materialis, est tamen

[1] *quæst. 4. prol. H. G. & Q. num. 13. 14. &*

tamen in aliqua specie vera moralitatis, seu bonitatis, & malitiae. Hanc pono ad maiorem declarationem doctrinae Scoti, quem putant multi [1] aliter sensisse, non capientes, quid sit bonitas, quam vocat genericam, & materialem.

Prob. 1. ex Scoto. [2] Determinatio objecti est prima determinatio, quae pertinet ad genus moris, non tantumquam differentia determinans ad aliquid in illo genere, sed tantumquam potentiale receptivum determinationis moralis, quia quando actus est habens obiectum conveniens agenti, & actioni, tunc est capax determinationis moralis secundum circumstantias ordinatas, propter quod actus dicitur ex obiecto habere bonitatem ex genere, quia sicut genus est aliquid potentiale respectu differentiarum, sic bonitas ex obiecto est prima in genere moris praesupponens solam bonitatem naturae, & capax omnis bonitatis specifica in genere moris, & istam vocat bonitatem ex circumstantiis; ergo per bonitatem ex genere non sumit nomen generis in rigore logico, vel metaphysico, seu pro natura tantum abstracta, & universali, quae sit in varias species, & individua contrahibilis, ut animal per equinitatem, & rationalitatem ad equum, & hominem, bucephalum, & Petrum: sed sumit genus analogice, & improprie (sicut & nomen materiae) ut significet, quod bonitas, quam sumit actus ab obiecto, licet determinata, & individua juxta speciem singularem ipsius obiecti, est prima moralitas, seu bonitas, quae ulterius est determinabilis per alias bonitates, quas participat ex circumstantiis: istae vero dicuntur specifica respectu illius primae, non quasi ei subjiciantur, sicut species generi, & haec de illis praedicetur in quid, sicut genus de speciebus, ut animal de leone, & homine: sed quia illae aliae bonitates superveniunt isti, & cum ea bonitatem totalem integram constituent. Ideo illam descripsit [3] decorem includentem aggregationem debitae proportionis ad omnia, ad qua debet proportionari. Igitur bonitas, quam actus habet ab obiecto, dicitur ex genere, quia est prima, cui adveniunt, & quasi aggregantur omnes aliae, quae

ma-

(1) Valent. 10. 2. d. 2. q. 3. f. 2.

(2) Quodlib. 18. G. n. 6.

(3) 1. d. 17. q. 2. P. n. 16.

manant à circumstantiis. Ideò etiam dicitur *quasi materialis*, quia se habet velut objectum aliarum, quibus perficitur. Ita Doctorem subtilem intelligunt peritiores non solum ex Scotistis, sed etiam aliis.

Confir. Nam alibi [1] docet, primam circumstantiam; & specificationem sumi ab objecto: à quo enim sumitur prima circumstantia actus nude considerati, videtur esse prius quocumque alio, & ita objectum, à quo specificatur primò actus dicatur bonus ex genere circumstantionabilis ulterius aliis circumstantiis, ut sit plenè moralis (objectum inquam) videtur primum in cognitione practica; ergo ex Scoto bonitas objectiva est etiam specifica, & formalis, nec aliter dicitur materialis, & ex genere, nisi quia præcedit in actu alias, quæ veniunt ex circumstantiis.

Prob. 2. quia omnis actus in genere naturæ speciem habet ab objectis; ergo & in genere moris, seu bonitatis, & malitiæ. Prob. conf. quia non est major ratio de specificatione naturali, quàm de morali; dat quidem bonitatem genericam, & communem, si objectum consideretur præcisè ut bonum in communi, & dat etiam specificam; & particularem, si illud idem consideretur secundum suam bonitatem propriam specificam, & individualement, v. g. eleemosyna potest considerari simpliciter ut bona, & conveniens rectæ rationi, deinde ut bona specialiter, ut levamen miseriæ proximi, & sub illa consideratione dat actui moralitatem, & bonitatem misericordiæ, sic amor propriæ uxoris dicitur conjugal, & amor uxoris alienæ dicitur adulterinus; & illam diversitatem specificam sumit ab objectis; ergo bonitas, & malitia objectiva est verè specifica, & quidem in specie atomata.

Probatur 3. Nam actus potest esse bonus, aut malus ex solo objecto, præcisè omni circumstantia; ergo tunc erit specifica, & particularis, nec etiam genus potest existere in abstracto: quidquid enim existit est singulare, & in aliqua specie. Prob. ant. potest quis amare Deum ver. gr. non attendendo ad ullam circumstantiam: quid enim in hoc repugnat? sed tunc nulla erit bonitas in illo amore, præter objectivam; ergo potest actus esse bonus ex solo objecto, & in particulari, & in individuo.

Objic.

[1] q 4. & 5. prol. G. n. 13.

**Objic. 1.** Possunt dari actus boni diversæ species circa idem objectum, v.g. possum dare pauperi nummum vel ex misericordia, vel ex iustitia, vel ex poenitentia, &c. ergo specificatio bonitatis non venit ab objecto. Prob. conf. nam illæ bonitates misericordiae, iustitiæ, poenitentiae sunt diversæ species; ergo, &c.

**Resp. dist. ant.** circa idem objectum materiale, conc. ant. circa idem formale, neg. ant. & conf. nam largitio illa habebit quidem objectum materiale idem, scilicet nummum, aut largitionem nummi, sed objecta formalia sunt diversæ, scilicet illæ virtutes.

**Objic. 2.** Propositum rectè vivendi est actus honestus ex objecto; nam recta vita est objectum moraliter bonum: sed honestas illa non est in specie ulla virtutis; ergo bonitas objectiva non est specifica, saltem semper. Min. prob. nam bonitas illa est generica, & universalis complectens omnes virtutes; ergo non est in specie ulla particulari.

**Resp. neg. min. & conf. probationis:** nam ille actus tam est individuus, & singularis, quàm ullus alius, & per consequens in aliqua specie, quæ licet sit innominata, quia involvit omnes virtutes, & illas habet pro objecto totali, & adæquato, & totam legem honestatis, non minùs est determinata, sicut actus determinatus intellectus terminatus ad ens, vel substantiam in communi non minùs est singularis, & specificus, quia ens, aut aliud simile objectum, licet indifferens, & commune, tamen ut intellectum, habet unitatem, etiam numeralem, & individuum objecti, &c. inquit Doctor: [1] ita dicendum de bono in communi, prout cadit sub unum actum voluntatis. Nam ut tale volutum est unum numero objectum. Unitas autem numerica non est sine specifica. Deinde licet hoc diceretur de aliquibus, non sequeretur id dicendum universaliter de omni bonitate objectiva: & sic salvatur veritas conclusionis.

**Inst. Scotus** [2] ubique loquitur de bonitate objectiva, (idem est de malitia) ut de re contrahibili per differentias speciales, nempe per bonitates circumstantiarum, velut per differentias específicas; sed quod est contrahibile per differentias ultiores, se habet ut genus, non verò ut species; ergo ex Scoto

& ra-

& ratione bonitas obiectiva non est nisi generica. Prob. maj. bonitas jejunii potest contrahi ex circumstantia finis ad bonitates diversarum virtutum, v. g. religionis, aut obedientiæ, aut penitentiae, si fiat ex motivo colendi Deum, vel obediendi Prælato, vel satisfaciendi pro peccato; *Actus transiens super obiectum est quasi formabilis per quamcumque aliam circumstantiam moralem, & ita quasi potentiale non omnino extra genus moris.*

Resp. ex ipso textu Scoti, neg. maj. nam loquitur de contrahibilitate accidentali, & latè sumpta, non de propria, & rigorosa; illa fit per differentias accessorias, & accidentales, quales sunt bonitates, & malitiæ ex circumstantiis, quæ superveniunt bonitati, & malitiæ obiectivæ per quandam aggregationem, ut dicebam ex eodem: uno verbo, Scotus dicit, quod actus, seu bonitas obiectiva est quasi formabilis, & quasi potentialis, quod signum est; illam contrahibilitatem, formabilitatem, & potentialitatem non esse propriè genericam, sed impropriè, & per quandam analogiam sic vocari, sed propriè est specifica.

Inst. 2. ex Scoto. [1] Nullus est actus sufficienter bonus moraliter ex obiecto præter amorem Dei, nec sufficienter malus præter odium Dei; ergo omnes alii actus circa obiecta creata sumunt speciem; & bonitatem, & malitiam substantialem non ab obiecto, sed à circumstantiis.

Respondeo dist. ant. sufficienter, id est ultimè, & independentè ab ullis circumstantiis, conc. ant. id est essentialiter, & primariò, neg. ant. nec enim id intendit Scotus ibi, sed tantum quod actus circa alia obiecta præter bonitatem, quam ab illis habent, possunt etiam alias habere ex circumstantiis, quod magis patebit ex sequenti.

### CONCLUSIO III.

**B**onitas, & malitia obiectiva est prima, & essentialis in genere moris.

Tom. IV.

G

Prob.

[1] 4.d.26.q.1.C.n.4.

Prob. 1. ex Scoto: [1] nam ibi docet, quod bonitas ex objecto est prima in genere moris, quod actus habet malitiam ex objecto, quia transit, super objectum disconveniens, quod actus est de se malus, cuius objecto repugnat esse bonum .... quod primam relationem habet per se ab objecto; quod ab objecto prius specificatur actus, ut dicatur bonus ex genere, &c. Hi omnes loquendi modi docent, bonitatem, & malitiam ex objecto esse primas rationes constitutivas actus in genere moris, quod enim prius est in re, prius constituit rem.

Prob. 2. quia actus sumit suam bonitatem, & malitiam specificam in genere moris ab objecto, ut probatum est in precedentibus; ergo illa bonitas, & malitia est essentialis actui. Prob. cons. nihil enim est essentialius rei, quam forma, seu differentia, & ratio ejus specificativa: hæc enim tribuit ei primam, & essentialem perfectionem in genere naturæ; ergo ita est in genere moris.

Confir. quia finis extrinsecus, & alie circumstantiæ sunt accidentia objecti, & actus; ergo bonitas, & malitia, quam habet actus ab illis, est accidentalis.

Prob. 3. Illa dicitur bonitas primaria, & essentialis, sine qua actus moralis secundum substantiam esse non potest permanente alia (idem est de malitia) illa vero dicitur accidentalis, quæ mutatur manente actu in eadem essentia moris, sed bonitas, & malitia objectiva talis est; ergo & primaria, & essentialis. Prob. min. si semel objectum est de se bonum, ut dicebamus de amore Dei, quacumque circumstantia mutata, semper est bonus eadem bonitate essentiali, sic furtum semper est malum, sive fiat ex libidine, sive ex avaritia, sive ex odio, &c.

Objic. 1. Prima, & essentialis bonitas, & malitia actus humani sumitur ex libera conformitate, vel difformitate ad rectam rationem, seu ad regulam morum; sed hæc non venit ab objecto, sed à dictamine rationis; ergo & prima, & essentialis bonitas, & malitia. Patet ant. quia ex vario dictamine rationis variatur bonitas, vel malitia actus. Prob. cons. quia recta ratio habet se ut primum, & immutabile.



dictatum principium actus humani, objectum verò est tantum terminus ejus.

Resp. dist. maj. Sumitur formaliter, & immediate ex illa conformitate ratione objecti, in quo fundatur primario illa conformitas, conc. maj. ratione sui, neg. maj. & min. nam recta ratio est tantum regula intrinseca, per quam dignoscitur honestas, vel turpitudine objecti, nec aliter specificat actus, quam proponendo, & dictando varietatem illam bonitatis, & malitiz.

Inst. Actus circa objectum indifferens non sumit ab eo primam, & essentialem bonitatem, aut malitiam, sed vel à dictamine, vel à fine, aut alia circumstantia, ergo bonitas moralis non semper sumit bonitatem essentialem ab objecto. Prob. ant. objectum indifferens de se non habet malitiam, nec bonitatem; alioqui non esset indifferens; ergo neutram potest dare actui.

Resp. dist. ant. quoad 2. p. sumit bonitatem primam à fine, qui in tali casu habet rationem objecti, ut dicebamus supra ex Scoto, conc. ant. quoad illam partem; in ratione finis, ac circumstantiæ præcisæ, & formaliter ut talis, neg. ant. & conf. fateor, quòd cum res, circa quam versatur actus, est de se indifferens, ut ambulare, levare festucam; fricare barbam, &c. si actus fiat bonus, aut malus, id veniet à fine extrinseco, vel ex alia circumstantia; sed tunc ille finis, vel alia circumstantia habebit locum objecti, ut magis patebit infra.

Resp. 2. neg. conf. Nam licet in tali casu bonitas prima non veniat ex objecto; quia illud est de se indifferens, non sequitur, quin det illam, quando non est indifferens, sed bonus, aut malus; & de hoc casu procedit conclusio nostra, & sufficit, quòd tunc vera sit.

Objic. 2. Intentio, quæ est primus actus voluntatis, est bona, aut mala ex fine primario, & essentialiter, ergo actus moralis non semper sumit primam bonitatem, & malitiam ab objecto. Prob. nt. ille actus non respicit nisi finem ut finem; ergo non potest sumere bonitatem, aut malitiam nisi ex fine.

Resp. neg. ant. utrumque, quia tunc quod terminat

148 De bonitate, & malitia actuum.  
natum actum voluntatis, habet rationem obiecti potius  
quam finis, aut circumstantiæ.

#### CONCLUSIO. IV.

**U**T actus contrahat bonitatem moralem ab obiecto  
debet esse cognita, & volita liberè, & directè;  
non tamen semper requiritur, ut sit volita formaliter  
propter se, & in ratione finis, modò absit intentio ma-  
la, qua vitietur actus. Est communis.

Prob. 1. ex Phil. [1] & Scoto [2] dicentibus, quòd  
ut quis operetur iustè, debet agere sciens, eligens,  
& volens, ut iam diximus supra; ergo debet scire,  
& velle positivè bonitatem obiecti, ut actio illam par-  
ticipet. Item docet, [3] quòd ad bonitatem merito-  
riam non videtur sufficere minor relatio (actus ad ob-  
iectum) quam relatio virtualis: dixerat autem, quòd  
actus referri potest ex charitate in finem ultimum tri-  
pliciter. 1. actualiter, sicut cogitans actualiter de fi-  
ne diligit illum, & vult aliquid propter illum. 2. vir-  
tualiter, sicut ex cognitione, & dilectione finis de-  
venit ad volitionem huius entis, &c. Scilicet a-  
ctus potest referri in obiectum, seu finem charita-  
tis. 1. actualiter, quando ex actuali amore finis,  
operaris ob illum finem, v. g. das eleemosynam,  
quia vides, & vis placere Deo. 2. virtualiter, quan-  
do ex amore Dei statuis aliquid facere; & postea fa-  
cis id, licèt tunc non cogites amplius de Deo, v. g.  
statuis ire ad celebrandum, & arripis iter, & cele-  
bras, sed interim cessas cogitare de Deo, & amore Dei,  
qui tamen fuit causa, cur veneris ad celebrandum.  
3. habitualiter, quando actus est de se referibilis ad  
finem, & fit in statu gratiæ, sed tamen, cum fa-  
cis, non cogitas, nec refers ad Deum nec actualiter, nec  
virtualiter; certum est, inquit, quòd primus actus  
est meritorius, & satis probabile est de secundo. 1. de a-  
ctu, qui tantum refertur habitualiter, & negativè  
(id est qui non refertur nec actualiter, nec virtualiter)  
dubium est, utrum talis actus sit meritorius, vel  
peccatum veniale, quia non potest esse mortale pec-  
catum) aut sit talis actus indifferens; ergo ex Scoto actus

[1] 2. Ethic. 4. [2] 1. d. 17. q. 2. BB. vel q. 3. n. 15.

[3] 2. d. 41. C. n. 4. n. 2.

ut sit bonus ex obiecto, seu fine; debet homo agnoscere, & velle actualiter, aut virtualiter illam bonitatem modo explicato; scilicet per volitionem positivam actualem, vel virtualem.

Prob. 2. quoad 1. p. Nam certum est; & hoc dicit ratio naturalis, quod si facias actum de se honestum, v. g. eleemosynæ, nil curans, nec cogitans de illa honestate, sed ex alio motivo malo, vel indifferenti, aut ex puro beneplacito, vel delectatione, aut alio motivo, non erit actus charitatis, nec misericordiae formaliter: item licet videas ieiunium conferre ad sanitatem, ad virtutem poenitentiae, & castitatis, si tamen non amas illas bonitates, nec intendis illas, sed solum bonitatem temperantiae, certum est, quod ieiunium non participabit illas moraliter, & coram Deo, & à fortiori si comedas ex sola delectatione, non verò ad sustentationem vitae, certum est, quod non operaris honestè, licet sustentatio ipsa sequatur ex comestione.

Prob. 2. p. quia obiecta materialia, v. g. Sanitas, victus, vestitus, ambulatio &c. possunt rationabiliter, & honestè amari propter intrinsecam suam bonitatem, & respui rationabiliter propter naturalem, & intrinsecam malitiam suam; v. g. potest amari bonum delectabile, & commodum naturæ in suo ordine, & servata mensura rectæ rationis, v. g. timeri possunt mala naturæ, ut morbi, mortes, & alia incommoda similiter in suo ordine, & servata mensura rationabili, & tamen illa obiecta non habent rationem formalem finis, non amantur expressè; nec propter se positivè, nec propter aliud, sed amor purè terminatur ad illa; ergo ut actus sit obiectivè bonus, moraliter non requiritur, ut ametur eius bonitas formaliter propter se, & in ratione finis. Patet consequens in illis obiectis in hac suppositione consideratur tantum explicite, & directe bonitas naturalis, commodum naturæ, vel malitia, & incommodum, & molestia, quam inferunt; non verò honestas ulla. Prob. ant. prudentia moralis naturalis non dicit, ut versemur circa illa obiecta propter honestatem ullam intrinsecam, quam de se non habent, nec propter extrinsecam, saltem necessariò, sed ut amantes illam delectabilitatem, & commoditatem, & fugientes

malitiam, & incommoda servemus in eorum amore, vel odio debitam mensuram, & modum non excedendo, nec deficiendo, in hac autem mensura consistit honestas, & hæc potest concurrere, non ut finis, sed ut regula dirigens, & concomitans, nec est necesse, ut habeat rationem finis, & sic ludos, ambulationes, aliasve recreationes vocamus honestas, quatenus scilicet in earum usu servamus modum rationis rectæ, licet illa directæ, & in se appetamus; ergo objecta possunt honeste appeti, aut vitari secundum bonitatem, aut malitiam naturalem suam, licet honestas non sit motivum formale, & ut finis talis amoris, vel odii.

Dices, illam ipsam mensuram, & regulam rationis habere rationem objecti formalis, ita ut cibus v. g. sit objectum comestitionis honestæ, prout est moderatus juxta illam mensuram; ergo semper honestas est ratio motiva, & finis talium actuum, & semper voluta, ut talis.

Contra. Finis ut finis est ratio motiva, & affectiva voluntatis ad amandum objectum; sed illa mensura præcisè, & per se non est ratio affectiva amandi cibum; aut ludum, sed delectabilitas, vel utilitas ut propria bonitas naturalis ejus cum ea tamen conditione, ut mensuretur ad regulam rationis; ergo illa moderatio non habet rationem finis, sed puræ conditionis, quæ comitari debet tales actus, ne vitentur per excessum, vel defectum, aut ex alia mala aliqua circumstantia, Prob. ant. nam patet experientia ludentium, comedentium, &c. quod non moventur ad ludendum, vel comedendum, nisi per delectationem, quam ex eis percipiunt, modò curent servare in illis debitam mediocritatem, sine qua illi actus possent vitari per excessum, aut malam aliquam circumstantiam, & ideò parati sunt desistere, si advertant in eis esse aliquod vitium excessus, aut defectus, vel circumstantiæ malæ, & ea diligentia ad vitandos excessus, aut defectus sufficit ad honestandos tales actus.

Confir. Nam si aliqua bonitas non veniret ab objecto præcisè, & præter bonitatem finis, ut finis est, nunquam in actibus posset reperiri alia bonitas, quam finis; sed consequ. est falsum; ergo & ant. patet maj.

nam

nam actus eleemosynæ ex motivo pœnitentiæ, vel iustitiæ non haberet ullam bonitatem objectivam misericordiæ, aut liberalitatis, sed tantum iustitiæ, aut pœnitentiæ, quæ esset bonitas formalis ex fine. Ita esset de eo, qui castitatem coleret, ut placeret Deo, non haberet meritum castitatis, sed solum charitatis, quia charitas esset unicus finis eius.

Item ille actus (imò nec actus martyrii) ex illo fine non esset melior, quàm actus honestæ recreationis ex eodem motivo, quæ falsissima sunt, ut magis patebit infra, & patuit, ubi de electione mediorum.

Dixi autem, quod non semper requiritur, ut objectiva bonitas moralis, seu honestas respiciatur, & appetatur directè, & propter se, & ut finis; nam non solum magis contingit, ut sic respiciatur, & intendatur, sed etiam id aliquando requiritur, ut in actibus circa objecta de se indifferentia, & quæ nullam ex se habent honestatem, vel inhonestatem; hæc enim non influunt in actum bonitatem objectivam ab intrinseco, quam non habent, ergo requiritur, ut mutantur ab aliquo fine honestatem extrinsecam, à qua debet moveri agens, ut actus ejus sit moraliter bonus; debet ergo tunc illa honestas cognosci, & intendi ab agente ut finis.

Quando igitur objectum aliquod non habet ex se bonitatem moralem honestatis, ut sunt objecta indifferentia, quæ amari possunt ad vitæ sustentationem, vel ad libidinis incentivum, debet acquirere bonitatem ab extrinseco, nempe à fine operantis, à quo debet cognosci, & intendi, alioqui remaneret in sua indifferentia. Item quando aliquis actus est bonus ex objecto, ut jejunium, quod ex se habet bonitatem temperantiæ, si velis ei addere ulteriorem bonitatem ex aliquo fine extrinseco, v. g. castitatis, debes cognoscere, & velle istum finem, & jejunare, ut mortifices appetitum libidinis, & iste non tam est finis operis, quàm operantis, nisi enim hunc finem intendas expressè, & formaliter, non influet hanc bonitatem in actum jejunii, quia hæc non est illi intrinseca, saltem positivè; sed per accidens illi advenit ex beneplacito tuo: è contra est de bonitate temperatiæ, quæ cum sit annexa naturaliter ipsi objecto, seu jejunio, non requiritur, ut explicitè, & directè intendatur.

tur propter se, sed sufficit, ut illud in se cognoscatur, & intendatur, licet non propter se formaliter, sed in alium finem extrinsecum ordinetur.

Obijc. 1. contra 2. p. Arist. à nobis cit. vult; quod, ut aliquis recte agat, requiritur, ut agat sciens, & eligens propter ipsam, id est propter honestatem virtutis; ergo requiritur ut respiciat obiectum ut finem formaliter. Idem patet ex SS. Patribus. Docent enim, quod opus intentio facit. Unde Aug. ait *Non valde attendas, quid homo faciat, sed quid cum facit aspiciat*; ergo tota bonitas actus venit à fine ut fine, ita ut debeat fieri ex motivo solius honestatis virtutis.

Resp. neg. conf. Nam ex eo textu Arist. nihil aliud colligitur, quam quod honestas debeat esse cognita, & volita liberè ab agente, nec illud, propter, aliud sonat. Loquimur enim de intentione, & bonitate eius, non de electione, quæ quidem debet esse propter finem. Actio virtutis debet esse perfecte voluntaria, non autem à casu, & ignoranter, sicut accidit in actibus artium. Denique sufficit, ut ea electio sit propter finem bonum negativè, quatenus nullum adsit motivum contrarium fini virtutis; nec ulla circumstantia mala; non autem requiritur, ut semper positivè referatur. In eodem sensu loquuntur Patres, cum docent, operis bonitatem ex intentione procedere; scilicet volunt, ut vel ex honesto fine fiat, si de se obiectum, quod intenditur, non sit bonum, aut saltem non fiat ex malo fine; & si aliunde respicit obiectum de se bonum, nulla interveniat circumstantia mala.

Obijcies 2. Si non deberet semper actus fieri explicitè, & formaliter propter bonitatem, ut finem, nulla esset differentia inter bonum, & malum ab agente intentum; sed hoc est absurdum; ergo debet semper intendi bonitas, ut finis, & propter se formaliter. Prob. maj. Requiritur, & sufficit ad actum malum, ut malitia objecti sit cognita, & volita aliquo modo; ergo nisi bonitas debeat intendi positivè, & formaliter propter se, idem erit de actu bono, & malo.

Resp. neg. seq. maj. & conf. prob. nam licet quoad hoc convenirent aliquando actus malus, & bonus.

nus, in aliis multis differunt. 1. actus ille de se bonus habet de se objectum bonum, malus verò malum; nam agitur de bonitate, & malitia objectiva. 2. ad bonitatem requirimus cognitionem, & volitionem, seu voluntarium positivum, directum, explicitum, & formale; ad malum autem sufficit negativum, implicitum, indirectum, & interpretativum, ut dicemus.

Inst. Bonitas est motivum, & allectivum volitionis in genere; ergo & in specie ergo honestas debet esse motivum volitionis honestæ, quæ sub illo genere continetur.

Resp. neg. conf. quia volitio in genere debet habere objectum aliquod allectivum, scilicet aliquam bonitatem, quæ alliciat, quæcumque illa sit; in specie autem honestatis non est necesse, ut ipsa directè moveat, modò adsit aliqua bonitas; sufficit, quòd cum bonitate, quæ allicit, conjungatur, ut in casibus nostris, in quibus adest attentio ad mensuram rationis, ne amor boni propositi excedat ejus limites, aut ab eis deficiat, & ne interveniat mala illa circumstantia.

Objic. 3. Omnis actus virtutis est ex prudentia, sed prudentia respicit honestum, ut honestum formaliter, & in ratione finis; ergo omnis actus bonus moraliter respicit bonum propter se, & ut finem.

Resp. neg. min. Nam sufficit prudentiæ, quòd respiciat bonum ex se honestum, sive ut finem, sive ut objectum, modò nulla interveniat mala circumstantia. Aliud est, si objectum sit indifferens; tunc enim non dabit honestatem actui, nisi eam sumat ab aliquo extrinseco, v. g. à fine honesto, & ut tali volito: unde objectum moraliter bonum de se, & moraliter reddit actum bonum, licet ametur ex fine indifferenti, v. g. si studeas ob recreationem moderatam, aut si comedas ob delectationem cavens, ne sit immoderata.

Inst. In his movetur voluntas vel ab honestate lectionis, vel ab ejus jucunditate; si ab honestate, ergo ut fine, & propter se, si à jucunditate, ergo actus non est honestus, sed vel malus, vel ad summum indifferens; ergo ut actus sit honestus ex objecto debet ejus honestas amari propter se, & ut finis.

Resp. moveri à jucunditate conjuncta moderationi

Prob. 1. ex Scoto: [1] nam ibi docet, quòd bonitas ex objecto est prima in genere moris, quòd actus habet malitiam ex objecto, quia transit, super objectum disconveniens, quòd actus est de se malus, cujus objecto repugnat esse bonum .... quòd primam relationem habet per se ab objecto; quòd ab objecto prius specificatur actus, ut dicatur bonus ex genere, &c. Hi omnes loquendi modi docent, bonitatem, & malitiam ex objecto esse primas rationes constitutivas actus in genere moris, quòd enim prius est in re, prius constituit rem.

Prob. 2. quia actus sumit suam bonitatem, & malitiam specificam in genere moris ab objecto, ut probatum est in præcedentibus; ergo illa bonitas, & malitia est essentialis actui. Prob. cons. nihil enim est essentialius rei, quàm forma, seu differentia, & ratio ejus specificativa: hæc enim tribuit ei primam, & essentialem perfectionem in genere naturæ; ergo ita est in genere moris.

Confir. quia finis extrinsecus, & aliæ circumstantiæ sunt accidentia objecti, & actus; ergo bonitas, & malitia, quam habet actus ab illis, est accidentalis.

Prob. 3. Illa dicitur bonitas primaria, & essentialis, sine qua actus moralis secundum substantiam esse non potest permanente alia (idem est de malitia) illa verò dicitur accidentalis, quæ mutatur manente actu in eadem essentia moris, sed bonitas, & malitia objectiva talis est; ergo & primaria, & essentialis. Prob. min. si semel objectum est de se bonum, ut dicebamus de amore Dei, quacumque circumstantia mutata, semper est bonus eadem bonitate essentiali, sic furtum semper est malum, sive fiat ex libidine, sive ex avaritia, sive ex odio, &c.

Objic. 1. Prima, & essentialis bonitas, & malitia actus humani sumitur ex libera conformitate, vel difformitate ad rectam rationem, seu ad regulam morum; sed hæc non venit ab objecto, sed à dictamine rationis; ergo & prima, & essentialis bonitas, & malitia. Patet ant. quia ex vario dictamine rationis variatur bonitas, vel malitia actus. Prob. cons. quia recta ratio habet se ut primum, & immediatum



dictatum principium actus humani, objectum verò est tantum terminus ejus.

Resp. dist. maj. Sumitur formaliter, & immediate ex illa conformitate ratione objecti, in quo fundatur primariò illa conformitas, conc. maj. ratione sui, neg. maj. & min. nam recta ratio est tantum regula intrinseca, per quam dignoscitur honestas, vel turpitudine objecti, nec aliter specificat actus, quam proponendo, & dictando varietatem illam bonitatis, & malitiz.

Inst. Actus circa objectum indifferens non sumit ab eo primam, & essentialem bonitatem, aut malitiam, sed vel à dictamine, vel à fine, aut alia circumstantia, ergo bonitas moralis non semper sumit bonitatem essentialem ab objecto. Prob. ant. objectum indifferens de se non habet malitiam, nec bonitatem; alioqui non esset indifferens; ergo neutram potest dare actui.

Resp. dist. ant. quoad z. p. sumit bonitatem primam à fine, qui in tali casu habet rationem objecti, ut dicebamus supra ex Scoto, conc. ant. quoad illam partem; in ratione finis, ac circumstantiæ præcisè, & formaliter ut talis, neg. ant. & conf. fateor, quòd cum res, circa quam versatur actus, est de se indifferens, ut ambulare, levare festucam; fricare barbam, &c. si actus fiat bonus, aut malus, id veniet à fine extrinseco, vel ex alia circumstantia; sed tunc ille finis, vel alia circumstantia habebit locum objecti, ut magis patebit infra.

Resp. 2. neg. conf. Nam licet in tali casu bonitas prima non veniat ex objecto; quia illud est de se indifferens, non sequitur, quin det illam, quando non est indifferens, sed bonus, aut malus; & de hoc casu procedit conclusio nostra, & sufficit, quòd tunc vera sit.

Objic. 2. Intentio, quæ est primus actus voluntatis, est bona, aut mala ex fine primario, & essentialiter, ergo actus moralis non semper sumit primam bonitatem, & malitiam ab objecto. Prob. ant. ille actus non respicit nisi finem ut finem; ergo non potest sumere bonitatem, aut malitiam nisi ex fine.

Resp. neg. ant. utrumque, quia tunc quod terminat

148 De bonitate, & malitia act. lum.  
nat actum voluntatis, habet rationem obiecti potius,  
quàm finis, aut circumstantiæ.

#### CONCLUSIO. IV.

**U**T actus contrahat bonitatem moralem ab obiecto  
debet esse cognita, & volita liberè, & directè;  
non tamen semper requiritur, ut sit volita formaliter  
prop. ex se, & in ratione finis, modò absit intentio ma-  
la, qua vitietur actus. Est communis.

Prob. 1. ex Phil. [1] & Scoto [2] dicentibus, quòd  
ut quis operetur iustè, debet agere sciens, eligens,  
& volens, ut iam diximus supra; ergo debet scire,  
& velle positivè bonitatem obiecti, ut actio illam par-  
ticipet. Item docet, [3] quòd ad bonitatem merito-  
riam non videtur sufficere minor relatio (actus ad ob-  
iectum) quàm relatio virtualis: dixerat autem, quòd  
actus ref.ri potest ex charitate in finem ultimum tri-  
pliciter. 1. actualiter, sicut cogitans actualiter de fi-  
ne diligit illum, & vult aliquid propter illum. 2. vir-  
tualiter, sicut ex cognitione, & dilectione finis de-  
venit ad volitionem huius entis, &c. Scilicet a-  
ctus potest referri in obiectum, seu finem charita-  
tis. 1. actualiter, quando ex actuali amore finis,  
operaris ob illum finem, v. g. das eleemosynam,  
quia vides, & vis placere Deo. 2. virtualiter, quan-  
do ex amore Dei statuis aliquid facere; & postea fa-  
cis id, licèt tunc non cogites amplius de Deo, v. g.  
statuis ire ad celebrandum, & arripis iter, & cele-  
bras, sed interim cessas cogitare de Deo, & amore Dei,  
qui tamen fuit causa, cur veneris ad celebrandum.  
3. habitualiter, quando actus est de se referibilis ad  
finem, & fit in statu gratiæ, sed tamen, cùm facis,  
non cogitas, nec refers ad Deum nec actualiter, nec  
virtualiter; certum est, inquit, quòd primus actus  
est meritorius, & satis probabile est de secundo. De a-  
ctu, qui tantùm refertur habitualiter, & negativè  
(id est qui non refertur nec actualiter, nec virtuali-  
ter) dubium est, utrum talis actus sit meritorius, vel  
peccatum veniale, quia non potest esse mortale pec-  
catum) aut sit talis actus indifferens; ergo ex Scoto actus

ut

[1] 2. Ethic. 4. [2] 1. d. 17. q. 2. BB. vel 7. 3. n. 15.

[3] 2. d. 41. C. n. 4. n. 2.

ut sit bonus ex obiecto, seu fine; debet homo agnoscere, & velle actualiter, aut virtualiter illam bonitatem modo explicato, scilicet per volitionem positivam actualem, vel virtualem.

Prob. 2. quoad 1. p. Nam certum est, & hoc dicit ratio naturalis, quod si facias actum de se honestum, v. g. eleemosynæ, nil curans, nec cogitans de illa honestate, sed ex alio motivo malo, vel indifferenti, aut ex puro beneplacito, vel delectatione, aut alio motivo, non erit actus charitatis, nec misericordiae formaliter: item licet videas ieiunium conferre ad sanitatem, ad virtutem poenitentiae, & castitatis, si tamen non amas illas bonitates, nec intendis illas, sed solam bonitatem temperantiae, certum est, quod ieiunium non participabit illas moraliter, & coram Deo, & à fortiori si comedas ex sola delectatione, non verò ad sustentationem vitae, certum est, quod non operaris honestè, licet sustentatio ipsa sequatur ex comestione.

Prob. 2. p. quia obiecta materialia, v. g. Sanitas, victus, vestitus, ambulatio &c. possunt rationabiliter, & honestè amari propter intrinsecam suam bonitatem, & respui rationabiliter propter naturalem, & intrinsecam malitiam suam; v. g. potest amari bonum delectabile, & commodum naturæ in suo ordine, & servata mensura rectæ rationis; v. g. timeri possunt mala naturæ, ut morbi, mortes, & alia incommoda similiter in suo ordine, & servata mensura rationabili, & tamen illa obiecta non habent rationem formalem finis, non amantur expressè, nec propter se positivè, nec propter aliud, sed amor purè terminatur ad illa; ergo ut actus sit obiectivè bonus, moraliter non requiritur, ut ametur eius bonitas formaliter propter se, & in ratione finis. Patet consequentiam in illis obiectis in hac suppositione consideratur tantum explicite, & directè bonitas naturalis, commodum naturæ, vel malitia, & incommodum, & molestia, quam inferunt; non verò honestas ulla. Prob. ant. prudentia moralis naturalis non dicit, ut versemur circa illa obiecta propter honestatem ullam intrinsecam, quam de se non habent, nec propter extrinsecam, saltem necessariò, sed ut amantes illam delectabilitatem, & commoditatem, & fugientes mali-

malitiam, & incommoda servemus in eorum amore, vel odio debitam mensuram, & modum non excedendo, nec deficiendo, in hac autem mensura consistit honestas, & hæc potest concurrere, non ut finis, sed ut regula dirigens, & concomitans, nec est necesse, ut habeat rationem finis, & sic ludos, ambulationes, aliasve recreationes vocamus honestas, quatenus scilicet in earum usu servamus modum rationis rectæ, licet illa directe, & in se appetamus; ergo objecta possunt honestè appeti, aut vitari secundum bonitatem, aut malitiam naturalem suam, licet honestas non sit motivum formale, & ut finis talis amoris, vel odii.

Dices, illam ipsam mensuram, & regulam rationis habere rationem objecti formalis, ita ut cibus v. g. sit objectum comestitionis honestæ, prout est moderatus juxta illam mensuram; ergo semper honestas est ratio motiva, & finis talium actuum, & semper voluta, ut talis.

Contra. Finis ut finis est ratio motiva, & allestiva voluntatis ad amandum objectum; sed illa mensura præcisè, & per se non est ratio allestiva amandi cibum; aut ludum, sed delectabilitas, vel utilitas ut propria bonitas naturalis ejus cum ea tamen conditione, ut mensuretur ad regulam rationis; ergo illa moderatio non habet rationem finis, sed puræ conditionis, quæ comitari debet tales actus, ne vitentur per excessum, vel defectum, aut ex alia mala aliqua circumstantia, Prob. ant. nam patet experientia ludentium, comedentium, &c. quod non moventur ad ludendum, vel comedendum, nisi per delectationem, quam ex eis percipiunt, modò curent servare in illis debitam mediocritatem, sine qua illi actus possent vitari per excessum, aut malam aliquam circumstantiam, & ideo parati sunt desistere, si advertant in eis esse aliquod vitium excessus, aut defectus, vel circumstantiæ malæ, & ea diligentia ad vitandos excessus, aut defectus sufficit ad honestandos tales actus.

Confir. Nam si aliqua bonitas non veniret ab objecto præcisè, & præter bonitatem finis, ut finis est, nunquam in actibus posset reperiri alia bonitas, quam finis; sed consequ. est falsum; ergo & ant. patet maj.

nam

nam actus eleemosynæ ex motivo pœnitentiæ, vel iustitiæ non haberet ullam bonitatem objectivam misericordiæ, aut liberalitatis, sed tantum iustitiæ, aut pœnitentiæ, quæ esset bonitas formalis ex fine. Ita esset de eo, qui castitatem coleret, ut placeret Deo, non haberet meritum castitatis, sed solius charitatis, quia charitas esset unicus finis ejus.

Item ille actus (imò nec actus martyrii) ex illo fine non esset melior, quàm actus honestæ recreationis ex eodem motivo, quæ falsissima sunt, ut magis patebit infra, & patuit, ubi de electione mediocrium.

Dixi autem, quòd non semper requiritur, ut objectiva bonitas moralis, seu honestas respiciatur, & appetatur directè, & propter se, & ut finis; nam non solum magis contingit, ut sic respiciatur, & intendatur, sed etiam id aliquando requiritur, ut in actibus circa objecta de se indifferentia, & quæ nullam ex se habent honestatem, vel inhonestatem; hæc enim non influunt in actum bonitatem objectivam ab intrinseco, quam non habent, ergo requiritur, ut mutantur ab aliquo fine honestatem extrinsecam, à qua debet moveri agens, ut actus ejus sit moraliter bonus; debet ergo tunc illa honestas cognosci, & intendi ab agente ut finis.

Quando igitur objectum aliquod non habet ex se bonitatem moralem honestatis, ut sunt objecta indifferentia, quæ amari possunt ad vitæ sustentationem, vel ad libidinis incentivum, debet acquirere bonitatem ab extrinseco, nempe à fine operantis, à quo debet cognosci, & intendi, alioqui remaneret in sua indifferentia. Item quando aliquis actus est bonus ex objecto, ut jejunium, quod ex se habet bonitatem temperantiæ, si velis ei addere ulteriorem bonitatem ex aliquo fine extrinseco, v. g. castitatis, debes cognoscere, & velle istum finem, & jejunare, ut mortifices appetitum libidinis, & iste non tam est finis operis, quàm operantis, nisi enim hunc finem intendas expressè, & formaliter, non influet hanc bonitatem in actum jejunii, quia hæc non est illi intrinseca, saltem positivè; sed per accidens illi advenit ex beneplacito tuo: è contra est de bonitate temperantiæ, quæ cum sit annexa naturaliter ipsi objecto, seu jejuniò, non requiritur, ut explicite, & directè intendatur.

tur propter se, sed sufficit, ut illud in se cognoscatur, & intendatur, licet non propter se formaliter, sed in alium finem extrinsecum ordinetur.

Obiic. 1. contra 2. p. Arist. à nobis cit. vult, quod, ut aliquis rectè agat, requiritur, ut agat sciens, & eligens propter ipsam, id est propter honestatem virtutis; ergo requiritur ut respiciat obiectum ut finem formaliter. Idem patet ex SS. Patribus. Docent enim, quod *opus intentio facit*. Unde Aug. ait *Non valde attendas, quid homo faciat, sed quid cum facit aspiciat*; ergo tota bonitas actus venit à fine ut fine, ita ut debeat fieri ex motivo solius honestatis virtutis.

Resp. neg. conf. Nam ex eo textu Arist. nihil aliud colligitur, quàm quod honestas debeat esse cognita, & volita liberè ab agente, nec illud, propter, aliud sonat. Loquimur enim de intentione, & bonitate eius, non de electione, quæ quidem debet esse propter finem. Actio virtutis debet esse perfectè voluntaria, non autem à casu, & ignoranter, sicut accidit in actibus artium. Denique sufficit, ut ea electio sit propter finem bonum negativè, quatenus nullum adsit motivum contrarium fini virtutis, nec ulla circumstantia mala; non autem requiritur, ut semper positivè referatur. In eodem sensu loquuntur Patres, cum docent, operis bonitatem ex intentione procedere; scilicet volunt, ut vel ex honesto fine fiat, si de se obiectum, quod intenditur, non sit bonum, aut saltem non fiat ex malo fine; & si aliunde respicit obiectum de se bonum, nulla interveniat circumstantia mala.

Obiicies 2. Si non deberet semper actus fieri explicitè, & formaliter propter bonitatem, ut finem, nulla esset differentia inter bonum, & malum ab agente intentum; sed hoc est absurdum; ergo debet semper intendi bonitas, ut finis, & propter se formaliter. Prob. maj. Requiritur, & sufficit ad actum malum, ut malitia objecti sit cognita, & volita aliquo modo; ergo nisi bonitas debeat intendi positivè, & formaliter propter se, idem erit de actu bono, & malo.

Resp. neg. seq. maj. & conf. prob. nam licet quoad hoc convenirent aliquando actus malus, & bonus,

nus, in aliis multis differunt. 1. actus ille de se bonus habet de se objectum bonum, malus verò malum; nam agitur de bonitate, & malitia objectiva. 2. ad bonitatem requirimus cognitionem, & volitionem, seu voluntarium positivum, directum, explicitum, & formale; ad malum autem sufficit negativum, implicitum, indirectum, & interpretativum, ut dicemus.

Inst. Bonitas est motivum, & allektivum volitionis in genere; ergo & in specie ergo honestas debet esse motivum volitionis honestæ, quæ sub illo genere continetur.

Resp. neg. conf. quia volitio in genere debet habere objectum aliquod allektivum, scilicet aliquam bonitatem, quæ alliciat, quæcumque illa sit; in specie autem honestatis non est necesse, ut ipsa directè moveat, modò adsit aliqua bonitas; sufficit, quòd cum bonitate, quæ allicit, jungatur, ut in casibus nostris, in quibus adest attentio ad mensuram rationis, ne amor boni propositi excedat ejus limites, aut ab eis deficiat, & ne interveniat mala illa circumstantia.

Objic. 3. Omnis actus virtutis est ex prudentia, sed prudentia respicit honestum, ut honestum formaliter, & in ratione finis; ergo omnis actus bonus moraliter respicit bonum propter se, & ut finem.

Resp. neg. min. Nam sufficit prudentiæ, quòd respiciat bonum ex se honestum, sive ut finem, sive ut objectum, modò nulla interveniat mala circumstantia. Aliud est, si objectum sit indifferens; tunc enim non dabit honestatem actui, nisi eamumat ab aliquo extrinseco, v. g. à fine honesto, & ut tali volito: unde objectum moraliter bonum de se, & moraliter reddit actum bonum, licet ametur ex fine indifferenti, v. g. si studeas ob recreationem moderatam, aut si comedas ob delectationem cavens, ne sit immoderata.

Inst. In his movetur voluntas vel ab honestate lectionis, vel ab ejus jucunditate; si ab honestate, ergo ut fine, & propter se, si à jucunditate, ergo actus non est honestus, sed vel malus, vel ad summum indifferens; ergo ut actus sit honestus ex objecto debet ejus honestas amari propter se, & ut finis.

Resp. moveri à jucunditate conjuncta moderationi

juxta mensuram rationabileni, & neg. conf. nam tunc jucunditas est verè motivum lectionis, illa verò moderatio est conditio, & aliquid concomitans.

Inst. 2. Si hoc sufficeret, nullus esset actus indifferens; sed hoc est contra nos; ergo non sufficit responsio. Prob. maj. semper illa moderatio debet comitari omnem actum non malum, qualis est indifferens; ergo si illa moderatio circa objecta indifferentia sufficit ad honestatem, nullus erit actus indifferens.

Resp. neg. maj. & dist. ant. prob. moderatio secundum dictamen rationis præcipientis, aut consulentis, aut permittentis, conc. ant. præcipientis, aut consulentis, neg. ant. & conf. nam actus etiam moderatus ad mensuram rationis purè permittentis erit indifferens; non vero si ratio præcipiat, aut suadeat mensuram, ut patet ex dictis de actu indifferenti.

Objic. 4. Actus, quo amas abstinentiam propter eleemosynam, non generat habitum abstinentiæ, sed misericordiæ; ergo non habet honestatem objecti, sed solius finis; ergo ut objectum det bonitatem moralem actui debet intendi ut finis, & propter se. ant. patet: actus non generat nisi habitum inclinantem ad virtutem, cujus motivum formale respicit; prob. conf. quia habitus non inclinatur nisi ad actus similes illis, à quibus generatur; sed generatur ab actibus misericordiæ; ergo non habet nisi bonitatem finis, non verò objecti, nisi in ratione finis.

Resp. neg. ant. & rationem ejus: nam ut actus ille procedit ab utroque, sc. ab objecto, & à fine, potest generare similes habitus, & per consequens habitum, qui inclinet ad abstinentiam, & alium inclinantem ad misericordiam, quia virtualiter continet utrumque, & æquivalet duobus: sic qui castè vivit, ut placeat Deo, per actus castitatis acquirit habitus charitatis, quæ est finis actuum, & ipsiusmet castitatis, quæ est objectum materiale eorum, quid in hoc difficultatis.



## CONCLUSIO V.

**A**d actum moraliter malum non requiritur, ut malitia sit cognita, & volita positivè, & directè, sed sufficit aliqualis advertentia ad malitiam, & voluntas indirecta, & interpretativa. Est communior.

Prob. ex Scoto, & aliis, quia alioqui rarissime peccaretur; nam licet possit fortè homo ex mera malitia velle peccatum, ut displiceat Deo, tamen ordinariè loquendo nemo intendens ad malum operatur, & malum per se, & in ratione mali non potest intendi; ergo non intenditur ordinariè, nisi indirectè. Qui fornicatur, non intendit directè malitiam, & deordinationem talis actus, sed voluptatem, & in eo peccat, quia videt in eo actu indecentiam, & non obstante illa indecentia gravi, vult tamen fornicari, quod est velle indirectè malitiam: similiter qui dubitat, an in vepreto lateat homo, vel fera, & non vult certificari, si explodat catapulam, & occidat hominem, non agit ex plena scientia, sed ex ignorantia crassa, & tamen peccat; ergo ad peccatum, seu ad actum malum non requiritur plena cognitio mali, nec voluntas directà, & positiva; sed sufficit aliqualis cognitio, & volitio indirecta, & interpretativa.

Ratio disparitatis inter actus bonos, & malos est quia bonū est ex integra causa, malum verò est ex quocunque defectu. Sed hoc fufius, ubi de peccatis.

## QUÆSTIO III.

*De bonitate, & malitia ex circumstantiis.*

**Q**uia diximus, bonitatem formalem consistere in aggregatione, seu integritate omnium, quæ recta ratio dicitur debere inesse actui, sequitur, quod plura concurrunt ad illam, præcipue persona, seu efficiens; modus, quo actio elicitur: objectum tam motivum, quod est finis intrinsecus, quam terminativum, quod est simpliciter objectum: locus, tempus in quo elicitur, finis extrinsecus, ad quem ordinatur ex inter-

tione libera agentis, & à mediis, quibus utitur agens ad efficiendum opus; & hinc *circumstantiarum* nomen acceperunt: quippe *circumstantia* dicitur quasi *circa substantiam*, aut *stantiam*, seu *existentiam* actus humani illi comitans. nam sicut albedo, nigredo, sapor, odor, & alia accidentia circumstant substantiæ physicæ, & sunt accidentia ejus, quæ possunt adesse, & abesse absque illius corruptione, sic circumstantiæ sunt accidentia actus humani, & possunt adesse, & abesse sine ejus mutatione essentiali, & hæc numerantur communiter septem principales, quæ hoc versu continentur. *Quis, quid, ubi, quibus auxiliis, cur, quomodo, quando.*

1. *Quis* non denotat personam operantis, sed conditionem ejus, & qualitates, ut si sit Doctus, vel ignorans, superior, aut subditus, laicus, aut Ecclesiasticus, solutus, aut conjugatus, pauper, aut dives; nam hæc omnes, & similes circumstantiæ, & qualitates in personis multum juvant ad ponderandam bonitatem, aut malitiam actus; imò sæpè ad speciem, & juxta illas crescit, aut decrescit.

2. *Quid* non denotat objectum, circa quod actus versatur, sed quantitatem, & qualitatem rei: nam ab objecto venit bonitas, aut malitia substantialis, ut diximus, & ideo hæc circumstantia denotat accidentia objecti, aut connexa cum ipso actu, ut in furto circumstantia *quid* est quantitas rei ablata, ut si sit magna, aut parva; vel qualitas, ut si sit res sacra, aut profana.

3. *Ubi* notat locum, in quo actus committitur, ut si in publico, vel privato, in sacro, vel profano, &c. Hæc enim circumstantiæ aliquando augment, aut minuunt gravitatem peccati, aut meriti, aut mutant speciem, ut si furum, vel homicidium fiat in loco sacro, dicitur sacrilegium.

4. *Quibus auxiliis* significat conditionem medium, aut instrumentorum, quibus actio patrat, ut si percusseris manu, pede, baculo ferro, aut si adhibueris artem dæmonis, &c.

5. *Cur* significat motivum operantis potius, quam operis, istud enim se tenet ex parte objecti, & licet ad quemcumque finem possit extendi, quia Scotus finem recenset inter circumstantias, tamen magis propriè sumi-

sumitur pro motivo extrinseco rei, seu pro fine operantis, ut si agas ex odio, vel amicitia, si des Eleemosynam pauperi foeminae ex charitate, vel luxuria, ut inducas ad peccandum, vel ut subvenias miseriae, istud motivum est intrinsecum, & ex objecto, alia duo sunt extrinseca; puto tamen omnia posse pertinere ad hanc circumstantiam, quia ex dictis ratio motivi, & finis separari potest ab objecto, ut tali.

6. *Quomodo* denotat modum, quod factum est opus, ut si liberè, vel coactè, tepidè, aut ferventer, promptè, aut lentè, &c.

7. Quando denotat tempus, ut si egeris, de die, aut nocte, in die festo, vel feriali, &c.

8. Addunt 8. aliqui, scilicet *quoties*, sed non bene quia non est verè circumstantia, sed repetitio, seu iteratio actus ejusdem.

Convenit igitur inter Philosophos, & Theologos, quod *circumstantiæ*, ut tales, & nisi ingrediantur rationem objecti, non constituunt, nec integrant actum in sua essentia morali, sed circumstant, & afficiunt accidentaliter, & quidem non omnes simul semper concurrunt ad singulos actus; nam aliæ sunt pertinentes ad actum moralem, & vocantur propriè *circumstantiæ*, quia aliquo modo per se pertinent ad actum, velut accidentia ejus in genere moris, ad bonitatem scilicet, aut malitiam ejus accidentalem; aliæ sunt impertinentes, quæ scilicet nullo modo variant moralitatem actus, ut occidere hominem manè, aut serò, &c. & istæ non dicuntur propriè *circumstantiæ*, sed tantum materialiter, & per accidens.

Adhuc notandum est, quòd *circumstantiæ* aliæ sunt *formales*, quæ se tenent ex parte actus, ut sunt intensio, & remissio actus, major, aut minor, libertas, facilitas, vel difficultas imaginando, duratio actus; aliæ *objectivæ*, quæ se tenent ex parte objecti, ut major, vel minor quantitas elemosynæ, major, aut minor indigentia pauperis, locus, tempus, persona, &c. Certum est autem, quòd *formales* augent bonitatem, vel malitiam actus in eadem specie, & non diversificant illum, quia non afferunt illi diversum motum virtutis, aut vitii, ut patet; amor Dei remissus est ejusdem speciei cum intensissimo; intensio enim,

& remissio non variant speciem, & tamen eò melior est, quò intensior.

*Objectiva* autem possunt variare speciem, si intenduntur, quia addunt objecto nova motiva virtutis, v. g. circumstantia sacerdotii in paupere præbet diviti motivum religionis præter motivum principale misericordiæ: item augmentum bonitatis, aut malitiæ veniens ex circumstantiis formalibus dici potest *intensivum*, quia denotant majorem conatum agentis; ex objectivis autem erit *extensivum*, quia dicunt novam tendentiam actus, & extensionem ad plura, & ad plures virtutes.

Rursus ex Scoto [1] circumstantiæ *aggravantes* aliæ sunt *generales*, seu *transcendentiales*, quæ in omni peccato reperiuntur, ut *inobedientia*, *ingratitude*, *contemptus Dei*, &c. aliæ *speciales*, quæ non reperiuntur in omnibus, sed prohibentur præcepto speciali, & distincto à prohibitione objecti, cui per accidens conjunguntur, ut in exemplo furti in loco sacro. *Generales* autem non debent esse volitæ per se positivè, sufficit, quòd cognoscantur annexæ objecto, & actui; benè vero *speciales*, quia qui vult substantiam actus, vult omnia necessariò sequentia, & annexa, & proprietates inseparabiles, ut sunt illæ, non verò ea, quæ casualiter connectuntur, ut istæ.

## CONCLUSIO.

**O**mnis actus humanus sumit aliquam bonitatem, vel malitiam à circumstantiis distinctam ab objectiva, & quidem vel intra eandem speciem virtutis, vel alterius. Est communis.

Prob. 1. ex Concil. Trid. [2] definiente, quòd circumstantiæ, quæ peccatorum speciem mutant, sunt aperiendæ in confessione, quòd sine illis peccata ipsa neque à pœnitentibus integrè exponantur, nec iudicibus innotescant... unde alienum est à ratione docere, circumstantias has ab hominibus otiosis excogitatas fuisse, aut unam tantum circumstantiam consiendam esse, nempe peccasse in fratrem, & licèt Concilium loquar.

[1] 4.d.22.q.1.P.n.16.

[2] dd.14.cap.5.& can.7.

loquatur tantum de iis, quæ mutant speciem, & pro necessitate explicandi eas in confessione, tamen satis apertè ex hoc colligitur, alias quoque augere malitiam in eadem specie.

Prob. 2. ex Scoto [1] sæpius citato, qui inter bonitates actus recenset eam, quam habet ex circumstantiis. *Secunda potest dici bonitas virtuosa, sive ex circumstantia; hæc 2. bonitas convenit volitioni hoc ipso, quod elicitur à voluntate cum omnibus circumstantiis dictatis à recta ratione debere sibi competere in eliciendo ipsam: & clariùs dicit, [2] quòd in eodem actu potest esse multiplex bonitas moralis; actus potest esse rectè circumstantionatus non solum multis circumstantiis particularibus, quæ non sunt multe bonitates, sed integrant unam bonitatem; sed etiam potest idem actus esse circumstantionatus còpletè omnibus circumstantiis pertinentibus ad unam virtutem, & etiam omnibus pertinentibus ad aliam virtutem, &c.*

Prob. 3. quoad 1. p. quia nullus est actus humanus, qui præter essentialem bonitatem, aut malitiam, quam habet ex objecto, non habeat etiam aliquam accidentalem ex adjunctis, quæ possunt adesse, aut abesse salva illa substantiali, seu objectiva, & evidens est, ratione circumstantiarum actionem reddi magis, aut minùs conformem, aut disformem, laudabilem, aut vituperabilem intra eandem speciem moris. Nemo sanæ mentis negabit, actum charitatis intensiorem præferri tepidiori; eleemosynam centum scutorum laudabiliorem cæteris paribus eleemosyna viginti scutorum; irreverentiam factam regi graviolem illa, quæ fit infimo magistratui; furtum in loco sacro gravius furto in profano.

Prob. 2. Quia in rebus naturalibus bonitas, vel malitia physica, & naturalis crescit, aut minuitur ex aliquot accidentibus; ergo id etiam contingere debet in moralibus; ideo Scotus exemplificat de sanitate, & pulchritudine, quæ ex diversis accidentibus suscipiunt magis, & minus, & perficiuntur, vel inficiuntur.

Prob. 2. p. quia certum est, quòd eleemosyna centum scutorum cæteris paribus est melior eleemosyna decem, & idem est de furto quoad malitiam:

ora-

[1] 2.d.7.G. [2] Quodl.b.18.n.8.

oratio unius horæ melior est, cæteris paribus, quàm unius quadrantis, & sic de actu odii, &c. Amor Dei intensus ut sex melior est amore remissio ut tria, & sic de odio quoad malitiam; ergo ex circumstantiis *quid*, & *quando*, & similibus crescit, vel decrescit bonitas, & malitia intra eandem speciem bonitatis. Duo primi actus pertinent ad eandem virtutem misericordiæ; duo secundi ad eandem charitatem.

Dixi autem, *cæteris paribus*, nam actus, qui videtur minoris bonitatis ex una circumstantia, crescere potest ex alia; sic in Evangelio oblatio pauperis mulierculæ prævaluit oblationi magnatum, qui talenta obtulerunt, scilicet ex conditione, facultatibus, fervore, & personis, &c.

Probatur 3. p. tum ex citato Concil. Trid. quod evidenter supponit, aliquot circumstantias mutare speciem peccatorum, & ideò aperiendas esse in confessione, tum ex Scoto dicente, [1] *Præceptum de integritate confessionis, & respondendi ad interrogata, nec solum peccata, sed circumstantias peccatorum notabiliter aggravantes includit dictum præceptum, iuxta ititad Augustini, prius consideret qualitatem criminis in loco, in tempore, in perseverantia, in varietate personæ, saltem illas dico aggravantes necessario confitendas, quæ speciali prohibitione prohibentur, v. g. alienum accipere est illicitum, sed specialiter prohibetur accipi de loco sancto, & ideò speciale peccatum, scilicet sacrilegii, per hanc circumstantiam constituitur: & pro aggravatione intra eandem speciem, addit, Multæ autem sunt circumstantiæ, ex quibus peccatum aliquo modo est gravius, quia si minor tentatio, & hoc vel ex parte objecti, vel ex parte personæ peccantis, de quibus non est ita certum, quòd oporteat illas confiteri; tamen tutum, & valde mihi est hoc confiteri. Et certum est, quòd qui non vult furari in loco sacro, vel rem sacram tum propter injustitiam furti, tum propter sanctitatem loci, & rei, facit actum iustitiæ, & religionis; similiter peccatum cum muliere libera est simplex. fornicatio, cum maritata verò est adulterium, ergo ex diversis circumstantiis potest idem actus habere diversas specie bonitates, & malitias. Fateor autem dici posse, quòd quæ in his circumstantiis specialiter prohibentur.*

bentur, circumstantiæ ipsæ ingrediuntur, & habent rationem objecti; sed hoc parum refert ad rem, nec lis esse posset nisi de nomine.

Objic. 1. contra 1. p. Nihil dare potest bonitatem actui, nisi sit volitum, ut patet ex præcedenti; ergo si circumstantiæ dent bonitatem, debent esse volitæ; sed quidquid est volitum habet rationem objecti; ergo solum objectum dat bonitatem actui, non verò circumstantiæ, saltem ut ab objecto distinctæ.

Resp. dist. ant. & subsumptum, nisi sit volitum directe, & per se, & primario, aut indirecte, & concomitanter, ac secundario, conc. ant. & subsumptum, directe tantum, & primario per se, neg. ant. & subsumptum. Circumstantiæ, ut dent bonitatem, debent cognosci ut tales, & intendi; & de facto intenduntur, sed indirecte, & per accidens velut concomitanter; & eo sensu dici possunt objectum large, & improprie, & ideo dant quidem bonitatem, & malitiā actui, sed accessoriam, secundariam, & accidentalem.

Objicies 2. Si bonitas, & malitia actus interni crescerent ex circumstantiis, possent crescere in infinitum; sed conf. est absurdum; ergo & ant. Prob. maj. si velles dare pauperi eleemosynam infinitam, amare Deum infinite, eleemosyna, quæ est objectum primæ volitionis, & amor, qui est objectum 2. unirentur circumstantiæ infinitatis; ergo qui vellet dare infinitos, infinitam bonitatem contraheret. Idem esset de illo, qui vellet amare remissè, & intensè; & quoad malitiam idem esset de illo, qui vellet furari infinitos nummos, & odire Deum infinite; ergo si actus bonitas, & malitia crescunt ex circumstantiis, possent habere bonitatem, & malitiam infinitam.

Resp. 1. hoc argumentum non valere pro actu externo; quia non mensuratur ejus bonitas, & malitia circumstantialis, nisi ex quantitate pecuniæ, quæ datur de facto, aut accipitur.

Resp. 2. neg. maj. tum quia bonitas, & malitia non crescunt ex circumstantia ineffaciter volita, qualis est eleemosyna quantitatis infinitæ, quæ cum non sit possibilis, nec cognita nisi confuse, non potest intendi efficaciter, voluntas non potest velle efficaciter impossibile. Ad prob. dist. ant. uniretur infinitati per voli.

volitionem inefficacem, conc. ant. per efficacem, neg. ant. & cons. ob eandem rationem. Uno verbo non sufficit, quod objectum sit infinitæ bonitatis in se, ut actui det infinitam bonitatem; alioqui vel minimus amor Dei esset infinitus; sed requiritur infinitas in modo tendendi, quæ non adesset in volente dare infinita scuta, licet inde actus sumat aliquod augmentum valoris, non tamen infinitum rigorosè.

Inst. Hic actus, *volo dare infinitos nummos*, qualiscunque sit, superat omnes volitiones in infinitum dandi omnem quantitatem finitam; ergo esset infinite bonitatis.

Resp. neg. ant. quia mensura bonitatis petitur in actibus internis ab intensiōe, & extensiōe efficaci, non verò ab inefficaci, qualis est ista; quæ autem volitiones habent circumstantiam quantitatis determinatæ, possunt esse efficaces, si sint in potestate operantis.

Objicies contra 2. p. Si bonitas actus augetur in eadem specie ex circumstantiis, id fieret vel intensivè, vel extensivè; sed neutrum dici potest; ergo non debet admitti tale augmentum in eadem specie. Prob. min. de augmento intensivo: sicut enim calor non intenditur à qualitatibus diversis, ita nec bonitas objectiva charitatis post intendi ex circumstantiis spectantibus ad iustitiam, vel fortitudinem, quæ habent bonitates specie diversas. Prob. de extensivo: nam istud non potest esse sine intensivo; ergo si augmentum intensivum non admittitur, ita nec extensivum debet admitti.

Resp. neg. min. & dico, augmentum esse extensivum, scilicet quatenus actus idem respicit plura bona, aut mala; unde sicut participat bonitatem objecti propter tendentiam in illud, ita, & bonitatem circumstantiarum bonarum propter similem tendentiam ad eas, & bonitatem earum. Ad prob. neg. ant. nam propria extensio actus moralis attenditur ex majori, vel minori applicatione, & fervore voluntatis, & sic ex majore extensiōe physica actus, non autem ex majore intensiōe, ex qua potius minueretur intensio; unde actus circa melius, aut pejus objectum sit quidem extensivè, & terminativè melior, aut peior, sed non intensior cæteris paribus.

Objic.



Objic. con. 3. p. Nihil unum potest esse in duplici specie; sed si actus sumeret bonitatem à circumstantia diversam à bonitate objecti, esset unus in duplici specie; ergo actus non potest sumere bonitatem à circumstantiis diversam ab objectiva. Prob. maj. nam Petrus non potest esse equus, & homo; esset enim chymæra.

Resp. dist. maj. in diversis speciebus substantialibus, conc. maj. in diversis speciebus accidentibus, neg. maj. & conf. prob. Nam Petrus in specie substantiali est homo, & in accidentibus potest esse Theologus, Mathematicus, Jurisperitus, Sacerdos, &c. Sic est de actu, qui cum moralitate substantiali est in una specie, v. g. charitatis, scilicet ab objecto, & sine intrinseco potest esse accidentaliter, & accessorie in specie religionis, penitentiae, temperantiae, &c.

Inst. Si hoc esset, deberet distingui bonitas substantialis, & primaria ab accidentali, & secundaria; sed non potest sic distingui; ergo nulla solutio. Prob. min. supponamus actum, quo volo dare eleemosynam pauperi Sacerdoti, aut quo volo occidere Sacerdotem, quænam erit bonitas, & malitia in his actibus, an ab eleemosyna bonitas misericordiae? an bonitas religionis à persona Sacerdotis? ergo non potest distingui bonitas substantialis, & objectiva à circumstantiali, & accidentali.

Resp. neg. min. & ad prob. dico, malitiam substantialem peti ab homicidio, & bonitatem ab eleemosyna. Ratio est, quia homicidium est primò, & per se intentum, sacrilegii verò malitia est circumstantialis ex sacerdotio, quod reperitur in homine. Ita est de eleemosyna, & si detur casus, in quo æquè primò, & directè utrumque intenderetur, utrumque integraret unum objectum totale. Et generaliter illa est prior, & substantialis, sine qua non posset actus habere ullam; & illa est accidentalis, sine qua posset haberi bonitas, aut malitia objectiva. Juxta hanc regulam vides, quòd malitia sacrilegii non posset haberi sine malitia homicidii, nec bonitas illa religionis sine bonitate eleemosynæ, seu misericordiae; ergo ista est objectiva, & substantialis, illa verò accidentalis, & circumstantialis. Quòd si bonitates plures essent inseparabiles, tunc dici possent essentiales actui, & integrare unam totam bonitatem.

C O N

## CONCLUSIO II.

**U**T actus habeat bonitatem à circumstantia, debet cognosci talis bonitas, & intendi ab agente, & quidem possivè; ad malitiam autem sufficit, quòd videatur connexa cum objecto, vel actu.

Prob. 1. ex Scoto [1] sæpe citato, & Arist. docentibus, actum moralem debere procedere à prudentia sciente, eligente propter ipsum, & quòd necesse est ad actum amandi, amatum esse præcognitum, & expressè id videtur docere de circumstantiis, quæ debent intendi secundum dictamen prudentiæ. Potest idem actus esse circumstantionatus completè omnibus circumstantiis pertinentibus ad unam virtutem, & etiam omnibus pertinentibus ad aliam virtutem, & ita secundum dictamina diversa perfecta prudentiæ respectu multorum finium propriorum; consimiliter in eodem actu possunt concurrere multa malitiæ, tot quidem, quos sunt dictamina de oppositis, quæ deberent inesse. Vides semper requiri dictamina.

Prob. 2. ratione quoad 1. & 2. p. quia omnis moralitas actus sive directa, & primaria, sive indirecta, & secundaria debet esse voluntaria; sed non potest esse voluntaria, nisi sit cognita, & volita; ergo ut actus habeat bonitatem moralem ex circumstantiis, debet cognosci, & intendi. Min. patet ex dictis de voluntario. Maj. prob. etiam ex dictis de moralitate.

Confir. Qui accederet ad mulierem, quam putaret invincibiliter esse suam, non esset reus adulterii, saltem coram Deo: sic qui furaretur in loco, quem nesciret esse sacrum, non committeret sacrilegium formale, sed tantum materiale: uno verbo, nihil volitum, quin præcognitum, & nihil imputatur ad præmium, & ad pœnam, ad virtutem, & vitium, nisi sit liberè volitum; ergo ut actus contrahat bonitatem ex circumstantiis æquè ac ex objecto, debet cognoscere illas. Certè qui sciret eleemosynam posse fieri ex gratitudine, ex religione, ex pœnitentiali satisfactione, &c. non propterea haberet meritum illarum virtutum, nisi hoc vellet.

Prob.

[1] d. 10. R. n. 14.

Prob. 3. p. de intentione positiva, ita ut non sufficiat virtualis, vel interpretativa, aut negativa: nam 1. textus allatus ex Philosopho exigit, ut qui recte agit, id faciat *sciens, & eligens propter ipsam*, idest volens deliberatè honestatem, quam videt in rebus, vel actibus; ad hoc autem non sufficit intentio indirecta virtualis, nec interpretativa, ergo requiritur directa, & positiva. 2. quia ut circumstantia det bonitatem actui, debet aliquo modo amari; sed non amabitur ullo modo, nisi intendatur positivè; ergo &c. maj. patet ex dictis; prob. min. ideo malitia censetur intendi virtualiter, & indirectè, & sufficienter ad inficiendum actum, quando intenditur objectum, in quo agnoscitur malitia, quia hæc connectitur necessario cum ipsa; sed bonitas circumstantialis non sic connectitur cum objecto bono ex se; ergo nisi hoc intendatur positivè, & directè, non sufficit ad bonificandum actum. maj. negari non potest; prob. min. qui dat eleemosynam pauperi clerico cum sola voluntate sublevandi miseriam ejus, non verò intuitu qualitatis personæ, facit actum puræ misericordiæ, non autem religionis, & id potest accidere, quod maxime evenire posset in Calvinista, qui non amaret sacerdotium, hic licet cognosceret pauperem esse sacerdotem, tamen non daret eleemosynam intuitu sacerdotii; ergo faceret actum misericordiæ, non autem religionis.

Prob. denique de malitia 1. quia plura exiguntur ad bonitatem, quam ad malitiam, *Malum est ex quocumque defectu, bonum verò ex integra causa*; ergo licet ad bonitatem in actu ex circumstantia bona requiratur intentio formalis, non sequitur, eam requiri ad malitiam. 2. quia non solet directè intendi malitia, *Nemo enim intendens ad malum operatur*, & debet vitari ab homine; ergo hoc ipso, quòd videt aliquam circumstantiam malam, & aliquod malum sequi ex suo actu, debet non solum illud non velle, sed & studiose vitare; ergo hoc ipso, quòd non vitat, licet illud non amet positivè, & directè, peccat non vitando malum, quod cognoscit; unde qui furatur in loco sacro, licet non intendat profanare sanctitatem loci, imo ei displiceat locum esse sacrum, non tamen excusatur à sacrilegio, quia deberet  
vita-

vitare actum, ex quo sequitur profanatio, & vitare eam, si displicentia sacrilegii esset efficax.

Confir. ex Scoto. [1] Possibile est, recidivantem (idem est de aliis) peccare pluribus peccatis, si ex deliberatione agat contra legem communem, & contra legem gratitudinis, & contra legem promissi: sed communiter non sic peccatur, quia peccans non appetit communiter nisi delectationem, licet inordinate, & vellet illi delectationi non esse annexas tot prohibitiones, & isto modo omni peccato coniungitur inobedientia, & contemptus, & odium Dei, & cetera huiusmodi; non quod peccator habeat tunc actum elicitem pertinentem ad singula istorum, sed implicite, in quantum vult aliquid, ad quod quodammodo concomitantur hæc omnia. Vides Scotum admittere malitiam ex circumstantiis non volitis positive, & formaliter explicitè, sed implicite ad gravitatem malitiæ intra eandem speciem; nam pro diversa specie in circumstantiis illis transcendentibus, seu generalibus non contrahitur, nisi sit positive intentata, ut scilicet compleatur malitia formalis inobedientiæ ingrati-  
tudinis.

Dixi autem, maxime ex circumstantiis objectivis non contrahit bonitatem, nisi sint positive volitæ, quia de formalibus, & illis, quæ sunt actui intrinsecæ, non est tanta ratio: nam v. gr. pro intentione actus sufficit, quod agens velit agere ferventer, & toto conatu, ut sit intensus, & inde crescat meritum, licet non cognoscat ipsam mensuram gradualem fervoris, aut libertatis, aut difficultatis, quæ sunt circumstantiæ formales, & sunt volitæ ut quo, non verò ut quod. Aliud est de objectivis, quia non sic connectuntur actui, nisi sint cognitæ, & volitæ ut quod, seu directè, & per modum objecti accessorii.

Objic. I. contra I. p. Si bonitas ex circumstantiis deberet intendi, non esset actui accidentalis, sed essentialis; ergo non esset circumstantialis. Prob. ant. bonitas accidentalis, & circumstantialis potest abesse ab actu salva ejus substantia; sed si bonitas circumstantiæ deberet intendi positive, & ut quod, non posset abesse, & adeste salva substantia actus; ergo non esset accidentalis. Prob. min. tendentia formalis, & directa specificat actum quoad moralitatem  
æquè

æquè ac quoad entitatem physicam; sed quod specificat actum, non est illi accidentale, sed substantiale; ergo &c. Certè eadem entitas realis, quæ physicè respiceret pauperem, respiceret sacerdotem in casibus allatis.

Resp. neg. ant. primi arg. & dist. min. 2. potest adesse, vel abesse substantia salva morali, aut metaphysica actus, conc. maj. & neg. min. salva substantia physica, neg. maj. & cons. & idem dico ad maj. 3. verum est, actum eleemosynæ circa pauperem Presbyterum non posse physicè dividi, sed moraliter, & metaphysicè divideretur, & maneret eadem substantia actus misericordiæ, nisi agens agnosceret sacerdotium, & intenderet erogare homini sacerdoti essetque actus misericordiæ, sed non religionis.

Objic. 2. Qui dat operam venationi; ex qua prævidet sequuturam omissionem sacri, licèt non intendat omissionem illam, peccat tamen, si sequatur; ergo similiter qui prævidet conversionem peccatorum sequuturam ex sua prædicatione, licèt non intendat positivè bonum illud animarum, & Ecclesiæ, nihilominus prædicatione ejus inde fiet bona; ergo non est necesse, ut agens intendat positivè, & formaliter bonitatem circumstantiarum, ut inde crescat bonitas actus.

Resp. neg. cons. utramque, & ratio disparitatis inter malitiam, & bonitatem patet ex dictis: *nam bonum ex integra causa*, ideò plura requiruntur ad actum bonum; quàm ad malum, quod venit *ex quolibet defectu*; fructus ex concione est contingens, & potest non sequi, & ideò nisi intendatur, non bonificabit actum, non enim erit voluntarius; malum verò hoc ipso, quòd non cavetur, censetur volitum, & sufficit, quòd videatur sequi posse, ut imputetur.

Inst. 1. Si Rex humilietur lavandis pedibus pauperum crescit meritum humilitatis ex dignitate, & ad hoc sufficit, quòd id cognoscat, licèt non intendat positivè humiliare majestatem regiam; ergo tam bonitas circumstantialis contrahitur sine volitione positiva, quàm malitia.

Resp. 1. neg. cons. Nam humiliatio majestatis est necessariò connexa cum actione regis, & ideò habet potius rationem objecti, quàm circumstantiæ accidentis.

dentalis; non ita est de aliis, ut in exemplo allato de concionatore.

Resp. 2. neg. ant. nam si Rex cognoscens suam dignitatem ullo modo intendat eam humiliare, nihil inde merebitur amplius coram Deo, esto coram hominibus, & exterius magis niteat ille actus: nam *Dominus intuetur cor, homo autem videt ea, quæ patent.*

Inst. 2. Licet Rex non dicat, *volo humiliare majestatem meam*, plus tamen meretur per actum illum, quam homo vilis; sicut ut nubat. *sceminæ* non est necesse, ut dicat, *tibi irado majestatem meam in maritum*; ergo nulla solutio.

Resp. juxta 1. respons. neg. conf. quia in utroque casu antecedenti dignitas personæ est inseparabilis ab actu. Et juxta 2. resp. neg. ant. nam, quidquid sit de conjugio, certum est, quod voluntarietas, & intentio boni est necessaria ad meritum. Certum est etiam, quod si Rex nolle, aut posset nolle dignitatem regiam communicare uxori, quam duceret, non daret bonitatem illam actui suo, nec inde cresceret meritum amoris, saltem internè. Dico, *aut posset nolle*, quia fortè repugnat naturæ conjugii, ut Rex dando se uxori non faciat eam Reginam, bonitas verò moralis humiliationis ex circumstantia personæ agentis non ita est inseparabilis à bonitate objectiva.

Inst. 3. Si dares eleemosynam debitam ex voto sine intentione explicita satisfaciendi voto, sed ex sola intentione charitatis, satisfaceres tamen, & illa haberet meritum ex circumstantia voti. Ita etiam si prævideres ex illa eleemosyna sequuturum aliud bonum, v. gr. salutem pauperis, inde cresceret meritum, licet non velles illud bonum positivè; ergo non requiritur volitio explicita bonitatis circumstantialis ad illam contrahendam.

Resp. neg. ant. absolute quoad 1. casum, & etiam quoad 2. si bonum illud esset purè casuale ex circumstantia, si verò esset inseparabile ab actu, indueret rationem objecti.

Objic. 3. Sunt aliquæ circumstantiæ, quæ non possunt directè intendi, & tamen dant bonitatem actui; ergo bonitas circumstantialis non debet directè inten-

intendi, sed sufficit intentio indirecta. Probat. ant. nam circumstantiæ *quomodo*, & *quando* non possunt directè intendi; ergo, &c. Prob. ant. intensio, & duratio pertinent ad *quomodo*, & *quando*; sed illæ non possunt directè intendi; ergo, &c. Prob. min. ut intenduntur, debent expressè præcognosci per cognitionem reflexam; sed non possunt sic cognosci, saltem valde difficile est, ut quis cognoscat mensuram, & durationem sui actus, ergo, &c.

Resp. neg. ant. 1. & 2. arg. & min. 3. & 4. nam possunt, & debent cognosci saltem confusè; intensio sentitur ab agente ex majori, vel minori conatu circa difficultates vincendas; duratio, seu continuatio tam facile percipitur, quàm inchoatio, & cessatio, quæ sine dubio agnoscuntur.

Nota autem, ex Poncio, triplicem intensiorem in actu morali posse considerari. 1. petitur ex majori, vel minori conatu voluntatis ad eliciendum actum, & ad vincendas difficultates ejus; & hanc facillè experimur in agendo. 2. quæ & à perfectiori habitu, & hæc præcisè, & immediate non facit actum meliorem; hic enim procedit ab habitu naturaliter, non verò liberè, nisi quatenus homo vellet agere secundum omnes vires; & tunc ista intensio esset libera, & volita immediate. 3. petitur ex merito, & entitate operis, prout est magis, aut minùs gratum Deo, & hæc non facit ad propositum, nec debet cognosci ab agente, & sequitur ex præcedentibus.

Quæres, an aliquando ex circumstantia possit venire in actum bonitas, vel malitia essentialis.

Resp. affirmative, & tunc non dicitur amplius circumstantia, sed induit rationem objecti; ut si quis det eleemosynam ex motivo vanitatis, tunc circumstantia finis extrinseci reddit eleemosynam essentialiter malam, & ideò non est amplius circumstantia, sed habet rationem objecti motivi. Idem est, si actum de se indifferentem facias ex bono, vel malo fine; ut si studeas ob vanam gloriam, vel gloriam Dei nam tunc vana gloria reddit studium essentialiter malum, & habet rationem objecti, & gloria Dei reddit illud honestum bonitate religionis.

Quæres 2. unde cognoscatur, quando circumstantia augeat bonitatem, vel malitiam intra eandem

170 *De bonitate, & malitia act. hum.  
speciem, aut diversam.*

Resp. breviter, faciliorem notam esse, quando illa, quam sumit à circumstantia, pertinet ad virtutem diversæ speciei ab ea, quam habet ab objecto, v. g. furtum ex objecto est peccatum habens malitiam injustitiæ; si autem fiat in loco sacro, acquirit inde aliam malitiam diversæ speciei, scilicet sacrilegii, quæ est malitia irreligionis: idem est de eleemosynâ facta pauperi indifferenter; ibi est bonitas objectiva misericordiæ; sed facta sacerdoti accrescit bonitas nova, scilicet religionis.

#### Q U S Æ T I O IV.

*De bonitate, & malitia ex fine, & mediis, seu de malitia intentionis, & electionis.*

J Am sæpe diximus, finem in moralibus alium esse *intrinsecum & proximum*, qui dicitur, *operis &* hic non differt ab objecto; sic subventio pauperis est finis intrinsecus eleemosynæ, & *finis operis, & proximus*; quia immediatè, & per se respicitur ab opere illo; alium *extrinsecum, & remotum*, qui dicitur *operantis*; quia non respicitur directè, & per se ab opere, sed pendet ex arbitrio operantis, ut si des eleemosynam ob vanam gloriam, vel ob satisfactionem, vana gloria, & satisfactio sunt fines *extrinseci, & remoti, & operantis*, & iste finis habet rationem circumstantiæ, non autem *intrinsecus*.

Dicitur *remotus*, quia opus non respicit illum ex se; respicit enim primò, & per se objectum suum, scilicet solatium pauperis; dicitur *operantis, & extrinsecus*, quia ipse operans illum adjungit fini intrinsecò, & naturali ipsius operis; primus habet maximè locum in amore, seu intentione finis, 2. in electione mediorum; nam amor, & intentio respiciunt propriè finem, velut proprium objectum; electio verò respicit media in ordine ad finem. Loquimur igitur de isto, nam de primo, seu de objecto satis diximus suprâ.

Intentio, ut diximus alibi, est actus, quo voluntas fertur in finem, & determinatur ad volenda media propter consecutionem finis; electio verò est actus,



Etus, quo eadem voluntas vult, & ordinat media ad finem consequendum, & voluntas aliquando uno, eodemque actu fertur in utraque, scilicet in finem, & media, quandoque duplici actu, ut diximus ibidem, nec placet id repetere.

Quærimus ergo hic 1. an actus sumat bonitatem aliquam à fine extrinseco distinctam ab objecto. 2. an à multiplici fine posset accipere plures bonitates. 3. an intentio finis sumat bonitatem, aut malitiam ab electione boni, aut mali medii, & è contra an electio medii sumat bonitatem, aut malitiam à fine bono, aut malo, & an illa bonitas sit specialis, & distincta à bonitate intentionis, seu finis; quæ omnia breviter expediemus, quantum poterit, quia jam plura tetigimus in physicis, ubi de causa finali.

## CONCLUSIO I.

**A**ctus sumit bonitatem, aut malitiam à fine extrinseco distincta speciei ab objectiva, si finis ille sit diversa rationis, ac bonitatis moralis; & eodem modo, quo potest voluntas eodem actu tendere in plures fines, potest participare plures specie diversas bonitates.

Prob. 1. ex Scoto [1] sæpius citato: nam post bonitatem moralem ex objecto ponit immediate illam, quæ est ex fine, eamque vocat *primam circumstantialem in ista bonitate specifica, quæ dicitur bonitas ex circumstantia, talis est processus: Prima bonitas videtur esse circumstantia finis*, &c. Et in hoc conveniunt omnes Philosophi, & Theologi.

Prob 2. quoad 1. p. ex dictis quæst. præcedenti: nam constat, quod actus sumit bonitatem, aut malitiam modò intra, modò extra eandem speciem cum objectiva; sed finis est prima, & præcipua circumstantia; ergo ex fine actus sumit bonitatem moralem, prout pertinet ad eandem, vel diversam virtutem cum objecto, verbi gratia si studes, ut discas amare Deum, studium, quod habet indifferentiam ex objecto, sumit bonitatem charitatis ex fine, si studes ob vanam gloriam, studium contrahit ab illo fine malitiam superbix, si facis eleemosynam ex motivo satisfactionis, aut poenitentix, benitati obje-

H 2

eti-

[1] Quodlib. 18. H. n. 9.

Etivæ actus accrescit bonitas finis, quæ est justitia, & pœnitentia; nec ullus id negare potest. Similiter si furaris, ut forniceris, eris fur, & fornicator; sed magis istud; nam *Qui furatur propter adulterium, magis est adulter*, inquit Phil. [1] ergo actus sumit bonitatem, aut malitiam ex fine extrinseco modo intra, modo extra eandem speciem.

Prob. 2. p. ex eodem fundamento; quia si ex fine simpliciter crescit bonitas, & malitia actuum; ergo si possint simul intendi plures fines, etiam poterunt accrescere actui plures bonitates, aut malitiæ.

An autem, & quomodo possint eodem actu attingi plures fines, suppono id colligi ex dictis, ubi de causa finali in Physicis, & de intellectu, & voluntate in tract. de anima; in Physica diximus, eundem actum non posse habere plures fines totales, & adæquatos, bene verò plures partiales inadæquatos, & subordinatos. Ita dicendum de bonitate, aut malitia intentionis voluntariæ circa illos. Medicus potest invisere ægrotum ex amicitia, & simul ex spe lucri: sic potest dari eleemosyna ex gratitudine, & charitate; sic potes jejunare ex obedientia, ex charitate, & pœnitentia, & castitate, &c. Plura enim motiva jejunii nobis proponit Ecclesia, quæ simul possunt intendi; *Vitia comprimit, mentem elevat, virtutem largiur, & præmia*, &c. Sic furari potes ex fine gulæ, & luxuriæ.

Objic. Si actus sumeret bonitatem à fine, actus malus ex objecto fieret bonus ex bono fine, v. g. furtum esset bonum ex motivo eleemosynæ; sed falsum conf. ergo &c. Prob. maj. nam finis ille esset bonus, & honestus; ergo, &c.

Resp. neg. seq. & dist. ant. prob. esset bonus materialiter, cone. ant. formaliter, neg. ant. eleemosyna esset in eo casu bona materialiter, & in actu signato; quia de se est materia virtutis misericordiæ; sed in actu exercito, & formaliter in ratione finis esset mala; quia in ratione finis inclinaret ad malum, scilicet ad furtum; finis enim formaliter ut finalizans movet ad media eligenda propter ipsum, & ideò si media sint mala, illa electio, & finalizatio mala est formaliter, licet in materia virtutis.

Inst.

Inst. Intentio non sumit bonitatem à medio, nec ab electione; ergo nec malitiam; sed in casu posito intentio est bona; ergo non fieret mala ex electione furti velut medii. Prob. ant. nam eleemosyna ob vanam gloriam non facit, ut ista sit bona.

Resp. neg. ant. de quo mox dicemus. 2. falsa est etiam conseq. & disparitas est, quia *non licet facere mala, ut eveniant bona*, ut fert axioma commune moralium omnium; *Bonum ex integra causa, malum ex quocumque defectu*.

Objic. 2. Si actus sumeret bonitatem à fine diversam ab objectiva, aut à pluribus finibus, idem actus esset simul in diversis speciebus, & generaret simul diversos specie habitus, vel unicum ad illas pertinentem; sed conseq. est falsum; ergo falsum est, eundem actum esse simul bonum, aut malum ab objecto, & fine, vel à pluribus finibus diversis. Maj. patet: jejunii actus ob illa motiva pertineret 1. ad abstinentioniam ex objecto, 2. ad poenitentiam, 3. ad charitatem ex fine; quia deberet generare vel habitus singularum illarum virtutum, & distinctos, vel unicum habitum mixtum ex illis omnibus. Prob. min. tum quia nullum talem actum vel habitum norunt Philosophi: tum quia nulla est necessitas illum asserendi; quandoquidem posset id fieri per distinctos actus, quibus intenderentur singulae bonitates, & sic vitaretur hæc difficultas; quia si intellectus uno actu non attingit plura objecta disparata, ita nec voluntas.

Resp. 1. Conclusionem procedere de dependentia possibili unius actus ad plura objecta, vel fines; nam si repugnet, intellectum attendere simul in plura objecta disparata, & sic de voluntate, id non faciet contra conclusionem, & quid sit de hoc sentiendum diximus in tract. de anima.

Resp. 2. quod si ad contrahendam bonitatem ex fine, & circumstantiis sufficit intentio virtualis, & interpretativa, & indirecta, hinc etiam non valebit instantia; quia actus non habebit explicitè, & formaliter, & directè nisi unam specie bonitatem moralem; & sic per se non generabit nisi unum habitum, illius scilicet virtutis, cujus honestatem respiciet directè; sed quia putamus necessarium esse, ut intendatur directè bonitas circumstantialis, ideo

Resp. 3. neg. min. & prob. ejus; cum enim moralitas sit accidens in actibus, quid repugnat, eandem entitatem subjacere diversis specie accidentibus? Lac subjacet albedini, & dulcedini; sic actus idem subjaceret moralitatibus diversarum virtutum, quarum una esset prior aliis, & velut earum basis, & unaquæque causabit habitum similem sibi. In exemplo allato abstinentia, quæ est moralitas objectiva, pertinebit ad genus abstinentiæ, & alia ad pœnitentiam, & per eundem actum virtualiter multiplicem generabuntur habitus talium virtutum.

Certum est igitur, quod si actus sit bonus ex objecto, sit melior, si addatur bonitas finis intra, vel extra illam speciem; si verò sit ex objecto indifferens, ut amor studii, fiet bonus ex bono fine, ut si studeas propter gloriam Dei; si verò objectum sit aut indifferens, aut etiam bonum, actus fiet malus ex malo fine; ut si des eleemosynam, aut studeas ob vanam gloriam. Si denique objectum sit malum, actus erit malus etiam ex fine bono; ut furtum ex fine dandi eleemosynam, ut dictum est.

## CONCLUSIO II.

**B**onitas electionis pendet quidem principaliter à bonitate intentionis, sed non totaliter, pendet enim etiam, & augetur à bonitate mediæ, ita ut illa sit melior, quæ est de meliori medio; seu media ad finem gaudent propria bonitate, quam communicant actui electivo, bona autem intentio minuit quidem malitiam malæ electionis, sed non tollit; seu bona intentio non reificat malam electionem. Est communis quoad 1. p. & quoad 2. & 3. est communior.

Prob. 1. ex Scoto [1] docente, quod media ad finem præter bonitatem ad finem, habent etiam aliam absolutam, secundum quam possunt amari sine ordine ad finem. Unde appetitus deliberativus non est talis, quasi omne quod vult, velit propter beatitudinem; potest enim non velle negativè, quod est ad beatitudinem.... potest etiam velle illud non in ordine ad beatitudinem, &c. & alibi docet ex Philos. [2] quod finis est melior eo, quod est ad ipsum, scilicet ut finis præferatur me-

[1] 4. d. 49. q. 10. N. n. 13. [2] De 1. princip. c. 2. n. 11.

medio, quod assumitur ad ipsum consequendum, licet istud etiam in se possit esse bonum; imò & absolute melius eo, ad quod à voluntate assumitur.

Prob. 2. quoad 1. p. ex Scriptura, *Si oculus tuus simplex fuerit, totum corpus lucidum erit, si verò nequam, totum corpus tenebrosum erit*; quod communiter intelligitur de intentione, qua respicimus finem in actibus nostris, & ex qua plurimum, & principaliter pendet bonitas electionis mediorum, quibus ad finem properamus: & hoc patet ex præcedenti, & patebit adhuc ex 2. p. Nam si laboramus ad probandum, aliquam bonitatem honestatis refundi in opera nostra, ex bonitate speciali mediorum, satis colligitur, principaliter electionis bonitatem venire ex fine, imo plures Doctores putant, electionem mali medii (& à fortiori electionem medii indifferentis) bonificari à bonitate intentionis.

Prob. 2. p. quia certum est, quòd ex duobus mediis utilibus ad eundem finem, unum est melius altero, & per cons. electio melioris est melior; sed illa melioritas non venit à solo fine, qui est idem pro utraque electione; ergo est ab objecto electionis, quod est medium electum, Prob. maj. quia si velis salvare ægrotum ex charitate, & in eum finem ex pluribus medicis eligas peritiorum, & ut studiosius incumbat operi, velis illi dare ampliorem mercedem, illa electio est sine dubio melior ea, qua eligeres imperitiorum medicum, & cum minori mercede; ergo una electio, cæteris paribus, potest esse aliis melior ex meliori medio.

Confir. Nam possum eligere opera, & actus charitatis ad eundem finem æquè ac opera justitiæ, aut gratitudinis, aut liberalitatis; sed tunc actus ex medio charitatis induet bonitatem charitatis; ergo medium habet propriam bonitatem absolutam, & honestam; min. patet, quia actus ille charitatis non amittet propriam bonitatem absolutam, & honestam per talem usum ad talem finem; nec videtur id dici posse. Prob. maj. tum quia id videmus quotidiana experientia; quotidie enim utimur actibus charitatis, & amoris Dei ad finem pœnitentiæ, & remissionis peccatorum; tum quia in hoc nulla est repugnantia.

Dices, electionem melioris medii esse meliorem,

non propter bonitatem absolutam medii in se, sed propter maiorem utilitatem in ordine ad finem consequendum, & sic ratio nostra nihil probat.

Contra. Vel major hæc utilitas est intrinseca medio, vel extrinseca, & ex fine: sed non extrinseca, nam finis est idem respectu omnium mediorum, v. g. charitas est eadem virtus, & ejusdem honestatis respectu jejunii, martyrii, & honestæ recreationis: ergo non potest dare ullam utilitatem maiorem uni, quàm aliis: si est intrinseca ipsi medio: ergo ipsa non sunt in se; & inter se æqualia; ergo inæqualitas electionis venit à bonitate medii. Et revera quis diceret, quòd martyrium non sit melius medium ad exercendam charitatem erga Deum, quippe est actus eximie virtutis, nempe fortitudinis, quàm jejunium, & levis eleemosyna, aut honesta recreatio?

Dices 2. quòd tunc martyrium, & similia opera virtutum assumuntur non solum propter utilitatem, quam habent ad finem, sed etiam propter propriam, & specialem honestatem; & sic habent duplicem bonitatem, unam utilitatis, qua terminant electionem, & secundum quam habent rationem medii, & alteram honestatis, quæ terminat amorem, & intentionem, & secundum quam habent rationem objecti, & finis proximi, ac immediati: charitas verò est finis mediatius, & remotus.

Contra. Nam licet opera illa, seu media possint ita amari per diversos actus, non sequitur, quin ipsa met honestas, v. g. martyrii possit eligi, & de facto eligitur, quia est aptior, & utilior ad finem charitatis, & inde talis electio est melior, & habet propriam honestatem; ergo electio ut talis habet ab objecto suo, scilicet à medio, propriam honestatem, præter bonitatem finis.

Prob. 3. Nam in Deo sunt virtutes justitiæ, misericordiæ, fidelitatis, gratitudinis, &c. sed Deus non amat harum virtutum objecta propter ipsa, sed propter se ipsam; ergo in amore medii propter finem est bonitas propria, & distincta ab amore finis. Cur non erit idem in nobis?

Prob. 3. p. 1. ex Scoto, [1] qui hoc videtur docere expresse hac ratione; *Bonitas actus moralis est ex ag-*

*gre.*

*gregatione omnium convenientium actui, secundum rectam rationem, quæ dictat determinatum obiectum, modum, & alias circumstantias convenire illi: & quòd non est completa bonitas ex solo fine, patet, quòd sola bonitas finis, etiam cum intenditur secundum rectam rationem, non sufficit ad bonitatem actus, sed requiruntur aliæ circumstantiæ: sed modus, & electio, & usus mediorum sunt circumstantiæ notabiles actuum humanorum; pertinent enim ad quomodo, & quibus auxiliis; ergo si electio sit mala ex malitia medii (v.g. si eligatur furtum ad eleemosynam) actio erit mala, neque rectificabitur ex quantacumque bonitate finis.*

Confir. ex communi axioma, quod traditur ex D. Dionysio, *Bonum est una tota causa, malum autem ex defectibus particularibus; tota autem causa integratur ex omnibus circumstantiis*: unde si deest una circumstantia requisita ad completam bonitatem, imperfecta erit bonitas, sed si adsit aliqua positivè mala, ut in casu conclusionis, & in exemplis allatis, actus non solum non erit bonus, sed positivè malus.

Prob. 2. ex Scriptura, & Patribus: nam ex D. Paulo, *Non sunt facienda mala, ut exenias bona*: & D. Aug. docet, quòd *mentiri semper est malum etiam si fiat ob finem bonum*; ergo electio mali medii non rectificatur ex quantacumque bona intentione, & bono fine.

Quòd autem bonitas intentionis minuat malitiam electionis, patet ex ipso lumine naturalis rationis; quia, ut dicebamus, [1] *Qui furatur propter adulterium, magis est adulter*; & sic prob. Tunc actus est minus malus, cum malitia est minus voluntaria: sed electio medii mali ex fine bono est minus voluntaria quoad malitiam, quia non tam intendit illam, quam bonitatem finis: ergo malitia intentionis minuitur ex bono fine.

Objic. 1. contra 2. & 3. p. ex Script. *Si oculus tuus fuerit simplex, totum corpus lucidum erit*; id est si intentio fuerit recta, & bona, totum opus erit bonum: ergo tota bonitas actus pendet ex solo fine, non autem à medio, imò & rectificat electionem mali medii.

H 5

Resp.

[1] 1. Ethic. c. 2.

Resp. neg. conf. ob rationem allatam; quia scilicet *bonum ex integra causa*; & Scriptura, & Patres supponunt nullam circumstantiam malam irrepere debere, alioqui inficiet actum; loquuntur de totali intentione, quæ etiam involvit electionem, & sæpe eodem actu respiciuntur finis, & media, ut diximus in *Physicis*.

Objic. 2. Ut medium bonificet electionem, debet amari propter suam bonitatem ut honestam, & utilem: sed nisi habeat utramque à fine, non amatur ut medium, nec ille amor habet rationem electionis; ergo media ut media nullam habent in se, vel à se bonitatem, sed totam à fine, & intentione; ideo utilitas ad finem indifferentem non erit bona utilitas. Prob. min. si enim habeat de se bonitatem, propter quam ametur, amatur propter se, non propter finem, saltem formaliter: & ille amor non erit electio, sed intentio, ut patet: nam bonitas medii, ut medium est, non est nisi bonitas utilitatis; ergo si medi bonitas tota non sit à fine, non amatur ut medium, nec ille amor est electio.

Resp. neg. min. & ant. prob. ac rationem ejus: nam ideo in casibus prædictis eligitur medium honestè bonum, quia utilius est ratione talis honestatis, & illa major utilitas fundatur in tali honestate, v.g. honestas, & bonitas intrinseca, & objectiva charitatis est ratio, propter quam eligitur ut medium aptius ad expiandum peccatum per poenitentiam, & ad finem illius virtutis: & idem est de electione justæ mercaturæ ad finem lucri: & licet electio boni honesti non esset bona ob finem indifferentem, ut est lucrum, adhuc prius exemplum, & ratio valerent.

Inst. Electio martyrii propter Deum summè dilectum haberet bonitates duarum virtutum, scilicet fortitudinis, quæ est in martyrio, & charitatis divinæ, quæ est finis: sed hoc non est possibile: esset enim ens chimericum, ut hircocervus; ergo impossibile est, electionem aliunde bonam esse, quam ab intentione, & quòd media habeant propriam bonitatem.

Resp. conc. maj. & neg. min. & rationem ejus, vel sic dist. maj. duas bonitates, quasi partiales, & aliquo modo inter se ordinatas, conc. maj. & neg. min. totales.



les, & penitus disparatas, neg. maj. & conf. bonitas finis, & intentionis est semper primaria, & principalis, & velut substantialis, electionis verò est accidentaria; & certè quis negaret, electionem martyrii propter Deum esse meliorem electione unius quadrantis erogati in pauperem?

Objic. contra 3. Intentio bona bonificat electionem mediæ indifferentis; ergo & mali. Prob. conf. nam actus ex objecto indifferens non magis est bonus, nec minùs distat ab honestate virtutis, quàm malus ex objecto; ergo si bona intentio illum bonificat, ita & istum.

Resp. neg. conf. & ant. prob. nam indifferens non habet contrarietatem ad bonitatem, sicut malus; malitia verò positivè obstat bonitati.

Inst. Mala intentio reddit malam electionem boni mediæ, ut patet de dante eleemosynam ex intentione vanæ gloriæ, aut fornicationis; ergo intentio bona rectificat electionem malam; & hoc confirm. ex loco allegato Evangelii de oculo simplici.

Resp. neg. conf. ob rationem sæpius datam, quòd *bonum ex integra causa, malum verò ex quolibet defectu: nec sunt facienda mala, ut eveniant bona.* Ad Script. verò responsum est, quòd in intentione comprehenditur etiam electio; & sic opus ab illa bonum est, aut malum.

Objic. 2. Bonitas intentionis minuit malitiam electionis per nos; ergo quò melior est intentio, eo minus mala est electio; ergo per intentionem perfectè bonam tollitur tota malitia electionis mali mediæ.

Resp. neg. conf. 1. quia malitia illa non minuitur positivè per gradus bonitatis contrarios, sed negativè, impediendo tantum voluntarietatem ex parte agentis.

*Quæres, an bonitas, & malitia desumpta ex fine sit essentialis, & specifcet actum electionis; an verò ea, quæ desumitur à medio, v. g. in electione martyrii propter Deum amandum, an talis electio essentialiter sit in specie fortitudinis, an in specie charitatis, & similiter in eo, qui eligit furari, ut fornicetur, an malitia talis electionis sit in specie furti, an verò fornicationis.*

Resp. 1. Quòd in secundo casu malitia essentialis

contrahitur ab objecto proximo, quod est medium malum, v. g. furtum, & sic de similibus.

Ratio est 1. quia, ut diximus, ad contrahendam malitiam sufficit quicumque defectus in actu, & quod ille defectus sit quomodocumque volitus, etiam implicite, virtualiter, & indirectè, licet furtum ordinetur ad ulteriorem actum malum, scilicet ad fornicationem, ut ad finem, nihilominus proximè, & immediate contrahit malitiam furti, super quam immediate transit. 2. quia malitia furti est inseparabilis ab illo actu, & à volitione ejus, non autem malitia fornicationis; ergo ista est ei potius accidentalis, quàm substantialis, quandoquidem potest actui adesse, & abesse sine ejus mutatione essentiali. Denique objectum, ut tale, tribuit actui primam malitiam, aut bonitatem, & inter objecta primum tribuit illud, quod primò, & immediatius terminat intellectionem, & volitionem; sed media prius, & immediatius terminant intellectionem, ac volitionem in electione, sicut & finis prius terminat eas in ratione objecti: ergo prima malitia venit à medio in ratione objecti.

Resp. 2. de bonitate, quòd quando electio terminatur ad objectum per se bonum, & proximè amatur ut tale, cum relatione tamen ad ulteriorem finem distinctæ bonitatis, tunc primaria, & essentialis bonitas illius actus venit à medio: accidentalis verò est à fine illo extrinseco; quia bonitas illa medii, seu objecti sufficiens est ad dandam talem bonitatem, & primò terminat actum, & in eo casu illa bonitas est inseparabilis ab actu, ver. g. eleemosyna data propter honestatem suam propriam, licet relata ad poenitentiam, velut ad finem, retinet semper bonitatem misericordiae, & potest amittere bonitatem poenitentiae, cessante scilicet illa relatione; ergo ista bonitas poenitentiae, quæ est finis, est tantum secundaria, & accidentalis. Exemplum aliud habes ex D. Thoma de illo, qui fortiter pugnat ob liberationem patriæ; bonitas specifica talis pugne non venit 1. ex liberatione patriæ, sed ex bono fortitudinis, quæ exercetur in pugna, licet illa honestas, & fortitudo ordinetur ad liberationem patriæ.

Resp. 3. Quòd si per electionem non ametur positivè  
honestas

honestas propria mediū, sed purē spectetur utilitas ejus ad finem, licet verē in se sit honestum, tunc tota bonitas electionis est à fine, quia sola bonitas finis amatur positivē; nam, ut diximus, ut circumstantia det bonitatem suam actui humano, debet esse positivē cognita, & volita; non ita est de malitia.

## Q U Æ S T I O V.

*An actus externus augeat bonitatem, vel  
malitiam actus interni, & quo-  
modo eas moralitates  
participet ..*

**Q**Uæ diximus hucusque pertinent propriè ad actus internos voluntatis, in qua, & qua est moralitas. Per actus autem externos intelligimus omnes illos, qui non eliciuntur ab ipsa voluntate, sed tantum ab ipsa imperantur, ut actus intellectus, & sensuum tam externorum, quàm internorum, & appetitus, & membrorum corporis, quatenus subsunt voluntatis arbitrio. Et certè de illis nullus dubitat, quin primariam, & principalem bonitatem, aut malitiam sumant à voluntate, quia non sunt moraliter boni, aut mali, nisi in quantum liberi, & voluntarii; & hoc illi non habent ex se, sed à sola voluntate. Unde Scotus mox citandus dicit ex S. August. *Causa prima peccandi est voluntas; nihil est enim peccatum, nisi quod est in potestate facientis, & nihil est in potestate facientis, nisi quod est in potestate voluntatis ejus; quia nihil præter hoc est imputabile; ergo in solo velle est peccatum primò, & in aliis non nisi mediante velle.* Sed quæritur, an in illis sit aliqua malitia formalis, scilicet secundaria: v. g. an largitio effectiva, & externa eleemosynæ addat aliquid bonitatis volitioni sinceræ, ac efficaci faciendi eleemosynam? Et ita est de homicidii opere, an addat malitiam volitioni ejus efficaci, & cæteris omnibus paribus? Et quidem loquimur præcipuè de malitia extensiva; accidit enim ordinariè, ut dum exequimur volita, intendatur ipsa volitio, & complacentia in objectis volitis; sic qui vult fornicari, fornicando ardentius sibi complacet in actu; sic qui vult pati martyrium, patiendo plus accen-

accenditur in amorem Dei, &c. Loquimur ergo de bonitate, & malitia distincta ab interiori, ita ut præcisè, & ratione operis externi homo mereatur novam aliquam gratiam, vel demereatur novam poenam præter meritum, vel demeritum actus interni: & de hoc acris est controversia inter Morales tam Philosophos, quam Theologos.

Dico autem, *cæteris paribus*, nam si quis intensissimè optaret dare eleemosynam unius aurei, quam non posset dare, & idem alter vellet, sed remissè, & tamen daret, certum est, quòd intensio, & ardor charitatis in primo posset æquare meritum secundi, etiam casu quo crescat ex opere ipso. Quæstio ergo est de duobus æquè intensè volentibus, & æquè potentibus dare, an scilicet qui de facto dat plus mereatur, quàm qui habet tantum voluntatem. Idem est de homicidio quoad malitiam, tùm videbimus quomodo, & quo ordine tales moralitates participantur: supponitur etiam quòd actus externus habeat in se bonitatem, aut malitiam: nam si de se esset indifferens, certum est, quòd tota bonitas, vel malitia esset in volitione interiori, quæ rem alioqui de se indifferentem vellet in ordine ad finem bonum, aut malum. Item agimus de actu interno efficaci de se: nam certum est, quòd cùm per actum externum internus sit de inefficaci efficax, tunc acquirit novam bonitatem, aut malitiam per illum.

## CONCLUSIO.

**A**ctus exterior addit bonitatem, & malitiam distinctam actui interiori. Ita Scotistæ, & alii contra Thomistas, & alios.

Prob. 1. ex Scoto, (1) dicente quòd *malitia, vel peccatum est formaliter in voluntate, & materialiter in sermone*, seu actu externo loquendi; & ex professo atque in terminis docet, quòd *actus exterior, scilicet imperatus, habet bonitatem moralem propriam aliquam aliam, quàm actus interior elicitus*: quod probat ex S. August. quia *mala voluntate vel sola quilibet miser efficitur, sed miserior potestate, qua desiderium male voluntatis impletur, profectò quævis & sic male volendo miser esset, minùs tamen esset, si nihil eorum, quæ perferam*.

[1] 2. d. 42. 7. 4. N. 16. & quod! 18. Q. n. 12.

*peram voluisset, habere potuisset*: quod intelligitur de miseria culpæ, quæ præfuit in actu interiori malo.

Prob. 2. ex eodem supposita definitione ab eo data de bonitate morali, quam dicit consistere in integritate eorum, quæ secundum rectam rationem operantis debent convenire actui: quo posito sic argumentatur: Ubi est formaliter alia, & alia integritas eorum, quæ secundum rectam rationem agentis debent convenire actui, ibi est alia, & alia moralitas, seu bonitas, aut malitia, si adsit alia, & alia imperfectio, seu si absit alia, & alia integritas; sed in actu exteriori imperato est alia integritas requisita secundum rectam rationem, quam in actu elicitō, seu interno imperante; ergo & alia bonitas. Maj. patet ex definitione recepta bonitatis: prob. min. actibus diversæ rationis conveniunt diversæ integritates secundum rectam rationem: uterque enim dicitur bonus, aut malus intrinsecè, & formaliter; sed actus interior elicitus, & actus exterior imperatus sunt diversæ rationis; ergo debent inesse illis diversæ integritates secundum rectam rationem. Maj. patet, quia unicuique speciei actuum conveniunt diversæ proprietates. Prob. min. nam multa debent convenire actui interno voluntatis, quæ non possunt convenire externo, dato etiam, quod utrique convenire possit eadem specie integritas, & moralitas, tamen distinguuntur saltem numericè, quod sufficit ad intentum conclusionis.

Prob. 3. omiſſis aliis multis probationibus, quas adducit, & non approbat Poncius: quia nisi actus externus augeret, & quidem notabiliter malitiam interni, non deberet exprimi in confessione Sacramentali; sufficeret dicere: *volui occidere hominem, fornicari, furari*; non verò *occidi, fornicatus sum, furatus sum*: sed conseq. est falsum, & contra receptissimam Ecclesiæ praxim; ergo in actu exteriori est nova malitia. Idem est de bonitate. Prob. maj. quia non debent necessariò dici in confessione, nisi circumstantiæ, quæ habent, vel augent malitiam, & quidem notabiliter; ergo illa obligatio confitendi opus externum arguit particularem malitiam ejus.

Dices; idèò debere explicari opus externum, quia istud magis explicat efficaciam internæ voluntatis, aut gravitatem, vel intentionem ejus.

Contra. Ergo sufficeret dicere, *volui efficacissimè, & insensissimè homicidium*: sed hoc non sufficeret ad bonam confessionem juxta praxim Ecclesiæ; ergo, &c. 2. non omnis gravitas est aperienda; sed tantum, quæ notabiliter auget malitiam; ergo actus externus addit notabilem gravitatem interno, vel non erit explicandus.

Dices 2. Opus externum esse dicendum propter damnum, quod ex illo inferitur, aut scandalum, aut censuram, quæ incurritur, non verò propter novam malitiam.

Contra 1. Si hæc obligatio esset tantum propter damnum, aut scandalum, ille, qui sponte, & ante confessionem vellet damnum, aut scandalum reparare, non amplius deberet confiteri, nisi volitionem internam; 2. quoad censuras, imò & quoad damna, & scandala non semper connectuntur cum omnibus operibus externis malis, quæ tamen sunt semper aperienda, ut impuritates solitariae, & secretæ. Dum quis blasphematur in solitudine non scandalizat, nec damnificat; ergo aliunde venit illa obligatio, scilicet à propria malitia.

Dices 3. ideò confitendum opus externum, quia verè malum est, licet eadem malitia, quæ est in actu interiori, & à qua illud denominatur extrinsecè malum, quia tenemur omnia peccata dicere.

Contra. Si opus externum non est aliud peccatum ab interno, nec aliam ullam habet malitiam, dicerem omnia peccata, si dicerem solas volitiones: nam si volitio efficax homicidii, & opus homicidii sunt unum, idemque peccatum, omnia dixi peccata, si volitionem accusavi.

Dices 4. non esse dicendum opus externum propter distinctam malitiam, sed propter præceptum Ecclesiæ sic jubentis ex institutione Christi accepta per traditionem.

Contra: quia id gratis planè dicitur; si enim occidens, aut furans non esset ullo modo peior, quam qui internè tantum vult occidere, aut furari, non videretur ratio ulla, cur Ecclesia, vel Christus præcepisset eam circumstantiam operis externi confiteri, sicut nec multas alias, quæ occurrunt.

Dices 5. quòd actus malus internus conjunctus cum  
exter-

externo demeretur novam pœnam accidentalem, præter substantialem; sicut actus bonus conjunctus externo meretur aliquod præmium accidentale; & ideo externus malus debet aperiri, ut imponatur nova pœna accidentalis.

Contra; ergo actus externus malus addit malitiam aliquam novam, & distinctam ab interna, cui debet correspondere illa nova pœna accidentalis, quod sufficit nobis: nam quod malitia operis externi dicatur accidentalis, aut alio nomine notetur, parum refert, modò sit distincta, & ob illam additionem, seu novam malitiam actus externus sit dicendus in confessione. Addo, quod si malitia illa nova esset adeo accidentalis, & levis, non tam necessariò esset confitenda, quia Ecclesia non jubet circumstantias leviter aggravantes confitendas esse. Denique ipsa obligatio confitendi tale augmentum non videtur levis pœna, nec arguit levem malitiam.

Dices denique, præcipi talem confessionem, ut salubriora pœnitens accipiat consilia, & increpationes, & ut fortius retrahatur à peccato per obligationem aperiendi talem circumstantiam.

Contra 1. nam plurimi confitentur, qui non egent consiliis, nec increpationibus, imò aliqui tanto cum dolore accedunt, ut prudens confessarius debeat consolari eos. 2. Cur egeret gravioribus consiliis, & increpationibus? Aut illis gravius esset aperire circumstantiam actus exterioris, si nullam novam malitiam contineret? Certè eadem exigeret consilia; easdem mereretur increpationes; eodem premeretur pudore confitendo volitionem efficacem committendi turpia: non majus esset malum ea commisisse, quàm voluisse committere. Vides ex tot replicis, & ex earum levitate, quantum adversarii hoc argumento urgeantur.

Prob. 4. Actui bono externo correspondet speciale præmium, & actui malo specialis pœna, saltem accidentalis; ergo in illo est specialis bonitas, aut malitia saltem accidentalis. Patet conseq. nam nisi specialis aliqua bonitas, aut malitia inesset, præmium, aut pœna non esset justa; illud non esset verè præmium, sed gratia; nec ista verè esset pœna, sed rigor ultra debitum. Prob. aut. nam actus externi virginum, &

max.

martyrum decorantur palmis, & actus doctorum aureolis, ut notat S. Bern. [1] *Et si meritum fidei tantum valeat ad justificationem sine martyrio, ac cum eo, non tamen tantum, valet ad cumulum meriti; scilicet illi ipsi Sancti, qui ardenti martyrii desiderio, inde quidem laudantur ad meriti substantiam, sed aureolis non decorantur, nec ut veri martyres ab Ecclesia coluntur; ut patet de S. Martino Episcopo, de quo canit, quòd etsi animam illi gladius persecutoris non abstulit, palmam tamen martyrii non amisit: hæc, inquam, canit, & inde illum laudat, sed inter martyres non reponit. Idem est de malitia actuum externorum, quam Ecclesia censuris variis punit, & quas non infligit ob actus purè internos; ergo in externis agnoscit quandam specialem malitiam. Prob. cons. non alligaret actibus externis præmia, vel pœnas illas, nisi essent voluntarii, & liberi (quales non sunt in dormientibus, & amentibus, & pueris) ergo quando sunt voluntarii, & liberi, habent aliquod verum meritum, aut demeritum.*

Confirm. Quia opus bonum externum immediatè, & per seipsum auget Dei gloriam, sicut malum opus illam minuit; ergo illud habet speciale meritum præmii, & istud demeritum pœnæ. Unde operi externo sacramentorum Deus alligavit gratias, quas consequimur ex opere operato; & Ecclesia indulgentias, ad quas non sufficerent actus interni, ut dicebamus de actibus malis externis, sine quibus non incurruntur censuræ. Certè si Adam sola voluntate peccasset, non autem facto, non amisisset gratiam originalem.

Objic. i. ex Script. [2] *Si voluntas prompta est secundum id, quod habet, accepta est, non secundum id, quod non habet, scilicet qui parum dat, cum plus non habeat, tantum præmii meretur apud Deum, quantum ditior, qui multum dat; ergo ex sola voluntate dantis mensuratur meritum, non ex ipso opere externo. Quod clarè docet August. [3] In bona voluntate metitur bonus bona facta, & in voluntate mala metitur malus mala facta, & in ea metietur ei miseria. Et alibi docet, [4] quòd voluntati concubandi cum*

[1] ep. 77. de martyr. [2] 2. Cor. 8. 12.

[3] ep. ad Deo grât. [4] de lib. arbit. c. 3.



*uxore aliena, quod facturum erat, si potuisset, non minue-  
rens est, quam si in facto deprehenderetur; ergo tota  
bonitas, & malitia est in actibus internis voluntatis,  
nulla verò in externis.*

Resp. neg. conf. Nec enim id sequitur ex his, & simi-  
libus textibus. Apostolus ibi hortatur Corinthios ad  
ejusmodi dumtaxat beneficentiam, *quæ facultatibus  
par sit*, inquit Chrysost. [1] imò eos ante laudat non  
solum ex voluntate largiendi, sed etiam ex ipso ope-  
re: *Velle cepistis ab anno priore, nunc verò perficite,  
ut quemadmodum promptus est animus voluntatis, ita  
sit & perficiendi ex eo, quod habetis, hoc est, ut præcla-  
ra hæc virtus non intra animi promptitudinem consi-  
stat, sed eam etiam mercedem, quam opera asserunt, con-  
sequatur, &c.* Vides externa opera suam consequi mer-  
cedem; ergo & suam habent bonitatem. Augustinus  
autem principalem quidem malitiam in voluntate  
ponit, sub omni culpa non excusat opus externum;  
& loquitur de malitia quantum ad pœnam æternam,  
& privationem gratiæ: hæc enim pœna incurritur ex  
malitia voluntatis primario. Hæc explicatio fundatur  
in glossa decreti: [2] *Revera magis reus est, si opus ad-  
hibeatur: sed hoc dictum August. quoad sufficientiam  
æterni interitus accipe: vel dic, quod non minus est reus,  
idest, nihilominus reus est, quamvis ad factum non  
perveniat, non quin plus peccet, si opus sequatur; quod  
patet ex eo, quia prohibitum est malam voluntatem in  
opus producere: sic ergo contra prohibitionem illam fa-  
ciens plus peccat; ergo qui opus adjicit voluntati iniqui-  
tatem adjicit iniquitati.*

Inst. Apud Deum voluntas efficax habetur pro fa-  
cto, & mercedem operis externi consequitur, ut patet  
de Abraham, *Quia fecisti rem hanc, & non peperisti  
filio tuo unigenito propter me, benedicam tibi, &c.* in  
quæ verba Chrysost. ait: *Non eventum considera dile-  
cte, sed voluntatem, & mentem disce, quæ faciebat  
mandata circa ratiocinationem curiosam: quantum  
enim ad voluntatem attinet, cruentaverat dexteram  
Patriarchæ, & per cervicem pueri immiserat gladium,  
perfectumque obtulerat sacrificium.* Item ex D. Bern.  
cum legimus, *omnis, qui odit fratrem suum, homicida  
est:* Item: *Qui viderit mulierem ad concupiscendum*

*eam*

[1] ibid. hom. 17. [2] c. si cui, d. 1. de pœnis.

*eam, jam machatus est in corde suo: quid planius; quod voluntas pro facto reputatur, ubi factum excludit necessitas; ergo tota bonitas, vel malitia est in actibus internis, & in sola voluntate, non verò in externis.*

Resp. ex Scoto, [1] id verum esse ex objecto, & circumstantia finis, *quæ non est ipsius actus ut in esse reati positi, sed est ipsius actus voliti, & per actum voluntatis ad talem finem relati.* Et si bene illi textus intelligentur, probant tantum, quod voluntas pro facto reputatur quoad culpam, & privationem gratiæ, & reatum pœnæ æternæ, & absolutè in actibus malis, in bonis verò quoad substantiam laudis, ac mercedis, non verò quoad quantitatem: nam pro voluntate adulterandi damnatur homo, & privatur gratia divina, & pro voluntate martyrii meretur gratiam, & gloriam, *si effectum impediatur necessitas.* Et SS. Patres loquuntur sic de voluntate, ne peccata interiora voluntatis videantur parvi momenti, ut multi putant; sed numquam somniarunt, quod actus interior sit æquè bonus, aut malus se solo, qualis est cum exteriori quoad quantitatem bonitatis, ac malitiæ. Unde S. Hieron. explicat prædicta verba D. Pauli, [2] *quod voluntariè incepistis implere: omnis enim boni operis finis est expetendus; quia sicut factum inviti acceptum non est, ita voluntas infructuosa est habentibus eam sine facto.*

Objic. 2. Si bonitas actus interioris cresceret ab exteriori, quò iste esset perfectior, tantò magis cresceret meritum operantis; sed conf. est falsum; ergo, &c. Prob. min. nam Christus docet, quod vidua, quæ obtulit tantum duo minuta in gazophylacium, *plus omnibus misit*; id est plus meruit. Unde S. Leo: [3] *æquatur merito, qui distat impendio, quia potest par animus, ubi dispar est consensus*; & Glossa in illud, [4] *ecce nos reliquimus omnia*, dicit, quod *ille reliquit omnia, qui reliquit affectum*; ergo ex Script. & Patribus meritum non crescit ex perfectione operis externi.

Respond. dist. maj. cæteris paribus, conc. maj. & neg. min. cæteris disparibus, neg. maj. & conf. unde si magnates, qui miserunt copiam auri, & argenti, affectum habuissent in Deum æquè intensum, & cum tanta

pro

[1] Quodlib. 18. H. [2] 2. Cor. 8.

[3] Ser. 40. in ier. 17. [4] Matth. 19.

proportione facultatum suarum id fecissent, plus sine dubio meruissent. Patres etiam loquuntur de merito quoad substantiam præmii, aut poenæ, ut diximus, non quoad quantitatem, & accessorium, seu accidentalia.

Objic. 3. Actus externus nō habet distinctam libertatem ab interno; ergo nec bonitatem, aut malitiam, Prob. conf. nam bonitas, & malitia fundantur in libertate actus, & ubi est una libertas, ibi est una imputabilitas, & moralitas, & unicum dictamen, & unica relatio conformitatis, vel difformitatis: hoc est præcipuum fundamentum adversariorum.

Resp. 1. Retorqueri posse argumentum in Thomistas. Actus imperatus, & imperans non habent diversam libertatem, licet uterque sit internus, & elicivus à voluntate; ut cum imperat sibi actum charitatis ad finem poenitentiae; ergo neque distinctas bonitates, & malitias: sed conf. est contra Thomistas, qui putant in actibus elicitis, & imperatis internis voluntatis posse esse malitias, & bonitates distinctas, cum imperat sibi actum unius virtutis ex motivo, & ad finem alterius, ut in casu allato; ergo vel unitas libertatis non impedit bonitatem in electione distinctam, vel idem est de imperante, & imperato.

Resp. neg. conf. & rationem ejus, quia cum libertas sit tantum conditio requisita ad moralitatem, eadem sufficere potest ad distinctam bonitatem, & malitiam: eadem enim libertate quis potest dare denarium, vel duplionem, imo & amare, vel odire: idem est de imputabilitate, quæ licet fundetur in eadem libertate, potest tamen terminari ad terminos distinctos, quod sufficit ad distinctas relationes, quales sunt imputabiles. Deinde malitia non oritur præcisè ex libertate, sed ex conformitate, vel difformitate cum recta ratione.

Resp. 3. neg. ant. nam sicut voluntas habet distinctum dominium in actus elicitos, & imperatos tam externos, quam internos, ita distincta libertate proprios actus elicit, & alios imperat; & ideo actus in esse reali, & extra voluntatem positus potest habere propriam bonitatem, aut malitiam distinctam ab ea, quam habet in esse intentionali, & intra voluntatem; sicut in esse suo reali habet propriam convenientiam de  
bi.

*bitam, vel disconvenientiam ad rectam rationem, aut legem*, inquit Doctor, [1] & id probat, quia bonitas, seu convenientia actus exterioris causatur ab interiori; ergo ab ea distinguitur, sicut effectus à causa: idem enim non est causa, nec medium sui ipsius, sicut conclusio, quæ habet veritatem à suis præmissis, habet etiam veritatem distinctam, & sibi propriam; non enim conclusio est vera formaliter veritate principii.

*Inst.* Actus imperatus sive exterior, sive interior non potest non esse, supposito imperante; ergo nullam habet in se libertatem, sed tota est ab imperante. *Prob. ant.* cum voluntas sibi imperat amorem, v. g. supposito imperio illo, voluntas non est amplius indifferens ad amorem; ergo amor non potest non esse; ergo non est in se liber, sed in solo imperio.

*Resp. dist. ant.* non potest non esse ex determinatione, seu necessitate concomitante inter actum imperantem, & imperatum, *conc. ant.* ex determinatione, & necessitate antecedente, quæ intercedat inter imperatum, & imperantem, *neg. ant.* nam licet actus imperans sit prior ordine, quàm imperatus, & posito illo sequatur iste necessario, tamen illa necessitas non est antecedens, sed concomitans respectu voluntatis imperantis, & exequentis, quia eodem instanti temporis, quo vult efficaciter actum imperii, vult etiam actum imperatum, & sic uterque actus liberè procedit à voluntate, quasi duplici libertate, sicut uterque fuit illi repræsentatus ab intellectu, & sicut sunt duo effectus subordinati, & ab eadem causa positi.

*Objic. 4.* Supposito imperio efficaci voluntatis, potentie exteriores obediunt tam necessario, imo & perfectius, quàm bruta, vel alia entia, quæ moventur, v. g. cælum respectu intelligentiæ motricis, aut baculus respectu manus: sed in motibus brutorum, aut cælorum, aut baculi nulla est libertas, nec bonitas, vel malitia propria; ergo neque in actibus externis nostris erit bonitas propria distincta à bonitate interna.

*Resp. 1.* retorquendo argumentum. In motibus equi, vel cæli, aut baculi non est ulla bonitas, nequidem participata; ergo neque in actibus externis nostris: ant negari non potest, quia illi motus non sunt humani, neque capaces moralitatis: conseq.

verò

verò non admittent adversarii: fatentur enim actus nostros externos denominari morales, & participare moralitatem ab internis.

Resp. igitur 2. dist. maj. potentia exteriores tam necessario obediunt ex libertate participata, quam non participant bruta, nec coeli, nec alia instrumenta, conc. maj. absque libertate omnimoda tam intrinseca, quam participata, neg. maj. & consequatum enim est discrimen inter motus brutorum, quos in illis causamus liberè, & motus facultatum hominis; nam motibus humanis potest competere libertas, & moralitas, saltem participata, quia illae facultates subsunt immediato, & directo voluntatis imperio; sunt cum ipsa radicata in eadem natura; & non ita est de aliis causis naturalibus, quas movemus.

Objic. 5. Qui vellet furari, & non furatur, quia non potest, eandem poenam meretur coram Deo, ac si furaretur; & qui ardentè cupit martyrium, idem præmium ab eodem meretur; ergo tota bonitas, & malitia est in actu interno.

Resp. dist. ant. eandem poenam, & idem præmium substantiale, conc. accidentale, neg. antec. & conf. id fateri coguntur adversarii de martyrio, cujus aureola non datur ob solum desiderium, & nisi accedat passio, & actus externus, quod fatentur plures adversarii.

Inst. ergo posset quis privari merito, & præmio illo per solam malitiam tyranni, qui vel violans virginem privaret eam aureola virginitatis, vel volens sævire in sanctos privaret eos aureola martyrii; sed consequ. videtur absurdum, & contra sensum Ecclesiae, quæ approbat illud de Sancta Lucia, *Si jusservis invitam violari, castitas mihi duplicabitur ad coronam*; scilicet unam habebit pro castitate servata, & alteram pro injuria.

Resp. similiter dist. maj. privaretur merito, & præmio accidentali, conc. maj. & neg. min. substantiali, neg. maj. & conf. nec id est absurdum; sicut nec volens sumere sacramentum, quod illi injustè negatur, percipit gratiam accidentalem, quam ex actuali opere operato consequeretur. De Beata Lucia dici potest, eam consequi coronam essentialem virginitatis,

& aliam æquivalentem pro injuria, non autem aureolam.

Objic. 6. Qui vult efficaciter dare eleemosynam, & ob id sincerè mittit manum in crumenam, in quo non invenit pecuniam, non minus laudabilis est, & meretur; & qui emittit sagittam animo ferendi hominem, non minus culpabilis est, & puniendus; ergo actus exterior eleemosynæ, vel occisionis non auget bonitatem, nec malitiam. Prob. ant. nihil est objectum laudis, vel vituperii, nisi quatenus homo se determinat ad illud: sed actus imperatus tam interior; quàm exterior non determinat, sed invenit determinatum hominem ad eleemosynam, & occisionem; ergo ille actus imperatus non auget laudabilitatem, vel vituperabilitatem, nec præmiabilitatem, vel punibilitatem. Hoc argumentum magnificat Arriaga.

Resp. ut supra, dist. ant. & maj. prob. non minus est culpabilis, aut laudabilis quoad substantiam præmii, vel pœnæ, meriti, vel culpæ, conc. ant. & maj. quoad præmium, vel pœnam accidentalem, neg. ant. & maj. & ratio patet ex dictis: nam actus elicitus, & imperans est immediatè liber, imperatus verò mediatè; & sic posset voluntas ponere primum sine alio, & posito primo cessare à secundo. In ejaculatione sagittæ totus actus exterior, qui pendet ab homine reperitur perfectus, licet effectu careat, & ideo casus ille non est ad rem.

Inst. Sanitas in urina non addit quidquam sanitati animalis; ergo nec bonitas in actu exteriori addit quidquam bonitati, vel malitiæ actus interni. Prob. conf. nam sicut urina non dicitur sana, nisi ab extrinseco, & à sanitate, quæ est in animali, ita nec actus imperatus externus dicitur bonus, nisi à bonitate, quæ est in actu imperante; ergo, &c.

Resp. neg. conf. & ant. prob. nam actus imperatus, etiam externus, accipit quidem substantialem, & primariam bonitatem, aut malitiam à voluntate, & actu imperante, sed secundariam, & accidentalem habet à se, quatenus habet à se convenientiam, aut inconvenientiam propriam ad regulas moris, inquit Doctor. [1] Nam *multæ conclusiones sequentes ordi-*

nata ex eodem principio habent veritates proprias distinctas, & forte prior est verior, & magis necessaria, quia in necessitate sua non dependet à posteriori, sed è converso. Consimiliter conclusiones falsæ repugnantes eidem vero habent falsitates proprias; quia proprias disconvenientias eius, quod enuntiatur ad illud, quod est in re: consimiliter de actibus voluntatis, non solus actus volendi natus est habere convenientiam, vel disconvenientiam propriam ad dictamen rectum; sed actus imperatus natus est mediante illo habere convenientiam, & conformitatem, & licet idem sit, cui debet conformari actus iste, & ille, tamen ea, quæ conformantur, sunt diversa, & ideo habent ex parte sui diversas conformitates, sive convenientias, licet ad idem.

Objic. denique ex D. Anselmo, Si Deus diceret manui, in occidisti, & pedes ad malum locum ivisti, posset manus, pedes, & alia membra respondere Deo, quod domina voluntas hæc iussit, & Deus indidit illis ordinem hunc, quod obediant voluntati; ergo si esset aliud peccatum in actibus membrorum, quàm in voluntate, esset imputandum Deo; sed conf. est impium; ergo &c.

Resp. neg. i. conf. Nam peccatum est quidem in actibus imperatis, & hi actus sunt in potentiis adhæsi- vè, sed sunt primariò in voluntate, & causaliter à voluntate, & ideo hæc sola dicitur peccare propriè, & ita est de merito: bonitas, & malitia sunt quidem non solum denominativè, sed etiam formaliter aliquo modo moralitate participata, ut loquitur Scotus, in actibus imperatis, quia in istis est difformitas, vel conformitas propria ad regulas moris; sed illa difformitas est non solum in actu imperante voluntatis formaliter, sed etiam causaliter, quia sola voluntas debet impedire difformitatem, & ponere rectitudinem, & ideo malitia peccati, aut bonitas propriè illi imputatur.

Inst. ex Scotò. [1] Malitia, & bonitas est tantum materialiter in actibus aliarum potentiarum; ergo non habent propriam bonitatem, vel malitiam formalem.

Resp. dist. an. materialiter, id est secundariò, & dependenter à voluntate, quatenus ejus libertati

Tom. IV.

I

sub-

[1] 2.d.42.B.n.3. 16.

subiungunt, conc. ant. id est per denominationem purè extrinsecam, neg. ant. & conseq. nec enim id somniavit Scotus, dicit [1] quidem ex omnium sensu, quòd malitia primò, & formaliter non est nisi in aliquo actu voluntatis, & quòd in solo velle est peccatum primò, & in aliis, non nisi mediante velle: & per malitiam materiale intelligit participatam, liquendo de actibus potentiarum inferiorum; Ecce quid per illud materialiter intelligit, scilicet mediante voluntatis imperio difformitas, vel conformitas reperitur in actibus imperatis aliarum potentiarum.

## Q U Æ S T I O VI.

*An bonitas, aut malitia sit prius in actu interno, quàm externo, & an sint duo, vel unum peccatum.*

VIdemus bonitatem, & malitiam inesse tam actibus externis, & imperatis, quàm internis, & elicitis; restat videre, quo ordine moralitates illæ inter illos actus communicentur; an sint primò in actibus internis, à quibus derivantur in externos, an è contra; 2. An velò independenter, & æquè primò, & per se sint in utrisque; 3. An actus internus, & externus sint duo peccata, sicut habent singuli suam malitiam, & ita dicendum erit de bonitate.

## C O N C L U S I O I.

Bonitas, & malitia formalis sunt formaliter in utroque actu, cum aliquo tamen ordine: objectiva vero aliquo modo prius est in actu externo; finalis est per se primò in interno, sicut & bonitas, & malitia imputabilis.

Bonitas formalis est ea, quæ reperitur in ipso actu, prout est conformis rectæ rationi, & idem est de malitia formalis; objectiva autem, seu materialis est ea, quæ venit præcisè à convenientia, vel disconvenientia objectu, quatenus de se natum est terminare actum creature rationalis, ut rationalis est. Distinguiamus etiam bonitatem illam formalem, & objectivam ab

[1] 1.d.42.B.n.3.16.



*imputabilitate*; quia bonitas, aut malitia præcisè attenditur penes conformitatem illam, aut difformitatem, & per comparisonem actus ad regulam rectæ rationis, *imputabilitas* verò attenditur penes libertatem actus, quatenus subest pleno dominio voluntatis; quia homicidium v. gr. est actus de se difformis rectæ rationi, & ideò formaliter malus, sed si non sit liber, ut in dormiente, vel furioso, non est imputabilis ad vituperium, nec pœnam. Bonitas, & malitia præcisè oritur ex relatione actus ad rationem, imputabilitas verò ex libera potestate agentis, actus enim bonus, aut malus non imputatur ad laudem, vel vituperium, nec ad præmium, vel pœnam, nisi sit liber agenti, ac in ejus potestate; unde actus imputabilis dicitur duo; scilicet conformitatem, vel difformitatem, & libertatem; sed actus bonus præcisè non importat nisi conformitatem, & malus difformitatem; si verò sit immediatè in potestate voluntatis, ut sunt omnes actus elicitæ à voluntate, dicitur propriè imputabilis; non verò si tantùm mediatè, ut sunt omnes actus imperati aliarum potentiarum, qui in se non sunt liberi, sed in voluntate imperante, & mediante actu elicitæ. His suppositis.

Probatur 1. concl. ex Scoto cit. [1] nam actus tam exterior, quàm interior habet suam conformitatem, vel difformitatem ad rationem; ergo & suam bonitatem, & malitiam formalem; *Recta ratio dicitur omnes actus humanos debere esse rectè circumstantiis natos rectitudine sibi debita, scilicet participata, loquendo de actibus potentiarum inferiorum, &c. Et est alia integritas eorum, quæ secundum dictamen rationis debent convenire actui interiori, & eorum, quæ actui exteriori*; ergo & alia bonitas moralis, & alia malitia moralis.

Probatur ergo ratione quoad 1. p. ex dictis in præcedenti; quia uterque actus natus est elici conformiter rectæ rationi; ergo tam actus exterior, si versatur circa debitam materiam cum debitis circumstantiis, quàm interior habebit propriam bonitatem, & e contra si versetur circa objectum indebitum, vel sine debitis circumstantiis habebit in se malitiam.

I 2

Prob.

[1] 2.d.42.7.4.N.n.16.

Prob. 2. p. Quia malitia objectiva est prior circumstantiali; sed actus exterior, & imperatus habet propriam rationem objecti respectu interioris, & imperantis, & ipse est, qui præcipue præcipitur, aut prohibetur; nam directe prohibetur homicidium, furtum, mendacium, quia ex se hæc dedecent naturam rationalem, & similiter eleemosyna, justitia, temperantia præcipiuntur, quia ex se bonæ sunt objectivæ, & decent naturam rationalem, & inde malum est velle occidere, furari, mentiri; & bonum est velle eleemosynam, justitiam, temperantiam, &c. ergo bonitas, & malitia objectiva prius conveniunt actibus externis, seu imperatis, quàm internis.

Prob. 3. de malitia ex fine; quia actus exterior de se bonus, vel indifferens potest fieri malus ex prava intentione voluntatis, v. g. actus eleemosynæ fiet malus, si imperetur ex motivo vanæ gloriæ, aut luxuriæ, & ita de similibus; ergo bonitas, & malitia ex fine primario est in actu interiori, & secundo, ac per accidens in exteriori, & imperato.

Prob. 4. p. de imputabilitate, quia, inquit Scotus, [1] si stricte accipiendosolum illud dicatur imputabile, quod est immediate in potestate voluntatis, fateri, quod solum velle, & nolle est imputabile; si autem imputabile generaliter dicatur illud, quod est simpliciter in potestate voluntatis sive mediate, sive immediate, sic actus imperatus proprie est imputabilis; quia & si non sit immediate in potestate voluntatis, est tamen mediante actu volendi, &c. ergo bonitas, & malitia formalis quoad imputabilitatem venit primario ab actu elicitio interno, seu imperante, & est secundo tantum in imperato, seu externo.

Sic facile conciliantur opiniones, quæ videntur diversæ quantum ad bonitatem, & malitiam formalem, qui enim volunt, eam esse primo in actibus internis, id docent, quia non distinguunt bonitatem, & malitiam formalem præcisam ab imputabilitate, qui vero è contra volunt absolute illam esse primo in actibus imperatis, non distinguunt easdem, & præcipue bonitatem, & malitiam ex fine.

Objic, 1. contra 1. 2. & 4. ex Scoto. [2] *Peccatum non est nisi formaliter in voluntate, sed materialiter*

[1] Quod. 18. DD. n. 20. [2] 2. d. 42. q. 4. M. n. 15.

*potest esse in aliis actibus*; ergo ex Scoto tota moralitas est primariò in actibus internis, & secundariò tantum, & *participativè* in externis, seu imperatis.

Respondeo dist. conf. Tota moralitas formalis ex fine, & quoad imputabilitatem, conc. conf. moralitas objectiva, aut etiam tota formalis præcisè, prout importat relationem convenientiæ, vel disconvenientiæ ad rationem, neg. conf. Nam Scotus de istis non loquitur, ut patet ex textibus allatis, & ratione. Fateor, quòd bonitas ista formalis licèt sit in utroque actu, tamen ibi est cum aliquo ordine: est enim in externo dependenter ab interno; nam sine libertate, & imperio voluntatis ut non esset exterior, sic nec esset malus, nec bonus, nec imputabilis ad laudem, aut vituperium, & hoc sensu Scotus docet, bonitatem esse in actu externo, v. g. in sermone materiali-ter, formaliter verò in voluntate.

Objicies 2. Actus humanus eatenus est bonus, aut malus moraliter, quatenus est voluntarius, & liber; sed tota voluntarietas, & libertas est in sua voluntate; ergo & tota bonitas, & malitia; ergo hæc non est in actibus imperatis, nisi secundariò.

Resp. dist. maj. Quoad imputabilitatem, conc. maj. & min. quoad conformitatem, aut difformitatem ad rationem præcisè, neg. maj. nam patet, quòd furtum, mendacium, & similia sunt per se primò disconvenientia rectæ rationi, & eleemosyna est per se primò conveniens; ergo & bona, & ideò ista præcipitur, & illa prohibentur; sed si fierent sine libertate, non imputarentur neque ad præmium, neque ad penam.

Inst. Si actus exterior ex se haberet formaliter bonitatem, aut malitiam, posset dici bonus, aut malus secluso actu voluntatis; sed conf. est falsum; ergo & ant. prob. min. nam homicidium casuale non est peccatum; ergo actus externus non est malus secluso actu voluntatis.

Resp. dist. maj. Quoad malitiam, & bonitatem in rigore, & præcisè, conc. maj. & neg. min. quoad malitiam, & bonitatem imputabilem, neg. maj. & conf. certum est, quòd furtum v. g. ex se disconvenit rationi, & eleemosyna ei convenit ex se, & antecederet ad omnem actum voluntatis; sed nec furtum, nec eleemosyna imputabuntur, nisi liberè fiant.

Hinc adverte, quòd in rigore scholastico actum esse malum, & esse peccatum differunt, licet ordinariè confundantur; nam esse malum præcisè est esse disconveniens rectæ rationi, esse autem peccatum est esse disconveniens, & imputabile; unde actus purè exterior furti est quidem malus, seclusa libertate, sed non est peccatum formaliter, & propriè in hoc sensu.

## CONCLUSIO II.

**A**liquosensu actus malus interior, & exterior possunt dici duo peccata, & alio sensu unum; uno verbo, dici potest, quòd sunt duo partialia.

Prob. 1. ex Scoto: [1] nam postquam dixit, quòd si stricte accipiendo, solum illud dicatur imputabile, quod est immediatè in potestate voluntatis, patet, quòd solum velle, & nolle est imputabile; ergo in hoc sensu est unum peccatum, quia peccatum totum est formaliter in voluntate; si imputabile largiùs sumatur pro eo, quod est mediatè, aut immediatè in potestate voluntatis, sic actus imperatus est imputabilis; & cum sibi objicit, quòd imperatus non est imputabilis, sicut nec liber, nisi mediante interno, respondet, ex hoc sequitur, quòd illius, & istius est alia imputabilitas: id enim non est medium, nec ratio mediandi respectu sui ipsius; ergo in hoc alio sensu actus internus, & externus sunt duo peccata, saltem partialia.

Confir. ex alio textu, ubi dicit, [2] quòd malitia, vel peccatum est in sermone materialiter, & formaliter in voluntate: nam recta ratio iudicat, omnes actus humanos debere esse rectè circumstantionatos rectitudine sibi debita, scilicet participata, loquendo de actibus potentiarum inferiorum; sed actus exterior potentie motiva subest voluntati; ergo debet esse rectè circumstantionatus, & rectus rectitudine sibi debita, ut quòd transeat super materiam debitam, ut ordinetur ad debitum finem, ut scilicet edificet proximum, & quòd notificet (scilicet sermo) illud, quod est in conceptu mentis; aliter enim esset mendacium; ergo ex defectu alicujus circumstantiæ, quam debet imperare

[1] Quodlib. c. 2. [2] 2. d. 42. q. 2. A. & M. n. 2. & 16.

*voluntas, est peccatum, & malitia formaliter in voluntate, & materialiter in sermone.* Vides ex Scoto, quod uterque actus habet suam malitiam distinctam, sed tamen cum aliqua dependentia, & connexione unius ad alterum, ex qua fit, ut integrent unam totalem moralitatem, & unum totale peccatum.

Prob. autem quoad 1. p. Nam sunt duo actus realiter distincti, & separabiles, & singuli habent suam malitiam; ergo quoad hoc sunt duo peccata. Ant. patet; nam unus subiectatur in voluntate, scilicet interior, & ab ea sola elicitur; alter est in alia potentia, & maxime in appetitu sensitivo, vel sensibus corporeis, & uterque habet suam difformitatem cum recta ratione. Prob. conf. nam quæ sunt in diversis subiectis realiter, & numericè distinguuntur.

Prob. 2. Quia eadem forma in duobus subiectis faceret duo concreta, v. gr. eadem albedo in duobus parietibus faceret duo alba; ergo à fortiori duæ malitiæ in duobus actibus faciunt duo peccata, quia faciunt duo concreta.

Prob. 3. Quia actus interior, & exterior prohibentur aliquando diversis præceptis; nam interior in fornicatione, & adulterio prohibetur præcepto; *non concupisces*, & exterior, *non mœchaberis*; ergo sunt diversa peccata.

Prob. denique, quia interior potest esse, & puniri sine exteriori, saltem coram Deo, ut concupiscentia, juxta illud, *Qui viderit mulierem ad concupiscendum eam, iam mœchatus est*; & actus exterior sine interiori punitur apud homines; ergo &c.

Prob. 2. p. Quia si actus illi considerentur, quatenus inter se connexi, & subordinati sunt, non habent nisi unam integraliter libertatem; integrant idem opus; ergo & eandem habent moralitatem, & unum peccatum sunt.

Confir. Quia nullus hucusque negavit, quin dicens, *ego occidi hominem*, vel *furatus sum centum scuta*, sufficienter se accuset, quamvis non enuntiet duos actus, & duo peccata distinctè, scilicet interiorem, & exteriorem, seu volitionem internam, & executionem externam; ergo non sunt duo peccata in hoc sensu, sed unicum totale ex duobus.

Confir. 2. Quia, ut diximus, externus sine inter-

no non haberet ullam imputabilitatem, nec meritum, nec demeritum; ergo non sunt duo totalia peccata: unde eodem præcepto prohibetur utrumque, dicitur enim *non occides, non machaberis, non furum facies; honora patrem tuum*; nec actus illi prohibentur, aut præcipiuntur seorsim: denique unum est propter aliud, externus non est imputabilis nisi propter internum; ergo non sunt nisi unum peccatum totale, & integrum, nec puto de hoc disconveniri posse, nisi excitando quæstionem de nomine.

Objectiones facilè solves, si eas, quæ facere videntur contra 1. p. solvas per 2. & vicissim; nam quæ pugnant contra duplicitem peccati intelliguntur de unitate integritatis, & totalitatis, non verò de unitate indivisibilitatis, & simplicitatis, qualem nos asserimus.

Objic. præterea. Qui fornicatur in Ecclesia, facit duo peccata, scilicet fornicationis, & sacrilegii; sed eadem est ratio de furto externo, & interno; est enim utrobique duplex malitia per nos; ergo & duplex peccatum.

Resp. neg. min. Nam malitia sacrilegii ratione loci sacri est separabilis à malitia fornicationis; illæ non sunt per se subordinatæ, & connexæ, benè verò malitia volitionis fornicandi, & fornicationis externæ; nec enim hæc quoad imputabilitatem, & libertatem potest esse sine illa.

### DISPUTATIO III.

*De causa materiali morum, seu de passionibus.*



Causa materialis morum alia est *subiectiva*, seu *in qua*, ut sunt actus humani, & quoad moralitatem, seu bonitatem, & malitiam, de quibus jam disputavimus; alia est *circa quam* operatur, ut circa eam exercent suas regulas ad bonitatem inducendam, & malitiam vitandam, aut removendam, & tales sunt *passiones*, quæ cum nobis sint cum brutis communes, maximo sunt studio dirigendæ, ne in iis homo brutescat. Quod ut facilius præstet hæc disciplina, prius earum natura est

est agnoscenda: quippe, ut monet Lactantius, [1] omnis propè virtutum usus, atque adeo omnis ferè moralis disciplina utilitas in hac parte posita est, nam fierè omnia, quæ fiunt injustè, atque improbè, ab his oriuntur affectibus. Si enim commotionis hujus, quæ ira dicitur, impetus reiundatur, omnes hominum contentiones mala sopientur; nemo insidiabitur, nemo prosiliet ad nocendum. Item si cupiditas temperetur, nemo terra, marique grassabitur, nemo exercitum ducet, ut rapiat, & vastet aliena. Item si ardor libidinum comprimatur, omnis ætas, & sexus continebit suam sanctitatem; nemo quidquam pudendum aut faciet, aut patietur; ergo universa scelera, & flagitia his commotionibus virtute sedatis, ex hominum vita, moribusque tollentur, quæ sedatio commotionum, & affectuum hanc habet rationem, ut omnia rectè faciamus. Sic S. August. virtutes omnes ad affectum amoris, in quo passionēs aliæ radican- tur, rectè compositum, ritèque subactum revocari docet, Non faciunt (inquit) bonos, vel malos mores, nisi boni, vel mali amores. De his jam pauca diximus in Phylis, prout sunt affectiones appetitus sensitivi; hic verò plenius examinamus earum naturam, ut facilius remedia contra earum perturbationes, & excessus pareremus ex præceptis hujus scientiæ.

## Q U Æ S T I O I.

*An, & quid sit passio humana, & quod simplex.*

**P**assionis vox à verbo *passio* derivatur, & significat aliquando apud Philosophos quamlibet rerum proprietatem; sic risibilitas dicitur hominis *passio*: aliquando specialem qualitatis speciem, estque ejusdem naturæ cum *passibili qualitate*, sed ab ea differt, quia parum durat, 3. pro receptione alicujus formæ in subiecto, aut prout opponitur actioni, & cum ea constituit unum ex septem Prædicamentis. 4. pro corruptione, & læsione, sic receptio caloris in ligno dicitur *passio*. 5. magis propriè, & ad propositum pro motione quadam appetitus sensitivi, quæ bonum imaginatione apprehensum tamquam congruum expetitur, & malum eadem

[1] 6. Inst. c. 5. I 5 una-

imaginatione æstimatum repudiatur; ideoque describitur ex D. Damasceno [1] *motus virtutis appetitiva sensibilis ob imaginationem boni, & mali.*

Aliis nominibus appellantur Animi motus, inquit August. [2] apud Græcos *πᾶσι* nostri autem quidam, sicut Cicero, *perturbationes*, quidam *affectiones*, vel *affectus*; quidam verò de græco expressius *passiones* vocant: Zeno *anima volatus* vocabat ob eorum impetum, & celeritatem; Jamblicus è contra post Platonem vocat *clavos*, quibus *anima corporis patibulo affigitur*. Communi etiam vocabulo dicuntur *motus animi*, quia per illas affectiones anima progreditur, aut regreditur, aut elevatur, aut deprimitur; *Affectiones nostræ motus animorum sunt*, inquit August. *lætitiæ animi diffusio est; tristitiæ animi retractio: cupiditas animi progressio: timor animi fuga est.* Nos *passionum* vocem retinebimus, quia utilitior.

Passionum existentiam suppono ex dictis aliàs, & ex communi omnium tam Theologorum, ac Patrum, quàm Philosophorum sensu, & ipsâ experientia; nam in omnibus experimur *amorem boni, odium, & fugam mali, tristitiam de præsentis malo, & gaudium de præsentis bono, &c.*

Passio describi solet, *motus potentie appetitivæ natus ex apprehensione boni, aut mali cum aliqua non naturali cordis mutatione: dicitur 1. motus, quod ponitur loco generis; nam per hoc passionem conveniunt cum aliis omnibus actibus, aut mutationibus. 2. potentie appetitivæ; & per id jam incipit hic motus distinguere à motibus aliarum potentiarum, & maxime intellectivæ, aut imaginativæ. Abstinui à vocibus sensitivæ, aut rationalis, aut animi, quibus plurimum utuntur, donec decisum fuerit, an dentur passionem in voluntate, an verò tantum in parte sensitivâ. 3. ex apprehensione boni, aut mali; quia objecta non causant illas commotiones in appetitu sensitivo, aut rationali, nisi mediante aliqua cognitione. 4. cum aliqua cordis mutatione, quia per tales motiones solent agitari spiritus vitales circa cor, in quo varios motus excitant, ut videbimus, & id maxime verum est*

[1] 2. de fide c. 22.

[2] 9. de civit. c. 4.



est de passionibus in parte sensitiva; 3. non naturalia; quia motus naturales cordis sunt tantum duo, scilicet dilatationis, & compressionis; hi verò sunt longè plures, & diversi; v.g. per gaudium vehementius dilatatur, & per tristitiam magis arctatur, &c.

Quantum ad divisiones, varix sunt 1. in laudabiles, quæ intra rationis limites continentur, & culpabiles, quæ limites illos vel excedunt, vel non attingunt, 2. in conversivas, seu prosecutivas, quibus prosequimur bonum; & aversivas, quibus malum fugimus: 3. In naturales, quibus appetuntur bona consentanea, aut fugiuntur mala verè dissidentanea, ut cum appetis cibos ordinarios, & fugis nocivos; & innaturales, quibus appetuntur dissidentanea, aut fugiuntur consentanea; ut si appetas comedere carbonem, aut fastidias panem. 4. Ratione subiecti, vel originis, vel obiecti dividuntur in concupiscibiles, quia resident in appetitu, qui dicitur concupiscitivus, & versatur circa bonum appetibile, ut amor, gaudium, spes, &c. & irascibiles, quæ sunt in appetitu irascibili, & respiciunt malum, ut odium, fuga, timor, &c. alii aliter dividunt, & numerant passiones.

## CONCLUSIO I.

**P**assiones commodè, & sufficienter numerantur undecim, quarum sex tribuuntur appetitui concupiscibili, & quinque irascibili. Ita communiter.

Probatur 1. ex Scoto [1] sic definiente ex D. Damasceno: Passio, inquit, est motus appetitive virtutis sensibilis in imaginatione boni, & mali: concupiscibile respicit illud, quod ex se natum est esse conveniens, vel disconveniens, ita quod nullo alio actu posito, nisi sola apprehensione facta, natus est sequi actus vel tristandi, vel delectandi, sive prosequendi, aut fugiendi, quantum est ex parte ejus.

Probatur 2. ratione. Nam cum objectum simpliciter placet dicitur Amor; si sit præsens, & possessum, facit gaudium; si absens, excitat desiderium; si verò sit disconveniens, movet odium; si præsens, tristitiam, seu maerorem; si absens præcisè, fugam, seu abominationem. Ecce motus, seu passiones concupiscibilis,

I 6

nam

[1] 3. d. 15. D. n. 10.

nam talia non respicit irascibilis. Actus enim irascibilis est irasci, quod secundum Philosophum est appetere vindictam propter apparentem parvipensionem. Igitur objectum irascibilis est vindicare, seu vindicabile, seu punibile, seu irascitivum, seu offendens; quia impedit illud, quod est primò conveniens appetitui, qui ideo non solum intendit amovere impedimenta, sed etiam punire.

Quando igitur bonum concupitum est arduum, & obtentu difficile, appetitus quasi irascendo vult vincere, & removere impedimentum, & si apparet possibilitas vincendi impedimentum, & consequendi bonum, exurgit spes; si impossibilitas, venit desperatio; si agens se determinat aggredi opus, surgit audacia; si regrediatur ab opere; seu ab aggressione cadit, timor; si velit punire impediens per aliud malum, accenditur ira; ergo hæ passionibus undecim comprehendunt quidquid contingere potest appetitui circa bonum, aut malum, quod illi representatur, & tot motus, quot in eorum prosecutione, vel fuga potest pati; ergo tot sunt passionibus, & non plures; ergo sufficiens est ea divisio.

Objic. 1. Ignorantia, morbus, febris, fames, sitis, superbia, indignatio, zelus, & similia sunt veræ passionibus; sed non continentur in membris illis undecim; ergo illa divisio non est sufficiens.

Resp. 1. neg. maj. nec enim sunt veræ passionibus in sensu, de quo hic loquimur; nec enim sunt motus, quibus appetitus feratur in bonum, aut avertatur à malo, quod maxime patet de ignorantia, febre, & aliis. 2. facile possunt ad alias referri, nam fames, & sitis pertinent ad concupiscitivas: fames quippe est desiderium calidi, & sicci; sitis frigidi, & humidi; superbia, & zelus ad irascitivas; illa ad audaciam, iste ad iram. 3. quando dicimus hanc divisionem esse sufficientem, non negamus aliter fieri posse, scilicet in plura, vel pauciora membra secundum diversos sensus. Unde aliqui decem numerant, alii 13. alii 20. Plato innumeras, & innominatas:

Objic. 2. spes, desperatio, & audacia potius pertinent ad appetitum concupiscibilem, quam ad irascibilem; ergo malè sic dividimus. Prob. antec.

Scotus

Scotus [1] enim dicit, quod *actus adæquatus irascibilis est irasci*; ergo *esperare*, & *desperare*, *audere*, vel *timere* non spectant ad illum; imo *spem* ponit in *desiderio*, quia respicit bonum absens obtentu possibile; sicut *desperatio* bonum obtentu impossibile; *spes* est *desiderium* efficax; *desperatio* est inefficax, & *timor* respicit malum imminens; sed omnia hæc spectant ad concupiscibilem, ergo &c. Prob. min. ad eundem appetitum pertinent motus, qui respiciunt bonum, & malum, & media ad illud obtinendum, & istud vitandum; ergo quæ respiciunt bonum absens, aut malum imminens spectant ad appetitum concupiscibilem, quandoquidem respicit bonum habendum, & malum vitandum.

Resp. neg. ant. 1. arg. & conf. 2. & min. 3. & dist. ant. 4. ad eundem appetitum pertinent motus circa bonum, & malum, si respiciantur sub eadem formalitate. conc. ant. si sub diversis, neg. ant. Nam licet *spes*, & *desperatio*, & *audacia*, & *timor* supponant amorem, & desiderium boni, & odium, ac fugam mali; tamen appetitus concupiscibilis, & motus ad eum spectantes considerant bonum; & malum pure ut præsens, vel absens præcisè à mediis, ac facilitate, vel difficultate; irascibilis verò considerat bonum ut consequendum, & malum ut fugiendum per media, quæ ut sunt difficilia, excitant motus vehementiores ad superanda obstacula, & vindicandos offendentes, ut patet ex Scoti [2] textibus allatis in probatione conclusionis. Vide quæ diximus Tract. de anima, ubi probabiliter diximus, hæc pertinere ad concupiscibilem, & seclusa Scoti auctoritate hos appetitus non distinguere realiter.

## CONCLUSIO II.

**P**assiones formaliter non sunt propriè actus appetitus, aut voluntatis, sed perpassiones ad eos sequentes. Est Scotistarum contra Thomistas, & alios.

Prob. 1. ex Scoto. [3] *Delectatio*, inquit, non est de essentia beatitudinis, quia est passio. Beatitudo autem

confi-

[1] 13. De scientia. [2] 3. d. 26. c. n. 4.

[3] 4. d. 49. q. 7. A. n. 3.

consistit in operatione, quod sic probat: *Voluntas potest dupliciter considerari. 1. ut operativa. 2. ut receptiva. 1. modo perficitur simpliciter operatione conjungente simpliciter, & ultimè optimo simpliciter, & in hoc consistit essentialiter beatitudo. 2. ut receptiva, & sic est perfectibilis non operatione, sed passionibus supernaturalibus, quia talium est ultimè receptiva, & sic perficitur delectatione, & gaudio.* Vides, quod non solum delectatio, & gaudium, ex Scoto, est passio voluntatis, non prout est activa, sed prout est receptiva; sed etiam aliæ omnes passionēs, (quia eadem ratio valet pro omnibus) est enim perfectibilis non operatione, sed passione.

Confir. ex Gersono, [1] qui sic passionem definit: *Est inclinatio quædam, vel coaptatio, seu similitudo, & convenientia derelicta ab agente in passum, per quam trahitur quodammodo ipsam passum ad agens, aut eidem coaptatur, & assimilatur, & refugit contrarium: Certe sicut ignis generans ignem ex aere relinquit in igne genito caliditatem, & levitatem, quæ levitas suo pondere, vel tractu movet sursum ad similem ignem, & dum illic est, quiescit, odit verò totum deorsum tanquam sibi non convenientem, & refugit ipsum, neque quietem habet in illo; sic homo proportionabiliter affectus per amorem ad aliquid inclinatur ad illud, & si non habet desiderat, seu concupiscit illud, & si adipiscitur quiescit, & delectatur in illo; odit verò contrarium, &c.* Vides, passionem esse quid derelictum in appetitu ab agente, & esse puram perpassionem.

Prob. de amore, & odio. Quia sicut intellectus non fit intellegens præcisè, & formaliter, prout est productivus, sed prout est in se-receptivus verbi mentis, (intelligere est quoddam pati, ut diximus in tract. de anima) ita nec voluntas dicitur formaliter amans, vel odiens, quatenus elicit actum amoris, vel odii, sed quatenus illos actus in se recipit, & patitur.

Prob. de tristitia, & lætitia, scilicet quod tristitia propriè dicta sit passio voluntatis, & non aliqua operatio, inquit Doctor; [2] nam si esset actus, esset velle, aut nolle; sed neutrum dici potest; ergo non est actus voluntatis: Prob. min. 1. de velle id patet

per

[1] tr. de passio. consider. 1. [2] 3. d. 15. D. n. 12.

per se, & omnes fatentur; nemo enim tristatur de eo, quod vult positivè, & efficaciter. Prob. de *nolle*, quia Deus, & beati habent summum nolle de peccato, & tamen non tristantur, nec possunt tritari; ergo tristitia non est actus nolitionis, sed id, quod patimur ex nolitione; ideo describitur ab Augustino, *dissensio animi ab his, quæ nobis nolentibus accidunt*.

Dices, aliud esse de Deo, & beatis, quibus repugnat tritari propter beatitudinem, & contra eorum voluntatem nihil accidit; non ita est de nobis.

Contra 1. Deus, & beati efficacissimè nolunt peccatum, & volunt observantiam præceptorum, & tamen contrarium accidit singulis momentis. 2. quia si nolim efficacissimè te fieri regem, non tristabor, quandiu non fies, sed si post annum fias rex, incipiam tritari; ergo idem nolle potest esse sine tristitia, & cum tristitia; ergo tristitia etiam in nobis est quid distinctum à *nolle*.

Dices 2. Tristamur de malis nostris, aut amicorum; Deus verò, nec sancti non possunt subiacere malo ulli, nec ideo tritari.

Contra 1. Quia neque nos tristamur propriè nisi de malis oppositis bono, quod amamus; ergo eadem est ratio quoad hoc de nobis, & de Deo. 2. quia Judæi non erant amici Christi, cum prævidens eorum desolationem, & videns civitatem desolandam flevit super illam.

Prob. de dolore, & voluptate 1. secundum August. *Dolor carnis est tantummodo offensio animæ ex carne, & quedam ab ejus passione dissensio, sicut animæ dolor, qui nuncupatur tristitia, est ab his rebus, quæ nobis nolentibus accidunt*. Ex hoc patet, quod dolor est passio consequens apprehensionem sensitivam in appetitu sensitivo; tristitia autem est propriè in appetitu sensitivo, aut in voluntate, & consequens apprehensionem eventus alicujus objecti noliti; ubi vides, id esse in appetitu sensitivo, & in sensu externo dolorem, quod est tristitia in voluntate, seu appetitu intellectivo. 2. quia sæpe sentimus dolores absque perceptione, aut volitione ullius objecti, ut in artitride, & similibus malis internis. 3. quia eadem est ratio de istis, ac de tristitia, & lætitia. 4. quia si dolor esset formaliter actus perceptionis

ali-

alicujus objecti, quò vehementior esset ( idem est de voluptate ) eò perfectius cognosceremus objectum illud ; sed conf. est contra experientiam ; imo tunc minùs cognoscimus ; ergo dolor , & voluptas sunt puræ passionēs , non verò actus appetitus .

Object. solutæ sunt tract. de anima : interim fateor, quò sæpe dolor potest esse in ipsa sensatione , quando scilicet objectum est per se disconveniens, ita ut perceptio ejus in sensu esse non possit sine molestia, vel voluptate, ut quando gustatur dulce, vel amarum . Conclusio autem procedit absolute, & in casibus, in quibus sensatio possit esse sine dolore, & in sensu, & in appetitu interno contingere potest facilius, quàm in externis . Philosophus [1] dicit, *quod operatio, & delectatio non possunt separari : unde videntur eadem*, inquit Scotus, [2] *unde tales prædicationes sunt causales* ? tamen etiam in his contingere potest ; nam ex nimia calefactione relinquitur passio doloris, licet non sit amplius perceptio ignis ; idem est de dolore ex contusione, aut vulnere . Plura de quidditate, & existentia passionum diximus tract. cit. & præcipuè de illarum identitate, & distinctione, v. g. quò spes essentialiter non differat à desiderio, nec illas videri spectare ad irascibilem, sed ad concupiscibilem, solamque iram videri spectare ad irascibilem, quod maxime verum est in sententia non distinguente realiter illos appetitus . In nostra verò, quæ stat pro illa distinctione, probabilius est distinguere ; quia spectant ad diversas specie potentias : quapropter dixi etiam ibi, probabiliter illos motus pertinere ad concupiscibilem, ad irascibilem verò pertinere solam iram, quod videtur conforme textui allato ex Scoto dicente, quò *irasci est actus adequatus appetitus irascibilis*, quod bene advertendum est, ne videar hic, & ibi incidisse in contradictiones, cum enim dico sex primas passiones pertinere ad concupiscibilem, & quinque ad irascibilem, loquor in sensu communiore, non in omni rigore, in quo possent esse difficultates scholasticæ plures sed ab earum examine abstinemus ;

[1] 10. Ethic. c. 5.

[2] 3. 4. 15. q. 1. D. n. 11.

mus, quia plus afferunt laboris, quàm utilitatis, & tandem reducuntur ad lites de voce.

## QUÆSTIO II.

### De subjecto passionum.

**P**assiones aliæ sunt *materiales*, seu *animales*, quæ nobis sunt communes cum brutis, & resident in sensibus, & appetitu sensitivo: aliæ *spirituales*, quæ nobis sunt propriæ, quatenus præditi sumus vita rationali, & anima incorruptibili; & istæ sunt nobis aliquo modo communes cum Angelis, imò & cum Deo, quatenus aliquæ ex illis tribuuntur eis, sublati tamen imperfectionibus, cum quibus sunt in nobis in statu viæ. Igitur in nobis sunt duplices illæ affectiones, scilicet, *animales*, & *spirituales*, quia utraque constamus natura; solet autem quæri, an passionnes pertineant ad potentias cognoscitivas, quales sunt sensus externi, & interni in animali, & intellectus in rationali, an verò in appetitivis, quales sunt appetitus sensitivi; & voluntas. An in solo appetitu sensitivo, ut volunt aliqui. An verò etiam in rationali, ut docent plurimî. An in sapientibus, quod negant Stoici. An etiam in brutis, quod putant nonnulli. An in plantis, ut quidam dicunt.

Porro certum est, totum animal, seu totum hominem esse subiectum denominationis passionum, nam dicere animam irasci, simile est ac si dicas eam texere, vel ædificare. Hæc dicuntur de suppositis, juxta illud, *Actiones sunt suppositorum*, scilicet denominativè, quamvis sint ab aliqua potentia particulari elicitive.

## CONCLUSIO I.

**P**assiones subiectantur immediate, non in facultate cognoscitiva, sed in appetitu sensitivo, vel in voluntate; & reperiuntur in brutis, non autem in plantis; Est communis quoad 1. p. contra aliquos quoad 2. qui putant passionnes propriè esse motus animalis, ut animal est, & non hominis, ut rationalis est, & contra Senecam quoad 3. & Hierasimum quoad 4.  
Prob.

Prob. 1. ex Scoto: [1] nam in omnibus textibus citatis docet, vel supponit passiones non solum in appetitu, sed etiam in voluntate, ut legenti patet, & maxime id probat ex definitione passionis à D. Damasceno allata, *Animalium passionum terminus, id est definitio, est iste. Passio est motus appetitiva virtutis sensibilis in imaginatione boni, & mali. Imaginatio, id est sensatio in communi, est quasi approximatio agentis ad passum.....* Præterea virtutes morales ponuntur in appetitu, & non in parte cognoscitiva, ut distinguitur contra appetitum, & ponuntur potissime propter delectationes, & tristitias vitandas; ergo huiusmodi passiones sunt in eadem parte, & non in cognoscitiva; ergo ex Scoto, [2] & ratione patet, quod passiones subiectantur immediate in appetitu, non in parte cognoscitiva tum sensitiva, tum intellectiva. Item loquens de tristitia dicit, eam esse in appetitivo, & intellectivo, & voluntate; ergo passiones materiales sunt in appetitu sensitivo, & spirituales in voluntate.

Prob. 2. per partes, & 1. quod non resideant in facultate cognoscitiva jam probatum est in tract. de anima. [3]

Prob. 2. p. de appetitu sensitivo, tum ex Script. nam D. Paulus [4] conqueritur de passione carnea, & materiali, non in anima, sed in membris. *Video aliam legem in membris meis repugnantem legi mentis meæ.* Et, [5] *Datus est mihi stimulus carnis meæ Angelus Sathanæ*, &c. 2. quia ex definitione communiter recepta fit mentio de appetitu sensitivo potius, quam de rationali; unde plures eas negant in voluntate, & sic in solo appetitu sensitivo eas collocant, quod voluit Arist. [6] *Videntur perturbationes omnes esse cum corpore, ira, mansuetudo, timor, misericordia, confidentia, insuper gaudium, amare, odisse, simul enim cum his patitur atiquid corpus.*

Prob. 3. p. de voluntate. 1. ex SS. Patribus: nam auctor libri [7] *de operibus Christi Cardinalibus apud S. Cyprianum* non tam sensibus, quam ipsi animæ passiones tribuit dicens, *Hoc ipsum quod dico, carnis affectus improprie dico, quia hæc vitia propriè animæ sunt,*  
quæ

[1] 3. d. 15. D. n. 11. [2] 4. d. 42. q. 2.

[3] D. sp. 10. q. 3. [4] Rom. 7. & 2. [5] Cor. 12.

[6] Proc. de Ar. [7] in prol. fin.



*qua sentis, & movet, & vivit, corpore utitur, sicut faber malleo, vel incude, in qua format omnium turpitudinum idola, &c. Et S. August. [1] Interest autem qualis sit voluntas hominis, quia si perversa fuerit, perversos habebit eos motus, si autem recta est, non solum inculpabiles, sed etiam laudabiles erunt, &c.*

Prob. 2. ratione. Voluntas est capax amoris, odii, delectationis, & tristitiae, ut patet experientia ordinaria; imò & in anima separata reperiuntur tales motus; nam beati amant, & gaudent, damnati tristantur, & dolent; ergo passionibus etiam sunt in voluntate.

Prob. 3. pars de brutis experientia, qua videmus similes motus in brutis, quos experimus in homine, scilicet amoris, odii; timoris, irae, &c. non quidem prout rationi subsunt, vel adversantur, formaliter, sed secundum entitatem physicam; imò in illis aliqui ex his motibus ferociore sunt, quàm in homine, quia nullo rationis freno coercentur, & sic toto impetu feruntur in objectum propositum, licet per accidens aliquando in homine magis ferveant: nam, ut notat Gregorius Nyssenus, [1] nonnunquam ipsa ratio sic brutescit, ut ab affectione erga brutam partem victa, quod est in homine præstantissimum, vi deterioris obruat: nam si quis eo mentis facultatem pertrahit, ut rationem servire morbis animi cogat, tum universa natura in aliam quasi figuram redacta eximia formæ in imaginem brutam fit commutatio, ratione morbos illos ipsos excolente, ac brevi de paucis magnam eorum copiam efficiente: omnem enim operam suam eis locans facit, ut ampla quadam rerum absurdarum, ac densa materies exariatur, &c.

Prob. 4. p. de plantis: nam, ut patet ex definitione passionis, est motus nascens ex apprehensione boni, & mali cum aliqua cordis mutatione; sed hæc non conveniunt plantis, quippe non sunt cognoscitivæ, id solis animalibus sensitivis, & intellectivis convenit; ergo & passionibus; nec ulla ratio, vel experientia docet eas esse in plantis.

Objic. 1. contra 1. Phantasia, quæ est potentia cognoscitiva

[1] De hom. opific. c. 18.

cognoscitiva, immutatur in organo suo; ergo passionēs sunt in potentia cognoscitiva. Prob. ant. nam ex vehementi applicatione dolet caput ex alteratione spirituum.

Resp. neg. conf. Non enim loquimur de quibuslibet passionibus, sed de affectibus, quibus animal fertur in bonum apprehensum; ideò alterationes organi phantasiæ præcisè ut cognoscitiva est, non sunt passionēs in hoc sensu.

Objic. contra 2. Multæ sunt passionēs, quarum objecta percipi non possunt nisi ab intellectu; ergo illæ non possunt subiectari in appetitu sensitivo. Prob. ant. nam turpitudine peccati, quæ facit verecundiam, & pœna illi imminens, quæ timorem incutit, non percipiuntur, nisi ab intellectu,

Respondeo neg. conf. Nam licet ea intellectu primò, & directè concipiantur; non minùs tamen commovent appetitum sensibilem, qui eadem anima informatur, imò plures agnoscunt aliqualem verecundiam naturalem in ipsis brutis, quæ intellectu carent; dico, *aliqualem*, quia cum propria verecundia sit timor infamiæ, vel ignominie in detrimentum famæ, hanc non agnoscunt bruta, sicut nec propriam verecundiam: tamen *aliqualem* agnovit Aristoteles in Anserē, qui sub aquis se occultat, ut coeat; idem dicunt de Elephante; alii in pavore, qui in cauda superbiens se ostentat expansis plumis, sed amissa cauda quasi ex pudore delitescit sub arborum foliis, donec redierit pristinus decor.

Objicies 2. contra 3. citatum locum ex Gregorio Nysseno, in quo videtur amovere passionēs ab homine, nisi brutescat; ergo passionēs sunt motus purè animales, nec homini conveniunt, nisi secundum animalitatem, non autem secundum appetitum rationalem.

Respondeo neg. ant. Nam S. Gregor. loquitur solum de homine penitus depravato, qui *rim omnem animæ impendit, ut expleat libidinosos affectus; indeque fit, ut voluptatis studium crescat, ut in animalibus ratione carentibus tot voluptatum formæ nullo modo deprehendantur, quos voluptuariorum hominum scelestæ libido excogitavit* (verba sunt ejusdem Patris) & *animi ad iram commotio, habet illa quidem,*

*quidem non nihil affine cupiditati brutorum, verum  
maximè à rationis ope augetur.*

**Inst.** De ratione passionis est, ut sit cum notabili commotione spirituum, ac perturbatione; sed in appetitu rationali, seu in anima illi affectus non sunt cum illa commotione, ac perturbatione; ergo in voluntate non sunt veræ passionēs. **Maj.** patet ex ipsa definitione passionis, & ideo vocatur à Philosopho, & communiter ab omnibus *perturbationes*. **Prob. min.** nam licet in voluntate sint quidam actus, seu affectus amoris, odii, spei, &c. similes illis, quos patitur appetitus, tamen ibi sunt pacatiores, & sine vehementi commotione.

**Resp. dist. maj.** De ratione passionis materialis, ut sit cum agitatione spirituum materialium, ut dicitur de ira, quod sit *accensio sanguinis circa cor*, & sic de ratione passionis spiritualis, ut sit cum aliqua agitatione spirituum immaterialium, **conc. maj.** de ratione omnis passionis est, ut sit commotio illa spirituum materialium, **neg. maj.** & **conf.** concessa minori in hoc sensu. Igitur de ratione passionis ut sic est, ut sit cum aliqua commotione spirituum, sed in passionibus materialibus commotio fit in parte sensitiva, & in spiritualibus fit commotio in superiori parte animæ; unde in Scriptura ipsa passionēs spiritualiores, & supernaturales significantur cum talibus accidentibus: ut cum dicitur, [1] *Accendetur velut ignis zelus tuus*, & de Deo dicitur, quod [2] *tactus dolore cordis intrinsecus*, licet Deus sit incapax omnis alterationis; non ita est de creaturis.

## CONCLUSIO II.

**P**assiones reperiuntur etiam in homine sapiente, & iusto. Ita Catholici omnes contra Stoicos, & Hæreticos aliquot, inter quos censetur Pelagius.

**Prob. 1.** ex Scrip. [3] quæ passionēs tribuit sanctissimis viris, etiam Christo Domino, qui vere languores nostros tulit, & dolores nostros ipse portavit; easque suadet, & laudat sæpe ut dona Dei: ut cum dicebat, [4] *Gaudium meum impletum est, & gaudeo propter vos.*

Et

[1] Ps. 7. 5. [2] Gen. 6. 6.

[3] Isa. 3. [4] Jo. 3. 29. & 11.

Et, *Turbavi seipsum*. Et, *Tristis est anima mea usque ad mortem*, ut notat August. [1] quando turbatur; qui non turbaretur nisi volens, cum consolatur, qui turbatur & nolens. Percant argumenta philosophorum; qui negant in sapientem cadere perturbationes; idem constat de charitate, quæ est amor, & quæ omnia sperat; item de timore, qui dicitur [2] toties initium sapientiæ: & certè cum passiones in bonum veruntur, suadentur; cum verò in malum trahunt, dissuadentur, ut cum dicitur, cum ceciderit inimicus tuus, ne gaudeas, & è contra David [3] postulat; *audiuero meo dabis gaudium, & letitiam*. Et, *cor sige timore tuo carnes meas*. Item, [4] *tristitiam ne dederis animæ tuæ*: Et, *tristitiam repelle à te*. Et è contra, *cor sapientis ubi tristitia*, &c.

Confir. ex Patribus: nam August. [5] cit. & alibi docet, iustos habere has passiones; cupiunt vitam æternam, dolent in re, gaudent in spe, metunt peccare, cupiunt perseverare, dolent de peccatis, gaudent in operibus bonis, &c. eas habent omnes etiam iusti ex humanæ conditionis infirmitate.

Prob. 2. ex Scoto, [6] qui sic de passionibus doloris, & tristitiæ in Christo loquitur, ut eas agnoscat non solum in sensibus, sed etiam in voluntate, Cum in Christo ratio permansit in usu suo, & voluntas non absorpta à dolore appetitus sensitivi, & intellectus per consequens intuituè dolorem illum apprehendit, & voluntati ostendit, illa voluntas condoluit, sive quia naturaliter inclinabatur ad oppositum (doloris, quod est gaudium) quia inclinatio sufficit ad tristitiam de opposito &c. item quia voluntas necessario colligatur appetitui sensitivo, & illa colligatio fuit perfectissima in Christo; ergo sequitur, quod passio tristitia, sive doloris fuit in voluntate, &c. ergo ex Scoto passiones non dedecent quemcumque sapientem, & iustum.

Prob. 3. Nam in sapientibus non minùs reperiuntur principia, & causæ passionum; ergo nec minùs reperiuntur passiones. Prob. ant. principia actioni intrin-

[1] Trac. 60. in Ioan.

[2] Prov 24. [3] Eccl. 30.

[4] Eccle. 7. [5] 14. de civit. c. 9.

[6] 3. d. 15. l. n. 10.

intrinsicæ sunt cognitiones boni, & mali præsentis, vel absentis; appetitus sensitivus, & voluntas, quibus inclinatur ad bonum conveniens, & avertuntur a malo, & illis obijciuntur, & accidunt in hac vita modò mala, modò bona; ergo hominem imbutum esse necesse est gaudio, & dolore, & reliquis omnibus affectibus.

Prob. 4. Quia nisi passiones caderent in sapientes, inutiles in eis essent virtutes morales; sed consequens est falsum, & absurdum; ergo &c. prob. maj. quia officium, & munus virtutum illarum est moderatio passionum, ut probat Scotus [1] cum Theologis communiter. In voluntate sunt passiones secundum August. ergo si propter moderationem passionum ponenda sit virtus in supremo illius potentie in qua est passio, sequitur, quòd cum in suprema parte animæ, scilicet voluntate, sint aliquæ passiones, quòd ibi ponemur virtutes, &c.

Confir. Nam hi ipsi motus inserviunt sapientibus ab bonum, & ad fines virtutum, ac sapientie, & sanctitatis: quapropter interest qualis sit voluntas hominis (inquit S. August. [2]) quia si perversa est, perversæ habebit motus, si autem recta est, non solum inculpabiles, sed etiam laudabiles erunt. Et certè quid honestius, & sapiente viro dignius, quàm gaudere de bono virtutis, tristari de malis vitiorum, sperare in Deum, irasci in peccatores, misereri pauperum? unde gloriatur David, quòd zelus domus Dei comedit eum. Deus ingenere vit homini has commotiones, ut posset capere virtutem (ait Damascenus) [3] sicut terra culturam, posuitque materiam vitiorum in affectibus virium; idè dicebat Hieronymus, quòd homo imperturbabilis aut saxum, aut Deus est; & de Stoicis dicebat August. [4] quòd & si tantò immuticere, quàmò rariere vanitate hoc in se ipsis animadvertent ut nullo profus erigantur, & excutiantur, nullo fleantur, atque inclinantur affectu, humanitatē totam potius amittunt, quàm veram assequantur tranquillitatem.

Prob. 5. ex ipsis Philosophis [5] Ethnicis; nam ex Arist. virtus occupatur in moderandis passionibus reducendo eas ad medium, ne excedant, aut deficient.

[1] 3. d. 33. n. 1. [2] 34. de civit. c. 6. [3] Orat. de dñe, Chr. volun. [4] Ep. ad Choziph. [5] 2. Ethic.

tiant. Affectus autem vocat cupiditatem, iram, metum, audaciam, letitiam, amorem, odium, desiderium, emulationem, misericordiam, & universaliter illa, quæ voluptas, aut molestia sequitur, & alius dicebat, [1] virtutem, esse necessariam virtuti; oportet virtutem, quæ est habitus decori, & mediocritas affectuum, nec sine motibus, nec nimis affectibus obnoxiam esse: nascitur enim ex affectibus virtus, & eadem rursus cum ipsis coagmentatur, &c. Denique nulla est passio, quæ in bonum virtutis non possit inflecti.

Objic. 1. Scripturæ loca quædam, in quibus improbantur, aut prohibentur passionibus; ut cum dicitur, [2] tristitiam ne dederis animæ tuæ, Et, Tristitiam repelle à te. Et, Tristitia sæculi mortem operatur. Et, Qui gaudet iniquitate non devorabitur. Et, Spes hypocrisæ peribit. Et, Desine ab ira, & derelinque furorem; ergo passionibus in sapiente non sunt.

Resp. neg. conf. Nam cum passionibus de se sint indifferentes, possunt in malum converti, & servire vitiis, & ut tales prohibentur, & damnantur; sicut cum serviunt virtuti, laudantur, & suadentur.

Objic. 2. Passionibus sunt perturbationes animæ, & dicuntur morbi, & ægritudines; sed in sapiente nihil est perturbatum, nec inordinatum; ergo non subjacet passionibus.

Resp. dist. maj. Dicuntur perturbationes, & morbi animæ, quando non sunt moderatæ, conc. maj. quando sunt moderatæ, neg. maj. & conf. nam in sapiente sunt moderatæ ad lances, & regulas virtutis; & ideo virtuosæ, ac laudabiles sunt.

Inst. Passionibus inducunt ad peccatum, & sunt peccata concupiscentiæ; juxta illud, Omne, quod in mundo est, aut concupiscentia carnis est, aut concupiscentia oculorum, &c. ergo passionibus indignæ sunt sapiente.

Resp. eodem modo, id verum esse de immoderatis cupiditatibus, non verò de moderatis.

Objic. 3. Quod non est in potestate nostra, non est laudabile, nec dignum sapiente; sed passionibus non sunt in potestate nostra; ergo non sunt laudabiles, nec sapiente dignæ.

Resp.

[1] Theo. gol. 4. virtutem. [2] Eccle. 30.

Resp. dist. min. *passiones non sunt in potestate nostra immediate, & directè, conc. min. mediatè, & indirectè, neg. min. nam, ut notat Doctor cit. passiones considerari possunt ut existentes, aut ut futuræ; existentes moderari possunt, vel minuendo, ne in excessum abeant, aut referendo in finem virtutis, ad quem non referuntur ex ratione absoluta objecti; futuræ autem vel fugiendo objectum, quod natum est delectare potentiam immoderatè, vel assumendo sola objecta, quæ nata sunt moderatè delectare.*

Quæri posset de præcipua sede talium passionum, & præcipuè materialium; sed cum istæ resideant in appetitu sensitivo, eandem sedem habent, & ideò patet ex dictis in tract. de anima.

### Q U Æ S T I O III.

#### *De causis passionum.*

**I**AM vidimus de causa subjectiva, & materiali, diximusque illas reperiri nō in intellectu, nec in potentia cognoscitiva, sed in appetitu sensitivo tam humano, quam animali, & in voluntate, & in hominibus sapientibus, & iustis. Vidimus etiam de causa formali, cum diximus, eas consistere formaliter non in operatione aliqua sensuum, vel appetitus, aut voluntatis, sed in perpeffione, seu qualitate recepta in illis subjectis.

Causa finalis non est quærenda extra mentem divinam, & providentiam ejus; de qua re Lactantius sic scribit. *Deus cum primum hominem fingeret, mirabili providentia ingeneravit ei prius istas animi commotiones, ut posset capere virtutem, sicut terra culturam; posuitque materiam vitiorum in affectibus, virtutis in vitiis, quæ profecto aut nulla erit, aut in usu esse non poterit, si desint ea, per quæ vis ejus aut appareat, aut consistat.* Vides finem passionum esse ut inserviant virtutibus, sintque illis velut semina, seu materia. Adde conservationem animalis; nam per passiones movetur ad prosecutionem boni convenientis, & fugam mali disconvenientis. Restat agendum de causa efficiente.

Certum est quidem, quod cum passiones sint for-

mæ quædam vitales, quæ saltem comitantur inseparabiliter operationes sensuum, & animæ, illasque aut præcedunt, aut comitantur, aut sequuntur, iidem sensus, & appetitus tum sensitivi, tum rationalis aliqualem habent circa passiones efficientiam; sed cum tanta sit in similis speciei viventibus earum diversitas, oportet querere causam illam, & certum est eam non esse unam, eandemque in omnibus; v. g. certum est non esse animam nec sensitivam, nec rationalem; quia cum ista sit ejusdem prorsus rationis in omnibus hominibus, illa verò in omnibus singulorum specierum animalibus, v. g. equina in omnibus equis, bovina in omnibus bobus, leonina in omnibus leonibus, &c. causaret easdem omnino passiones in omnibus hominibus tam senibus, quam pueris, & viris, easdem in omnibus equis, easdem in omnibus bobus, &c. quod est contra omnem experientiam. Siquidem certum est 2. quòd idem homo in diversis ætatibus ad diversas inclinatur passiones, sic & diversi homines ejusdem ætatis, unus ad iram promptissimus, & ad minimam occasionem effervescit, alter ad iram tardus, ac prope rigens, sed aliunde timidissimus, & omni arboris folio versabilior; omnia illi suspecta, nihil securum, semper anceps, & dubius hæret; alius gaudii, ac lætitix avidissimus, eamque passionem facillimè, & undique captat: alius perpetuo mœrore languet, &c. Hæc, inquam, diversitas ab anima peti non potest, cum in diversis hominibus non sit diversa, sed purè distincta individualiter, imo est eadem numero in puero, juvene, viro, & sene.

## CONCLUSIO I.

**P**assiones causantur in appetitu ab objecto prout cognitosecundum convenientiam, aut disconvenientiam, aut circumstantias facilitatis, aut difficultatis. Sequitur ex dictis supra de illarum quidditate, quòd scilicet non consistant in operatione, sed in perpensione; nam inde sequitur, eas non effici ab appetitu, in quo sunt.

Prob. 1. ex Scoto [1] jam adducto, qui delectationem

[1] 3. d. 15. B. n. 9.



nem dicit causari per qualitatem absolutam objecti, secundum quam fundat relationem convenientiæ ad appetitum, & quæ illi applicatur per cognitionem, velut per approximationem, *Hoc absolutum* (ut visus) inclinatur ad aliquid, ut ad extrinsecum perfectivum (v. g. ad album, seu pulchrum) ut visibile; & tunc relatio terminantis relationem inclinati ad inclinans dicitur convenientia (idem est de disconvenientia respectu aversionis ad causandam tristitiam) hunc autem respectum fundatum in absolutis, (in objecto, & in appetitu) sequitur, quod illud, quod inclinatur (appetitus) recipiat à perfectivo illo, ad quod inclinatur (ab objecto) aliquam perfectionem, quæ perfectio dicitur delectatio; quæ quia non est in potestate passivi in præsentia agentis dicitur esse passio, licet sit vere qualitas, & non de genere passionis ut est prædicamentum, &c. ergo passio præcipuè causatur efficienter ab objecto in appetitu sensitivo, vel rationali mediante cognitione, quæ se habet velut approximatior.

Confir. per definitionem passionum ex Damasceno; Passio est motus virtutis appetitivæ sensibilis in imaginatione boni, & mali; in imaginatione boni, & mali ponitur ut causa, quia illud absolutum, quod est bonum, vel malum, quod dicitur conveniens, vel disconveniens est causa huius passionis; imaginatio vero, id est sensatio in communi est quasi approximatior agentis ad passum, &c.

Confir. 2. [1] Dilectio est in voluntate, & à voluntate, delectatio autem est in voluntate, sed non à voluntate, sed potius ab objecto. Prob. quia odium, & tristitia non sunt ambo à voluntate; ergo nec dilectio, & delectatio sunt à voluntate. Prob. ant. si tristitia esset à voluntate, sicut odium, voluntas sibi complaceret in illa, sicut in isto: voluntas enim sibi complacet in actu proprio ab ipsa libere causato tantum convenienti, non autem sibi complacet in tristitia, imo est voluntati contraria; quilibet invite tristatur, complacet autem sibi in odio; ergo tristitia tantum causatur ab objecto, non à voluntate, &c. eadem est ratio de aliis.

Prob. 2. quia, ex Philosopho; delectatio sequitur

in appetitu ad operationem intellectus, aut sensus perceptivi, & contemplatio causat delectationem, eaque operatio est jucundissima, & perfectissima ex parte objecti, ad quod potentia cognitiva magis inclinatur tanquam perfectius sub suo objecto contentum; ergo ex Phil. delectatio provenit ab objecto intelligibili, aut sensibili, pro ut est sub intellectu, vel sensu.

Prob. 3. quia si passio aliam haberet causam efficientem, maximè actum voluntatis; sed hanc non habet; ergo est à solo objecto ut cognito. Prob. min. delectatio potest esse in voluntate antecedenter ad omnem actum elicitum ejus, saltem circa tale objectum; ergo actus elicitus voluntatis non est causa efficiens delectationis; ergo nec aliarum passionum; est enim eadem ratio aliarum. Prob. ant. 1. ex August. qui ponit gratiam vocationis, & prævenientem in quadam delectatione victrice, qua opus legis redditur jucundius, quàm ea omnia, quæ concupiscenzia suggerit, ut retrahat ab illis, & per gratiam fit dulce, quod antea erat amarum; sed hæc gratia prævenit omnem operationem intellectus; nam fit in nobis sine nobis; ergo delectatio quandoque prævenit omnem actum voluntatis. 2. prob. idem ant. quia timor, qui est passio, & species tristitiæ quandoque antecedit omnem nolitionem elicitam objecti; ergo tunc timor ille non procedit ab actu voluntatis elicitto. Prob. ant. ex Concil. Tridentino [1] docente, quod homines *se intelligentes peccatores a timore iustitiæ divinæ concutiuntur, in spem eriguntur, & Deum incipiunt diligere, &c.* & quòd [2] *timor gehennæ inducit ad pœnitentiam, quæ dicitur attritio*; ergo potius timor est tunc causa actuum voluntatis, scilicet spei, amoris, & pœnitentiæ, quàm è contra. 3. si actus voluntatis elicitus causaret passionem, v. g. delectationem, id faceret per modum objecti, & sic haberetur intentum; vel per modum actus, quod gratis diceretur, & sine ulla necessitate.

Denique patet ex Doctoribus communiter, & experientia quotidiana causari ex objectis passionem subreptitias non solum antecedenter ad consensum voluntatis, sed etiam contra ejus voluntatem, scilicet

[1] Sess. 6. cap. 6. [2] Sess. cap. 14.

ex fomite concupiscentiæ, quæ ex peccato est, & ad peccatum inclinatur; & hoc modo voluntas quamvis reluctans patitur delectationem; ut patet in foemina violenter corrupta, patet etiam in doloribus, & voluptatibus vehementissimis, quæ impediunt usum rationis. *Delectatio sensibilibis furatur intellectum etiam sapientissimis sapientissime.* inquit Phil. [1]

Objic. 1. Non potest objectum causare passionem, nisi ut volitum, vel nolitum; ergo volitio, vel nolitio est causa efficiens passionum. Prob. ant. 1. ex Scoto. [2] *Tristitia in voluntate causari non potest naturaliter, nisi à duabus causis concurrentibus, scilicet ex actuali nolitioe alicujus existentia, & actuali apprehensione illius existentia, & istæ duæ causæ quandocumque concurrunt, quantum est ex se, causant tristitiam sicut effectum naturaliter consequentem, & ex quo tristitia sequitur ut effectus naturalis actualem nolitioem alicujus, & considerationem actualem ipsius noliti, &c.* & 2. quia sine aliqua operatione voluntatis circa objectum non erit illi conveniens, aut disconveniens; ergo non delectabit, nec tristabit eam.

Resp. neg. ant. nam sufficit; quod objectum proponatur voluntati, vel sensui ut conveniens, ut illud causet passionem concupiscentivam, vel disconveniens, ut causet passionem averfativam, &c. unde si objectum sit per se conveniens, vel disconveniens independenter ab omni actu elicitio appetitionis, vel averfionis, sufficienter causabit passionem; si verò de se sit indifferens, vel non adeo per se malum, aut bonum, tunc debet præcedere aliquis actus appetitionis, vel averfionis, aut saltem comitari passionem, sed semper ille actus appetitus se tenebit ex parte objecti, reddens illud tristabile, vel delectabile; & sic patet ad prob. ex Scoto, & ex ratione, fatemur enim, tristitiam verbi gratia consequi apprehensionem eventus alicujus objecti noliti, sed illa nolitio non debet semper esse actualis; sufficit habitualis; sufficit, quod appetitus, aut voluntas naturaliter, vel habitualiter inclinatur, aut averfetur illud objectum.

Confir. hoc ex textu allegato, ubi relationes convenientiæ, vel disconvenientiæ fundantur in inclina-

tione, vel averfione ad formam, ad quam appetitus est in potentia passiva, ut exemplificat de visu, & colore, seu pulchro: inclinatio naturalis visus ad pulchrum, & proportio pulchri ad visum fundant relationem mutuam inclinantis ad inclinatum, quæ dicitur convenientia: & hæc relatio non est causa, sed conditio *sine qua non* passionis, quæ dicitur delectatio: nec alia est ratio, quare visus inclinatur sic ad album, nisi quia talis visus est talis naturæ, & album, talis, &c. vides ibi nullum intervenire actum elicitum appetitus; quo appetat visionem albi, sed puram inclinationem habituales, seu naturalem. Non ita est de tristitia, & dolore, quem ignis causat in damnatis; quia enim ignis non est ita de se disconveniens objectivè, non causaret illis tristitiam, nisi haberent intensissimam noltionem ejus; sed illa noltio perficit rationem objecti talis tristitiæ, & doloris, adeo ut ignis ut nolitus se habeat ut causa efficiens talis passionis.

Dixi, *ab objecto ut cognito*; quia objectum non causat passiones nisi ut cognitum, & cognitio est conditio *sine qua non*, est applicatio causæ, seu agentis ad passum; & sicut debet apprehendi objectum secundum convenientiam, ut ametur, & secundum disconvenientiam, ut odiatur, ita debet cognosci secundum possibilitatem, aut facilitatem, aut difficultatem, vel impossibilitatem, ut speretur, vel desperetur, vel timeatur ejus acquisitio, &c.

## CONCLUSIO II.

**P**Ræter eam causam extrinsecam efficientem passionum, dantur aliæ intrinsecæ; videlicet diversa temperamenta, per quæ fit, ut passiones facilius, aut difficilius excitentur, ad quod etiam conferunt astra, & habitus. Est communis.

Prob. 1. ex dictis, quia experientia docet quosdam homines esse ad aliquas passiones pronos, alios ad alias; unde legimus, quod sicut non sunt similes facies faciebus, ita neque corda hominum; sed hoc non potest venire aliunde, quam ex diversis temperamentis, vel influentiis cœlestibus, vel habitibus; ergo ita est. Prob. min. non enim 1. ex objectis; quia experimur

rimur eam diversitatem circa eadem objecta; quæ plus, aut minus movent homines; imò & diversos motus in eis excitant, v. g. aliis iram, aliis indignationem, aliis risum, aliis invidiam, aliis commiscrationem faciunt. 2. non ab anima, quæ est ejusdem prorsus speciei in singulis; & licet admitteretur aliqua in animabus inæqualitas, hæc non causaret diversitatem specificam motuum, sed tantum majorem, aut minorem perfectionem in exercitio actuum; ergo nulla alia causa commodius assignari potest hujus varix proclivitatis, quam temperamentum, saltem quoad maximam partem.

Igitur quia homo hanc, vel illam corporis temperiem contrahit sive ex parentibus, sive ex nativitate, & matris utero, ex lacte, alimentis, aut victus ratione, ex aere, astrorum ipsfluxu, aliisque causis extrinsecis, ideo variam pronitatem ad hos, vel illos affectus nanciscitur. Qui sunt temperamenti *biliosi*, ignei, & calidioris, & siccioris, facilius irascuntur; *sanguinei* proniores sunt ad lætitiā, & benignitatem: *flegmatici*, & humidiores, sunt timidiores, & pusillanimiores; *melancholici* inclinant ad tristitiā; & hæc quidem sunt causæ internæ physicæ. Vide Galenum in opusculo, quod animi mores corporis temperamentum sequuntur. Et Plato dixit, quod animæ sequuntur corpora, non quidem si ad spiritum liberum fiat aspectus, sed quadam inclinatione, prout corpus ipsum subministrat animæ tanquam instrumentum; inquit Gerson: constat enim, quod ad instrumentorum varietatem consurgit in operationibus major facilitas, & difficultas; sic erit suo modo de varia complexione membrorum, & de his, quæ membris ipsis subserviunt, ut sunt corporci spiritus tam radicales, quam fluentes, & sanguis, qui est communis materia tam membrorum, quam spirituum.

Hinc est, quod, juxta medicorum traditionem, sanguis subtilis, & clarus in substantia, & temperatus in qualitatibus disponit ad gaudium, & conjunctos gaudio affectus, scilicet amorem, & alios; ideo sanguinei inclinatione sunt læti, amantes, pii, benigni, liberales, faciles ad risum, proni ad venerem magis, aut minus secundum quantitatem talis sanguinis, qui generat spiritus splendidos, & tempera-

ros; sanguis, inquam, clarus, & subtilis dominante calore, cujus signum est rubeus color in cute; sed rubor fuscus, qualis est vini generosi, disponit ad velocissimam iram, cum sit facilis inflammatus, sed est parum durabilis, quia subtilia, & tenuia facile dissolvuntur. Inclinat etiam ad audaciam, honorum appetentiam, arrogantiam, temeritatem, garrulitatem, vigilantiam, & impetunt in rebus agendis; si verò sanguis sit subtilis, & clarus, sed frigidus propter dominium flegmatis aquei, inclinatur ad timiditatem, seu pusillanimitatem: quia spiritus à tali sanguine generati sunt modici, graves, & parum inflammabiles propter frigiditatem, & humiditatem; ideo tales parum sunt læti, iracundi, & minus audaces; tales etiam sunt somnolenti, torpentes, honoris contemptores, &c. Sanguis crassior, & calidus, si ad nigredinem vergat, sitque suboscure, seu turbidus, qualem significat calor adustus, inclinatur ad tristitiam, seu melancholiam propter obscuritatem spirituum, & ad iram propter calorem, & adustionem; & talis ira pertinax, & fixa est propter crassitatem, in qua tardius delentur impressiones, & difficilius dissolvuntur illi spiritus atri: sunt etiam obstinati, & pertinaces in proposito propter spissitudinem immixtam cholerae.

Sanguis crassus, & calidus [si non sit turbidus, quia cor est temperatum, & hepar calidum, & siccum, sed prædominatur siccitas, ut accidit iis, quorum sanguis præ violentia exercitii calefit, & increpatur citra adustionem, & nigredinem] facit audaces, seu fortes, & animosos, & proniores ad lætitiā, quàm ad tristitiā, nisi vehementius excitetur ira; tunc enim tenaciùs hæret propter crassitiem spirituum. Sanguis crassus, & frigidus, modò non sit turbidus, qualis est in habentibus cor temperatum, & neque frigidum, & siccum, ut in senibus, reddit hominem tardum ad omnes motus, est tamen constans in proposito, & tenax propter crassitiem, & siccitatem spirituum; quòd si talis sanguis fuerit turbidus, qualis est cum hepar est æqualiter siccum, & frigidum, aut frigidius, inclinatur ad celerem, tenacemque tristitiā, & ad lentam iram, nisi excitetur vehementi aliqua causa; quia tunc pertinacior est,

& transit in odium, & rancorem.

Adde eas nobiliter intendi, aut minui per virtutem imaginativam, quæ habet vim regendi, & immutandi corpora: unde species, & repræsentatio ignis causat calorem in sanguine, & spiritibus; imaginatio aquæ, aut nivis frigiditatem; imaginatio rei turpis ad turpia movet, ut patet in dormientibus, qui exercent opera vigilantium, & in maniacis, seu melancholicis, qui putant se videre exterius, quæ non nisi in imaginatione interna fingunt, & ideo semper tristes, & cogitabundi incedunt, eoque aliquando perveniunt, ut seipsos credant esse, quod somniant; ille se putat regem, ille canem, ille lupum, ille corvum, & quidem sic Nabuchodonosorem divinitus se bovem putasse, & ut talem in campos abiisse inter feras dicunt nonnulli. Porro per spiritus splendidos intelligit puritatem sanguinis, & spirituum ex eo genitorum, semota omni fœculentia, & terrestreitate sanguinem inficiente.

Harum autem complexionum, & per consequens inclinationum signa plurima indicant physionomistæ, & maximè colligunt ex coloribus post Arist. ex quo hæc colligit Fontanus. [1] Nam viridi quidem caliditatem, sanguinisque exuberantiam, qui verò simul ex albo, & rubro constantur, si modo corpori levi insint, indolem bonam significant, quemadmodum nigri sunt timidi, quod tribuitur Aegyptiis peritissimum, qui incolunt Aethiopiam, albi verò, plusquam rationi conveniat, etiam timidi, quod ad mulieres refertur, qui ad fortitudinem ducit, color inter hos medius sit oportet. Qui flavo sunt colore, magnanimi, ut leones, qui verò furo, plusquam rationi conveniat, execrandi, atque exiiosi, quod versitur vulpibus. Qui pallidi, ac perturbati ipso colore videntur timidi referuntur ad ipsam perturbationem, quæ nascitur ex timore, qui subvirides ipso colore sunt, iidem sunt præfrigerati, refrigerata autem omnia ineptissima sunt ad motum, quo fit, ut subvirides, sive refrigerati corporis actionibus sint admodum pigri; quibus color rubens est, celeres sunt ad actiones, quandoquidem omnes corporis partes ob vehementem motum erubescunt, quibus color inflammatus, & igneus est, insani, omnes siquidem

K 5 par-

[1] l. de physio. Arist. c. 10.

partes corporis si impendio calidiores reddantur, flammæ calorem acquirunt, qui verò ad extremum calfactionis perveniunt, merito furiosi dicuntur. Alia propensionum signa ex variarum corporis partium coloribus apud eundem Arist. habes.

Objic. Temperamenti corporei qualitates sunt materiales, & passiones voluntatis sunt spirituales, ergo passiones voluntatis non possunt causari à temperamento. Prob. conf. nam corporale non agit in spiritum.

Resp. neg. conf. & dist. prob. non agit directè, conc. indirectè, neg. quia enim anima nostra licet spiritalis informat corpus, & virtualiter est sensitiva, nec agit in corpore, nisi dependenter à sensibus, idè ejus operationes, & inclinationes sequuntur appetitum sensitivum. Id probat D. Paulus dicens, *Videò aliam legem in membris meis repugnantem legi mentis meæ*. Idè notat Scotus, (1) appetitum sensitivum causare in voluntate naturaliter aliquos motus, & delectationes subreptitias, quæ in ea præcedunt omnem actum liberum ejus. *Illud dixerim divinum esse vinculum, quod colligat ea, quæ plurimum inter se distant, & communionem, ac societatem quandam esse animæ incorporeæ cum corporeâ, & indicibilem esse consensionem, atque affectionem mutuam inter immortalem substantiam, & mortale instrumentum, ait Isidorus Pelusiota.* (2)

Ad temperamentorum verò differentias, & aliquo modo ad diversas eas propensiones non parum conferunt, primò sanguis parentum in generatione acceptus; idè sæpè iisdem affectibus imbuuntur pueri, quibus indulserunt parentes; & sicut ex hominibus homo, ita ex bestiis nascitur bestia; sic ex bonis parentibus bona proles; *Non ex squilla nascitur rosa, aut hyacinthus, sed neque ex ancilla filius ingenuus;* & ut poeta [3] canit, *Fortes creantur fortibus, & bonis: est in suvencis, est in equis patrum virtus; nec imbellem feraces progenerat aquilæ columbam*. Hinc proverbium, *Mali corvi malum ovum*; & ordinariè qualis ager, talia semina, & quales flores, tales & tincturæ, &c. Et licet utriusque parentis passiones, &

mq.

[1] 3. d. 15. F. n. 15. [2] l. 4. Ep. 129.

[3] Theognis.



mores vigeant in prole, sicut ambo ad ejus temperiem concurrunt, & conferunt de suo, tamen paternam activitatem multò efficaciorē, ut liberi correfpondeant patri, docet Chrysostomus. (1)

2. Facit membrorum configuratio secundum quantitatem, & qualitatem, & maximè cordis. Discrimina cordis, quæ amplitudine, exiguitate, duritie, mollitie existunt, ad mores pertinent aliquatenus, ait Aristoteles, [2] quæ enim sensu hebeti sunt, cor habent durum, & spissum; quæ autem sensu valent, mollius, pavida autem sunt, quibus cor grandius, audentiora, fidentioraque, quibus minus, aut mediocre, quoniam calorem proportionē cordis non habent, sed parum caloris in magno conceptaculo exolefcit, & ita sanguis frigidior fit, cor magnum proportionē lepori, cervo, mure, hyenæ, asino, pantheræ, muscelæ, &c.

Inde colligitur, non omninò vanam esse physionomix peritiam; nam corpus esse quandam animæ imaginem dicebat Sextus [3] Philosophus, & Arist. in libro suo de physionomia latè prosequitur indicia morum ex colore, vel conformatione partium corporis. Non frustra doctissimi viri dicunt, naturam ipsam magnis mentibus domicilia corporum digna metari, & ex vultu hominis, ac decore membrorum colligi posse quantum ille spiritus cælestis intravit habitator. Ideo mor Pythagores erat per signa in corpore constituta venientes judicare, utrum ad meliorem vitam apti forent, ne cne, natura enim ipsa, quæ animis confingit corpora, instrumenta eis corpora subministrat, imaginesque animarum in corporibus indicat, per quas & animarum ingenia in hac arte perni deprehendere possint. Hæc autem indicia reducuntur ad temperiem, quia singulis temperamentis talis conformatio partium congruit.

3. Facit etiam assuefactio, quæ non mediocriter inclinât ad passionē per habitum facilitativum, quo promptior redditur potentia ad actus similes. Unde Pelagius scribebat, *Consuetudo est, quæ aut virtutes, aut vitia alit, quæque in his plurimum valet, cum quibus ab ineunte ætate simul creverit, consuetudo sit altera natura.* Nam quod partium fuerit diuturna ex-

K 6 ex-

[1] Hom. 45. in Matth. [2] 3. de par. animal. 4.

[3] Plotus. in Alcib. Plat.

exercitatione videtur internum, atque innatum. Præterea ex frequentatione unius actus mutatur iudicium de alterius bonitate, aut malitia, & ut non intelligamus mala nostra usus facis malorum, aiebat S. Euch. [1] habet hoc infelix consuetudo peccandi, ut quanto amplius quisque deliquerit, tanto minus ipsa delicta cognoscat. Denique quia passionibus excitant in nobis sibi conveniens temperamentum. Nam, qui sæpe irascuntur, evadunt iracundi, ita ut ignescentibus per iram humoribus, difficilius iram coerceant, sintque ad eam proniores, quàm essent ante laxatas primùm iræ habenas.

4. Inter externa, & remota passionum irritamenta recenseri possunt cibi, & potus, pharmaca, quorum non exigua vis est tum ad temperamentum, tum ad passionum varietatem. Alimenta enim, & potus transeunt in aliorum naturam; quod, ut docet Aristot. (2) maxime accidit ex lacte, quod sugunt ex uberibus pueri: ideo notat Cardanus [3] felem canis lacte nutritum minus agrestem, & inidum evasisse; ideo solent pueris eligi nutrices optimæ, quantum fieri potest. Non frustra creditum est, sicut valet ad fingendas corporis, & animi similitudines vis, & natura feminis, non secus ad eandem rem lactis quoque ingenia, & proprietates valere, neque in hominibus id solum, sed in pecudibus quoque animadvertum: nam si ovium lacte hædi, aut caprarum agni alantur, constat fermè in his lanam duriores, in illis capillum gigni tenuiorem (quod notabamus de fele, & cane) & id probat de arboribus, & plantis, quæ qualitates soli induunt. De vino scribit Arist. [4] quod immodicum tales maxime homines reddere videtur, quales melancholicos esse affirmamus; moresque varios id condit, cum bibitur; & iracundos, humanos, misericordes, audaces efficit quorum nihil mel, aut aqua, aut lac, aut huiusmodi efficere potest: & gradatim procedens dicit, quod virum frigidum, & taciturnum liberaliori poculo refovet, excitatque ad verba; tum largiori potu verborum uberem, eloquentem, fidentemque facit; potatione ampliori audacem, propensumque ad agendum facit; plenius amplificatum in contumeliam, & petulantiam

[1] Hom. ad plebem. [2] 2. de par. anim. c. 2.

[3] Favorin. [4] 30. proble. q. 2.

stant vertit; mox ad insaniam propemodum accendit, postremo nimio potu resolvit, stultumque agit in modum eorum, qui a pueris morbo laborant comitiali, &c.

5. Quantum ad pharmaca, certum est aliqua purgare cerebrum, & aliqua offuscare; & sic redditu aptius, aut tardius ad functiones. Carneades disputaturus caput elleboro purgabat; alii amatoria potabant, &c.

6. Aeris, & solis qualitates: unde nationum diversi mores notantur, *Quadam gentes formatae sunt, ut propria sint morum unitate conspicuae* [inquit Firmius] [1] *Scythae immani feritatis crudelitate grassantur: Itali sunt regali semper nobilitate praesulgidi: leves Graeci, avari Syri, Afri subdoli, acuti Siculi, luxuriosi Asiani, & occupati voluptatibus, Hispani elata jactantia, animositate praeposteri, &c. verè ne, an falsò ipse viderit. Unde Hippocrates: Quidam ingenio, & natura sunt montanis, sylvosis, & asperis locis similes, aliorum verò natura, & ingenium prata, paludes, & campos referunt.*

7. Coelestes influxus; nam cum Coeli influant non parum in hæc inferiora, multum ab illis dependent homines in naturalibus; licet, ut alibi diximus, nullam vim inferant humanæ libertati; ideò circa humanos mores possunt influere mediantibus humoribus; sed, ut monet Sanctus Cyrillus, [2] *In his Astrologica observatio crimen est Græcorum stupiditatis, ludusque puerilis, & vana dementia, nihilque aliud; fatendum tamen, illas influentias aliquid tribuere humanis propensionibus. Unde observatur, quòd Jove dominante homo fit lætus, honestus, & liberalis; sub Mercurio fit audax, vigil, & mobilis, &c.*

8. Inter causas extrinsecas, & morales non parum faciunt colloquia, & exempla; ideò fert proverbium receptissimum etiam in Scriptura: *Corrumpunt bonos mores colloquia mala; & ut scribit S. Basilus, [3] noxiæ sunt amicitiae, quæ cum malitia contrahuntur, nam ea amicitiae hujus lex, & vis, ut per similitudinem malitiam cunctis indat: quamobrem rectè Apostolus dicit, corrumpunt bonos mores colloquia prava quemadmodum enim in pestilentibus locis sensim astra-*

*ctus*

[1] 1. Astronom. [2] 1. de Astronom. c. I.

[3] Hom. quod Deus non sit aut. mali.

Etus aer latentem corporibus morbum injicit, sic item ex prava consuetudine, ac conversatione maxima nobis mala oriuntur, etiam si statim incommodum non sentiat, quod maximè pro junioribus est advertendum, nam, ut docet S. Hieron. (1) Difficulus eraditur, quod rudes animi perhiberunt, lavarunt conchyliis, quis in pristinum candorem revocet? Recens testidii & saporem retinet, & odorem, quod primum imbuta est, proclivis est malorum emulatio, & quorum virtutes assequi nequeas, citò imitaris vitia.

9. Denique non parum valent concentus, & musica ad movendos, vel sedandos affectus; Tristitiam noxiam jucundat, ait Cassiodorus, [2] tumidos furores attenuat, cruentam seditiam efficit, blandam excitat ignaviam, soporantemque languorem: vigilantibus reddit saluberrimam quietem: vitiatam turpi amore ad honestam revocat castitatem, sanat mentis tedium bonis cogitationibus semper adversum, perniciose odia convertit ad auxiliatricem gratiam, & quod beatorum curationis genus est, per dulcissimas voluptates expellit animi passiones. Incorpoream animam corporaliter mulcet; & solo auditu, ad quod vult, deducit, quam tenere non praevalet verbo tacito; manibus clamat, sine ore loquitur, & per insensibilem obsequium praevalet sensuum exercere dominatum; hoc totum inter homines quinque tonis agitur. Dorius pudicitiae largitor, & castitatis effector est. Phrygius pugnas excitat, & votum furoris inflamat. Aeolius animi tempestates tranquillat, somnumque pacatis attribuit. Fastius intellectum obtusis acuit, & desiderio gravatis celestium appetentiam bonorum operator indulget. Lydius contra nimias curas, animaeque tædya reperius remissione reparat, & oblectatione corroborat.

Id patet ex instrumentis, quibus animos ad bellandum concitant imperatores exercituum, nam inquit S. Clemens Alex. (3) Si quis curiosius inquirat, inveniet instrumenta bellica ad cupiditates inflammantia, vel amores incenduntia, vel animum, iramque irritantia, in bellis itaque suis tuba utuntur Etrusci, fistula Arcades, Siculi autem instrumentis, quae appellantur pectidas, Cretaenses lyra, Lacedaemonii tibia, cornu Thraces, tympano Aegyptii, & Arabes cymbalo.

Pro-

[1] Ep. 7. [2] l. 7. Ep. 40. [3] 2. Pedagog. c. 4.

Profanos cantus severè prohibent SS. Patres. [1] *Imo-  
rum Christianorum magistri* : Hoc enim *musica genus  
servitutis, & ignobilitatis fructus parere, præterea  
libidinum stimulos acuere solet, alia nobis musica lon-  
gè melior existit, & ad meliora nos excitans sequenda.*  
*David sacrorum canticorum Poeta cithara ex insania  
Saulem liberavit. Dicitur etiam Pythagoras in Ebrios.  
olim incidens jussisse tibicem convivio luxurioso præsi-  
dentem mutare harmoniam, ac Dorion ipsis canere, at-  
que hoc modo melodiæ illos ad sobrietatem reduxisse,*  
*qui ejectis de capite coronis sane omnes erubuerunt: catu-  
ri verò ad tibiam Corybantum modo, ac debacchantium  
versantur. Tanta sanè melodiæ rectæ differentia à tur-  
pi, atque obscena est, ut eam, quæ nunc in usu est, non  
minùs fugere debeat, quàm rem aliquam turpissimam.*  
Habes ergo de causis passionum tam efficientibus,  
quam formalibus, materialibus, & finali.

#### Q U Æ S T I O . IV.

*De ordine generationis, & dignitatis  
passionum.*

**O**Rdo alius est *naturæ, seu generationis*, quo com-  
parantur passionēs inter se secundum priorita-  
tem, & posterioritatem originis, alius *dignitatis*, quo  
comparantur secundum præcellentiam. Rursus utra-  
que comparatio fit vel inter concupiscitivas, & irasci-  
tivas, vel inter singulas secundum se, & præcisè ab  
earum subjectis; & quidem quæstio procedit de pas-  
sionibus, spectata earum coditione naturali ex ob-  
jectis, in quæ feruntur; nec enim dubium est, quin  
per accidens possint modò irascitivæ, modo concupi-  
scitivæ priùs excitari, & inter illas modo unam, mo-  
dò aliam præire, v. g. si 1. proponitur objectum ut  
arduum, ac difficile obtentu, vel vitatu, 1. etiam con-  
citantur irascitivæ: item certum est, hominem pro  
liberi arbitrii nutu modo ad unam, modo ad aliam  
posse excitari, secundum quod volet considerare  
objecta. Loquimur ergo de illarum ordine natu-  
rali.

## CONCLUSIO I.

**O**rdine natura pracedunt concupiscitivæ: atque etiam præcellunt irascitivis. Est communis.

Prob. 1. ex Scoto, [1] qui docet, quod concupiscibile respicit illud, quod ex se natum est esse conveniens, vel disconveniens, ita quod nullo alio posita circa ipsum, nisi sola apprehensione facta, natus est sequi altus delectandi, vel tristandi, sive prosequendi, vel fugiendi, quantum est ex parte eius: talia autem non respicit irascibilis. Irascibile igitur est circa non primo convenientia, vel non 1. disconvenientia. Hinc formatur sic argumentum; Illæ passiones sunt priores natura, seu origine, quarum objecta sunt priora secundum se: sed objecta passionum concupiscitivarum sunt priora secundum se objectis irascitivarum: ergo & passiones ipsæ concupiscitivæ. Prob. min. quæ sunt bona, seu convenientia simpliciter sunt priora iis, quæ non sunt convenientia, vel disconvenientia, nisi secundum quid, & secundario: sed talia sunt objecta concupiscitivarum respectu irascitivarum: ergo illarum objecta sunt priora istis. Prob. min. objecta concupiscitivarum sunt bona, aut mala secundum se ut talia, irascibilium autem sunt bona, ut obtentu, vel vitatu difficilia.

Prob. 2. Prioritas naturæ est in illis, quæ prius nascuntur: sed passiones concupiscitivæ prius nascuntur: ergo sunt natura priores. Prob. min. quia sicut appetitus irascibilis est propter concupiscibilem, ita passiones istius propter illas: nam irascitivæ excitantur, quia impediuntur, vel retardantur fines, & objecta concupiscitivarum, & appetitus irascibilis est propugnator concupiscibilis. Ideò canis irascitur, & insurgit in alium, quia aufert, aut retinet illi cibum concupitum.

Confir. Nam sicut prius est rem simpliciter cognoscere ab intellectu, quàm à voluntate amari, vel odiri: ita prius est voluntatem simpliciter amare, vel odire, quàm sperare, vel desperare boni consecutionem, aut vitiationem mali: non enim speramus id, quod non cupimus, saltem simplici complacentia.

Hinc probata manet 2. pars: nam nobilitas princi-

pa-

[1] 3. d. 34. F. n. 10.

palis passionum, sicut & actuum petitur ex objectis; sed objecta concupiscibilia sunt nobiliora; ergo & passionibus earum. Prob. min. objecta concupiscitivarum sunt primario, & per se convenientia, vel disconvenientia, & concupiscibilia; vel fugibilia; objecta verò irascitivarum sunt tantum secundario, & secundum quid talia, scilicet propter arduum, ut patet ex 2. arg. sed quod est propter aliud est ignobilius eo, propter quod est, & cui inservit; finis ut finis præcellit mediis; item prima passio concupiscitiva, scilicet *amor*, præcedit irascitivam, scilicet *spem*, ut mox patebit; ergo concupiscitivæ præstant aliis.

Objic. 1. *Spes* est causa *amoris*; ergo præcellit *amori* tum natura, tum dignitate; nam causa præstat effectui; sed *spes* est passio irascitiva; ergo istæ præcellunt illas. Probatur major 1. ex August. *amor* non est sine *spe*, & non amatur bonum, nisi speretur consecutio ejus.

Resp. neg. min. & dist. prob. *amor* efficax; seu electivus, & perfectus, conc. simplex: & absolutus, neg. ant. nec de isto loquitur S. August. sed de electivo, & perfecto; nam, ut dicebam, *spes* includit semper aliqualem *amorem* rei speratæ, ut magis patebit ex dicendis.

Objic. 2. Potest repræsentari objectum ut arduum priusquam ut conveniens, & amabile, vel disconveniens, & odibile, ergo objecta concupiscitivarum non præcedunt, saltem semper.

Resp. ea dictis dist. conf. per accidens, conc. conf. per se, & natura sua, neg. conf. nam licet possit 1. repræsentari arduitas, non sequitur eam esse primam in natura.

Inst. Posita etiam repræsentabilitate objecti, adhuc posset voluntas non moveri circa objectum per ullam passionem concupiscitivam, sed per irascitivam, v. g. per *spem*; ergo si esset aliqua præcellentia, & prioritas, illa venit ab electione voluntatis, & non ex natura rei. Prob. ant. nam voluntas est libera ad motus suos.

Resp. neg. conf. ob rationem allatam; scilicet non loquimur de passionibus, secundum quod possunt excitari per electionem voluntatis, sed secundum quod aptæ sunt nasci ex natura objectorum, & ipsius

ipsius potentiae, & maxime quia hæc ratio non valet pro appetitu sensitivo, in quo non est ea libertas, & in quo prius excitantur passionēs, quàm in voluntate.

Objic. 3. Delectatio, & tristitia, quæ sunt concupiscitiva, sequuntur iram, & alias passionēs irascitivas; ergo istæ præcedunt illas. Prob. ant. ex Arist. [1] dicente, quod *delectatio sequitur omnem passionem*. Dicit enim, [2] quod *ira viri quasi mel*: & ex Script. sacra: *Latabitur iustus, cum viderit vindictam*, & nos experimur summam voluptatem in actibus iræ, ac vindictæ.

Resp. dist. ant. Ut prius sequatur per accidens, conc. ant. per se, neg. ant. imò, ex Scoto. citato, semper irasci est cum tristitia, non verò concupisci; quia numquam irascimur, nisi adsit offendens; & sic ira semper supponit tristitiam ex malo præsentē, licet quando actus ulciscendi, seu irascendi est perfectus, adsit aliqua delectatio; & hoc sensu loquitur Philosophus.

## CONCLUSIO II.

**I**Nter concupiscitivas amor præcedit, & spes inter irascitivas. Hæc sequitur ex præcedenti.

Prob. 1. tum ex Scriptura, quæ in omnibus præfert amorem, & maxime charitatem præfert spei, sicut & fidei, *Major horum est charitas*: tum ex SS. Patribus: nam amor est causa omnium aliarum passionum voluntatis: quod latè probatur etiam ex Poetis canentibus, quod omnia vincit amor.

Prob. 2. ex Scoto. [3] In communi est duplex actus voluntatis, scilicet velle, & nolle: nolle enim est actus passivus voluntatis, quo fugit disconveniens; velle autem est actus, quo acceptat aliquod objectum conveniens: istorum autem actuum patet ordo: quia omne nolle præsupponit aliquod velle: à nullo enim refugio, nisi quia non potest stare nolle cum aliquo, quod accepto tanquam conveniens; sed illa acceptatio nihil est aliud, quàm amor concupiscentiæ, & illud nolle est purum odium, ergo amor præcellit cæteris; & id patet de aliis circa bonum, ut sunt desiderium, & gaudium; nec enim potest negari, quin præsupponant amorem

[1] 2. Ethic. 4. [2] 2. Rhetor. 2. [3] 2. d. 6. q. 2. A. n. 2.



boni absentis, qui est causa desiderii ejus, & præsens, de cujus adeptione, & præsencia gaudemus.

Igitur primus motus appetitus circa bonum est amor simplex, qui est velut primus gustus, & suavizatio boni, & præludium aliorum motuum circa illud tum sequitur desiderium, si est absens, & gaudium, cum sit præsens, & possessum.

Prob. 2. p. ex præcedenti; nam inter irascivitas spes est amori proximior, est enim desiderium, & expectatio boni cum aliqua certitudine consecutionis; ergo includit amorem, & sic propior est primæ omnium; quod patebit ex dicendis de singulis in particulari.

Obj. Quod est prius generatione, est posterius perfectione; ergo si amor est prior natura, est posterior dignitate, & id maximè verum est de gaudio, in quo magis, & ultimò quiescit appetitus.

Resp. dist. maj. est posterius perfectione, si sint in eodem genere cum essentiali subordinatione, conc. maj. si sint in diverso genere, & sine tali subordinatione, neg. maj. alioqui enim proprietates, & accidentia præcellerent substantiæ. Desiderium ergo, & delectatio sunt quidem posteriora generatione, quam amor, sed sunt velut ejus consequentiæ, & effectus; nam bonum ideo desideratur absens, & delectat præsens, quia amatur: & idem est de odio, & tristitia, & fuga; nam ideo ea patimur, quia privamur bono amato, seu afficimur malo ei opposito.

Sub aliis respectibus potest dici, quod passionibus desiderii, & spei, & tristitiæ in aliquo sint perfectiores, quia includunt alias, & magis completivæ sunt; sic enim gaudium complet, & satiat appetitum, & est ejus ultima perfectio.

## Q U Æ T I O V.

De amore, & odio.

Q Uidam post quæstiones de passionibus in communi agunt de remediis earum, sed id, ni fallor, melius discutietur, postquam singularum naturam exploraverimus. Solet etiam quæri, an omnes passionibus habeant contrarias, & id maximè quæritur

propter iram, cui non opposuimus ullam, sicut cæteris, sed res est parvi momenti, & de ira dicemus suo loco. Igitur examinanda natura singularum, & incipimus ab amore, & odio.

Porro amorem distinguunt aliqui à dilectione, & charitate, putantque, Dilectionem accipiendam esse in bona, & amorem in malo, inquit August. [1] sed viderint Philosophi, utrum, vel qua ratione ista distinguant; sed scripturas religionis nostræ, quarum auctoritatem cæteris quibuscumque litteris anteponimus, non aliud dicere amorem, aliud dilectionem, vel charitatem insinuandum fuit. Et hoc probat ex ipso Evangelio, in quo Christus ter interrogans Petrum, bis utitur verbo diligendi, & semel verbo amandi; petrus semper respondet se amare, ergo ex Evangelio constat, hæc nomina idem significare; licet in hac materia nomen amoris ad significandam hanc passionem sit usitator.

Amor autem generalissimè sumptus dividitur in naturalem, qui est propensio rei ad aliquid, quod illi ex natura sua convenit; sic lapis dicitur amare locum deorsum, & ignis sursum; & animale, qui est passio, qua appetitus sensitivus fertur in bonum conveniens media cognitione; sic equus amat avenam, & fœnum, & rationale, quo voluntas fertur in bonum, quod sibi ab intellectu repræsentatur ut conveniens; primus dicitur appetitus naturalis cujuscunque entis, & non est propriè passio, nec de hoc agimus, quia non fit cum cognitione; alii verò sunt verè passiones, & de utrisque agimus. Hinc autem facile intelliges naturam odii naturalis animalis, & rationalis per opposita.

Rursus amor rationalis dicitur amicitia, quo amatur aliquid propter ipsum, & concupiscentia, quo amatur propter aliud, sive, ut explicat Doctor, [2] velle amicitia est istius objecti, cui volo bonum, & velle concupiscentia est istius objecti, quod volo alicui alii amato. Huic respondet duplex odium, scilicet inimicitia, quo aliquid fugimus ex pura ejus displicentia, & propter ipsum, & abominationis, quo volumus alicui malum, quia putamus illum nobis inimicum.

CON.

[1] 14. De civit. c. 7. [2] 2. d. 6. q. 2. A. n. 2.

## CONCLUSIO.

**A**mor sufficienter describitur passio, qua appetitus fertur in objectum conveniens cognitum: odium vero, qua idem appetitus resilit ab objecto disconvenienti cognito.

Prob. 1. ex Scoto. [1] Duplex est actus voluntatis, (idem est de appetitu) scilicet velle, & nolle, nolle enim est actus positivus voluntatis, quo fugit disconveniens, seu resilit ab objecto disconveniente, & velle est actus, quo accipiat objectum aliquod conveniens. Idem videtur docere Arist. dicens, amorem esse volitionem boni alicui; fateor eum ibi loqui de actibus elicitis amoris, & odii, nos verò hic agimus de amore, & odio, ut sunt passiones; sed ex definitione actuum facile intelligitur, quid sint passiones illis correspondentes.

Prob. 2. p. 1. Quia sic explicatur ejus natura per veram genus, & differentiam. 1. Passio tenet locum generis, in hoc convenit cum reliquis affectibus 2. appetitus supponit pro intellectuali, aut sensitivo: in utroque enim est amor, sicut & aliæ passiones, ut probatum est supra; & id maximè intelligitur de concupiscibili. 3. qua fertur in bonum conveniens cognitum; & per id præcisè differt hæc passio ab aliis: nulla enim sic absolute fertur, sed cum aliqua conditione.

Prob. similiter 2. p. de odio: nam si amor in appetitu animali, seu in intellectivo est consonantia quædam appetitus in id, quod apprehenditur ut conveniens; ita odium est dissonantia quædam appetitus ad id, quod apprehenditur ut repugnans, & nocivum; ex D. Thoma: [2] per primas ergo particulas convenit cum amore; per alias ab eo differt, in quo non est immorandum.

Objic. 1. ex Scoto, [3] non est amor propriè in appetitu sensitivo; Nec enim propriè inhaeret, quia non se applicat objecto, sed quasi insignitur vi objecti; quia non ducit se, sed ducitur; ergo ex Scoto amor non est in appetitu purè sensitivo, nec debet explicari per appetitum, sed per voluntatem.

Resp. neg. conf. Nam Scotus vult tantum ibi, quod  
bru-

[1] Ibid, [2] 1. 2. q. 29. a. 1. & 2. [3] 1. d. 1. q. 5. n. 5.

bruta non amant amore fruitionis, quo bonum amatur propter se: nec propriè amant loquendo de amore, qui est vere actus elicited libere productus, inquit Lichetus: & id facile colligitur ex ipso textu, scilicet *Appetitus sensitivus non ducit se* (eligibiliter, & libere) *sed quadam necessitate*: nos autem loquimur de amore, qui est passio, non verò actus.

Objic. 2. Per hanc definitionem amor non distinguitur à desiderio, vel gaudio; ergo non est bona. Prob. ant. nam per desiderium, & gaudium tam voluntas fertur in objectum conveniens, quàm per amorem; ergo sic non bene definitur amor, prout differt ab illis passionibus.

Resp. neg. ant. & dist. prob. tam fertur in bonum per desiderium, & gaudium sub aliquibus conditionibus, quas non considerat amor præcisè ut amor simplex, conc. ant. tam fertur circa bonum nudè ut bonum, neg. ant. amor præcisè ut amor fertur in objectum ut conveniens, sive illud sit absens, sive possessum, id non considerat, sed amor desiderii fertur in bonum ut absens, & amor gaudii in bonum ut possessum; in utrisque semper est amor, non nudus, & simplex, sed cum novis conditionibus.

Inst. Amor, passio, gaudium, & desiderium est in appetitu sensitivo brutorum; sed ille appetitus non præscindit; ergo illa præcisio amoris ab existentia, vel absentia non facit, ut dicatur desiderium, vel gaudium, nec per consequens sic salvatur illarum passionum differentia in brutis, sed aliunde petenda est.

Resp. dist. min. Non præscindit per actum positivum potentie cognoscitivæ, quo separetur objectum ab existentia, conc. min. non præscindit secundum modum tendendi in bonum, qui modus de se indifferens est, sive objectum habeatur, sive non, neg. min. & conf. nam amor est simplex affectus appetitus; erga bonum purè ut bonum, in quo sibi complacet; cum autem fertur in bonum ut absens, novam induit conditionem, & dicitur amor desiderii, quo ita fertur in illud, ut adipiscatur; & si possideat, in eo quiescit, & gaudet, & dicitur amor delectationis.

Inst. 2. ergo de bono existente non posset haberi amor.

Resp. neg. conf. Nam modo affectus sit simplex volitio.

litio rei secundum bonitatem, quæ in ea cognoscitur, nihil cogitando de conditionibus absentix, vel præsentix, est semper verus; & simplex amor: si verò sit volitio rei ut possessæ, erit amor gaudii.

Quæres I. *quanam sint causæ amoris.*

Resp. Causam effectivam amoris actualis, & elicitæ ex parte nostra esse voluntatem, sed causa passionis amoris est ipsum objectum cognitum ut conveniens, ita ut cognitio se habeat ut conditio, seu approximatio, & applicatio agentis ad passum; de quo nihil est difficultatis suppositis iis, quæ diximus de causis passionum in communi; & similiter voluntas, seu appetitus sub hoc respectu erit causa subjectiva.

His adduntur I. *Pulchritudo*, quæ est decor, & ornatus quidam bonitatis, & fortiter movet appetitum; sic Eva pulchritudine pomi victa est, [1] *Vidit mulier lignum, quod esset pulchrum oculis, &c.* 2. *Similitudo*, seu *Sympathia*; unde *similia similibus gaudent*; & homo homini iucundissimus est, inquit Phil. [2] contingit tamen ex similitudine nasci invidiam. Ideo dicitur, *Figulus figulo invidet*; sed id per accidens est, & ex depravatione appetitus; vel quatenus unus figulus alteri figulo nocet, ne lucretur ex arte sua. 3. aliter vehementissimus magnes amoris est amor; dicitur enim, *Si vis amari ama*; & ut docet S. Ambrosius, [3] *Ad incentivum charitatis communis plurimum proficit, si quis vicem amantibus reddat, nec minùs redamare se præbeat, quam ipse amatur.* 4. *cognitio*, quilibet enim studiosus, quilibet curiosus non amat incognita; etiam cum ardentissimo appetitu instat scire, quod nescit, inquit Aug. [4] sed, ut dicebam, hæc se habet ex parte intellectus, velut applicatio objecti ad potentiam. 5. *difficultas in acquisitione*; si quid prætiosum, & chara sunt, quæ multo labore sunt parta: *Le nocinium est muneri antecedens metus*, dicebat Seneca, [5] *in his homo suos labores inspicit; ultroneæ merces patent, & pretii facilitate decrescunt; quia semper in raritate majora sunt.* 6. his accedit *Raritas*: nam quanto acceptius est, si id damus, quod quis non habet, quam cuius copia abundat. *Munera non tam pretiosa, quàm rara, exquisita sunt &c.* 7. *Beneficentiam* inter

pri-

[1] Gen. 3. [2] 1. mag. moral. c. 18. [3] 2. offic. 7.

[4] 10. de Trin. c. 2. [5] 1. de benef. c. 11.

primarias amoris causas reponit Chrysost. sed revera beneficium tam effectus est amoris, quam causa. Denique addunt alii philtrea, & medicamenta.

Dices. Amantur res turpissimæ; ergo falso dicitur, [1] quod amor est pulchri: Quis enim pulchrum, aut honestum vel in divitiis omnium rerum improbissima, vel in bello omnium incertissima, vel in tyrannide omnium crudelissima, vel in auro omnium superbissima ponet. Obiciebat maximus Tyrius.

Resp. ex eodem, nos loqui de vera honestate, non de falsa, & apparente. Amor verus est de vera pulchritudine; nihil enim minus, quam amor esset, nisi circa ipsum pulchrum versaretur; falsus, & spurius amor est de falsa pulchritudine; nihil pulchrum dici potest, quod cum damno, aut periculo conjunctum est; quid flagitia patras, quid in miseriam, quod in calamitatem hominem deducit, quod in pœnitentiam destinit; si enim pulchrum duplex est, quorum alterum videtur esse, nec est, alterum videtur, & est, necesse est eos, qui pulchrum illud audiunt, quod videtur, nec est, spurios, & adulteros amatores esse, contra verò qui illud, quod videtur, & est, veros amatores esse, & verum pulchrum amare.

Sola igitur honestas, & vera pulchritudo est amoris veri objectum; omnis alius amor vocatur amoris idolum à D. Dionys. & à vero amore prolapsio ab Aug. [2] vocatur coinquinatio vera amicitie per sordes concupiscentie, & obnubilationem candoris ejus per sartaream libidinem.

Quantum ad causam subjectivam amoris, ad illum aptiores sunt ii, in quibus allata causæ sunt vegetiores; præcipue amor obnoxii maximè sunt, qui celeri, & calida complexione, vel fervidiori ingenio sunt: sed in calidissima complexione amor ut promptior, ac impetuosior est, ita & fragilior; in sanguinea autem, & temperata sicut paulò lentius accenditur, sic diutius fovetur, & conceptus perseverat. Ideo in senibus difficilius nascitur ob terrestrem complexionem, & siccam, in juvenibus verò ut in stipula facillimè inflammatur. Blandus animi color amor est, juvenia gignitur, inquit Seneca, [3] sic etiam eam flammam citò dimittunt ob mentis celeritatem, seu

[1] Differ. 11. n. 66. [2] De div. nom. c. 4. [3] In octavar. 2.

Seu levitatem, & fervorem ætatis: nam ex eo æstus facile concipitur offensio amorem extinguens. Ex eodem fonte manant affectus alii amorem præfocantes, ut superbia, ira, arrogantia, æmulatio, quæ ut in junioribus ob ardorem sanguinis frequentiora, sic in senibus jam frigescen- tibus rariora, ideoque in istis conceptus amor constantior est, sed remissior.

Quæres 2. qui sint effectus amoris.

Resp. Tot eos esse, quot bona, & mala hujus vitæ; nam ex D. August. [1] *nec aliunde bonum est, si bonum est cor humanum, nisi quod bene amat, quod bonum est; nec aliunde malum est, si malum est, nisi quod male amat, quod bonum est; omne enim, quod est, bonum est; sed in eo, quod male amatur, tantum vitium est, quod alibi* [2] *dixerat de amore Dei, & sui: bi duo amores construxerunt duas civitates, civitatem Dei amor Dei usque ad contemptum sui, & civitatem diaboli amor sui usque ad contemptum Dei. Et auctor libri de substantia dilectionis inter opera August. [3] Est amor ignis flammam faciens, totum consumens, aut purgans totum. Ex eo namque totum est, quod bonum est, & totum, quod malum est, ex eo est. Unde fons dilectionis inuis saliens duos rivos infundit, alter est amor mundi cupiditas; alter est amor Dei charitas. Medium quippe est cor hominis, unde fons amoris erumpit; & cum per appetitum ad exteriora decurrit, cupiditas dicitur, cum verò desiderium suum ad interiora dirigit, charitas nominatur; ergo sunt duo rivi, qui de fonte amoris manant, cupiditas, & charitas, & omnium malorum radix cupiditas, & omnium bonorum, radix charitas, &c.*

Bonos effectus boni amoris luculenter enumerat, & describit Plato, [4] *Hic Deus est, inquit, pacem largitur hominibus, mari tranquillitatem, menti requiem, cubile viventibus, somniumque in ci- vibus. Hoc rusticitatem à nobis amoves; familiaritate nos conciliat, cætus hujusmodi omnes congregans; in solemni- bus, festisque diebus choris, & sacrificiis dux nobis est, mansuetudinem porrigens, exterminans feritatem, benevolentia largitor, malevolentia omnis expulso- r, propitius, beneficus, spectandus sapientibus, Divis placidus, exoptandus expertibus, participantibus possidendus.*

Tom. IV.

L

ac

[1] De spir. & an. c. 5. [2] 14. civit.

[3] 70. 4. [4] De amore.

ae tenendus, deliciarum, mollium illecebrarum, gratiarum, dulcis perfusionis, & desiderii pater: bonorum studiosus; malorum spreitor, in labore, in timore, in desiderio, in sermone gubernator, perfectus adiutor, servatorque praecipuus, cunctorum Deorum, atque hominum decus; Dux pulcherrimus, atque optimus &c.

Non boni autem amoris malos effectus ex Philosophis narrans S. Hieron. ait; [1] Amor formae rationis oblivio est, & insaniam proximus, scdum, minimeque conveniens animo sospiti visum; turbat consilia, altos, & generosos spiritus frangit, à magnis cogitationibus ad humillima detrahit, querulos, iracundos, temerarios, durè imperiosos, serviliter blandos, omnibus inutiles, ipsi novissime amanti facit. Nam cum fruendi cupiditate insatiabilis flagret, plura tempora suspicionibus, lacrymis, conquestionibus perdit, odium sui facit, & ipse novissime sibi odio est. Tota amoris insectatio apud Platonem exposita est, & omnia eius incommoda Lysias explicat, quod non iudicio, sed furore dicatur, & S. August. [2] ex amore, quo ducimur, arguit omnium mortalium progeniem in prima sui origine (scilicet in Adamo) fuisse damnatam, quid enim indicat aliud amor ipse tot rerum vanarum, atque noxiarum? Ex hoc mordaces cura, perturbationes, maerores, formidines, insana gaudia, discordiae, lites, bella, insidiae, iracundiae, inimicitiae, fallacia, adulatio, fraus, furum, rapina, perfidia, superbia, ambitio, invidentia, parricidia, crudelitas, scitina, nequitia, luxuria, petulantia, impudentia, impudicitia, fornicatio, adulteria, incesta, tot stupra, immunditiae, quas turpe est dicere, sacrilegia, haereses, blasphemiae, perjurya, oppressiones innocentium, calumniae, circumventiones, praevaricationes, falsa testimonia, iniqua iudicia, violentiae, latrocinia, & quidquid talium malorum in mentem non venit, & tamen de vita ista hominum non recedit.

Alii notabiles effectus metaphorici amoris solent numerari enim a Theologis, & Patribus, imò & in Scriptura. 1. unio amantium, qua ex amantibus fit quasi unum; ideo virtutem commiscens vocat Dionys. [3] & hoc facit vel quasi formaliter, quatenus est propen-

[1] Adver. Jovin. [2] 22. de civit. c. 22.

[3] 4. de divin. nom. c. 2.



propensio, & inhærentia quædam amantis in amato, & sic velut quidam nexus amborum, vel *effective* excitans amatum, ut quærat possidere, & unire sibi amatum, quantum potest; ideo *amorem* dixit Aug. [1] *esse veluti juncturam quandam*, quia *amantem cum re amata copulat, vel copulare appetit*.

2. *Extasis*: quia amans extra se fertur, & in amatum transit, quod de amore Dei dixit Dion. [2] *Est mentis secessum, extasimque faciens divinus amor, amatores sui juris esse non sinens, sed in ea, quæ amanti penitus transferebatur &c.*

3. *Zelus*, qui venit ex ardore amoris, & est vehemens appetitus removendi ea, quæ vel amato sunt adversa, vel amantem retardant ab ejus possessione, & inde *zelotypia*: sic Deus dicitur *zelotes*, quia *est vehemens ad ea, quæ sunt clementer amanda*, inquit Dionysius.

4. *Læsiones, vulnera, languores, liquefactiones, fervores, inflammationes, &c.* Quæ fusè explicant mystici, sunt effectus morales, non physici, nisi valde per accidens, quatenus ex hujus passionis violentia, & ardore causantur ægritudines corporales.

Quantum ad remedia pro amore inordinato, plura suggerunt Philosophi, & maxime Theologi, & Patres. 1. *oculos, & mentem ab objecto avertere*, ne boni falsa species incentivum sit amoris perversi: nam, ut jam monui, [3] *Eva per oculos; & visum incensa est amore pomi vetiti, vidit mulier, quod bonum esset lignum*: sic filii Dei videntes filias hominum, quod essent pulchra, acceperunt sibi uxores: sic Holofernes [4] *captus est in suis oculis &c.* sunt ergo continendi oculi, qui sunt in amore duces: & id petit à Deo David, [4] *Averte oculos meos, ne videant vanitatem*. 2. recedendum à loco; prodest enim absentia, quæ inducit tandem oblivionem. 3. *studiosa consideratio malorum, & incommodorum*, quæ affert perversus amor, quæque mox expendebamus, quorum præcipuum est offensa Dei, & animæ, ac salutis perditio; *Qui enim diligit iniquitatem, odit animam suam*. 4. occupanda mens circa alia, & maxime fugiendum otium; nam amor est negotiosorum otium, quod hic effectus

L 2

[1] 8, de Trin. c. 10. [2] cit. [3] Gen. 3.

[4] Judith. 10. [5] Ps. 118.

effectus potissimum occupet otio deditos; ita fit, ut dum otio vacant, in rem negotiosissimam incidant, aiebat Diogenes. [1] Ad vere, & salubriter amabilia convertendus amor, scilicet in Deum, qui ut solus, & summè bonus, ita solus, & summè amandus.

5. Sobrietas in cibo, & potu; nam sine Baccho, & Cerere friget Venus.

Circa odium nihil, aut paucissima occurrunt dicenda; quia contrariorum eadem est disciplina; ex iis, quæ diximus de amore, patet, quid sentiendum sit de odio; unde sicut amor amicitie est ille, quo volumus bonum alicui, & habet pro objecto personam, & bonum volitum, & amor concupiscentie respicit quasi unice bonum, sic odium inimicitie respicit personam, cui volumus malum, & ipsum malum: Abominationis vero respicit directè malum, quod volumus absolute sive nobis, sive alteri. Item sicut amor abstrahit ab existentia boni, & in hoc distinguitur à desiderio, & gaudio, ita & odium præscindit ab existentia mali, per quod distinguitur à tristitia, & timore. Dividitur, sicut amor, in naturale, humanum, ferinum, melancholicum, quæ respondent oppositis amoribus, 1. vocatur antipathia, estque aversio ex causa occulta, & ignota, 2. quod excitatur humano modo, nec transcendit modum ordinarium, quo solent homines odisse; Ferinum è contra caret mensura, ad immanitatem pertingit, feralemque sævitiam potius, quàm humanam aversionem sapit; ut cum quis non satietur morte inimici, sed sævit præterea in mortuum discerpens, & lacerans sanguinem sugit, & cor; vel hepar extrahit, & mordet. 4. excitatur atra bili, ferocitate, & redundantia.

De causis etiam odii dicendum, sicut de causis amoris per opposita, & similiter de subjectis eius, unde 1. ignavi, & timidi sunt ad odia propensiores; quippe ex frigiditate undecunque damna metuunt, & ideo ut liberentur à metu, vini quancumque adversariam oderunt, & contritam volunt, 2. suspiciosi ob eandem rationem, 3. amantes; nam quæcumque ingrata veniunt ab amatis, ægrius sentiunt, quia velent redamari: ideo dicebat Quintilianus, (2) quòd

non

[1] apud Laert.

[2] Declam. 17.

non habent odia proximorum regressum, & ratio est  
 1. quia iniqua quædam indicant homines, quia pati  
 non debuerint; nihil scilicet iniquius, quam injuriæ,  
 quas accipimus ab amicis, aut propinquis, à qui-  
 bus debemus amari. 2. illæ injuriæ accidunt contra  
 spem; iniqua putamus, quæ inopinata sunt, itaque  
 maximè commovent, quæ contra spem, expecta-  
 tionemque eveniunt.

4. Superbi, & sui nimium amantes, quia cùm im-  
 pensè ament, toti sunt in suis commodis curandis,  
 & si minimum impediuntur, maximè commoven-  
 tur. Effectus pariter ex amoris contrarietate colligen-  
 di, v. g. recessus ab objecto, vel inimico, savitia, con-  
 temptus, subsannatio, maledicentia, excandescen-  
 tia; ubi amicitia permanet, nihil facile creditur, ni-  
 hil facile recipitur, quod dissidium operari possit, in-  
 quit S. Chrysost. [1] Si verò inimicitia semel occu-  
 paverint animos, omnia, quæ fiunt, quæ dicuntur,  
 quæ audiuntur, ita accipiuntur, & intelliguntur, ut  
 ad majores, & longiores proficiant inimicitias; si quid  
 enim boni dicatur de inimico, non creditur, si quid  
 autem mali, hoc creditur, & confirmatur.

Odiï remedia varia docent SS. Patres: efficacissi-  
 ma sunt patientia, & consideratio proprii boni; nam per  
 odium nobis plus nocemus, quam inimicis, injuriæ  
 manent extra nos; de clypeo patientiæ munimur,  
 si eas contemnimus, aut obliviscimur, in corda no-  
 stra introducimus, si nimium sensibiles iis finis.  
 Inimici homines, qualescumque fuerint, non sunt odio  
 habendi, inquit August. [2] ne cum odit malus, quem  
 patitur, malum, sint duo mali; diligat bonus, &  
 quem patitur malum, ut vel unus sit malus. Et alibi:  
 Odium tenebræ sunt; non potest autem fieri, ut qui o-  
 dit alterum, non sibi prius noceat; illum enim læde-  
 re conatur extrinsecus, se vastat intrinsecus: quanto  
 autem animus noster major corpore est, tanto magis ei  
 prospicere debemus, ne ipse lædatur. Lædit autem ani-  
 mum suum, qui odit alterum. Savisti in inimicum tuum,  
 te saviente ille nudatus est, tu iniquus es factus, multum  
 interest inter nudum, & iniquum, ille perdit pecuniam,

L. 3

in in-

[1] Ser. 2. de Ira. c. 10.

[2] Conc. 3. in Ps. 30.

in innocentiam; &c. inter Philosophos legendus est Seneca, qui causas odiorum rejicit in cupiditates, quæ si moderentur, cessabunt odia.

Circa causas odii solet quæri, an omne odium nascatur ex amore.

Resp. affirmativè cum Scoto, [1] quia omne nolle præsupponit aliquod velle: à nullo enim refugio, nisi quia non potest stare cum aliquo, quod accepto tanquam conveniens: & S. Thomas id probat tum ex D. August. [2] dicente, quòd omnes affectiones causantur ex amore, & ideo oportet in quolibet considerare prius, quid ei conveniat, quàm quid ei repugnet, per hoc enim aliquid est repugnans alteri, quia est corruptivum, vel ejus impeditivum quod est conveniens; unde necesse est, quod amor sit prior odio, & quod nihil odio habeatur, nisi per hoc, quod contrarietur convenienti, quod amatur, & secundum hoc omne gaudium ex amore causatur. Credo tamen id per se verum esse, saltem præsuppositivè, & virtualiter, non autem formaliter; quasi verò semper debeat præcedere amor formalis, & explicitus circa bonum; potest enim objectum primò proponi appetitui ut malum in se, & ut tale odiri, licèt nullus præcesserit actus formalis amoris circa bonum oppositum, sed tamen illud odium virtualiter saltem continebit illum amorem.

Quæres 2. An odium sit formaliter volitio, vel nolitio, seu persecutio carentiæ mali, an verò actus positivus nolitionis, quæ terminetur directe in malum illud disconveniens; v. g. an odium doloris sit volitio carentiæ doloris, an verò nolitio directa doloris.

Resp. quòd licèt id ita contingere possit, ut quis directè velit negationem doloris, & ita est de aliis malis, tamen nolle positivum odii videtur directè terminari in malum, v. g. in dolorem, & ratio est, quia sicut amor boni tendit positivè in bonum, licèt inferat negationem contrarii, scilicèt mali; ita odium tendit ex se in malum per nolitionem ejus positivam, licèt etiam inferat volitionem carentiæ illius. Sic possum odire inimicum, licèt non velim carentiam, seu mortem eius; nec semper cogita-

mus

[1] 2.d.6.q.2.A.n.4.

[2] 1.2.7.22.A.2.

mus expresse de ulla remotione mali; cum illud refugimus.

Confir. Nam actus odii in appetitu respondet actui negationis in intellectu: sicut actus amoris respondet affirmationi; sed in intellectu datur actus negationis, qui est positivus absque ulla affirmatione; ergo & in voluntate actus positivus odii, seu nolitio- nis sine ulla volitione.

Dices, Odium est actus potentiae appetitivae; ergo debet esse appetitio: prob. conf. omnis actus appetitus debet esse appetito, sic omnis actus intellectus debet esse cognitio.

Resp. dist. ant. est actus appetitus, prout ut ea potentia sic nominatur à nobiliori actu, qui est prosecutio, cone. ant. quasi verò ea potentia non habeat alios actus, quàm prosecutionis, neg. ant. nam per eandem potentiam, qua prosequimur bonum, debemus posse refugere malum, licet nomen appetitus videatur significare solum prosecutionem.

Quæres 3. *An amor sit fortior odio.*

Resp. cum distinctione: nam appetitively amor est fortior, intensive odium potest esse fortius ob rationem allatam ex Scoto, & D. Thoma: nam cum odium, & nolle mali nascatur ex amore, seu ex velle, amor debet esse fortior odio; nullus enim effectus superat causam suam, juxta illud, *Propter quid unumquodque tale, & illud magis*. Dixi appetitively, nam quoad intensionem actus sæpe odium est fortius; nam experimur, nos fortius moveri, & agere, ut repellamus dolorem, quàm ut voluptatem assequamur.

Quæri etiam posset circa objecta odii, *an possit quis odisse Deum, aut se ipsum, aut veritatem*: De se ipso videtur id juberi in Evangelio, *Qui non odit patrem, & matrem, adhuc ansem & animam suam, non potest esse meus discipulus*, inquit Christus Dominus, & jubemur Deum supra nos diligere. Item certum est, aliquos sibi mortem optasse, & intulisse, ut vitarent dolores, & infamias. Item plures se morti exponunt pro amicis, quod summum est amoris facinus. *Majorem enim charitatem nemo habet, quàm ut animam suam ponat quis pro amicis*.

Denique generaliter docuimus, non posse amari

malum ut malum, nec odiri bonum ut bonum; ergo in Deo, in nobis, & in veritate apprehendi possit aliqua ratio mali, nihil prohibet saltem ex errore, vel motivo præfixo ea odiri. De Odio satis.

## Q U Æ S T I O VI.

*De concupiscentia; seu desiderio, & fuga.*

**J**Am patet ex dictis, *Desiderium* esse amorem, sed boni absentis, & ita est de *Fuga* respectu mali, scilicet est quod dam odium mali absentis. Illud etiam solet appellari *cupiditas*, seu *concupiscentia*, & *libido*, licet in significatis propriis harum vocum sit aliqua differentia, & sæpius voces istæ posteriores sumantur in malam partem, & pro vitiis, maxime appetitus sensitivi; *Desiderium* verò dicitur magis indifferenter in bonum, & malum, sed tamen etiam in Scripturis sacris vox *concupiscendi* sumitur in bonam partem; *Concupivit anima mea desiderare; concupiscit, & deficit anima mea in atria domini*: sed communius sumitur pro appetitu circa bonum delectabile. Dividitur ut amor, & odium, in bonum, & malum, in naturale, animale, & rationale, &c. ita est de *Fuga*. Similes habent causas tam efficientes, & extrinsecas, quam subjectivas, & remedia, si quæ singularia videbuntur addenda, breviter dicemus.

Rursus *desiderium* aliud est *efficax*, quo intendens se determinat ad media, quæ certa, & infallibilia putat, ut rem consequatur, & *inefficax*, quo desideratur quidem aliquod bonum, non tamen absolute, sed resolute, ideo non applicantur remedia necessaria ad consequendum.

## C O N C L U S I O.

**D***esiderium* sufficienter describitur passio potentia appetitiva, qua fertur in bonum cognitum absens; *Fuga* verò, seu abominatio est passio ejusdem potentia, qua malum absens declinat.

Prob. 1. ex Scoto, [1] qui docet, quod actus desiderii  
ria

[1] 1. d. 1. q. 4. n. 6.

*rii est respectu non habiti, quo viator iustus appetit Deum actu concupiscentiæ, & loquens de spe Theologica dicit, quod est velle non absolute, sed absenti; Deus enim est absens viatori: & comparans actus desiderii, & amoris, ait, quod actus desiderii, qui est respectu absenti, est remissior illo, qui est respectu præsentis, quem August. vocat amorem, & actus amoris est perfectior intensivè, quietat enim voluntatem eo modo, quo actus desiderii non potest eam quietare; ergo ex Scoto, [1] desiderium est circa bonum absens, & per eandem rationem fuga, quæ illi opponitur, est circa malum absens.*

Prob. 2. ratione ordinaria, quia scilicet sic explicatur natura horum motuum per verum genus, & veram differentiam sine superfluitate. Nam cum dicitur, *passio potentiæ appetitivæ circa bonum cognitum*, convenit cum amore, & aliis, & hæ particule sunt loco generis: per *bonum absens*, differt ab amore, qui est circa bonum absolute, & à gaudio, quod est circa bonum præsens, & possessum, & similiter Fuga distinguitur ab odio.

Objic. 1. Scotum, [3] qui videtur docere positivè, quod *desiderium est etiam respectu habiti*, unde & de Deo à sanctis Angelis jam habito dicitur, in quem desiderant Angeli prospicere: & ideo concludit, quod finis movet in quantum amatum, & in quantum desideratum; ergo ex Scoto malè definitur desiderium esse circa bonum absens, aut sibi contradicit.

Resp. neg. conf. vel dist. ant. *desiderium naturale*, & late sumptum pro qualicumque inclinatione in bonum, conc. ant. *desiderium propriè*, & ut actus elicited, vel passio sequens cognitionem boni, neg. ant. & conf. Scotus loquitur in primo illo loco de desiderio innato cuilibet homini, quo desiderat scire, quia, inquit, *desiderium naturale non corrumpitur habito volito*, explicans illud Philosophi, [4] *Omnis homo naturaliter scire desiderat*; Propositio, inquit intelligitur de homine secundum se considerato, sicut anima de se semper est nuda ab omni cognitione; & sic est verum, quod omnes scire desiderant, quia non

L 3

amues

[1] I.d.1.q.5.n.6.

[2] Quodl. 18.B.n.2.

[3] 12.Metaph.n.40.I.Petri. [4] 1.met.9.1.n.8.

omnes homines sciunt, seu non habent scientiam secundum se considerati.

Ad locum D. Petri respondet ipse Scotus, quod desiderium est respectu habiti, ne generetur fastidium, sicut dicit Glossa. . . . Illa Glossa loquitur de desiderio, quod est actus elicited, & illud forte non manet cum desiderato: & id confirmat ex August. Appetitus hians fit amor tenentis; sed dubitat, an illa mutatio desiderii in amorem, cum bonum cupitum tenetur, fiat, sicut imperfectum fit perfectum idem manens in substantia; an quod desiderium corrumpitur, quia est sicut actualis motio, quæ corrumpitur adveniente termino? Dubium est.

Inst. Potest desiderari perseverantia rei possessæ; ergo potest desiderari res ut præsens.

Respondeo dist. conf. potest desiderari res præsens, & possessa sub aliqua ratione, sub qua non est præsens, conc. conf. sub eadem ratione, sub qua est præsens, neg. conf. non est autem præsens, nec possessa secundum illam perseverantiam, & prorogationem, sed futura.

Objicies 2. Illa ratio absentis, vel presentis est accidentaria, & extrinseca bono, quod est objectum amoris, sed ratio pure accidentalis, & extrinseca non sufficit ad diversitatem specificam passionum, vel actuum; ergo vel amor, & desiderium non distinguuntur specie, vel aliunde provenit distinctio, quam ex absentia. Prob. min. ratio specificans debet esse intrinseca; & substantialis; ergo ratio extrinseca, & accidentalis non sufficit.

Respondeo neg. min. & rationem ejus; nam sicut arduitas, & facilitas, quæ sunt accidentales bono, sufficiunt ad distinctionem passionum irascitivarum à concupiscitivis; ita & ratio absentis superaddita bonitati sufficit ad distinctionem specificam actuum, vel passionum amoris, & desiderii, maxime quia desiderium non respicit præcisè bonum ut absens, sed adhuc ut acquisibile, maxime si sit efficax; Adde tendendi modum diversum, quæ diversitas oritur ex absentia; nam amor respicit absolute bonum in se; desiderium verò tendit in illud secundum suam acquisibilitatem, quæ supponit absentiam.

Sic etiam possunt usurpari, & dividi cupiditas, libido,



*libido*, seu *desiderium*, ut coincident cum aliis passionibus, & vitiis; est enim *libido habendi*, inquit August. [1] *quæ ira dicitur, est libido habendi pecuniam, quæ Avaritia, est libido quomodocumque vincendi, quæ Peruicacia, est libido gloriandi, quæ Fastidia nuncupatur, sunt multe, variaeque libidines, quarum nonnullæ habent etiam propria vocabula, quædam vero non habent.*

Inter proprietates cupiditatis notatur infinitas ex Phil. [2] ob inexplebilitatem appetitus, & maxime voluntatis voracitate, nec enim satiatur oculus visu, nec auris auditu, at in solo Deo reperitur satietas. [3] *Satiabor cum apparuerit gloria tua, cum enim creata omnia bona sint in se limitata, non satiant appetitum rationalem & inde arguitur infinitas cupiditatis.* Item ex eo quod una cupiditas alteri satiatæ, aut lassatæ, seu exhaustæ succedit; *Intuentes enim hominum conversationem sæpe experti sumus in quibusdam, lascivia compressa, crevisse avaritiâ, inquit August. [4] nam sicut in ipsis sensibus corporis acutius audiunt, qui non vident, & tangendo multa discernunt, nec tanta vivacitate tangunt, qui oculis utuntur.* Ita etiam sæpe carnalis cupiditas à concumbendi voluptate cohibita majoribus viribus in pecuniæ se porrigit appetitum.

Ortus, & causa, seu parentes desiderii dicuntur Penuria, & copia, ut ex Platonis [5] fabula scribit Origenes, quatenus penuria premit, impellit, & copia boni absentis, quæ obijcitur consequenda, allicit, & sic ex utraque generatur desiderium adipiscendi bonum, quod deest, & hoc bonum si solidum est, ac verum, legitima est concupiscentia, si apparens, & falsum, erronea, & perversa. Item nisi ex desiderio applicentur idonea media, & legitima, vitiat.

Effectus non bonos sic describit Philos. [6] *Omnes perturbationes animi graves sunt, concuantes, & demerentes ab ingenio, suavitatemque pristina, sed nulla æque nocet, ac concupiscentia, quamobrem aliæ videntur extrinsecus inuitis, & insciis obrepere, hæc verò sola in.*

L. 6.

la. in.

[1] 14. de civit. c. 15.

[2] 1. Polit. c. 6. [3] Ps. 16.

[4] de bono viduit. c. 21.

[5] 1. con. Cel. [6] in decal.

la in nobis oriri, & quidem volentibus; quoties aliquis de bono agente cogitans habere id cupit, in longum animam porrigit, extendens eam, ut possit rem amatam attingere, tanquam in orbiculari machina semper sequendo, numquam assequendo; quod spectamus in cursoribus, quando præcurrentem tardior pertinaciter insequitur. Vides, primum effectum desiderii esse, quod animam vexat, & distendit, & ideò durius, quod longius differtur consecutio cupiti: nihil enim æque amarum, quàm diu pendere; equiore quidem animo ferrent præcidi spem suam, quàm distrahi, aiebat Seneca. [1]

2. Ex difficultate consecutionis acuitur vis desiderii, & industriæ, & quæ in promptu sunt, vel fastidiuntur, vel frigide cupiuntur. Imò & in vetita exardescit appetitus ( & patuit in Eva, quæ unum vetitum inter tot permissa poma concupivit) & velut repagulis prohibitionis coercitus tantò ægrius fert obstaculum quantò est amantior libertatis:

Vile est, quod licet, & animus errore lentus injurias diligit ( canit Poeta [2] Petronius) Ales Phasiacis petita Colchis, atque aliæ volucres placens palato, quod non sunt faciles, ut anser, & pictis anas enovata pennis plebejū sapit; ultimis ab oris attractus scarus, atque arata Syriis si quid naufragio dedit, probatur. Mulus jam gravis est, amica vincit uxorem, rosa cinnamum veretur. Quidquid queritur, optimum videtur... Nolo quod cupio statim tenere; nec victoriam cui placet parata. Hinc cum nollent Christiani tempore S. Cypriani [3] abstinere à spectaculis dicentes, nullibi hoc prohiberi in Scripturis, respondit, Veritas si ad hæc usque descenderet, pessimè de fidelibus suis sanxisset; nam & in præceptis quædam plerumque utilius tacentur... admonet sæpe, dum interdum; adeò vetum est, quod ex prohibitione accenditur desiderium. Nitimur in retium semper, cupimusque negata.

3. Dicitur desiderium esse omnis mæstitiæ, & inquietæ agitationis nostræ unicum principium; namque ( cupiditate ) accensi nonnulli, qui præsen-

[1] 2. de benef. c. 5.

[2] in satyr.

[3] Ib. 2. de spectac. n. 4.

sum rerum inexplebiles sunt, nunquam concupiscere desinunt, sed si duplum quidpiam habent, triplum illico student accipere, triplum nacti quadruplum appetere incipiunt; qui quidem nunquam sibi proponunt eos, qui pauciora possident, sed illos tantum, qui plura, quos etiam superare conantur. [1] Sic cupiditatis labores ex insatiabilitate illius sunt. Numquam [2] improba spei, quod datur satis; eò majora cupimus, quò majora veniunt, &c. Unde [3] nisi ratio philosophica, seu bonus Medicus cohibeat diffundentem se concupiscentiam, vitam perturbabit necessario: cuncta enim sine exceptione subjiciuntur huic vitæ, sed nunquam magis insanit, quam cum nacta est licentiam, quando in omnibus facit omnia.

Hinc cohibitio cupiditatis necessaria homini amanti quietam, innocentemque vitam, ad quod innumera suggerunt Patres, & Philosophi remedia, quæ facile ex enumeratis effectibus malis cerni possunt. His adde, si velis, considerationem vanitatis, & caducitatis eorum, quæ cupis; pericula, & labores in iis non solum acquirendis, sed & servandis, amœnitatem quietis ab illis curis, & anxietatibus &c. Lege Senecam. [4] Quantumcumque est, satis erit, si quidquid deerit, id à nobis petierimus: nihil enim, mi Lucili, interest, utrum desideres, an habeas; summa rei in utroque est eadem. Non torqueris, nec illud præcipio, ut aliquid naturæ neges; contumax est, non potest vinci, suum poscit, sed ut quidquid naturam excedit, scias precarium esse, non necessarium. Esurio? Edendum est; utrum hic panis sit plebejus, an filigineus, ad naturam nihil pertinet; illa ventrem non deletari vult, sed impleri. Sitio? Utrum hæc aqua ex lacu sit proximo excepta, an ea, quam multa nix clusero, aut rigore refrigeretur alieno, ad naturam nihil pertinet; illa hoc unum jubet, sitim extingui; utrum sit aureum poculum, an Chrysellinum, an myrrhinum, an calix ziburtinus, an manus concava, nihil refert, &c. Ambitiosa non est fames, contenta desinere est, quò desinat non nimis curat, infelicis luxuriæ ista tormenta sunt; querit, quemadmodum post saturitatem quoque esuriat quem-

[1] Galenus.

[2] Senec. cit. c. 27.

[3] Philo. cit. [4] Ep. 119.

quemadmodum non impleat ventrem; si satiety: sitim: prima potione quærit quemadmodum sedatam revocet, &c. Vides in ipsis cupiditatum satisfactionibus, & quiete laborem æque, ac in ejus insatiabilitate, & deordinatione, &c.

De Fuga, seu Abominatione nihil restat dicendum, quod ex dictis de cupiditate, seu desiderio non liqueat per contraria. Ad odium comparatur, sicut desiderium ad amorem; respicit malum absens tam præteritum, respectu cuius dicitur detestatio, quàm futurum, respectu cuius dicitur Fuga.

Dices. Fuga est in appetitu sensitivo; sed iste non percipit futurum; ergo fuga non est de malo futuro. Prob. min. quia sensus est tantum circa præsens; aut præteritum.

Resp. neg. min. & prob. ejus, nam, ut videbimus de timore, phantasia etiam habet aliquas apprehensiones futuri.

Dices 2. Appetitus non est de impossibili; sed detestatio, seu fuga præteriti est de impossibili; ergo illa passio non est in appetitu. Prob. min. quia impossibile est non esse quod fuit; sed detestatio præteriti deberet velle, ut, quod fuit, non fuerit; ergo est de impossibili.

Resp. dist. maj. appetitus, aut velle efficax, & absolutum, conc. maj. & neg. min. inefficax, & conditionatum, neg. maj. & conf. Nam inquit Doctor, Angelus potuit appetere æqualitatem Dei (& sic peccavit) quam sibi inesse posse scivit esse impossibile: & ex Philosopho, [1] aliquis potest velle esse immortalis; quando ergo detestatio est de peccato, sensus est, quod vellem non peccasse, & si esset possibile, vellem peccatum non fuisse. Sed de hoc ubi de poenitentia.

QUÆ

## Q U Æ S T I O VII.

*De gaudio, seu delectatione, & tristitia,  
seu dolore.*

**D**electatio dicitur etiam *gaudium*, *voluptas*, *exultatio*, & *fruitio*, & passio illi opposita dicitur *tristitia*, & *dolor*; sed aliqui distinguunt illa; nam *gaudium*, & *tristitiam* ponunt in solo appetitu rationali, *delectationem* verò, seu *voluptatem*, & *dolorem* in sensitivo; sed quaestio est de vocibus, quæ reperiuntur promiscuè; & indifferenter usurpatæ. Propriè verò *gaudium* est passio animæ consequens amorem intensum de objecto amato; *laetitia* designat motionem, seu dilatationem cordis, seu virium internarum, & dicitur quasi *laetitia*, quia animam latam facit, vires fundens interiores; *Exultatio* designat motum exteriorem à corde in partes externas prodeuntem; estque velut *extra-jactatio*. *Delectatio*, ex Scoto, [1] est passio appetitus, *dilectio* verò, quam supponit, est actio ejusdem, & in aliquo sensu idem significat cum *fruitione*, in alio differunt; sed monet cum August. quod de vocabuli significato non est contendendum.

Idem dicendum est de *tristitia*, & *dolore*; in aliquo sensu idem significant: sed tamen propriè *dolor* est in parte sensitiva, estque passio appetitus sensitivi ab objecto disconveniente, seu offendente, & lædente carnem causata prævia cognitione. *Tristitia* verò est appetitus intellectivi ab objecto disconveniente, & subsequens actum nolendi, ut docet Scotus infra cit. post August. *Delectatio* alia dicitur *naturalis*, seu *animalis*, quæ sequitur apprehensionem sensitivam, qualis est in brutis; alia *humana*, seu *rationalis*, quæ sequitur cognitionem intellectivam.

*Naturalis* etiam dicitur illa, quæ est ordinata, seu de bono vero, v. g. de bono, & regulari cibo, & opponitur *innaturali*, quæ provenit non tam ex bono, idoneo, & conveniente naturæ, quàm ex depravatione appetitus, ut si quis delectetur ex esu carbonis.

C O N.

[1] I. d. 2. q. 3. n. 8. &amp; in rep. ibid.

## CONCLUSIO

**G**audium, seu delectatio est passio appetitus concupiscibilis ex bono, seu convenienti amato presente: Dolor vero, seu tristitia est passio ejusdem appetitus ex malo, seu disconvenienti, & existente.

Prob. 1. p. 1. ex Scoto, [1] qui ut vidimus, docet ubique, delectationem, seu gaudium distingui realiter à dilectione, quia, inquit, dilectio elicitur à voluntate realiter; delectatio est ab objecto delectabili. Unde sicut objectum sensibile est causa delectationis in appetitu sensitivo, ita objectum conveniens intelligibile, sive bonum causat delectationem in appetitu intellectivo: & quod in voluntate dilectio immediatius sequitur apprehensionem, & mediata, scilicet mediante dilectione, sequitur delectatio: & quod delectatio est quasi perfectio accidentalis ipsius operationis, sicut pulchritudo est perfectio accidentalis juventutis, &c. Item quod delectatio in beatis perficit voluntatem, prout est passiva; dilectio vero, seu fructio, prout activa, seu elicitiva; & sic delectatio concomitatur beatitudinem, quæ est operatio, & gaudium, sive delectatio, quæ est passio, & magis concomitatur beatitudinem, quam securitas, &c. Unde delectatio quietat voluntatem, ut est susceptiva passionum, &c. Vides ex Scoto esse passionem in appetitu concupiscibili causatam ex objecto amato, & presente, seu adeptio, per quod differt ab amore, & desiderio.

Dixi, ex bono conveniente amato, quia nisi appetitus inclinaretur per amorem innatum, vel elicitedum ad objectum, non perficeretur ab ejus præsentia, & si nullam perfectionem ab eo acciperet, non delectaretur ex ejus approximatione; sicut nec tristaretur, nisi appetitus aversaretur illud, quia non læderetur. Ex approximatione sequitur, quod illud, quod inclinatur, recipiat à perfectivo illo, ad quod inclinatur, aliquam perfectionem, quæ dicitur delectatio. Certè mel quantumcumque dulce non delectat abhorrentem, ita est de tristitia circa amaritudinem amatam.

Prob.

[1] Repor. 11. d. 3. q. 3. n. 6.

Prob. 2. ex eodem [1] pro dolore, & tristitia, quia absolutum (scilicet appetitus) quod inclinatur ad absolutum conveniens (scilicet ad bona) declinat ab absoluto corruptivo, quod dicitur disconveniens, ut refertur ad potentiam, & si secundo sequitur approximatō, tunc teritiō sequitur ex hoc impressio huius passionis, quæ est dolor, quæ est contra inclinationem ipsius recipientis, &c. Item tam dolorem, quam tristitiam definit, & eorum differentiam explicat cum Aug. [1] Dolor carnis est tantum offensio animæ ex carne, & quadam ab eius passione dissensio; sicut animæ dolor, qui nuncupatur tristitia, est ab his rebus, quæ nobis nalenibus accidunt; dissensio ex hoc apparet, quod dolor est passio consequens apprehensionem sensitivam, & in appetitu sensitivo; tristitia verò est proprie in appetitu intellectiva, aut in voluntate, & consequens apprehensionem alicujus objecti noliti.

Prob. 3. Quia sic explicatur harum passionum natura per vera earum genera, & differentias. 1. passio appetitus concupiscibilis, per id conveniunt cum amore, & odio, desiderio, & fuga, & distinguuntur ab aliis, quæ sunt in irascibili. 2. ex bono convenienti, seu amato, & præsentē, vel ex disconvenienti, & sic differunt à quatuor prædictis ob rationes allatas; scilicet amor, & odium sunt de malo, & bono secundum se; desiderium, & fuga de bono, & malo futuro, seu absente: 3. amato, & nolito, quia non sufficit ad delectationem, ut bonum sit præsens, sed debet amari per amorem innatum, aut elicatum; neque enim propriè gaudemus de iis, quæ indifferenter videmus, vel attingimus, nec tristamur de volitis, licet aliōqui non sint bona, imò possint esse ex se nociva; unde si dæmones non haberent nolle intensissimum circa locum, & ignem inferni, hæc non inferrent illis præcisè, & per se tristitiam, inquit Doctor. [2]

Obiectiones contra utramque partem sunt resolutæ supra, ubi sustinuimus, eas non esse operationes.

Objic. Præterea. Dæmon se habet præsentem ad multa bona; & multas naturales perfectiones non amisit, & posset in eis delectari, si ad delectationem

nem

[1] 4. d. 44. l. 7. A. n. 5.

[2] Ibid. n. 11. q. 15.

nem sufficeret præsentia boni amati; sed cons. est falsum; ergo non benè explicatur natura hujus passionis. Seq. maj. patet. Nam potest amare se, & illas perfectiones, & in eis sibi complacere. Prob. min. quia si haberet aliquam delectationem, non esset perfectè miser, nec damnatus.

Resp. dist. maj. posset delectari, nisi aliunde impediretur, conc. maj. & neg. min. si impediatur aliunde, neg. maj. & cons. nam licèt remanserint plura naturalia in dæmonibus, in quibus possent delectari, & sibi complacere, quantum est ex parte obiectorum, & natura voluntatis, tamen ex vehementia summa aliorum malorum non sunt capaces hujus gaudii; sicut in sensibus vehementia dolorum absorbet sensus, ac impedit, seu præoccupat omnem sensibilitatem tum ad minores dolores, tum ad delectationes omnes; ita à fortiori in dæmonibus. Au autem tam puræ sint miseriæ, & tristitiæ dæmonum, ut nullius prorsus gaudioli sint capaces; v. g. cùm inducere potuerunt hominem ad peccandum, & ex damnatione hominum, &c. non est hujus loci; videtur Scriptura agnoscere in illis aliquod gaudium ex malis nostris, cùm dicit, *Ne forte supergaudeant mihi inimici*; videtur enim hoc intelligi de gaudio dæmonum in perditione animarum; sed de hoc aliàs.

Objic. 2. Sæpe gaudemus, aut tristamur de absentibus, præteritis, futuris; ergo falsum est, *gaudium, & tristitiam esse passiones ex malo, vel bono præsentis causatas*. Prob. min. nam possumus lætari, aut tristari non solum de præteritis, ut cùm spes beatitudinis, aut alterius boni lætificat, aut prævisio, vel timor venturi mali affligit, & de præteritis, ut cum delectamur, vel tristamur recogitantes *annos nostros in amaritudine animæ nostræ* per poenitentiam, sed etiam de impossibilibus, ut Lucifer de imaginata, & cupita æqualitate Dei.

Resp. dist. ant. de absentibus, præteritis, & futuris realiter, sed præsentibus objectivè, con. ant. de absentibus purè, & nullo modo præsentibus, neg. ant. ea omnia, quæ delectant, vel affligunt, existunt saltem objectivè, & sic effectus reales intentionales causant, quales sunt istæ passiones. Igitur sæpe



sæpe gaudemus, vel tristamur de bonis; aut malis per solam inaginationem præsentibus, imò & de impossibilibus, ut cum quis gaudet, & sibi complacet putans se esse Regem; aut Papam, aut de iis, quæ faceret, si esset Rex, aut Papa.

Init. Gaudemus etiam, aut tristamur de actibus; ergo sola objecta non causant eas passiones. Prob. ant. possum gaudere de cognitione, & scientia, imò & de ipso actu, & motu delectationis, ut docet Scotus; nam tristamur de peccatis commissis.

Resp. neg. conf. nam tunc ipsimet actus, de quibus delectamur, aut tristamur, habent rationem objectorum.

Objic. 3. Si gaudium, & delectatio essent puræ passionis ab objectis causatæ, non essent bonæ, vel malæ moraliter; sed falsum conf. nam sæpe in delectationibus, & tristitiis est meritum, vel peccatum; sæpe ex iis laudamur, aut reprehendimur; si delectamur in Deo, meremur; si in rebus malis, peccamus. Prob. maj. non essent nobis liberæ, sed venirent penitus ab extrinseco; ergo non essent bonæ, aut malæ moraliter.

Resp. dist. maj. non essent bonæ, aut malæ formaliter directè, & immediatè, conc. maj. & neg. min. mediatè, & materialiter, neg. maj. & conf. similiter distincto ant. prob. nam licet delectationes causentur in nobis ab objectis, quæ agunt in nobis naturaliter, & non liberè, tamen in libertate nostra est velle, aut nolle, placere, aut displicere, perseverare, aut cessare, ac divertere mentem ab illis objectis, & passionibus, ut patiet exemplo supra citato ex Scoto [1] de muliere per vim corrupta, quæ non solum non peccat, si quam insensibus patitur invita delectationem, sed etiam meretur per actus internos detestationis de complacentia, si quæ obrepserit. *Delectatio non est prava, inquit Doctor, nisi quia actus, ad quem sequitur, est pravius: nec delectatio est in potestate delectantis, nisi quia actus est in potestate agentis.*

Igitur cum primum percipitur aliquod bonum, v. g. cibus, ut bonus, amat illum appetitus, & si abest, maxime si fames urget, à simplici amore transit.

[1] 1. d. 9. 3. B. n. 4.

sit ad desiderandum illum, donec habuerit; habitus verò, & gustatus delectat sensum gustus, & deinde per internum sensum transit delectatio, & ejus perceptio in intellectum, qui eam proponit voluntati, ut honestam, vel inhonestam, & sic voluntas liberè adhæret, vel abhorret, & sic vel peccat, vel meretur. Idem est de delectationibus purè spiritualibus quantum ad ordinem, & illud præcipuè in istis considerandum, quòd cum ex amore libero procedant, ac sequantur veluti quædam consequentiæ ex præmissis, aut affectus ex causis, tunc possunt dici liberæ, & bonæ in causa sua, ac etiam ex consequenti reflexione, & complacentia: v. g. ex amore Dei libero nascitur delectatio in eodem objecto, & rursus voluntas potest hanc approbare delectationem.

Circa gaudii subjectum supposito rigidiori usu talis vocis, quòd scilicet sit propriè passio animæ, & de bono ut honesto, certum est, solam creaturam rationalem, scilicet hominem, & Angelum esse talis passionis capaces; sed delectatio videtur etiam convenire brutis, in quibus tamen animam veneream reperiri putat Lactantius. [1] Cætera animantes præter unam voluptatem, quæ ad generandum pertinet, nullam sentiunt, inquit, utuntur ergo sensibus ad naturæ suæ necessitatem; vident, & appetunt ea, quibus opus est ad vitam tuendam, audiunt invicem, seque dignoscunt, ut possint congregari; quæ utilia sunt ad vitam, aut ex odore inveniunt, aut ex sapore percipiunt, inutilia respuunt, aut recusant, edendi, ac bibendi officium ventris plenitudine metiuntur: homini verò solertissimi artificis providentia dedit voluptatem infinitam, & in vitium cadentem, quia proposuit ei virtutem, quæ cum voluptate semper tanquam cum domestico hoste pugnaret.

Causæ sunt eadem cum aliis, proportionem servata. *Materialis*, & *effectiva* est bonum, ut cognitum, & amatum; *subjectiva* est appetitus concupiscibilis sive animalis, & sensitivus, sive rationalis, seu voluntas.

Objectum necessarium est bonum amatum, & possessum, quod quò purius, ac nobilius est, seu excellentius, eò purior, ac defecator est delectatio, sive excellentiam physicam, sive moralem spectes; nam cum cui  
libet

libet potentia cognoscitiva respondeat suis appetitibus, & gustus, quod nobilior, & altior est illa potentia, & bonitas per illam repræsentata, eò purior, & sublimior est delectatio: sic interna præstat externis sensui, & rationalis præstat sensitivæ internæ. Inter sensitivas autem prima est in oculis, & ultima in tactu, quam solam in brutis admittebat Lactantius citatus.

Objecta, seu causæ necessariae sunt. 1. *raritas*, novitas, atque longa expectatio; constat enim, quod pauci delectantur bonis, quæ cumulatè ordinariè, & sine labore, & sponte veniunt. [1] *Spes*, quæ differtur, affligit animam, desiderium veniens lignum vite, ut, si significet rem diu, aut vehementer desideratam, cum obtinetur, inexplicabili suavitate afficere appetitum, ideo addit, *expectationem præstolantis esse gemmam gratissimam*, id est rem anxie expectatam, cum obtinetur, esse velut gemmam pretiosissimam: canitque Poeta, *gratior est fructus, quem spes productior edit*; ultrò objectorum vilius est pretium.

2. Ob eandem rationem non mediocriter augetur gaudium ex labore impenso in re consequenda, aut si deperditam recuperamus absterfo sudore, & mœrore. Quid igitur anima? nonne amplius delectatur inventis, aut redditis rebus, quas diligiti, quàm si eas semper habuisset? docet Aug. [2] contestantur enim & cetera, & plena sunt omnia testimoniis clamantibus, ita est. *Triumphat victor imperator, & non vicisset, nisi pugnasset, & quantò majus fuit periculum in triumpho, &c.* affertque exempla de homine, qui ex lethali morbo salvus magis lætificat amicos, quàm dum sanus vivebat. Sic edendi, & bibendi nulla voluptas est, nisi præcedat esuriendi, & sitiendi molestia. Et ebriosi quadam saltuscula comedunt, quò fiat molestus ardor, quem dum extinguit potatio, fit delectatio. Hoc in turpi, & execranda latitia, hoc in ea, quæ concessa, & licita est: hoc in ipsa sincerissima bonestate amicitia, hoc in eo, qui mortuus fuerat, & revixit, perierat, & inventus est, ubique majus gaudium molestia major præcedit. Sic notat Chrysost. [3] Petram, quæ in deserto percussa fudit aquam Israelitis post diram sitim.

VOCÆ.

[1] Prover. 13. &amp; 17.

[2] 8. Confess. c. 3.

[3] Hom. 2. ad pop. &amp; Ps. 80.

vocari in Psalmis Petram mellis. Certum enim est non fudisse mel, sed aquam puram, sed, præ suavitate dicitur *Petra-mel*. Denique bonum insolitum *plus amatur*, & sequenti gaudio confert dulcedinem præmissæ tristitiæ, inquit Cassiodorus.

3. His adde *varietates, ordinem, pulchritudinem, honores, laudationes, laborum præteritorum recordationem*, &c. quæ omnia docet quotidiana experientia. Ad gaudia proniores esse docet Fracastorius illos, qui bene sani sunt, & multo abundant sanguine, eoque dulci, ac levi, non acri, aut bilioso, vel melancholico: hi ad lætitiâ nati videntur; cuncta ferè ut læta recipiunt, suntque ad societates, lusus, cantus, & spectacula, omneque hilaritatis genus propensi, quod maximè viget in junioribus. Effectus gaudii sunt insignes, & plurimi, Deus ut naturæ auctor quibusdam operationibus naturæ necessariis delectationes alligavit, velut condimentum, quo mortales ferrentur avidius in illas, & hoc est divinum, quod in omnibus reperiri notat Philosophus, [1] *Omnia, inquit, natura divinum quid habent, & illud est voluptas, quam omnes bestię, & homines sequuntur; id enim esse ipsum quodammodo optimum judicat, & ob id fortè in voluptate summam hominis felicitatem collocarunt plurimi.*

Inter particulares effectus notantur *risus*, qui communiter habetur ut signum lætitiæ. 2. *dilatatio cordis*, quia in gaudio sanguis à corde in partes vicinas, & exteriores diffunditur; ipsumque velut amplexurum bonum dilatatur. 3. *Sanitatem auget*, vel conservat, quia expellit curas, & anxietates, ac melancholicos, tetroque humores, qui optimè corporis complexionem obsunt, remanentque puriores spiritus; [2] *Cor gaudens exhilarat faciem, in marore animi dejectus spiritus, & spiritus tristis exsiccatur ossa.* 4. *excitat potentias ad agendum*, quia nisi, ut dicebam, in operationibus, maximè in naturalibus, adjunxisset Deus delectationes, in iis torperent animalia. 5. *acuit desiderium*, maximè si est imperfectum, facit, ut ampliora cupiamus. 6. interdum etiam generat fastidium, & relinquit post se mœrorem, *Extrema gaudii luctus occupat*: & ut dicebat Tyrus,

optat

[1] 7.Ethic.13. [2] Prover.

optat, homo noctem post solem, famem, cum satur est, sitim, cum ebrius fuit. Quod si demas hanc vicissitudinem, voluptas quæ fuerat fit dolor. Hujus causa est caducitas, & imperfectio omnis boni creati, & mixtura mali, solus Deus est, qui semper delectat, & quod amplius, & diutius possidetur, ardentius desideratur, & dulcior sapit. In quem desiderant angeli prospicere: & sapientia divina de se ipsa dicit: [1] *Qui bibunt me, adhuc sitiunt, & qui edunt me, adhuc esuriunt*; sed in creatis nulla res est, quæ eadem semper suavis sit, quia simplex natura nostra minimè est, sed insitum diversum quid etiam habet, quo est corruptibilis; sed si alicujus natura simplex sit, ei semper eadem actio erit jucundissima: atque idcirco Deus semper unica, ac simplici voluptate gaudet. Et Christus, [2] *Qui biberit ex hac aqua, sitiet iterum: sed qui biberit ex aqua, quam ego dabo ei, non sitiet in æternum*. Imò non solum ex rebus, sed etiam ex parte nostra venit scilicet ex instabilitate, vel pravitare nostra, sicut enim homo pravus mutabilis est, ita etiam natura, quæ mutatione indiget.

6. Voluptas, & dolor sunt velut fontes, ex quibus nascuntur aliæ passionēs, & per circulum quendam sequuntur illas ipsas. Affectus omnes permixtos esse voluptate, & dolore ajebat Plato; quod sic Alcinous; [3] *Affectus omnium primi, & simplices, aliorumque quasi elementa duo sunt, voluptas, & dolor, reliqui ex his oriuntur*. Et Arist. [4] *Omniem perturbationem sequitur voluptas, & dolor*; Imò, & omnium actionum principium, atque virtutum. *Qui a corporis abstinet voluptatibus, hoc ipso gaudet; temperans est, si dolet, intemperans*. Rursus qui pericula subit, & gaudet, aut saltem non dolet, fortis; qui vero dolet, timidus est; moralis namque virtus circa voluptates versatur; ob voluptatem enim res improbas agimus, ob dolorem verò post habemus honestas; inquit Phil. [5] *Sine voluptate nulla esset virtus, aut langueret*. Hoc tantum dico, (ajebat Tyr. [6]) *Si quis virtutis voluptatem demat, eum vim ejus præcidere; nullum enim, si voluptas absit, petiitur honestum; nam qui laborem ex virtutis subit præscri-*

p10.

[1] Eccl. 24. [2] 2. Jo. 4. [3] In Phil. 60.

[4] in Tim. c. 24. [5] 2. Eschic. 4. [6] Diss. e. 35. n. 191.

pro, amore voluptatis aut presentis facit; aut fur-  
ura..., voluptatis causa; morbos aliquos, & vulne-  
ra, & labores, & sexcenta subit alia; quod latè pro-  
bat exemplis.

Delectationum remedia traduntur, cum de Tem-  
perantia disputatur. Et certè patet ex Phil. [1] mox  
citato, eam moderationem tantò magis esse necessa-  
riam, quantò difficilior est homini. Per se non est il-  
licita, sed cum vix in ejus appetitu mensuram teneamus ob innatam in eam propensionem, imò & pon-  
dus violentum, summo studio, & viribus enitendum  
in illa frenanda, *Bonus quidem vir circa hæc omnia  
rectè agit, malus autem peccat, & maxime circa vo-  
luptatem. Cunctis una cum hominibus ab ipsis incuna-  
bulis est enutrita. Quapropter arduum est hunc affe-  
ctum insitum vitæ extinguere. Porro non delectatio-  
nes per se dedecent, sed excessus; dico, per se, nec  
enim omnes omnibus licent. Quòd autem in excessu  
maximè dedeçant, & prohibeantur, convenit inter  
omnes tam Phil. [2] quàm Theol. quod, ut dicebam,  
difficile quidem est, sed absolutè necessarium; & hoc  
munus est virtutum moralium; Idcirco totum ipsum  
negotium circa hæc esse necesse est; non enim parum  
potest ad actus benè, aut malè gaudere, aut dolere;  
difficilius est etiam (ut Heraclito placet) voluptati re-  
sistere, quàm iræ: at circa difficilior semper ars, vir-  
tusque consistit; id enim, quod in hoc efficitur bene præ-  
stabilius est: quare propter hoc etiam circa voluptates,  
doloresque totum negotium est & ipsius virtutis, & ci-  
vilis etiam facultatis. Qui namque bene his utitur, bo-  
nus erit, qui vero malè, malus. Et, ut docent SS. Patres,  
Panem creavit Deus, tamen usus prohibetur immodi-  
cus. Vinum creavit Deus itidem, at eo immoderatè uti  
prohibuit.*

Gaudio moderando inserviet, si consideres 1. *levitatem*, seu caducitatem, & imperfectionem bonorum, de  
quibus est. 2. *instabilitatem* gaudiorum, sicut & bono-  
rum omnium creatorum. 3. nihil ea esse in considera-  
tione æternorum, quæ præparantur iis, qui lugent in  
hac vita, quibus tristitia pœnitentiæ convertetur in  
gaudium.

Juvabunt sequentes veritates, & regulæ. 1. quòd

[1] *Ibid.* [2] *Ibid.*

vir-

Virtus moralis precipue versatur circa tristitias, & gaudia, ut lætemur, & tristemur ad mensuram à recta ratione præscriptam. Ideò virtus definiri solet *rectæ compositio voluptatis, & doloris*.

2. Ex gaudio, & lætitia veniunt omnia ferme vitia, in quæ homines labuntur; scilicet ut ad gaudia nascimur proclives, & ex peccato fuit aucta hæc propensio, tum ex amissione iustitiæ originalis, tum ex debilitatione rationis, ac virtutis, sic præcipientes labimur in excessum *voluptatum*, si adsint objecta, aut ægrius, quàm par est, ferimur, si absint. *Mortales vitium penitus labuntur in omne præcipientes; facilis namque est, quæ ducit ad illud semita, quia nobis id vel nascentibus hæret.*

3. In omnibus maximè cavendum est à jucundo, [1] & à voluptatibus; non enim incorrupti iudicamus de ipsa. Scilicet ex præventionem, ac propensione nō æqui ejus iudices sumus.

4. Vir probus nihil debet agere ob solam voluptatem; Deus, inquit Plato, *hominibus sapientibus lex est, insipientibus voluptas*. Quod dictum sit contra Epicureos, & ratio est, quia virtus non est propter *voluptatem*, sed è contra *voluptas* propter virtutem.

5. Difficilius est pugnare cum *voluptate*, quàm cum ullis passionibus, etiam cum *ira*, ut ex Phil. dicebamus, quia quantumcumque esirēnis sit *ira*, *voluptas* ferocior est bestia. Ideò vocatur *magnus demon*, & eò vehementior, & formidabilior est, quò intimior, & nobiscum nata, & adulta, & quò suavius, ac latentius, & intimius, eò fortiùs infidiatur, & sævit.

6. *Voluptas* esirēnis non minùs, quàm dolor mentem à suo statu dimovet, quia ut iste rationis usum maximè præpedit; sic potentissimæ *voluptates* depravant appetitum. 1. enim distrahunt vehementer à rebus divinis, & rationabilibus ad externas, & animales. 2. quia delectationes corporeæ sunt contrariæ spiritualibus, & internis, & ideò dicuntur corrumpere existimationem prudentiæ practicæ. 3. quia propter alligationem animæ ad sensus delectabile præsens, quale est corporeum, magis afficit potentiam; quàm absens, qualia sunt spiritualia.

7. *Voluptate* dominante jacent præcipuæ virtutes,

Tom. IV.

M

quia

[1] Hesiod,

quia exiit hominem virili fortitudine, enervat, & emollit. Ideò Lacedæmonii dicti sunt viri, & Athenienses fœminæ, quia illi voluptates spernebant, isti sectabantur.

8. Denique gaudia, & delectationes hujus vitæ desinunt in dolores: [1] *Voluptas in præcipiti est, ad dolorem vergit, in contrarium abit, nisi modum teneat: quapropter momento transit voluptas non reditura, inquit S. Bernardus, manet anxietas non relictura.*

De tristitia nihil penè restat, nec videtur dici posse, quod non pateat ex dictis de gaudio; sic ad eam præparabat, & leniebat Seneca verbis Christiano Philosopho dignis: *Lato animo fer, quidquid acciderit, quasi tibi volueris accidere (quippe non solent displicere, quæ volumus) nam debuisses, si scisses ex decreto Dei fieri. Optimum pati, quod emendare non possis, & Deum, quo auctore omnia proveniunt, sine murmuratione comitari. Malus miles est, qui imperatorem gemens sequitur: Magnus animus, qui se Deo tradidit. In idem facit, quod docet Apostolus, [2] Eum recogitate, qui talem sustinuit à peccatoribus adversus semetipsum contradictionem, ut ne fatigemini animis vestris deficientes &c. Igitur non tam tristandum Christiano in adversis, quam gaudendum, quia desinunt in bona, & consolationes, quod accidit omnibus viris piis, teste eodem Apostolo, [3] quippe in multo experimento tribulationis abundantia gaudii illorum facit.*

Nullum efficacius motivum ad studendum moderationi tristitiæ, quam ejus atrocitas, & mali effectus, de quibus Tullius sic loquitur compendiosè: [4] *Cum omnis perturbatio miseria est, tum carnis scina est agritudo (sic vocat tristitiam) habet ardorem libido, levitatem locutia gestiens, humilitatem metus; sed agritudo majora quadam, iabem, cruciatum, afflictionem, foeditatem, lacerat, exest animum, planeque conficit. Eam sic describit S. Chrysost. [5] Tristitia animarum crudele tormentum est, dolor quidam inexplicabilis, & iudicium omni iudicio, vindictaque deterius. Nam & vermis est similis venenato, non solummodo carnem, sed & animam ipsam perimens, & vinea non solum*

ad

[1] Seneca. [2] Hebr. 12.

[3] 2. Cor. 8.

[4] Tuscul. 3. [5] Epist. 7.



ad ossa, sed ad corda pertingens, & perpetuus quidam carnifex, non animam dilanians, sed animæ vires consumens, & jugis nox, ac tenebræ profunda, & tempestas, & turbo; febris non apparens omni igni validius incendens, & pugna requiem non habens, & labor plurimos obscurans videntium.

Juvat etiam ad eam expellendam inutilitas ad levanda mala omnia excepta tristitia poenitentiae, quæ delet peccata. [1] Propter hoc tristitia facta est non ut in morte, nec in ulla alia re tali doleamus, sed ut ipsa utamur ad delenda peccata &c. Juvat [2] aliorum commiseratio; nam solet societas eorum, qui mæroris nostri participes sunt, doloris maximam partem auferre, &c. Quod etiam docet Arist. [3] Qui dolent condolentibus amicis sublevari consueverunt; unde dubitare quis etiam poterit, numquid quasi oneris partem suscipiant: quod inde puto venire, quia in hoc experimur aliorum erga nos benevolentiam, ac constantiam refluente fortuna, aliunde enim non deberet nos levare mæror amicorum, sed potius dolor noster augeretur ex tristitia, quam causamus in amico, 4. Non mediocriter juvat consideratio miseriarum communium, à quibus nullus est immunis. [4] Nam sunt casus omnes communes, cæterum alius ex uxore, alius ex filio, alius ex servo, alius ex amico, alius ex inimico, alius ex vicino, alius ex quovis detrimento causam mæroris ducit.... prorsusque neminem invenies tristitia, ac doloris exortem, etsi alius magis, alius minus dolet, non itaque feramus graviter, neque nos tantummodo tristitia pati arbitremur, neque enim fas est, ut homo, qui sit, mortalemque hanc agat vitam, doloris, angorisque sit expers.

5. Juvat tot, tantorumque Dei erga nos beneficiorum ponderatio: jucundissimum enim est cogitare summam ejus in nos benignitatem, tam mirabilem in suis operibus sapientiam [5] &c. An parva nobis gaudii causa est imago illa, & similitudo Dei creatoris humanius in anima (inquit Petrarca [6]) memoria, ingenium, providentia, eloquium, tot inventa, tot artes huic animo famulantes? &c.

M 2

6. Ju-

[1] Idem hom. 1. [2] in 2. Tim.

[3] 9. Ethic. 11. [4] Chrys. cit.

[5] ff. 2. de remia. [6] Dia. 23.

6. Juvant etiam lacrymæ, gemitus, fletus, cantus, somnus, balnea ex D. Thoma, atque etiam pharmaca, & alia melancholiæ antidota, ut de vino scripsit Varro apud Nonium. *Vino nihil jucundius quidquam oluit; hoc agritudinem ad medendam invenerunt; hoc hilaritatis dulce seminarium; hoc continet coagulum convivæ: Cantus item animum suaviter seducens, & avertens ab objectis tristibus.* Lege Chrysostomum, qui dicit, [1] *Cum Deus vidisset multos homines esse secordiores, nec ad legenda spiritalia libenter accedere, nec qui eo capitur laborem tolerare, volens gratiorem laborem efficere, eisque sensum præscindere, admiscuit prophetiam melodiam, ut omnes cantici numero delectati cum magna animi alacritate, ac promptitudine sacros cantus, & hymnos emittant.*

Denique *tristitia* quatuor sunt species, *miserericordia*, quæ est tristitia de malo alieno, quasi de nostro. 2. *invidia*, quæ est de bono alieno, & hoc vel quia bonum alterius minuit nostrum, aut quia illud nobis non advenit, aut quia ex odio cupere-mus ei malum. 3. *anxietas*, quæ sic animum ulce-rat, ut nullam fugiendi viam deprehendat. 4. *accedia*, quæ, ex D. Damasceno, est tristitia aggravans mentem, ut nihil boni agere ei libeat, seu tædium bene operandi: sed de his aliàs.

## QUÆSTIO VIII.

### De spe, & desperatione.

**N**Omen *spei* largè significat 1. quamcumque expectationem boni, aut mali; ut cum dicitur, [2] *In te Domine speravi.* Et *Sperate in Domino* &c, lætitiā veram, aut fictā, ut cum dicebat Virgilius, [3] *Spem vultu simulat, præmit alium corde dolorem.* 3. ipsamet bona expectata, ut cum dicitur; [4] *Tu es spes mea Domine* Et, *Expectantes beatam spem.* 4. communiter expectationem boni desideratū cum aliqua certitudine futurationis. *Spes est expectatio boni*, inquit Cicero. 5. virtutem infusam à Deo,

qua

[1] in ps. 41. [2] Ps. 37.

[3] Æneid. 2. [4] Ps. 4.

qua elevamur, & inclinamur ad actus desiderii, & expectationis circa Deum ut summum bonum nostrum; & dicitur *Spes Theologica*. 6. significat quendam motum, & affectionem appetitus sensitivi, aut rationalis, & irascibilis circa absens, & desideratum; & de *spe* in hac significatione hic agimus, & de motu opposito, scilicet *desperatione*; quærimusque existentiam, naturam, causas, & effectus illarum: de existentia non dubitatur, cetera breviter exponam.

## CONCLUSIO.

**S**pes est motus appetitui sensitivo, aut rationali irascibili impressus ex apprehensione boni ardui desiderati, quod existimatur futurum, aut possibile acquisitu: Desperatio vero est motus ejusdem appetitus ex apprehensione mali noliti, quod existimatur futurum, seu vitatu impossibile, vel boni voliti, quod existimatur acquisitu impossibile.

Prob. 1. ex Scoto, [1] qui spem hanc definit passionem impressam appetitui sensitivo ex delectabili præsentente, non in se, sed in phantasia, quod si esset in se præsens, natum esset imprimere delectationem; sicut ex alia parte malum præsens in imaginatione imprimit timorem; præsens verò in se imprimit dolorem; licet enim hanc passionem describat per ordinem ad solum delectabile, non excludit tamen alia genera bonorum ab ejus objecto.

Prob. 2. discurrendo per singula. Dicitur 1. motus appetitui impressus tum sensitivo, tum rationali, & per id convenit cum aliis passionibus, & affectibus. 2. irascibili; per quod jam distinguitur à sex præcedentibus, quæ sunt in concupiscibili, & ratio, cur ista pertineat ad irascibilem, patet ex dictis. 3. ex apprehensione boni ardui desiderati, ut distinguatur à desiderio, quod causatur quidem ex apprehensione boni absentis, & amati, sed non ardui; & spes supponit & desiderium, & arduitatem, seu difficultatem boni consequendi. Nam, ut docet S. Thomas, [2] non dicitur aliquis sperare minimum, quod statim est in sua potestate. 4. quod existimatur futurum seu adeptu possibile; nam de impossibilibus cognitis non

M. 3

est;

[1] 3.d.26.M.n.23. [2] 1.2.q.40.a.1.

est *desiderium*, saltem efficax, ut diximus, & inultominus *spes*.

Convenit autem *spes* cum *desiderio*, quia 1. utrumque respicit bonum absens. 2. nulla est propriè *spes* sine *desiderio*; & 3. istud etiam non est absolutum, & efficax, nisi circa bonum possibile, ut diximus. In multis etiam differunt, præcipuè 1. quia *desiderium* aliquod potest esse de impossibili, & à fortiori de non futuris, quod dici non potest de *spe*. Imò & *desperatio* ipsa potest esse cum aliquo *desiderio*, saltem inefficaci, & conditionato, inquit Doctor. [1] *Desperans desiderat desiderio conditionato, quia vellet, si posset; non autem desiderat absolute: quia ad absolute desiderare præsupponitur conceptio intellectus ostendens sibi desideratum, sicut possibile desideranti. Qidquid enim ostenditur voluntati tanquam impossibile, vel voluntas omninò non vult illud, vel si vult, tenuiter vult illud, ut dicebamus ex D. Thoma.* 2. *desiderium* est de quocumque bono sive facili, sive arduo, sive ad desiderantem spectet, sive ad alium; sed *spes* est de arduo, & de bono gravioris momenti, & ad sperantem pertinente. *Spes*, inquit Aug. [2] non nisi bonarum rerum est, nec nisi futurarum, & ad eum pertinentium, qui earum scem gerere perhibetur; illa tamen futuritio non debet esse certa omninò, quia *spes* est incerti boni nomen.

Causæ *spei* sunt 1. eadem ac amoris, & desiderii, quibus adde credulitatem adeptionis, & subsidia rei consequendæ opportuna, sine quibus conditionibus valde tepescit, aut friget *spes*. 2. juvenes sunt maxime proni ad hanc passionem; *Juvenes sunt bonæ spei*, inquit Arist. [3] ut enim temulenti, sic calidi sunt juvenes natura, simul etiam quia nondum in multis lapsi sunt opinione, & vivunt ut plurimum *spe*: nam *spes* futuri est, memoria verò præteriti; juvenes autem multum futuri habent, præteriti verò parum, &c.

Effectus *spei* sunt 1. in miseriis vitæ hujus supremum lenimentum. Quidam veteres Philosophi, [4] quos Græci *elpsticos* vocant, vitam potissimum *spe* contineri putant, nec sine oblectatione, quam affert, tolerabilem esse. Eam constituere hominem dicunt

[1] Ibid. H. n. [2] Enchir. c. 8.

[3] 2. Rhetor. [4] Philo. t. d. Abra.

dicunt alii; [1] nam Chaldaei hominem Enos vocant; ac si solus verè homo sit, qui res bonas expectat, & bona spe se sustinet. Unde manifestum est, quod spe carentem non hominem existimat, sed bestiam humanæ formæ præditam, cui desit spes proprium ornamentum humana anima, &c. Ideo æditiæ, seu antistitæ palatii virtutum eam faciunt: Spem in foribus, cent janitricem natura collocavit, intus verò ceteras virtutes regias, quas adire licet nemini, qui non prius hanc unam meruit, ait Tertullian. [2]

2. Stimulat ad omnem bonum. Principium parandorum bonorum spes est; etiam hanc publicam viam ostendit, & aperit anima veri boni studiosa, quæ primum amicum spei vocat hominem, &c. Et Tertull. cit. [3] Consideremus sementem cum primis necessariam, quam conditor ille in agro bono, scilicet rationali anima fecit: in hac præcipuum semen spes est, à quo fonte victus ratio dimanat; nam spe lucri negotiator varios questus aggreditur; Nauclerus secundum cursum maria transiit: ambitiosus spe bonorum accedit ad tractandam rem; spe coronarum Athletæ subit certamina; spe felicitatis animum ad Philosophiam applicant, quicumque sunt dediti virtutum studio, quod ejus ope se putent perventuros tum ad naturæ notitiam, tum ad vitæ activæ, contemplativæque perfectiorem, quibus in rebus felicitatem suam esse existimant: additque sub finem, spem esse alimentum animarum virtutem amantium, propter quam semovemus pigritiam, quoquo properamus ad honesta otia.

3. Erigit mentem, & lenit labores; nam [4] rationibus humanis contubernales duos adiunxit Deus, amorem, & spem; alterum quidem tanquam alarum remigium leve, quod in altum per se feratur, animamque secum sursum ferat, & extollat, viamque, qua id, quod petat, consequatur, ostendat: quod quidem appetitionem humanam vocant philosophi; spes verò animam comitatur, ut illam, quam diximus appetitionem sustineant, ac solentur, quæ quidem spes ex humanis si exulasset rebus, jamdiu commercia sua negotiator, & stipendia miles, & navigationem mercator, & rapinas suas prædo, & nocturna intermisset furta

M 4

scor-

[1] l. de pud. [2] Phil. cit

[3] Ibid. [4] max. Tyr. dissert. 37. m. 116.

*scortator*, quod illa non permittit, sed illarum rerum studio accendit, quæ nec fieri possunt, nec ad finem inzerdum perventura sunt suum, & quoad lenimentum laborum sic ait Synesius: (1) Sperandi genus tam est abundans in natura hominum, ac salutare, in elegantioribus Sophistis illud in ore sit, ne vitam quidem homines esse toleraturos, si in eodem, quo antea statu perseverarent; facile enim iis molestius, quæ hominum vitam circumstant fatigatum iri, si non spem in eorum naturam Prometheus indidisset velut constantia medicamentum, quod cum degustaverint id, quod in expectatione est, eo certius putant, quod apparet, atque hanc tania vi prædita est, ut qui compedibus vinctus attineatur, simul atque gestienti animo sperare permiserit, è vestigio solvatur, & militet, & dimidia centuriæ præfectus sit, & paulatim centurio, inde imperator evadat, tum vincat, sacrificet, coronetur, mensam apponiat, eamque, si lubeat, ficulam, aut si velit, persicam; interim pedum, & vinculorum obliviscitur, quando imperator esse vult, sic ex spe suscipiuntur duriores labores, quod probat D. Basilii exemplo agricolarum, quibus spes messium suffragatur labores.

Quantum ad desperationis quidditatem, illa patet ex allata descriptione, & ex dictis per antithesim de spe. Nascitur ergo desperatio, & præsupponit 1. inclinationem aliquam in bonum, aut malum, de quo desperatur. 2. cognitionem, seu apprehensionem impossibilitatis illius boni consequendi, aut mali vitandi. Et 3. inde appetitus cessat illud bonum prosequi; aut malum fugere, sed cum ægitudine, ac tristitia, quæ nascitur ex privatione insuperabili boni desiderati, aut incurfione inevitabili mali noliti, ut colligitur ex Doctore. Hinc dicitur *animi defectio*, *fractio*, & *casus*; quæ sunt ejus effectus; nam ex his oritur *desitio*: vel *nolitio* positiva applicandi media ad consecutionem boni, vel vitandi mali, eo quod apprehendantur ut inutilia; nam sicut per spem erigitur animus, & voluntas ad bonum cupitum prosequendum, qualiscumque sit arduitas; ita per desperationem dejicitur, & cessat, non à cupiditate, seu desiderio, saltem conditionato boni, sed ab actibus prosecutionis, quam non putat possibilem

bilem sibi; sed ægrè id videt, cum tristitia, quia vellet non adesse illa, quæ imaginatur impedimenta insuperabilia.

Causæ autem desperationis sunt 1. ea apprehensio impedimentorum ut insuperabilium sive ex ratione, sive ex errore. Unde iudicatur, consecutionem finis esse impossibilem. 2. pectoris angustia, & animi dejectionis, & virium defectus, ex quibus fit, ut apprehendantur bona virtutis, aut animæ impossibilis consecutionis, & avertatur penitus voluntas à volitione, & applicatione mediorum. 4. Atra bilis, & melancholia, quæ facit, ut hominibus, in quibus ille humor prædominatur, omnia tenebrescant, ita ut illic trepident timore, ubi non est timor, & atomi difficultatum illis appareant montes, & formicæ gigantes. Ad quod etiam juvat temperamentum frigidius, atque humidius, ut in sceminis. 5. crebræ calamitates passæ, quia ex illis experientiis animo elumbes redduntur homines, putantes eundem fore exitum cæterorum negotiorum, qualem experti sunt in præteritis. 6. Ignavia, de qua Chrysost. [1] *Quæ tandem radix est desperationis? Ignavia, inquam, imò quam quis non ineptè nominaverit non indicem tantum, sed vicissim illius quoque & parentem, & altricem. Quemadmodum in cadavere tabes gignit vermiculos, quæ ab iis iterum augetur; ita est propemodum hoc loco; nam ignavia desperationem parit; ab hac nutu illa nutricatur, adeoque dum servant inter se execrabiles vices dandi, accipiendique, confirmantur in potentiam hand mediocrem.*

Effectus autem sunt plurimi, iique funestissimi. 1. *mæror*, & *angor* animi major secundum mensuram amoris in bonum. 2. *abjectio* mediorum, & plerumque voluntatis retorsio in oppositum, ut qui de virtutis opere desperant, aut de salute in vitia se præcipitant, ut docet Apostolus de illis, qui desperantes tradiderant se impudiciæ. Quidam, ait Augustinus in peccata prolapsi desperatione plus pereunt, nec solum pœnitendi negligunt medicinam, sed ad explenda inhonesta, & nefaria desideria servi libidinum, & sceleratarum cupiditatum fiunt, quasi perdans, si non fecerint, quod instigat libido, cum eos

M 2

iam

*jam maneat certa damnatio. 3. securitas aliquando nascitur ex desperatione, metu abeunte in stuporem attonitum. [1] Mors admota etiam imperitis animum dedit vitandi inevitabilia; sic gladiator tota pugna timidissimus jugulum adversario præstat; & errantem gladium sibi attemperat. 4. Hinc sæpe ex desperatione felix rerum exitus occurrit, & iis, quibus impendebat calamitas licet desperabundis opes, animumque, & salutem contulit: quia frigidus ex mœrore sanguis connisu desperationis, & æstu animum occupante recalescit, & per antiperistasis ita incenditur, ut animos supra vires sæpius suggerat. Ideò inconsultissimum semper fuit adversarios ita concludere, ut præcluso omni effugio, & desperata prorsus salute agantur velut in rabiem in concludentem. [2] Audacia clausis crescit ex desperatione, & cum spei nihil est, sumit arma formido.... necessitas quædam virtutis est. desperatio.*

Remedia desperationis erunt, si melius informetur intellectus, ne tam facile judicet impossibilia, quæ rationabiliter cupit consequi, aut vitare. 2. erigenda voluntas, & firmanda in proposito boni prosequendi, & mediorum usu. 3. Christianis adest consideratio providentiæ, ac misericordiæ divinæ. Nam diabolus in varias cogitationes nos immittit, quod excludat in Deum expectationem (inquit Chrysost. [3]) hoc est anchoram salutis, substantiam vitæ nostræ, manuductionem in ea via, qua in Deum ferimur, salutem perditarum animarum: non est grave. Theodore charissime, cadere luctantem, sed jacere dejectum, non est perniciosum in prælio vulnerari, sed post vulnus acceptum desperatione curandi medelam ulceri denegare. Proponit varia exempla eorum, qui post similes casus emerferunt ex similibus periculis, v. g. de navigantibus, qui post perpeſſa naufragia rursus navigio se exponunt, & feliciter veniunt ad portum; de Christianis, qui terrore crudelitatis negantes Christum, iterum certantini se exposuerunt, & coronam martyrii gloriôsè receperunt. Sæpe athletas videmus post frequentes lapsus, & dejectiones plurimas coronatos; militem quoque scimus post fugas multas fortis virum fuisse, & vicisse victores.

Quæ.

[1] Seneca Ep. 30. [2] Veget. l. 3. & 4.  
[3] Parænet. Theodor.



Quæres, *an spes reperiatur in brutis.*

Resp. affirmative; quia in his reperiuntur dispositiones omnes ad talem affectum; propendunt in bona etiam absentia, aut distantia; apprehendunt illa, & prosequuntur, & si nimium distantia videant, cessant à prosecutione; sic canis videns prædam currit ad illam; sed advertens eam esse nimis remotam, cessat à prosecutione; ergo, dum currit, sperat, &, dum cessat, atque regreditur, desperat.

Dices. *Spes est de futuris; sed bruta non agnoscunt futura; ergo non habent spem.*

Resp. dist. min. non agnoscunt sub formali, & præcisa ratione futuritionis, conc. min. non agnoscunt sub ratione absentiae, saltem materialiter, & sufficienter ad prosecutionem aggrediendam, & sperandam consecutionem, neg. min. nam canis videns à longè leporem satis percipit, se illum non tenere, nec mordere, & aliter agit, ut assequatur, quam dum illum tenet dentibus.

Sed de spe, & desperatione redibit sermo amplior, ubi de illa virtute, & hoc vitio.

## QUÆSTIO IX.

*De audacia & timore.*

Quidam sumunt *audaciam* pro ipsa *spe* firma, & erecta; alii pro *carentia timoris*, quæ patet ex aggressionem, vel expectationem eorum, à quibus imminet malum; alii pro *desiderio efficaci* talis aggressionis, & similiter *timorem*. 1. pro quolibet *recessu*, & *fuga mali* 2. pro *humilitate*, ac *dejectione animi*, ut cum dicitur, *Initium sapientiæ timor domini*, quod de *humilitate* intelligit Scotus. 3. [1] pro *formidine* qua veremur malum imminens; sic *metus est futuri, & imminenti mali*, inquit August. quid importent in particulari supra reliquas passiones, breviter dicemus.

M. 6. 101. CON.

[1] 3. d. 34. l. 83. 99. 35.

## CONCLUSIO

**A**udacia sufficienter describitur motus appetitus, quo movetur ad prosecutionem boni, aut depulsionem mali ardui, non obstantibus gravibus periculis: Timor vero est contra est motus impressus appetitui ex apprehensione talium periculorum imminens in prosecutione boni, vel fuga mali, sed non impossibile.

Prob. breviter, quia non videntur hæ passionibus melius explicari posse, secundum quod habent commune, aut differens inter alias: dicitur 1. motus appetitus, scilicet sensitivi, aut rationalis, per quod convenit cum aliis passionibus. 2. Ad prosecutionem boni, aut depulsionem mali ardui, & in hoc differt à concupiscitivis, & convenit cum aliis irascitivis. 3. Non obstantibus gravibus periculis, & per hoc audacia differt à spe, quæ non aggreditur præcisè talia pericula. Et per oppositas particulas scilicet, ex apprehensione periculorum imminens in prosecutione boni, vel fuga mali, differt Timor à desperatione, quæ depicit quidem animum propter difficultates, sed judicat invincibiles, timor verò non, sed perdifficiles.

Vides audaciam in hoc convenire cum spe, quod prosequatur bonum absens; sed habet objectum, seu opus valde arduum, & gravioribus difficultatibus oblitum, imò & periculis, quæ negligit. Respicit etiam malum gravius, & vitatu difficile; &, ni fallor, non videntur hæ passionibus differre multum essentialiter, sed ferè secundum magis, & minus arduitatis. Ideò videntur oriri ex similibus causis, & habere satis similes effectus cum proportionem; sed audacia, cum propius accedat ad extremum excessus, facile degenerat in temeritatem: præterea spes respicit tantummodo bonum ut finem; audacia verò bonum consequendum, & media, scilicet difficiliora adhibenda, & obstacula, quæ aggreditur vincenda propter consecutionem boni. Unde proprium objectum, seu potius scopus audaciæ, & actus ejus sunt despicientia difficultatum, & periculorum, & generosa eorum concupiscentia; uno verò

Bo est progressio ad bonum per pericula, & labores a lacriter susceptos, ut pertingat ad finem optatum.

Hinc facilis est distinctio *audaciae* à *timore*; utraque passio habet idem objectum materiale; idem bonum amatum, & consequendum, easdem difficultates, & pericula respiciunt; sed *timor* hæc reformidat, & fugit; *audacia* verò non veretur, sed potius contemnit, & aggreditur superanda; ille refrigerat; & dejicit animum, hæc eum erigit, & accendit ad eorum despectum.

Causat *audaciam* 1. ingens boni æstimatio; amor vehemens, & fortis; spes illud consequendi. 2. parvi pendentia impedimentorum, ac difficultatum. 3. gloria, vel aliud bonum ex eorum aggressione, & victoria. 4. juvat etiam existimatio efficacis, mediocrum, & societas cooperariorum eandem aleam subeuntium. Propterea Diomedes castra hostium exploraturus socium postulabat dicens. Si me alius vir sequetur, maior mihi spes, & audacia erit, euntibus simul duobus, alter ante alterum intellexerit; quid tandem utilius sit, solus verò & si intelligat, tamen ei tardior animus est, debiliusque consilium.

Audaciores ergo sunt 1. qui spem firmiorem concipiunt, & minoris ducunt pericula. 2. ii præcipue, qui rectè se habent erga divina; putant enim, se divino fortes auxilio, *Iustus est impavidus*. 3. inexperti; qui minùs æstimant pericula; *Imperitia audaces efficit*; res considerata timore percellit, aiebat Lucianus. Idem docebat S. Hieron. [1] *Eruditio timorem creat, imperitia confidentiam*. 4. juniores sunt audaciores, & seniores timidiore. De animalibus notat Aristoteles, [2] quòd *pavida sunt*, quibus cor grandius; *audentiora, fidentioraque*, quibus est minus, aut mediocre; affectus enim, qui accidit ex metu, iam in eis præ est, quoniam calorem proportionem cordis non habent, sed parum caloris in magno conceptaculo exolescit; itaque sanguis frigidior fit: cor magnum proportionem lepori, cervo, murgi, hyenæ, asino, pantheræ, mustellæ, & reliquis fere omnibus, quæ timida sunt, aut propter metum malefica. Simile in venis, atque ventriculis cordis evenit, sunt enim frigidiores, & venæ, & ventriculi ampliores; nam ut in parvo, & magno domici-  
tan-

[1] Homilia, 10. [2] De par. animal. l. 4. cap. 4.

*santumdem ignis non aque calefacit, sed minus in magno, sic in his calor non pariter agit.*

Effectus audaciæ sunt satis noti, sicut & timoris: illa est ad virtutis opera promptior, quippe in arduo posita est; meticulosi verò vix umquam assurgunt ad aliquid illustre. Audacia igitur jaciturum erigit animum; & tædium, quod ex apparentibus virtutum difficultatibus oritur, abstergit. Et hoc, si moderata sit; nam si nimium illi habentæ laxentur, in oppositos abibit excessus, & in momento destruet omnia bona, quæ longo tempore parare potuit, ut facile videre est in præliis, in quibus præcipitior audacia ruinam causat.

Ad fræmandam verò iuvabit periculorum attenta perpensio, & propriæ imbecillitatis consideratio, quibus ardor nimius tepescet. Ante omnia necesse est se ipsum estimare; *Quia fere videmur plus nobis posse, quàm possumus*, inquit Seneca, [I] *estimanda sunt deinde, quæ aggredimur, & vires nostræ cum rebus, quas tentaturi sumus, comparandæ. Debet enim semper plus esse virium in latore, quàm in onere, necesse est opprimant onera, quæ ferente maiora sunt.*

Quoad timorem licet accidat ex occasione, & ex apprehensione difficultatis ad bonum, tamen per se respicit malum ut vitatu difficile, & fere certò venturum, in quo differt à simplici fuga, sicut audacia per se respicit bonum futurum.

Dico, *fere certò*, seu *probabiliter*, & quasi *infalibilibiter* venturum; nam nisi subsit aliqua spes evasione, erit potiùs desperatio, & tristitia, quàm timor: sic Christus non dicitur timere mortem, quam certò prævidet, sed tristari, *Cæpit parere, & tædere*; *tristis est anima mea usque ad mortem*, quod maxime verum est de timore efficaci; non enim consultamus, nec remedia quærimus contra malum penitus certum, ut facimus ex timore, ne accidat malum illud.

Obiicies 1. Bruta verè timent; sed bruta non percipiunt futura; ergo timor non est de malo futuro. Ant. patet experientia; nam, si rumor insonet, arripiunt aures, & suspensa hærent, si nihil præsens percipiant. Prob. min. ex dictis, quia futuritio non est

obje-

objectum sensus, quod enim est, non potest ferire sensus. Idem obijci potest de audacia, ut obijciebamus de spe.

Respondeo ut supra; non percipiunt futura sub ratione præcisa, & formali futuritionis, conc. min. materialiter, & velut absentia saltem imperfectè, neg. min. & id patet experientia: nam sæpe mala fugiunt, aut vitare satagunt, quæ non sunt præsentia, saltem in seipsis, nam verum est, illam apprehensionem excitari in sensu interno per aliquas species sensatas in externis. Sic ovis per antipathiam, & visa pelle, aut aliqua repræsentatione lupi timet, & fugit, licet lupus revera non sit, nec quidquam inferat mali; sic canis conspecto baculo, vel loco, in quo percussus est, fugit, licet nihil tunc inferatur mali per baculum, vel in loco; ergo ex malo præterito timet futurum.

*Timoris species assignant septem Philosophi; nempe 1. segnitiam, quæ dicitur fuga impendentis actionis, quæ apprehenditur, ut molesta. 2. est pudor, qui est timor labendi, & vituperationem incurrendi. 3. recundia, quæ est timor infamiae ob admissam turpitudinem; confunduntur sæpe hæc duo. 4. Admiratio, quæ est timor ex specie insolita mali; sed aliquando, & magis propriè significat desiderium noscendi causas effectus noti; ideò dicitur mater Philosophiæ 5. agonia, seu angor, & est timor ex malo improvise, cui provideri non potest, vel, ut placet aliis, est timor ne, quod aggressi sumus, non cadat ex sententia. 6. super, & est timor ex ingenti imaginatione, aut specie rei oblatae menti. 7. terror, & est timor ex inusitatae speciei occursum.*

Mitto aliam divisionem *timoris in servilem, filialem, & mundanum*, atque *initialem*, de quibus alias.

Inter *timoris effectus* maximè notatur *præcox*, & *anticipata miseria*, sicut *spes* aliquo modo anticipat felicitatem, nam, ut ait Nazianzenus, [1] *quod quisque pati extimescit, id passus est, etiam si non patiatur, graviusque à se fortasse, quam ab iis, qui supplicium inferunt, torquetur.* Quod docuerat Seneca, [1] *calamitosus est animus futuri anxius, & ante miseras miser, qui sollicitus est, ut ea, quibus delectatur, ad extremum*

*usque*

[1] Orat. 2. in Jul. [2] Ep. 98.

usque permaneant. Nullo enim tempore conquiescit expectatione futuri, qui presentia, quibus frui poterat, amittet; in equo autem est dolor amissæ rei, & timor amittendæ, imò plus mala expectata cruciant, quam presentia, dicebat Diogenes apud Stobæum, [1] Omnia quidem dura naturaliter magis exterrent expectantes, quam contristant expertos, ut est paupertas, exilium, vincula, ignominiaque, mortis autem si quis abstulerit metum, nihil illi relinquitur difficile. 2. alii effectus sunt demissio animi, sui ipsius abiectio, suspicio, conturbatio, consternatio, torpor, odium, quem enim metuunt oderunt (inquit Tullius) [2] desperatio, & si spes affulgeat lenimenti, assensatio, & adulatio, sollicitudo ad omnia tentanda, & curanda, ut impendens malum avertatur. 3. denique eò crescit timor, ut in insaniam vertatur, & hæc causat, cum immoderatus est: sed 4. timor moderatus circumspēctos, obediētes, ac ordinatos reddit. Patet in nautis, qui quandiu nihil timent, nullo ordine cuncta peragunt; cum verò aut tempestatem, aut bella suspicantur, non modo facillimè, quæcumque eis dicantur, perficiunt, sed etiam cum magno silentio attendunt, quid eis præcipiatur, &c. Philosophus notat, quòd timor ad consulendum inducit, imò & acuit rationem ad excogitandum; capiendumque consilium. 5. quandoque operationem reddit perfectiorem, quia facit animum magis intentum: & attentum in iis, quæ facit, & in se magis collectum. Ideò monet Apostolus, [3] ut cum timore, & tremore salutem nostram operemur, & David [4] postulat: Confige timore tuo carnes meas. Dico, quandoque, nam aliquando etiam impedit operis perfectionem ex nimia contractione, ac perturbatione animi, & ideò facit in membris tremorem. Est enim timor passio causans contractionem, ex Damasceno. [5] 6. facit tremorem in membris, & dissolutionem membrorum, ut notat Philos. [6] Cur voce, & manibus, & labro inferiori tremunt qui metuunt? An quoniam hic affectus caloris defectio est, locis superioribus est, ex quo ut palleant accidit? Quod igitur calor pectus deserit,

[1] Ser. 8. [2] Xenophon, 3. de dictis sap.

[3] Philip. 2. [4] Ps. 118.

[5] 3. de fide 3. c. 23. [6] 29. probl.

*Serit, vox obtremis; id enim refrigeratur, quod vocem movet, & manus quoque pari sunt ratione: utpote quæ ex pectore pendeant, &c. 7. causat etiam frigus, & sium; Cur metuentes algens, & sium, quæ quidem affectiones adversæ inter se sunt? An algens refrigerati, sium calefacti? Calor enim in metuendo superiora deserit loca, quod facie, alvoque constat; facies enim pallens, alvus interdum funditur, ergo quod calor lucis superioribus deficit, algor oritur, quod humor deficit, sium exultat.*

Remedia sunt 1. eadem, quæ amoris, odii, tristitiæ, & desperationis, quia moderatis illis facile moderatur & iste, qui ex illis nascitur; *Qui angitur animi dolore, necesse est metu agitetur, quia quorum malorum præsentium est anxietudo, eorum est metus imminuentium, inquit S. August. [1] & idem dicit de amore, Dùm nihil aliud sit cupiditas, quam amor rerum transuentium, metuat necesse est, ne amittat eas, cum adeptus fuerit, aut non adipiscatur; ergo, mitigata cupiditate, & tristitia, mitigatur timor. 2. consideranda dignitas, & gloria, quæ lucet in virtute constantiæ, & magnanimitatis, qua inclinamur ad mala contemnenda, aut fortiter ferenda, sic enim non mediocriter tranquillatur animus: [2] Qui moderatione, & constantia quietus animo est, sibi quoque ipso placatus, ut neque tabescat molestiis, neque frangatur timore, nec sium ter quid appetens ardeat desiderio, nec alacritate futili gestiens deliquescat, hic est sapiens, quem quærimus, & is est beatus, cui nihil humanarum rerum aut intolerabile ad demittendum animum, aut nimis letabile ad effereendum videri potest. Quid enim ei videatur magnum in rebus humanis, cui æternitas omnis, totiusque mundi nota sit magnitudo, vel deponenda, vel minuenda mali imminentis opinio, rationes excogitando, quibus persuadeamur aut non esse verè malum, aut non esse grande, nec quantum apparet, ne de nobis dicatur, [3] illic trepidaverunt timore, ubi non erat timor: nam, ut ait Seneca; [4] plura sunt, quæ nos terrent, quam quæ nos premunt, & sæpius opinione, quam re laboramus; illud tibi præcipio, ne sis miser ante tempus, cum illa, quæ velut imminencia expavisti, fortasse*

*non.*

[1] Ibid. 7. 7. [2] Cicer. Tusc. 4.

[3] Ps. 15. [4] Ep. 15.

numquam ventura sint; ceriè nondum venerunt. Quædam nos magis torquent, quàm debeant; quædam ante quàm debeant, quædam cum omninò non debeant, 5. considerandum, quàm irrationabiliter excruciemur malis nondum præsentibus, sufficit diei malitia sua, docebat Christus D. [1] quid necesse est mala accersere, & satis citò patienda cum venerint, præsumere, ac præsens tempus futuri metu perdere? Est sine dubio stultum, quia, quandoque sis futurus miser, esse iam miserum aiebat Seneca [2] 6. Summè juvat conjunctio intima cum Deo per charitatem, studiumque pietatis firmata. Sic timorem leniebat David. [3] Dominus protektor vitæ meæ à quo trepidabo? Et, [4] Qui confidunt in Domino sicut mons Sion, non commovebitur in æternum, qui habitat in Jerusalem. Quod ipse Arist. [5] novit dicens, intrepidus esse, & confidentes, qui pii sunt in Deum.

## QUÆSTIO X.

De ira, & mansuetudine.

**L**icet communiter Philosophi nullam passionem opponant iræ; tamen per occasionem aliquid de mansuetudine dicemus, quæ illi videtur contraria. Porro ira est præcipua inter passiones irascitivas; unde appetitus; in quo illa est, dicitur irascibilis. Et sumitur 1. pro ipso actu irascendi seu vindicandi: unde actus irascibilis est irasci, inquit [6] Doctor. 2. pro ipso effectu iræ, seu pro vindicta ipsa, ut cum legitur. Ira Dei ascendit super eos, scilicet effectus iræ divinæ, ac vindictæ ejus. 3. pro affectu, seu motu, quo appetitus movetur ad vindictam, & in hoc sensu describitur physicè ab Aristotele, [7] accensio sanguinis circa cor, & logicè, cupiditas doloris rependendi, vel appetitio cum dolore conjuncta ejus, qui appetit ultionem, propter eam, quæ apparet despicientiam vel in se, vel in suorum quempiam non convenienter. Denique, appetitus cruciationis à Lactantio, libido ulciscendi. A Possidonio, cupiditas puniendi.

[1] Mat. 6. [2] Ep. 74. [3] Ps. 26.

[4] & 124. [5] 2. Rhetor.

[6] 3. d. 34. F. n. 10. [7] 2. Rhetor. 2.



niendi eius, à quo te putes laesum. A Seneca, [1] concitatio animi ad ultionem voluntate, & iudicio pergentis; quæ omnes definitiones in eundem coeunt sensum.

Mansuetudo, seu mititas aliquando sumitur pro virtute, & à Tullio definitur virtus animi utrumque mundi statum æqua lance pensans, & à Scoto [2] mansuetus dicitur, qui exequitur injuncta sine murmure, & sic coincidit cum obedientia, & derivatur à mansuesco, quasi manu assuesco, metaphora ducta à feris, quæ domesticæ fiunt, ac familiares & de feritate renittunt per manus assuetionem; aliquando verò pro motu, seu passione, qua mitigatur ira; unde ab Arist. dicitur sedatio iræ: de utraque agitur, prout sunt passionibus appetitus irascibilis.

## CONCLUSIO.

**I**Ra est passio appetitus irascibilis proveniens ex malo apprehenso ut vindicando; mansuetudo verò est passio proveniens ex malo apprehenso ut tolerando, seu contemnendo per vindictæ notationem.

Prob. 1. ex Scoto, [3] Irasci, inquit, est appetere vindictam secundum rationem apparentem propter apparentem parvipensionem. Obiectum irascibilis est vindicabile, seu punibile, quod pisset dici irasciturum, seu offensus; & pro mansuetudine dicit, quod habitus, quo homo disponitur ad non repellendum repellentem, sed ad sustinendum, dicitur patientia, & quia difficilius est non repellere offendens, quam repellere, ideo patientia est nobilissima fortitudo, juxta illud Poetæ: nobile vincendi genus est patientia, vincit enim qui patitur; ergo ex Scoto ira ut passio, & patientia, seu mansuetudo illi opposita sufficienter explicatur.

Prob. 2. ex S. August. [4] Quid est ira. Libido vindictæ. Quid odium ira inveterata si facta est, jam odium dicitur. Quid videtur confiteri ille, qui cum dixisset, turbatus est in ira oculus meus, addit, inveteravi in omnibus inimicis meis, quod erat ira, cum esset nova, odium factum est, cum esset inveteratum conversum: ira festuca est, odium trabs est, &c.

Prob. 3.

[1] De ira Dei c. 17. [2] 1. de offic. Ibid. P. n. 21.

[3] Ibid. F. n. 10. [4] Hom. 5. 40. 42. & 5.

Prob. 3. Quia non potest melius explicari natura huius passionis, prout cum aliis convenit, & ab illis differt. 1. *est passio appetitus*, per quod convenit cum aliis omnibus. 2. *ex malo apprehenso*, & sic convenit cum odio, sed differt à *spe*, & *audacia*, quæ sunt etiam circa bonum consequendum. 3. *ut vindicando*, & per hoc differt tum ab odio, tum ab aliis, quæ sunt aliquo modo circa malum; nam propria ratio huius passionis est referre malum, & vindicare & per hæc patet de *mansuetudine*, seu *patientia*.

Objic. Iudex, qui punit reos, & peccata, non dicitur irasci, & tamen respicit malum ut vindicandum; ergo non benè definitur *ira* per appetitum vindictæ. Prob. conf. alioqui iustitia punitiva pertineret ad appetitum irascibilem, & esset passio *iræ*.

Resp. conc. ant. Non dicitur quidem propriè irasci, benè verò largè: nam Deum corripientem orabat David, *Ne in furore tuo arguas me, neque in ira tua corripas me*; ideò neg. conf. non enim *ira* respicit tantum offendentem, ut vindicet, & rependat malum, sed id facit per motum, qui est passio, idest cum aliqua alteratione corporis, aut animi, quod est propriū omni passioni. Passio ut passio non est neque moderata, neque immoderata, sed ad utrumque extremum apta, & indifferens; *ira* verò in iudice est moderata per virtutem iustitiæ, & denique virtus ista, etiam ut vindex, non respicit tam præcisè, & solitariè vindictam, quin etiam respiciat bonum virtutis, & honestatem, ac salutem publicam, & emendationem peccantis; hæc autem non sunt in *ira*, de qua agimus.

Inst. Saltem non differt à *desiderio*, seu ab appetitu vindictæ; ergo vel non est passio distincta à *desiderio*, vel non benè sic explicatur.

Resp. neg. ant. *Ira* enim respicit malum ut vindicabile, & vindictam desiderat ut bonum aliquod irascentis. 2. *desiderium* sæpe est inefficax, non autem *ira*, 3. *desiderium* est sine dolore; non *ira*.

Objic. 2. *Ira* non differt ab odio; *Particulam quandam odii debemus iram æstimare*, ait Phil. [1] ergo vel illa definitio debet odio convenire, vel non est bona.

Respond. neg. ant. & ad Phil. dico, eum velle tantum, quod *ira* habeat affinitatem cum odio, quod est passio

passio generalior, & multas similes actiones causat: sed revera in multis differunt. 1. enim *odium* est pura aversio circa malum, & malum unice respicit: *ira* verò potius vindictam, & repensionem mali, quam æstimat ut bonum quoddam. 2. *odium* ex quovis malo nascitur, *ira* verò præcipue ex contumelia, vel despicientia, seu parvipensione, ut dicebat Scotus. 3. *odium* est de se lentius, & durat: *ira* magis fervet, & citius transit. 4. *odium* respicit malum cuiuscunque sit: *ira* verò malum ut nobis, aut alicui nobis aliquo modo conjuncto. 5. *Odium* potest esse absque dolore, non verò *Ira* saltem donec habeat actum perfectum; nam irascens tristatur, donec perfecterit vindictam, *ira cum dolore fit*, inquit Philos. *quare non facile vivitur ratione; odium vero sine dolore*. 6. Denique potest esse *ira* sine odio, *Sæpe invenimus irasci patrem filio*. Patrem odisse filium difficile inveniens, filio, quem diligit, potest irasci pater, irascitur, & amat, potest dici; odit, & amat, non potest dici, ait August. [1]

*Ira* species, seu quasi species principales sunt 1. *fel*, quæ est ira subito excandescens. 2. *mania*, quæ est ira permanens, & diuturna, nomenque sumit à manendo. 3. *furor*, quæ ira non quiescit, donec sumatur vindicta. Dico, *quasi species*, quia non differunt nisi accidentaliter, ut vides. Alii numerant *rixam*, *tumorem mentis*, *contumeliam*, *clamorem*, *indignationem*, *blasphemiam*, *bellum*, *maledictionem*, & *seditionem*, quæ sunt effectus iræ: causæ plures ab Arist. dantur, præcipuæ sunt *despicientia*, & *dolor*, seu *tristitia* inde concepta. *Contristatur iratus*, & *arbitratur se parvipendi*. *Despicientia* ponitur præ cæteris malis, quorum illatio movet dolorem, & per dolorem iram, quia præcipua est, non quia sola. Unde qui contemptui sunt sensibilibiores, ut pauperes, corpore, & animo debiliores, ut foeminae, sunt ad iram faciliores.

Qui natura sunt tristes, malè affecti, seu ægri, biliosi, & sanguine ardentiori, & melancholici ut facillime offenduntur, sic & irascuntur.

Item & aquæ potiores; quia tenuiores habent spiritus; ideoque citius incenduntur ira, timido-

res verò tardius, & difficilius moventur, quia modici sunt sanguinis, ac frigidioris; qui verò sunt bonæ valetudinis, & sanguine abundant, non facile irascuntur, quia non tam citò se offendi putant.

Effectus sunt horridissimi, & teterrimi: plures enumerat Seneca, [1] *Videndum est, quàm multis ira per se nocueris: alii nimio furore rupere venas, & sanguinem supra vires elatus clamor egressit, & lumen suffudit aciem in oculos vehementius humor egressus, & in morbis aegri recidere. Nulla celerior ad insaniam via est. Multi itaque continuaverunt ira furorem, nec, quam expulerant, mentem unquam receperunt. Aiace in mortem egit furor, in furorem ira; mortem liberis, sibi egestatem, ruinam domui imprecantur, & irasci se negant non minus, quàm insanire furiosi; amicissimis hostes, visandique clarissimis; legum, nisi quia nocent, immemores; ad minima nobiles. Non sermone, non officiis adire faciles omnia per vim gerunt; gladiis & pugnare parati; & incumbere. Maximum malum illos cepit, & omnia exuperant via; alia paulatim intrant; repentina, & universa vis huius est; omnes denique alios affectus sibi subicit: amorem ardentissimum vincit; transfoderunt itaque amata corpora, & in eorum, quos occiderant, jacuere complexibus. Avaritiam durissimum malum, minimumque flexibile ira calcavit adalta opes suas spargere, & domui, rebusque in unum collatis injicere ignem. Quid? Non ambiciosius magno aestimata ira projecit insignia, honoremque delatum repulit. Nullus effectus est, in quem non ira dominetur. Greg. Nyss.* [2] notat per iram hominem transire in feram; Sic ut fabula per medicamentorum quorundam potionem in brutorum animalium species naturam transmutari fingunt, ita virum cum ira efferbuerit repente videre licet aprum, aut canem, aut pantheram, aut aliam quampiam similitum ferarum ab ira factum esse. Oculi sanguine suffusi sunt, capillus erectus surgit, & inhorrescit; vox aspera, ac verbis incitata; lingua perturbatione torpens, & non subserviens motibus intestinis; labia constricta, & non articulate verba exprimunt, neque cohibentia in ore præ perturbatione innasunt.

[1] 2. de ira. c. 36.

[2] Orat. 2. in Leont.

zum humorem, sed indecore spumam simul cum voce expuentia. Tales manus, tales pedes, talis corporis dispositio tota, &c. & ad effectus spirituales transiens subdit, Ita quietem mentis subtrahis; suam sancto Spiritui habitationem claudit, &c. Energumenis comparat; & iram pingit velut dæmonem, Iracundiæ dæmon non irritos corporis efficit motus.

Tanti mali remedia efficacissima deberet suggere re tam horrenda species, & maxime damna tum animi, tum corporis, quæ suo infert hospiti, Ne irascamur, præstabimus, si omnia vitia iræ nobis subinde proposuerimus. inquit Seneca, [1] & illa estimaverimus bene: accusanda apud nos, damnanda, perscrutanda ejus mala, & in medium protrahenda sunt, ut, qualis sit, appareat, comparanda cum pessimis est, &c.

Suggerit & aliud, nempe turpitudinem vindictæ, & gloriam patientiæ; [2] Indignatio, inquit, cum a nimio sui suspectu veniat, & animosa videatur, pusilla est, & angusta, nemo enim non eo, a quo se contemptum judicat, minor est; at ille ingens animus, & verus estimator sui non vindicat injuriam; quia non sensit, ut tela à duro resiliunt, cum dolore cadentis solida feriuntur, ita nulla magnum animum injuria ad sui sensum adducit, fragilior eo, quod perit, quanto pulchrius velut nullo penetrabilem telo, omnes injurias, contumeliasque respuere: ultio doloris confessio est; non est magnus animus, quem incurvat injuria; quod sic dilemmate probat. Aut potentior te, aut imbecillior læsit; si imbecillior, parce illi; si potentior parce tibi; nullum est argumentum magnitudinis certius, quam nihil posse, quo instigeris, accidere.

Mitto alia innumera, quæ patent in Scripturæ libris sacris, & apud SS. PP. sicut & mansuetudinis elogia, & incentiva, quæ jam satis patere possunt ex horrenda contrarii effigie, & præterea de illa occurret sermo inter virtutes. Hanc sic describit S. Hieron. Mansuetus, seu mitis est, qui nec irritat, nec nocet, nec nocere cogitat, & qui nec ira, nec furore afficitur; & quanti meriti sit vel inde colligitur, quod ejus inter cæteras virtutes magistrum, & normam sese exhibuit Christus Salvator Divinus. [3] Di-

[1] Ibid. [2] Ibid. [3] Matth. II.

*Scire a me, quia misus sum, & humiliscorde, quod ante promiserat per Psalmistam. [1] Diriget mansuetos in iudicio. Hanc suavitatis præmii promissione, mansueti hæreditabunt terram. Et, Beati mites, quoniam ipsi possidebunt terram. Soli mansueti videntur salvandi, salvos faciet omnes mansuetos terræ. Et, Exaltabit mansuetos in salutem. Et hæc de passionibus plusquam satis; nec tamen pigeat Tyronem hæc legisse, qui vix unquam scientiæ moralis præcepta probè percipiet, aut ad praxim eorum proficiet, qui passionum humanarum naturam, causas, & effectus non tenuerit. Ad alia transeamus.*

## DISPUTATIO IV.

*De habitibus in genere.*



**P**ASSIONES sunt velut principia materialia, & naturalia actuum humanorum, & scientiæ moralis, quia circa eas moderandas tota versatur; Habitus verò sunt actuum eorundem principia intrinseca, & effectiva, & simul effectus in potentiis: nam primi actus generant habitus, & isti concurrunt ad posteriores, quatenus ex actibus generantur habitus, videbatur prius agendum de illis, quàm de istis; sed quia ab istis pendent etiam actus, solent auctores prius agere de habitibus in genere, sive ad malos, qui sunt vitia, sive ad bonos, seu virtutes descendunt. Utcumque sit, hunc locum habitibus in genere destinamus: quia eorum cognitio pernecessaria est Philosopho, & Theologo morali.

## QUÆSTIO I.

*An, & quid sit habitus, & quod duplex?*

**H**abitus nomen non sumitur hîc neque pro *aliquius rei possessione*, quæ opponitur privationi; nec pro *vestitu corporis*, quo sensu spectat ad ultimum prædicamentum; sed pro *qualitate perfectiva potentie* in operando, & dividitur 1. in habitum *influxum*, qui nobis à Deo conceditur sine labore, vel arte ex parte nostra; & *acquisitum*, qui per artem, ac repetitos actus in nobis generatur; datque potentiis facilius, & potentiis operari, pertinetque ad primam speciem qualitatis, quæ est permanens, ac difficulter mobilis, qua homo bene, vel male se habeat spectata primatio ejus natura, vel operatione, ut loquitur Arist. [1] *Habitus eos appello, quibus vel benè, vel malè ad effectus nos habemus, ut ad irascendum si vehementer, vel remissè malè, si mediocriter benè; & ita explicat August. [2] ipse, est habitus, quo aliquid agitur, cum opus est: cum autem non agitur, potest agi, sed non est opus; Et de hoc habitu jam aliqua prælibavimus in Metaphysica.*

## CONCLUSIO I.

**N**on dantur habitus in potentiis vegetativis, nec in sensitivis, benè verò in membris corporeis, & in potentiis internis tam cognoscitivis, quàm appetitivis tum materialibus, tum spiritualibus.

Prob. 1. ex Scoto [3] docente, quòd habitus non generatur in naturaliter inclinatis, sive in summe determinatis ad unum, sicut non generatur in gravi per quotiescumque descendere ratio descensus; nec generatur in violentè motis per quotiescumque moveri sicut patet de lapide moto sursum; sed generatur in potentiis de se indeterminatis ad actum, per actum frequenter elicatum. In quo habes regulam, & principium generale ad discernendum, in quibus potentiis ponendi sunt habitus, & in quibus non sunt ponendi. Nam

Tom. IV.

N

po-

[1] 2. Ethic. [2] de bono conjug. 2.

[3] 2. d. 3. q. 19. R. n. 18.

potentiæ vegetativæ, & sensitivæ exteriores sunt prorsus ex se determinatæ ad unum, agunt ex determinatione naturæ; & ad summum, quod possunt: non ita est de aliis: ergo illæ sunt incapaces *habituum*, & iste capaces. Prob. cons. nam ex communi sententia, non dantur *habitus* nisi ad promptius, facilius, & perfectius, ac intensius operandum; ergo potentiæ, quæ non sunt de se indifferentes ad promptius, vel tardius, ad facilius, vel difficilius, ad perfectius, vel imperfectius operandum actus suos, non sunt capaces *habituum*, benè verò alix. Quod docet [1] in particulari de potentiis externis: nam expertus ex frequenter agere habet *habituum* in potentia motiva, qua exercet operationem, vel forte in membro, quo agit; ut citharista exercitatus in manu. Et clarius alibi; [2] Conceditur, quod in parte corporis potest esse virtus, & *habitus*; sicut patet in manu scriptoris, & pictoris: & id concedit etiam de brutis, & de equo ad actus quosdam, ad quos est assuefactus. De habitibus intellectus, & voluntatis non est difficultas, quin eos ubique doceat, aut supponat. [3] *Altus est naturaliter generativus habitus per hoc, quod naturaliter relinquit suam similitudinem in passio; ergo quanta est differentia altum, tanta, & habituum, &c.*

Prob. 2. per partes, & 1. de sensibus externis, quia non experimur in eis augeri facilitatem sensationum præcisè ex frequentatione actuum; ergo nec quòd ex eis generentur habitus. Prob. ant. nam licet ex diversa dispositione oculi v.g. modò melius, & clarius, modò agrius, & obscurius videat lucem, & objecta, id tamen non venit ex frequentatione actuum videndi.

Confirmatur. Quia sensus externi agunt necessario, & naturaliter suas sensationes circa objecta sibi applicata; ergo semper agunt quantum possint ex determinatione naturæ; ergo frustra in eis ponerentur habitus, quibus perficerentur ad promptius, & facilius, & perfectius sentiendum; non enim ex eo, quòd sæpe vidimus, vel audivimus sensus videndi, & audiendi accepimus: & idem est de vegetativis, & nutritivis, nullam enim videmus facilitatem, vel perfectionem ad vegetationem, vel nutritionem acquiri

ex

[1] 1. Metaph. 9. 6. n. 4. [2] 3. d. 33. M. ad 5. [3] Me. 9. 1. n. 4.



ex frequentiori usu ciborum.

Prob. de reliquis potentiis ex eodem principio Scoti; Nam tam membra externa corporis, quam potentia internæ cognoscitivæ, & appetitivæ rationales, aut irrationales sunt de se perfectibiles in suis operationibus ad eas promptius, aut facilius, aut intensius, aut perfectius præstandas; ergo sunt *habitu* capaces. Prob. ant. experientiis quotidianis de singulis. 1. patet de membris experientia adducta de citharedo, scriptore, & pictore, qui perfectius, vel imperfectius, & facilius, vel difficilius operantur in artibus illis, quò sunt plus, vel minus exercitati, saltem cæteris paribus. 2. de potentiis internis cognoscitivis: nam, ut dicit Philos. [1] *consuetudo multum confert ad bene memorandum*; & quo magis exercitatur memoria, eò promptius, & facilius retinet cognita. 3. patet de appetitu sensitivo, maxime in homine, qui dum assuescit circa sensibilia occupari, difficilius ab eis retrahitur, & majori cum propensione illa prosequitur. 4. Patet utrumque in brutis; videmus enim illa de novo assuescere pluribus actibus, quos intensius, & promptius, ac facilius exercent post aliqualem usum, ac exercitationem: ideò disciplinitatem aliquam eis convenire dicit Philos. [2] & D. Aug. dicit, ea *per consuetudinem fieri mansucta, & domita*. 5. denique de intellectu, & voluntate, tum ex dicendis de fide, & charitate, quæ sunt habitus supernaturales, tum de prudentia, & scientia, opinione, fide acquisita, & virtutibus moralibus, quæ in illis potentiis rationalibus admittuntur; ergo dantur *habitus*, & quidem in illis omnibus potentiis.

Objic. 1. contra 1. p. experientias 1. quidam assuescunt quibusdam cibis tam in quantitate, quam in qualitate, quibus aliis non vescerentur. 2. plantæ assuescunt certis irrigationibus, quæ si omittantur, arescunt istæ, non autem aliæ. 3. ex usu possunt aliqua objecta placere, quæ prius non placebant, ut patet de visu, & gustu; ergo potentia sensitivæ, & nutritivæ sunt habituales.

Resp. neg. conf. Neque enim illa mutatio, qua cibis aliquando utimur, quibus antea non utebamur, & objectis delectamur, quæ antea displicebant, ve-

N 2

nit

[1] De memor. [2] 1. meteor. l. 8. 2. 99. 6.

nit ex aliquo habitu per illos usus acquisito, sed ex mutatione temperamentum: v. g. qui solet parum comedere, sic debilitatur, ut tractu temporis teneatur cum eadem parsimonia nutriri, nec possit comedere defectu caloris, & propter contractionem vasorum; sic plantæ ex frequenti irrigatione temperamento fiunt fluido, ac tenuiori, quod, nisi continò humectetur, facile evanescit. Quantum ad objecta idem dicendum est, nec id venit immediatè ab ullo habitu contracto per usum illum, sed ex immutatione qualitatum aliquot in sensu, vel ex apprehensione, & habitu contracto in sensu interno, in quo non negamus habitum.

Objic. 2. Tam lapis est capax velocioris, aut facilioris descensus, & aer facilioris ascensus, quàm manus aut pes, aut lingua perfectiorum actuum; sed hæc capacitas in membris arguit habituabilitatem; ergo & in sensibus, ac etiam in elementis, & non viventibus respectu motuum. Min. prob. ex fundamentis nostræ conclusionis; nam inde probamus existentiam habituum in membris, ac potentiis externis.

Resp. dist. min. Capacitas activa perfectiorum actuum arguit habituabilitatem, conc. min. actuum non activorum, neg. minorem: descensus lapidis venit quidem à gravitate, & ascensus aeris à levitate; sed illi motus non sunt activi, nec productivi; & si perficiuntur, vel augentur, id venit ex perfectiori gravitate, vel levitate, vel alia mutatione facta in re, vel in medio; numquam enim aliam mutationem experimur in illis actibus, vel motibus, nisi ex tali mutatione intrinseca, vel extrinseca qualitatum.

Objic. contra 2. p. [1] Si darentur *habitus* in membris, vel potentiis externis, vel internis humanis, darentur in brutis; nam in his æquant homines; sed *habitus* non dantur in brutis; ergo neque in illis potentiis humanis. Prob. min. nam *habitus* est, *quo vivimus cum volumus*, ex Phil. sed hæc libertas non est in brutis, *quæ non ducunt, sed ducuntur*, ex D. Damasc. [2] ergo nec habitus.

Resp. neg. 1. min. & dist. maj. prob. habitus est, *quo vivimus cum volumus*, si est habitus humanus, & moralis, conc. maj. si est naturalis, ut in brutis, neg. maj.

[1] *Aper. 3. de An. c. 18.* [2] *2. de fide c. 22.*

**maj.** & **conf.** nam [1] *appetitus sensitivus non ducit; sed ducitur, quia non dominatur suæ actioni, ut appetitus liber, & tamen est habitabilis; ergo ita est de brutis, & potentiis sensitivis tam externis, quam internis.*

**Inst.** *Potentia istæ, & maximè in brutis determinatur ab objectis ad unum, & necessariò; sed quod est sic determinatum, & agit necessariò, non est habitabile; ergo nec istæ potentia de se, & maximè in brutis.*

**Resp. dist. maj.** *Determinantur ab objectis, ita ut circa illa non semper eodem modo, nec eadem facilitate, & perfectione ferantur in illa, con. maj. & neg. min. ita ut semper eodem modo ferantur, neg. maj. & conf. nam licet equus sit determinatus ad aliquod objectum, & aliquem motum, tamen ex usu & exercitio perficitur in illis motibus, in quibus antea durior, ac difficilior erat.*

**Objic. contra 3. p. & 1. de intellectu:** *quia frustra, & absque necessitate poneretur in intellectu aliud, quam objectum, vel in se, vel in speciebus; ergo in intellectu nulli sunt habitus perficientes eum ad actus suos præter species impressas in his, quæ noscit abstractivè. Prob. ant. intellectus est potentia prorsus determinata, & naturaliter agens, neque ad hoc eget alio, quam præsentia, & applicatione objecti, sicut de oculo, vel alio sensu: sed in potentiis sic determinatis, & agentibus non admittimus habitus; ergo nec in intellectu: & hoc patet maximè circa primæ principia, quæ cum sint per se evidentia, & nota, semper intellectus habet circa illa actum summè perfectum, & intensum ad extremum facultatis suæ.*

**Resp. neg. ant. & dist. maj.** *simpliciter, & absolute est determinatus, & naturaliter agens, & quantum est de se, conc. maj. & neg. min. est determinatus secundum quid, scilicet ad perfectissimè, seu promptissimè agendum circa objecta, neg. maj. quia patet experientia, quod intellectus perficitur in suis operationibus per speculationem, & usum dividendi, definiendi, & argumentandi, saltem promptè, & ordinatè, ac perfectè: nec id faciunt species rerum etiam quocunque modo ordinatæ; nam species ejusdem propo-*

N 3      titio:

[1] 1. d. 17. q. 2. T.

sitionis objectivæ in duobus intellectibus, quorum unus non habeat habitum ullum ratiocinandi, & aliter habeat, iste longè perfectiùs intelliget, quàm ille, species ut species dant agere simpliciter, *habitus* verò naturalis, & acquisitus dat tantum agere. secundum quid, scilicet promptiùs, faciliùs, perfectiùs, & hoc verum est etiam circa prima principia. Nam Philosophus perfectiùs intelliget hanc propositionem, *Totum est maius sua parte*, quàm rusticus. Intellectus ergo ex se non habet summam determinationem ad perfectissimos, & intensissimos actus; potest enim intensiores, aut remissiores habere secundum dispositiones, & habilitates accidentales; ut sunt *habitus*.

Objic. denique de voluntate; nam *habitus* tollent ejus libertatem quoad actus, in quos influerent; ergo non sunt admittendi in voluntate, quia officerent, non verò juvarent. Prob. ant. *Habitus* agunt naturaliter, & non liberè; ergo officerent libertati.

Resp. neg. 1. ant. & dist. 2. sunt causæ naturales subordinatæ voluntati, quæ est libera, conc. ant. non subordinatæ, neg. ant. juvant itaque, & inclinant appetitum, & voluntatem, ita ut facilius, & perfectiùs per illos operetur; sed illa semper domina est, & non operatur per illos nisi volens.

## CONCLUSIO II.

**H**abit<sup>us</sup> naturalis describitur qualitas de prima specie permanens in potentiis animæ, per actuum frequentationem acquisita, facilitans ad operandum.

Prob. 1. ex Scoto [1] post Philos. ubi has condiciones habitus naturalis admittit. *Habit<sup>us</sup> naturalis* dicitur quandam facilitationem inductam super potentiam naturalem; & eam contra distinguit à dispositione, quæ est qualitas de facili mobilis per oppositum ad habitum; quia scilicet est qualitas permanens, & de difficili mobilis, ut dictum est alias, &c. Et has condiciones fatetur colligi ex variis textibus Aristotelis, quos sit i objicit.

Prob. 2. Quia non potest meliùs explicari. Dicitur 1. qualitas, & in hoc conveniunt communiter Philo-

so-

[1] 4. d. 6. q. 19. O. n. 16.

sophi; nec potest ad aliud prædicamentum reduci eique conveniunt omnes conditiones talis qualitatis ut facile discurrenti patebit. 2. *de prima specie* ob eandem rationem: nam in illa specie collocantur illæ qualitates, quæ ab extrinseco proveniunt, & disponunt subjectum ad agendum; 3. *permanens*, per quod differt à *dispositione*, quæ est aliud membrum primæ illius speciei. 3. *in potentiis animæ* five externis, five internis; & hoc quia licet essentia animæ sit subjectum quod, & mediatum, tamen ejus potentia sunt subjectum quo, sicut & actuum, per quos generantur; actus autem est immediate in potentia; ergo & *habitus*, qui ab actibus generantur, & ad actus concurrunt. 4. *acquisita per actum frequentationem*; & notatur causa illius efficiens. 5. *facilitans ad operandum*; per hoc differt naturalis, & acquisitus à supernaturali, qui dat non facilitatem operandi, sed potentiam ad operandum; dat operari simpliciter, ut jam diximus, iste verò dat operari secundum quid, scilicet facilius, promptius, perfectius, &c. ut magis patebit. 6. aliqui addunt *bene*, *aut male*, quòd videtur secundum mentem Aristotelis; sed improbat Scotus, nam sicut dantur actus indifferentes, ita & habitus.

Objic. 1. contra 3. part. habitus supernaturales; seu infusi recipiuntur immediate in substantia animæ; ergo & acquisiti. Prob. ant. nam gratia habitualis ibi immediate recipitur: animam enim sanctificat; ergo ita est de aliis.

Resp. neg. ant. 1. & 2. nam ex Scoto, gratia sanctificans non distinguitur realiter à charitate, & hæc recipitur formaliter, & immediate in voluntate.

Dividitur autem *habitus* 1. ratione causæ efficientis in *infusum*, seu *supernaturalem*, qui à solo Deo inditur, ut *fides*, *spes*, & *charitas*, & *acquisitum*, seu *naturalem*, qui arte, ac labore, seu exercitatione comparatur, ut *ars psallendi*, *saltandi*, *scientia argumentandi*, &c. Primus dat simpliciter, & absolute posse, seu operari. 2. verò tantum dat promptius, melius, & perfectius; ac intensius operari, ut jam monuimus. Rursus alius est *per se infusus*, qui scilicet nulla arte naturali potest acquiri; ut *fides*, *spes*, & *charitas*: alius *per accidens infusus*, qui posset qui-

idem per vires naturæ, & actus iteratos acquiri, sed non tam citò, nec tam facile, & perfecte, ut si non student infundatur scientia, vel non laboranti fortitudo, vel temperantia; ratione materiæ, aut subiecti in *cognoscitivum*, seu *intellectualem*, qui residet in potentiis cognoscitivis, & dat vel absolutè, vel secundum quid percipere objecta; ut scientiæ, & artes plurimæ, ac virtus prudentiæ; & isti subdividuntur in *speculativos*, & *præcticos*, aut *morales*, de quibus alias diximus; & in *appetitivum*; qui est in potentiis appetivis, ut *charitas*, & *temperantia*. 3. in *bonum*, seu *virtuosum*, qui dicitur *virtus*, & *malum*, seu *viciosum*, qui dicitur *vitium*: & addi posset *medius*, & *indifferens*, de quibus infra. Singula etiam prædicta membra plures patiuntur subdivisiones, quæ passim occurrent.

## Q U Æ S T I O II.

*De causa efficiente, & intensiva habituum.*

**S**uppono ex Metaph. quod *potentia naturalis*, & *impotentia* sunt qualitates æquæ ac *habitus*, & *dispositio*, & inter se in hoc conveniunt, quod disponant subiectum ad agendum, & id non faciunt aliæ duæ species; sed in hoc differunt; quia *potentia*, & *impotentia* veniunt ab intrinseco subiecti, & natura, ut sunt facultates quædam, & habilitates innatæ, seu insitæ à natura singulis, v. g. ille habilis est ad scientias speculativas, ille ad artes, ille perspicax, & subtilis ingenio, alter hebes, & gravis, ille proclivis ad certa vitia, iste ad certas virtutes; sed *dispositio*, & *habitus* veniunt ab extrinseco, & acquiruntur exercitatione, & studio. Hoc supposito; causa effectiva habituum debet esse extrinseca, & distincta ab ipso subiecto; & id patet de infusis, quos diximus à solo Deo infundi.

Quæstio restat de his, de quibus hic agimus, quos diximus acquisitos, & naturales; & quærimus, an acquirantur per ipsas potentias immediatè, & per actus velut instrumenta, aut dispositiones, ut volunt aliqui, aut saltem velut per actiones, sicut calor producitur ab igne per calefactionem, an verò per actus similes, v. g. habitus saltandi per saltationes.

Sup.

Suppono 2. *Habitus* etiam acquiri gradatim, & habere suam intensiorem, & remissionem, sicut, & aliarum qualitates, quam intensiorem diximus suo loco fieri per additionem gradus ad gradum, & quidem per gradus homogeneos, & supposito, quod producantur per actus, ut mox dicemus, difficultas est, an intendantur per actus remissiores, v. g. an habitus saltandi, aut psallendi intensus ut quatuor intendatur per actus saltandi, aut psallendi ut duo.

## CONCLUSIO.

**H**abitus producuntur effectivè per actus similes illis, in quos inclinant, & intenduntur etiam per remissiores. Est communior quoad 1. partem.

Prob. 1. p. ex Scoto (1) docente, quod si actus volendi est principium alicujus, est principium naturale ejus, non liberum: sicut si ex tali actu generaretur habitus appetitivus, naturaliter generaretur, ita quod generatio talis habitus non est in potestate actus. Et alibi hoc apertè supponit docens, quod licet actus præcedens generet habitum, non sequitur, quod sit principium quo saltem immediatum respectu actus sequentis, in quem influit iste habitus ab actu præcedenti generatus. Non oportet, omnem actum generativum habitus esse rationem agendi, quo, sicut habitus genius potest esse ratio quo. Ubique tribuit actibus generationem habitum, & hoc expressius docet dicens, (ut probet habitus esse differentes, sicut actus) actus est naturaliter generativus habitus secundum istos [Thomistas] per hoc, quod naturaliter suam similitudinem relinquit in passio.

Prob. 2. ex eod. [3] Actus est sufficiens, & totalis causa habitus (non univoca, sed æquivoca) quia actus, & habitus non sunt ejusdem speciei, actus est transiens, & habitus permanens: ergo habitus effectivè producuntur per actus similes. Prob. ant. cum actus voluntatis generat habitum in voluntate, voluntas ipsa nihil ibi operatur: alioqui actus non causeret habitum, si voluntas nollet concurrere; quia ipsa est libera; & sic habitus iustitiæ non generare-

N 5 tur

[1] 1. d. 12. G. n. 5. [2] d. 17. q. 2. V. vel q. 3. n. 10.

[3] 5. metaph. q. 1. n. 4. Collat. 6. n. 5.

tur per actus iteratos iustitiæ, si voluntas noller, sed hoc falsum est; ergo actus totaliter causant effectivè habitus: qui frequentat actus virtutis, aut vitii, etiam nolens contrahit habitum ad illos.

Prob. 3. Quia posito actu, ponitur habitus, & sine actu non ponitur: nec potest assignari alia probabilior causa: ergo actus est verè causa totalis habitus. Ant. patet experientia quoad 1. p. & patebit solutio-  
ne objectorum quoad 2.

Prob. quoad 2. p. ex Scoto. [1] Cum enim dicit, quod *in actibus augmentativis habitus actus decimus potest esse perfectior primo*, satis apertè docet, habitum non solum intendi per actus perfectiores, ut esset ille decimus, sed etiam per imperfectiores, alioqui non diceret, *potest esse*, sed *debet*: aut *est perfectior primis*.

Prob. 2. Si quid impediret de omnibus, maximè de remissioribus: sed hoc non impedit: ergo habitus possunt intendi etiam per remissiores. Prob. min. agens æquivocum, qualis est actus respectu habitus, licèt sit remissior, potest intendere effectum etiam perfectiorem in virtute, ut probatum est in libro de generatione, & id patet experientia de actibus: nam posteriores omnes actus non sunt semper intensiores primo: & tamen certum est, habitum, quem produxit primus, augeri per posteriores: qui studet, ac memoriæ mandat orationem, non semper eam legit, aut recitat eadem attentione, quæ legit, & recitavit prima vice.

Objic. contra 1. p. 1. Habitus est perfectior actu: ergo non causatur ab actu, saltem ut causa totali; quia effectus non superat causam suam. Prob. ant. habitus ipse est causa actus, & quidem æquivoca, & est quid permanens, actus verò transiens. Nam *bonum diuturnius est melius* ex Arist. [2]

Resp. neg. ant. & dist. prob. Est causa actus partialis, & accidentalis, conc. totalis, & secundum se, neg. ant. & cons. nam actus perfectius, & prius unit potentiam cum objecto, & habitus est propter actum, & non est nisi causa partialis actus sequentis suam productionem: ergo actus est nobilior habitu.

Inst. Si actus esset causa totalis habitus, posset il-  
lum

[1] 1. 4. 17. 7. 3 RR, vel. 9, p. 5. [2] 1. Topic. c. 1.



Iam causare extra potentiam, si existeret extra ipsam; sed hoc est absurdum, & falsum: ergo non est causa totalis habitus.

Resp. neg. maj. Nam deesset subjectum, & approximatio ad subjectum, in quo causaret habitum, & ideo non posset se solo extra potentiam generare habitum.

Objic. 2. Habitus non tantum correspondet perfectioni actus, sed etiam conatui potentiae: ergo efficitur etiam à potentia, non verò à solo actu. Prob. ant. de duobus discipulis scriptoris, si unius teneat, aut ducat manus, iste perfectius efformabit litteras, quam alter, qui se solo scribet, sed cum majori studio, & conatu; sed iste perfectiorem contrahet habitum scribendi; ergo conatus potentiae influit in habitus generationem. Idem est de duobus temperantibus, quorum unus propter graviores tentationes eliciat actum remissum temperantiae, alter quia non tentatur, eliciat intensiorem actum, certum est, quòd primus cum remissiori actu contrahet perfectiorem habitum, quàm secundus cum intensiori actu; sed hoc non potest provenire nisi à majori conatu potentiae in primo; ergo, &c.

Resp. neg. ant. & dist. prob. Propter conatum potentiae mediata; con. ant. immediata, neg. ant. & conf. nam semper actus, qui cum majori conatu elicitur, erit magis liber, & ideo perfectior; quo enim magis applicatur virtus, eo perfectiorem debet actum producere magis autem applicatur illa virtus per majorem conatum: unde perfectio habitus semper erit immediata, & ut quo, à majori aliqua perfectione actus; remote verò à potentia, & virtute, quae causat actum, ut facile videtur in illis exemplis.

Inst. Cessante actu vitioso durat habitus; ergo à sola voluntate conservatur; ergo & ab ipsa producitur: quia si potest conservare, potest etiam producere.

Resp. dist. 1. conf. à sola voluntate subjective, & indirecte, con. effective, & immediate, neg. conf. in tantum enim voluntas conservat habitum per actus genitum, in quantum ipsi inhæret subjective, & ipsa non destruit illum per actus contrarios, & præterea certum est, habitus sensim remitti, & deperdi, nisi conserventur per actus.

Objic. contra 2. p. 1. *Habitus non acquiritur per primum actum; ergo non acquiritur per omnes. Prob. ant. non acquiritur nisi per plures, & frequentes, sicut per primam guttam non cavatur lapis.*

Resp. dist. ant. non acquiritur perfecte, & complete per unum, si non sit summè perfectus, conc. ant. non acquiritur imperfectè, & proportionatè ad perfectionem actus, neg. ant. si potentia sit nuda, & libera ab omni habitu contrario, tunc per primum actum producit positivè habitus in aliquo gradu remissiori, si verò sit effecta contrario aliquo habitu, per primos actus deletur ille prior habitus, & sic gradatim aliquid causatur de isto; sicut primæ guttæ sensim tollunt duritiem à lapide, ac dispositiones contrarias, & sensim molliunt.

Objic. 2. Si habitus ut quatuor v.g. intenderetur per actum ut tria, fieret intensus ut 5. & sic actus ut tria faceret habitum ut 5. sed hoc est absurdum; ergo habitus non intenditur per actus, saltem per remissiores.

Resp. neg. maj. Nam actus ut tria causaret quidem unum gradum intensiōis in habitu, qui posset dici quintus, sed non propterea faceret totum habitum ut quinque.

Inst. 1. Effectus non potest excedere causam; sed habitus ut quinque excederet actum ut 3. ergo iste non potest causare in illo quintum illum gradum.

Resp. dist. min. excederet absolute, & perfectione illa graduali, quæ non tota causaretur per illum actum, conc. min. excederet in eo præcisè, quod actus causaret, neg. min. & cons. nam actus ut tria causaret in habitu ut 4. unicum gradum, qui quidem additus alijs 4. faceret habitum ut 5.

Inst. 2. Calidum ut 3. vel 4. non potest intendere aliud calidum ut 4. alioqui simile ageret in simile; quod non admittimus; ergo nec actus ut 3. potest augere habitum ut 4. vel ut 5.

Resp. neg. ant. & dist. rationem ejus, simile in intensiōe ageret in simile in intensiōe, sed dissimile in natura, conc. simile in intensiōe, & specie, seu natura, neg. nam actus ut 4. & habitus ut 4. sunt quidem similes in intensiōe, sed non in natura, ideo actus ille potest agere, & intendere hunc habitum sibi correspondentem, sicut etiam actus odii ut duo potest

est agere in habitum amoris ut 4. & remittere unum gradum intensificationis ejus. Item calidum ut tria agit in frigidum ut 5. & remittit de frigore illius.

Inst. 3. Saltem sequeretur, actus, & habitus posse mutuo se augere in infinitum; nam actus amoris ut 4. augeret habitum ut 5. & iste cum 6. vel 7. gradu efficeret amorem ut sex, & ita in infinitum per reciprocam intensificationem.

Resp. neg. seq. & rationem ejus: nam, ut docet Scotus, [1] non possunt nec actus, nec habitus intendi ultra certum gradum juxta dispositionem potentiae. Unde *Habitu existente perfecto, vel in summo, quantum potest perfici in tali subiecto, vel secundum terminum sibi praefixum a sapientia divina omnes actus sequentes nihil augent, sed omnes procedunt ex habitu jam generato, &c.*

### Q U A E S T I O III.

*Quomodo habitus concurrant ad actus.*

Certum est, quod absolute, & per se loquendo ab objecto, & potentia producuntur actus; sed cum potentia reperitur informata habitu, certum est, quod sicut facilius, & perfectius operatur suos actus, ille habitus concurret ad illos aliquo influxo: dubitatur autem, in quo genere causae concurrat, an effectivè ita, ut attingat partialiter substantiam actus, aut saltem quoad aliquem modum, v. g. secundum intensificationem, aut facilitatem, ut volunt plurimi; an formaliter, quatenus potentiam formaliter inclinat, & determinat ad actus, vel saltem materialiter, disponendo potentiam ad receptionem sui actus, ut placet aliis. 2. & supposito concursu effectivo, quaeritur, an sit ad actus remissiones, & inferiores, an verò etiam ad intensiores, & excedentes facultatem naturalem potentiae.

CON.

[1] 2. d. 7. r. n. 27.

## CONCLUSIO I.

**P**robabilius est, habitus concurrere cum potentia ad substantiam actuum effectivè; etiam ad intensiores, & ad excedentes facultatem naturalem potentia. Est Scotistarum communiter cum D. Thoma. (1)

Prob. 1. ex Scoto; (2) qui licet videatur problematicus; & disputet tam pro concursu formali, quam pro effectivo, tam n. propendet magis in effectivum, ut notant ejus discipuli, maximè Cavellus: *Virum habitus perficiens aliquam potentiam sit principium activum actus, ita quod per habitum tanquam per principium elicitivum, vel activum eliciatur actus?* & pro utraque parte adducit rationes, & solvit adductas pro affirmativa. Alibi videtur tribuere activitatem habitui; ut cum dicit contra Goffredum, *Habitus non ponitur præcisè ad patiendum, & maximè in passivo summè dispositio ad formam; non enim oportet illud faciliteri ad recipiendum: sed intellectus est summè dispositus ad quamcumque intellectionem, qua nihil habet contrarium; ergo non oportet ponere aliquem habitum in intellectu, si præcisè esset passivus, (ut sunt dispositiones) respectu intellectionis; prob. ant. ex Philosopho.* (3) 1. quia habitus est, quo utimur, cum volumus, & habentem perficit, & opus ejus bonum reddit; omnia ista attribuunt aliquam activitatem habitui: eandem opinionem proponit, & probat (4) dicens, *Tribuendo habitui aliquo modo rationem principii activi respectu actus, potest dici, quod habitus est causa partialis activa, &c.*

Quòd autem concurrat non purè ad modum aliquem, sed ad substantiam actus sic docet, & probat. Quando duæ causæ concurrunt ad aliquem effectum, una sola non potest ex se in ita perfectum effectum, licet ambæ simul, & hoc modo salvatur, quod actus est intensior à potentia, & habitu, quam à potentia sola (nota sequentia) non quidem quod potentia sola sit causa substantiæ actus, & habitus sit causa intensioris, quasi duobus causatis corresponderent duæ causæ; sed

[1] 1. 2. q. 42. a. 3. Collat. 6.

[2] 1. d. 3. q. 7. E. n. 10. [3] 2. Ethic. 5.

[4] d. 17. q. 2. H. & A. R. n. 8. & q. 3. n. 5. Ibid. l. n. 9.

quod amba causa concurrentes possunt producere effectum perfectiorem, quam altera sola: qui tamen effectus secundum se totum, & per se unus est a duabus causis in diverso ordine causantibus.

Prob. 2. ex Phil. Omnes habitus ex operationibus similibus fiunt, quapropter tales quasdam operationes reddere oportet: & docet, virtutem esse habitum, à quo bonus efficitur homo, & quo bene suum opus reddit, efficitque: & distinguit habitum in activum, ut est prudentia, & passivum, ut sunt artes; ergo ex Arist. habitus sunt effectivi.

Prob. 3. ratione ex eodem, & quoad 1. p. Nam habitus dat potentiae operari delectabiliter, faciliter, expedite, & promptè, quia inclinat illam ad agendum; sed hæc sapiunt actionem, & efficientiam; ergo habitus habet in potentia rationem activi effectivi. Probat. min. facilitari, inclinari, expediri, reddi promptum ad operari conveniunt principio, quatenus potest retardari, vel impediri ad agendum; ergo respiciunt potentiam ut activam, & juvant ejus actionem, & pertinent ad principium activum.

Dices, illam tarditatem venire posse ex parte subjecti indispositi, & habitus posset tollere illam indispositionem ex parte subjecti, non ex parte potentiae agentis; ergo sufficit, quod habitus concurrat in genere causae dispositivæ.

Contra. Quia si subjectum sit in se nudum, & indispositum negativè tantum, ut intellectus respectu scientiæ, certum est, quod potentia egebit majori conatu, ut producat actum se sola, quam si esset habitata, & actus erit imperfectior cæteris paribus, quam si esset adiuta per habitum; ergo signum est, quod habitus concurrat activè.

Dico, cæteris paribus, nam per majorem conatum posset supplere defectum habitus, sed hoc semper probat activitatem habitus; quandoquidem ejus absentia suppletur conatum in agendo.

Dices 2. habitum in tantum facilitare potentiam, quia formaliter inclinat eam ad actum, licet non agat cum illa.

Contra. Habitus inclinando potentiam vel auge virtutem ejus, vel non; si augeat; ergo activus est sicut & virtus potentiae; si non augeat; ergo potentia

non

non aget facilius, nec promptius, nec perfectius cum habitu, quàm sine habitu, quod est contra suppositionem, & experientiam.

Prob. 4. eadem pars. Habitus supernaturalis infusus, v. g. *fides*, *charitas* concurrit activè ad actus supernaturales credendi, & amoris Dei, ergo & habitus acquisitus ad actus naturales. Ant. patet ex communi Theologorum consensu, & ex Scriptura ipsa: ut cum dicit D. Paulus. *Non ego, sed gratia Dei mecum*, scilicet operata est, & à fortiori si dicatur cum alia versione, *sed gratia Dei in me*. Nam hæc locutio plus tribuit actioni gratiæ, quàm ipsi homini. Item cum dicit: *Gratia Dei in me vacua non fuit*: de quo dicemus alias ex professo. Prob. autem cons. nam habitus infusi, & acquisiti conveniunt in genere qualitatis, ergo & activitatis, ergo si illi sunt activi, ita & isti.

Prob. denique. Experimur enim, quòd potentia cum habitu minori conatu elicit actum ut quatuor, quàm sine habitu, ergo habitus supplet illum majorem conatum, quem debuisset adhibere, sed ille conatus esset in genere efficientis, ergo & habitus concurrit in eodem genere causæ.

Prob. 2. p. scilicet, quòd concurrat etiam *ad substantiam actus*, non verò solum *quoad modum*, v. g. facilitatem, vel intensionem. 1. quia supposito concursu activo tam potest terminari ad substantiam actus, quàm ad ullum modum, v. g. ad intensionem, nec enim apparet, intensionem illam majorem, aut minorem posse separari ab ejus entitate, facilitas verò, & promptitudo sunt modi extrinseci, & denominationes petitiæ ex dispositione agentis, ergo si habitus concurrit effectivè ad actus, concurrit ad eorum substantiam, seu entitatem.

Prob. 2. ex Scoto. Quod est prius essentialiter, non potest pendere ab aliqua causâ, à qua non dependeat ad, quod essentialiter est posterius, sed actus est essentialiter prior suo modo, v. g. sua intensione, ergo modus non potest pendere totaliter à causâ, à qua ipse actus non dependeat. Prob. maj. si enim posterius posset totaliter dependere ab alia causâ, posset separari, & esse sine illo priori, & sic non essent prius, & posterius essentialiter; qualiter debent esse res, & mo:

modus suus intrinsecus. Conf. quia causæ subordinatæ non habent effectus distinctos; sed potentia, & habitus sunt causæ subordinatæ actuum; ergo nihil distinctum in eis causant. Hanc rationem sic proponit Scotus. (1) *Quod habitus sit causa distincta à potentia, & alicuius distincti a potentia non videtur probabile, quia non est nisi causa 2. respectu potentie; causa autem 1. & 2. non habent distinctos effectus sibi proprios, quia respectu neutrius hæc esset prima.*

Prob. denique de intensione: nam intensio qualitatis non est accidens ejus separabile à gradibus entitativis ejus: importat illos essentialiter plures, aut pauciores, secundum quod est major, aut minor, nec potest esse sine aliqua intensione; ergo causa majoris intensiōis causat plures gradus, seu partes integrantes entitatis ejus; ergo habitus non potest causare efficienter intensiōem actuum, quin causet illorum entitatem.

Prob. 3. p. scilicet quòd habitus concurrat activè ad actus etiam intensiores: nam si habitus ut duo respectu actus ut quatuor concurreret tantum ad duos primos gradus, potentia experiretur majorem facilitatem ad duos priores, quam ad reliquos; sed hoc est contra experientiam; nam facilitas, & inclinatio in potentia est ad totum actum; ergo habitus concurrat ad totum actum licet intensiorem se. Ad hoc etiam facit præcedens argumentum Scoti.

Prob. 4. p. de effectu excedente facultatem potentie: nam ex habitu, & potentia simul coalescit causa perfectior, quàm sit potentia sola; ergo potentia cum habitu potest producere actum perfectiorem, quàm posset se sola, & secundum vires omnes suas agente; ergo habitus concurrat ad effectum etiam perfectiorem.

Objic. 1. contra 1. p. Unius actionis unum est per se principium activum; sed actus producitur per unam actionem; ergo & per unam potentiam; sed ex potentia, & habitu non fit unum per se principium, sed unum per accidens; ergo habitus non concurrat ad actum ut verum principium.

Resp.

Resp. cum Scoto dist. maj. est unum per se principium in uno ordine principiandi, conc. maj. in diverso ordine, neg. maj. & conf. nam *potentia, & habitus sunt duo principia diversi ordinis, & utrumque est unum per se in suo ordine*, sicut causa 1. cum 2. & principalis cum instrumentali. Potentia ergo, & habitus sunt una causa, seu unum principium unitate ordinis in principiando.

Inst. Si habitus, & potentia efficiunt actum ut dux causæ, vel sunt totales, vel partiales, non totales, quia una illarum superflueret: non partiales, quia potentia se sola potest producere suum illum actum posteriorem acquisitioni habitus, sicut potuit se sola producere priorem; ergo non sunt dux etiam in causando.

Resp. esse duas causas partiales subordinatas, & diversæ rationis: & dist. ant. prob. posset se sola, sed diverso modo, & conatu, conc. ant. eodem conatu, & modo, neg. ant. & conf. nam si sola produceret, & sine habitu, vel ipsa adhiberet majorem conatum, ut 2. actus esset æque perfectus, vel esset remissior, si ageret eodem conatu, quo agit cum habitu.

Objic. 2. Arguimus concursum habitus ex majori inclinatione, & facilitate potentix in eliciendo actum; sed hæc non arguit talem influxum; ergo non est admittendus. Maj. patet ex fundamento nostræ assertionis. Prob. min. voluntas verbi gratia tam erat inclinata, & tam facile eliciebat 1. amoris actum, quam secundum; ergo male ex illis arguitur causalitas habitus.

Resp. neg. min. & ant. prob. nam habitus amoris per hoc, quod informat, voluntatem, inclinatur eam, & quasi actuatur, & faciliatur ad amandum, & respectu actus sequentis etiam concurrat effectivè cum illa ad amorem ulteriorem.

Inst. Si habitus sic informaret, & inclinaret, semper sentiremus illam inclinationem; quia habitus semper informaret; est enim qualitas permanens, & naturaliter agit; sed hoc est falsum, & contra experientiam; quis enim experitur semper se impelli ad amandum, quod semel amavit? ergo malè asseritur illa inclinatio, & causalitas habitus in actum ex illa inclinatione.

Resp.



Resp. neg. maj. Nam voluntas non fertur in incognitum; & quia non semper proponitur objectum semel amatum, ita nec semper experimur illam propensionem. Vel sic dist. maj. semper perciperemus propensionem, si semper proponeretur objectum, & heret præsens voluntati, conc. maj. si non semper fieret præsens per cognitionem, neg. maj. & conf.

Inst. effectus formalis non est separabilis à forma: sed illa inclinatio est effectus formalis habitus; ergo quamdiù habitus durat, ita & propensio deberet durare, & sentiri. Prob. maj. quamdiù calor est in aqua, tamdiù eam reddit calidam.

Resp. dist. maj. Effectus formalis primarius, conc. maj. & neg. min. effectus secundarius, neg. maj. & conf. nam illa inclinatio, & facilitas sunt effectus secundarii habitus, & dependent ab applicatione potentiae cum habitu ad objectum, quæ applicatio fit per cognitionem objecti; primarius est informare potentiam.

Objic. 3. Si habitus causaret substantiam actus, ipse esset potentia; quia haberet eandem virtutem; nam virtus faciendi rem in substantia est potentia; sed hoc consequens est falsum, & contra omnes; ergo & ant.

Resp. neg. maj. & rationem ejus: nam potentia se sola habet virtutem, habitus vero dependet à potentia in esse, & operari.

Objic. 4. Accidens non est principium agendi in subiectum suum, v. g. albedo non agit in parietem, cui inhæret; sed habitus est accidens; ergo non causat actum in potentia.

Resp. neg. ant. nam, ex Scoto, *Accidens bene potest esse principium alicuius effectus in suo subiecto receptibilis; sicut species intelligibilis est principium intellectionis receptæ in intellectu.*

Objic. 5. Non datur circulus, nec reciprocatio in causis, & effectibus; scilicet duo entia diversæ speciei non possunt esse sibi invicem causæ æquivocæ; sed hoc accideret, si habitus causaret actum, quandoquidem & ipse causatur ab actu, suntque causæ æquivocæ; ergo vel habitus non causat actum, vel ipse non causatur ab actu. Prob. maj. causa æquivoca conuenit eminenter suum effectum, & est perfectior illo;

&

& sic habitus contineret eminenter, & superaret actum, à quo ipse debet contineri, & superari; & sic esset perfectior, & imperfectior, dependens, & independens respectu ejusdem, sed hæc implicant; ergo, &c.

Resp. dist. maj. In causis totalibus conc. maj. in partialibus, neg. maj. utramque; nam causæ partiales non debent sic continere suos effectus; habitus verò est causa tantum partialis, eaque secunda, & minus principalis actuum sequentium, in quos influit; v. g. species intelligibilis est imperfectior intellectione, in quam influit partialiter cum intellectu; ergo & habitus potest esse in aliquo imperfectior actu, quem causat partialiter cum potentia vitali.

Objic. 1. contra 3. & 4. p. Si habitus causaret etiam actus intensiores, aut excedentes facultatem potentiae, effectus superaret causam suam etiam æquivocam; sed conf. est falsum, & contra nos, ergo & ant. prob. maj. nam actus intensus ut sex perfectior est habitu ut tria.

Resp. dist. maj. superaret causam partialem, & minus principalem, conc. maj. & neg. min. nec enim id negavimus, nec falsum est; superaret causam totalem, & principalem, neg. maj. & conf. quando duo trahunt navim, tractio, & motus navis est longè intensior, & superat vires singulorum seorsim, non verò amborum simul. Comparatio fieri debet inter effectum, & causam totalem, aut saltem principalem.

Objic. 2. Si habitus concurreret ad actus excedentes vires potentiae, esset simpliciter necessarius, non verò tantum secundum quid, & ad melius, aut perfectius, & facilius operandum; sed conf. est contra nos, ut patet ex dictis; ergo habitus non causat actus excedentes vires potentiae. Prob. maj. nam absolute potentia non posset producere illos actus sine habitu.

Resp. dist. maj. Esset simpliciter necessarius ad actus tantæ intensioris, conc. maj. & neg. min. ad actus omnes ejusdem speciei, sed remissiores, neg. maj. & conf. nam licet potentia non posset se sola sine habitu elicere perfectissimos illos actus, quos elicit cum ejus adjutorio, non sequitur, quod absolute, & simpliciter sit necessarius; sicut est habitus fidei infusus, sine

sine quo ne minimus quidem actus fidei supernaturalis elici potest.

Hinc vides, probabilem esse hanc sententiam de concursu effectivo habitus ad actus sequentes, & similes; v. g. habitus iustitiæ acquisitus per primos actus illius virtutis concurrat ad sequentes actus ejusdem iustitiæ: sed non caret etiam probabilitate sententia id negans, & non tribuens habitui nisi concursum formalem, quatenus inhærens, & informans potentiam, in qua est, inclinatur eam, & determinat per modum alicujus ponderis ad similes actus; & ideo argumenta nostra, & alia, quibus suaderi potest sententia nostra eruditè, ac subtiliter solvit Doctor locis citatis.

## CONCLUSIO II.

**H**abitus non concurrat activè ad moralitatem actus, nisi quatenus concurrat ad entitatem, seu substantiam ejus physicam. Est Doctoris, & aliorum.

Prob. 1. ex Scoto, [1] qui sic discurret ad propositum: Quantum ad istam conditionem accidentalem actus, quæ est bonitas moralis, non oportet aliquem habitum habere aliquam rationem proprii principii activi, nisi in quantum habet rationem principii activi respectu substantiæ actus, qui actus natus est convenire completo dictamini prudentiæ, & ad illum actum in se inclinatur habitus aliquis ex natura habitus. Et ex hoc consequenti inclinatur ad actum, qui sit conformis rectæ rationi, si recta ratio insit operanti; ergo habitus ut talis non concurrat aliter ad moralitatem, nisi quatenus concurrat ad entitatem actus, qui est natus esse conformis rectæ rationi: additque, quod virtus moralis non addit super substantiam habitus, ut est forma de genere qualitatibus, nisi confirmatatem habitualem ad rectam rationem: idem enim habitus, qui generatur ex actibus abstinentiæ cum ratione erronea in elicientem, manens cum ratione recta fit virtus abstinentiæ, cum antea non esset habitus virtutis. Hinc

Prob. 2. ex eodem, quia moralitas in actu præcedit generationem habitus, sicut & substantia actus; ergo moralitas in actu non venit ab habitu. Unde

non

[1] Collat. o. cit. 1. d. 17. q. 2. P. & Q. cit.

*non est imaginandum*, inquit, (1) quòd potentia, in qua est habitus, sit causa substantiæ actus, & quòd habitus sit causa moralitatis, ita quod substantia actus correspondeat activitati potentia, & moralitas correspondeat habiui, sicut quidam imaginantur. Actus elicit ex habitu temperantiæ, aut iustitiæ sunt quidem materia aptissima ad moralitatem illarum virtutum, si adsint aliæ conditiones ad bonum, v. g. si fiant ex debito fine; sed possunt etiam esse non boni, imò & mali ex malis circumstantiis, ut patet ex dictis, & magis patebit suo loco; ergo moralitas non venit effectivè ab habitu.

Prob. 3. Quia moralitas est relatio conformitatis actus ad rectam rationem; sed relatio non producit, sed resultat positis fundamento, & termino cum ratione fundandi, & terminandi; ergo moralitas actuum non est effectivè ab habitibus. In tantum ergo habitus concurrunt ad moralitatem, in quantum influunt in substantiam actuum.

Prob. denique, quia sine habitu acquisito, & antecedente ad acquisitionem ullius habitus possunt dici actus moraliter boni, aut mali; ergo moralitas actus non est ab habitu. Confir. nam, ut mox dicebam, ex habitu iustitiæ possunt prodire actus mali v. g. si fiant ex malo fine.

Objic. Habitus virtuosus habentem perficit, ejusque opus reddit bonum, ex Phil. est *dispositio perfecti ad optimum*, & moderatur *passiones*; sed hoc non facit passivè, sed activè; ergo habitus bonus concurret activè ad moralitatem actus.

Resp. dist. min. Reddit opus bonum eo modo, quo concurret ad opus quoad entitatem, conc. maj. quasi verò causet directè bonitatem, neg. maj. & cons. habitus virtutis in tantum concurret, & efficit bonitatem, in quantum concurret effectivè ad productionem actus, qui de se aptus est conformari regulis morum; & si de facto eliciatur conformiter ad illas, erit moraliter bonus.

## CONCLUSIO III.

**H**abitus non efficit directè, & physicè nisi actus potentia, cuius est, non verò alios, nisi directivè, & imperativè. Est communis.

Prob. 1. ex Scoto (1) sæpius in Logica, & alibi citato; ubi docet habitus, & actus intellectus dici practicos ob directionem actuum voluntatis, & voluntatem imperare aliis potentiis, etiam intellectui; ergo censet habitus unius potentia extendi, & concurrere directivè, & imperativè ad actus aliarum: & videtur expressè docere, quòd non est *unius virtutis* (etiam perfectæ) *dirigere hominem circa omnia, sed circa propria objecta*, scilicet quilibet habitus habet propria objecta, extra quæ non extenditur elicitive.

Prob. 2. Habitus non potest elicere nisi actus similes iis, à quibus generatur; sed habitus unius potentia non generatur per actus aliarum; ergo nec concurrat ad illos.

Prob. 3. Habitus non efficit actus, nisi prout informat potentiam, quæ est causa principalis elicitiva eorum; ergo non causat actus nisi cum ea, & in eadem potentia, non autem in aliis: v. g. iustitia non agit ad actus sibi proprios, nisi prout informat voluntatem; sed voluntas non elicit actus intellectus v. g. aut aulterius potentia; ergo neque habitus.

Confr. Quia habitus, sicut neque actus, nec ipsa potentia non exit extra proprium objectum; sed non posset efficere directè actus aliarum potentiarum, nisi exiret extra suum, & potentia suæ objectum; ergo non potest directè efficere illarum actus, sed tantum actus suæ potentia, aliarum autem indirectè tantum.

Objic. Eadem virtus iustitia, quæ est in voluntate, elicit in aliis potentiis actus electionis mediorum; ergo habitus efficit actus in diversis potentiis, in quibus non inhaeret immediatè. Prob. ant. nam intentio finis, & electio mediorum sunt ab eodem habitu virtutis.

Resp. dist. ant. & rationem ejus; si sint de eodem

objecto, & fine, sunt ab eodem habitu elicitive, conc. ant. si sint circa diversa objecta, aut fines, neg. ant. utrumque; nam si media ad finem iustitiæ, & eorum applicatio, & usus sunt objecta diversa, & pertineant ad diversas potentias, diriguntur quidem & imperantur à voluntate, & habitu iustitiæ, sed non eliciuntur nisi ab illis aliis potentiis, & habitibus, qui insunt illis.

Inst. Habitus religionis, qui est in voluntate, causat actus orationis, qui sunt in intellectu; ergo habitus unius potentie causat actus in alia.

Resp. dist. ant. Causat imperative, & indirectè actus orandi, prout sunt in intellectu, conc. ant. elicitive, & directè; neg. ant. nec enim oratio, prout est actus intellectus, elicitur nisi ab ipso intellectu cum habitu orandi; sed tamen imperatur à voluntate cum habitu, & ex motivo religionis.

#### Q U Æ S T I O I V.

*Quomodo desinat, seu corrumpatur habitus.*

**C**ertum est, quod habitus deperduntur, & sicut gradatim intenduntur; & crescunt, sic & gradatim remittuntur, & decrescunt: utrumque docet experientia, & constat etiam ex ratione generica qualitatis, cujus proprietates sunt intendi, & remitti, & suscipere magis, & minùs, & habere contrarium; habitus autem sunt qualitates, ut diximus. Sed quàm facile est, & verum dicere habitus remitti, & tandem penitus desinere, aut corrumpi, tam difficile est decidere, unde, & quomodo id fiat. Quæstio autem procedit de acquisitis, nam certum est infusos non corrumpi, nec remitti effective, & physice nisi per eam causam, quæ dat illis esse, nempe à Deo, à quo habent esse per creationem, ut docent Theologi. Dixi, *effective, & physice*, nam moraliter, & demeritoriè corrumpuntur à nobis per malos actus, & maxime per contrarios illis, ad quos isti habitus elevant, & inclinant.

Quatuor modis, aut principiis aliqua corrumpuntur, aut desinunt 1. à suis contrariis, ut calor à frigore, 2. per corruptionem subiecti, sic moriente homine pereunt scientiæ, artes, aliique habitus ejus: 3. ad

cor:

corruptionem, seu defitionem conservantis; sic perit lumen pereunte corpore lucido. 4. ad corruptionem dispositionum naturalium, & necessariarum; sic corrupta omni frigiditate, & humiditate corrumpitur aqua: reducitur autem hic modus ad præcedentem, quia variatio ista dispositionum causat destructionem subjecti. Quæstio non procedit de 2. & 3. modo; certum enim est, quod destructo animali perit sanitas cum aliis qualitatibus dependentibus à toto ejus composito. Quæstio ergo procedit de causa effectiva; & formali.

## CONCLUSIO.

**H**abitus destruuntur per se formaliter, & effectivè per actus, & habitus contrarios; otium vero, seu cessatio actuum non destruit eos nisi per accidens, & indirectè. Dico, per habitus, & actus; nam actus contrarii causant effectivè habitus contrarios, & isti expellunt formaliter habitus oppositos.

Prob. 1. ex Scoto, [1] qui apertè id supponit dicens, quod in vitioso noviter converso ad bonum, cui si recta ratio dicet aliquid oppositum vitio consuetudo esse eligendum, licet istud eligat, non tamen delectabiliter; non enim statim in primo actu corruptus est totus actus vitiosus, &c. Vides ex Scoto actum bonum corrumpere actum vitiosum. Et alibi dicit, [2] quod Virtus non corrumpitur, nisi multis actibus contrariis: dispositio autem bona corrumpitur uno, vel paucis.

Prob. 2. Nam eadem est ratio de habitibus, ac de aliis qualitatibus, ut dicebam; sed aliæ qualitates expelluntur, & destruuntur per contrarias; ergo & habitus per contrarios formaliter, effectivè autem, ac virtualiter per actus, quibus generantur isti habitus contrarii: v. g. habitus temperantiæ destruitur formaliter per habitum intemperantiæ, & effectivè, ac virtualiter per actus, quibus generatur iste habitus; ergo sicut per actus temperantiæ generatur similis habitus, ita per actus intemperantiæ generatur similis; & sicut actus temperantiæ opponitur actui intemperantiæ, ita & habitus temperantiæ ex illo generatur, & ad similes actus inclinans, & facilitans potentiam.

Tom. IV.

O

Prob.

[1] 3.d.33.B.n.5. [2] d.36.C.n.9.

Prob. 2. p. experientia: nam dormientes cessant, ab exercitio habituum, & maximè spiritualium, & tamen hos non amittunt. Item quia, ex Scoto, habitus est *qualitas de difficili mobilis*; sed non esset difficulter mobilis, si, cessante actu, quo generatur, moveretur, & desineret esse; ergo non sic debet desinere, saltem faciliè, & brevi tempore. Nam fa-teor, quòd aliqui habitus, qui magis sunt supra, aut citra inclinationem positivam potentix, & gravi-ori studio, ac labore acquiruntur, indigent pari-ter foveri, & si diù cessemus ab illorum exercitio, facile obliterantur, sed non tam citò, & quidem id fit negativè, & indirectè.

Objic. 1. Si quis habeat vitiosum habitum. v. g. intemperantiæ, ut octo, non poterit elicere actum temperantiæ, vel si eliciat, non corrumpet illum habitum; ergo habitus non corrumpitur per actus. Prob. ant. in ipso primo instanti elicitionis actus temperantiæ perseverat totus habitus intemperan-tiæ; ergo & in 2. instanti, quia si actus non destru-xit illum gradum habitus contrarii in primo, neque id poterit in secundo. Prob. ant. quia prius est ac-tum virtutis existere, quàm agere, & destruere ha-bitum oppositum; ergo pro illo instanti, quo po-nitur actus, adhuc perseverat totus habitus vitii.

Resp. hanc objectionem esse communem pro om-nibus qualitatibus, & formis, & diximus in Phy-sica, quomodo, & quo ordine sibi succedant, ita ut pro nullo instanti reali duæ contrariæ sint simul in eodem subjecto. Diximus ergo, quòd pro instanti, quo nova forma primò introducitur, eo ipso instan-ti desinit, & primùm non est alia. Unde in forma neg. 1. & 2. ant. & 3. nam sicut causa præcedit natura effectum suum, non tempore; sic actus virtutis re-mittens habitum vitii existit quidem prius natura, quàm expellatur unus gradus habitus vitiosi, sed non prius tempore; ergo actus ille virtutis, & gra-dus ille vitii non sunt simul pro illo instanti reali temporis; & sicut non obstante summa intensi-one habitus vitiosi potuit voluntas elicere unum actum virtutis in illo instanti temporis, per quem actum cœpit generari habitus virtutis, sic in instantibus se-quentibus poterit alios actus similis virtutis elicere,



& quidem facilius, & per illos actus virtutis perficietur virtuosus, & magis destruetur vitiosus.

Inst. Sed summus habitus vitiosus ab initio summe resistet; ergo non poterit ab uno debilitari.

Resp. neg. conf. Nam sicut ignis licet calidus in summo potest debilitari, & remitti per injectionem exiguae aquae, à fortiori habitus vitiosus non impediet productionem actus contrarii virtutis; quandoquidem ille habitus non est causa totalis, nec tollit libertatem voluntatis, quae per consequens potest, licet non sine difficultate, & resistantia habitus vitiosi elicere habitum contrariae virtutis.

Inst. In instanti illo priori, quo voluntas eliciebat actum virtutis, erat indifferens ad illum, aut ad actum vitii; ergo in illo priori instanti adhuc existebat totus habitus vitiosus, quia in ipso instanti voluntas poterat elicere actum vitii æquè, ac virtutis; & per consequens adhuc existebat totus habitus vitiosus, à quo ille actus processisset.

Resp. dist. ant. Erat indifferens, & poterat elicere actum vitii in sensu diviso, conc. ant. in sensu composito, neg. ant. & conf. voluntas pro instanti, quo se determinat, & elicit actum, intelligitur potens vel non elicere illum, vel elicere contrarium, quia semper intelligitur ut libera, & ut liberè se determinans, sed in sensu composito actionis, & determinationis non potest intelligi ut indifferens, & indeterminata. Sensus ergo est, quod si pro illo instanti non se determinasset ad actum virtutis, potuisset se determinare ad actum vitii.

Objic. contra 2. p. experientiam quotidianam, qua constat, habitus destrui per solam cessationem actuum, & id confirmat Arist. [1] dicens, *Habitus ex iisdem actibus augeri, quibus generatur, quod si non fiat ita, corrumpi*, & addit, *diuturnam absentiam non solum operationes, sed etiam amicitias dissolvere per oblivionem*. Et Scotus [2] ipse dicit, quod *quicumque habitus, vel dispositio vitiosa derelinqueretur ex actibus, desineret esse post fluxum temporis, nisi firmaretur per frequentes actus*; sicut universaliter omnis dispositio ad habitum desinit esse cessantibus actibus perficientibus habitum; ergo ex Arist. Scoto, &

O 2

expe

[1] 2. Ethic. 3. c. 1. 8. c. 5. [2] 4 d. 14. q. 1. n. 6.

experientia constat habitus corrumpi per otium, & cessationem actuum, quibus deberent generari, & conservari.

Resp. dist. ant. Corruptuntur per accidens, & negativè, conc. positivè, & per se, neg. ant. nec enim id docet experientia, nec pretendit Arist. vel Doctor subtilis, Dico, *per accidens*; quia cum potentia numquam sint otiosæ, accidit, ut si non exerceantur in actibus virtutum, vel artium, quas acquisierunt, exerceantur, & agant vitia opposita, quibus priores habitus destruuntur, imò & exercitia, sicut objecta disparata causant oblivionem, & destructionem indirectam: & ita intelligendus est Philos. nam speciebus corruptis, seu deletis ex phantasia, & intellectu, potentia appetitiva non agunt; sic per absentiam longiorem obliteratur amicitia, numquam tamen penitus deletur, ita quin redeunt specie sentiamus maiorem aliquam inclinationem ad actus olim habituatos, quam ante contractos habitus.

Quæri hic posset de habitibus infusis, & maximè an intenduntur per actus, ad quos inclinant, v. g. habitus supernaturalis fidei per actus fidei, & ita de spe, & charitate, & an similiter deperdantur per actus oppositos, & communiter in schola nostra tenetur, eos non intendi, nec remitti physicè, sed moraliter, & meritorie, vel demeritorie, sicut à solo Deo primò producuntur. Sed de hoc suo loco.

## DISPUTATIO V.

*De regula interna morum, seu de conscientia.*

**M**oralitas actuum humanorum attenditur, & mensuratur per regulas morum, quibus si conformentur, boni sunt, si aberrant, mali. Ordo igitur postulat, ut postquam de illorum quidditate, & principiis effectivis egimus, de directivis loquamur, scilicet de regulis, quibus ad rectitudinem efformantur; & quia illæ regulæ sunt partim intra nos ipsos, ut *ratio*, & *conscientia*, partim ab extra veniunt, scilicet à Deo vel à natura, vel à superioribus, ut sunt *leges divinae, naturales, ac humanae*.

*mana*, ab illis incipiemus, quia nec istæ sine illis profunt, aut serviunt. Ut enim leges obligent, aut dirigant, debent cognosci, & per *rationem*, ac *conscientiam* intimari voluntati; & hæc ideo dicitur regula interna actuum moralium; *lex* verò dicitur externa. Igitur de *ratione*, & *conscientia* disputationem hanc instituimus. Et certè hæc materia scitu adedò necessaria est, ut, qui eam ignorat, non possit actum bonum à malo discernere nec in se, nec in aliis, ideo *conscientia* dicitur *Padagogus animæ*, &, ut loquitur Tertull. *hæ sunt naturales tabulæ, in quibus anima naturaliter legit, quæ honesta, & facienda sunt, quæ item inhonesta, & vitanda.*

## Q U Æ S T I O I.

*Quid sit recta ratio, conscientia, & synderesis;  
& quæ ejus officia.*

**U**Bique in moralibus audiuntur nomina *rationis*, aut *rectæ rationis*, aut *conscientiæ*, aut *synderesis*; omnis moralitas per ordinem ad illas explicatur, nec possunt actus humani ab actibus hominis, nec boni, & laudabiles a malis distingui, nisi sciatur quomodo se habeant cum *ratione*, & *conscientia*, aut *synderesi*; hæc enim sæpius pro eodem usurpantur, quamvis nonnihil differant.

*Rationis* vox æquivoca est, & diversimodè usurpatur. 1. essentia rei cuiusque dicitur *ratio* ejus, ut definitio. 2. sumitur pro ipsa forma substantiali, ut anima hominis. 3. pro ipsa vi, & potentia intellectiva, per quam intelligit, & discurret. 4. pro ipso actu cognoscendi, aut discurrendi. *Ratio est aspectus mentis, quæ bonum, malumque discernit*, inquit Aug. 5. [1] pro doctrina, qua probatur, vel innititur assertum aliquod. 6. hîc sumitur propriè pro *dictamine*, seu *iudicio* de aliqua re agenda, & sic coincidit cum *synderesi*, vel *conscientia*: nam homo antequam exeat in actum, habet internum *dictamen* formale, aut virtuale, quo videt illum esse bonum, aut malum, faciendum, aut vitandum, & illud *dictamen* dicitur *ratio*, vel *conscientia*. Et si hoc *dictamen* sit *prudential*, id est examinatum pensatis exactè omnibus circumstantiis,

O 3

dicitur

[1] De spir. & an.

dicitur *recta ratio*, etiam si non semper attingat veritatem rei, & ideo vocatur etiam *prudencia*. Non male ab aliquibus *recta ratio* in moralibus, & prout est *recta ratio* vivendi dicitur *originalis forma recte vivendi mente concepta cum notitia omnium conspirantium ad ejus expressionem in moribus*; sicut in artibus *recta ratio artis* describi potest, *Originalis forma rei efficiendæ mente concepta cum notitia omnium conspirantium ad expressionem ejus in materia externa*: sic actus humani si conformentur illi formæ, sunt recte. 2. illa ratio est vel radicalis, & sic nihil est distinctum, sed est ipsamet natura rationalis ut rationalis: nam eò reducuntur omnes regulæ morum, ita ut quidquid est illi conforme, sit bonum, & honestum, & quidquid illi non convenit, sit malum, & inhonestum, & ut tale debeat judicari: vel est *formalis*, scilicet actus ipse judicii, quo intellectus cognoscit, & judicat aliquid esse agendum, vel omittendum, vel *objectiva*, & est ipsa *lex*, vel *regula* præcipiens, aut prohibens, in qua fundatur illud judicium, & quidem ipsa *lex* ut cognita. Dicitur etiam *actualis*, quia est actus intellectus, quo hic & nunc judicat esse agendum; aut *habitualis* & tunc significat ipsum! men intellectus ex aggregatione plurium cognitionum, quibus instructus intellectus paratus est, cum se offeret occasio, dictare quid agendum, vel cavendum.

4. Dicitur etiam solet *ratio superior*, quando respicit, & dictat de spiritualibus, & æternis; & *ratio inferior*, quæ dictat de temporalibus, & caducis.

3. Similiter *conscientiæ* nomen sumitur multipliciter 1. pro dictamine prædicto, quo cognoscitur quid agendum, aut cavendum, & sic coincidit cum *recta ratione actuali*; & *habituali*. 2. pro notitia, quam quis habet de statu suo morali, an sit reus, vel innocens peccati, & hoc sensu dicebat S. Paulus, [1] *Gloria nostra hæc est testimonium conscientiæ nostræ*. Sic fratres Joseph: [2] *Non est in nostra conscientia quis posuerit pecuniam in marsupiiis nostris*. Et Aug. *Quomodo mala conscientia tota est in desperatione, sic bona conscientia tota est in spe*. Et Cicero, *Conscientia bene actæ vitæ recordatio est jucundissima*. 3. su-

mitur

[1] Rom. 7. [2] Gen. 43. in pf. 131.

mitur pro ipsa voluntate; ut cùm legimus de sanguine Christi (1) D. quòd *emundabit conscientiam nostram ab operibus mortuis*. Et dicimus de viro probò, quòd sit *bonæ*, seu *timoratae*, aut *scrupulosæ*, aut *strictæ conscientia*, ut significetur, quòd talis est voluntatis, ut non velit admittere quidquam, quòd habeat vel minimam speciem mali: & è contra de improbo, quòd sit *malæ*, seu *depravatae*, aut *laxæ conscientia*, ut significemus, eum non curare, ut caveat peccatum. Nos hìc loquimur de *conscientia* in 1. sensu, scilicet pro *dictamine* illoratiõis de re aliqua faciendâ, aut cavendâ, & sic eam capiunt Patres, & Theologi, & Philosophi, cùm vocant eam *legem intellectus*, ut Damascenus; [2] aut *cordis scientiam*, ut D. Bernardus, [3] Et, Gentes, quæ legem non habent, naturaliter ea, quæ legis sunt, faciunt, testimoniũ reddente illis conscientia.

*Synderesis*, seu *synteresis* juxta nominis græci etymologiam dicitur [4] quasi *scintilla conscientia*, & dicitur ab aliquibus apud Scotum *quædam inclinatio naturalis ad id, quòd naturalis lex dicat rationi rectæ*, seu *dictamini rationis*: sed ab aliis communiter dicitur *lumen illud naturale intellectus*, quo adheret principiis generalibus, & practicis morum, quale est illud, *Omne bonum est amandum*: & respondet illi facultati, quam in speculativis appellamus *habitu principiorum*, quò scilicet intellectus adheret propositionibus, ac principiis generalibus ex sola terminorum apprehensione notis, quale est istud, *Omne totum est majus sua parte*. His prælibatis.

## CONCLUSIO I.

**S***Ynderesis est judicium practicum dictans de principiis generalibus morum, conscientia verò est judicium practicum dictans in particulari quid faciendum sit, aut vitandum: Ratio verò est quid commune utrique; sed præcipuè dicitur de conscientia.*

Prob. 1. ex Scoto, [5] qui ubique docet, *synderesim* versari circa prima principia practica; sicut habitus, qui dicitur intellectus, est habitus primorum principiorum speculabilium; quibus assentimur ex sola apprehensione terminorum, *Non potest synderesis aliud*

[1] Hebr. 9. [2] 4. de fide 23. [2] de cons. c. 3.

[4] Rom. 15. [5] d. 39. q. 1. B. n. 4.

poni, quàm habitus principiorum, qui semper est rectus, quia ex ratione terminorum virtute luminis naturalis intellectus statim acquiescit illis, &c. Et de conscientia dicit, [1] quòd potest poni habitus proprius conclusionis practicae, secundum cuius actum nata est conformari electio rectè in agibilibus &c. Quod æquivalentibus verbis docet in Reportatis. Si synderesis dicit aliquod resistens malo, tantum erit in intellectu, ut habitus primorum principiorum agibilium, &c. de conscientia verò; Sicut intellectus practicus assentitur principiis agibilibus, ut synderesis, sic assentitur conclusioni practicae, quam videt necessario sequi &c. Et quoad rectam rationem ubique supponit dictare de iis, quæ debent convenire actui spectatis omnibus circumstantiis, ut cum dicit, bonitatem moralem esse quendam decorem, qui includit aggregationem proportionis debitæ ad omnia . . . . quæ dicuntur à recta ratione debere convenire actui, ita quod pro omnibus possumus dicere, quòd convenientia ad rationem rectam est, quæ posita actus est bonus.

Prob. 2. quo ad utramque partem; nam per synderesim nihil aliud intelligunt Philosophi, & Theologi, quàm huiusmodi habitum, seu cognitionem, ac iudicium de principiis generalibus, quibus dictatur in communi, quid bonum sit, & amandum, quidve malum, & fugiendum, & per conscientiam iudicium particulare ex illo generali deductum per discursum formalem, aut virtuale, quo dictatur, quid hic, & nunc sit agendum, aut cavendum. Unde quoties deliberat homo, & eligit, ac se determinat ad aliquam actionem, sit discurret: *Omne bonum est amandum* (Hoc pertinet ad synderesim) *sed Deus est bonus etiam hic, & nunc* (hoc iudicium est speculativum, & pertinet ad scientiam, nec enim dictat quid agendum) *ergo Deus est amandus hic, & nunc*, ista conclusio est actus conscientia, & quidem practice practicus dictans, quòd hic, & nunc sit eliciendus amor Dei, & est regula proxima actus moralis.

Prob. 3. discurrendo per particulas definitionis, & 1. synderesis dicitur iudicium, quia licet non discurret, tamen est cum adhæsiōne intellectus, seu affirmatione, aut negatione, & id ponitur loco generis respe-

[1] Ibid. n. 5. & 6.

respectu aliarum cognitionum assertivarum etiam in speculativis, sed per id excluditur simplex apprehensio. Nam licet voluntas possit ferri in objectum simpliciter apprehensum, non tamen prudenter, nec deliberatè sufficienter ad actum moralem, erit actus hominis, non verò humanus: est autem aliquando *simplex iudicium* circa prima principia, quibus homo adhæret ex simplici terminorum apprehensione, aliquando verò est *discursivum*, quando ex illis principiis deducuntur conclusiones generales practicæ, ut si ex hac propositione, *Omne malum est vitandum*, inferas; ergo *omne peccatum est vitandum*. Nam hæc universalis conclusio adhuc pertinet ad synderesim. 2. dicitur *practicum*, & per hoc differt à iudiciis speculativis. 3. *dictans de principiis generalibus morum*, & sic differt à *conscientia*, quæ dictat de actibus singularibus. Hinc

Prob. de *conscientia*, quæ dicitur 1. *iudicium*, non quidem simplex, ut *synderesis*, sed *compositum*, & *discursivum*, saltem virtualiter, nam versatur circa conclusiones practicas deductas ex principiis generalibus. Ideò dicitur *conscientia*, quasi *concludens conscientia*. 2. *practicum*, & quidem *practicè*, & *complete*, nam quædam sunt iudicia, quæ dicuntur speculativè, seu incompletè practica, v.g. *proximus est amandus*. Dictat quidem de opere, seu de praxi, sed non satis in particulari, ut sit immediata, & proxima regula actus singularis hic, & nunc eliciendi, debet enim *conscientia* dictare spectatis omnibus circumstantiis, in quibus actus amoris erga proximum sunt eliciendi. Hoc iudicium est quidem *practicum*, sed speculativè; & cum viget præceptum aliquod eliciendi actum talis dilectionis, requiritur aliud iudicium magis particulare, quo id dictetur, & istud respectu prioris dicitur *practicè practicum*, & erit proxima, & ultima regula talis actus: Id magis declaratur per 3. particulam (*dictans in particulari*) nam illud prius, *proximus est amandus*, non dictat satis in particulari, & ideò non pertinet propriè ad conscientiam. 4. *quid agendum, aut vitandum*, & per hoc distinguitur à iudiciis artium, quæ potiùs dictant quidem de opere, quomodo sit faciendum, quàm quod sit faciendum, aut vitandum.

Prob. denique de recta ratione: nam hæc tam dicitur de *synderesi*, quàm de *conscientia*, ut patet. Imò si rectitudo illa rationis dicatur ob exclusionem erroris, hoc melius dicetur de *synderesi*, quia hæc est minus obnoxia errori; quippè quæ versatur circa prima principia morum, quæ naturali lumine nota sunt, & ideò per se evidentiæ, & nota. Unde ex S. August. [1] *In naturali iudicatorio adsunt quedam regulæ, & semina virtutum & vera, & immutabilia.* Et, ut docet Lombardus, superior scintilla rationis (sic vocat *synderesim*) bonum semper vult, & malum odit semper, scilicet ostendit bonum amandum, & malum odiendum; in hoc dicitur remurmurare voluntatem, inquit Scotus, [2] *faciendo quantum in se est, ut voluntas remurmuret contra malum.* Atamen recta ratio magis communiter, & propriè dicitur de *conscientia*, quia dicitur, & regulat actus morales in particulari.

Igitur recta ratio, inquit Arriaga, est iudicium invincibile de honestate objecti, cui dum quis se accommodat per amorem, bene oporatur, si verò fugiat illud, non bene agit, quod si iudicium sit de turpitudine objecti, tunc rectè agit, si fugiat illud, & non rectè, sed peccat, si non fugiat. Dicitur autem invincibile, quia non requiritur absolutè, ut sit actu conforme legi, aut honestati objectivæ, seu à parte rei, sed sufficit, quòd tale iudicetur post diligentem inquisitionem, ita ut sit prudens: nam in moralibus non attenditur quid à parte rei sit in objecto, sed quid de ipso iudicetur ab operante post diligentem inquisitionem, qualem exigit prudentia, attentis omnibus circumstantiis. Igitur ratio, & conscientia dicitur recta, non præcisè quia iudicat de objecto, prout est in se ex natura rei, sed quia de illo iudicat, secundum quod apparet prudenti viro, & ideò vocari etiam solet prudentia.

Objic. 1. Conscientia etiam dicitur de præteritis, ac de omissionibus; ergo non sufficienter describitur dicens quid faciendum, aut vitandum; ant. patet ex dicendis de muneribus, seu de actibus ejus, quorum præcipuus est remordere, & arguere, quæ sunt de præterito.

Resp.

[1] 2. de lib. arbit. c. 10. [2] 2. d. 39. cit.



Resp. neg. conf. nam hoc ipso, & per easdem regulas, quibus iudicat quid faciendum, vel vitandum, iudicia de factis, perseverante in memoria iudicio Priori.

Objic. 2. Dantur actus indifferentes; ergo & datur conscientia, quæ dictet de illis; sed huic non convenit definitio nostra; ergo non est sufficiens. prob. min. iudicium de indifferentia actus non est de honestate, nec turpitudine, nec de faciendo, aut vitando; ergo definitio nostra non convenit huic conscientia.

Resp. neg. subsumptum, & ant. prob. Nam dictat actum indifferentem posse fieri, aut non fieri, & quidem per easdem regulas, per quas dictat de actibus positivè malis, aut bonis, dictat de bonitate & malitia negativa æquè, ac positiva.

## CONCLUSIO II.

**S**YNDERESIS, & conscientia pertinent ad intellectum, illa autem præcipuè est habitualis, hæc verò actualis, licet possit etiam relinquere habitum. Quoad 1. p. est communior, sed quoad ultimam partem videtur contra Thomistas distinguentes *synderesim* à *conscientia* eò quòd illa sit habitus, hæc verò actus.

Prob. 1. ex Scoto, [1] qui ex professo impugnatur Henricum dicentem, quòd *synderesis* est quoddam pondus in voluntate, quod inclinat ad bonum, & avertit à malo in genere, & quod conscientia in particulari est juxta dictamen rationis, & sic impugnatur: quia si *synderesis* ponatur aliquid, seu potentia quædam animæ habens actum elicium, ut volebat Henricus, [2] & alii, semper necessario tendentem in actum iustum, & resistentem peccato, id non potest poni in voluntate, in qua nihil est necessario tendens in bonum, nequidem evidenter ostensum, ut patet ex dictis de libertate voluntatis, ergo est in intellectu, & si sit, non potest aliud poni, quam habitus principiorum, qui semper est rectus, &c. & secundum hoc etiam conscientia potest poni habitus proprius conclusionis practicæ, &c. & alibi. [3] De 2. quæst. in quo sit conscientia

O 6

dico

[1] 2. d. 39. q. 2. B. n. 4. [2] Repor. ibid. n. 6.

[3] Ibid. n. 7.

dico per idem, quod sicut intellectus practicus assentitur principiis agilibus, sic assentitur conclusioni practicae, quam videt necessario sequi.

Prob. 2. ratione ejusdem. Quia si esset talis habitus, scilicet dictamen conscientiae in voluntate, esset virtus moralis; & tunc conscientia esset temperantia, vel iustitia, quod non conceditur. Ideo dico, quod conscientia est in intellectu, & si est actualis, est dictamen actuale intellectus, & si est habitualis, est dictamen habituale, & ideo est concors scientiae rectae. Habes igitur in his textibus totam conclusionem.

Prob. 2. quoad 1. & 2. p. Nam conscientia est in eodem, ac scientia; sed haec est in intellectu; ergo & conscientia. Prob. maj. 1. ex Scriptura, [1] quae scientiam tribuit conscientiae, ut cum dicit, [2] Scit enim tua conscientia, quia & tu crebro maledixisti aliis; sic, & ignorantia non est in conscientia nostra; id est nescimus. 2. ex SS. Patribus; Necessarium videtur discutere, quid sit istud, quod conscientiam vocat Apostolus, [3] utrum sit aliqua alia substantia, quam cor, vel anima; haec enim & alibi dicitur, quia reprehendat, & non reprehendatur, iudicet hominem, & ipsa non iudicetur, sicut ait Ioannes, si conscientia, inquit, non reprehendit nos, fiduciam habemus ad Deum: Arbitror, quod ipse sit spiritus, qui ab Apostolo esse cum anima dicitur, velut quidam pedagogus, & quidem sociatus, & rector, ut eam de melioribus moneat, vel de culpis castiget, & arguat, de qua etiam dicit Apostolus, quia nemo scit hominum, quae sunt hominis, nisi spiritus hominis, qui in ipso est, & ipse est conscientia spiritus; haec non possunt convenire voluntati, ut patet. Sic D. Basilus [4] in nobis esse docet iudicium quoddam naturale, per quod ab iniquis bona facile discernimus, & hoc est munus conscientiae. Et D. Damascenus [5] dicit conscientiam nostram esse lumen quoddam intellectus nostri: Et, Conscientia est cordis scientia, inquit Bernardus, cor enim & se novit sua conscientia, & multa alia; quando novit se, appellatur conscientia, quando praeter se alia, nominatur scientia.

Prob.

[1] Eccl. 7. [2] Gen. 43. 22.

[3] Rom. c. 2. [4] In Prov. init. Cit.

[5] De inter. dono. c. 22.

Prob. 3. ratione: nam actus, & officia, quæ communiter tribuuntur conscientiæ, non possunt competere voluntati, sed soli intellectui; ut sunt *discernere bonum à malo*; *dictare*, quid agendum, vel vitandum, *arguere*, *ligare*. Idem est de diversis ejus divisionibus; nam dicitur *erronea*, *dubia*, *certa*, *probabilis*, quæ de actibus voluntatis non solent dici. Unde *synderesis* est habitus principiorum, quibus assentitur intellectus principiis agibilibus, & *conscientia* est habitus, vel actus, quo assentitur conclusioni practicæ, quam videt necessario sequi ex præmissis, & cum illud dictamen sit ante electionem, non potest esse in voluntate, quæ eligit.

Prob. 3. p. 1. ex Scoto, [1] qui dicit, quod *conscientia est in intellectu, & si est actualis, est dictamen actuale in intellectu, & si est habitualis, est dictamen habituale, & ideo est concors scientiæ rectæ*, &c. ergo Scotus admittit conscientiam habitualement, & si Poncius attendisset ad hunc Textum, non arguisset Cornelium, & alios, quasi legerint oscitanter Scotum; nam totus ejus discursus apertè docet, illam posse dici habitualement; & in scripto Oxoniensi [2] dicit, quod *conscientia potest poni habitus proprius conclusionis practicæ, secundum cujus actum nata est conformari electio recte*.

Prob. 2. Quia sæpe conscientia sumitur pro ipso intellectu cum habitu, quo juvatur, & facilitatur ad dictandum de agibilibus: nec video, cur non possit ex pluribus actibus sic dictantibus generari habitus conscientialis inclinans, & facilitans ad similes actus, & ideo experimur, conscientiam efformatam circa aliquod objectum non posse facile deponi; ergo datur conscientia habitualis; licet ex ordinario usu vocis hujus significet actum judicii, seu dictaminis. Item constat experientia, quod post frequentatos tales actus facilius, & delectabilius illos eliciamus, & illis conformamur, quàm ante; ergo signum est, posse ex pluribus actibus conscientialibus generari habitum inclinantem, & facilitantem intellectum ad similes.

Prob. 3. Quia ad bonitatem, vel malitiam actus  
humana-

[1] *Ibid. n. 7.*

[2] *Comment. 2. d. 39. q. 2. n. 12.*

humani non est semper necessarium actuale dictamen, sed sæpè sufficit virtuale, aut etiam habituale, ut multi docent [1] etiam ex nostris; ergo datur conscientia habitualis. ant. patebit ex dicendis suo loco de peccatis, & merito.

Tamen absolute dixi, quòd conscientia est actualis, quia communiter usurpatur pro iudicio, & dictamine actuali, seu pro actu iudicii de bonitate, aut malitia rei agendæ, vel omittendæ.

Objicies 1. contra 1. & 2. p. Conscientia in Scriptura dicitur bona, aut mala: Ego, inquit Paulus, [2] *in omni conscientia bona conversatus sum*: & de hypocritis, [3] *Qui cauteriatam habent conscientiam*; sed hæc non dicuntur de actibus intellectus; ergo conscientia est in voluntate.

Respondeo dist. maj. dicitur bona, sicut intellectus dicitur bonus, *intellectus bonus omnibus facientibus eum*, scilicet directive, & objective, quatenus dirigit ad bonum, & propter concordiam cum voluntate, cum qua est unum principium totale boni, uno verbo per metaphoram, conc. maj. proprie, quasi bonitas, aut malitia moralis sit formaliter, & præcisè in dictamine, vel habitu conscientia, neg. maj. & conf. Dictamen igitur dicitur bonum objective, quia dirigit voluntatem in bonum, & hoc sensu idem dicitur de cognitionibus practicis. Sic dicimus de cogitatione aliqua, quòd bona sit, quia proponit bonum opus faciendum, & intellectus dicitur bonus, quia est *unum principium totale boni moralis cum voluntate*, inquit Doctor. [4].

Objic. 2. Poena, dolor, tristitia, remorsus, stimulus, & gaudium spectant ad appetitum, & voluntatem; sed hæc sunt in conscientia, & synderesi; ergo utraque est in voluntate.

Respondeo dist. min. sunt in conscientia causative, seu effective, conc. min. formaliter, neg. min. nam voluntas dolet, aut gaudet de actu suo præsentì, aut præterito, in quantum synderesis, aut conscientia ostendit illi convenientiam, vel inconvenientiam, bonitatem, aut malitiam ejus, præmium, aut penam, quæ illum sequuntur; & sic illi motus sunt virtualiter,

[1] *Mastr. moral. disp. 4. n. 5.* [2] *Act. 23.*

[3] *2. 2. im. 4.* [4] *Ibid. n. 2.*

liter, causaliter, & effectivè ab intellectu ostendente.

Objic. 3. ex SS. Patribus; Synderesis semper vult bonum, & odit malum, contra quod semper remurmurat, & respicit bonum, & malum ut objectum; sed hæc sunt in voluntate; ergo & synderesis. prob. min. nam intellectus respicit ens ut verum, & non magis horret visionem mali, quàm boni.

Respondeo dist. maj. semper vult bonum, & remurmurat in malum ostensivè, conc. maj. formaliter, & elicitivè, neg. maj. & conf. nam synderesis, & conscientia murmurant contra malum ostendendo illud voluntati ut odiendum, & fugiendum; voluntas verò formaliter, & elicitivè odit malum, vel amat bonum ut tale, liberè tamen.

Objic. 4. Si conscientia esset notitia formaliter, & in intellectu, sequeretur, quòd qui plus scit de agibilibus, plus haberet conscientia; sed conf. est falsum; sæpiùs è contra Doctores sunt iniquiores, & laxioris conscientia; ergo conscientia non est in intellectu.

Resp. dist. maj. plus conscientia quoad cognitionem boni, & mali moralis, conc. maj. & neg. min. plus probitatis, seu inclinationis, & amoris in bonum morale, neg. maj. & conf. Doctiores semper ex scientia melius *vident bona, & meliora, probantque*, sed sæpiùs ex pravitare voluntatis *deteriora sequuntur*.

Objicies contra 2. p. Omnis habitus est vel innatus, vel infusus, vel acquisitus; sed nihil horum dici potest de conscientia; ergo non est habitus. prob. min. 1. non *innatus*, sicut synderesis, & habitus primorum principiorum; alioqui non erraret, nec posset variari, & deponi, ut sæpe contingit. 2. non *infusus* à Deo, quia sæpe est erronea; Deus verò non potest infundere errorem. 3. non *acquisitus*; tum quia propter habitus homo non est dignus laude, nec vituperio, benè verò propter conscientiam; tum quia conscientia contrahitur, vel corrumpitur per usum actum.

Respondeo neg. min. est enim acquisitus; nam, ut dicebamus, potest generari habitus rectè judicandi, & dictandi de bonitate actus per plures actus talis dictaminis, sicut per plures actus ratiocinandi generatur habitus Logices; & sic de aliis scientiis. Ad prob.

patet

patet ex dictis. 1. quo sensu homo sit bonus, & laudabilis propter conscientiam, scilicet quatenus secundum illam benè operatur, non verò quia benè iudicat præcisè, & 2. conscientia actualis destruitur per actum contrarium, non verò habitualis.

## QUÆSTIO II.

*De actibus, & divisionibus conscientiae.*

**C**onscientia respicit actus humanos vel præteritos, vel futuros, & bonos, & malos; circa præteritos est cognitio, ac iudicium, quo iudicamus aliquem actum fuisse bonum, aut malum, & sic ab Apostolo [1] considerabatur, cum dicebat, *Gloria nostra hæc est testimonium conscientiae nostrae*; & de utroque, cum dicebat de gentilibus; *Testimonium reddente illis conscientia eorum, & inter se invicem cogitationibus accusantibus de malo, aut etiam defendentibus*, quia bonum agnoscunt se fecisse, non malum, & D. Basil. dum ait, quod intra cordis arcana tribunal quoddam est constitutum, in quo qualibet agenda, velut intruina librantur.

Primus igitur, & communis, ac essentialis actus conscientiae est iudicium, seu dictamen de bonitate, aut malitia actus; nam illud exercet circa præsens, præteritum. 2. circa futurum docet, quid faciendum, & vitandum; si dicet, seu respiciat bonum suadet, stimulat, excitat, impellit, & obligat, seu ligat ostendendo, & dictando rationem, & motiva, quibus teneatur ad agendum, & ideo ligat imponens obligationem aliquam vel consilii, vel præcepti; si verò dicet de malo, quod videt in objecto, vel actu retrahit, proponendo scilicet motiva, propter quæ debet odisse objectum, & abstinere ab actu, & hoc modo etiam obligat voluntatem, ita ut peccet, si non abstineat; si dicet de re indifferenti, instigat negativè, seu permissivè, & hi omnes actus sunt verè practici. 3. circa præteritum bonum laudat, aut defendit, iustificatur, approbat, consolatur; circa malum autem præteritum remurmurat, arguit, accusat, & condemnat; & hi omnes actus circa præteritum, quod

judi-

[1] 2. Cor. 3. cit.

judicat bene, aut male factum, sunt potius speculativi; quia considerant quidem opus, sed prout jacet, prout est bonum, aut malum, & de hac conscientia circa præteritum loquitur Apostolus in duobus illis locis: & S. Aug. [1] dicens, *Senti de Augustino quidquid libet; sola me in oculis Dei conscientia non accuset, & quando Deus iudex erit, alius testis, quam conscientia tua non erit.* Et S. Gregorius, *Quem conscientia defendit, & inter accusationes liber est, & liber esse non potest, quamvis sine accusatione, si sola conscientia accuset, & iterum, Quid enim si homines laudent, & conscientia nos accuset? Aut quæ debet esse tristitia, si omnes accusent, & sola conscientia nos esse liberos demonstrat?* &c. Hic ille vermis, qui non moritur in damnatis, sed æternum illos corrodet, & cruciabit. *Peccata mea celare non possum, inquit Bernard. [2] quoniam quocumque vado, conscientia mea mecum est secum portans quidquid in ea posui sive bonum, sive malum; servat viro, restituet defuncto depositum, quod servandum accepit.*

Sola conscientia omnes partes judicii agit, & iudicis in tribunali interiori animæ. 1. ut accusatrix proponit factum, ut examinetur. 2. examinat, & iudicat, an benè, aut male factum, & an præmio, vel pœna dignum. *Cogitationibus invicem accusantibus, & defendentibus, inquit Apost.* 3. bonum defendit, & laudat, ac remunerat gaudio, & quiete; malum vero iudicat, condemnat, & punit horrore, tristitia, & remorsu.

Quoad divisiones autem est 1. recta, seu vera. 2. probabilis, 3. dubia. 4. erronea, seu falsa. 5. scrupulosa: quibus opponuntur obliqua, 2. improbabilis. 3. certa. 4. vera, & 5. pacata. Conscientia recta est dictamen rectæ rationis, quod certò dictat bonum esse, quod revera bonum est, & malum esse, quod revera est malum, & quidem certitudine phylica, aut morali, quæ excludit omnem dubitationem, saltem rationabilem; obliqua verò iudicat aliter de re ac est in se, & dicit bonum malum, & malum bonum. Probabilis, seu opinativa est iudicium prudens, & determinatum de bonitate, aut mali-

[1] 2. con. Manich.

[2] Medit. 33.

malitia actus cum aliqua formidine rationabili de opposito; ut si judicem me non teneri ad jejunium propter provectiorem ætatem, & ut diximus in Logica post Philosophum, *probabilia sunt, quæ videntur omnibus, aut pluribus, vel sapientibus omnibus, aut pluribus*. Dico, *judicium prudens*; nam debet inniti rationabili fundamento perpensis omnibus utrimque motivis. *Dubia* est potius suspensio judicii, quàm judicium de bonitate, aut malitia actus defectu motivi sufficientis ad determinandum intellectum in alterutram partem, & in hoc differt à *probabili*, quæ adhæret positivè, & determinatè uni parti, licèt cum formidine de opposito. *Scrupulosa* est judicium leve, & absque rationabili fundamento, quo timetur, aut putatur aliquid esse malum, quod revera non est, & huic opponitur *temeraria*, quæ ex nimio affectu, seu ex leviori ratione judicat aliquid bonum, quod bonum revera non est. *Erronea* est judicium, quo aliquis per Syllogismum, seu ratiocinationem falsam, & sophisticam judicat quasi certò rem esse bonam, quæ revera mala est, vel è contra: & in hoc distinguitur à *probabili*, quæ non adhæret sine formidine uni parti, quæ sorte est falsa. *Erronea* vero non timet de opposito, & *probabilis* innititur rationi, seu syllogismo probabili, *erronea* vero improbabili, & falso.

Hanc divisionem amplectimur ut communiter receptam à Philosophis, & Theologis: & ratio est, quia supposita definitione conscientie, quod sit judicium intellectus practici dictans in particulari quid faciendum sit, vel vitandum, & quod hoc judicium procedat per modum conclusionis deductæ ex principiis practicis, vel intellectus sic judicando attingit veritatem, estque omninò certus, & tunc conscientia est *recta*, seu *certa*, & *vera* saltem practice, vel 2. non attingit veritatem, quia malè ratiocinatur, & tunc conscientia est *erronea*, vel 3. sic judicat, & concludit ex principiis apparentibus quidem, sed non convincentibus, ideò formidat de opposito, & sic adhæret uni parti, ut etiam nonnihil propendeat in partem contrariam; & est conscientia *opinativa*, seu *probabilis*, vel 4. sic instant, & offeruntur motiva in utramque partem, ut non possit sese determinare



nare in alterutram; sed suspendit iudicium de utraque, & est conscientia *dubia*. 5. vel denique agitur scrupulis, seu levibus motivis, ob quæ timet, ne adsit malum in re bona: & est conscientia *scrupulosa*, nec plures, aut pauciores excogitari possunt diversitates huiusmodi iudiciorum, & ita sunt veræ.

Fateor tamen, quod *dubia*, & *scrupulosa* non sunt in rigore verè, & positive species conscientiæ: nam *dubia* potius est suspensio, seu negatio iudicii practici, quàm iudicium; ergo non est positive conscientia. Idem est de alia; quia cum tanta anxietate, & formidine adhæret uni parti, ut non possit esse sufficiens regula ad agendum, nisi deponatur *scrupulus*: tamen communi divisioni standum est, nec ab ea recedendum sine graviore fundamento.

Quidam addunt *suspensivam*, & *temerariam*. alii *bonam*, & *malam*; alii *quietam*, & *perturbatam*, sed facile ad præcedentes revocantur: 1. vix differt à *dubia*, quia nulli parti adhæret positive. 2. ad *erroneam*, quia nulli rationabili fundamento nititur. 3. & 4. ad *rectam*, quæ ideò bona est, quia *vera*, & *prudens*, & *quieta*, quia est *certa*. 5. ad *erroneam*, quia in malum ducit, & 6. ad *scrupulosam*, aut *dubiam*, quia scrupulis, aut dubiis agitur. Denique dividitur in *speculativam*, qua iudicatur in universaliali aliquid esse bonum, aut malum, & *practicam*, qua iudicatur hic, & nunc aliquid esse bonum, aut malum, & dicitur *practice practica*, & proxima regula morum; ergo hæc divisio est bona, & sufficiens.

De singulis dicemus, quid influant in moralitatem actuum humanorum, quomodo, & quando obligent.

## QUÆSTIO III.

*De influxu conscientia in actus humanos, & quomodo recta obliget.*

**C**onscientia *recta* capi potest 1. pro dictamine rationis, quod sit sufficiens regula operandi; & sic convenit cum conscientia probabili, quæ est etiam sufficiens, & ideò est *recta* in hoc sensu. 2. pro *dictamine vero*, quod dictat faciendam rem verè faciendam, & hoc etiam sensu conscientia opinativa est *recta*; nam quod dictat faciendum, est *revera* faciendum, & id potest esse verum à parte rei, licet possit etiam esse falsum; sed 3. & propriè hic sumitur juxta definitionem allatam in præcedenti pro *dictamine vero*, & certo, quod excludit dubitationem omnem, aut timorem de opposito. Non disputo de differentia inter *ligare*, & *obligare*, quam aliqui statuunt, pro eodem usurpabo, res enim est de nomine.

## CONCLUSIO I.

**C**onscientia est regula interna morum, adèò ut actus non sit humanus, nec laude, vel vituperio dignus, nisi dictetur, & judicetur bonus, aut malus à conscientia. Est communis, & patet ex dictis de libero, & voluntario.

Prob. Omnis actus moralis est necessariò liber; ergo & necessariò præcognitus secundum bonitatem, aut malitiam, Nihil enim volitum, quin præcognitum. Id dicit S. Aug. [1] à pastoribus decantari in montibus; à Poetis in theatris; ab indoctis in circulis; à doctis in bibliothecis; à magistris in scholis; à Pontificibus in templis; à genere humano in orbe terrarum, scilicet neminem benè, aut malè agere, nisi velit, & non posse velle, nisi præcognoscat, quia voluntas est potentia de se cæca. Ideò pueris, amentibus, & brutis non imputatur quidquam ad meritum, vel demeritum, ut patet ex dictis de involuntario ex ignorantia invincibili.

Objic.

[1] De duab. anim. c. II.

Objic. 1. Sepiùs peccamus ex ignorantia vincibili, & ex inconsideratione, aut oblivione; sed in his casibus nullum adest dictamen conscientie; ergo conscientia non semper dictat actus morales. prob. maj. ex Scriptura, & Patribus, qui sæpe damnant facta ex ignorantia, & maximè ex ignorantia juris.

Resp. neg. min. supposita maj. vel majorem supposita minori; nam alterutra est falsa; falsum est nos peccare, si nulla prorsus adest cognitio bonitatis, aut malitiae actus, & si adest aliqualis cognitio mali, aut boni, adest dictamen aliquod conscientie. Scriptura autem, & Patres loquuntur in casu ignorantie vincibilis, & crassae in qua semper habetur aliqualis cognitio mali.

Objic. 2. Multi peccant sine conscientie remorsu; ergo & sine illius dictamine; nam illud est, quod remordet. Ant. patet ex Scriptura, & Patribus de induratis, de consuetudine peccandi, aut vehementia passionis; item de stupidis, & rudioribus, qui nesciunt discernere, aut considerare rationes rerum.

Resp. dist. ant. Sine remorsu ex parte voluntatis, conc. ex parte intellectus, neg. ant. multi peccant sine tristitia illa, quam conscientia peccati solet excitare in voluntate propter istius depravationem ex illis aliis causis, sed non sine cognitione aliqua mali; alioquin non peccarent magis, quam dormientes, vel amentes. Remorsus ergo importat 1. cognitionem mali in intellectu: & est propriè conscientia. 2. horrorem, & odium, & tristitiam naturalem in voluntate; cognitio illa semper requiritur ad bonum, & malum in actibus, non autem illa tristitia, & horror voluntatis. Hanc verò *si sentis, miser*; & *si non sentis, miserior*, inquit Aug.

Objic. 3. Quæ sunt mala ex objecto, ita essentialiter sunt mala, ut non possint aliter esse, ut odium Dei; ergo ad hæc peccata non influit conscientia.

Resp. neg. ant. Nam si possit contingere talis actus, v. g. odium Dei sine ulla prorsus cognitione mali, non erit moraliter peccatum: an autem ita possit contingere, non est hujus loci examinare.

## CONCLUSIO II.

**C**onscientia est adeò necessaria regula morum, ut non possimus ab ea discordare sine peccato, & maxime si sit recta; in quo ipse Deus dispensare non potest.

Prob. 1. ex Scoto, [1] quia quærens, an omnis conscientia liget? respondet, quòd potest esse conscientia de lege divina, vel de actu indifferenti, vel conscientia erronea de actu contra legem divinam. 1. modo ligat, cum conscientia est conformis legi divinæ. 2. modo ligat, quia qui habet conscientiam de actu indifferenti credens, quod sit de necessitate salutis, faciens contrarium contemnit salutem, & faciendo actum in se non peccat, cum sit ex se indifferens; ligatur ergo ad faciendum, si est conscientia erronea adhuc ligat, &c. ergo omnis conscientia ligat hominem ad se illi conformandum.

Probatur 2. ex Script. & Patribus citandis pro conscientia erronea; nam à fortiori valent pro ista.

Prob. 3. quoad 1. p. quia actus disformis suæ regulæ internæ, & proximæ est peccatum; sed conscientia est regula interna, & proxima actuum omnium moralium; ergo si ei non conformentur, sunt peccata. Maj. patet ex definitione actus mali, seu peccati: & certè voluntas non potest esse recta, nisi prout suæ regulæ conformatur; ut enim docet D. Thomas, [2] Bonum cuiuslibet mensurati, & regulati consistit in hoc, quod conformetur suæ regulæ; sicut bonum artificiat. est, ut sequatur regulam artis. Hoc maxime verum est de recta ratione.

Prob. 2. p. scilicet quòd Deus dispensare non possit hominem ab obligatione sequendi conscientiam rectam ex Scoto. [3] Deus non potest velle aliquid contrarium legi naturali, & æternæ, nec dispensare in præceptis, quæ sunt strictè de lege naturæ; sed dispensaret de lege naturæ strictæ, & æternæ, si dispensaret ab obligatione sequendi conscientiam rectam; ergo id non potest. Prob. min. ipsa conscientia recta est participatio divinæ rationis, & intimatio legis naturæ

[1] Repor. 2. d. 39. n. 30. [2] 1. 2. q. 64. ar. 3.

[3] 13. d. 37. c. n. 6.

naturalis, & æternæ; ergo non potest dispensari ab obligatione talis conscientiæ sequendæ, quin dispensetur à lege stricta æterna, & naturali.

- Prob. 2. Quia si Deus dispensaret in hoc, vel id sciret homo, vel non; si nesciret, ergo non excusaretur à peccato discordans à recta conscientia; quia dispensatio non excusat, nisi sit cognita. 2. si sciret dispensationem; ergo conscientia recta diceret, quod posset uti illa; ergo utendo illa dispensatione ageret secundum conscientiam rectam, & proximam suam regulam. Dico (*proximam*) nam sublata dispensatione, & cognitione ejus aliter formasset conscientiam; scilicet dictantem illicitum esse non conformari ejus dictamini.

- Objic. Voluntas est recta, quando conformatur conscientiæ erroneæ; sed hæc conscientia non est recta; ergo voluntas potest esse recta, & sine peccato, licet non conformetur rectæ conscientiæ. min. est evidens ex definitione talis conscientiæ. maj. patebit ex quæst. sequenti.

Resp. dist. min. hæc conscientia non est recta speculative, conc. min. practice, neg. min. Rectitudo judicii duplex est. 1. *speculativa*, quando est conforme rei in se, & de illa enuntiat secundum veritatem; uno verbo tunc est *speculative* recta, quando est vera; *practice* verò est recta, quando prudenter dirigit voluntatem, dictando scilicet de re, prout apparet post exactam inquisitionem veritatis, licet de facto, & à parte rei aliter se habeat, & erret, sed invincibiliter. Conscientia igitur erronea quando sic dirigit, est recta *practice*, sed non *speculative*: unde inferes, quod ut voluntas sit recta, & non peccet, sufficit, ut sit conformis conscientiæ, ac dictamini, seu rectæ rationi practice, seu ut faciat, quod ratio prudenter dicta faciendum.

Inlt. Eadem conscientia esset simul recta, & non recta; sed hoc implicat; ergo &c.

Respondeo dist. maj. recta, & non recta sub diverso respectu, conc. maj. & neg. min. sub eodem respectu, neg. maj. & conf. est *recta practice*, quia recte, & prudenter dictat, scilicet sicut illi apparet dictandum post diligens examen; non *recta* verò *speculative*, quia non assequitur veritatem, sed judicat honestum

dictum id, quod revera non est, vel judicat vetitum quod est indifferens, aut honestum.

Quæres 1. *An dictamen illud conscientia debeat esse actualiter præsens, dum voluntas agit. 2. an sufficiat, quod præcesserit, & sit virtuale, aut habituale, ut quis dicatur agere secundum, vel contra conscientiam.*

Resp. sufficere, quod præcesserit, & virtualiter, aut habitualiter perseveret. Ratio est, quia sufficit ut dirigat voluntatem, ne cæco modo agat. Unde si heri judicabam mihi hodie jejunandum, & in virtute hujus dictaminis hodie jejunem, licet actu non cogitem de jejunio, nemo negabit id sufficere ad bonitatem jejunii.

Quæres 2. *An committatur speciale peccatum, quando discordatur à conscientia, & an peccetur dupliciter, sc. contra legem, & simul contra speciale præceptum sequendi dictamen conscientia, item an mortaliter, vel venialiter.*

Resp. non peccari nisi contra virtutem, aut legem, & illud peccatum esse mortale, aut veniale secundum qualitatem materiae, aut circumstantiarum, v. g. si conscientia, & recta ratio dicat huic pauperi dandam hic, & nunc eleemosynam ex præcepto charitatis, si non des, peccas contra legem charitatis, & si necessitas pauperis dictetur ut gravis, peccatum erit mortale; si levis, erit veniale. Ratio est 1. quia qui agit contra dictamen conscientia, ideo peccat, quia facit id, quod judicat vitandum, vel omittit, quod judicat faciendum; ergo illi imputatur malitia, quam agnoscit in actu, vel omissione, & tanta, quantam agnoscit. 2. quia conscientia non obligat virtute propria, sed aliena, scilicet virtute legis naturalis, aut positivæ divinæ, vel humanæ, sicut præco, vel nuntius legislatoris; ergo non facit per se, ut contra eam peccetur speciali peccato distincto ab eo, quod proponitur in objecto, v. g. si proponatur inesse malitiam furti, erit peccatum furti.

Dices. Peccat contra duas regulas; ergo dupliciter peccat. prob. ant. peccat contra legem de sequenda conscientia, & contra præceptum charitatis in casu posito; ergo contra duas leges.

Resp. dist. ant. contra duas regulas connexas, & subor-

Subordinatas, ac partiales, quæ unam integrant, conc. ant. contra duas dispartitas, neg. ant. & conf. nam sicut lex non obligat nisi ut cognita, & applicata voluntati per dictamen conscientiæ, ita non peccatur contra eandem legem, nisi cognita obligatione; & sic peccari non potest contra legem, nisi discordando à dictamine illo; si verò ex malitia vellet quis violare legem, & adhuc non sequi dictamen, duplex esset peccatum; sed hoc per accidens est, non ex natura rei.

Quæres 3. Si conscientia dicat esse malum simplex, & in genere non cogitando de ulla malitia speciali, quale erit peccatum?

Resp. Peccatum illud non pertinere ad ullam speciem vitii, sicut nec bonum ad ullam virtutem; peccabitur contra synderesim dictantem in genere de bono faciendo, & malo vitando, sed peccatum erit mortale. Ratio est, quia qui faceret id, quod confuse, & in communi cognoscit esse malum, nesciens, an sit grave, aut leve, exponit se periculo peccandi graviter; ergo & graviter peccat. Conf. patet ex axioma ab omnibus recepto, quod qui se exponit probabili periculo graviter peccandi, peccat mortaliter; nam ostendit se non curare grave peccatum magis, quam leve, & se esse dispositum ad utrumque. Et Sapiens docet, quòd *qui amat periculum, in illo peribit*. Prob. ergo ant. nam tunc ille certus est se peccare, & nescit an peccet mortaliter, vel venialiter; ergo scit actum suum posse esse mortalem; ergo ut talem vult illum, aut saltem se exponit periculo faciendo rem graviter malam.

Dices. Sicut peccat in genere mali præcisè ab omni vitio speciali, ita & in genere communi peccato veniali, & mortali; ergo non peccat mortaliter. Prob. conf. non potest inesse plus malitiæ, quàm potentix, seu voluntatis, & cognitionis; sed in cognitione, & voluntate non est malitia mortalis, sed malitia *ut sic*; ergo & in actu. Prob. min. nam voluntas se continet intra limites malitiæ communis, & abstrahentis à mortali, & veniali, sicut illi repræsentatur à conscientia.

Resp. neg. parit. & conf. & disparitas est, quia volitio mali, quod potest esse, & agnoscitur posse esse mor-

male, vult virtualiter mortale ob rationem allatam; sicut si conscientia proponeret actum posse habere malitiam furti, aut sacrilegii, utramque contraheret, quia utriusque periculo se exponeret, & ad utramque esset dispositus.

Inst. ergo Rustici, & idiotæ, qui nesciunt distinguere inter mortale, & veniale, semper peccarent mortaliter; sed hoc videtur durum, & absurdum, & contra omnes; ergo potest peccati venialiter in eo casu.

Resp. dist. maj. Si aliquo modo suspicentur, quod peccatum possit esse mortale, seu grave, conc. maj. & neg. min. nec enim durum, vel absurdum est, nec contra rationabiliter philosophantes, si nullo modo suspicentur de gravitate peccati, neg. maj. & conf. & ratio negati clara est ex principiis moralibus allatis.

Quæres 4. *An obligatio operandi secundum conscientiam sit de lege naturali, an positiva.*

Resp. eam esse de lege positiva, si quod judicat faciendum, aut vitandum, præcipiatur, aut vetetur lege positiva; si verò lege naturali, talis erit obligatio illa. Ratio est, quia conscientia non habet ex se vim ligandi, sed ex lege, quam proponit; ergo qualis erit lex obligans, talis erit & obligatio sequendi conscientiam; unde si conscientia judicat hic, & nunc dandum esse eleemosynam huic pauperi ex lege naturali, teneberis dare ex eadem lege; si proponat eam obligationem ex lege divina, eadem erit in te ad dandum eleemosynam; sed præter hanc obligationem moralem, adest alia naturalis, & physica orta ex cæcitate voluntatis, & alia generalis, & moralis, quæ tenetur amplecti, quod illi proponitur ut bonum, & fugere, quod proponitur ut malum,

## Q U Æ S T I O IV.

*De conscientia erronea, an, & quomodo obliget.*

**N**ON distinguo hic inter ligare, & obligare, ut volunt aliqui, & gratis, ni fallor; nec id placet turbæ Philosophorum, & Theologorum, qui his verbis utuntur indifferenter, & pro eodem: sed necessaria est distinctio conscientie errantis vincibiliter, & invincibiliter. I. est, quæ potuit vincere errorem, &



& assequi veritatem facta debita diligentia ad istam assequendam, & illam deponendam. 2. verò, quæ facta debita diligentia, ea scilicet, quam solet adhibere vir prudens in negotiis magni momenti, non potuit aliter judicare de bonitate, aut malitia rei; & id accidit vel quia non venit in mentem ulla dubitatio; vel quia si venit, facta omni diligentia debita, visum est rem ita esse, licet revera non sit. 1. dicitur *crassa*; & adhuc duplex est, *affettata*, qua quis negligit inquirere veritatem, ne teneatur ei se conformare, v.g. non vis ire ad missam parochialem, ne audias jejunii obligationem, vel adire confessarium, ne te doceat obligationem restituendi, quia non velles jejunare, aut restituere, & non *affettata*, quæ negligit quidem inquirere scientiam, & veritatem, sed absque propensione in actum oppositum scientiæ, aut veritati, v.g. non adis Ecclesiam, ubi annunciantur festa, & jejunia, & id facis, non quia inclinaris ad non jejunandum, aut non feriandum, sed ex pigritia, vel amore venationis, &c. & tamen ex illo errore sequitur violatio jejunii, & festi; utraque est culpabilis, quia in utraque advertis tibi deesse lumen, & cognitionem aliquam ad rectè agendum, & negligis eam querere, cum deberes, sed prior longè peior est.

Porro de *crassa affectata* non est dubium, quin non solum liceat, imò debeat voluntas ab ea discordare, aut saltem eam deponere; num oritur ex ipsa voluntate peccandi, & ipsamet peccatum est, aut effectus peccati; restat difficultas de *non affectata*, & queritur, an voluntas debeat ejus dictamen sequi, ita ut peccet non se illi conformando; & id à fortiori queritur de *invincibili*.

Rursus conscientia *erronea* potest dictare de re facienda, vel omittenda, & illicita sub præcepto, & cum obligatione sub pœnam peccati, aut de re indifferenti, vel bona, sed absque obligatione, & quam potest facere, vel omittere sine peccato. De ista non est difficultas, sed de priori; certum enim est, nos non teneri facere omnia, quæ licent, & bona judicantur; imò potius ea conscientia dispensat ab obligatione illam sequendi: questio igitur procedit de *erronea invincibili*, & de *vincibili non affectata*,

quæ proponit aliquid ut bonum, & ut faciendum, vel ut malum, & ut vitandum, & id sub obligatione peccati, an voluntas peccet, si non sequatur eam.

## CONCLUSIO.

**C**onscientia invincibiliter erronea obligat voluntatem, ita ut hæc peccet, si se illi non conformet: errans autem vincibiliter deponenda est, alioqui peccatur. Est communis quoad primam partem, non adeo quoad secundam.

Prob. 1. ex Scoto [1] citato. Si est conscientia erronea adhuc ligat; sed non tenetur ad faciendum illud, nec ejus contrarium, sed ad deponendum errorem, quia si se faciat, si se non faciat stante conscientia peccat mortaliter (in materia gravi, & ubi agitur de lege divina, nam de hoc casu loquitur) Idem docet alibi [2] de ministro sacramenti, qui putans erroneè baptismum acceleraturum mortem pueri, debet deponere errorem, aut non baptizare.

Prob. 2. ex Script. docente, numquam licitum esse agere contra conscientiam, quam vocat fidem. Scio, inquit Apost. [3] & confido in Domino Jesu, quia nihil commune (id est immundum) per ipsum, nisi ei, qui existimat (in conscientia, & quidem erronea) quid commune esse; in fidem habes (scilicet credis cibos omnes esse immundos) penes te ipsum habere coram Deo. Beatus, qui non judicat semetipsum in eo, quod probat (quia conscientia non reprehendit ipsum) qui autem discernit, (se non debere manducare judicans, vel dubitans) si manducaverit damnatus est, quia non ex fide; (non agit juxta conscientiam, licet erronea sit) omne autem, quod non est ex fide (id est ex conscientia) peccatum est: sic exponunt communiter Glossa, [4] & interpretes, ut colligitur ex SS. Canonibus c. *listeras*, & c. *inquisitioni*, & alibi. Vides, D. Paulum ibi loqui tam de illo, qui ex conscientia erronea existimat, aliquos cibos esse immundos, quam de alio, qui ex vera conscientia omnes credit mundos, & licitos; & cibos illi priori docet esse vetitos, non

[1] 2. Repor. d. 39. n. 10.

[2] 4. d. 1. q. 3. A. n. 2. & in Repor. ibid. [3] Rom. 14.

[4] De repit. spol. c. fin. de præscript.

non isti, licet hic coram illo debeat ab eis abstinere, ne illi sit scandalo. Idem confirmat de illis, qui ex errore putant idolothyta esse immunda; nam si contra dictamen talis conscientiae comedant eas carnes, peccant, *conscientia ipsorum cum sit infirma, polluitur*. Sic qui ex errore adhuc circumciderentur, credentes eam legem adhuc vigere, ad hanc tenerentur. [1] *Testificor omni homini circumcidenti se, quia debitor est universae legis faciendae* (scilicet ob conscientiam, quamvis erroneam, etenim verè esset erronea; quia in Christo Jesu neque circumcisio aliquid valet, neque praeputium).

Prob. 3. Quia conscientia est regula proxima actionum moralium; nam leges divinae, & naturales, & humanae non sunt regulae, nisi ut cognitae, & ut intimatae voluntati per conscientiam; ergo ut istae actiones sint rectae, debent illi concordare. Prob. conf. ut actio sit recta debet concordare suae regulae: sed conscientia etiam erronea est regula actionum moralium; ergo istae debent illi concordare. Prob. min. conscientia invincibiliter erronea est prudentialis; dictat agendum, aut non agendum post exactum veritatis examen, & absque dubitatione de opposito, vel suspicionem erroris, qui tamen de facto inest; ergo est sufficiens regula moralium actionum. Ant. patet ex ipsa definitione talis conscientiae, & ignorantiae, quae ideò dicitur inculpabilis, & recta, & prudentialis. Unde Jacob dum accessit ad Lyam, quam invincibiliter putavit esse uxorem suam Rachelem, excusatur à culpa adulterii.

Confir. Tenemur conformari conscientiae, quae practice recta est, & moraliter certa: sed talis conscientia est practice recta: ergo, &c. Prob. min. ex communi sententia: per conscientiam practice rectam intelligimus eam, quae dictat secundum majorem apparentiam veritatis post districtum examen, licet veritatem à parte rei existentem non assequatur: sed talis est conscientia haec: ergo est practice recta. Ant. pat. alioqui enim numquam possemus agere ex conscientia probabili, sed semper requirerentur conclusiones demonstrativae, quod nullus admittet commaximè, quia conscientia proprie dictat de singularibus.

342 De conscientia  
de quibus non habetur scientia.

Confir. denique: nam quoties voluntas fertur in objectum sibi repræsentatum ut bonum, & honestum, verè amat honestum; ergo & honestè agit, & è contra si non amet illud non agit honestè, sed peccat.

Prob. 2. p. Nam, ut dicebamus ex Scoto qui habet conscientiam, quæ per errorem vincibiliter dictat se debere circumcidi, non potest nec circumcidi, nec omittere circumcisionem sine peccato; ergo debet deponere illam conscientiam, & ad hoc obligatur. Prob. ant. 1. non potest circumcidi sine peccato, quia faceret contra legem Evangelicam, à qua *non se absolvit per errorem suam culpabilem; nullas se absolvere potest per peccatum suum, qualis est hic error, quia est culpabilis, quia est ignorantia dispositionis, & quidem prava, & aliquantisper voluntaria, non negationis*, inquit Doctor, [1] *ideo non excusat, sed accusat.* 2. si omittit, facit contra conscientiam suam, qua judicat se debere circumcidi ex lege antiqua divina; ergo licet à parte rei non teneatur, nec debeat, adhuc tamen in sua voluntate peccat, quia vult omissionem præcepti, ad quod ipse judicat se obligari sub peccato; ergo cum remaneat perplexus inter duo peccata mortalia, quorum alterum evitare non potest, nisi deponat conscientiam, tenetur eam deponere.

Confir. Quia talis error, & conscientia est culpabilis, quia est voluntaria saltem negativè, & quisque tenetur quærere veritatem, & eruditionem de his, quæ urgent ad salutem; ergo tenetur deponere illam ut culpabilem.

Addit Scotus, quòd si hæc conscientia est de præcepto negativo, ut *non occides*, statim absque omni mora peccat, si non eam deponat, quia præcepta negativa obligant semper, & pro semper, si est de præcepto positivo, ut *memento ut sabbatha sanctifices*, debet eam deponere pro tempore, quo illud præceptum urget; nam peccat, si non adimpleat pro tempore, pro quo tenetur; tamen potest stare per aliquod tempus posito aliquo casu, & si non peccet, non tenetur statim deponere errorem contrarium.

Objic. contra 1. p. Conscientia erronea etiam invincibilis potest judicare bonum, & præceptum id, quod

[1] *Ibid.*

revera est malum, & prohibitum; sed tunc ea conscientia non obligat; ergo conscientia invincibiliter erronea non obligat. Prob. min. nemo potest ad malum obligari; sed quod talis conscientia proponit, est absolute malum; ergo ad id non potest obligare.

Resp. neg. min. & dist. maj. prob. ad malum cognitum, & judicatum malum, conc. maj. & neg. min. ad malum materialiter, & quod judicatur bonum judicio prudenti moraliter, neg. maj. & conf. nam in casu posito homicidium v. g. aut circumcisio per conscientiam invincibiliter erroneam proponitur voluntati ut bonum, & judicio moraliter prudenti, & recto, & licet à parte rei falso.

Inst. Discordare à conscientia dictante contra legem est concordare cum lege Dei; sed tenemur concordare cum lege Dei; ergo & discordare à conscientia erronea. Prob. maj. conscientia erronea judicat hoc homicidium verbi gratia esse bonum, & lex Dei hoc vetat; ergo tenemur vitare hoc homicidium, quod dictat conscientia erronea, & concordare cum lege Dei.

Resp. eodem modo dist. maj. est discordare à lege Dei materialiter, conc. maj. & neg. min. formaliter, & cognita ut tali, neg. maj. & conf. nam tunc homicidium proponitur, & practicatur velut conforme legi Dei, & formaliter, ac in judicio conscientie tale est, licet materialiter sit illi contrarium; lege autem naturali, & divina tenemur agere, & concordare non tam cum legibus, quales sunt à parte rei, & materialiter, quam quales sunt formaliter, & practice in conscientia post debitum veritatis examen.

Objic. 2. Si quis invincibiliter putaret Dei amorem esse malum, peccaret amando illum; quia faceret contra conscientiam erroneam invincibiliter; sed consequens est falsum, & absurdum; ergo non tenemur sequi conscientiam erroneam invincibiliter. Probat. min. implicat enim Deum diligere super omnia, & illum inde offendi.

Resp. neg. suppositum maj. supponit enim, quod homo cognoscens, & amans Deum super omnia possit invincibiliter credere illum non esse amandum, quod contingere non potest, sicut nec quod odium Dei sit bonum; hæc enim evidenter adeo repugnant,

ut hominī ratione utenti non possint venire in mentem, saltem inculpabiliter; si verò per impossibile supponatur talis ignorantia, neganda erit min. non enim magis repugnat admittere peccatum illud, quàm talem ignorantiam; *ex absurdo enim sequitur absurdum*.

Inst. contra hanc 2. respons. ergo charitas etiam supernaturalis, & Deus ipse concurreret ad peccatum; sed hoc implicat; ergo &c. prob. seq. non enim potest amari Deus super omnia sine auxilio supernaturali gratiæ,

Resp. neg. seq. & prob. ejus in ea suppositione: nam ille amor si supponatur possibilis, non erit ex gratia, nec ex charitate infusa, & supernaturali; non posset esse, nisi purè naturalis.

Objic. 3. Conscientia est inferior Deo: ergo non potest dispensare ab obedientia debita legi Dei, nec à fortiori permittere, vel obligare ad contrarium, v. gr. ad mendacium, quod ex errore posset judicare esse præceptum; quia hoc esset contrarium legi Dei prohibentis mendacium velut per se, & ex objecto malum. Prob. ant. Inferior non potest obligare contra legem superioris.

Resp. neg. ant. & dist. prob. contra legem superioris cognitam, conc. ant. contra legem ignoratam invincibiliter, neg. ant. imò tunc mendacium proponeretur ab intellectu, & diceretur, & eligeretur à voluntate, ut præceptum per legem Dei.

Inst. Ergo leges Dei essent contrariæ, & præciperent contraria; una præciperet mendacium, alia prohiberet illud, quod dici non potest.

Resp. neg. seq. Nam à parte rei, & secundum veritatem lex vera Dei prohibet mendacium, & numquam præcipit; secundum existimationem erroneam præciperet illud, & numquam prohiberet, saltem in eo casu; v. g. cum agitur de salvanda vita propria, vel amici.

Obic. contra 2. p. In casu conscientia vincibiliter errantis sufficit non operari contra illam; ergo non est necesse semper deponere illam; & sic licet non obliget positivè ad faciendum, quod dictat, obligat tamen negativè ad non faciendum contra dictamen, v. g. si dictat mentiendum hic, & nunc pro amico, non

teneor quidem mentiri positivè, sed teneor ad non dicendum veritatem contra illum: sufficit, ut taceam: & in hoc differt ab errante invincibiliter, quia hæc obligat positivè, & negativè: *crassa* verò obligat tantum negativè: sic explicant aliqui obligationem conscientie errantis.

Resp. neg. ant. Quia si non mentiar, dum conscientia dictat id esse necessarium ex præcepto, pecco, & teneor positivè mentiri, nisi deponam errorem illum; omitto enim actum, quem puto graviter præceptum: & si taceam, facio contra illud præceptum existimatum urgere. Præterea ille error est culpabilis: & si ve agam positivè, si ve negativè, semper teneor deponere illum, ut vitem periculum peccati.

Objic.2. Saltem hæc conscientia obligat, quamdiu durat error: quia hic non potest statim deponi: ergo conscientia vincibiliter erronea pro aliquo tempore obligat, sicut invincibilis; sic enim explicant alii hanc difficultatem.

Resp. neg. cons. nam si pro eo tempore, quo voluntas agit, non possit error deponi, tunc est invincibilis & ruit fundamentum: si deponi potest, peccatur: quia ipsemet error est culpabilis: & actus inde sequens est voluntarius indirectè, scilicet in causa, seu in errore *crasso*, & vincibili: & quidem hoc ipso quod non curas deponere errorem per inquisitionem exactam veritatis, peccas contra virtutem, in cuius materia versatur error, quia te exponis voluntariè periculo peccandi contra illam.

Quæres I. *Si non deponatur conscientia vincibiliter errans, an gravius peccetur agendo contra illius dictamen, an sequendo illud; v.g. si ex errore judico mentiendum esse hic, & nunc in judicio ad salvandam vitam innocentis, si mentior, pecco contra veritatem: si non mentior, pecco contra charitatem, quodnam eorum gravius est?*

Resp. hanc gravitatis mensuram petendam ex materia, ex legibus, & ex circumstantiis: v. g. in exemplo, & casu allato, qui sequitur eam conscientiam, & mentitur, facit quidem peccatum in materia mendacii officiosi, quod fortè est veniale: at si non mentitur, peccat contra charitatem, & justitiam, &

quidem graviter ; è contra verò potest contingere , ut gravius sit peccatum sequi eam conscientiam , ut si dicet esse furandum , ut dare possis eleemosynam , si te conformes huic conscientie , & fureris , peccas mortaliter ; & eleemosynam omittens non peccares , nisi venialiter .

Quæres 2. *quomodo , & quando conscientia erronea sit deponenda .*

Resp. 1. Jam constare ex Scoto , quòd sit deponenda statim , si agatur de præceptis negativis , quia hæc obligant ad semper omittendum , quod prohibetur , & quòd pro positivis sufficit eam deponere , quando urget obligatio ea adimplendi .

Resp. 2. eam deponi posse per debitam applicationem in quærenda veritate , vel apud te attentè considerando materias , & leges , & circumstantias , & rationes , & principia morum , vel consulendo libros , aut peritos juxta præceptum Sapientis , [1] *Qui agunt omnia consilio , reguntur sapientia* , Et , [2] *Sine consilio nihil facies* .

Quidam censent , id fieri posse ex solo imperio voluntatis ; sed malè , nam conscientia non mutatur in intellectu , nisi mutatis motivis , aut saltem illis melius intellectis ; ad id autem obligat non ipsa conscientia erronea ; non enim judicat seipsam , sed alia recta ; & verè fundata in jure naturali ; vel positivo non peccandi , nec se exponendi periculo peccandi .

## Q U Æ S T I O V.

*De conscientia scrupulosa , an , & quomodo obliget .*

**S**crupulus dicitur à *scrupo* , qui est lapillus in calceo pedem non tam vulnerans , quàm affligens : nam *scrupulus* conscientiam vexat ; & hoc sensu loquitur ipsa Scriptura : [3] *Non erit tibi in singulum , & in scrupulum cordis , quòd effuderis sanguinem innoxium* . & Cicero ; *Hunc mihi ex animo scrupulum evelle , qui me dies , noctesque stimulat , ac affligit* . Conscientia igitur scrupulosa pungit , ac vexat animum ; nam li-

cet

[1] Prov. 12. [2] Eccl. 32 .

[3] 1. Reg. 25 .



Cet per iudicium determinatum propendeat in unam partem, scilicet quod actio bona, aut licita sit ( & per hoc distinguitur à conscientia dubia, quæ pendet in æquilibrio ) tamen ex levibus quibusdam motivis suspicatur, & timet, an insit aliquid mali, aut peccati : ut si quis timeat, ne peccaverit, quia videt se paleas calcasse in modum crucis jacentes. Dico, ex levibus, & sic distinguitur à probabili, quæ determinatè adhæret uni parti, & ex gravibus motivis timet de opposita : *scrupulosus* verò etiam sine ratione peccatum timet inesse rei, in qua nullum est; & ideo timor vanus est; quia ex inani rationum umbra nascitur, quæ animam obnubilat.

Vulgus confundit hanc conscientiam cum *synderefi*, aut etiam cum aliis, ita ut homines timoræ conscientie, & qui exactè sequuntur dictamen *synderefis*, vocet scrupulosos; sed abutitur vocibus; nam, ut diximus, *synderefis* non errat, sicut ista, quæ ex levi umbra rationis suspicatur malum, & *trepida timore*, *ubi non est timor*: igitur conscientia scrupulosa est quadam apprehensio, vel iudicium imperfectum, & erroneum ex levissimis, aut vanis motivis de malitia rei aliqui bonæ; unde in aliquo convenit cum errante, & dubia, & probabili. Dicitur 1. *apprehensio*, vel *iudicium*: quia sæpe in sola apprehensione simplici sistit: aliquando iudicat positivè rem posse esse malam, 2. *imperfectum*, & sine firma intellectus adhæensione; imò stat sæpe cum iudicio firmiori de bonitate rei, ideo vocatur *suspicio* quædam, quæ ex D. Thoma, [1] est opinio mali ex levibus signis: & præter actum intellectus includit etiam timorem, & anxietatem voluntatis: & per hoc differt à dubia, quæ non iudicat, sed hæret suspensa. 3. *erroneum*, quia apprehendit, aut iudicat, aut suspicatur malum in re bona: & in hoc convenit cum *erronea*, 4. *ex levissimis, aut vanis motivis*: & in hoc differt ab *erronea*, quæ nititur quidem falsis, sed valdè apparentibus motivis, propter quæ invincibiliter adhæret iudicio falso. Differt etiam per idem à *probabili*, quæ rationalibus motivis nititur. 5. *de malitia rei aliqui bonæ*: nam hæc conscientia ordinariè non dicitur de presumptione, & iudicio, quo res mala præsumitur bona,

348 *De conscientia*  
sed è contra. Quæritur ergo, an hæc conscientia sit certa regula morum.

## CONCLUSIO

**N**on tenetur homo sequi iudicium conscientie scrupulosa: imò sæpius tenetur contrarium agere, semper verò tenetur deponere.

Prob. 1. tota conclusio ex dictis de conscientia erronea, crassa, & vincibili: nam, ut dicebamus, hæc non est regula sequenda, sed deponenda; ergo & illa. 2. ex dicendis de conscientia probabili; nam in hac debemus conformari iudicio probabili, aut probabiliori, relicto minus probabili, ergo à fortiori relinqui debet iudicium scrupulosum, quod est minus probabile, imò non est probabile, sed levissimum, & erroneum; ergo non est regula sequenda in moribus.

Prob. specialiter quoad 1. & 2. p. quia scrupulus consistit in simplici apprehensione, vel iudicio non probabili, sed levissimo de malitia, quæ verè non inest, & stat cum iudicio probabiliori de honestate actus; sed in tali concursu non tenemur sequi iudicium improbabilius, sed contrarium agere, si est probabilius; ergo non tenemur iudicium sequi scrupulosum, imò tenemur contrarium agere, si sit in re præcepti; ergo, &c.

Confir. Nam sæpe confessarii, & superiores ut curent scrupulosos, ex obedientia præcipiunt, ut contrarium agant, & ad id tenentur subditi, v. gr. qui propter scrupulum nollent communicare in Paschate, possunt ad id cogi per superiores, & hoc etiam in aliis casibus potest contingere in remedium contra scrupulos, ut docent communiter Patres spirituales, & Doctores.

Prob. 2. p. Quia licèt absolute possimus agere contra scrupulos, tamen melius, & tutius est illos deponere; & sic vitamus omne prorsus periculum; & cum minori perturbatione facimus opera bona, nec ulla ex scrupulis oritur utilitas; ergo semper debent deponi: & ideò Patres, & Doctores suggerunt regulas, & remedia, quibus deponi possint, & velut infirmitates curari, ut mox dicemus.

Objic.

Objic. I. Scotus docet eum, qui crederet baptismum accelerare mortem infantis, esse debere perplexum de homicidio spirituali, aut corporali, & non debere baptizare contra illam conscientiam, licet erroneam; quia committeret homicidium, vel dimittenda est conscientia erronea, quæ fuit causa perplexitatis; & implendum est præceptum de baptismo conferendo in casu necessitatis; sed hæc conscientia eo modo, quo eam explicat, est scrupulosa; ergo ex Scoto non licet agere contra illam. Prob. min. nam verisimile est, quod aspersio aquæ modicæ nullo modo noceat, inquit; & apparet etiam satis rationabiliter, quod illa præsumptio est irrationabilis, &c. ergo talis conscientia est purè scrupulosa; & tamen, ex Scoto, necesse est dimittere illam.

Resp. neg. min. & conf. prob. Nam ex textu apparet, Scotum [1] loqui de conscientia saltem vincibiliter erronea, non autem de scrupulosa; Si autem habeat quis conscientiam erroneam credens baptismum esse causam accelerationis mortis baptizati, stante conscientia ejus, committit homicidium. Vides, quod ille minister non suspicatur, non timet, sed positivè credit infantem periclitari.

Objic. Aliquando scrupuli ita vexant, & perturbant hominem, ut non possit formare judicium determinatum de honestate ejus; ergo tunc non poterit agere contra scrupulosam conscientiam; ergo falsa est quoad eam parte conclusio.

Resp. neg. 2. conf. non enim dicimus, id semper fieri posse; sed aliquando, & in casu objectionis; conscientia tunc esset potius erronea invincibiliter, quàm scrupulosa; quandoquidem agens non posset formare judicium determinatum de honestate.

Objic. 3. ex SS. Canonibus. [3] Scrupulosus monachus, qui timet, se invalidè promotum ad subdiaconatum, prohibetur ascendere ad superiores ordines ex eo, quod conscientiam habuerit nimis scrupulosam, in difficultatem hujusmodi fuerit collapsus, quæ nique non evadet, nisi deponat errorem; ergo non licet agere cōtra conscientiam scrupulosā: idē colligitur ex alio capite [3]

ubi

[1] 4. d. 5. q. 3. n. 2. & Repoi. ibid. n. 10.

[2] C. per vias de Simo.

[3] C. Inquisitioni de sent. exco.

ubi deciditur eandem conscientiam de matrimonii validitate deponendam, aut abstinendum ab usu matrimonii, *conscientia levis, & temeraria credulitatis explosa.*

Resp. neg. conf. neque enim in his Canonibus ageretur de conscientia purè scrupulosa, sed de erronea, & crassa, inquit, *Ex nimia credulitate collapsus erat ille monachus, initio quidem ex nimio scrupulo, sed evasit in erroneam; ideo dicit Pontifex, quòd nisi deponat errorem (non dicit scrupulum) non evadet gehennam. Ideo conscientia erronea deponenda est;* inquit glossa, *quia qui fecit contra conscientiam adificat in gehennam; coniux verò dicitur posse petere, & reddere debitum, si habet credulitatem huiusmodi ex credulitate levi, & temeraria, quam explodere debet, seu contemnere, & quidem ad sui pastoris consilium, ut patet ex ipso textu.*

Causæ scrupulorum sunt vel naturales, vel spirituales: naturales duæ, *intrinseca, & extrinseca;* *intrinseca* est temperamentum *ilegmaticum, melancholicum, & frigidum à natura, sive à morbo, cibis, jejuniis, studiis, vigiliis;* nam humores frigidi movent à circumferentia ad centrum, causantque pavores, & timores, atrosque vapores, quibus animus agitur, constringitur, anxietur; spiritus animales restringuntur, & quasi suffocantur: melancholia nutrit spiritus animales atros, crassos, & tardos, qui apparentiam augent phantasmatum, quæ deferunt, sunt enim velut conspiciilla, quibus, phantasmata conspiciuntur; & sic leves, & minimæ apparentiæ mali videntur ingentes: ita, quia ex ejusdem humoris copia, & crassitie illa phantasmata scrupulorum subiecta magis intenduntur, subiectantur in phantasia crassiori, & sic phantasma de sola mali suspitione, vel umbra fortissimè movet, & vexat. Inde fit, quòd aliqui sunt scrupulosi in aliqua tantùm materia; quod accidit, quia unus sinus phantasiæ, in quo servantur species talis materiæ, magis infectus est illo humore. Alii sunt scrupulosi in omnibus, & id venit ex tota complexione. 2. Ignorantia etiam causat occasionaliter scrupulos, & maximè si cum superbia, & amore proprio uniatur; quia illa non permittit resolvere difficultates, quæ ex humore, vel aliunde occurrunt;

runt; nec iste consulere, vel audire peritos, vel eorum stare consiliis. 3. Inter causas externas 1. sunt alii scrupulosi, qui similes mores inspirant. 2. Dæmon vel inducendo tenebras, vel excitando humores, & vapores melancholicos in cerebro, vel inficiendo spiritus animales, vel immittendo species, ut impediat bona opera sub prætextu pietatis, & virtutis, ut ingerat tedium rerum spiritualium; ut deterreat à bono vero, & solido, & inducat relaxationes, desperationes, inobedientias, hypocrisim, &c. 3. Deus ipse etiam sæpe immittit scrupulos modis, & motivis, & ad fines providentiæ suæ adorandæ, & maxime ad humiliationem, & emendationem peccatorum, ad exercitium patientiæ, & obedientiæ, &c.

Remedia scrupulorum plura suggerunt SS. Patres, & Theologi, & Doctores animarum. 1. si ex temperamento, & infirmitate corporali, curandi sunt medicamentis, & maxime purgantibus melancholiam, & atram bilem; & ad hoc consulendi sunt medici. 2. Indulgendum etiam honestis recreationibus. 3. fugiendi sunt alli melancholici, & scrupulosi, & hilariores frequentandi. 4. moderanda studia, & speculationes, jejunia, vigiliæ, & hujusmodi tollendæ causæ. 5. si ex ignorantia, consulendi sunt periti, & cum humilitate, & obedientia illis credendum, quod etiam ipsis doctioribus, qui sæpe huic morbo sunt obnoxii, pernecessarium est, monente Spiritu Sancto. *Quanto major ex scientia, humilia te in omnibus; & sæpe, ut dicebam, Deus permittit, ut scrupuli hos divexent, ut se se aliis subjiciant.* 6. contra Dæmoniacos scrupulos valet oratio. 7. si veniant à Deo, humilitas eum placabit, & patientia opus perfectum habebit.

Ad scrupulos autem amovendos, & scrupulosos curandos non mediocris adhibenda diligentia; quia non spernenda inde veniunt incommoda; licet enim possit homo operari non depositis scrupulis, hi tamen turbant, vexantque mentem: anxietatem, tristitiamque ingerunt: nebulis offuscant; corporis, & animi vires debilitant; pusillanimitatem inferunt, ita ut nec ad spiritualia, nec ad temporalia bene valeat homo; efficiunt ut via salutis, & perfectionis horrida, & impossibilis appareat; & inde sæpius in a-

men-

mentiam, aut disperationem incidunt plures; ideoque in iis extirpandis debet prudens Confessarius, & director incumbere, sicut in corporibus curandis peritus medicus, obstando principiis, & presentibus malis adhibendo medelam salutarem, ne invalescentibus morbis remedia tarda fiant inutilia.

Regulas plures, & optimas suggerunt Patres, & Theologi Confessario, ut morbos istos periculosos curet, nobis hæc sufficiant.

## Q U Æ S T I O VI.

### De conscientia dubia.

**J**Am diximus conscientiam dici *dubiam* eam, quæ inter duas opiniones oppositas manet suspensa, & anceps, ita ut neutri adhæreat positive, nec propendeat magis ad unam, quam ad aliam propter rationes utrinque moventes æqualiter, & tunc dicitur *dubia positive*: vel quia non habet rationes ullas, quibus moveatur ad assensum alterutrius: & sic est *dubia negative*, per id differt ab aliis conscientiis, quæ omnes habent judicium aliquod positivum, aut saltem propensionem positivam in aliquam partem, ut patet non solum de *recta*, & *vera*, sed etiam de *erronea*, & *scrupulosa*, & patebit de *probabili*, & *opinativa*, quæ ex probabili motivo amplectitur unam partem, licet timeatur de veritate alterius. In istam autem intellectus suspendit assensum sive per puram negationem actus, sive per actum positivum reflexum, sive negativum ex defectu rationum, ac motivorum, sive ex æqualitate rationum pro utraque militantium.

Potest autem esse dubia *speculative*, aut *practice*; dicitur dubia *speculative*, quando quis extra occasionem agendi considerat rem, an sit licita, vel illicita, nec se determinat pro ulla parte. Dicitur dubia *practice*, quando id considerat in occasione agendi hic, & nunc pensatis omnibus circumstantis; vel de facto versatur in ipso exercitio operationis, & non judicat, an bene, aut malè agat, vel egerit, verbi gratia in schola disputamus, an liceat clericis occidere injustum invaluorem, dubium erit *speculativum*, si neutram

tram partem eligimus : si autem id examinaremus in occasione invasionis actualis, aut proximè imminētis, & hæreremus suspensi inter affirmantem, & negantem sententiam, esset dubium practicum.

Rursus dubium est vel *iuris*, vel *facti*, illud respicit legem, an sit, vel obliget; ut si quis dubitet, an existat præceptum obligans ad audiendam hodie missam, vel ad jejunandum; istud verò respicit actum, v. g. an audieris missam, vel jejunaveris, ex quo jejunio pendet iudicium de bonitate, vel malitia alterius operis, v. g. si dubitetur, an peccaveris cum *Berta*, oritur dubium de validitate matrimonii tui cum *Paula* sorore ejus. Aliqui distinguunt dubium *completum*, & *incompletum*; illud dicunt esse de actu interno, & bonitate, & malitia formali, istud verò de actu externo, & bonitate, & malitia materiali, & objectiva; & juxta has distinctiones dubiorum sequitur distinctio conscientie dubie *practicè*, & *speculative*, in dubium *iuris*, & *facti*, & *completè*, ac *incompletè*.

## CONCLUSIO.

**C**onscientia *practicè* dubia non est regula bona actuum humanorum; sed illicitum est ex illa operari; non ita est de dubia *speculative*.

Prob. 1. ex *Scoto* [1] objiciente, quòd multa in actibus humanis sunt dubia, virum sint peccata mortalia, sic respondet, à talibus, tanquam à periculosis, debet homo sibi cavere, & custodire, nedum se exponit periculo, incidat in peccatum. Et alibi dicit, quòd jurans de illo, de quo est dubius, id est, quod non magis assentitur uni parti, quàm alteri peccat mortaliter: & alibi, [2] Quando in moralibus sunt altercationes de aliquo peccato, quando sit mortale, si unus peritus dicat, quòd licet sic mercari, & alius dicat, quod non licet, melius est non sic procedere, nec sic, sed expectare, donec veritas pateat aliunde.

Prob. 2. ratione ejusdem. Qui operatur in dubio practico, exponit se voluntariè periculo peccandi, & imprudenter agit; & ideo contra rectam rationem;

ergo

[1] q. 2. prol. F. n. 15. 3. d. 39. n. 8.

[2] d. 35. q. 2. E. n. 8.

ergo peccat, & quidem pro qualitate, & specie peccati in materia, de qua dubitat: patet ant. nescit enim an actio, quam eligit, bona sit, an mala. Prob. conf. 1. ex Scriptura, [1] *Qui amat periculum, peribit in illo*: Et, [2] *Omne, quod non est ex fide, seu ex conscientia recta, peccatum est*; non dicit contra fidem, sed ex fide; quia non solum peccat, qui agit contra conscientiam, sed etiam, qui non agit ex conscientia. 2. quia sic agens consentit aliquo modo in peccatum, quasi dicat, *sive hoc sit peccatum, sive non, non curo, volo sic agere*; sicut ille vellet displicere amico, qui diceret, *sive hoc tibi displiceat, sive non, volo id facere*: ergo nisi deponat dubium, & judicet, saltem probabiliter, id non esse peccatum, peccabit, si faciat.

Prob. 2. p. de conscientia speculativa, quia hæc non est propriè conscientia; quia non dictat in particulari, nec practicè, quid sit agendum hic, & nunc; idè stante dubio speculativo potest formari iudicium practicum de bonitate, aut malitia rei ex aliqua circumstantia; ergo non obstante dubio speculativo licitum est operari, si videlicet superveniat dictamen practicè determinatum; verbi gratia dubitas speculativè de agro, an sit tuus, nescis quo titulo possideas, & non obstante hoc dubio, potes licite retinere illum, si ita formes tibi conscientiam juxta hanc regulam; *in dubiis melior est conditio possidentis*. sic parochus dubitat, an infans in extremo vitæ periculo sit baptizandus, quia est una parte timet accelerare mortem corporis per asperisionem aquæ, & committere homicidium corporale, & incurrere irregularitatem; ex alia verò timet, ne causet mortem æternam animæ pueri, quam requireret Deus de manu ejus, sed tandem judicat hic, & nunc esse baptizandum ex hac renula, *ex duobus malis minus eligendum*; non obstantibus ergo motivis dubii speculativi formatur conscientia practica, secundum quam licitè agis; quia sæpe occurrunt aliquæ circumstantiæ, quibus consideratis ratio dictat aliter, quàm ex principiis generalibus practicis, secundum quæ conscientia est dubia; uno verbo, illud dubium speculativum non est propriè conscientia, sed potius pertinet ad synderesim; quia non dictat practicè, & in particulari quid sit

[1] Eccl. 3. [2] Rom. 14.



fit agendum, vel non agendum, ffitit in sola cognitione veritatis, & ideò non est proxima, sed remota regula morum.

Objic. contra 1. p. Non est peccatum, nisi sit voluntarium, sed qui agit in dubio peccati non vult peccatum; ergo non peccat. Prob. min. qui sic agit non cognoscit malum, & ideò non vult; illud non ageret, si sciret determinatè, quod est peccatum; ergo non vult peccatum.

Resp. neg. min. vel sic distin. non vult directè, & explicitè peccatum, conc. min. non vult indirectè, & implicitè, neg. min. & conf. prob. nam vult periculum, & non curat facere, quod potest, & debet ad illud vitandum; si applicaret intellectum ad inquirendam veritatem, & deponendum dubium, ex illa cognitione determinata veritatis deterreretur voluntas à peccato, quod illi proponeretur in actione, quam eligit: & in hoc casu eadem est ratio, ac de conscientia vincibiliter erronea, & crassa.

Inst. Qui sic agit, non agit contra conscientiam: ergo non peccat, quia non caret debita rectitudine. Probat. ant. non agit contra ullum iudicium practicum de malitia actus, quia nullum tale præcessit: ergo, &c.

Resp. dist. ant. & prob. ejus: non agit contra conscientiam explicitam, nec præcessit iudicium explicitum dictans contrarium, conc. ant. contra iudicium implicitum, ex quo apparet non licere sic agere, neg. ant. nam homo habet hanc cognitionem universalem, quòd qui se periculo exponit peccati, peccat; & quòd agens sine ullo dictamine practico de bonitate, aut malitia actus exponit se illi periculo: unde sequitur, quòd sic agens peccat.

Objic. 2. Saltem sic agens non peccabit mortaliter; ergo in hoc puncto falsa est conclusio: prob. ant. plus peccat qui agit contra conscientiam certam, quàm qui contra dubiam; sed ille non plus peccat, quàm mortaliter in materia gravi; ergo iste non peccat nisi venialiter.

Resp. neg. ant. & dist. maj. prob. plus peccat in eadem materia, & genere peccati. conc. maj. in diverso genere, & materia, neg. maj. & conf. datur peccatum mortale gravius, & levius; & sic in genere,  
&

& materia peccati mortalis gravius peccant agens contra conscientiam certam, quam qui in dubio, cæteris paribus; sed erit peccatum mortale utrobique, quia exponens se periculo peccati mortalis vult aliquo modo sic peccare.

Objic. cum P. Poncio. Qui habet conscientiam practicam de non malitia actus, si faciat non peccat, quamvis timeat probabiliter de malitia: ergo à fortiori non peccat agens cum conscientia dubia de bonitate, licet dubitans de malitia. Prob. conf. iudicium minus probabile de non malitia cum iudicio probabiliori de malitia non magis excusat, quam dubium practicum de utroque: sed secundum multos illud iudicium practicum, & minus probabile de non malitia actus excusat hominem à peccato: ergo & dubium practicum, & maximè si sit iuculpabile.

Resp. neg. conf. & maj. prob. & disparitas est, quia qui agit ex conscientia probabili, format sibi iudicium practice practicum, & prudenter perpensis omnibus, quod sibi licet sic agere, sed in dubio id non facit: alioqui mutaretur casus, & quæstio: imò in casu dubii iudicat se esse suspensum, & quod se exponit periculo faciendi malum, ideò temerè operatur.

Inst. Qui melius, & positivè cognoscit malitiam actus, magis peccat: sed qui timet probabiliter de malitia actionis, quam elicit, magis positivè eam cognoscit: ergo magis peccat, quam dubitans. Prob. min. quia iste non habet rationem probabilem sibi ostendentem malitiam, sicut ille.

Resp. dist. maj. Si non magis determinatè iudicet de bonitate opposita, conc. maj. si magis determinatè iudicet de bonitate opposita, neg. maj. & conf. hoc autem facit agens ex conscientia probabili, non autem agens ex dubia.

Objic. contra 2. p. Impossibile est dubitare speculative de bonitate actus, & non practice: sed, per nos, non licet agere in dubio practico; ergo nec in speculativo. Prob. maj. quia conscientia particularis, & practica continetur in speculativa, & universalis, v. g. *in festo hodierno non licet pulsare*, continetur in ista: *in die festo non licet pulsare*; ergo si hæc universalis est dubia, illa particularis non erit certa.

Resp. dist. maj. & ant. prob. præcis circumstantiis,

& actu secundum se considerato, conc. maj. & ant. & conseq. suppositis circumstantiis, neg. maj. & ant. & conseq. nam, ut dicebamus, conscientia speculativa considerat actum secundum bonitatem, aut malitiam obiectivam, & secundum se præcisè à circumstantiis; & sic potest hæc propositio universalis esse dubia: *in die festo non est putesandum*; sed in his circumstantiis, & hic, & nunc possum aliter judicare, & dicere. *In hoc die festo possum putesare*, aut è contra.

Porro quia conscientia non mutatur pro arbitrio voluntatis, sed pondere alicujus rationis efficacioris, quo trahitur in alteram partem ad deponendam dubiam, regulas quasdam tradunt Philosophi, & Theologi. Sic loquitur Doctor: [1] *Universaliter in omnibus dubiis quantum ad materiam, & formam sunt tres maxime. 1. est ista; si possibilitas adest, via tutissima est eligenda, 2. si non adest possibilitas, tenenda est proxima via tutissima, 3. est ista, cessante impossibilitate, causè est supplendum, quod impossibilitas prohibebat.*

Igitur quando laborat, & distrahitur quis in duas partes oppositas, & timet peccatum, estque perplexus, debet quærere veritatem diligenter apud se discurrendo, vel in libris, vel apud peritos, & maxime apud Deum per orationes. & si post debitam moraliter diligentiam perseveret dubium, poterit alteram partem eligere juxta prædictas regulas, & alias, secundum quas do ex Eminentissimo Laurea nostro sequentes conclusiones.

## CONCLUSIO. II.

**I**n omnibus dubiis tutior pars est eligenda.

Prob. 1. ex Scoto mox citato, qui sic universaliter loquitur.

Prob. 2. ex SS. Canonibus, (2) qui id expressis verbis asserunt in diversis materiis, ut Cap. *juvenis* 1. de sponsalibus; & penult. & Cap. *illud* de clerico excom. & Cap. *significasti*, & Cap. *ad audientiam* ibid. & ibid. Glossa. 2. de homicidio; dicunt enim, quod

in

[1] 4.d.3.q.2.R.n.10.

[2] Ibid.

in dubiis *femitam* debeamus eligere tutiorem, & specialiter circa incursum censurarum, qui dubitat an incurrerit, debet tenere se incurrisse: dicit enim Pontifex Innoc. III. quod si sacerdos per solam famam audit se fuisse excommunicatum, debet se habere ut talem: quia tamen in dubiis *via tutior est eligenda*, si de lata in eum sententia dubitaret, debuerat potius se abstinere, quam Sacramenta Ecclesiastica pertrahere. Item cum dubitatur, an clericus habendus esset irregularis propter homicidium, quia vir quidam, quem vulneraverat, mortuus erat, & dubitabatur, an mortuus esset ex illo vulnere, respondet Clemens III. [1] *Quia utrum ratione vulneris decessisset dubitabatur, vestra discretionis duximus respondendum, quod cum in dubiis femitam debeamus eligere tutiorem, vos convenit injungere Presbytero memorato, ut in sacris ordinibus non ministret. Et sic de clerico, qui in pugna pro fide dubitabat se occidisse aliquem, respondet praedictus Innoc. III. Cum pro eo, quod aliquos percussisti, irregularitatem metuas incurrisse, mandamus, ut, si de interfectione cujusquam in illo conflictu tua conscientia te remordet, a ministerio altaris abstineas reverenter (pende rationem) cum sit consultius e ejusmodi dubium abstinere, quam temerè celebrare.*

3. in materia, & forma Sacramentorum, & maxime cum agitur de illorum valore, id à fortiori verum est; quia agitur de salute animarum; v. g. in dubio, an aliquis sit baptizatus, SS. Canones volunt baptizari, saltem sub conditione, *si non es baptizatus*, ego te baptizo, ex Concilio Carthagenensi V. c.6. ex Africano: & in Canone, *de quibus*, de bapt. & cap. *parvulos*, de Conf. dist. 4. & cap. *placuit*: & Cap. *cum itaque*, & Cap. *si nulla* ibid. & Cap. *veniens ad Apostolicum*: ubi eum, de quo dubitabatur, an esset baptizatus, quando fuit ordinatus Sacerdos, statuitur eum debere baptizari, & ordines iterandos. Nos circa latorem praesentium in hoc dubitabili casu quod tutius est sequentes mandamus, quatenus ipsum per singulos ordines usque ad sacerdotium promoveri procures.

4. Similiter in dubio matrimonii statuitur, quod ille conjux, qui dubitat de valore sui matrimonii, potest reddere debitum alteri coniugi petenti, sed ipse in

[1] C. ad audientiam cit.

se in dubio petere debitum non pōtest; [1] *Debitum quidem reddere potest, sed postulare non debet*: sic mulier nupta secundo viro, & dubitans de morte primi ei, qui sibi nupsit, debitum non denegat postulanti, quod à se tamen noveris nullatenus exigendum. Sic cum juvenis quidā sponsalia contraxisset cum puella septenni, & postea matrimonium contraxisset cum consanguinea illius in impedimento publica honestatis peti- tum est à Papa Eugenio I. [2] quid agendum? & iste respondit, *Quia in his, quæ dubia sunt, quod certius existimamus, tenere debemus, cum propter honestatem Ecclesie; quia ipsa conjux illius fuisse dicitur, imò propter prædictam dubitationem mandamus, quatenus ipsius puellæ consobrinam, quam postmodum duxit, dividat ab eodem*. Vides regulam asseritam, & in praxi observatam, scilicet in dubio de validitate matrimo- nii sequendam partem tutiorem propter dubitatio- nem, licet aliunde adsit regula, quod in dubiis con- cludendum in favorem matrimonii ut valeat. Idem statuitur alibi. [2]

5. In dubio consecrationis Ecclesie, vel altaris: nam Canones jubent, ea consecrari, quia id tutius est. De Ecclesiarum consecratione quoties dubitatur; nec certa scriptura, nec certi testes existunt, à quibus consecratio sciatur, absque ulla dubitatione sciote eas esse consecrandas. Id statuit Felix I, Ep. 1. c. 1. & 2. & habetur Cap. *solemnitates*: & habetur ex Concilio Carthag. V. & in Concilio Meldensi Cap. 8. ibid. cit. 19. Ecclesia, vel altaria, quæ ambigua sunt de consecra- tione, consecrentur.

Probaturn denique conclusio, quia in omni mate- ria debemus semper vitare non solum peccatum, sed etiam periculum ejus; sed non potest melius vita- ri, quàm eligendo partem tutiorem; ergo debet e- ligi.

CON:

[1] C. *Inquisitioni. de sept. &c.*[2] C. *juvenis de sponsal.*[3] C. *Dominus de 2. nupt.*

## CONCLUSIO III.

**Q**Uando in materia iustitiæ, imò & in aliis omnibus post diligentem inquisitionem veritatis, remanet dubitatio sive quoad ius, sive quo ad factum, melior est conditio possidentis: seu possessio est sufficiens motivum ad iudicandum in favorem possidentis, quamvis iudex hæreat anceps inter rationes utriusque partis quoad proprietatem, & speculative. Ita communiter.

Prob. 1. p. 1. Quia id statuitur inter regulas juris, quòd in pari causa melior est conditio possidentis. Et ex legibus [1] non teneris restituere, quod possides, nisi constet id esse alterius; ergo & quandiu id non constabit, ut non constat, quandiu rationes utrimque militantes reddunt proprietatem dubiam; ergo in dubio pars possidentis est melior, & pro illo iudicandum.

Prob. 2. p. 1. Quia possessio est titulus communis omnibus virtutibus; v. g. in materia religionis si non constet de obligatione regulæ, monachus est in possessione suæ libertatis. Et certè eadem ratio militat in aliis materiis; nam dum pares rationes sunt inter religionem, & monachum, iste pensatis omnibus est in possessione suæ libertatis æquè ac in materia restitutionis; ergo tam ex illa regula potest absolvi iste ab obligatione jejunandi, quàm in aliis ab obligatione restituendi. Denique pars, quæ possessioni favet, est tutior; ergo ex præcedenti conclusione pars illa est amplectenda.

Objic. Si dubitatur an Petrus sit servus Joannis, debet iudicari in favorem Petri, licet possessio faveat Joanni; ergo hæc regula falsa est etiam in materia iustitiæ; ergo & in aliis, & quidem à fortiori.

Resp. dist. conf. Si alio jure, & regula id statuatur, conc. conf. si non statuatur aliter, neg. conf. Nam in casu posito debet sic iudicari ex alia regula, scilicet quòd in dubiis est favendum reo, qualis est Petrus in hac hypothesi. Ideò iudicandum pro ejus libertate, sicut in aliis dubiis, ubi agitur de peccato vitando, vel de validitate sacramenti, & cætera.

Sta-

[1] in 6. Reg. 64.

Statuitur legibus ecclesiasticis, ut tutior pars eligatur. Præterea id statuitur, [1] tum propter conditionem ipsius miserabilis, tum propter causam absolutionis, quæ in re dubia est securior, & favorabilior, quia ius suæ possessionis est certum; ergo facit, ut rationes aliæ, quæ ex se æquiponderant cum rationibus agentis, reddant causam dubiam, & reddatur hinc pars defendentis tutior, & certior.

## CONCLUSIO IV.

**Q**uando dubium versatur inter duo extrema, quæ mala sunt, nec potest alterum vitari, valet hæc regula; ex duobus malis minus est eligendum; si verò essent æqualiter mala, potest eligi alterutrum.

Prob. 1. p. Quia sic vitamus peccatum; nec enim in lege Christiana potest quis esse perplexus, ut diximus ex Scoto, & quando eligitur minus malum ad vitandum majus malum, non solum illa electio mala non est, sed etiam bona ex circumstantiis, quia eligitur, non ut malum, sed ut bonum, scilicet quatenus est impeditivum gravioris mali.

Prob. 2. p. Quia non potest homo necessitari ad peccatum; sed nili posset sine peccato eligere alterutram partem, esset perplexus, & necessitaretur ad peccandum, quia necessitaretur ad alterutram partem; ergo posset eligere alterutrum sine peccato. prob. maj. nam ibi non est peccatum, ubi non est libertas.

Confirmatur. Nam qui ad tales reduceretur angustias, (quod rarissime contingere potest) si post diligens examen deponere non possit dubium, istud erit invincibile, & æquivalet ignorantia invincibili, v. g. quis in die festo assistit agonizanti, instat horæ Missæ, & dubitat invincibiliter se peccare mortaliter, si relinquat infirmum in extrema necessitate, & etiam si omittat audire sacrum; si vincere non possit dubium post examen, potest sine peccato alterutram partem eligere.

Multa, quæ ad præsentem questionem pertinere possent, videbuntur in sequenti; nam plurimum connexionis habent inter se *dubium*, & *probabilitas*, licet essentialiter differant.

## QUÆSTIO VII.

*De conscientia probabili, sive opinativa, & primo an, & quid sit.*

**H**Æc quæstio est hodie famosissima in moralibus; & in ea digladiantur acriter Philosophi, & Theologi, quorum aliqui ferventius invehuntur in *probabilitates*, velut laxitatis perniciosissimæ, ac morum corruptelæ fontes; alii sustinent, ac defendunt earum usum, fortè etiam paulo immoderatiùs, quàm par esset, adeo ut opportunum duxerit S. sedes Apostolica inter eos iudicium, ac mentem suam explicare, aliquas propositiones condemnando, & prohibendo velut scandalosas, & in praxi perniciosas, ut constat ex Decreto Innocentii XI. 11. Martii 1679. quarum 1. sic habet. *Non est illicitum in sacramentis conferendis sequi opinionem probabilem de valore sacramenti relicta tutiori, &c.* 2. *probabiliter existimo, iudicem posse iudicare juxta opinionem etiam minus probabilem.* 3. *generatim dùm probabilitate sive intrinseca, sive extrinseca quantumvis tenui, modò à probabilitatis finibus non exeat, consisti aliquid agimus, semper prudenter agimus.* 4. *ab infidelitate excusabitur infidelis non credens, ductus opinione minus probabili, &c.* Et novissimè Alexander VII. 17. Decembris 1690. alio Decreto hanc, quæ est 3. inter 31. damnatas, sic exprimit: *Non licet sequi opinionem, vel inter probabiles probabilissimam.* His & aliis principiis ab Ecclesia declaratis firmiter in hætere volumus; absit, ut ab eis scienter per unguem aberremus: rem quantò brevius licuerit expedimus, & ex integris voluminibus, quæ de hac materia extant, necessaria seligemus.

*Probabile* in Scriptura idem sonat aliquando, ac *laudabile*; ut cùm dicitur, *Eris probabilis in conspectu omnium virorum*, id est *commendabilis*, inquit Lyranus. Sic D. Paulus [1] ad Timotheum scribit: [2] *Cura autem se ipsum probabilem exhibere Deo*, id est *approbabilem*, seu *laudabilem*, & in hoc sensu propositio, seu opinio dicetur probabilis, quia tam

ratio-

[1] Eccl. 42. [2] 2. Tim. 15.



rationabilibus motivis innitur, ut mereatur approbationem, tanquam vera. Cicero [1] dicit, *Probabile efficitur id, quod fere fieri solet, aut quod in opinione positum est; quod habet in se ad hoc quandam similitudinem, sive id falsum, sive verum sit.* Apud Plinium, [2] significat id, quod probari potest: Apud Arist. probabilia sunt, quæ videntur omnibus, aut pluribus, aut sapientibus, & his vel omnibus, vel pluribus, & maximè notis, & præcipuis. Philosophi autem, & Theologi opiniones, seu propositiones vocant probabiles eas, quæ apparent veræ, non quidem evidenter, sed rationabiliter, ita ut nitantur gravioribus, & rationabilibus fundamentis; contrariæ verò aut nullis, aut levibus: Opinionem verò descripsimus assensum determinatum alterius partis contradictionis cum formidine de opposito. Dicitur 1. determinatus, & sic differt à dubio, in quo intellectus hæret suspensus inter utramque partem; & à suscipione, quia licet suspicans magis propendeat in unam partem, quia tamen nititur levioribus motivis, leviter etiam assentitur, adeò ut vix censeatur determinatus assensus; opinans verò movetur urgentioribus rationibus, & ideo assensus dicitur positivè determinatus. 2. cum formidine de opposito; per id differt à scientia, quæ est certa; nam licet opinio adhæreat determinatè uni parti, adhæsiō tamen non est adeo fixa, quin timeatur de opposito, tum quia objectum potest aliter se habere, estque contingens; tum quia rationes, quibus intellectus movetur, non sunt omninò evidentes & possent etiam aliter se habere, licet adeo graves, & urgentes sint, ut de præsentī, & actualiter nullæ appareant verisimiliores, & formido non est actualis, sed aptitudinalis: si enim assensus esset semper cum actuali formidine de opposito, non posset esse regula sufficiens, & prudens agendi, qui enim actu timet de opposito, non est moraliter certus se bene agere; ergo exponit se periculo male agendi, & hoc ipso peccat, ut constat ex dictis.

2. Probabilitas est *intrinseca*, si petatur ex rationibus, seu motivis sumptis ex natura, & parte objecti, vel *extrinseca*, si motiva sint extra natu-

Q 2

ram

[1] de innocent.

[2] Ep. 137.

ram objecti, v.g. ex autoritate dicentium. [1] Non enim minus inhaerendum est expertis, & senioribus, vel prudentum opinionibus, atque sententiis sine demonstratione loquentium, quam demonstrationibus ipsis, veius enim oculum experientiam habentes, principia discernunt: aliquando verò utraque concurrat in opinantibus; quia scilicet moventur & ratione, & auctoritate. Prima est pro doctis, qui veritatem norunt quærere, & examinare per sua principia. 2. verò pro rudioribus, & idiotis, qui non sunt capaces veritatis inquirendae per sua principia, sed eam accipiunt à doctoribus. Hinc patet quòd opinio dicitur *improbabilis*, quæ caret utraque illa probabilitate *intrinseca*, & *extrinseca*, scilicet non nititur ulla ratione gravi, nec auctoritate sapientum.

3. Proprietates probabilitatis sunt 1. *majoritas*, & *minoritas*; nam suscipit magis, & minus. 2. *communitas*, & *communioritas*. 3. *certitudo*, & *securitas*: illa est *probabilior intrinsecè*, quæ solidioribus, vel apparentioribus nititur fundamentis, *extrinsecè* verò, quæ pluribus, iisque gravioribus auctoritatibus doctorum. Dico, *apparentioribus fundamentis*, unde fit, ut quæ uni est probabilior, possit esse alteri minus probabilis, quia secundum dispositiones varias opinantium, perspicaciores plus vident in ratiocinationibus, & melius penetrant vim, aut debilitatem fundamentorum, & ita hæc probabilitatis minoritas, & majoritas multum pendet à dispositione opinantium; nam fieri potest, ut eadem ratio plus moveat unum, quam alium, ideò reddat opinionem probabiliorē uni, quam alteri.

4. Dicitur *tuta*, & *tutior*, tutum verò idem est, ac securum, & hoc modo dicitur de opinione, & conscientia, quando est *secura*, aut *securior*, immunis, aut immunior à peccato, & à periculo peccati, sicut locus est tutus, aut tutior, in quo sumus securiores à periculo malorum. Sic opiniones sunt *tutæ*, aut *tutiores*, pro ut reddunt actiones, quas dicunt, magis securas à periculo peccati.

5. Similiter dicitur & *certa*, *incerta*, aut *certior*; est *certa*, quando intellectus illi adhæret sine formidine de opposito, & si fortius adhæreat, & cum minori  
for-

formidine, dicitur certior, & hujus latitudinis in certitudine habes exempla in Scriptura, ut cum Davidi [1] Saul dicebat: Scio, quod certissime regnaturus sis in Israel. Sic adolescens ad Lyfiam tribunum de Paulo. (2) Quasi aliquid certius cognitur de illo. Et Felix Præses. certissime sciens de via hac.

Igitur certitudo formalis est adhæfio firma intellectus alicui propositioni absque formidine, & inde obiectum denominatur certum, quia illi datur talis assensus, & quia illa adhæfio potest esse firma, & firmitior, & cum minori, aut nulla prorsus formidine. ideo patitur magis, & minus, & quandam latitudinem. Est autem duplex, physica, & moralis. Certitudo physica venit ex obiecti evidentia, qua necessitatur intellectus ad ei assentiendum ut fit in *per se notis*, vel in conclusionibus demonstrativis, ut cum dicitur, *Omne totum est maius sua parte*; quia hinc abest omnis formido erroris sive libera, sive subreptitia, id est quæ possit insurgere contra voluntatem. Moralitatis verò est, qua intellectus assentitur propositioni post adhibitam omnem moraliter possibilem diligentiam ad inveniendam veritatem, in quo examine videt se niti rationabili motivo, & nihil videt convincens in contrarium. Dico, convincens, licet enim videat aliquas rationes, tamen non convincunt, nec impediunt, ne putet se posse firmiter adhærere illi parti, quam amplectitur, & agere conformiter ad illud iudicium:

Hinc habes, quod opinio iusta, probabilis, & moraliter certa idem sunt, & sic de de iustiori, certiori, & probabiliori.

Communis est ea, quæ à pluribus, & ad minùs septem Doctoribus, seu Auctoribus, iisque gravibus, & post exactum examen recipitur, & docetur, Communior verò, quæ universaliùs tenetur, & docetur. Quot autem, & quales requirantur ad probabilitatem extrinsecam, an unus, aut alter sufficiat, videbitur brevi.

Opinio alia est formalis, alia obiectiva. 1. est actus ipse opinandi, quo intellectus assentitur propositioni cum formidine aliqua de opposito. 2. est ipsa propositio, cui assentitur, & adhæret, v.g. cum dicitur, Luna

Q 3 est

[1] 1. Reg. 24. [2] act. 23. Ibid. 24.

est major terra, assensus, quem præbeo illi propositioni, est opinio formalis, ipsa verò propositio est opinio objectiva.

Denique alia est *conscientia opinativa*, seu *probabilis speculativa* ( ut diximus de aliis ) quando talis judicatur præcisè secundum veritatem rei, vel falsitatem etiam in re practica, sed in generali, & sine ordine ad opus: alia *practica*, quando talis judicatur in ordine ad operationem hic, & nunc eliciendam conformiter ad dictamen ejus, & hoc accidit 1. si propositio concipiatur, & judicetur vera, aut falsa ob rationes, quæ non sufficiunt ad physicam certitudinem, sed absque reflexione, vel attentione ad illam insufficientiam, & hæc probabilitas est purè *objectiva*, & *physica*, & *speculativa*, & si talis propositio in se sit vera, pertinet ad conscientiam rectam, seu veram, si autem sit falsa, pertinebit ad *erroneam*. 2. si advertatur quidem delitas, & insufficientia motivi illius, non autem si advertatur ad possibilitatem partis oppositæ, nec judicetur, quòd sit probabilis. 3. si advertatur ad insufficientiam motivi pro certitudine, & judicetur, quòd pars opposita potest esse vera, & istud iudicium potest esse æquale, aut levius illo, quod formatur de probabilitate prioris. De probabilitate illa 1. seu *objectiva*, & *physica* non agimus hic, sed de 2. & 3.

## CONCLUSIO I.

**P**robabilitas *objectiva* est dignitas propositionis, secundum quam meretur assensum intellectus cum aliqua formidine saltem aptitudinali, seu radicali de opposito, & hanc dignitatem habet vel à ratione, in qua fundatur, ut in probabilitate intrinseca, quæ præcipua est, vel ab auctoritate doctorum, ut in probabilitate extrinseca, vel ab utraque. Est communis, saltem in re.

Prob. 1. ex Scoto [1] docente, quòd *suspicioni*, & *opinionì* potest subesse falsum, & quòd actui credulitatis (qualis est actus opinionis formalis in probabilitate extrinseca acquisitæ ex naturalibus) potest subesse falsum, & quòd fides acquisita est super opinione, quæ adhuc

[1] Quodl. 17. I. n. 10.

adhæret parti uni contradictionis cum formidine alterius, & quòd sit infra scientiam, quæ est ex evidentia objecti; ergo ex Scoto [1] opinio ratione probabilitatis dicit adhæSIONem intellectus ex ratione, vel credulitate alterius dicto cum formidine de oppositi veritate.

Prob. 2. Quia non potest melius explicari probabilitas secundum communem acceptionem, & in sensu, in quo de illa hic agimus, nam sicut apud omnes constat, quòd propositio probabilis, seu opinabilis ea est, cui assentimur cum formidine de opposito, ita probabilitas, ob quam illi assentimur, non potest melius explicari, quam per illam dignitatem, per quam meretur, vel obtinet talem assensum; & illa dignitas non potest aliunde venire, quàm ex ratione; & apparentia veritatis, vel ex auctoritate doctorum, à quibus assentitur.

Prob. 3. ex Arist. [2] Probabilia sunt, quæ videntur omnibus, aut pluribus, aut sapientibus, non enim sic videntur sine rationabilibus motivis, alioquin non essent sapientes, nec prudentes, dum sine ratione judicarent: idiotæ verò, & simplices, ac rudiores assentiuntur illis propositionibus immediate quidem, & explicitè ob auctoritatem sapientum, & doctorum, qui eas proponunt, & assentunt; sed mediatè, & implicitè ob rationem, quæ istos movet ad sic docendum. [3] Ideò enim non minùs inhærendum est expertis, & senioribus, vel prudentum opinionibus, atque sententiis sine demonstratione, quàm demonstrationibus ipsis [ecce rationem] veluti enim oculum experientiã habentes principia discernunt. Vides probabilitatem extrinsecam, & obligationem illi assentiendi venire ab intrinseca, scilicet à principiis, quæ discernunt sapientes, dum docent illas propositiones.

Prob. 4. ex SS. Canonibus, & Patribus. Nam in cap. ego solis, August. [4] profitetur se assentiri quidem assentis doctorum Ecclesiæ, ac scriptorum sacrorum, sed propter rationes probabiles, vel auctoritates scriptorum canonicorum, Alios, inquit, ita lego, ut quantalibet sanctitate, doctrinaque polleant, non ideò verum putem, quia ipsi ita senserunt, sed quia mihi per alios doctores, vel canonicas, vel probabiles ratio-

Q 4 nes,

[1] 3. 23. E. n. 5. [2] 1. Topic. c. 1.

[3] 6. Ethic. 13. [4] Disp. 9.

nes, quòd à verò non abhorreant, persuadere poterunt. Et cap. 1. de homicidio [1] jubetur iudicium fieri, si probabilibus constiterit argumentis: & cap. inquisitioni Conjux, dubitans, an liceat sibi reddere debitum alteri consorti, jubetur reddere, si ex credulitate probabili, & discreta, quamvis non evidenti, & manifesta credat adesse impedimentum dirimens, non autem petere, & ibidem dicitur, (2) quòd ex consilio pastoris, expulso scrupulo, poterit etiam petere; ergo probabilitas sumitur tunc ex ratione discreta, & apparenti, licet non evidenti, & ex consilio pastoris, seu auctoritate.

Prob. de probabilitate intrinseca, quod sit præcipua: id enim patet ex Canonibus, & Patribus citatis, & alijs. Nam cap. capellanus Clemens III. decernit, eam sententiam sequenda, quæ melior, & subtiliori nititur ratione, & in præcitatibus textibus apparet, quòd S. August. præcipuè assentitur dictis scriptorum, quia per probabiles rationes persuadere possunt, quòd à verò non abhorreat id, quod dicunt. Et certè auctoritas dicentis non convincit intellectum, sicut ratio.

Prob. de extrinseca 1. ex Arist. cit. dicente, Non minus credendum esse expertis, & senioribus, & prudentum dictis sine demonstratione, quàm demonstrationibus ipsis, non quòd auctoritas æquivalet rationi, & demonstrationi, sed quia seniores non loquuntur, nec asserunt, nisi quæ ex ratione didicerunt. 2. ex Scriptura docente; (3) Ne despicias narrationem presbyterorum, & in proverbiiis eorum conversare: ipsi enim didicerunt à Patribus suis, &c. Et Moyses [4] monet, Interroga patrem tuum, & annuntiabit tibi, & majores tuos, &c. 3. ex Aug. Absit, inquit, ut scire nos negamus, quæ testimonio didicimus aliorum, alioqui nesciremus esse oceanum, nesciremus esse terras, atque urbes, quæ fama celeberrima commendat. 4. inde Scotus [5] colligit, quòd credere possumus testimonio aliorum etiam tam firmiter, ut illud credere dicatur apud eum [Aug.] scire.

Prob. de formidine, & de hoc conveniunt omnes, saltem de apitudinali, seu radicali, nam hæc est essen-

[1] in 6. [2] De sent. excom. [3] Eccl. 8. 9.

[4] Denter. 32. [5] Quod. 14. F. n. 6.

essentialis opinioni, seu probabilitati, & per hoc maximè differt à scientia, quæ cum sit certa metaphysicè, aut physicè, expellit omnem prorsus formidinem. Et ratio est 1. quia cum objectum opinionis sit contingens, & ideo possit aliter se habere, & motivum assensus sit inevidens, inde est, quòd intellectus non plenè certus sit de veritate, & licet actus non advertat reflexè ad inevidentiam, vel contingentiam; tamen ex natura proportionis, aut medii, quo eam cognoscit, potest illi causare suspicionem quandam deceptionis, & falsitatis, vel erroris, saltem probabilis; per hoc, inquam, differt scientia ab opinione, scil. quoad objectum, & quoad medium, & modum tendendi in objectum: nam 1. scientia est de objecto necessario, quòd aliter esse non potest. 2. tendit in illud per medium item necessario, & evidenter connexum: opinio verò est 1. de objecto contingenti, & quòd ex genere suo potest aliter se habere; & 2. per medium contingentèr connexum, & inevidenter; & propter illam contingentiam objecti, & inevidentiam medii oritur, quòd intellectus potest falli circa utrumque. Ideoque assentitur uni parti cum formidine, saltem aptitudinali partis oppositæ. v. g. *Omnis mater diligit filium suum*, sic assentior propositioni huic, ut merito timeam de opposita; quia fieri potest ex natura rei, ut aliqua non diligit, licet de facto, & verè omnes diligerent.

Dico, *aptitudinalem*, seu *radicalem*: nam sæpe tam firmiter assentimur opinionibus aliquibus, quam ulli conclusioni scientificæ, ac demonstrativæ: v. g. Scotista Franciscanus verus tam firmiter assentitur, & adhæret propositionibus, *Conceptio Mariæ Deiparæ fuit immaculata*, & tam parum de ejus falsitate formidat, quàm si esset evidentissima, vel definita, quamvis de facto non sit de articulis fidei, sed opinio probabilissima, & receptissima in tota Ecclesia. *Formido* igitur *actualis* de opposito non est essentia, vel proprietas opinionis, vel probabilitatis, bene verò *aptitudinalis*, seu *radicalis*. Id maximè verum est 1. de rudibus, & idiotis, qui credunt doctoribus, ac pastores suis firmiter, & sine ulla prorsus actuali formidine. 2. de illis, qui addicti sūt uni scholæ, & jurāt in verba magistri principis scholæ suæ, v. Scotistis,

& Thomistis, quis sic firmiter adhærent rationibus & opinionibus suis, quasi essent demonstrativæ. 3. ex obstinatione quadam, qua fit, ut non solum non timeant de opposito, sed potius credant illud esse impossibile, & tales sunt hæretici in suis erroribus.

*Formido* igitur, quæ reperitur in probabilitate, aut illam comitatur, est timor quidam, ne contraria opinio sit, aut possit esse vera, & per consequens ne illa, quam tenemus, sit falsa, quia in ea concipitur periculum aliquale peccati. Unde tria concurrunt in ea formidine. 1. ne contraria opinio sit vera. 2. ne nostra sit falsa, & 3. ne in nostra sit periculum peccandi; hæc valde notanda sunt ad intelligentiam totius præsentis materiæ.

Objic. 1. præcipuè contra hanc partem. Potest haberi opinio, & probabilitas de propositione necessaria sed tunc nulla erit formido, nequidem aptitudinalis, quia non poterit aliter se habere; ergo male definitur probabilitas per illam formidinem. Prob. maj. possum assentiri huic *homo est rationalis*, vel huic, *Deus est*, ex motivo revelationis humanæ, v. g. quia Petrus hoc dixit; sed ille erit assensus tantum probabilis, quia erit ex medio contingentis, & fallibilis, licet propositiones objectivæ, & in se sint necessary; ergo potest haberi assensus probabilis de re necessaria.

Respondeo dist. maj. de propositione cognita ut contingentis, conc. maj. cognita ut necessary, neg. maj. & min. & similiter dico ad consequ. prob. Nam cum Petrus dicit, *Deus est*, si assentior ex motivo illo, quia Petrus dixit, propositio illa non potest esse firmior, quam ratio assentiendi, quæ est fallibilis de se, licet objectum illius sit necessario verum, nec cognosco illam veritatem ut necessariam, quia non mihi proponitur sub motivo necessary veritatis. Uno verbo propositio ipsa materialiter, & à parte rei est necessary, non potest ei subesse falsum; sed formaliter, & pro ut proponitur, & ex medio, sc. ex revelatione humana fit contingens, & potest esse non vera.

Inst. Quando sic proponitur, non adverto ad fallibilitatem medii, sed attendo ad solam propositionem in se; sed in se est necessary; ergo assensus est sine formidine.

Resp.



Resp. dist. conf. sine formidine actuali, conc. conf. sine aptitudinali, seu radicali, neg. conf. nam sicut motivum, & ratio assentiendi est fallibilis, ideo dat, aut dare potest, quantum est de se occasionem formidandi.

Inst. 2. Potest augeri probabilitas non aucta formidine; ergo hæc non est de illius essentia; nam non potest augeri rationalitas sine risibilitate. Prob. ant. qua proportionem occurrunt nova motiva probabilitatis, opinio fit probabilior, eò minùs timetur de falsitate, & minuitur formido.

Resp. dist. ant. utrumque, non aucta, sed potius diminuta formidine actuali, conc. ant. aptitudinali, neg. ant. utrumque; nam sicut singula nova motiva habent suam contingentiam, & fallibilitatem objectivam, & materialem, sic singula nata sunt causare suam formidinem formalem in intellectu, licet de facto, & actualiter non semper causent.

Objic. 2. Formido non potest esse cum certitudine scientiæ; sed actus opinativus potest esse cum scientia, quæ certitudinem habet; ergo opinio non est semper cum formidine illa. Prob. min. nam probabilitas, non destruit scientiã, imò se se mutuò juvant, idèò sepe conclusiones easdem probamus mediis necessariis, & contingentibus, & sic fecit Arist. ipse, illa autem generant scientiam; & ista opinionem, sed id fieri non posset, si essent incompatibilia; ergo &c.

Resp. dist. maj. formido actualis cum certitudine, seu scientia actuali, conc. maj. una habitualis, vel aptitudinalis cum alia actuali, aut è contra, neg. maj. & conf. sicut enim intellectus non potest simul & semel unum, vel duos actus habere, qui sint opinio, & scientia (saltem de eadem re) ita nec certitudinem actualem cum incertitudine, seu formidine actuali.

Objic. 3. Probabilitas est cum certitudine; ergo est sine formidine. Prob. ant. nam sine certitudine non operatur prudenter.

Resp. dist. ant. & prob. ejus, cum certitudine morali, conc. ant. cum certitudine physica, neg. ant. & conf. sed de hoc infra.

## CONCLUSIO II.

**A**uctoritas Doctorum facit aliquam probabilitatem: sed unius, non etiam plurium sine ratione loquentium non est sufficiens, si verò unus loquatur ex valida ratione, facit probabilitatem etiam contra plurimos non ita loquentes, nisi obstet definitio, vel communis sensus Ecclesiæ.

Prob. 1. p. ex dictis in præcedenti de probabilitate extrinseca.

Prob. 2. p. 1. ex constitutione Alexandri VII. damnantis hanc propositionem, quæ est 27. inter 28. quas reprobavit. *Si liber sit aliquis junioris, & moderni, debet opinari censeriprobabilis, dum non constat rejectam esse a Sede Apostolica, tanquam improbabilem*; ergo unius Doctoris auctoritas non facit probabilitatem, quæ fundare possit conscientiam, saltem si agatur de peccato mortali. Fuit etiam damnata in pluribus Universalitatibus.

Prob. 3. ex jure civili, & canonico, quibus statuitur hæc regula receptissima, *Unius dicto non creditur, & vox unius vox nullius*, adeò ut in re gravi unus testis numquam sufficiat, quantacumque dignitate fulgeat ex Concil. Later. III. [1] & ex cap. *licet universis*, & cap. *licet ex quadam*, & cap. *veniens*; ergo longè minùs debet valere in materia gravi morum, ubi agitur de salute animæ. Item ex testibus citatis ex Aug. & cap. *ego solis*, & ex Clem. I. de sum. Trin. §. *ad hoc*. Hi enim Canones [2] cum Philosopho loquuntur semper de senioribus, & sapientibus in numero plurali, & id maximè verum est, si sine valida ratione loquantur.

Prob. 3. p. Nam si nequidem plures loquentes sine ratione faciunt opinionem satis probabilem ad formandam conscientiam, multo minùs faciet unus. prob. min. 1. ex cap. *novimus*, & aliis, ex quibus apparet, quòd multitudo Doctorum subscribentium opinioni reddit quidem illam communioem, & fortè probabiliorem in aliquo gradu probabilitatis, sed non sufficientem ad formandam conscientiam secluso rationis fundamento, sine qua non censentur loqui debere, & cap. cit. *Ego solis*. D. August. potestatur D. Hieronymo, se non admittere ut verum id; quod  
asle-

[1] Prop. 7. [2] 1. 2. 2. cap. testes.

asserunt alii Doctores, nisi quia per alios auctores, scilicet Canonicos scriptores, vel probabiles rationes quod à vero non abhorreant, persuadere potuerunt: ubi glossa notat; Non est considerandum qui dicant, quia veritas à quolibet prolata præferenda est, & ratio æquivalet canonis; ergo multitudo Doctorum non fundat conscientiam, nisi quatenus cum rationis fundamento loquuntur.

Dico, licet multitudo opinantium faciat aliquem gradum probabilitatis, & quidem augeat, quod patet ex concl. præcedenti, & maximè ex Script. [1] iube[n]te, Ne despicias narrationem presbyterorum, & ne te prætereas narratio seniorum, Et ex Arist. (2) probabilia sunt, quæ videntur multis, &c. sed ratio talium præceptorum est quia presbyter, nec sapientes, nec seniores non censentur opinari sine solido fundamento ex Scriptura, vel ratione. Idè habetur ex cap. novimus.

Prob. 2 eadem 3. p. Nam de facto videmus opiniones, quæ suo tempore fuerunt communiores, scilicet à pluribus, & majori parte Doctorum assertæ, fuisse derelictas, & imò & reprobatas: sic opinio de baptismo collato ab hæreticis, quæ in usu communis erat apud omnes Africanos.

Prob. 4. Quia unus secundum se, licet non faciat probabilitatem sufficientem solus, facit tamen aliquem gradum, & probationem semiplenam; ergo si accedat ratio valida, faciet sufficientem ad formandam conscientiam: patet ant. nam Moyses contentus erat uno; Interroga patrem tuum, & annuntiabit; & similiter ratio facit probabilitatem; ergo multò magis facit, si ab auctore gravi approbatur.

Prob. 2. ex iurè civili, [3] quo statuitur, Sed neque ex auctorum numero, quod melius, & æquius est, iudicatore, cum possit unus forsitan, & deterius sententia & meliores, & majores aliqua in parte superare. Id confir. ex ipsa experientia; constat enim, multas opiniones à singularibus Doctoribus assertas evasisse probabilissimas: v. g. plures ab August. ab Alensi, à SS. Bonaventura, & S. Thoma, à Scoto, Henrico, Okamo, & aliis. Sic inter Philosophos Plato fundavit Scholam Academicorum; Aristoteles Peripateticorum;

Zeno

[1] Proverb. 3. [2] De verb. signific.

[3] L. 1. §. sed neque C. de iur. iur.

Zeno Stoicorum, &c. Volunt autem aliqui, ut ille singularis Doctor sic stabiliat suam opinionem validis rationibus, & respondeat adversariis, ut suam reddat aut certam, aut probabiliorem; sed puto sufficere, ut suam reddat positivè, & Scholasticè probabilem.

: Dixi, nisi adsit in contrarium definitio, vel communis sensus Ecclesiæ; certè enim de definitione Ecclesiæ nullus dubitat, quin sit unus ex potioribus locis Theologicis, nec ab eo dissentire licet sine temeritatis, & erroris, & hæresis [1] nota. Nam quidquid in ea tenetur aut auctoritas est scripturarum, ait August. aut traditio universalis, sed auctoritate tota constringitur, &c. palam est, quod in re dubia ad fidem valeat auctoritas Ecclesiæ Catholicæ; ergo semper standum Ecclesiæ non solum definitioni, sed etiam sensui communi. Auctoritas igitur Ecclesiæ licet non adduceret rationes ullas suæ doctrinæ, habet superioritatem, ac jurisdictionem Scripturarum super alia loca Theologica, & prævalet omnibus: non solet autem loqui sine rationibus in decidendis dubiis, & quæstionibus circa fidem, & mores, ut videre est in Conciliis. Certè si auctoritas pura Doctorum facit aliquam probabilitatem, auctoritas, & consensus totius Ecclesiæ facere certitudinem debet, quia Deus non permittit eam errare.

### CONCLUSIO III.

**S**Ecluso consensu illo, vel definitione totius Ecclesiæ, probabilitas intrinseca præfertur extrinseca, & in ista auctoritas multorum, si sint graves, & classici prævalet uni, aut paucis; & hoc præcise ob rationum firmitatem, quibus nitimur.

Prob. 1. p. Quia argumentum, seu locus ex auctoritate est omnium debilissimus; ergo probabilitas intrinseca prævalet extrinseca, quæ est ab auctoritate.

Prob. 2. Illud medium prævalet, quod fortius trahit, & convincit intellectum, quia cum sit agens ex determinatione naturæ, ut lapis ad descensum, & ignis ad ascensum, non potest resistere lumini veritatis apparentis in aliquo medio: sed lumen veritatis magis

[1] C. Catholica . c. seq.

magis apparet per rationem, quàm per auctoritatem; ergo probabilitas intrinseca, quæ est ex ratione, prævalet extrinsecæ. Prob. min. quia ratio illuminat intellectum; in eo veritas per se ipsam apparet, & in auctoritate non apparet per se ipsam, nec in lumine, sed in obscuritate. Ideo intellectus etiam in his, quæ sunt de fide divina, eget auxilio, & concursu voluntatis, quem vocant *piam afflictionem*, ut assentiatur revelatis. S. August. cit. protestatur, se nolle assentiri aliis scriptoribus, nisi appareat ratio in illorum dictis.

Prob. 3. ex SS. Canonibus cap. de veritate ex Aug. [1] dicitur *nemo consuetudinem rationi, & veritati præponat*, quia consuetudinem ratio, & veritas semper excludit. Item ex S. Cypriano idem Aug. & Canon. (2) *Hoc planè verum est, quia ratio, & veritas consuetudini præponenda est, &c.* Nam consuetudo sine veritate, seu ratione, vetustas erroris est: & Imperator ibidem, *relatio consuetudinis, ususque longævi non vilis auctoritas, verum non usque adeo sui valitura momento, ut aut rationem vincat, aut legem*; sed auctoritas dicentium ostendit consuetudinem, & usum, ratio verò ostendit veritatem; ergo hæc prævalet. Prob. min. ut consuetudo nihil aliud est, quàm frequentia usus plurium, & longi temporis sine ratione, sic existimatio alicujus dicti à pluribus sine ratione; ergo &c.

Prob. 2. p. 1. ex August. qui hunc ordinem præscribit; *Tenebit hunc modum in scripturis Canonicis, ut eas, quæ ab omnibus recipiuntur Ecclesiis, præponat eis, quas quedam non recipiunt; in eis verò, quæ non accipiuntur ab omnibus, præponat ea, quas plures graviorefque accipiunt*; ergo pluralitas Doctorum (3) *graviorum cæteris paribus, prævalet paucitati.*

Dico, *cæteris paribus, & graviorum*; nec enim attenditur ad turbam eorum, qui sicut oves, aut grues alios catervatim, & sine delectu sequuntur, & sunt potiùs compilatores, & exscriptores, quàm scriptores, & paginas implent citationibus, & numerum solum augent, & sunt *doctorati*, non *Doctores*. Præcipiebat Deus per Moysen, *Non sequeris*

*turbam*

[1] d. 8. [2] C. consuetud. d. 4.

[3] De Doctr. Christ. c. 8.

*turbam ad faciendum malum, nec in judicio plurimorum acquiesces sententiæ, ut à vero devies. Per turbam intelligit populum, inquit Glossa, [1] non Doctores, qui licet pauciores sint, sunt tamen sanioris consilii. Ideo notat Navarrus, [2] censeri communioem opinionem approbatam à sex, vel septem auctoribus classicis rem ex professo tractantibus & Scholasticè, quàm à 10. qui sola ferè aliorum ducerentur auctoritate.*

Igitur Doctores, qui dant probabilitatem extrinsecam opinioni, quæ sufficiat ad formandam conscientiam, debent esse classici, præcipui, maximè noti, & existimati in Ecclesia, quia illi sunt verè sapientes, & seniores, quos jubemur consulere in dubiis, juxta illud, ubi dicitur Moyse, (3) *ut eligat presbyteros*, id est seniores: unde in proverbii dicitur, *Gloria senum canities*, quæ sapientiam designat. Non ergo propter decrepitam senectutem, sed propter sapientiã *presbyteri* nominantur: & cap. cit. in *Canonicis*, jubetur præponi opiniones, quas plures, gravioresque accipiunt; ergo non sola pluralitas, sed & gravitas attendenda est.

Objic. Legem Theodosii relata à Baronio [4] jubentis, *Ubi diversæ sententiæ proferuntur, potius numerus vincat auctoris, vel si numerus æqualis sit, ejus partis præcedat auctoritas, in qua excellentis ingenii vir Papinianus emicat; qui ut singulos vincit, ita cedit duobus; ergo semper numerus major afferentiũ unam opinionem facit probabiliorẽ absolutẽ.*

Resp. dist. conf. cæteris paribus, & maximè in paritate gravitatis rationum, conc. conf. si aliqua alia disparitas adsit, v. g. in pondere rationum, neg. conf. neque enim de hoc casu loquitur, aut loqui potuit Imperator. Id constat ex illa regula, *Doctores sine ratione, aut lege loquentes non est credendum, quia Doctores sunt testes iuris, non facti; ergo illis solis non est credendum in facto opinionis, si sine ratione loquantur.*

Porro graviores censentur illi, quorum frequentiores sunt lecturæ, & approbationes in scholis, & auditoriis, & qui ex professio disputantes veritatem quærent. Rationes utrimque perpendentes suam mentem solidè stabiliunt, & firmant. Ideo isti licet numero inferiores pondere, & merito sunt superiores: quia verifi-

[1] Exod. 23. 2. [2] Man. c. 27. n. 289.

[3] c. Perro. d. 84. [4] An. 435.

riusimilius assequuti sunt veritatem, quàm alii, licet plures, qui incidenter, & perfectioriè, aut in aliorum fide subscribunt opinionibus. *Classici* verò dicuntur, quorum auctoritas in scholis est approbata, & qui scholasticè scribunt de rebus.

## CONCLUSIO IV.

**I**Nter auctores 1. longe præstant SS. Patres, & Doctores Ecclesiæ cæteris omnibus. 2. Antiquiores præferendi modernis, cæteris paribus. 3. classici, qui res ex professo, & scholasticè tractant aliis, qui velut per transennam, & ex occasione, seu incidenter. 4. denique practici, & morales in moralibus præferuntur scholasticis, seu speculativis.

Prob. 1. p. ex Concil. Romano (1) sub Gelasio Papa, ubi recipiuntur, & commendantur SS. Patrum opera, post libros Canonicos, & acta Conciliorum; c. *Sancta Romana*: & cap. *Gloriosus Deus*, ubi Bonifacius VIII. eosdem SS. Patres sic commendat. Horum Doctorum perlucida, & salutaria documenta illustrarunt Ecclesiam, decorarunt virtutibus, & moribus informarunt eorum sæcunda facundia cælestis, insigni gratia, influente scripturarum ænigmata referat, solvit nodos, obscura dilucidat, dubiaque declarat. Et eertè patet ex actis Conciliorum, quòd ipsa mater Ecclesia illos SS. Patres consultit in dubiis, ac difficultatibus tam circa mores, quam circa fidem.

Prob. 2. p. ex Scriptura. (2) Sapienciam enim omnium antiquorum exquiret sapiens. Et, In antiquis est sapientia & in multo tempore prudentia: & cap. domino sancto S. Isidorus (3) docet, quòd quotiescumq; in gestis Conciliorum discors sententia invenitur, illius Concilii, magis teneatur sententia cuius aut antiquior, aut potior extat auctoritas. Vides inter ipsa Concilia Ecclesiastica reperiri prælationē ratione antiquitatis, & auctoritatis, quantò magis inter auctores Sanctos, & antiquos præ recentioribus? & c. *Conquestus*. Nicolaus Papa (4) vetat, ne Metropolitanus in suffraganci

Paro-

[1] D. 15. De Reliq. & vener. SS.

[2] Eccl. 39. [3] dist. 50. 28.

[4] 9. 7. 8.

Parochia sine huius Consilio quidquam agat, cum hoc nec antiquitas [cui patres sanxerunt reverentiam] habeas, &c.

Contr. ex Script. de Roboam, qui relicto Consilio senum adhibuit adolescentes, qui secum nutriti fuerant, & horum consilium sequutus est, quod ruinæ, ac dejectionis ejus occasio fuit.

Prob. denique. Nam nisi rationes graviores urgeant pro novis, nihil juvat, nec excusat ab antiquis discedere. Imò vel inde sunt antiquæ sententiæ probabiliores, quòd diutius examinatæ nihil occurrit, per quod potuerint infirmari; ergo ex ipsa vetustate, cæteris paribus, sunt probabiliores eorum opiniones.

Dico, cæteris paribus, semper enim ad rationes attendendum est, & quæ videntur firmiores, ac solidiores, sunt præferendæ, à quocumque asserantur sive à juniore, sive ab antiquiori. Patet omnibus veritas, nondum est tota occupata omnibus prima est, non fit minor in tempore, non distrabitur à multitudine, non excludit venientes, multum ex illa posteris relictum est, ait Cassiod. [1] Non igitur novitas in opinionibus vitium est, modo sint veræ, & in ratione fundatæ: novitatis convicium omni ævo fuit objectum etiam principibus scholarum. Novitatis studium convicium est primum in Socratem conjectum, inquit Themistius, deinde in Platonem, deinceps in Aristot. ac Theophrastum, & id notat Seneca: Multum restat adhuc operis, multumque restabit, neque ulli nato post mille sæcula præcluditur occasio aliquid adhuc adjiciendi: sed & si omnia à veteribus inventa sunt, hoc semper novum erit, usus, & inventorum ab illis scientia, & dispositio, multum egerunt, qui ante nos fuerunt, sed non perierunt. Certè plurimæ veterum etiam summorum Theologorum opiniones fuerunt ex noviter detectis rationibus antiquatæ.

Prob. 2. p. Quia de facto tales communiter citari solent in scholis, & alibi ad firmandas opiniones tam de moribus, quàm de fide, & quia opinionum probabilitas præcipua petitur à ratione, Doctores Classici, & qui materias ex professo examinarunt, melius rationes, & motiva penetrarunt, & suas opiniones solidius firmarunt, quàm qui ex occasione tantum, &

inci-



incidenter loquuntur, quavis etiam nec desint prioribus contradictores, ut patet de ipsis Principibus scholarum, ut de Scoto, & D. Thoma, Durando, Henrico, Okamo, & aliis.

Prob. denique de moralibus, & practicis præ scholasticis, seu speculativis: nam illi magis sunt experti, & cuilibet expertio in sua arte credendum est; ergo sicut in speculativis, & scholasticis consulendi sunt speculativi, sic in moralibus practici, unde Glossa [1] in cap. ut veterum, notat, quod magis Augustino credendum est in disputationibus; Hieronymo in historiis, & translationibus; Gregorius verò in moralibus præponitur, quia non omnes in omnibus, sed certi per certa. Sic in vulnere an sit mortale, magis creditur Chirurgo, quàm Medico.

Quæres de responsis SS. Congregationum S. Rom. Ecclesie Cardinalium, an sint leges, an verò tantum opiniones.

Resp non esse leges, sed opiniones gravissimas, quæ obligant consulentes, & sic non tollunt probabilitatem omnem contrariæ opinionis.

Ratio est, quia si essent leges deberent omnibus intimari, & promulgari, lex enim non obligat nisi promulgata, talia autem responsa non promulgantur omnibus, sed mittuntur partibus consulentibus, seu oratoribus, velut sententiæ judiciales, à quibus non licet recedere illos inter, & propter, & ad quos loquuntur, sunt enim tribunalia, & ipsi Cardinales sunt iudices, & sapientes ad interpretandas Ecclesie leges; sicut in jure civili [2] responsa prudentum sunt sententiæ, & opiniones eorum, quibus permissum erat de jure respondere. Nam antiquitus statum erat, ut essent, qui jura publicè interpretarentur, quibus à Cæsare (sicut istis à Papa) jus respondendi datum est, qui jureconsulti appellantur, quorum omnium sententiæ, & opiniones eam auctoritatem tenebant, ut iudici recedere ab eorum responsis non liceret.

Ex dictis collige 1. ad probabilitatem requiri 1. rationem ad minùs unam firmam, quæ reddat propositionem moraliter certam. 2. ut non contineat errorem, saltem vincibilem, & hæc conditio sequitur

ex

[1] dist. 9.

[2] Instit. tit. de jure nat. §. responsa.

ex 1. nam error non potest fundari in ratione firma.  
3. ut non sit antiquata, nec condemnata, ut de pluribus accidit, quæ per Ecclesiæ reprobationes factæ sunt improbabilis, ut de confessione, & absolutione sacramentali per scripturam inter absentes, &c.

Collige 2. quòd opinio *tuta*, & *probabilis* differunt; nam *tuta* præcisè est ea, cui non subest periculum peccati, saltem materialis, siue illa sit probabilis, vel non; hæc verò dicitur ea, quæ nititur rationibus moraliter certis cum aliqua formidine de opposito: *tutior* est illa, quæ magis distat à periculo peccati. Dico, *peccati materialis*; nam probabilis debet etiam esse *tuta*, seu certa moraliter, quod absit peccatum in eo, quod suadet, aut vetat. *Probabilior* est ea, quæ firmioribus, & apparentioribus nititur rationibus, aut gravioribus auctoritatibus. Dico, *vel apparentioribus*, quia quæ efficacius movent, & fortiores apparent uni, possunt minùs movere alium, & sic opinio, quæ est illi *probabilior*, est minùs isti; & quæ est *probabilior*, non est semper *tutior*: v. g. invenisti pecuniam in via, quam putas probabiliter esse illi, qui ultimo transiit, restituendam, & probabilius quod non, sed quod tua sit; *tutior* eris, si restituas: credis probabiliter valde non esse jejunandum in vigilia S. Bartholomæi in Diocesi Gratianopolitana; & tamen habes aliquam rationem putandi, quòd jejunandum est, *tutior* eris à peccato, si jejunes.

Collige 3. quòd opinio *singularis* est, si ab uno, vel altero Doctore asseratur sine gravi fundamento contra *communem*; *communis* verò, quæ solidis rationibus asseritur à septem, aut pluribus doctoribus classicis, seu magnæ notæ: *communior* est, quæ plures, & graviores habet auctores, *communissima*, quæ nullum ferè habet contradictorem. *Ratio* autem dicitur *efficacior* 1. si est secundum jus naturale, quàm secundum jus positivum, 2. si secundum jus divinum, quàm si secundum humanum. 3. si secundum æquitatem, quàm si secundum rigorem. 4. si est secundum mentem, de qua constat, quàm secundum verba. 5. si stet verbis, quàm si verisimilitudini. 6. si est juxta regulas juris, quàm si ex specialitate quadam. 7. si inclinè ad benignitatem

tenī, & favorem, & ut res valeat; v. g. si favet juramento, matrimonio, testamento, immunitati Ecclesiæ, &c. quàm si ad rigiditatem. 8. denique si magis cavet periculum animæ.

### QUÆSTIO VIII.

*Aa, & quæ probabilitas sufficiat ad formandam conscientiam rectam, & maximè in concursu opinionum oppositarum.*

**Q**uæstio procedit 1. de opinione probabilī absolute, & secundum se præcisè à concursu alterius opinionis probabilis, aut probabilioris. 2. de opinione probabilī in concursu alterius probabilioris, aut tutioris, vel æquè probabilis, & quidē procedit de probabilitate non speculativa, sed practica, & quidē proximè.

### CONCLUSIO I.

**C**onscientia probabilis absolute, & in se est sufficiens regula moraliter operandi in concursu vero probabilioris non semper sufficit. Est communissima quoad 1. partem, & communior quoad 2.

Prob. 1. ex Scoto cit. (1) in præcedentibus, qui docet in materia sacramenti Eucharistiæ probabiliorē eligendam, & quod universaliter in omnibus dubiis, si possibilitas adest, via tutissima est eligenda, si deest possibilitas, via tutissima proxima, & cessante possibilitate caute est supplendum, quod impossibilitas prohibeat, quod si licitum est in dubiis, à fortiori in probabilibus; sed conscientia probabilis in se absolute, & in præciso concursu, & aliquando in concursu probabilioris, non verò semper est tuta, & tutissima, quantum fieri potest moraliter ergo eligi potest opinio probabilis, & super ea potest formari conscientia recta, modo sit tuta. Quod docet [2] eligi tutissimam, hoc dicit in materia Sacramentorū, non autem in purè moralibus, ubi non exigitur tantus rigor. Id patet ex aliis textibus de restitutione, ubi detentorem rei alienæ, & mulierem à debito restitutionis eximit per aliquot vias, ob rationes purè probabiles, ut legenti patebit, & maximè cū dicit, hanc non tene-ri monere filium spurium, ut dimittat partem suam hæredi-

[1] 4.d.11.q.6.A.n.2.& d.3.q.2.K.n.10.

[2] d.15.KK.n.38.

hæreditatis, quia probabiliter iste non credet illi, aut si credat, adhuc non est probabile, quòd propter hoc dimittere velit illi hæreditatem; quia pauci inveniuntur, ità perfecti, ut propter iustitiam servandam in foro Dei dimittant magnas possessiones, quas possunt tenere jure exteriori. Hæc ratio, ut vides, est purè probabilis, & contrarium est valde probabile, & tutius, & de facto plures sunt timentes Deum, qui non retinent, quod possent in foro exteriori detinere.

Prob. 2. quoad 1. partem; quia si non liceret operari ex conscientia probabili, ferè semper essemus perplexi, & rarissimè possemus agere; sed consequens est inconveniens, & nullus admittet; ergo licitè operamur ex conscientia probabili, & ipsa est regula sufficiens. prob. maj. quia rarissimè habemus dictamina demonstrativè certa, & evidentia metaphysicè, aut physicè; ergo rarissimè liceret agere, & sæpissime perplexi hæsitaremus. Prob. ant. ex Philos. *Certitudo in omnibus non est eodem modo perquirenda; satis ergo fuerit de his, & ex his loquentes crasso modo, ac veluti per figuram veritatem ostendere, & secundum ea, quæ plurimum fieri solent; de his rebus transigere.* Et ratio id probat evidenter, quia syllogismi omnes practici, quorum conclusiones sunt dictamina practica conscientie, fundantur ad minùs in una præmissa purè contingenti; ergo non possunt habere certitudinem, nec evidentiam physicam scientie.

Prob. 2. eadem pars ex jure Canonico, & SS. Patribus. Nam ex cap. *ego solis* sæpe citato patet, quòd assentimur dictis SS. Patrum, & Doctorum Ecclesie vel ex motivis fidei, quia hæc probant ex scripturis canonicis, vel per rationes probabiles; & cap. *inquisitioni*, ubi Papa docet, conjugem posse reddere debitum alteri conjugi petenti, cum conscientia pulsat animum ex credulitate probabili, & discreta, quamvis non evidenti, & manifesta: & cap. *constitutis* potest puniri suspensione Archiepiscopus ex præsumptione verisimili de delicto: & cap. *excommunicamus*, [1] jubentur purgare se, qui inventi fuerint sola suspitione hæresis notabiles, alioqui anathematis gladio feriantur, ubi notatur, [2] quòd ad hoc sufficit,

[1] De sent. excomm. [2] De testib.

cit, quòd sit *probabilis præsumpcio*, seu suspicio, inquit Glossa, &c. ergo Pontifices ipsi putarunt conscientiam fundatam in præsumptione, vel suspicione probabili sufficere ad agendum moraliter, & quidem in rebus gravissimis.

Confir. quia Ecclesia permittit multa multis ex conscientia probabili, etiam in materia sacramentorum; ergo &c. prob. ant. permittit Græcis consecrationem in pane fermentato; ut consecrentur sacerdotes, licet non recipiant omnes quatuor minores ordines, & non reputent subdiaconatum inter sacros, & non adhibeant unctiones easdem cum latinis, nec iisdem materiis, v. g. in Chrismate.

Prob. 3. ex Script. nam Machabæi [1] potius elegerunt pati mortem ab hostibus, quàm aggressi defendere se, & bellare in die sabbathi, ne illud violarent; sed alii, mutata conscientia ex aliis rationibus, die sabbathi præliarunt dicentes; *Si omnes fecerimus sicut fratres nostri, & non pugnaverimus, gentes disperdem nos à terra: & decreverunt, omnis homo qui cumque venerit in bello die sabbathorum, pugnemus adversus eum, & non moriemur omnes, sicut fratres nostri mortui sunt*: Ecce quòd probabile visum est primis, non ita visum est secundis, & singuli fecerunt juxta dictamen conscientie sibi probabilis, & quidem primi juxta tutiorem, isti juxta minus tutam, saltem materialiter: Idem dicendum de SS. Apostolis Petro, & Paulo, quorum ille coram gentilibus edebat de idolotitis, & coram Judæis non edebat; ille verò simulationem illam improbat, [2] & restitit in faciem Petro; ergo uterque egit secundum probabilem conscientiam, & utraque recta fuit, donec in Concilio Hierosolimitano sancitum est, legalia non esse observanda, ut legitur in actis: [3] Sic in historiis sacris Ecclesie constat plures opiniones fuisse probabiles; & ut tales in usu apud multos etiam inlignes admodum pietate, & doctrina Patres, quas deinde abrogaverunt posterius, ut de Celestino 3[4] qui putavit matrimonium dissolvi per hæresim unius conjugum; & Concil. Trid. (5) aliter statuit: de celebratione Paschatis, quod S. Polycarpus volebat celebrari more

re

[1] 1. Machab. 2. [2] Gal. 2.

[3] Act. 15. 28. [4] C. quanto de divor. [5] ss. 24. c. 5.

re Judaico, scilicet 14. Lunæ Martii, & ita docebat Asiaticos; in occidente verò ex decreto Pii Primi celebratur prima Dominica post 15. Lunam Martii, quod deinde Papa Victor iussit [1] observari per totum orbem: ergo opinio Polycarpi fuit ad summum probabilis, & tamen eam sequebatur. Inter S. Augustinum, & Hieronymum plura disputabantur; ille putabat reprehensionem factam D. Petro à D. Paulo fuisse sinceram; iste vero simulatam: iste dicebat arborem, sub qua quiescebat Jonas egrediens de ventri Ceti fuisse cucurbitam; Augustinus verò hederam. S. Chrysost. defendebat Origenem, Epiphanius tam acriter impugnabat, ut communionem Chrysostomi vitaret; ergo aliquæ horum Sanctissimorum, & Doctissimorum Ecclesiæ Patrum opiniones erant tantum, & ad summum probabiles. Denique Alexander VIII. cit. videtur id decidere, cum hanc propositionem damnat. *Non licet sequi opinionem vel inter probabiles probabilissimam.* Et alii Pontifices, qui damnant alias adductas, ab initio videntur approbare usum probabilitatis absolute, & saltem extra concursum probabilioris.

Prob. 4. ratione. Conscientia formata ex opinione probabili est verè prudens; ergo & recta: conf. est certa; idem enim est conscientia prudens, & recta, & quæ operatur prudenter, operatur rectè. Prob. ant. opinio innixa dicto sapientum, & gravi rationi est verè prudens; sed talis est opinio probabilis; ergo est prudens. Prob. min. ex dictis, quia probabilitas vera in hoc consistit, & nisi nitatur dicto sapientum, & rationibus gravibus, non est verè probabilis, ut patet ex definit. Aristotelis.

Confirm. quia ex omnium sensu conscientia ex opinione probabiliori est recta; ergo & ex probabili: nam in hoc conveniunt probabilis, & probabilior, quòd nituntur ambæ dicto sapientum, & rationibus gravibus, & probabilior considerata in se absolute non est nisi probabilis; dicitur tantum probabilior comparative ad aliam, utraque est cum formidine de opposito, nec aliter differunt, nisi secundum magis, & minus.

Objic.

[1] cap. nosse. & cap. Paschæ. & cap. celebrissem.

Objic. Prudentia est *habitus cum recta ratione activus*; sed conscientia tantum probabilis non est agens ex recta ratione; ergo non est prudentia. Prob. min. quod est probabile tantum potest esse falsum; ergo conscientia probabilis tantum, non est agens cum recta ratione, quia rectæ rationi non subest falsitas. ant. prob. ex ipsa definitione probabilitatis; est enim inseparabilis à formidine de falsitate unius, & de veritate partis contrariæ.

Resp. neg. min. & dist. ant. prob. potest subesse falsum physicè, & est cum formidine aptitudinali, & radicali falsitatis, conc. ant. falsum moraliter, & est cum formidine actuali, neg. ant. & conf. Ratio distinctionis, & negati patet ex dictis; nam conscientia probabilis habet certitudinem moralem de rectitudine, & veritate opinionis, in qua fundatur; quia hæc nititur dictis sapientum, vel rationibus examinatis accuratè, & gravibus, nec aliud exigit rectitudo prudentiæ.

Inst. Prudentia agit cum certitudine; sed conscientia ex opinione probabilis non est cum certitudine, sed potius habet annexam incertitudinem, scilicet formidinem illam; ergo non est prudentia.

Resp. ut prius dist. maj. cum certitudine morali, conc. maj. & neg. min. cum certitudine physica, vel mathematica; neg. maj. & conf. opinio verè probabilis habet omnem certitudinem, quæ humano modo, & in hujusmodi agibilibus haberi potest.

Objicies 2. ex Script. jubemur agere secundum *dictamen verax, & consilium stabile*; sed conscientia probabilis nō est *dictamen verax*, nec *consilium stabile*; quia potest ei subesse falsum; & est de re contingenti, quæ potest esse, aut non esse; ergo conscientia probabilis non sufficit ad agendum juxta regulas divinas.

Resp. neg. min. in sensu prædicto: nam conscientiæ probabilis dictamen est verum practicè, & moraliter, licet possit esse falsum speculative, & physicè; & *consilium illud stabile* est matura, & prudens consultatio, & deliberatio, quales sunt in conscientia probabilis, ut sæpe dictum est; hoc fatendum est omnibus; nam hæc sunt essentialiter in omni opinione, quantumvis probabilissima, & tamen certum est, hanc esse sufficientem ad formandam conscientiam, ut patet ex propositione damnata ab Alexandro VIII.

## CONCLUSIO II.

**I**N concursu duarum opinionum aequaliter probabili-  
*um intellectus prudens hæret anceps, si vero sint*  
*inequaliter probabiles, assentitur probabiliori, & se-*  
*cundum hanc debet formari conscientia, de voluntate*  
*autem an possit eligere vel alteram æqualem, vel mi-*  
*nus probabilem prudenter, & licitè, probabilius est,*  
*non posse, saltem semper. Hanc ex Scotistis docet [1]*  
 Card. Laurea.

Prob. 1. ex Scoto jam citato, [2] & maximè cùm  
 decidit, non posse sacerdotem in consecratione uti  
 Amydo, quia *cùm hac pars negativa sit probabilior,*  
*non sine peccato aliquis se exponit tali dubio. Nam sic*  
*loquens ostendit satis clarè, ni fallor, quòd qui se-*  
*queretur opinionem minùs probabilem de sufficientia*  
*Amydi ad consecrationem Eucharisticam, peccati pe-*  
*riculo se exponeret. Nec obstat, quòd loquatur de*  
*dubio. nam vox dubium ibi non sumitur in rigore,*  
*nec de dubio formali, sed materiali.*

Prob. 2. ex eodem: nam docet, [3] quòd in morali-  
 bus quando sunt altercationes de aliquo peccato, quan-  
 do primò est mortale, ut si unus peritius inscientia di-  
 cat, quòd non licet sic mercari, & alius dicat, quòd  
 licet, intus est non procedere sic, nec sic, sed expectare  
 quoad usque veritas pateat aliunde; ergo ex Scoto in-  
 tellectus manet dubius inter duas opiniones æquè  
 probabiles, nec potest uni assentiri potius, quàm al-  
 teri, sed vel utrique, vel neutri.

Prob. 3. Quia intellectus non est potentia electiva,  
 sed naturaliter agens, nec potest judicare de rebus a-  
 liter, ac apparent ipsi; ergo si duæ propositiones con-  
 tradictoriæ apparent ipsi æqualiter probabiles, non  
 potest assentiri uni præ alia, nec assentiri utrique; er-  
 go debet manere anceps, & dubius. ant. patet ex di-  
 ctis de anima, & de libertate. prob. conf. nam in hac  
 suppositione intellectus videns æqualitatem motivo-  
 rum, nihil aliud potest dictare voluntati, nisi quod  
 apparentia veritatis est pro utraque parte contradi-  
 ctionis, & sic non adhæret uni præ alia, sed manet  
 in

[1] 10. de virtut. d. 11. n. 242. [2] 4. d. 11. q. cit.

[3] 3. d. 25. q. 10. n. 7.



in æquilibrio, & anceps, una illarum est quidem vera, & alia falsa, sed non videt quænam sit falsa; ergo non potest dictare unam esse eligendam præ alia, non potest etiam assentiri utrique, alioqui admitteret duo contradictoria, admitteret unam, eandemque actionem esse, & non esse peccatum, quod implicat contradictionem: v. g. hæc dux propositiones: *Pictura est opus servile, & illicita in die festo*, & *Pictura non est opus servile, nec illicita in die festo*: Si proponantur intellectui motiva æqualiter fortia pro utraque, judicat quidem utramque esse probabilem; sed non inclinatur in unam præ alia, quantum est ex se, scit alterutram esse falsam, sed non potest id sentire de prima potius, quam de 2. ergo manet dubius; ergo non potest dictare voluntati unam præ alia esse eligendam, ut licite agat, nisi posset velle illam decipere, quod dici non potest; sed, si sit prudens, dictabit potius abstinendum ab utroque, quoties in alterutra parte est peccatum, nisi velit eligere tutiorem, quæ est *non fingere*. Hoc certè mihi videtur evidens; voluntas autem potest quidem pro sua libertate non sequi dictamen, sed non faceret prudenter, nec licite, quia se exponeret periculo peccandi, ut diximus de conscientia dubia, vel erronea vincibiliter, & crasse.

Tamen, ut verum fatear (& id putant multi) casus talis æqualitatis in probabilitate est valde metaphysicus, & moraliter rarissimus, si non impossibilis.

Prob. 2. p. ex constitutionibus Apostolicis, quibus hæc propositiones reprobantur sub Innoc. XI. 1. *Non est iudicium in sacramentis conferendis sequi opinionem probabilem de valore sacramenti relicta tutiore, nisi id veteri lex, conventio, aut periculum gravis damni incurrendi, &c.* 2. *probabiliter existimo, iudicem posse se judicare juxta opinionem minus probabilem.* 3. *generatim dum probabilitate sive intrinseca, sive extrinseca quantumvis tenui, modò à probabili natis finibus non exeat, confisi aliquid agimus, semper prudenter agimus.* Hinc enim sequitur evidenter, non licere semper sequi minus probabilem relicta probabiliori, & tutiori, nec sufficere minimam, & levem probabilitatem.

Prob. 2. Eadem p. ex praxi, & legibus Ecclesiæ, quæ sequitur, & suadet semper probabiliorem: ideo cap. [1] *Capellanus*, agens de tempore nuptiarum decernit secundum opinionem, quæ meliori, & subtiliori nititur ratione, & cum auctoritates sunt æquales, suspendit iudicium, & jubet consuetudinem consulendam cap. cum sint; nam Alexander III. [2] ait, *Non est nobis facile semper hoc dare responsum, cum auctoritates Patrum etiam sint diversæ, & ideo in huiusmodi dubitatione ad consuetudinem duximus recurrendum*; & cap. novimus Innocentius III. [3] iudicat secundum opinionem, quæ a pluribus est approbata circa degradationem clerici: idem patet ex cap. majores, ubi ob contrarias, & æquales rationes, seu auctoritates circa infusionem habituum supernaturalium in baptismo res manet indecisa, sed postea in Concil. Vien. [4] deciditur pars affirmativa ob maiorem probabilitatem, quæ dicit tam parvulis, quam adultis conferri in baptismo informantem gratiam, & virtutes, tanquam probabiliorem, sacro approbante Concilio duximus eligendam: item cap. suborta, adjudicatur Episcopo Meldensi [5] jurisdictio in monasterium Scabatense, quia cognovimus efficaciores Episcopi rationes, alios textus habes citatos tum ex SS. Canonibus, tum ex juris peritis, tum ex SS. Patribus apud Card. nostrum Lauream.

Prob. 3. ratione. Conscientia probabilis est prudens; ergo dictamen eius debet esse verum, & certum saltem moraliter; sed non potest esse verum, & moraliter certum, si fundetur in opinione minus probabili, dum adest probabilior; ergo nec prudens. prob. subsumpt. 1. de veritate; intellectus est agens naturale, ut diximus, & non potest judicare vera duo contradictoria simul, ergo debet necessario existimare verum, quod probabilius est, non autem quod minus. prob. cons. potentia necessaria, & cognitiva sic determinatur ab objecto, ut non possit judicare de illo, nisi secundum quod se illi repræsentat sed objectum, quod apparet probabilius, se repræsentat ut verum præ illo, quod apparet minus pro-

[1] De feriis. [2] De decimis.  
[3] De ver. signif. [4] De S. Trini.  
[5] De Bapt.

probabile; veritas enim consistit in indivisibili, & non suscipit magis, & minus; ergo, quod apparet probabilius, debet judicari verum, & minus probabile ut falsum.

Sed quidquid sit de veritate prob. de certitudine morali. 1. quia intellectus manet dubius inter propositiones æquè probabiles, ut probatum est; ergo multò minus poterit dictare in favorem minus probabilis in præsentia probabilioris. prob. conf. si æqualitas rationum, vel auctoritatis pro parte affirmativa v. g. impedit, ne intellectus assentiatur negativæ, & vicissim, multò magis id impedit major vis, & efficacior eorumdem motivorum; sed æqualitas id impedit; ergo magis id impedit majoritas rationis. Certè si gravitas ponderis ut tria impedit, ne bilanx inclinet in dexteram, multò magis id impedit gravitas ut quatuor, vel quinque.

Conhr. Nam ex communiori sententia timor actualis de falsitate opinionis, quæ dictatur sequenda, impediret securitatem, seu certitudinem moralem, quæ requiritur ad dictamen prudentiale, ideo solum admittimus aptitudinem; sed formido falsitatis opinionis tantum probabilis in concursu probabilioris esset actualis, & longè major, quàm securitas, seu certitudo, quæ est in opinione probabili; ergo dictamen, seu conscientia dictans hanc esse sequendam non esset prudens; imo nec id videtur in potestate intellectus; nam trahitur à majori luce, & certitudine, sicut bilanx à majori pondere, & à majori probabilitate: unde Arist. docet. quòd 1. *existimare non est in nobis: necesse enim est aut falsari, aut verisari*, hoc est, inquit commentator, *necesse est verum, aut falsum dicere*. Quod si intellectus non possit dictare sequendam esse minus probabilem; ergo nec voluntas eam sequi prudenter, nec licitè, qui ex dictis patet, eam debere conformari dictamini conscientiae.

Dices hinc probari, quòd per assensum directum, & judicium speculativum non potest intellectus judicare utramque partem esse veram, benè verò per reflexum, & practicum, quasi diceret; ex hoc motivo pars affirmativa apparet vera, & ideo licita; ex alio verò pars negativa magis apparet vera; sed hoc posterius judicium non tollit veritatem, & rectitudinem

præcedentis, nec per consequens impedit, quin judicare possit sequendam esse primam partem per dictamen reflexum, & practicè practicum, quia fundatur in opinione verè probabili, & per consequens moraliter certa, nec alia certitudo requiritur, ut prudenter agat.

Contra. Ut judicium reflexum, & dictamen practicum sit rectum, fundatur in judicio recto, & speculativo; sed istud inclinatur in probabiliorē, & quidem necessariò, & ex natura tam objecti, quàm intellectus; ergo & illud. prob. maj. judicium practicum, & reflexum debet esse verum, si non metaphysicè, & de re, qualis est in se, saltem qualis apparet in mediis, ut dictum est, sed non erit verum practicè, nisi sit conforme directo, & speculativo; ergo nec rectum; ergo debet esse juxta probabiliorē opinionē. Sit casus: quæritur de aliquo contractu, an sit licitus? afferuntur mihi rationes pro utraque parte, sed, quæ probant illicitatem, mihi apparent fortiores, & tales eas judico speculativè; aliæ pro licitate apparent quidem probabiles, sed non ad eò; potest ne intellectus judicare, quòd hic, & nunc talis contractus est licitus, nisi velit se exponere probabiliori periculo peccandi per contractum illicitum? quis me liberaret à peccato homicidii: si diceret mihi oculus, vel intellectus, animal, quod movetur, & apparet in sylva, probabiliter est lepus; sed probabilius est esse hominem, & formata mihi conscientia ex priori judicio, quòd hic, & nunc possum explodere catapultam, nullus, ut puto, negabit quin si hominem occidam, quamvis probabiliter putaverim esse leporem, peccaverim peccato homicidii; ergo idem est de homine in casibus, ubi agitur de salute animæ propriæ, vel alienæ, reus erit mortis ejus spiritualis, si faciat, quæ probabilius apparent illicita.

Confir. Quia ut homo agat prudenter, debet adhibere omnem moraliter possibilem diligentiam, ut caveat periculum peccandi; sed qui sequeretur opinionem probabilem abjecta probabiliori, non adhiberet talem diligentiam in periculo peccandi; ergo non ageret prudenter. Prob. min. ille non adhibet omnem moraliter possibilem diligentiam ad vitandum periculum animæ, & peccati, qui contemnit me-

medium non dico certius, sed etiam certum ad illud vitandum, sed hoc contemneret iste; ergo &c. prob. min. nam, ut patet ex dictis, opinio probabilior est certa, & minus probabilis est incerta; ergo &c. prob. ant. minus probabilis in præsentia, & concursu probabilioris est cum gravi, & actuali formidine falsitatis, nec potest intellectus utramque perpendens assentiri firmiter isti; ergo respectu istius, scilicet minus probabilis, est incertus.

Probatur deniq; ex confessio majoris partis adversariorum, & ex decretis Apostolicis, quæ citavimus. Non licet sequi minus probabilem, cum agitur de valore Sacramenti, nec in judiciis, nec in conciliis, nec in bellis inferendis; ergo neque id licebit in aliis occasionibus, ubi agitur de vitando peccato. ant. patet experientia eorum, qui legunt auctores sustinentes posse eligi minus probabilem; hi enim omnes excipiunt casus illos. Prob. conf. Nam ratio, cur iudex v. g. non possit judicare secundum partem minus probabilem est, quia auctoritas hæc datur illi, ut judicet secundum allegata, & probata, & quia agitur de damno tertii, cui fit injuria, si, cum habeat rationes efficaciores, non vincat. Idem est de medico, qui vocatur, & conducitur, ut adhibeat efficaciora, & probabiliora media. Idem est de Consiliario, seu avvocato; sed hæ rationes faciunt a fortiori pro casibus omnibus, in quibus agitur de vitando peccato, quod est summum detrimentum animæ, & cui detrimenta illa omnia temporalia non possunt comparari; ergo si in illis non licet agere juxta minus probabilem, multò minus in istis. prob. min. nam præceptum charitatis, & justitiæ non magis obligat circa proximum, quàm circa se ipsum, & animam, & Deum, de cujus offensa vitanda agitur; nec minus verum est, Deum velle, ut efficacioribus, & certioribus mediis vitemus offensam ejus, quàm quod respublica, vel ægrotus, vel litigans velit, ut iudex, medicus, & advocatus utantur melioribus rationibus in judiciis, in medicamentis, & consiliis ad vitanda mala in bonis fortunæ, aut corporis; idem est de litigantibus, & Regibus in bellis inferendis.

Confir. Quia si admittatur semel ea libertas eligen-

si minùs probabilem partem relicta probabiliori , nulla ferè in moralibus erit certa regula agendorum , quia vix occurrit aliquid faciendum , aut vitandum , de quo non sint rationes aliquales utrimque , ut patet experientia ; de omnibus enim disputatur . Dici posset Adanium , & Evam egisse juxta opinionem minùs probabilem , sed tamen quæ potuit eis videri probabilis , cùm fructum vetitum comederunt : sic & Saul posset excusari , cùm pepercit Amalecitis , & sic de cæteris : sic possent excusari scelera horrendissima , & manifestissima , & opiniones perniciosissime subisteret , donec decretis positivis per Ecclesiam prohiberentur .

Objicies 1. Per nos debet formari conscientia ex opinione probabiliori ; sed , quod eligi possit minus probabilis , est opinio probabilior ; ergo ita est dicendum . Prob. min. illa est probabilior , quam tenent longè plures Doctores etiam classici , & ipse Scotus ; sed hanc tenent longè plures , & ipse Scotus : ergo &c. prob. min. experientia , quæ facilè patebit legenti auctores , maximè recentes , nam ex 20. vix reperies duos , qui nobiscum sentiant . Inter Scotistas unum habemus Cardinalem Lauream , quem viderim ; sed Mastrius , Poncius , Vulpes citantur , & stant contra nos . Faber verò loquitur semper de probabiliori , & tuta . prob. de Scoto , [1] qui putat , *furantem in extrema necessitate ad restitutionem non teneri in pinguiori fortuna , & cum id potest commodè* ; nam contraria opinio est tutior , & probabilior : & alibi docet , [2] quòd in dubiis circa mores an aliquid sit peccatum , locum habet labor Doctorum ; ergo censet eligi posse opinionem , modò sit probabilis , & licet sit minus tuta .

Resp. neg. min. 1. 2. & 3. argum. quia si pensetur probabilitas extrinseca , opinio nostra longè probabilior est si non numero , saltem gravitate Doctorum ; & maximè si attendatur ad constitutiones apostolicas , & sacros canones , in quibus fundatur assertio nostra . 2. quia pro nobis stant meliores rationes , & pars nostra longè tutior est .

Ad Scotum autem patet , eum apertè nobis favere ex textibus citatis pro assertione , & isti non urgent ; nam falsum est in casu , de quo loquitur , quòd restitutio

[1] 4.d.15.q.2.KK. [2] q.2.prol.E.

tutionis obligatio sit probabilior, ut patet ex ratione ab ipso allegata. 2. locus potius est pro nobis; nam ibi docet potius abstinendum ab actibus, de quibus non est certum, an sint liciti, aut peccata, *Suppositis opinionibus doctorum, & expositorum*; nam à talibus tanquam à periculosis debet homo sibi cavere, & abstinere; ergo multo magis debet abstinere à sequenda via minùs probabili, dum adest probabilior; quia pars minùs probabilis evadit periculosior, si sit pro parte negativa, quod mihi apparet evidens.

Inst. Ecclesia ipsa licet unam ex probabilibus eligat, non tamen improbat aliam; imò declarat se nullum ei præjudicium inferre velle, ut patet cap. cum *Martha*, ubi Pontifex putat quidem aquam in calice converti in sanguinem, sed non improbat opinionem docentem, quòd non convertitur, sed remanet aqua; quia *nec inconveniens creditur, aut absurdum, si aqua in corpore Christi esse credatur, cum legatur de ipsius latere fluxisse*. 2. indecisam, & exanimi relinquit distinctionem valde, & mediocriter bonorum, & malorum inter defunctos in ordine ad suffragia Ecclesiæ, nec obligat ad probabiliorem. 3. cum agitur de Immaculata Conceptione B. V. Deiparæ, approbat Ecclesia affirmativam, quæ est omnium Franciscanorum post Doctorem [1] subtilè huius opinionis piissimæ defensorem acerrimum, sed non prohibet contrariam, licet minùs probabilem, & quæ est communior inter PP. Dominicanos; relinquit eam in suis terminis, ut patet ex Bullis plurium SS. Pontificum. cap. *litteras*. Innocentius III. refert sententias Clementis, & Laci prædecessorum suorum contrarias circa restitutionem uxoris, quæ prætextu impedimenti recesserat à viro suo; [2] *Nos autem*, inquit, *nullam de prædictis sententiis reprobamus; nec cuiquam earum præjudicium volumus ex nostra responsione generari*; ergo licet altera, quam sequitur, esset probabilior, licebat eligere contrariam, licet minùs probabilem; ergo ex consensu SS. Pontificum, & ex SS. Canonibus potest eligi minùs probabilis.

Resp. neg. ant. Nam ex Canonibus, & constitutionibus à nobis citatis constat, Ecclesiam semper eligere probabiliorem: & id 1. patet ex ipsomet cap. cum

R 3

Mar

[1] *Ibid. fin.* [2] *De restit. spol.*

*Martha*; ubi Pontifex dicit, quòd inter prædictas opinionones illa probabilior judicatur, quæ afferit aquam cum vino in sanguinem converti, & hodie est de fide, quòd in calice non est alia substantia post consecrationem, quàm sanguinis Christi. 2. textus nihil probat, nisi quòd non vult Episcopum eligere, nisi post districtum examen, in quo apparebit, quid sit probabilius. Ex 3. nihil potest concludi, nisi quod ex prudentia Pontifices noluerunt probabilissimam, & receptissimam de Immaculata Conceptione opinionem definire, licet eam amplectantur, & invitent fideles omnes ad eam amplectendam. Imò Alex. VII. prohibet contrariam prædicari, & hinc nihil infertur contra assertionem, in qua loquimur de conscientia probabilis circa opinionones, in quibus agitur de licitate, aut illicitate actus, & de vitando peccato. 5. denique Innocentius III. noluit condemnare suos prædecessores, qui probabiliorē quique & respectivè sententiam sequuti sunt, contentus eam præscribere, quæ sibi etiam visa est probabilior.

Inst. 2. Saltem hinc habetur, nullum esse præceptum divinum, aut humanum de sequenda probabiliore; quandoquidem SS. Canones relinquunt libertatem circa utrasque; ergo nulla est obligatio sequendi probabiliorē. Prob. ant. tum ex citatis textibus; tum quia neque ex Scriptura constat de præcepto divino, neque ex ullo canone, vel constitutione Ecclesiastica constat de humano.

Resp. neg. ant. & prob. ejus, 1. quia id præcipitur à natura, quæ inclinatur, & determinatur intellectum ad assentiendum objecto, quod verius apparet, & in majori lumine, & refugit naturaliter majus errandi periculum, quod sine dubio majus est in minus probabilis. 2. præceptum divinum constat ex loco cit. *Ante omnia opera verbum verax præcedat se, & ante omnem actum consilium stabile*; numquam enim verbum verax, nec consilium stabile reperitur in dictamine minus probabili coram probabiliori, in quo veritas magis elucet, & stabilior apparet, & 3. lex Ecclesiastica satis colligitur ex Canonibus citatis.

Inst. 3. Canones à nobis citati, ut cap. *inquisitioni*, & cap. *ego solis*, non requirunt nisi probabilem credulitatem, vel rationes probabiles; sed hæc reperiuntur



in minùs probabili; ergo Ecclesia non solùm præcipit quæri probabiliorem, sed etiam probat sequelam probabilis.

Respondeo dist. ant. Si non adsint, nec possint haberi probabiliores, conc. ant. si adsint, & possint haberi, neg. ant. & conf. nam tunc probabiles sufficiunt, cum post diligentiam moralem non potest haberi major certitudo, qualis non habetur, dum adest, vel adesse potest probabilior, quæ sola tunc est absolutè probabilis.

Objic. 2. ex Arist. [1] *Non est necessarium in unoquoque genere certitudinem exigere; simile quippe videtur esse à Mathematico persuasionem recipere, & ab Oratore quærere demonstrationem*: ergo ex Philosopho non debet quæri in moralibus nisi probabilitas: sed hæc reperitur in minùs probabili; ergo hæc sufficit.

Resp. neg. subsumptum. Nam ex Philosophi textu exigitur certitudo, *quam rei natura recipit*: ergo si recipit maiorem, quàm in minùs probabili, scilicet recipit eam, quæ in probabiliori nitat, hanc exigit: ergo ex Philosopho exigitur sequela probabilioris, quando habetur.

Inst. Docet idem, quòd *moralia debent crassâ minerva periracitari*: ergo sufficit probabilis sive sola, sive cum alia æque, ac plus probabilis, quia apparet satis vera.

Resp. dist. ant. Crassâ, id est sine sophisticis difficultatibus, & non quærenda est physica evidentia, & certitudo, conc. ant. sine prudenti consultatione, & inquisitione veritatis, neg. ant. hæc autem non esset in eo, qui habens maiorem evidentiam, & certitudinem moralem haberet in minori.

Objic. 3. Ad rectè formandam conscientiam sufficit, quòd opinio sit moraliter certa, & ad hoc sufficit, quòd sit probabilis: sed opinio minùs probabilis est certa moraliter, & verè probabilis: ergo sufficit ad formandam conscientiam. Maj. patet ex conclus. 1. prob. min. non enim amittit suam probabilitatem per concursum probatioris, alioqui non esset necesse hîc disputare, & malè sic proponeretur. Præterea omne comparativum non tollit positivum.

Resp. neg. min. & ant. prob. nam hoc ipso quod

R 6

habeo

[1], 1. Ethic. 3.

habeo motivum efficacius, & evidentius, aut certius credendi hunc contractum esse illicitum, non possum dicere probabiliter, quod sit licitus ob rationes leviores, & incertiores, non possum esse certus contra certitudinem; ergo à fortiori nec contra majorem certitudinem, evadit enim ex ea præsentia incertior, & obscurior, & ideò intellectus, qui ei assentiebatur prudenter, quando sola apparebat, non potest amplius prudenter ei assentiri videns eam adeò incertam coram certiori, nec est digna, quæ approbetur in comparatione dignioris, quia ejus fundamentum levitat.

Inst. Non tenemur ad id, quod est perfectius, & melius; sufficit perfectum, & bonum, alioqui jugum Christi non esset suave, nec onus leve; ergo licet conscientia probabilior sit melior, & perfectior, sufficit probabilis. Prob. ant. nam difficillimum est discernere inter probabilem, & probabiliozem; ergo &c.

Resp. neg. conf. Nam ut dicebamus, probabilis ex præsentia, & concursu probabilioris non est bona, nec perfecta, sicut nec verè probabilis, nec volumus, ut homo distinguat probabiliozem à minùs probabili, sed ut sequatur eam, quam judicat probabiliozem post diligentem, & moraliter sufficientem, seu prudentem veritatis inquisitionem, sive à parte rei hæc sit probabilior, & verior, sive non.

Objicies 4. Ideò rejiceretur minùs probabilis, quia esset cum formidine falsitatis; sed hæc formido est etiam in probabiliori; quia est de essentia opinionis, ut opinio est; ergo illa non debet rejici potius, quam ista.

Respondet diff. maj. quia esset cum formidine actuali gravi, & superabili, conc. maj. & neg. min. quia esset levis, & aptitudinalis, & insuperabilis, qualis est in probabiliori, neg. maj. & conf. nam formido, quæ est essentialis opinioni, ut sic, & secundum se est, ut diximus, levis, & aptitudinalis, & insuperabilis ex natura objecti, & mediorum, at in præsentia, & concursu probabilioris illa formido evadit gravior, & actualis, & superabilis, quod non est verum de probabiliori, quæ ex hoc ipso concursu evadit levior, & insuperabilior.

Inst. Probabilis non est temeraria; ergo est prudens,

dens, & dictat prudenter. Prob. ant. non est sine fundamento, & quidem gravi alioqui non esset probabilis, ut patet ex dictis; ergo &c.

Resp. neg. ant. in quo est mera petitio principii; nam quæstio est, an conscientia dictamen ex opinione minus probabili in concursu probabilioris sit temeraria, vel prudens; & ratio negati patet ex dictis: nam prudentia nunquam dictabit relinquere, quod verius, & certius apparet pro eo, quod minus verum, & minus certum videtur nobis. Hoc repugnat inclinationi naturali rationalis potentia.

Objic. 5. In materia speculativa non tenemur ad probabiliorē; ergo nec in morali, & practica. Patet ant. experientia. Prob. conf. nam in speculativis intellectus non minus determinatur ad quærendam veritatem, & assentiendum veriori, quam in practicis; ergo ut in illis sufficit quælibet apparentia veritatis, ita & in istis.

Resp. neg. conf. Nam in speculativis nullum malum imminet animæ ex errore, sicut in practicis.

Resp. 2. neg. ant. Nam quantum est ex parte intellectus, tam determinatè inclinatur ad assentiendum vero in practicis, quam in speculativis.

Objic. denique. Non tenemur ad sequendam tutiorem partem, saltem semper, modò sequamur tutam; ergo nec ad probabiliorē. Ant. patebit infra prob. conf. nam probabilior est etiam tutior, & vicissim.

Resp. neg. conf. & rationem ejus. Neque enim tutior est semper probabilior, ut mox patebit, alioqui concederem totum; quid inde absurdi, vel inconvenientis, quod teneamur sequi tutiorem?

Ex dictis patet, quid sentiendum de Judice, Parrocho, Confessario, Advocato, Medico, Ministro Sacramentorum, & de Principe, an debeant sequi dictamen conscientia juxta probabiliorē opinionē. Nam qui putant licere sequi minus probabilem, adhuc suam sententiam limitant quoad istos casus ob particulares rationes, quas assignant; sed nos, qui putamus, quod generaliter quoties agitur de vitando peccato semper præferenda est probabilior, non egemus hac limitatione; idè restat videndum de conscientia tuta, & tutiori.

## QUÆSTIO IX.

*De conscientia tuta, & tutiori, an semper hæc præferenda sit.*

**J**Am diximus non semel *tutum* in moralibus dici illud, quod distat à peccato, & *tutius*, quod magis distat, & istud est, quod magis adhæret partibus legis, ac præcepti; & quæritur, an in concursu duarum opinionum, quarum una est tutior, & magis favet legi, altera tuta, seu minus tuta, quæ magis favet libertati, semper eligenda sit tutior, & hoc sive sit probabilior, sive non.

## CONCLUSIO.

**N**on tenemur sequi semper opinionem tutiorem, nisi sit etiam probabilior, vel æque probabilis.

Prob. 1. ex Scoto [1] citato in præcedenti. Nam ibi docet, sequendam esse probabiliozem, & quando assignat tres regulas, quibus docet viam tutissimam, aut tutissimæ proximam tenendam, si adest possibilitas, non loquitur de possibilitate phylica, sed moralis, & in casibus dubiis, non autem in iis, in quibus non est dubium de licitate, aut illicitate, sed ratio, vel auctoritas gravis trahit intellectum in illam partem, quæ favet libertati, quæque ideo minus tuta est; ergo quando non potest teneri via tutior, aut tutissima sine gravi incommodo, ut sæpe contingit, sufficit via tuta cum opinione probabilis, aut probabiliori, etiam ex Scoto.

Prob. 2. Quia nulla lex divina, aut humana imponit nobis tantum onus; ergo non semper obligamur ad tutiorem eligendam. Prob. ant. 1. de divina, nulli enim id constat, sed potius de opposito; ut de Machabæis vidimus, qui cum posset sine periculo peccati, & violationis legis die Sabbathi abstinere à prælio, ut fecerant fratres eorum, & id esset tutius, elegerunt tamen prælium inire: sic nec Josue cessavit à circuitu Jericho in die Sabbathi: sic Christus docuit curationem leproforum non violare illud, contra  
opinio-

[2] 4.d.3.q.2.R.n.10.

opinionem Judæorum, quæ videbatur favere legi, & tutior erat, & legimus, quòd *iugum Christi*, & legis Evangelicæ *est suave*; & quòd *mandata ejus gravia non sunt*, ut essent, si in omni occasione disputandi de obligatione legis, aut libertate, deberemus semper abstinere ab operibus, quæ lex videtur prohibere, aut facere, quæ videtur præcipere; & si hoc alicubi reperiretur in lege divina scripta, contrarium docentes essent hæretici, quòd nemo dixerit. 2. Neque in lege humana, Ecclesiastica, vel civili, quia nullus potest assignari Canon, vel Decretum Conciliare, vel Papale, aut edictum regium, in quo id præcipiatur; ergo obligatio sequendi tutiorem non constat ex lege ulla divina, vel humana.

Confir. ex usu, & praxi Ecclesiæ, quæ in dubiis, & difficultatibus ortis circa sensum legis divinæ, aut Ecclesiasticæ sæpius decidit in favorem libertatis, ut patet ex dispensationibus omnibus circa vota, jura-menta, matrimonia, &c. in his enim Papa non sequitur tutiorem, sed probabiliorem, & tutam: v. g. cum dispensat in matrimonio rato, non sequitur tutiorem opinionem de indissolubilitate ejus, quæ dicitur de jure divino juxta illud, *Quod Deus conjunxit, homo non separet*, quod de rato æque, ac de consummato putarunt dici Principes Theologi, & id videtur tutius, quia stat pro lege; Pontifices verò stant pro opinione probabiliore, quòd loquatur de matrimonio consummato, in quo conjuges facti sunt una caro, & sic explicantes legem dispensant, & dissolvunt in matrimonio rato; ergo Ecclesia tunc recedit à tutiori, ex causa tamen, & quidem gravi; ergo sic docet, non semper hærendum tutiori, cessante probabilitate. Sic cum disputatur circa præceptum divinum hoc, *non occides*, an loquatur in casu iustæ defensionis contra aggressorem, tutius esset non occidere, & sic melius adimpleretur præceptum, & tamen non damnantur illi, qui cum *moderamine inculpatae tutelæ* occidunt injustum aggressorem juxta probabiliorem, relicta tutiori.

Idem accidit in aliis præceptis etiam divinis, v. g. de nonjurando, optime, & tutius illud impleretur, si juxta Divi Jacobi [1] præceptum, *Sis sermo vestester*

[1] 22. q. 1.

*est, est, non, non*; & tamen aliquando juramus, & id permittitur, juxta caput *omne*, & cap. [1] & *si Christus*: sic qui numquam furaretur etiam urgente maxima necessitate, tutius, ac melius impleveret præceptum, *non juraberis*; & tamen non improbat furtum in casu necessitatis maximæ, & constat ex cap. [2] *discipulos*: sic in multis casibus toleratur non integritas confessionis, & labor servilis in diebus Dominicis, & festivis ex cap. *licet* Dixi, *nisi tutior sit etiam probabilior, vel æque probabilis*, scilicet opinio, quæ stat pro minus tuta, seu pro libertate debet esse probabilior: nam si utraque pars sit æque probabilis, & à fortiori si tutior sit etiam probabilior, non licet sequi minus tutam præ tutiori; nam tunc valent omnino tres regulæ Scoti prædictæ; perinde enim se haberet, ac in dubiis, ut probatum est, & patet ex cap. *sicut*: *Illam semper servata consideratione*, inquit Leo Magnus, [3] *ut in iis, quæ vel dubia sunt, vel obscura, id noverimus sequendum, quod nec præceptis Evangelicis contrarium, nec decretis SS. Patrum inveniamur adversum*; scilicet sequendum dictamen, quod favet legibus divinis, vel humanis; ergo & quod tutius est.

Prob. 2. Ista pars, vel dubium, seu quæstio, seu problema est circa jus, vel circa factum, vel circa intentionem; sed in quacumque materia semper est eligenda tutior: ergo vera est concl. quoad hanc partem, sc. quòd tenenda est tutior, si est probabilior, vel æque probabilis. Prob. min. per partes, & 1. circa jus id probat Canon citatus ex D. Leone, & cap. ad *audientiam*, & cap. *juvenis*, ubi dicitur, quòd *in iis, quæ dubia sunt, quod certius æstimamus, tenere debemus*, & sic decernit in favorem legis, & quia *in dubiis viam debemus eligere tutiorem*, idcirco in favorem legis judicans vult sacerdotem à sacris ministrandis abstinere, de quo dubitabatur an esset causa mortis famuli sui, 2. circa factum, quando illud non est certum, SS. Canones [4] judicant in favorem rei, *Ne innocens graveur*; nam *grave satis est, & indecens, ut in re dubia certa detur sententia*, inquit Greg. Magnus [5] *c. grave*, addit-

[1] *De jur. jur.* [2] *De consecr. d. 5.*

[3] *Dist. 14.* [4] *De homicidio.*

[5] *De sponsal.*

additque, [1] quòd in rebus ambiguis *absolutum non potest esse iudicium*, ut dicitur cap. *habuisse*; & ratio est, quia in his casibus tutius est stare pro lege charitatis, quæ lex est naturæ; sed si agitur de salute animæ, & sine præiudicio, & sine gravamine alicujus fieri potest, eligenda est pars, quæ favet præcepto: v. g. si dubitetur, an aliquis sit baptizatus, debet iudicari quod non, & sic debet baptizari sub conditione, ut patet ex cap. *de quibus*, & cap. *parvulos*, &c.

3. Circa intentionem, qua aliquid factum est, semper tutior pars eligitur juxta legem charitatis, & in bonam partem interpretandum; v. g. Eleemosynæ, orationes, & similia opera pia censenda sunt facta ex bona intentione; imò & si sunt opera indifferentia, nisi adsint vehementia indicia pravi finis, quia qui sic iudicant, tutiores sunt, & remotiores à periculo peccandi contra legem charitatis, & iustitiæ naturalis.

Prob. 3. ex Divo Bonaventura, quia qui sine gravi incommodo potest tutiorem partem sequi, si non sequatur, videtur contemnere suam salutem: dico, *sine gravi detrimento sui, vel alterius*; quia Deus, qui suaviter regit nos, cum jugum ejus sit suave, non exigit, ut procuremus nobis salutem summo semper discrimine; sed si hoc non urgeat, evidenter apparet, eum suam salutem negligere, qui potens vitare periculum eam perdendi per peccatum, non viam tutiorem salutis amplectitur, quando non habetur ratio probabilior in contrarium.

Confir. ex Concilio Viennensi in clementina data pro Franciscanis, ubi Pontifex sic loquitur, *Nos attendentes, quòd in his, quæ salutem animæ respiciunt, ad evitandas graves remorsus conscientie, pars securior est tenenda*, &c. Non urgerent autem remorsus graves, si haberentur rationes efficaciores pro parte minus tuta, & quando non habentur, sequenda est tutior. Plura de hac materia, & maxime de probabilitatibus tractant ex professo Theologi Casuistæ, & Morales; hæc pro nunc plusquam satis.

## DISPUTATIO VI.

*De regulis externis morum, & 1. de legibus  
in genere.*



UAM diximus, mores hominum dirigi internè per rectam rationem, quasi per regulam naturalem, ac necessariam; & maximè per dictamina conscientiæ, de qua jam jam diserebamus & quæ leges, ac regulas externas nobis ostendit; externè ve rò per leges, ad quas respiciens intellectus, & ratio nostra, seu conscientia illis conformare debet actus suos, & appetit ones voluntas, ut rectæ sint. Ideò postquam diximus de conscientia, videndum de legibus, & quidem de naturali positiva divina, vel Ecclesiastica; nam de civilibus non est nostri instituti, sed jurisperitorum. De aliis etiam breviter dicemus, quantum ad institutum nostrum sufficiat.

## QUÆSTIO I.

*Quid, & quod simplex sit Lex.*

Lex dicitur 1. a *ligando*, quia ideò est, ut liget, seu obliget ad aliquid faciendum, vel omittendum. 2. à *legendo*, quia in legibus leguntur, quæ faciendæ sunt, vel omittendæ. 3. ab *eligendo*; quia in lege vides, & eligis quæ diligas, vel fugias, & communiter scripto tradi solet. Alia sortitur nomina; dicitur enim 1. *iur*, quia, quod iustum est, præcipit, & quod iniustum est, vetat, & *iur* oritur ex lege; est enim id, quod statuitur à lege, *iur* enim dicitur vel à iustitia, quæ suum cuique tribuit, vel à facultate legitima aliquid faciendi, vel omittendi, vel à iubendo, quia importat actum præcipiendi. Et *iur* in hoc sensu idem est cum *lege*, quæ præcipit, & in 1. & 2. est effectus legis, quæ dat legitimam facultatem aliquid faciendi, & dirigit iustitiam. 2. *Statutum* propter stabilitatem, ac firmitatem, quam habet, & dicitur de lege principis inferioris. 3.

*Con-*



*Constitutio*, quia ad rectè statuendum prærequiritur multorum consilium, & concursus: differt tamen à lege, quia *constitutio* dicitur de sola lege principis, lex verò etiam de lege populi. 4. *iur*, quia, ut dicebamus, quod iustum est, notat, & præscribit, ac regulat. 5. *Præceptum*, aut *mandatum*, quia præcipit, ac mandat, quæ agenda sunt. Sed non quodlibet *præceptum* est *lex*, sed potius dicitur de his, quæ diriguntur ad particulares, etiam pro uno actu, vel tempore. Ad legem aliquo sensu reducitur *decretum*, quo aliquid præcipitur in bonum communis, & *Bannum*, quo similiter aliquid prohibetur; & *Edictum*, quo aliquid præcipitur à Magistratu, vel Prætore, aut alia potestate inferiori.

Lex autem largè sumitur pro quacumque regula agendorum. Sic regulæ cujuslibet artis, v. g. Grammaticæ, dicuntur leges grammaticales. Sic cuiusque rei propensio naturalis dicitur lex ejus: ut D. Paulus agnoscit *legem membrorum*, & *legem peccati*, & *legem mentis suæ*. Sic regulæ morales dicuntur leges morum. 2. minùs latè sumitur pro quibuscumque regulis humanarum actionum, siue sint iustæ, siue iniustæ, ut illæ, de quibus loquitur Isaias: [1] *Vae qui condunt leges iniquas*. Sed propriè sumitur lex pro regula recta, qua actiones humanæ diriguntur in bonum suum, & de legibus hoc sensu hîc loquimur, & quærimus an sint, & in quo formaliter consistant? An scilicet in aliquo actu intellectus cognoscentis finem, & viam ad finem, & illam proponentis voluntati per modum imperii, at volunt aliqui, vel per simplex dictamen, seu directionem, seu ostensionem, & illuminationem, ut diximus de conscientia; An verò in actu voluntatis.

## CONCLUSIO I.

**D**antur leges propriè dictæ, & quidem necessariae sunt hominibus. Est communis, imò est de fide legem Mosaicam extitisse, cui succedit Evangelica. Id patet ex innumeris Scripturæ locis, nec quoad existentiam, seu 1. partem indiget probatione.

Prob.

[1] Isa. 10.

Prob. quoad. 1. p. ex Scoto [1] quatenus dicit, quod expediebat post peccatum Adæ dominia distinguere, & ideo partem sibi propriam cuilibet separare jure legis scriptæ: & constat, quod *post lapsum potuerunt homines habere sapientiam, & prudentiam ad justè, & sapienter condendas leges*: unde si distinctio domini fuit necessaria, & si ad justam distinctionem hanc necessariae sunt leges, ergo istæ sunt necessariae. Et id confirmat, dum exponit leges rectas à Deo datas hominibus inter auxilia, & dona, quibus probat voluntatem salvandi omnes homines, [1] *Vult salvare homines voluntate antecedente, pro quanto dedit eis dona naturalia, & leges rectas*; ergo censet leges divinas esse tales, imò necessarias, velut media ad salutem.

Prob. 2. Quia constat, nullam unquam Rempubli- cam, vel Regnum rectè gubernari potuisse, & subsistere sine legibus; ergo illæ sunt necessariae. Prob. ant. experientia, & quia, ut docet S. August. *regna sine justitia non sunt regna, sed latrocinia*; sed justitia non statuitur solidè sine legibus; ergo sine legibus regna non rectè gubernantur.

Prob. 3. Quia sine legibus, quæ sunt regulæ externæ agendorum, per quas illuminantur homines, ac diriguntur, essemus in maxima cæcitate, & quilibet sibi esset lex, indeque orientur confusiones perpetuæ. Præterea leges summè prosunt ad disciplinam, & exercitium virtutis, & ut inferiores subjiciantur superioribus, & ut utrique Deo; in qua subordinatione sita est salus populorum, & regnorum.

Objic. Fideles omnes sunt liberi à servitute legis; ergo vel non dantur, vel non debent dari leges fidelibus. Prob. ant. ex Scriptura, [2] *Nam Christus non redemit de maledicto legis*. Item, [3] *Lex iusto non est posita*. Denique legum servitus est poena peccati; ergo fideles sunt liberi à legibus.

Resp. dist. ant. à servitute legis Mosaicæ, conc. ant. omnis legis, neg. ant. & ita intelligendus est primus locus Apostoli, 2. verò loquitur de lege quantum ad vim coactivam, non verò directivam, quia iusti non coactè, sed sponte, & complacenter faciunt mandata: ideo lex non onerat, sed alleviat eos. I-

imò

[1] 4.d.15.q.4.n.9. [2] Gal.3. [3] 1.Tim.1.

non quamvis lex nulla juberet, maxime sub pœnam, vel premium, tamen ex charitate facerent, quæ legis sunt, & quæ alii faciunt ex timore pœnæ, vel spæ præmii.

Objic. 2. Sufficit ipsa charitas absque alia lege; ergo aliæ sunt inutiles. Prob. ant. [1] *Plenitudo legis est directio.*

Resp. neg. conf. quia licet omnes leges tendant ad charitatem, aut veniant ab ipsa, & in ea virtualiter, & implicite includantur, tamen debuerunt magis explicitè proponi, ut melius intelligantur.

## CONCLUSIO II.

**L** Ex sufficienter describitur regula constans, & vera honestæ operationis indita, vel præscripta agentibus intellectualibus in bonum commune, & obligans ad aliquid faciendum, vel omittendum.

Prob. 1. Quia sic explicatur sufficienter natura legis in communi secundum genus, & differentiam suam, ut discurrenti per singulas particulas facile patebit. Dicitur 1. *regula*: quod ponitur loco generis; per id enim convenit cum *synderesi*, & *conscientiâ*, quæ dirigunt operationes voluntatis, & cum *hâbnibus artium*, & *scientiarum*, quatenus dirigunt operationes intellectus, & facultatum corporalium secundum certas regulas, quæ hoc sensu dicuntur leges. 2. *constans*, seu *firma*, & *perpetua*; quia duratio, & perpetuitas est de ratione legis, ut dicetur, & per hoc differt à quibusdam *mandatis*, & *statutis*, quæ sunt ad tempus aliquod determinatum ad arbitrium præcipientis. 3. *vera*, seu *recta*; nam de ratione legis est, ut tendat ad bonum, ad quod debet dirigere, & debet provenire à recta ratione, ut sit iusta; & per hoc distinguitur à *statutis*, & *legibus iniquis*, quæ non sunt regulæ veræ; quod patet magis per sequentem particulam. 4. *honestæ operationis*; nam operationes ut honestæ sint, & laudabiles, debent per leges dirigi, & illis regulis esse conformes. 5. *indita*, vel *præscripta*; ut comprehendat leges omnes tam naturales, quæ sunt inditæ, quàm *positivæ*, quæ sunt præscriptæ à Deo, vel hominibus. 6. *in bonum commune*; quia lex debet respicere quietem, & felicitatem

com-

[1] Rom. 13.

communitatis, non verò solam commoditatem privatorum, ut dicemus. *Finis legis posita ab homine*, inquit Scotus [1] *legem ferente non est ipse legislator, aut bonum eius, sed bonum commune*; ergo propter illum finem est lex, & observatio ejus.... & similiter potest dici, quòd *lex divina est propter bonum commune hominum*, quibus data est. 7. & denique obligans ad aliquid faciendum, vel omittendum; quia, ut diximus, lex dicitur à *legendo*, & sic distinguitur maximè ab *exhortatione*, & *monitione*, & à *consilio*, quæ sunt quidem regulæ rectæ in bonum, sed non obligant; de his conveniunt omnes: de singulis conditionibus prædictis magis patebit infra.

Porro lex 1. dividitur in *æternam*, quæ est secundum August. [2] *ratio divina, & voluntas Dei ordinem naturalem conservari iubens, & perturbari vetans*: seu, *ratio Dei judicantis, & volentis talia facienda, aut vitanda pro tempore*: & *temporalem*, quæ in tempore statuitur à Deo; vel ab hominibus, & est veluti participatio quædam legis æternæ.

2. *Temporalis* dividitur in *naturalem*, quæ naturæ rationali est indita, & congenita, & *positivam*, quæ à Deo, vel ab homine imposita est.

3. *Positiva* subdividitur in *Divinam*, quæ à Deo lata est, & fuit duplex, scilicet *veteris testamenti* per Moysen intimata; & *novi* per Christum Dominum lata, & *humanam*, quæ humana auctoritate immediate fertur. Hæc rursus dividitur in *Ecclesiasticam*, quæ à potestate Ecclesiastica manat, v. g. à Papa, à Conciliis, &c. & *civilem*, quæ est à potestate civili, ab Imperatore, à Rege, à Principe, à Republica.

Potest etiam generaliter dividi ratione materiæ in *affirmativam*, quæ præcipit bonum, quod faciendum est, & *negativam*, quæ prohibet malum, quod est vitandum: & hæc divisiō continetur in oraculo illo Psalmistæ, *Becuna a malo, & fac bonum*. Item ratione finis, in quem dirigit, dividi potest in *naturalem*, quæ dirigit in bonum naturæ conveniens, & viribus ejus consequendum, saltem quatenus adeptio ejus non excedit vires nostras naturales, &

*super.*

[1] 4.d.14.q.2.E.n.6.

[2] 22.con.janft.c.27.

*supernaturalem*, quæ dirigit in bonum, seu finem supernaturalem, & supra vires nostras naturales, ut lex Evangelica. De singulis autem his legum generibus dicemus suo loco; sed prius explicandæ sunt legis ut sic natura, & conditiones.

Quæres, *An, & quomodo distinguatur lex à jure, aut ius à lege.*

Resp. Si *ius* dicatur ut derivatum à *iustitia*, idem significat, quod *iustum*, æquum alteri debitum; nam iustitia dicitur *ius suum unicuique tribuens*, & hoc sensu sumptum distinguitur à lege; ut scibile, seu objectum à scientia, & regulatum à regula sua: nam *ius* est objectum iustitiæ, cujus regula est lex; uno verbo lex est regula iusti. 2. si dicatur à *iubendo*, seu *iussu*, tunc idem est cum lege: sed de hoc latius infra.

## QUÆSTIO II.

*An lex sit opus intellectus, an voluntatis.*

**L**Ex considerari potest 1. secundum se, & sic illa est regula, quam mox descripsimus, quæ scilicet dirigit, & obligat agens intellectualem in suis operationibus. 2. prout est in legislatore, à quo habet esse, & vim obligandi, & 3. prout est in subdito, quem dirigit, & illuminat, & obligat ad aliquid faciendum, vel evitandum, aut circa modum agendi: primo sensu certum est, legem esse potius objectum intellectus, & voluntatis, quam actum; est enim ea regula, quæ à legislatore posita est, & ad quam respiciens subditus illi conformat actus suos: in 2. est actus ille, quo princeps iudicat aliquid conducere ad bonum reipublicæ; & ideo vult illud observari: denique in 3. est actus iudicii practici, quo subditus agnoscit, & iudicat talem regulam hic, & nunc esse sibi observandam; seu quo aspiciens ad illam regulam iudicat sibi talem actum esse hic, & nunc faciendum, vel omittendum, & actus voluntatis, quo libere vult obedire, vel non: difficultas autem non est de lege in 1. nec in 3. sensu, sed in 2. quatenus scilicet est in legislatore.

Porro in legislatore interveniunt plures actus;  
ut

ut 1. cognitio boni communis, & intentio illud procurandi suis subditis. 2. cognitio mediorum congruentiam ad illud bonum procurandum; & iudicium practicum de illis hic, & nunc amplectendis, aut statuendis. 3. voluntas conformis tali iudicio, quæ vult, ut quæ bona, & utilia iudicavit, fiant, & quæ iudicavit mala, vitentur. 4. actus ejusdem voluntatis, quo vult, & imperat hæc subditis cum intentione obligandi eos ad imperata exequenda, & de his conveniunt omnes; sed quæritur, an lex præcisè consistat in illo actu iudicii cum isto actu voluntatis.

## CONCLUSIO.

**L** Expositiva in legislatore principaliter, & formaliter consistit in actu voluntatis, quo vult subditos obligare. Ita Scotistæ, & alii contra Thomistas.

Prob. 1. ex Scoto, [1] dicente, quod leges aliquæ generales rectè distantes de operabilibus præfixæ sunt à voluntate divina, & non quidem ab intellectu divino; ergo idem est de omni lege positiva tam humana quam divina; nam eadem est ratio de utrisque, & maximè quia, ut notat idem Doctor, omnes aliæ pendent à divina.

Prob. 2. ex Scriptura, in qua nomen legis recipitur cum volitione, seu voluntate actuali, vel habituali, ut cum dicitur, *In capite libri scriptum est, ut facerem voluntatem tuam, Deus meus volui, & legem tuam posui in medio cordis mei*: nam August. & alii Patres docent, per voluntatem intelligi legem, [3] *In lege domini fuit voluntas ejus*. Eodem sensu dicitur, *Notas fecit vias suas Moysi, & filiis Israel voluntates suas*, id est leges: & alibi, *Det vobis Deus cor omnibus, ut faciatis voluntatem ejus*. Et, [4] *Qui facit voluntatem patris mei, ille meus frater*. Vides semper legem divinam exprimi per nomen voluntatis, quia lex vim obligandi habet à voluntate Dei legislatoris.

Confr. hoc ex legibus civilibus, quæ dicuntur placita principum: *Quod principi placuit, legis habet vigorem*.

[1] 1. d. 44. [2] 4. d. 15. q. 3.

[3] Ps. 39. [4] Matth. 7.

*vigorem*. sic ex August. *arbitraria principum pro legibus erant*; & ex Cicerone [1] *lex dicitur ab Electione*, quæ est actus voluntatis.

Dices, hinc colligi quidem, quod voluntatis actus requiritur, & connotatur in lege, sed non impedit, quin principaliter pendeat ab intellectu.

Contra 1. Quia quæ connotativè, aut præsuppositivè tantum pertinent ad aliquid, non solent exprimi absolute, & tanquam principale; sed in his textibus voluntatis actus significatur absolute, & principaliter; nam lex ibi dicitur absolute *voluntas*, *placitum*, *consensus*, aut *electio*; ergo actus voluntatis est principalis causa, & ratio legis. 2. quia actus intellectus, & prudentiæ potius præsupponitur actui voluntatis; nec enim princeps juberet aliquid fieri, aut vitari, nisi ex sua prudentia judicaret id ita expediens bono reipublicæ, & populi; nec enim illud agnoscit esse bonum, quia jubet fieri, sed è contra ideo jubet, quia cognovit illud esse bonum; ergo jussio, seu volitio est potius complementum constitutivum legis, quam dispositio ad illam: sic mandatorum observantia non est necessaria ad salutem, quia Deus videt hanc necessitatem, sed quia id ita voluit, cum præcepit per imperium voluntatis suæ, *Si vis ad vitam ingredi serva mandata*; unde autem illud est necessarium? inquit Scotus, [2] *dico, quod à voluntate divina præcipiente illud observari, non ab alio syllogismo practico*.

Prob. 2. Ad eam facultatem spectat condere leges, ad quam spectat ordinare in finem; sed istud spectat ad voluntatem; ergo & illud. Maj. patet, quia lex dirigit hominem in bonum suum, & felicitatem, Prob. min. finis ut comparandus est objectum voluntatis; ergo quæ ordinant ad finem, spectant ad voluntatem.

Confir. Nam, ut dicebamus ex Scoto, medium non ideo præcisè est necessarium ad finem, quia Deus videt, sed quia vult; quia voluntas ejus est prima, & indefectibilis regula nostrarum operationum. Et certè si omnia media ad beatitudinem sumerent suam necessitatem, & vim obligativam ex Dei scientia, obligaremur ex præcepto, & ex necessitate salutis ad omnia; ergo si ad hæc potius obligamur,

Tom. IV.

S

quàm

[1] *L. 1. ff. de constit.* [2] *2. d. 37. d. n. 8.*

quàm ad alia, v. g. ad præcepta Decalogi, & Evangelii potius, quàm ad præcepta legis veteris, id venit præcisè, & principaliter à Dei voluntate.

Prob. 3. In eo principaliter consistit ratio legis ex parte legislatoris, quo posito ponitur lex ut ligans, seu obligans, & quo sublato, non est lex obligans; sed posita iussione voluntatis ponitur, & ea sola sublata tollitur lex obligans; ergo ut talis pendet ab actu voluntatis. Prob. min. quia non ideo teneor feriari in die dominico, vel audire Missam, quia hæc de se bona sunt, & Deus id ita videt, sed quia id ita jubet; sed iussio physica pertinet ad voluntatem, ut suppono ex tract. de anima; quippe in regno hominis sola voluntas dicit, *sic volo, sic jubeo*, & sublata hac iussione, non teneremur nec feriari, nec audire Missam in festis, nec jejunare in quadragesima; ergo, &c.

Prob. 4. Quia lex ex parte legislatoris est libera; ergo non est actus intellectus, qui non est liber: prob. ant. Nam in Deo nulla lex positiva est necessaria, sed omnes sunt contingentes; non enim agit ad extra, nisi contingenter.

Objic. 1. Lex est imperium formaliter; sed imperium pertinet ad intellectum; ergo & lex. Prob. min. ex Scriptura; [1] *Præceptum Domini lucidum illuminans oculos. Et, Lucerna pedibus meis verbum tuum, & lumen seminis meis*: unde proprium, & finis legis est dirigere, illuminare, docere, regulare, ordinare, &c. sed hæc pertinent ad intellectum; ergo & legislatio.

Resp. dist. min. imperium morale, directio, regulatio per modum consilii, & ostensionis simplicis, conc. min. per modum legis, & præcepti, neg. min. cognitio intellectus imperat, dirigit, regulat, ordinat, ut consiliarius regis, dictando, dicendo, ostendendo, proponendo, quod videtur bonum, & malum, & consulendo, quod utile videtur, sed non præcipiendo; quod spectat ad voluntatem, & ad Regem, quatenus ille solus potest dicere *volo, jubeo, statuo*, &c.

Inst. Imperium formaliter consistit in intimatione voluntatis superioris; sed illa intimatio est actus intellectus; ergo & imperium; ergo & lex. Prob. maj.

nam



nam in legislatione hæc interveniunt in legislatore. 1. *judicium* intellectus de utilitate rei agendæ 2. *electio* voluntatis circa rem agendam. 3. *imperium* sequens *judicium*, & *electionem*, quo intimantur illi duo præcedentes actus; sed in hoc 3. consistit formaliter *lex*, seu *imperium*; ergo est formaliter intimatio voluntatis regis.

Resp. 1. neg. maj. aliud enim est *lex*, & *imperium* propriè sumptum, aliud promulgatio legis, & præcepti. 2. neg. min. nam intimatio, seu promulgatio non est actus intellectus, nequidem in legislatore, & gratis omninò fingitur ille 3. actus; ex duobus enim primis existit *lex*.

Inst. 2. De ratione legis est obligare subditos, ita ut teneantur ei obedire; sed non tenentur obedire sine intimatione; quia sine illa non cognoscunt obligationem suam, nec voluntatem principis; ergo intimatio est de ratione legis.

Resp. dist. min. ita ut intimatio, & cognitio legis sit conditio, sine qua *lex* non obligat subditum, conc. min. ita ut sit de ratione formali constitutiva legis, neg. min. hæc enim petitur, & consistit in volitione superioris, qua sic statuit, & imperat, ut sibi obediatur; & ut de facto id fiat, quod jubet, vult iustitiam intimari subdito.

Inst. 3. Quando Deus intimavit Abraham, & præcepit sibi immolari Isaac, non fecit hoc per volitionem obligandi Patriarcham, imò volebat immolationem; ergo præceptum, seu *lex* non est actus voluntatis.

Resp. neg. ant. & ad rationem ejus dico, Deum præcepisse, & voluisse non immolationem in effectu, sed in affectu Abraham.

Objic. 3. *Lex* hæc duo importat, obligationem, & directionem; ergo tam consistit in actu intellectus, quam voluntatis: patet ant. quia est regula humanæ operationis: prob. cons. vim directivam habet *lex* ab intellectu, cujus est illuminare, & regulare per dictamen; & obligativam à voluntate, cujus est imperare, & movere; ergo utrumque actum includit; nec enim unum sine alio facit legem integram.

Resp. neg. utramque cons. nam directivitas physica in lege per modum imperii, & obligationis venit ab

imperio voluntatis, sicut directivitas moralis in consilio venit à prudentia consiliiarii.

Inst ex Scoto, [1] *Lex positiva iussè requirit in legislatore prudentiam, & auctoritatem; prudentiam, ut secundum rectam rationem practicam dicat, quid faciendum à communitate; auctoritatem, quia lex dicitur à ligando; sed prudentia est in intellectu, & auctoritas ligandi est in voluntate; ergo in utroque simpliciter consistit ratio legis.*

Resp. dist. maj. requirit prudentiam, velut præsuppositum, & dispositionem ad ferendam legem iustam, conc. maj. velut actum legislativum, neg. maj. & cons. nam ex ipso textu patet, quòd lex solam vim obligativam importat, quæ est ab auctoritate, & voluntate jubentis.

Dixi autem 1. *lex positiva*; nam lex naturalis cum non consistat in actu ullo, sed sit insita, & inscripta in rebus ipsis ex parte legis objectivæ nihil est aliud, quàm ipsa bonitas, seu honestas, vel inhonestas rerum factibilem, & fugibilem, ad quas sequitur obligatio illas prosequendi, vel fugiendi.

Dixi 2. *in legislatore*; nam in subdito certum est legem esse objectivè in intellectu, & dictamen intellectus, quo juxta legem judicat hic, & nunc esse jejunandum, audiendam missam, cessandum ab operibus servilibus, amandum Deum, vitandam blasphemiam, &c. uno verbo, lex in subdito est cognitio legis à superiore latæ; & ut talis proximam vim habet obligandi, & quidem per modum objecti cogniti; sicut idea, & exemplar, ad quod respiciens artifex fecit opus.

Igitur lex formaliter in legislatore est ea voluntatis determinatio, qua vult subditum obligari ad aliquid faciendum, vel vitandum: v. g. lex divina in Deo est volitio efficax, non præcisè qua vult rem aliquam fieri, v. g. me amare proximum; sic enim semper id fieret, quia volitio Dei efficax non frustratur; sed qua vult me obligari ad ipsum super omnia diligendum, & proximum sicut me ipsum: & ita est de lege humana.

## QUÆSTIO III.

*De conditionibus requisitis ad legem.*

**I**Nter conditiones legis, ut valida sit, & obliget, multa requiruntur; v. gr. *quid* præcipiatur, aut prohibeatur; 2. *cur* præcipiatur, 3. *à quo* præcipiatur 4. *cui* præcipiatur. 5. *quando*, seu *quandiu*, & 6. *quomodo*, nam attenditur 1. ad materiam ut ad finem, 2. ad auctorem, seu legislatorem, 3. ad subditum, 4. ad formam, ac modum, quo feratur, ut liget, & 5. *quandiu* liget: & quæritur 1. an sit de necessitate legis, ut sit iusta. 2. An debeat esse ob commune bonum. 3. An à quolibet ferri possit. 4. An cuilibet possit imponi, v. g. alicui particulari. 5. An ad tempus, vel in perpetuum. 6. An debeat promulgari. 7. An à subditis acceptari. Quæ omnia breviter hic expedientur.

Porro supponimus 1. legem ad aliquos dirigendam. *Scimus*, inquit Apostolus, *quoniam quæcumque lex loquitur, iis, qui in lege sunt, loquitur*: & quidem patet ex definitione allata, quod respicit creaturam rationalem, & maximè homines, ut terminum suum naturalem, licet Angeli non sint incapaces legum.

2. *Communitas* est vel *ex natura*, ut omnes, qui in natura aliqua participant, & in essentia communitate conveniunt, ut omnes homines, seu totum genus humanum; vel *ex instituto*; scilicet ex institutione politica, aut mystica, & voluntaria congregantur in aliquo cœtu, ut in civitate, vel regno, aut provincia, ut communitates politicæ, ac sæculares; vel in aliqua religione, ut communitates Ecclesiasticæ; 1. *communitas* est à natura, 2. est ab hominibus, vel à Deo, jure scilicet humano, vel divino, civili, aut Ecclesiastico.

Rursus *perfecta communitas* est, quæ sibi ipsa sufficit, & in qua est iurisdictio ad politicam gubernationem, ut Respublica: *imperfecta* verò, quæ non habet eam iurisditionem, ut familia domestica.

3. Lex dicitur iusta 1. vel *ex objecto*, quod de se honestum est positivè, aut saltem negativè, scilicet non malum; & istud fit bonum ex præscripto

legis, quæ ordinat illud in bonum finem: vel 2. ex *legislatore*; si fert illam ex bona intentione: vel 3. ex *forma*, seu modo, quo fertur; scilicet si fertur ob commune bonum; ex legitima auctoritate, & secundum æqualitatem proportionis, non gravans aliquos, ut alios levet, 4. *Perpetuitas*, de qua hic agitur, non est à parte ante; hæc enim soli legi æternæ divinæ convenit, sed à parte post, & in futurum; & hæc est vel *positiva*, quæ ex terminis expressis æquæ, ac ex natura rei debet perseverare; vel *negativa*, seu indifferens, quando lex indefinitè fertur nullo termino durationis præfixo; & queritur, quænam istarum spectet ad legis naturam.

5. *Potestas* alia est *iurisdictionis*, & *publica*; alia *privata*, seu *politica*, & *domestica*, seu *paterna*; illa in Rempublicam extenditur, in regnum, in principatum, & civitatem; ista in familiam, uxorem, filios, servos, & domesticos.

## CONCLUSIO I.

**D**E ratione veræ legis est, ut respiciat bonum commune, & quoddam sit iusta.

Prob. 1. ex Scoto [1] dicente, quoddam aliquid est ordinatum, & fit ordinariè 1. ordine universali, quod pertinet ad legem communem; sicut ordinatum est secundum legem communem, omnem finaliter peccatorem esse damnandum, ut si rex statuatur, quoddam omnis homicida moriatur, 2. modo ordine particulari circa hoc iudicium, ad quod non pertinet lex: quia lex est de universalibus casibus, de casu autem particulari non est lex, sed iudicium, ad quod non pertinet lex, sed iudicium secundum legem, &c. Et hoc probat 1. partem. Pro utraque autem facit, quod jam adduximus. [2] Lex positiva iuste requirit prudentiam in legislatore, ut secundum rectam rationem practicam dicat, quid faciendum pro communitate, &c. quomodo autem prudentia poterit haberi ad cogitandum leges iustas satis patet; quomodo autem auctoritas iusta habetur, quæ cum hoc requiritur ad legem iustam, &c. ergo lex non solum debet esse iusta, sed etiam pro communitate, non autem pro particulari.

Prob. 2. ex Patribus; [2] Lex erit omne, quod ratione con-

[1] 4.d.44.D.n.4. [2] d.15.q.2.D.n.6.

constiteris, quod religioni congruat, quod discipline conveniat, quod salutis proficiat: (Hæc probant legem debere esse justam) quod nullo privato commodo, sed pro communi civium militate conscripta. S. Isidorus: Quod iure fit, iuste fit. Et August. [2] non enim iura putanda sunt, vel dicenda iniqua. Et in iure civili dicitur, [3] quod lex est commune præceptum: & quod iura non in singulas personas, sed generaliter constituuntur: unde definitur lex commune præceptum, virorum prudentium consuetum, delictorum, quæ sponte, vel ignorantia contrahuntur, correctio; communis reipublicæ sponsio. Et iure Canonico [4] habemus, quod ideo lex proditur, ut appetitus noxius sub iuris regula limitetur, per quam genus humanum ut iuste vivat informetur. Habes iustitiam, & communitatem.

Prob. 3. quoad 1. p. 1. ex Scriptura; Væ pastoribus Israël, qui pascebant semetipsos, 2. quia de facto nulla habetur lex, quæ non respiciat bonum communitatis. Nam lex æterna respicit omnes creaturas capaces legis. Natura is, quæ est participatio ejus, omnes ligat; & tendit in bonum universi. Positiva divina respicit omnes homines, ut ad salutem dirigendos, Politica denique, seu humana respicit tranquillitatem, & incolumitatem statuum, regnorum, civitatum; & ad hoc sunt Principes, Reges, Præsidentes, & Prælati, ut scilicet invigilent communi bono: nam ex Arist. differunt in hoc Tyranni à veris regibus, & principibus, quod illi propriis commodis student, etiam cum detrimento populorum, isti verò populorum lucris; & sicut omnis potestas est à Deo, & hominibus, ut communi bono provideat, ita primarius finis omnis legis, quæ est principalis actus talis potestatis, est commune bonum. Dico, primarius, nam ipse Princeps potest etiam sibi, & particularibus prospicere; sed quæ singulares personas respiciunt, dicuntur præcepta, & expirant morte præcipientis; sed quæ communitatem concernunt, dicuntur leges, & sunt perpetuæ; quod non potest dici de his, quæ statuuntur pro singularibus, qui cum moriantur, & contingenter existant, non possunt reddere leges perpetuas; ergo lex respicere debet commune bonum.

S 4

Prob.

[1] Isidor. 5. Etymol. c. 2. [2] 19. de civ. 21.

[3] L. de leg. &amp; L. iura ff. de leg. [4] Proxm. decretal.

Prob. 2. p. de iustitia primò ex definitione communi legis, qua dicitur *ordinatio rationis*; quod enim rationale est, non potest esse iniquum. 2. quia lex omnis positiva est aut divina, aut humana; sed neutra potest esse injusta; ergo omnis lex debet esse iusta. Prob. min. 1. patet de divina. 2. humana ut sit vera lex debet derivari, & conformari divinæ, & increatæ. *Per me reges regnant*, (inquit Divina Sapiencia) *per me principes imperant*, & *legum conditores iusta decernunt*: quæ autem sit lex iusta ipse August. determinat breviter; *Nulla, nisi quæ vel descendit à lege divina* (sicut conclusiones practicæ à principiis practicis) *vel quæ concordat legi divinæ, aut ad minus quæ non discordat*, ergo nec ista potest esse injusta, aut lex non erit, sed prævaricatio, & iniquitas; nec bonum commune respiciet; sed destructionem communitalis, & Reipublicæ. 3. patet etiam ex priori parte: nam non tenderet in bonum commune, nisi esset iusta, & de re honesta; quandoquidem ordinatur ad dirigendas creaturas racionales, quæ ut tales non habent pro fine, nisi honestum, seu bonum rationi consentaneum.

Objic. v. Lex divina circa beatificationem hominis est vera lex, & tamen est singularis, & singulariter imponitur: *Si vis ad vitam ingredi, serva mandata*: sic lex naturalis singulares personas obligat ad tuendam vitam suam, & hæc est bonum singulare: sic lex de danda eleemosyna, & de correptione fraterna habet pro objecto bonum privatum pauperum; & peccantium; ergo de ratione legis non est, ut sit propter bonum commune.

Resp. conc. maj. & dist. min. non respiciunt communitatem, sed personas singulas immediate, & in modo loquendi, conc. min. mediate, ultimate, & in substantia, neg. min. & conf. Nam licet Deus, & alii legislatores videantur loqui uni personæ, de facto loquuntur omnibus in uno singulari vago, & indeterminato; alioqui nec Decalogus esset lex; quia in singulari loquitur, *diliges*, &c. *non habebis Deos alienos*, &c. 2. Tuitio propriæ vitæ, sublevatio pauperis per eleemosynam, correptio privata singulorum peccantium ultimate respicit bonum communitatis humanæ in

in singulis suis membris; & ejus interest valde, ut conserventur, & non interficiantur propria auctoritate; ut singuli abstineant ab homicidiis; ut charitas mutua vigeat; pax foveatur; peccatores corrigantur charitative à privatis, & juridicè ab Ecclesia.

Objic. 2. Privilegia sunt leges; ergo non est necesse, ut leges sint ob commune bonum.

Resp. neg. ant. Propriè loquendo sunt potiùs exceptiones à lege. Dicuntur tamen leges privatae.

Inst. Quando Deus per Samuelem explicat jura Regum, multa eis tribuit, quæ cedunt in eorum proprium commodum, & potius in commune detrimentum, ut est tributorum impositio; ergo leges Regum non semper sunt de bono communi.

Resp. neg. conf. Nam Samuel hæc dicebat, non quòd tale sit verum, ac legitimum jus regum, sed potiùs injuria, quæ solet irrogari à malis regibus, & hoc ut deterreat eos à petitione regis. Quoad vectigalia verò, & alia onera, quæ imponunt populis, sunt in se justa, & in bonum publicum; nam ut loquitur Conc. Lat. sub Julio II. Orator insignis, [1] *si nullæ sunt opes principis, civitatem tutari non potest*, &c.

Objic. 1. contra 2. p. Si Rex ferret legem ex se bonam, & in ejus intentione ferretur ex odio, & in perniciem alicujus privati, non minùs esset lex; sed tunc esset injusta; ergo injustitia non aufert rationem legis.

Respondent Jurisdoctores, neg. maj. quia mandatum esset abusus, non usus justus potestatis regis.

Resp. 2. dist. min. esset injusta per accidens, & extrinsecè, conc. min. per se, & in ratione legis, neg. minor. non enim minùs inde promoveretur bonum commune, nec requiritur sanctitas personalis in legislatore, multi nequissimi Principes, & Prælati sanctissimas leges tulerunt. [2] *Super cathedram Moysi sederunt Scribæ, & Pharisei; (nequissimi sc. Hypocritæ) omnia quaecumque dixerint facite, secundum opera eorum nolite facere.*

Inst. Leges plurimæ permittunt mala; ergo non sunt justæ.

Resp. neg. conf. cùm enim permittunt aliqua mala, id faciunt ex fine boni Reipublicæ, cui ex nimia cautela, & rigore impenderet aliqua perniciēs.

S

CON-

[1] *Christoph. marcel.* [2] *Matth. 23.*

## CONCLUSIO II.

**L**EX positiva debet ferri à publica potestate, & quidem suprema.

Prob. 1. p. ex Scoto [1] cit, quia *lex dicitur à ligando*; sed non quæcumque sententia prudentis ligat communitatem, nec aliquem, si nulli præsideat; ergo lex debet esse ab habente legitimam, & supremam auctoritatem, qualis est in rege super omnem populum Regni, & in patre super filios: Illa est ex jure politico, ista ex naturaliter divino: Id enim præcipiunt leges Moyſis, & Christi, imò & civiles. Igitur potestas legislativa spectat ad communitatem, vel ad eos, in quos communitas consensit, & quibus contulit hanc potestatem.

Prob. 2. p. quia de ratione legis est, ut obliget ad sui observantiam, & quidem omnes; sed non obligaret, nisi esset ab habente supremam potestatem, & jurisdictionem; ergo &c. patet maj. quia ex dictis lex in hoc differt à Consilio, quod istud non obligat per se, bene verò illa: prob. min. quia debet obligare totam communitatem; sed non obligaret totam, nisi legislator haberet supremam potestatem, scilicet in totam communitatem: non enim obligaret superiores, nec æquales; quia par in parem non habet imperium; ideo legis periti dicunt, quòd *tantum habet quisque de auctoritate condendi leges, quantum habet de jurisdictione*. Nemo autem potest obligare non subditos.

Objic. 1. ex Scriptura, [2] *Gentes, quæ legem non habent*, scilicet à Deo, vel ab homine, *ipsi sunt sibi lex*; ergo lex non exigit esse à potestate publica.

Resp. dist. ant. Sunt sibi lex naturalis, & improprie, conc. ant. lex positiva, & proprie, neg. ant. & cons. quia hic loquimur de lege positiva, & in rigore. Præterea ipsa natura, & Deus est auctor legis naturæ; & sic neque lex naturæ est sine publica potestate, & suprema.

Objic. 2. Lex nihil aliud est, quàm regula dirigens in bonum commune; sed ad hanc non requiritur alius legislator, quàm singulorum ratio, quæ id cognoscitur; ergo ad legem non requiritur alia potestas.

Resp.

[1] 3.d.15.q.2.D.n.6. [2] Rom.2.



Resp. dist. maj. regula positiva, aut naturalis, seu innata, & indita, vel lata, conc. maj. & neg. min. sola naturalis, & indita, neg. maj. & conf. nam lex positiva pendet ab auctoritate publica, naturalis verò, & innata est ab objectis, & natura eorum, prout cognita ab intellectu; & de hac lege non loquimur.

## CONCLUSIO III.

**P**romulgatio est necessaria; non ut sit lex, sed ut obliget, non autem acceptatio, saltem per se, & ex natura legis.

Prob. 1. p. 1. ex Scoto [1] dicente, legem baptismi non obligasse præcisè à die institutionis, sed post sufficientem promulgationem, juxta illud Christi, *Si non venissem, & loquutus eis non fuisset, peccatum non haberent*: ex quo dicto, inquit, accipio istam propositionem, quod nullus tenetur ad aliquod præceptum divinum, nisi per aliquem idoneum, & authenticum sibi promulgetur, vel fama veridica, & testimonio bonorum, cui debet quilibet credere rationabiliter; & hoc intelligo de lege positiva, quæ non est nota interior in corde, &c. & ob eandem rationem paulo inferius ait, *legem Evangelicam non obligasse homines omnes, & ubique eodem tempore, & nisi post publicam, & solemnem prædicationem*.

Prob. 2. ratione ejusdem, quia lex non obligat, nisi ut cognita; sed non est sufficienter cognita sine promulgatione; ergo sine illa non obligat: min. supponitur ut certa; nemo enim tenetur, vel potest scire, quid sit in mente Dei, vel Regis, nisi ipse revelet: unde Christus ipse dicebat: *Si non venissem, & loquutus fuisset, peccatum non haberent*; ignorantia autem, seu nescientia invincibilis excusat à peccato, ut diximus.

Confir. ex Scriptura: nam Christus non fuit contentus legem suam condere, & promulgare in Judæa, & Palæstina, ubi ipse prædicavit; sed misit suos Apostolos per mundum universum eam promulgaturos. [2] *Prædicare Evangelium omni creaturæ*. Et, [3] *Euntes in mundum universum docete omnes gentes*

S 6

ser-

[1] 4.d.3.q.4.C.n.4. [2] Mar. 16. [3] Matth. 18.

*servare omnia, quaecumque mandavi vobis: & de facto, ut prädixerat Propheta Regius, [1] in omnem terram exivit sonus eorum.*

Dixi autem, esse de ratione legis, quòd promulgetur, & obliget, non ut sit lex; non est enim de ratione intrinseca ejus, sed velut conditio, sine qua non obligaret; tum quia promulgatio consistit in manifestatione externa in scriptis, aut voce, lex verò essentialiter est actus intellectus, & prudentiæ, ut volunt Thomistæ; aut voluntatis, ut diximus, vel utriusque, ut docent alii, quæ autem sunt in voce, aut scripto, non sunt nisi *signa exteriora eorum, quæ sunt in mente*, ait Arist. 2. quia lex est ab habente jurisdictionem, & dominium supremum; promulgatio verò est à ministris, in quibus nulla est intrinseca potestas; ergo promulgatio est quid valde distinctum ab institutione legis, quæ est actus legislatoris imperantis aliquid faciendum, aut vitandum; actus, inquam, primus, & inducit obligationem in actu primo respectu promulgationis, quæ est actus secundus, & inducit obligationem in actu 2.

Prob. 3. p. 1. Quia Scriptura, SS. Canones, & Patres, & Doctores, quando loquuntur de conditionibus legis, non loquuntur de acceptance, & consensu subditorum, ergo non putant, illam requiri ad hoc ut lex obliget, neque ut sit.

Prob. 2. Quia licet id fortè posset aliquando, & in aliquibus principibus requiri, quia potestatem legislativam, & dominativam habent à populorum consensu, & electione cum certis limitationibus, inter quas ista potest esse, hoc valebit tantum quoad illos, sed non universaliter erit de ratione legis, non solum ut sit lex, sed neque ut obliget, quod maximè verum est de lege naturali, & divina, quasi verò lex Evangelii promulgata non obliget nationes, quæ illam non acceptarunt: itè de legibus Ecclesiæ, quæ potestatem legislativam, & absolutam habet à Deo, non ab hominibus, sicut nec forte plurimi principes temporales.

Prob. 3. Quia cum leges ferantur contra vitia, & in bonum commune, & sint ex se justæ, obligant, & quidem statim, atque sunt emanatæ, & sufficienter

pro-

promulgatæ; alioqui rarissimè tenerent, quandoquidem populi ex naturæ, & morum corruptela, & amore libertatis propendet potius in vitia, quàm in virtutes, & singuli propria commoda præferunt salutis communitalis.

Probat. 4. ex censura Universitatis Parisiensis anni 1521. contra hanc propositionem Lutheri; *Neque Papa, neque Episcopus, neque ulus hominum habet ius unius syllabæ super Christianum hominem, nisi id fiat ejusdem consensu, & quicquid aliter fit, tyrannicè fit;* ita loquitur Lutherus: audi Doctores Parisienses; *Hæc propositio à debita subditorum erga Prælatos, & superiores subiectione, & obedientia est retractiva, legum positivarum seditiosè destructiva, ac in fide, & moribus erronea, & est error damnatus. Valdensium cum errore Arrianorum conveniens. Ivo Carnotensis* [1] sic de legibus sedis Apostolicæ docet: *Hujus indicis, constitutionibus obviare planè est hæreticæ pravitatis notam incurtere.*

Prob. 5. Quia si acceptatio, & consensus populi necessarius esset, lex non haberet vim obligandi ex se, nec à legislatore, sed magis à subditis; sed consequens est absurdum; ergo & ant. prob. ant. non voluntas; nec jussio principis daret legi vim; quandoquidem hanc non haberet lex ante acceptationem; ergo potius eam haberet ab acceptatione, quàm à jussione; & sic subditi non essent verè subditi, quia possent contra voluntatem Principis, & Prælati agere, & illam respuere.

Prob. denique de lege canonica ex Scriptura, qua constat. Christum absolutam potestatem dedisse Petro, & successoribus ejus, & quasi suæ vicariam: dicit enim, [2] *Quæcumque ligaveris super terram, erunt ligata & in Cælis:* Et Ecclesiæ in Apostolis dicit, [3] *Qui vos audit, me audit, & qui vos spernit, me spernit.* Certè quis negaret, Apostolos posse fideles etiam invitos obligare ad suas leges servandas? Nonne blasphemus censeretur, quasi diceret id Christum non potuisse, aut Ecclesiæ, vel Petro, vel Apostolis suam auctoritatem non contulisse, dum sic loquebatur?

Con-

[1] Ep. 3. [2] Matth. 16.

[3] Luc. 10.

Confr. hoc ex forma ipsa, sub qua solent ferri tales leges, dum fulminant graves censuras contra inobedientes, etiam si sint integræ communitates; nec unquam subijciunt eas subditorum examini, aut acceptationi, vel consensui, & sæpius pœnas illas incurri volunt *ipso facto*, & absque alio iudicio, vel sententia.

Dixi, *ex natura legis*, quæ est à superiore supremo, & habente potestatem in totam communitatem, & quidem absolutam; nam accidere quidem potest, ut in legibus humanis populi sibi reseruent libertatē examinandi leges latas à suis moderatoribus, & principibus; sed id non accidit in statibus perfectè monarchicis, aut in Ecclesia, ubi Prælati habent potestatem à Deo.

Objic. 1. contra 1. p. Lex naturalis, & æterna sunt propriè leges; sed neutra fuit promulgata, & tamen utraque obligat ab initio mundi; ergo promulgatio non est necessaria legi, nequidem ut obliget. Prob. min. quia non potest dici quando, neque quomodo, neque à quo fuerint leges promulgatæ.

Resp. 1. nos loqui de legibus positivis, quales illæ non sunt saltem propriè.

Resp. 2. neg. min. nam lex naturalis fuit promulgata ab ipso Deo, & singulis intimatur in ipsa creatione animæ, in qua legem illam inscribit, juxta illud, [1] *Signatum est super nos lumen vultus tui Domine*; & æterna promulgata fuit ab æterno in verbo ipso Dei æterno, in quo *semel loquutus Deus est omnia*; qui est apud ipsum in principio, seu in æternitate, & in libro vitæ, qualiscumque sit, de quo dicitur, [2] *In capite libri scriptum est de me, ut facerem voluntatem tuam, Deus meus volui, & legem tuam in medio cordis mei*: prior tamen responsio facilior est; nam, ut dicebamus ex Scoto, [3] *nemo tenetur ad aliquod præceptum divinum, nisi per aliquem idoneum, & authenticum sibi promulgetur, vel fama veridica, vel testimonio bonorum*, & hoc intellige de lege positiva, quæ non est nota interiùs in corde, per quæ ultima verba indicat alias leges intimari interiùs in corde hominum. Item æterna nobis promulgatur per temporales divinas, & humanas, quæ ab illa manant, & pendent, ut diximus ex Scoto.

Objic.

[1] Ps. 2. [2] Ps. 2. [3] 4. d. 3. cit.

**Objic. 2.** Publicatio dicitur necessaria, ne ignoretur à subditis, & ut cognita obliget illos; sed hæc ratio non valet; ergo promulgatio non est necessaria legi. Prob. min. nam tenemur ad multa, quæ ignoramus, v. g. ad legem naturæ, ad baptismum; possessor bonæ fidei ad huc tenetur restituere, quamdiu retinet alienum; & contractus invalidi irritantur, quamvis defectus esset ignotus, dum contrahebatur, ut in matrimonio, in quo detegitur impedimentum dirimens; ergo, &c.

**Resp. neg. min.** & dist. ant. probationis: multa obligant, quæ ignorantur defectu publicationis, & notitiæ privæ, & actualis con. ant. defectu publicationis, & notitiæ communis, neg. ant. & conf. leges illæ omnes sunt notæ communitati, licet per accidens defit notitia privata, & actualis; imò si ignorantia sit invincibilis, excusantur homines à culpa, & quamdiù viget talis ignorantia, obligatio dormit.

**Objic. contra limitationem illam, ut obliget:** nam promulgatio necessaria est, ut sit lex; ergo non tantum *ut obliget*. Prob. ant. lex importat essentialiter imperium superioris factum subdito, quò movetur ad obediendum; sed tale imperium includit essentialiter intimationem, seu promulgationem; ergo lex essentialiter importat promulgationem.

**Resp. dist. maj.** imperium movens in actu primo, seu capax ad movendum, conc. maj. movens in actu secundo, neg. maj. & conf. similiter distincta minori. Nam de ratione essentiali, & intrinseca legis est quidem, ut sit imperium de se potens movere subditum ad obediendum; sed non est de essentia ejus, ut actu moveat, imò neque ut sit proximè potens, quod fit per intimationem imperii: sic ignis est de se potens urere in actu primo, non proximo, nisi supposita applicatione ad materiam combustibilem.

**Objic. 3. ex Gratiano.** [1] *Leges instituuntur, quando promulgantur, & firmanur, quando moribus usentium approbantur;* ergo institutio legis importat promulgationem.

**Resp. dist. ant.** instituuntur quoad usum, & in actu secundo obligationis, conc. ant. quoad essentiam, &c.

in

[1] c. in istis dist. 4.

in actu primo virtutis obligativæ, neg. ant. & ratio patet ex dictis: nam publicari solent per ministros ipsimet legibus obstrictos, & nullius jurisdictionis, vel superioritatis.

Objic. contra 3. p. 1. hunc ipsum Canonem ex S. August. [1] sumptum, in quo dicitur: *Leges firmanur, quando moribus utentium approbantur*; ubi notatur exemplum de Telesphoro Papa, qui decrevit, ut generaliter Clerici in quinquagesima à carnibus, & deliciis jejunent; quod quia *moribus utentium approbatum non est*, aliter agentes transgressionis reos non arguit, inquit Gratianus: & ex ipso jure civili, *leges nisi a alia ex causa nos tenent, nisi quia iudicio populi receptæ sunt*; ergo tam Ecclesiasticæ, quàm civiles non obligant, nisi acceptatæ.

Resp. neg. conf. neque enim id rectè infertur ex illis textibus. Nam 1. firmitas illa, quam leges habent ex usu non significat vim obligandi, sed durationem, ac stabilitatem in actu 2. quatenus illæ, quas subditi acceptant, & exequuntur, firmiores sunt, nec tam facile abeunt in desuetudinem, nec abrogantur per usum contrarium. & ita intelligendus est Gratianus. Exemplum autem facit pro nobis; quia decretum illud Telesphori non ideo præcisè caruit defectu, nec abrogatum fuit, quia clerici non acceptarunt, sed quia Pontifex consensit, ut non teneret, dum aliter agentes transgressionis non arguit. Certè non credo, quin potuisset Papa cogere clericos ad tale jejunium, si hoc ita opportunum, & expediens bono communi fidelium iudicasset: sed noluit urgere executionem; imò induluit tacitè, ut sese reliquo populo confirmarent. Textum autem legis patet 1. loqui de legibus Romanis, quæ tunc non urgebant, nisi acceptatæ; quia Imperatores, aut Prætores non gaudebant absoluta potestate, regimen erat democraticum, non monarchicum, 2. Dici etiam potest, populi consensum, & acceptationem conferre legi non primam vim obligandi, sed stabilitatem contra caducitatem, quæ inducitur per non usum, vel usum contrarium: nam principes supremi, & absolutæ potestatis eam legem non admitterent.

Objic. 2. Legislator non potest obligare subditos  
non

[1] de vera Rel. c. 31.

non acceptantes legem ; ergo acceptatio requiritur, ut obliget. Prob. ant. quia hoc ipso, quod lex non acceptatur, fit inutilis ; ergo caret conditione legis.

Resp. neg. ant. & dist. prob. fit inutilis ex malitia subditorum, conc. ant. ex ratione, & natura legis, neg. ant. & conf. suppono enim, legem, quantum est de se, justam esse, & ad bonum communitatis, nec aliud deesse, ex parte legislatoris ad veram legis essentiam.

Inst. Utilitas legis non potest melius sciri, quam ex usu, & acceptatione populi ; ergo hoc ipso, quod non acceptatur, censi debet inutilis.

Resp. neg. ant. nam utilitas scitur 1. ex ratione obiecti, ac materię legis ; si autem per ignorantiam agnoscitur inutilis, aut pernicioſa, vel nimis gravis, populus debet recurrere ad principem, qui vel tacite, vel expresse relaxabit obligationem.

Objic. 3. Populus per non usum, vel usum contrarium potest abrogare legem latam, & firmatam ; ergo à fortiori potest impedire, ne valeat ab initio.

Resp. dist. ant. per non usum, vel usum contrarium, sed rationabilem, conc. ant. per non usum irrationabilem, vel arbitrium, neg. ant. & conf. videbimus de abrogatione legis, quod requiratur aliquis consensus tacitus, vel expresse legislatoris, & ratio præponderans rationi legis.

Objic. 4. Princeps habet potestatem à populo ; ergo non potest illum gravare, vel obligare nolentem : ergo populus potest non acceptare legem.

Resp. dist. conf. si potestas accepta sit limitata quoad hoc, conc. conf. si sit absoluta, ut in statibus monarchicis, neg. conf. & de istis loquimur. Præterea hæc ratio non valet, sed potius firmat conclusionem quoad leges Ecclesię, in qua Prælati habent potestatem à Christo D. Quoad seculares verò, & civiles rarissima est limitatio : alioqui principes illi essent potius consultores, quam Domini : eligerentur ad excogitandas, non ad ferendas leges.

Inst. Potestas Ecclesiastica data est in ædificationem, & levamen populi Christiani : sed esset in gravamen, si obligaret nolentes : ergo non Potest obligare nolentes, seu non acceptantes.

Resp. 1. Id tam urgere contra potestates seculares, quæ

quæ non magis dantur in destructionem, & oppressionem populi.

Resp. 2. neg. min. Nam posito, quòd leges tam Ecclesiasticæ, quam civiles habeant conditiones legis de se, sunt etiam de se in ædificationem, & levamen. Certè nisi possent Prælati urgere legum suarum observantiam, frustra data esset illis potestas ligandi per censuras inobedientes, & contumaces.

Inst. 2. Christus Dominus assignat discrimen inter potestatem Ecclesiasticam, & Laicam, quòd illa non dominetur absolutè, ut cogat populos, sed suaviter dirigat; ergo illa non debet ferre leges, nisi gratas, & acceptas populis. Prob. ant. [1] *Reges gentium dominantur eorum*, id est imperant ut Domini, & qui habent potestatem super eos, beneficii vocantur. Vos autem non sic, sed qui major est in vobis, fiat sicut minor, & qui præcessor est sicut ministrator; ergo non habent vim dominativam, ut cogant invitos ad observantiam legum suarum. Principatus eorum in dilectione debet esse positus, non in timore carnali, inquit Origenes. [2]

Resp. dist. ant. non dominatur absolutè cogens eos violenter per timorem carnalem ad obedientiam legum, sicut principes gentium, seu infidelium, concant. quod efficaciam legum, ita ut leges Apostolicæ minùs habeant virtutis ad ligandos subditos, neg. ant. neque enim id docetur hoc textu. Verum est, quòd principes Ecclesiastici debent præesse, seu primi esse in humilitate, in obsequio subditorum, & labore, quorum salutem, & utilitatem debent præferre utilitati propriæ. Certè ad litteram hic locus non facit ad rem; nec enim vetat, quin Prælati aliquando utantur virgis spiritualibus. Unde Apostolus scribebat ad Corinthios: [3] *In virga veniam ad vos, an in charitate, & spiritu mansuetudinis?*

Hinc ergo collige, quòd leges justæ, & veræ statim ac sunt sufficienter promulgatæ, obligant subditos ad sui acceptionem, & observantiam, nisi legislatorum conditio, vel patientia, seu consensus expressus, vel tacitus permittat subditis inobservantiam: & hæc opinio longè probabilior est; licèt non desint, qui sustineant requiri ex parte subditorum acceptionem; quod

[1] Luc. 21. [2] Ibid. [3] 1. cor. 4. 21.



quod de legibus Ecclesiasticis prætendit Domin. de Marca [1] potius, quàm de civilibus; & Pater Fraſſen de utriſque id aſſerit.

### CONCLUSIO III.

**D**E ratione legis est, quòd sit stabilis, seu permanens, ac perpetua. Ita communiter.

Prob. 1. Nam lex est regula juridica, seu à potestate publica, dirigens communitatem in bonum suum; sed illa potestas, & ille finis, seu directio in bonum publicum de se petunt esse permanentes, & in perpetuum: ergo & hinc lex petit esse perpetua.

Confir. 1. Quia de facto tales sunt omnes leges tam naturales, quàm divinæ, & humanæ; ergo id convenit omni legi. 2. quia ex communi sententia, in hoc differt lex à præcepto, quòd istud expirat cum præcipiente, non verò lex cum legislatore. Et ratio est, quia lex fertur quasi auctoritate communitatis, & pro bono communitatis, quæ non moritur; at præceptum datur à superiore respectu subditi, & pro bono ipsiusmet particularis. Lex dirigitur, & obligat tam præſentes, quàm futuros, donec revocetur, vel abrogetur; præceptum verò præſentes tantum. Denique particulares, quibus imponitur præceptum, intereunt, non verò communitates, quibus dantur leges; ergo lex de se petit esse perpetua sive ex parte legislatoris, qui est persona publica, ut Rempublicam, & communitatem repræſentans, sive ex parte materiæ, & boni publici, sive ex parte communitatis, cui datur.

Objic. 1. Duratio non est de essentia rei durantis; ergo perpetuitas non potest esse de essentia legis, quia est duratio ejus.

Resp. dist. ant. duratio actualis, conc. ant. aptitudinalis, neg. ant. & conf. Non aſſerimus actualem, quæ est contingens, sed aptitudinalem, quæ est saltem proprietas sequens ex natura legis, quatenus de se non petit habere terminum ullum certum durationis suæ.

Objic. 2. Legislatori succedit alius æqualis potestatis, qui,

[1] Hic d. 4. a. 2. q. 3. 1. Concil. 1.

quique potest mutare leges illius; ergo ex parte legislatoris lex non est perpetua.

Resp. neg. conf. Nam quod successor possit abrogare legem à prædecessore latam, sequitur eam non esse perpetuam positivè, bene verò negativè; quia id non venit ex natura legis, quæ de se ferebatur indefinite, & poterat permanere durante causa, & fine ejus, ac subditis.

Objic. 3. Plures veræ leges de facto cessarunt, ut lex Moyfi, & innumeræ leges humanæ tam Ecclesiasticæ, quam civiles; ergo de ratione legis non est, ut sit perpetua.

Resp. neg. conf. Nam leges illæ durarunt, quamdiu vel status, vel ratio boni publici, aut populi durarunt; lex Moyfi duravit cum Synagoga; leges Romanæ cum Republica; Canones viguerunt, quamdiu ratio, & bonum Ecclesiæ id postulavit, & quamdiu non fuerunt vel revocati, vel abrogati.

Quæres, an lex debeat esse scripta?

Resp. Id non esse de ratione legis, quia lex naturalis non est scriptis manifestata; nam præcepta Decalogi, quæ sunt de lege naturæ, excepto uno de sabati cultu, non fuerunt scripta ab initio conditi orbis usque ad Moysem, & consuetudo, quæ habet vim legis, non scribitur, saltem à legislatore.

Dices. Consuetudo dicitur *jus non scriptum*, lex verò *jus scriptum*; ergo de ratione legis est, ut sit scripto promulgata. Prob. ant. ex jure Canon. [1] in quo lex dicitur *constitutio scripta*.

Resp. neg. conf. quia lex dicitur *jus scriptum*, non quòd scriptura sit de ratione legis; sed quia solet scriptis publicari; & si voce sola publicaretur sufficeret, non minùs esset vera lex, nec minùs obligaret. De consuetudinis autem differentia dicetur suo loco.

Q U Æ S T I O IV.

*In qua expenduntur breviter alie conditiones legis.*

**P**Ræter allatas conditiones, aliquot aliæ requiruntur, quæ in illis includuntur, sed sunt paulò distinctius explicandæ. 1. Lex debet esse manifesta, et clara sine ambiguitate, vel obscuritate. Ratio est 1. quia cum sit regula humanarum actionum, & lux earum directiva, non lucebit, nec diriget rectè, si obscurè, vel dubie, vel æquivocè loquatur. 2. Quia quisque pro arbitrio eam posset intelligere ex patte iudicum, & sic potius ex ea lites, & fraudes, quàm pax, & iustitia nascerentur. 3. Quia sic non solum redderetur inutilis, sed etiam potius fraudum, captionum, & iniustitiarum, & scandalorum occasio.

Dices. A lege captiosa, vel injusta non licet appellare; quia [1] semper præsumitur pro legislatore quamdiù legem non revocat, & factum superioris præsumitur legitimum: ergo lex, quamvis æquivoca, vel obscura, tenet, & ligat.

Resp. Si defectus illi sint dubii, conc. ant. tunc enim non licet appellare, nec opponere doli exceptionem; si sint manifesti, neg. ant. nam tunc lex esset evidenter injusta, & inutilis, imò & perniciosa; nec esset locus præsumptioni pro legislatore, nec pro superioris facto.

2. Non expedit legum nimia multitudo, imò noxia est, & vitanda. Ratio est 1. quia multitudo legum parit confusionem. & obscuritatem; ergo noxia est, & vitanda. 2. quia ex multitudine fiunt graves, & moraliter observatu impossibiles: sed leges debent potius levare, quàm gravare plebem, & esse in communis bonum, & observatu possibiles: ergo, &c. 3. quia multitudo legum parit earum contemptum: & 4. est occasio litium. 5. quia laqueus peccandi multiplicat, & est signum prævæ dispositionis subditorum, qui egent tot retinaculis, & regulis. 6. denique hinc oritur multarum ignorantia: quippe non possunt omnes addisci, & memoria retineri. Hæc patent experientia de lege Moyfi, quæ propter mul-

[1] L. si qua pœna. ff. de verb. oblig.

multitudinem præceptorum dicitur *lex servitutis*, & parum viguit; & toties ab ea populus declinavit, & ob duritiem illorum data erat.

3. *Lex debet esse necessaria pro bono communis*: Ratio est 1. quia sine urgenti ratione, & necessitate non debent imponi onera, & servitutes populo: nam lex est onus; privat libertate; inducit servitutem, constringit vitam, &c. ergo non debet imponi absque necessitate gravi.

4. *Debet esse possibilis non solum physice, sed etiam moraliter, ita ut non sit valde difficilis*. Ratio est, quia aliter gravaret potius subditos, & esset eis inlaqueum, & occasionem transgressionis prætextu impossibilitatis; & maximè populi, qui elegerunt principes suos, non contulerunt eis potestatem graviora onera ipsis imponendi.

5. *Finis, & effectus ultimatus legis est homines facere bonos*. Ratio patet 1. ex Scriptura, [1] quæ dicitur legem dari vitiosis, ut à vitiis revocentur ad virtutem. Scimus, quia bona est lex, si quis ea legitimè utatur, sciens hoc, quia lex iusto non est posita, sed iniustis, & non subditis impiis, & peccatoribus, sceleratis, & contaminatis parricidis, & matricidis; & si quid senæ doctrinæ adversatur; ergo finis, & effectus legis est tollere omnia vitia, & facere homines bonos moraliter: & hoc de fide est quoad leges divinas. 2. ex parte legislatoris, cujus intentio est subditos dirigere secundum regulas prudentiæ, quæ dicat de fine honesto, & mediis: & 3. ex parte legis, quæ est præceptum juxta dictamen prudentiæ, ac rectæ rationis: & 4. ex parte subditi, quæ est docilitas, & debita obedientia: 5. denique patet ex dictis de iustitia legis, quæ debet esse de re honesta facienda, & de inhonesta vitanda, ut sic subditus fiat probus, & obediens.

Hinc sequitur, quòd si quis princeps, aut superior præciperet iniqua, magis oporteret obedire Deo, quam hominibus, inquit S. Petrus, ne subditus fiat malus illis obediens: nam, ut docet noster Vulpes, [2] potestas civilis, & politica committitur a tota communitate uni personæ, cuionnes subjiciuntur in iis tantum, quæ non sunt contra legem Dei, nec contra spirituale bonum Ecclesiæ, & quæ ordiuntur ad commune bonum.

6. Priu-

[1] 1. Tim. I. [2] p. 3. d. 1.

6. *Principalis*, & *genericus legis actus*, seu effectus est obligare subditos; *specifici* verò, & *præcipui* sunt præcipere, vitare, punire, & permittere.

Prima p. patet ex Scoto citato, [1] & ex dictis. Nam *lex* principaliter dicitur à *ligando*, & id commune est omni legi, ut obliget subditos; & in hoc distinguitur à *consilio*, quod de se non obligat.

Prob. 1. p. Nam *lex* ordinatur ad actus humanos dirigendos, isti actus verò vel sunt boni, & hos præcipit; vel mali, & hos vetat, vel punit, si committuntur; sicut primos præmiat; vel sunt indifferentes, & hos permittit; & si qui alii sint effectus legis, facile ad unum istorum reducuntur.

Dixi, *actus*, seu *effectus*; nec enim sunt actus elicit ab ipsa lege; nec enim est potentia, vel habitus, ut influat physice, aut eliciat tales operationes; sed quia per hos actus tota *lex*, seu ratio legislativa integratur, & completur.

Dices. Non minùs spectat ad legem præmiare, & promittere, quam punire; ergo tam debent recenseri inter affectus legis.

Resp. Ita etiam à multis recenseri, ab aliis verò non. 1. quia cum actus boni sint actus virtutis, ipsa est sibi sufficiens præmiu in sua honestate, & motivum, ut propter se appetatur, nō propter aliud præmiu, quod fortè erat inferius bonum. 2. quia propositio præmii potius inducit, ad agendum per modum consilii; quàm præcepti: non ligat severe, sicut comminatio poenæ. 3. quia præmiare non est actus solius superioris, sed etiam æqualium; ideò non tam sapit legem, quæ est actus superioritatis essentialiter; ita est de promissione.

Dices 2. Leges etiam habent alios plures effectus: nam *inhabilitant ad officia*; *dirigunt*; *irritant jacta*; *pretia rebus imponunt*; *mutant rerum dominia*, *leges abrogant*; ergo, &c.

Resp. neg. conf. nam hi effectus facile in illis continentur; diligere ad singulos pertinet; *inhabilitatio* pertinet ad punitionem, vel prohibitionem tales eligendi, sicut & *irritare*; *pretia imponere*, & *leges abrogare* est præcipere.

7. *Promulgatio*, sine qua diximus legem non obligare,

[1] 4.d.75.2.2.E.n.7.

re, debet solemniter fieri in singulis regnis, provinciis, & civitatibus; nec sufficit publicatio in solis aulis legislatorum tam Ecclesiasticorum, quàm secularium.

Prob. 1. ex Scoto, [1] qui distinguit duo tempora circa obligationem legis Evangelicæ. 1. in quo fuit tantum sub consilio, & 2. in quo fuit sub præcepto. 1. à tempore prædicationis Christi, cùm statuebat legem baptismi, & alias dicens, *Nisi quis renatus fuerit ex aqua*: & duravit usque ad Pentecostem. 2. tempus incepit, ut puto, à die Pentecostes in Jerusalem, quia usque ad illum diem Apostoli non prædicaverunt publice, juxta illud Christi: *vos autem sedete in illa civitate, donec induamini virtute ex alto, sed in die Pentecostes missò Spiritu Sancto solemniter prædicaverunt*. Inde autem ad alias civitates secundum ordinem cuilibet loco, & genti, erat tempus secundum, quando ibi publicè prædicabatur lex Evangelica, ita quod tempus obligationis non incipit simul apud quoscumque, sed de Sion exhibit lex, & verbum Domini de Jerusalem, quibus incepit tempus secundum ad mensem post Pentecostem. aliquibus ad decem annos, &c. ergo non sufficit ad obligationem legis qualiscumque publicatio in regia civitate, aut metropoli, sed debet fieri in omnibus regnis, provinciis, & civitatibus: & si hoc verum est de lege divina, à fortiori dicendum de humanis. Id patet adhuc ex locis citatis: nam Christus ipse præcepit Apostolis, *Euntes in mundum universum docete omnes gentes servare omnia*, &c. nam Deus potest leges suas intimare non solum externè per ministros publicos, & authenticos, sed etiam internè per internam revelationem, ut cum Christo dedit præceptum moriendi, aut privatim, sicut Christus intimavit Evangelium, & alia præcepta suis Apostolis per se ipsum, & hoc non possunt homines.

Prob. 2. ratione: quia lex invincibiliter ignorata non obligat: sed ab innumeris ignorarentur leges invincibiliter, si in sola regia, vel una civitate promulgarentur: ergo non obligarent, nisi in singulis promulgarentur. Prob. min. Nam dum lex aliqua promulgatur Romæ, aut Parisiis, ignoratur invincibiliter Camberii: & quamvis tractu aliquo temporis possit au-

[1] 4.d.3.9.4. H.n.11.

audiri à privatis personis, quæ tempore promulgationis aderant Romæ, aut Parisiis, quia tamen non sunt authenticæ personæ, illis credere non teneor. Certè nullus est legislator, qui velit obligare per leges suas, nisi eos, quibus intimat eas, & qui eas sciunt.

Prob. 3. ex ipsis legibus, quibus constat Imperatores ipsos non prætere, quòd leges suæ obligent, donec promulgatæ fuerint à Metropolitans Provinciæ, ut patet ex authentica, *Ut novæ constitutiones*: & Pius V. in Bulla super declaratione temporis, pro quo Concilii Tridentini decreta obligant, quia, inquit, *in jure communi sancitum est, ut constitutiones novæ vim non nisi potest certum tempus* (scilicet post sufficientem ubique publicationem) *obtineant*. Et de facto leges regis promulgantur in singulis Parliamentis, unde mittuntur ad tribunalia subalterna judicum, à quibus iterum promulgantur, & quoad Ecclesiasticas Concilia ipsa decernunt, sua statuta esse publicanda in locis singulis, ut obligent, quod patet ex Concilio Later. sub Innoc. III. ut habetur cap. [1] *cum infirmitas*; nec pœnæ infliguntur pro transgressionibus incurruntur, nisi postquam per Prælatos locorum constitutio fuerit publicata, & talis est antiquæ Ecclesiæ praxis: nam colligitur ex tempore Tertulliani [2] decretum Zozimi pro reconciliandis pœnitentibus contra Montanistas fuisse lectum in Ecclesiis, & affixum ad valvas. Sic constitutio Stephanæ de non rebaptizandis hæreticis fuit publicata per Provincias, ut scribit S. Cyprianus [3] ad Pompejum.

Dices. Si hoc esset necessarium, paucissimæ Constitutiones, & Bullæ Pontificiæ vim haberent; nam vix ullæ ex his, quæ sunt in decreto, & decretalibus fuerunt sic publicatæ, & sic de Clementinis, & aliis plurimis; ergo sufficit earum publicatio Romæ ad valvas S. Petri, aut in campo Floræ.

Resp. neg. ant. Nam earum compilatio ex intentione Ecclesiæ directæ est ad omnes Provincias, & urbes, aut etiam ad singulos per Doctores, à quibus leguntur, & docentur.

Tom. IV.

T

QUÆ

[1] De pœnit. &amp; remis.

[2] De prædicit. c. 1. [3] Ep. 74.

## QUÆSTIO V.

*De potestate legislativa, ad quos spectet  
condere leges.*

**J**AM diximus, quòd lex debet necessariò ferri à potestate publica, & suprema; sed restat in particulari videndum, quinam sint, qui potantur hujusmodi potestate legislativa, sive in Ecclesia respectu fidelium in spiritualibus: sive in statu politico respectu populorum, & civium, & in temporalibus, & questio est principaliter, de potestate legislativa humana, quam videntur negasse plures hæretici; ut Valdenses, Lutherani, & Calvinistæ, & maximè de Papa quoad Ecclesiasticas.

## CONCLUSIO I.

**S**UMMUS Pontifex sive seorsim ut caput Ecclesiæ, sive cum generali Concilio habet potestatem ferendi leges Ecclesiasticas pro universà Ecclesia, non autem civiles, nisi in terris domini sui temporalis. Est omnium Catholicorum contra prædictos hæreticos quoad 1. partem.

Prob. 1. p. 1. ex Scriptura, [1] qua constat, potestatem clavium datam esse Petro, & successoribus; *Dabo tibi claves regni cœlorum, & quodcumque ligaveris super terram, erit ligatum & in cœlis.* Et, [2] *Pasce oves meas,* Et, [3] *Tu es Petrus, & super hanc Petram ædificabo Ecclesiam meam,* pascere autem oves in Scriptura importat superioritatem, & principatum, juxta illud, *Tu pasces populum meum Israel, & eris princeps super eum,* & quidem non illius, vel illius populi, civitatis, aut regionis, aut regni: oves meas, inquit Christus, cui non placuit non designasse aliquas, sed assignasse? nihil excipitur, ubi distinguitur nihil ([4] ait S. Bernard.)

Prob. 2. Quia in politia temporali est potestas condendi leges civiles pro recto regimine temporalis ergo à fortiori debet adesse ad leges canonicas pro recto

[1] Matth. 16. [2] Jo. 21.

[3] 2. Reg. 1. [4] 2. de consider.



recto regimine spirituali animarum; sed illa non potest esse generalis in alio, quàm in summo Pontifice sive seorsim, sive in Concilio universali; ergo ita est. Prob. min. 1. ex omnium consensu, qui Papam agnoscunt ut caput Ecclesiæ. 2. ex textibus allatis, ex quibus patet, principatum, & munus pastorale datum immediatè Petro, non verò ipsi Ecclesiæ Apostolicæ: unde ipsi Petro canit Ecclesia ipsa, *Tibi tradidit Deus omnia regna mundi*, scilicet quoad jurisdictionem spirituales. 3. ex SS. Canonibus, ut cap. *Sacrosancta Romana Ecclesia non ab Apostolis, sed ab ipso Domino Salvatore nostro primatum obtinuit, & eminentiam potestatis super omnes Ecclesias, ac totum Christiani populi gregem assecuta est*. Item, *Nobis in B. Petro sunt oves Christi commissæ dicente Domino, pascere oves meas*, inquit Innoc. III. Item [1] in Concilio Lugdunensi; *Cùm Jesu Christi vices teneamus in terris, nobisque in persona Petri dictum sit, quodcumque ligaveris, &c.* 4. ex veteri testamento: [2] nam si tunc summus sacerdos talem habuit potestatem, quantò magis in novo; tunc autem dictum fuerat: *Si quis superbus erit nolens obedire sacerdotis imperio, morietur homo ille*.

Confir. Nam Papa habet dominium supremum spirituale in totam Ecclesiam; ergo pro illa tota potest dare leges firmas. prob. ant. ex Concilio Lateran. ubi expresse legitur, quòd [3] *Romana Ecclesia, disponente Domino, super omnes alias ordinariæ potestatis obtinet primum principatum, utpote mater universorum Christi fidelium, & magistra*.

Prob. 2. p. Quia Papa dominium quidem habet temporale in aliquibus Provinciis, quæ dicuntur Patrimonium S. Petri, & pro his leges civiles potest condere, ad quas illi populi tenentur; sed nullum tale habet in alia regna, vel principatus, nec tale prætendunt ulli Summi Pontifices; nec de illo constat ulla Scripturæ auctoritate, aut juris civilis, aut Ecclesiastici; ergo pro aliis regnis, aut populis Papa non potest ferre leges temporales quæ vim habeant.

Dixi, sive seorsim, sive cum generali Concilio, quia, ut notatum est, loca Scripturæ, ex quibus ea pote-

T 2

itas

[1] *C. sollicitè est*. [2] *Deuter. 17.*[3] *an. 1215.*

itas colligitur, dicta sunt immediate D. Petro, sed non excludunt auctoritatem ejus in Concilio, ubi præsudet, ut caput corpori: unde si habet eam potestatem in Cathedra sua seorsum, à fortiori quando loquitur cum universo cœtu Apostolorum, & membrorum Ecclesiarum.

Objic. 1. cum hæreticis contra 1. p. Christus improbat [1] *doctrinas, & mandata hominum*, & præcepit Apostolis dicere, non quæ ipsi mandant, seu leges suas humanas, sed suas, [2] *docentes quacumque mandavi vobis*; ergo neque Papa, neque ulla alia potestas potest dare leges fidelibus.

Resp. neg. conf. Nam per mandata hominum non intelligit quæcumque ab hominibus vel superioribus præcipiuntur; alioqui non diceret Apostolus, *Obedite superioribus vestræ etiam discipulis*; nec Christus dixisset Judæis, *Omnia, quæcumque dixerint vobis, facite*, sed intelliguntur ea, quæ humano penitus, non divino aflatu spiritu jubentur; & à fortiori, quæ avertunt à lege divina, & id patet ex alio textu, in quo legimus, quod Apostolus Paulus, & Timotheus [3] *tradebant civitatibus custodire dogmata, quæ erant decreta ab Apostolis, & senioribus, qui erant Jerusalem*.

Int. In veteri lege sancitur, [4] *Quod præcipio tibi, hoc tantum facito, nec addas quidquam, aut diminuas*: ergo multo minùs licebit addere legi Evangelicæ novas, & humanas leges: unde Paulus dicit, [5] quod liberati sumus à lege veteri pro Judæis à Deo tradita; *Non sumus ancillæ filii, sed liberi*, &c. ergo multo magis sumus liberi à legibus humanis; nam ex eodem Apostolo, [6] cum sumus Christiani, liberamur à legibus hominum; *Nam ubi spiritus domini, ibi libertas*: ergo

Resp. neg. conf. Nec enim sequitur libertas à legibus Ecclesiasticis ex ullo textuum illorum; nam per primum prohibetur additio ad cæremonias legis Mosaicæ, quæ sapiant gentilismum, dicente Domino, *Cave, ne imiteris eas gentes, postquam te fuerint ingredientibus subversa, & requiras cæremonias earum*: & præterea leges Apostolicæ non addunt Evan-

gelicis

[1] *Math. 19.* [2] *Math. 28.* [3] *Act. 16.*

[4] *Deut. 12.* [5] *Gal. 4.* [6] *1. Cor. 3.*

gelicis præceptis, sed potius explicant, & juvant, & dirigunt ad ea servanda. 2. liberati sumus à servitute legis Mosaiæ, quæ figura fuit Evangelicæ, quæ jugum est Christi, ac suave; figuræ verò, & umbræ cedunt veritati, ac lumini.

Inst. 2. D. Paulus prohibet; [1] *nolite fieri servi hominum*; ergo non debent Christiani subjici legibus ullis datis ab homine, qualis est Pontifex, imò & principes omnes temporales, & quidem à fortiori.

Resp. neg. conf. Nam Pontifex imperat vice Dei, *Dei enim vindex est*, ait idem Apostolus; [2] *omnis anima potestatibus sublimioribus subdita sit; non est enim potestas nisi à Deo: qui potestati resistit, Dei ordinationi resistit*, &c.

Objic. 2. Si leges Papæ obligarent maximè in conscientia; non enim habent potestatem in corpora, & temporalia, id solis principibus temporalibus reservatur; sed nullus homo purus habet potestatem in conscientias; ergo eis nullus imponere potest leges. Prob. ant. homo purus non videt nisi ea, quæ patent, *solus Deus intuetur cor*; ergo & solus habet jurisdictionem in conscientias; nec enim ligare eas potest qui non videt.

Resp. dist. min. & ant. prob. potestatem directam, & ratione actuum purè interiorum, conc. min. & ant. prob. indirectam, & mediante actu externo, neg. min. & ant. Papa, nec Ecclesia non imperant directè actus internos, qui ad forum solius Dei spectant, nec directè ligant conscientias, sed actus externos, cum quibus interni habent connexionem, & si subditus negligat actus externos præceptos, videt ipsemet se interiùs peccare, seseque judicat in conscientia, & ab ipsamet conscientia redarguitur.

Objic. contra 2. p. locum adductum, in quo non limitatur potestas data Petro: ergo tam est pro legibus civilibus, quàm pro canonicis. Prob. ant. ex ipso textu, *Quodcumque ligaveris super terram: unde canit Ecclesia in laudem Petri, Tibi tradidit Deus omnia regna mundi*.

Resp. neg. ant. & ad prob. dico, quòd contrarium ex ipsomet textu patet: nam Christus promittit Petro claves regni cælorum, per quas possit ligare;

T 3

ergo

[1] Cor. 7. [2] Rom. 13.

quique potest mutare leges illius; ergo ex parte legislatoris lex non est perpetua.

Resp. neg. conf. Nam quod successor possit abrogare legem à prædecessore latam, sequitur eam non esse perpetuam positivè, bene verò negativè; quia id non venit ex natura legis, quæ de se ferebatur indefinitè, & poterat permanere durante causa, & fine ejus, ac subditis.

Objic. 3. Plures veræ leges de facto cessarunt, ut lex Moyfi, & innumeræ leges humanæ tam Ecclesiasticæ, quam civiles; ergo de ratione legis non est, ut sit perpetua.

Resp. neg. conf. Nam leges illæ durarunt, quamdiu vel status, vel ratio boni publici, aut populi durarunt; lex Moyfi duravit cum Synagoga; leges Romanæ cum Republica; Canones viguerunt, quamdiu ratio, & bonum Ecclesiæ id postulavit, & quamdiu non fuerunt vel revocati, vel abrogati.

Quæres, an lex debeat esse scripta?

Resp. Id non esse de ratione legis, quia lex naturalis non est scriptis manifestata; nam præcepta Decalogi, quæ sunt de lege naturæ, excepto uno de sabbati cultu, non fuerunt scripta ab initio conditi orbis usque ad Moysem, & consuetudo, quæ habet vim legis, non scribitur, saltem à legislatore.

Dices. Consuetudo dicitur *jus non scriptum*, lex verò *jus scriptum*; ergo de ratione legis est, ut sit scripto promulgata. Prob. ant. ex jure Canon. [1] in quo lex dicitur *constitutio scripta*.

Resp. neg. conf. quia lex dicitur *jus scriptum*, non quod scriptura sit de ratione legis; sed quia solet scriptis publicari; & si voce sola publicaretur sufficeret, non minùs esset vera lex, nec minùs obligaret. De consuetudinis autem differentia dicetur suo loco.

## QUÆSTIO IV.

*In qua expenduntur breviter aliæ conditiones legis.*

**P**Ræter allatas conditiones, aliquot aliæ requiruntur, quæ in illis includuntur, sed sunt paulò distinctius explicandæ. 1. Lex debet esse manifesta, et clara sine ambiguitate, vel obscuritate. Ratio est 1. quia cum sit regula humanarum actionum, & lux earum directiva, non lucebit, nec diriget rectè, si obscurè, vel dubie, vel æquivocè loquatur. 2. Quia quisque pro arbitrio eam posset intelligere ex patte iudicum, & sic potius ex ea lites, & fraudes, quam pax, & iustitia nascerentur. 3. Quia sic non solum redderetur inutilis, sed etiam potius fraudum, captio- num, & iniustitiarum, & scandalorum occasio.

Dices. A lege captiosa, vel injusta non licet appellare; quia [1] semper præsumitur pro legislatore quamdiù legem non revocat, & factum superioris præsumitur legitimum: ergo lex, quamvis æquivoca, vel obscura, tenet, & ligat.

Resp. Si defectus illi sint dubii, conc. ant. tunc enim non licet appellare, nec opponere doli exceptionem; si sint manifesti, neg. ant. nam tunc lex esset evidenter injusta, & inutilis, imò & perniciosa; nec esset locus præsumptioni pro legislatore, nec pro superioris facto.

2. Non expedit legum nimia multitudo, imò noxia est, & vitanda. Ratio est 1. quia multitudo legum parit confusionem. & obscuritatem; ergo noxia est, & vitanda. 2. quia ex multitudine fiunt graves, & moraliter observatu impossibiles: sed leges debent potius levare, quàm gravare plebem, & esse in communitatis bonum, & observatu possibiles: ergo, &c. 3. quia multitudo legum parit earum contemptum: & 4. est occasio litium. 5. quia laqueos peccandi multiplicat, & est signum prævæ dispositionis subditorum, qui egent tot retinaculis, & regulis. 6. denique hinc oritur multarum ignorantia: quippe non possunt omnes addisci, & memoria retineri. Hæc patent experientia de lege Moyli, quæ propter mul-

[1] L. si qua pœna. ff. de verb. oblig.

multitudinem præceptorum dicitur *lex servitutis*, & parùm viguit; & toties ab ea populus declinavit, & ob duritiem illorum data erat.

3. *Lex debet esse necessaria pro bono communis*: Ratio est 1. quia sine urgenti ratione, & necessitate non debent imponi onera, & servitutes populo: nam lex est onus; privat libertate; inducit servitutem, constringit vitam, &c. ergo non debet imponi absque necessitate gravi.

4. *Debet esse possibilis non solum physice, sed etiam moraliter, ita ut non sit valde difficilis*. Ratio est, quia aliter gravaret potius subditos, & esset eis in laqueum, & occasionem transgressionis prætextu impossibilitatis; & maximè populi, qui elegerunt principes suos, non contulerunt eis potestatem graviora onera ipsis imponendi.

5. *Finis, & effectus ultimus legis est homines facere bonos*. Ratio patet 1. ex Scriptura, [1] quia dicitur legem dari vitiosis, ut à vitiis revocentur ad virtutem. Scimus, quia bona est lex, si quis ea legittimè utatur, sciens hoc, quia lex iusto non est posita, sed iniustis, & non subditis impiis, & peccatoribus, sceleratis, & contaminatis parricidis, & matricidis; & si quid sene doctrine adversatur; ergo finis, & effectus legis est tollere omnia vitia, & facere homines bonos moraliter: & hoc de fide est quoad leges divinas. 2. ex parte legislatoris, cujus intentio est subditos dirigere secundum regulas prudentiæ, quæ dicat de fine honesto, & mediis: & 3. ex parte legis, quæ est præceptum juxta dictamen prudentiæ, ac rectæ rationis: & 4. ex parte subditi, quæ est docilitas, & debita obedientia: 5. denique patet ex dictis de iustitia legis, quæ debet esse de re honesta facienda, & de inhonesta vitanda, ut sic subditus fiat probus, & obediens.

Hinc sequitur, quòd si quis princeps, aut superior præciperet iniqua, magis oporteret obedire Deo, quam hominibus, inquit S. Petrus, ne subditus fiat malus illis obediens: nam, ut docet noster Vulpes, [2] potestas civilis, & politica committitur a tota communitate uni personæ, cuionnes subjiuntur in iis tantùm, quæ non sunt contra legem Dei, nec contra spirituale bonum Ecclesiæ, & quæ ordinantur ad commune bonum.

6. Prin-

[1] 1. Tim. 1. [2] p. 3. d. 1.

6. *Principalis*, & *genericus legis actus*, seu effectus est obligare subditos; *specifici* verò, & *præcipui* sunt præcipere, vitare, punire, & permittere.

Prima p. patet ex Scoto citato, [1] & ex dictis. Nam *lex* principaliter dicitur à *ligando*, & id commune est omni legi, ut obliget subditos; & in hoc distinguitur à consilio, quod de se non obligat.

Prob. 1. p. Nam *lex* ordinatur ad actus humanos dirigendos, isti actus verò vel sunt boni, & hos præcipit; vel mali, & hos vetat, vel punit, si committuntur; sicut primos præmiat; vel sunt indifferentes, & hos permittit; & si qui alii sint effectus legis, facile ad unum istorum reducuntur.

Dixi, *actus*, seu *effectus*; nec enim sunt actus eliciti ab ipsa lege; nec enim est potentia, vel habitus, ut influat physice, aut eliciat tales operationes; sed quia per hos actus tota *lex*, seu ratio legislativa integratur, & completur.

Dices. Non minùs spectat ad legem præmiare, & promittere, quam punire; ergo tam debent recenseri inter affectus legis.

Resp. Ita etiam à multis recenseri, ab aliis verò non. 1. quia cum actus boni sint actus virtutis, ipsa est sibi sufficiens præmiu in sua honestate, & motivum, ut propter se appetatur, nō propter aliud præmiu, quod fortè erat inferius bonum. 2. quia propositio præmii potius inducit, ad agendum per modum consilii; quàm præcepti: non ligat severè, sicut comminatio pœnæ. 3. quia præmiare non est actus solius superioris, sed etiam æqualium; idè non tam sapit legem, quæ est actus superioritatis essentialiter; ita est de promissione.

Dices 2. Leges etiam habent alios plures effectus: nam *inhabilitant ad officia*; *dirigunt*; *irritant facta*; *pretia rebus imponunt*; *mutant rerum dominia*, *leges abrogant*; ergo, &c.

Resp. neg. conf. nam hi effectus facilè in illis continentur; diligere ad singulos pertinet; *inhabilitatio* pertinet ad punitionem, vel prohibitionem tales eligendi, sicut & *irritare*; *pretia imponere*, & *leges abrogare* est præcipere.

7. *Promulgatio, sine qua diximus legem non obligare,*

[1] 4.d.75.q.2.E.n.7.

re, debet solemniter fieri in singulis regnis, provinciis, & civitatibus; nec sufficit publicatio in solis aulis legislatorum tam Ecclesiasticorum, quàm secularium.

Prob. 1. ex Scoto, [1] qui distinguit duo tempora circa obligationem legis Evangelicæ. 1. in quo fuit tantum sub consilio, & 2. in quo fuit sub præcepto. 1. à tempore prædicationis Christi, cùm statuebat legem baptismi, & aliis dicens, *Nisi quis renatus fuerit ex aqua*: & duravit usque ad Pentecostem. 2. tempus incepit, ut puto, à die Pentecostes in Jerusalem, quia usque ad illum diem Apostoli non prædicaverunt publice, juxta illud Christi: *vos autem sedete in illa civitate, donec induamini virtute ex alto, sed in die Pentecostes missio Spiritu Sancto solemniter prædicaverunt*. Inde autem ad alias civitates secundum ordinem cuilibet loco, & genti, erat tempus secundum, quando ibi publicè prædicabatur lex Evangelica, ita quod tempus obligationis non incipit simul apud quoscumque, sed de Sion exiit lex, & verbum Domini de Jerusalem, quibus incepit tempus secundum ad mensem post Pentecostem. aliquibus ad decem annos, &c. ergo non sufficit ad obligationem legis qualiscumque publicatio in regia civitate, aut metropoli, sed debet fieri in omnibus regnis, provinciis, & civitatibus: & si hoc verum est de lege divina, à fortiori dicendum de humanis. Id patet adhuc ex locis citatis: nam Christus ipse præcepit Apostolis, *Euntes in mundum universum docete omnes gentes servare omnia*, &c. nam Deus potest leges suas intimare non solum externè per ministros publicos, & authenticos, sed etiam internè per internam revelationem, ut cum Christo dedit præceptum moriendi, aut privatim, sicut Christus intimavit Euangelium, & alia præcepta suis Apostolis per se ipsum, & hoc non possunt homines.

Prob. 2. ratione: quia lex invincibiliter ignorata non obligat: sed ab innumeris ignorarentur leges invincibiliter, si in sola regia, vel una civitate promulgarentur: ergo non obligarent, nisi in singulis promulgarentur. Prob. min. Nam dum lex aliqua promulgatur Romæ, aut Parisiis, ignoratur invincibiliter Camberii: & quamvis tractu aliquo temporis possit

au-

[1] 4.d.3.9.4. H.n.11.



audiri à privatis personis, quæ tempore promulgationis aderant Romæ, aut Parisiis, quia tamen non sunt authenticæ personæ, illis credere non teneor. Certè nullus est legislator, qui velit obligare per leges suas, nisi eos, quibus intimat eas, & qui eas sciunt.

Prob. 3. ex ipsis legibus, quibus constat Imperatores ipsos non prætere, quod leges suæ obligent, donec promulgatæ fuerint à Metropolitibus Provincia- rum, ut patet ex authentica, *Ut novæ constitutiones*: & Pius V. in Bulla super declaratione temporis, pro quo Concilii Tridentini decreta obligant, quia, inquit, *in jure communi sancitum est, ut constitutiones novæ vim non nisi potest certum tempus* (scilicet post sufficientem ubique publicationem) *obtineant*. Et de facto leges regis promulgantur in singulis Parliamentis, unde mittuntur ad tribunalia subalterna judicum, à quibus iterum promulgantur, & quoad Ecclesiasticas Concilia ipsa decernunt, sua statuta esse publicanda in locis singulis, ut obligent, quod patet ex Concilio Later. sub Innoc. III. ut habetur cap. [1] *cum infirmitas*; nec pœnæ infliguntur pro transgressionibus incurruntur, nisi postquam per Prælatos locorum constitutio fuerit publicata, & talis est antiquæ Ecclesiæ praxis: nam colligitur ex tempore Tertulliani [2] decretum Zozimi pro reconciliandis pœnitentibus contra Montanistas fuisse lectum in Ecclesiis, & affixum ad valvas. Sic constitutio Stephanæ de non rebaptizandis hæreticis fuit publicata per Provincias, ut scribit S. Cyprianus [3] ad Pompejum.

Dices. Si hoc esset necessarium, paucissimæ Constitutiones, & Bullæ Pontificiæ vim haberent; nam vix ullæ ex his, quæ sunt in decreto, & decretalibus fuerunt sic publicatæ, & sic de Clementinis, & aliis plurimis; ergo sufficit earum publicatio Romæ ad valvas S. Petri, aut in campo Floræ.

Resp. neg. ant. Nam earum compilatio ex intentione Ecclesiæ directæ est ad omnes Provincias, & urbes, aut etiam ad singulos per Doctores, à quibus leguntur, & docentur.

Tom. IV.

T

QUÆ

[1] De pœnit. &amp; remis.

[2] De prædicit. c. 1. [3] Ep. 74.

## QUÆSTIO V.

*De potestate legislativa, ad quos spectet  
condere leges.*

**J**Am diximus, quòd lex debet necessariò ferri à potestate publica, & suprema; sed restat in particulari videndum, quinam sint, qui potantur hujusmodi potestate legislativa, sive in Ecclesia respectu fidelium in spiritualibus: sive in statu politico respectu populorum, & civium, & in temporalibus, & quæstio est principaliter, de potestate legislativa humani, quam videntur negasse plures hæretici; ut Valdenses, Lutherani, & Calvinistæ, & maximè de Papa quoad Ecclesiasticas.

## CONCLUSIO I.

**S**ummus Pontifex sive seorsim ut caput Ecclesiæ, si-  
ve cum generali Concilio habet potestatem ferendi  
leges Ecclesiasticas pro universâ Ecclesiâ, non au-  
tem civiles, nisi in terris domini sui temporalis. Est  
omnium Catholicorum contra prædictos hæreticos  
quoad r. partem.

Prob. 1. p. 1. ex Scriptura, [1] qua constat, pote-  
statem clavium datam esse Petro, & successoribus;  
*Dabo tibi claves regni cœlorum, & quodcumque liga-  
veris super terram, erit ligatum & in cœlis.* Et, [2]  
*Pasce oves meas,* Et, [3] *Tu es Petrus, & super  
hanc Petram ædificabo Ecclesiam meam,* pascere au-  
tem oves in Scriptura importat superioritatem, &  
principatum, juxta illud, *Tu pasces populum me-  
um Israel, & eris princeps super eum,* & quidem  
non illius, vel illius populi, civitatis, aut regionis,  
aut regni: oves meas, inquit Christus, cui non pla-  
num non designasse aliquas, sed assignasse? nihil exci-  
pitur, ubi distinguitur nihil ([4] ait S. Bernard.)

Prob. 2. Quia in politia temporali est potestas con-  
dendi leges civiles pro recto regimine temporalis  
ergo à fortiori debet adesse ad leges canonicas pro  
recto

[1] Math. 16. [2] Jo. 21.

[3] 2. Reg. 1. [4] 2. de consider.

recto regimine spirituali animarum; sed illa non potest esse generalis in alio, quàm in summo Pontifice sive seorsim, sive in Concilio universalis; ergo ita est. Prob. min. 1. ex omnium consensu, qui Papam agnoscunt ut caput Ecclesiæ. 2. ex textibus allatis, ex quibus patet, principatum, & munus pastorale datum immediatè Petro, non verò ipsi Ecclesiæ Apostolicæ: unde ipsi Petro canit Ecclesia ipsa, *Tibi tradidit Deus omnia regna mundi*, scilicet quoad jurisdictionem spirituales. 3. ex SS. Canonibus, ut cap. *Sacrosancta Romana Ecclesia non ab Apostolis, sed ab ipso Domino Salvatore nostro primatum obtinuit, & eminentiam potestatis super omnes Ecclesias, ac totum Christiani populi gregem assecuta est*. Item, *Nobis in B. Petro sunt oves Christi commissæ dicente Domino, pascite oves meas*, inquit Innoc. III. Item [1] in Concilio Lugdunensi; *Cum Jesu Christi vices teneamus in terris, nobisque in persona Petri dictum sit, quodcumque ligaveris, &c.* 4. ex veteri testamento: [2] nam si tunc summus sacerdos talem habuit potestatem, quantò magis in novo; tunc autem dictum fuerat: *Si quis superbus erit nolens obedire sacerdotis imperio, morietur homo ille*.

Confir. Nam Papa habet dominium supremum spirituale in totam Ecclesiam; ergo pro illa tota potest dare leges firmas. prob. ant. ex Concilio Lateran. ubi expresse legitur, quòd [3] *Romana Ecclesia, disponente Domino, super omnes alias ordinariæ potestatis obtinet primum principatum, nupote mater universorum Christi fidelium, & magistra*.

Prob. 2. p. Quia Papa dominium quidem habet temporale in aliquibus Provinciis, quæ dicuntur Patrimonium S. Petri, & pro his leges civiles potest condere, ad quas illi populi tenentur; sed nullum tale habet in alia regna, vel principatus, nec tale prætendunt ulli Summi Pontifices; nec de illo constat ulla Scripturæ auctoritate, aut juris civilis, aut Ecclesiastici; ergo pro aliis regnis, aut populis. Papa non potest ferre leges temporales quæ vim habeant.

Dixi, sive seorsim, sive cum generali Concilio, quia, ut notatum est, loca Scripturæ, ex quibus ea potestas

T 2

itas

[1] *C. sollicitè est*. [2] *Deuter. 17.*[3] *an. 1215.*

itas colligitur, dicta sunt immediate D. Petro, sed non excludunt auctoritatem ejus in Concilio, ubi præsides, ut caput corpori: unde si habet eam potestatem in Cathedra sua seorsim, à fortiori quando loquitur cum universo coetu Apostolorum, & membrorum Ecclesiæ.

Objic. 1. cum hæreticis contra 1. p. Christus improbat [1] *doctrinas, & mandata hominum*, & præcepit Apostolis dicere, non quæ ipsi mandant, seu leges suas humanas, sed suas, [2] *docentes quæcumque mandavi vobis*; ergo neque Papa, neque ulla alia potestas potest dare leges fidelibus.

Resp. neg. conf. Nam per mandata hominum non intelligit quæcumque ab hominibus vel superioribus præcipiuntur; alioqui non diceret Apostolus, *Obedite superioribus vestris etiam discipulis*; nec Christus dixisset Judæis, *Omnia, quæcumque dixerint vobis, facite*, sed intelliguntur ea, quæ humano penitus, non divino afflatu spiritu jubentur; & à fortiori, quæ avertunt à lege divina, & id patet ex alio textu, in quo legimus, quod Apostolus Paulus, & Timotheus [3] *tradebant civitatibus custodire dogmata, quæ erant decreta ab Apostolis, & senioribus, qui erant Jerosolymis*.

Inst. In veteri lege sancitur, [4] *Quod præcipio tibi, hoc tantum facito, nec addas quidquam, aut diminuas*: ergo multo minùs licebit addere legi Evangelicæ novas, & humanas leges: unde Paulus dicit, [5] *quod liberati sumus à lege veteri pro Judæis à Deo tradita; Non sumus ancillæ filii, sed liberae*, &c. ergo multò magis sumus liberi à legibus humanis; nam ex eodem Apostolo, [6] *cum sumus Christiani, liberamur à legibus hominum; Nam ubi spiritus domini, ibi libertas*: ergo

Resp. neg. conf. Nec enim sequitur libertas à legibus Ecclesiasticis ex ullo textuum illorum; nam per primum prohibetur additio ad cæremonias legis Mosaicæ, quæ sapiant gentilismum, dicente Domino, *Cave, ne imiteris eas gentes, postquam te fuerint ingrediente subversa, & requiras cæremonias earum*: & præterea leges Apostolicæ non addunt Evangelicis

[1] Matth. 19. [2] Matth. 28. [3] Act. 16.

[4] Deut. 12. [5] Gal. 4. [6] 1. Cor. 3.

gelicis præceptis, sed potius explicant, & juvant, & dirigunt ad ea servanda. 2. liberati sumus à servitute legis Mosaiæ, quæ figura fuit Euangelicæ, quæ jugum est Christi, ac suave; figuræ verò, & umbræ cedunt veritati, ac lumini.

Inst. 2. D. Paulus prohibet; [1] *nolite fieri servi hominum*; ergo non debent Christiani subjici legibus ullis datis ab homine, qualis est Pontifex, imò & principes omnes temporales, & quidem à fortiori.

Resp. neg. conf. Nam Pontifex imperat vice Dei, *Dei enim vindex est*, ait idem Apostolus; [2] *omnis anima potestatibus sublimioribus subdita sit; non est enim potestas nisi à Deo: qui potestati resistit, Dei ordinationi resistit*, &c.

Objic. 2. Si leges Papæ obligarent maximè in conscientia; non enim habent potestatem in corpora, & temporalia, id solis principibus temporalibus reservatur; sed nullus homo purus habet potestatem in conscientias; ergo eis nullus imponere potest leges. Prob. ant. homo purus non videt nisi ea, quæ patent, *solus Deus intuetur cor*; ergo & solus habet jurisdictionem in conscientias; nec enim ligare eas potest qui non videt.

Resp. dist. min. & ant. prob. potestatem directam, & ratione actuum purè interiorum, conc. min. & ant. prob. indirectam, & mediante actu externo, neg. min. & ant. Papa, nec Ecclesia non imperant directè actus internos, qui ad forum solius Dei spectant, nec directè ligant conscientias, sed actus externos, cum quibus interni habent connexionem, & si subditus negligat actus externos præceptos, videt ipsæmet se interiùs peccare, seseque judicat in conscientia, & ab ipsamet conscientia redarguitur.

Objic. contra 2. p. locum adductum, in quo non limitatur potestas data Petro: ergo tam est pro legibus civilibus, quàm pro canonicis. Prob. ant. ex ipso textu, *Quodcumque ligaveris super terram*; unde canit Ecclesia in laudem Petri, *Tibi tradidit Deus omnia regna mundi*.

Resp. neg. ant. & ad prob. dico, quòd contrarium ex ipsomet textu patet: nam Christus promittit Petro claves regni cælorum, per quas possit ligare;

T 3                      ergo

[1] *Cor. 7.* [2] *Rom. 13.*

ergo claves illæ, & potestas sunt spirituales, non temporales, quæ per se non ducunt ad regnum cœlorum, sed ad temporale, & terrenum.

Dixi autem in Conclusionem, illas leges papales *ligare universam Ecclesiam, seu fideles omnes*, non autem infideles, & non baptizatos, quia non sunt subditi, nisi per baptismum. Unde Apostolus, [1] *Quid mihi de his, qui foris sunt*, & non sunt de Ovilij, nec oves Christi? & id declarat ipse Papa in cap. *Gaudemus*, quod scilicet pagani constitutionibus Canonicis non arctantur.

Hinc ergo sequitur 1. Papam ferre leges pro tota Ecclesia, quæ obligant omnes fideles, etiam extra Concilium; quia, ut dixi, Christus eam potestatem immediatè, & directè soli Petro contulit. 2. quod mortuo Papa, & sede vacante, dormit, & suspenditur ea potestas universalis ob eandem rationem; ideo Cardinales non dispensant in votis, nec in matrimoniis, nec abrogant, vel condunt leges præcedentium Pontificum. 3. quod licet alii Apostoli haberent immediatè à Christo potestatem legislativam; tamen Petrus erat superior illis; an ita sit quoad illam immediationem de successoribus eorum in Episcopalibus, non est hujus loci decidere. 4. potestatem hanc in Papa esse supernaturalem sive ex se, & ex causa efficiente, sive ex fine, ad quem ordinatur, sive ex objecto, & materia, circa quam occupatur, & maxime propter sacramenta. 5. Papam ut Ecclesiæ caput præeminere omnibus aliis potestatibus tam sacris, quàm temporalibus, ut constat ex cap. *venerabilem*, in quo de electione Imperatorum judicat, & electos confirmat, aut reprobat male electos.

## CONCLUSIO II.

**L**egati Patriarchæ, Archiepiscopi, Episcopi, aliique Prælati jurisdictionem Episcopalem, aut quædam Episcopalem habentes, Abbates quidam, superiores maiores, & Capitula regularium possunt leges dare subditis suis; idem est de Conciliis Provincialibus, & nationalibus pro suis Provinciis.

Prob. ex consensu, & praxi totius Ecclesiæ: & ratio

[1] De Divo.

tio est, quia illi omnes Prælati sunt verè pastores; ergo possunt regere subditos suos legibus, & statutis convenientibus.

Prob. 2. de legatis ex cap. [1] *nemini*, quod sic statuit: *Nemini dubium esse volumus, quin legatorum sedis Apostolicæ statuta edita in Provincia sibi commissæ durent tanquam perpetua, licet eandem postmodum sint egressi: & ratio est, quia legatus in sua Provincia est ordinarius, ut constat cap. [2] legatos commissarum sibi Provinciarum ad instar præconsum, cæterorumque præsidum, quibus certæ sunt decreta Provincia moderanda; ordinarios reputantes.*

Prob. 3. de Patriarchis, & Episcopis ex Scriptura ipsa; nam ipsos posuit Spiritus S. Episcopos regere Ecclesiam Dei, & id patet ex usu communi ab omni ævo, & ob rationem allatam.

Prob. 4. de aliis Prælati, & superioribus, ac Capitulis regularium tum ex Scoto [3] dicente, quod *in religionibus constitutiones, & unius religionis ordinationes alias videns esse honestas, & benè conditionatas potest statuere, ut illæ in ista religione observentur, & obligarent, quia à capitulo generali illius ordinis sunt approbata, & id patet ex constitutionibus nostris Urbanis; [4] Ut si quid pro temporum varietate denuò statuendum sit, à solo capitulo generali statuatur, & infra; Sanctum est etiam, ut quemadmodum generales constitutiones à solo generali capitulo, ita statuta provincialia à solo provinciali capitulo, seu capitulari congregatione fieri possint.* Hæc tamen potestas habet suos limites, ita ut nihil possit statuere contra jus commune, & aliorum Prælatorum statuta, & ut rationem habeant legum, & perpetuitatem, debent confirmari à Papa, aut ab aliis sublimioribus superioribus, juxta singularum religionum regulas: similiter Episcopi nihil possunt statuere contra jus commune, nec circa res majores; scilicet quæ sunt communes toti Ecclesiæ, aut reservatæ soli ejus capiti universali.

Prob. denique de Conciliis, quia legitimè congregata habent eandem auctoritatem cum suo capite; scilicet vel Summo Pontifice, ut generalia, quæ repræ-

T 4

seu.

[1] *De offic. legati.* [2] *Exod. in 6.*

[3] *3. d. 15. q. 3. D. 5.* [4] *in c. 1. tit. 3. n. 3.*

sentant totam Ecclesiam, vel Archiepiscopo, vel Episcopo, ut provincialia. Id patet denique ex usu communi, & proprio Ecclesiæ.

Notandum tamen circa regulares, quòd secundum graves Doctores [1] non possunt eorum Prælati, vel Capitula imponere subditis novas leges supra, aut præter regulam approbatam, quam voverunt; quia potestas legislativa illorum est specialis, & fundatur in voluntaria religiosorum subiectione; ergo non potest eis præcipere nisi in iis, in quibus se subjecerunt, scilicet quæ in regula continentur. Ita monent nostræ constitutiones, quòd *legum, ac constitutionum multiplicatio ordinem potius pervertit, quam statuat*; idèò non leviter multiplicandæ sunt leges, nec præcepta.

Quæres, an Capitula Cathedralia sede vacante possint dare leges.

Resp. negativè; quia non fuit illis communicata hæc potestas, nec habent plenam potestatem Episcopalem; sed Episcopis succedunt in pura Ecclesiæ administratione.

### CONCLUSIO. III.

**P**rinces supremi, ac communitates perfectè temporales habent potestatem condendi leges civiles, ac temporales in suis regnis, & statibus obligantes in conscientia, non autem pure Ecclesiasticas. Est communis contra Valdenses, & Anabaptistas, & alios hæreticos, quatenus negant leges civiles ligare in conscientia christianos.

Prob. 1. ex Scriptura, [2] *Per me reges regnant, & legum conditores iusta decernunt*. D. Paulus [3] præcipit, quòd omnis anima potestatibus sublimioribus subdita sit; non est enim potestas nisi à Deo, qui potestati resistit, Dei ordinationi resistit; qui resistunt, damnationem sibi acquirunt; nam principes non sunt timori boni operis, sed mali; ergo principes laici possunt dare leges subditis, quibus ligantur etiam in conscientia, & sub pœnam damnationis.

Prob. 2. ex Scoto [4] dicente, quòd *distinctio dominio-*

[1] Haquet. hic. contr. 22. [2] Prov. 8.

[3] Rom. 13. 1. [4] 4. d. 15. q. 2. F. n. 8.



*riorum potuit esse iusta à lege positiva iusta, sive lata à Patre, sive à principe, sive communitate iuste regente, vel regnante, & distinguit duplicem auctoritatem, paternam, & politicam, & in utraque agnoscit auctoritatem juxta legislativam, illam pro familia, istam pro communitate.*

Prob. 3. ratione. Principes sæculares, seu temporales habent potestatem regendi subditos in rebus temporalibus; sed hoc non possunt præstare sine legibus, ergo possunt condere leges. Maj. patet ex Scriptura citata: prob. min. non possunt regere subditos sine regulis, quas sequantur in commerciis, seu contractibus &c. ergo nec sine legibus, quæ sunt ipsæ regulæ.

Dices, sufficere legem naturalem, aut divinam positivam.

Contra. Quia lex naturalis non descendit ad singularia: Mosaica verò est abrogata, & Evangelica est principaliter pro spiritualibus, quæ salutem æternam, & directionem animarum spectant.

Dixi, *principes supremi*. Nam de ratione legis est, ut à supremo principe feratur, qui superiorem non habeat in illa communitate, in qua lex vigere debet. Quod tamen de principibus feudatariis non intelligitur; isti enim habent potestatem jurisdictionalem, & dominium utile perpetuum; ergo possunt dare leges subditis. Prob. conf. quia leges, & statuta important provisionem circa speciales indigentias populi; ergo qui habet regimen speciale in populum, ut habent principes feudatarii, potest condere leges pro illius populi indigentia, & regimine; alioqui non sufficienter provideretur ei.

Dices. Hinc sequeretur, Episcopos non posse condere leges, quia non sunt supremi, sed subduntur Papæ; ergo vel isti non possunt dare leges suæ Ecclesiæ, vel principes subalterni hoc possunt.

Resp. neg. paritatem; quia Episcopi respectu Papæ comparantur feudatariis, & hoc habent à Deo, ut regant Ecclesiam sibi commissam, principes verò subditi hoc non habent nec à Deo, nec ab Imperatore, vel Rege, sicut habent feudatarii, & alii Principes in Germania sub Imperatore.

Probatur 3. de legibus purè Ecclesiasticis contra hæ-

reticos Anglos, quia, ut docet S. Ambrosius; [1] *Imperator* (idem est à fortiori de aliis regibus, & principibus) *Imperator*, inquam, *bonus intra Ecclesiam est, non supra Ecclesiam: & certè si vel scripturarum seriem divinarum, vel vetera tempora tractemus, quis est, qui abnuat in causa fidei Episcopos solere de Imperatoribus Christianis, non Imperatores de Episcopis judicare; &c.* Unde sic argumentor, &

Prob. 2. ratione. Reges sæculares hanc potestatem haberent vel à natura, vel à lege divina, vel humana; sed à nullo horum habent eam; ergo non habent. 1. non jure naturæ, quia illud non extenditur ad supernaturalia; sed leges Ecclesiasticæ respiciunt bonum supernaturale animarum, nempe salutem æternam; civiles verò bonum naturale, scilicet temporalem felicitatem; ergo potestas dandi leges Ecclesiasticas in rebus spiritualibus non habent reges à jure naturæ.

2. Nec jure divino: nam id pateret ex alterutro testamento; sed in neutro id habetur; ergo non ex jure divino. prob. min. 1. leges omnes veteris testamenti sunt vel in præceptis ceremonialibus, & judicialibus, quæ abrogata sunt per Christum, vel in præceptis decalogi, in quibus nihil tale apparet. 2. multò minus in novo, in quo tam expresse Christus regimen Ecclesiæ commisit Petro, & Apostolis. Unde S. Paulus describens Hierarchiam Ecclesiæ, nullum ibi ponit principem sæcularem; Et ipse, inquit, *dedit quosdam quidem Apostolos, quosdam autem Prophetas, alios Evangelistas, alios Pastores, & Doctores ad consummationem sanctorum in opus ministerii in ædificationem corporis Christi, &c.* ergo ad istos solum, & non ad sæculares potestates pertinet regimen Ecclesiæ.

3. Nec jure ullo humano: nec enim quidquam istud potuisset contra jus divinum; ergo nullo jure humano principes laici habent eam potestatem.

Prob. 3. ex SS. Patribus, qui hanc potestatem principibus, etiam summis imperatoribus constantissime negarunt, v. g. Chrysost. [2] *Quamquam admirandus videatur ibi regius, tamen rerum terrenarum admi-*

[1] *Conc. Basil. de non dandis hæret. & ep. 13.*

[2] *Hom. 4. & 5. de ver. Isa.*

administrationem sortitus est; nec præter potestatem hanc præterea quidquam habet auctoritatis. Et Nazianzenus [1] eos potius Ecclesiæ subditos dicit: Vos quoque lex Christi meo imperio, ac throno subijcit, &c. Et Athanasius. [2] Si istud Episcoporum iudicium est, quid cum eo commune habet Imperator, quando iudicium Ecclesiæ auctoritatem suam ab Imperatore accepit? Et Hosius [3] apud eundem Athanasium scribebat ad Constantium; Ne te misceas Ecclesiasticis, sed potius ea à nobis disce; tibi Deus imperium commisit, nobis quæ sunt Ecclesiæ concredidit. Et Ambros. [4] dicebat Valentiniano: Noli te gravare, Imperator, ut putes te in ea, quæ divina sunt, imperiale aliquod ius habere; noli te extollere, si vis diutius imperare; esto Deo subditus: scriptum est enim, quæ sunt Dei Deo, quæ Caesaris Cesari.

Dices cum hæreticis, SS. Patres loqui de potestate in altari, in Cathedra, & confessionali. Sed contra. Nam loquuntur generaliter, & indefinitè de omnibus; quæ spectant ad religionem.

Prob. 4. ex communi, & perpetua praxi Ecclesiæ, ut facile esset ostendere. Videndi sunt controversiæ Theologi; nam distingui solet triplex in Ecclesia potestas. 1. ordinis ad sacramenta conferenda, & conficienda. 2. actionis, seu fori interioris, scilicet ad regendos fideles in foro conscientiæ ligando, vel solvendo, seu absolvendo. 3. jurisdictionis exterioris; convocando synodos, eis præsidendo, ministros Ecclesiæ destinando, & instituendo, beneficia conferendo, & erigendo, dogmata fidei definiendo, &c. priores duas non negarunt hæretici solis inesse Ecclesiasticis, sed 3. soli Christo, & Principibus, ac Magistratibus sæcularibus tribuunt sub fundamentis sequentibus.

Objic. 1. Potestas sacerdotalis erat subiecta regibus in veteri lege; ergo & in nova, quia nihil quoad hoc innovavit Christus: & constat ex historiis, quòd Imperator deposuit Pontifices. Prob. ant. Nam Deus jubet, [5] ut Rex postquam sederit in solio regni

T 6

sui

[1] Orat. ad cives. [2] Ep. de vita solit.

[3] Ep. ad Marcel.

[4] Orat. con. Auxént.

[5] Dent. 17.

*fui, describat tibi Deuteronomium, legatque illud omnibus diebus vitæ suæ, &c.* Et David [1] senex convocat concilium: *Sacerdotes, & Levitas eligit ex istis, qui distributi sunt in ministerio domus Domini.* &c. Salomon [2] deposuit Abiathar, & loco ejus posuit Sadoch. Josaphat [3] constituit Levitas, & Sacerdotes. Idem fecit Ezechias, [4] idem & Josias. Idem notatur in novo testamento: nam Hadrianus concessit Imperatori Carolo Magno facultatē eligendi Papam, & Constantinus commisit Malchiadi iudicium in causa Felicis, quod etiam præstiterē plures alii, ut Theodosius, Marcianus, Leo, & Honorius; ergo Principes, & Magistratus sæculares habent jurisdictionem in Ecclesiam; ergo & leges Ecclesiasticas ferre possunt.

Resp. 1. neg. conf. nam licet apud Judæos sacerdotes fuissent subditi regibus, id non sequitur apud Christianos, tunc enim Sacerdotiū erat magis temporale, & nunc magis spirituale; tunc regnum erat sacerdotale, nunc verò sacerdotium est regale. Præterea lex illa fuit antiquata per novam; unde non valet consequentia de illa ad istam.

Resp. 2. neg. ant. nec enim ullibi apparet, quòd sacerdotes in ministerio suo essent subditi regibus, ita ut isti possent se se ingerere in illorum ministerio; sed ad summum subdebantur regibus in civilibus, politicis, & criminalibus, Ideò Josaphat præcipit; [5] *Amazias sacerdos Pontifex vester in omnibus, quæ ad Deum pertinent, præsidebit*, quod maxime patet ex historia Samuelis, & Saulis. Ad prob. etiam nihil ex illis historiis, & textibus colligitur ad propositum. Deuteronomium facit pro nobis; nam rex quidem habere, & legere debebat legem, sed eam accipiebat à sacerdote, *Accipiens exemplar à sacerdotibus levitici generis*. Et præterea si ex obligatione legendi legem nasceretur potestas in Ecclesiani apud hereticos omnes plebei præeminerent sacerdotibus, & dominarentur clero, quia possunt, aut debent legere bibliam. Ex Davide nihil infertur rectè: nam licet convocari omnes principes populi, & sacerdotes, & Levitas, ibi nihil actum circa fidem, & sacrificia, vel disciplinam sacram. Quoad Salomonem, eiecit Abiathar, cum non es-

[1] 1. Paralip. 23. [2] 2. Reg. 6. [3] 2. Paralip. 18.  
[4] Ibid. c. 22. & 23. [5] 2. Paralip. 19.

*ſet ſacerdos Domini, ut impleretur ſermo Domini.* Hoc ergo fecit ut miniſter, non ut Dominus. Et quoad alios reges, non inſtituebant Sacerdotes, & Levitas, ſed designabant, nominabant, & preſentabant in miniſteriis, ut etiam hodie faciunt reges in Episcopatibus, & plures laici patroni beneficiorum, ex quo nulla ſequitur iuriſdictio illorum in Eccleſiam.

Denique ſi qui Reges, vel Imperatores aliqua ſimilia, aut majora attentarunt in Eccleſia, vel inique geſſerunt, vel id fecerunt miniſterialiter, & ut deſenſores, ac tutores, & miniſtri religionis, & executores ſacrorum Canonum, non ut Domini, vel Iudices, quod profeſſi ſunt religioſiores: & de Carolo Magno [1] legitur, qui ſic proteſtabatur: *Si Eccleſiarum Dei ſervis munificentiam noſtram impertimur, eorumque ſtudiis libenter obſequimur* (nota verbum obſequendi, non dominandi) *id nobis ad Auguſtaliſ Excellentie culmen proſicere credimus.* Et id ſolemnius profeſſus eſt coronam accipiens imperii à Leone Papa, *Spondeo utique, polliceor ego Carolus Imperator coram Deo, & B. Petro Apoſtolo, me proteſtorem, ac deſenſorem fore huius S. Rom. Eccl. quatenus divino ſultus fuero adiutorio, &c.* & ſimili formula iuramenti utantur omnes Reges Catholici in ſua auguratione, ſcilicet ſe religionis, & Eccleſie deſenſores futuros. Unde S. Ambroſius ad Imperatorem ſcribens ait: [2] *Quid eſt honorificentius, quam ut Imperator dicatur filius Eccleſie? Imperator enim bonus intra Eccleſiam, non ſupra Eccleſiam eſt.* Adriani factum nihil probat: nam ſi idem Imperator nominavit Papam, id non fecit imperatoria, ſed pontificia auctoritate ſibi commiſſa. De facto autem hoc valde dubitant hiſtorici. Conſtantine verò potiùs remiſit Donatiſtas, & Felicis cauſam ad Melchiadem, [3] quàm commiſit: ideò conqueſtus eſt, quòd ad ipſum appellarent. *O valida furoris audacia!* inquit, *ſicuti in cauſis gentiliũ fieri ſolet, appellationem interpoſuerunt.* In hoc verò ſe intermiſcuit negotio, ut compelleret Donatiſtas, qui Episcoporum, & Papę iudicium recuſabant, ut notat Aug. [4] & ipſe Imperator ingenuè proſitetur, quòd

[1] Sigon. hiſt. tit. 6. l. 4. n. 40.

[2] Epiſt. 32. ad Valentin.

[3] optat. l. 1. con. permiſſ. [4] Ep. 162.

quod Deus vos constituit sacerdotes, & potestatem dedit de nobis quoque judicandi, & idem nos à vobis recte judicamur, vos autem non potestis ab hominibus judicari. Idem dicendum de aliis Imperatoribus. Sed de hoc satis.

Habes igitur ex tota disputatione causas legis in communi, *materiam*, res honestas, unde illius iustitia; *finalem*, bonum commune: *formalem*, modum, & promulgationem; *efficientem*, auctoritatem publicam, & supremam; ad species descendimus.

## DISPUTATIO VII.

*De legibus in particulari, & primo de lege naturali.*

**D**iximus legem primò dividi in *naturalem*, *positivam*. Unde patet, quòd *naturalis* est prima species legum, & sic ordo postulat, ut ab ista incipiamus tractatum de legibus singulis. Sit igitur

### QUESTIO I.

*An, & quid sit lex naturalis.*

**E**xistentiam legis naturæ non est, qui neget, aut negare possit, nisi se ex legem, & irrationabilem fateatur, & de illis, de quibus dicebat Apostolus, [1] quòd *obscuratum est insipiens cor eorum, & tenebris obscuratum habentes intellectum, alieni fiunt à via Dei per ignorantiam.*

De hac lege loquuntur SS. PP. passim, ut August. [2] *Manus nostri formatoris in ipsis cordibus nostris veritas scripsit, quod tibi non vis fieri, alteri ne feceris: hoc, & antequam lex daretur, nemo ignorare permisus est, ut esset unde judicarentur, & quibus lex non esset data; sed ne sibi homines aliquid deesse quererentur, scriptum est & in tabulis, quod in cordibus non legebant, &c.* quod etiam disertè habet S. Bernardus: [3] *Homo innatam, nec ignotam sibi legem habet, quæ facien-*

[1] Rom. 1. [2] in ps. 57.

[3] l. de dilig. Deo.

facienda, ac prosequenda, quare fugienda sint interius dictante ratione demonstrat, quam antiquæ legem habemus scriptam in cordibus nostris, quo fit, ut gentes, quæ legem (Mosaicam) non habent, naturaliter ea, quæ legis sunt, faciant, &c.

Patet etiam ex Scriptura: nam ille locus Apostoli hoc probat evidenter: [1] *Gentes, quæ legem non habent, naturaliter ea, quæ legis sunt, faciunt, & ipsi sunt sibi lex, & ostendunt opus legis scriptum in cordibus suis.* Et David: [2] *Multi dicunt, quis ostendit nobis bona?* Quæ interrogatio quotidiana est omnium stultorum, atque impiorum, inquit Aug. respondet, [3] *Signatum est super nos lumen vultus tui Domine, per quod lumen communiter intelligunt Theologi legem naturæ.* Et ratio id suadet, quia nisi Deus indidisset legem, & regulam, cujus ductu in finem nostrum possemus tendere, minùs benè nobiscum egisset, quàm cum cæteris creaturis, siquidem vires, & inclinationes illis indidit, quibus eant in bonum suum: ergo & nobis.

Quantò autem nota, & certa est legis naturæ existentia, tantò ignota, & incerta est eius quidditas, & essentia, quod liquet ex opinionum varietate, & definitionum ejus diversitate, quæ ferè æquat doctorum numerum: nos, quid verisimilius videatur, dicemus breviter.

Suppono autem, quòd lex naturalis sumi potest 1. *objectivè* pro regula practica æternæ veritatis habentis primum esse ideale formale objectivum in mente divina, quæ est liber lucis æternæ continens omnes veritates practicas æquè, ac speculativas ex terminis notas. 2. *pro actu formali* divinæ mentis, quo judicat practicè de illis operabilibus ex natura rei necessariis ante omne decretum suæ voluntatis, unde talia principia sumunt rationem legis omnibus observandæ, in qua nulla fieri potest mutatio, nec dispensatio ne quidem divinitus. 3. *pro esse objectivo*, quod habent illæ veritates in intellectu nostro. 4. *pro actu formali* intellectus nostri simpliciter practico, quo lumine rationis naturalis judicamus hanc legem esse necessariam regulam nobis sequendam. In his omnibus sensibus vocari etiam potest *æterna*, id est *æterna*

[1] Rom. 1. [2] Ps. 4.

[3] Ibid.

*na veritatis*, prout judicatur nota ex terminis, & ex lumine naturali mentis. Hæ quatuor acceptiones legis naturæ valde notandæ sunt ad rectè explicandam essentiam ejus, & maximè juxta Scotum.

Porrò natura rationalis spectari potest vel 1. *secundum se*, & in ratione talis entis, cui conveniunt aliqua, & disconveniunt alia, vel 2. pro ut de hujusmodi convenientibus, & disconvenientibus judicare potest per lumen rationis suæ, & hoc vel ostendendo practicè, & purè quid sit agendum, vel vitandum, vel id ostendendo cum obligatione conformandi se illi judicio, & istud maximè est de ratione legis, quia essentialiter habet vim obligandi, & ideo est præceptiva. Quæritur ergo, in quo consistat formalis ratio, & essentia legis naturæ.

## CONCLUSIO.

**L**ex naturalis non est præcisè natura rationalis, nec ipsum lumen naturale, vel ipsa ratio humana, seu intellectus.

Prob. 1. ex Scoto dicente, [1] quòd de lege naturæ est verum practicum simpliciter notum lumine rationis naturalis, & ibi potissimum locum tenet principium practicum notum ex terminis; secundariò autem est de lege naturæ, quod regulariter consonum est legi naturæ primo modo dictæ. Et alibi dicit, [2] quòd propriissimè de lege naturæ est principium practicum per se notum, & conclusio demonstrativè descendens ex tali principio: Secundariò autem de lege naturæ est verum evidenter consonum talibus principiis; ex quibus textibus apertè constat legem naturæ non consistere præcisè in ullo ex his.

Prob. 2. quoad 1. p. quia lex est regula; sed natura rationalis non tam est regula, quàm regulata, aut regulanda; est enim ipsi legi subjecta; ergo non est ipsa lex formaliter.

Confir. quia actus mali tam sunt à natura rationali, quàm boni; ergo ipsa præcisè natura rationalis non est lex, id est ratio, cur sint boni, vel mali, sed aliquid aliud ab ea.

Prob.

[1] 4.d.33.q.1.G.n.7.

[2] 4.26.F.n.7.



Prob. 2. p. de intellectu, seu lumine rationis in actu primo, istud enim lumen non aliter dici potest lex naturalis, nisi quia per ipsum nobis repræsentatur lex ut obligans ad agendum, vel vitandum; sed hoc non facit ut ipsum lumen, vel intellectus sit lex; ergo lumen, vel ratio naturalis in actu primo non est ipsa lex. Prob. min. nam intellectus, seu ratio, & lumen naturale se habet ut præco intimans legem, & dirigit nos per modum cognitionis legis, non verò per modum legis, promulgatio autem legis non est lex propriè loquendo.

Objic. 1. contra 1. p. Natura rationalis secundum se præcisè est fundamentum; & mensura honestatis, vel inhonestatis actuum, & ea posita ponitur lex naturalis, & ea sublata tollitur; ergo in ipsa consistit formaliter illa lex. Prob. antec. quæcumque præcipiuntur decent naturam rationalem, & quæ prohibentur, dedecent illam; ergo ipsa est mensura, & fundamentum honestatis, & ea posita ponitur lex.

Resp. neg. conf. Neque enim fundamentum, & mensura legis est ipsa lex, ut patet in lege positiva: nam publica quies, & salus est fundamentum, & mensura omnis legis politicæ, & tamen ipsa non est lex; ergo idem est de natura rationali.

Inst. Lex naturalis est prima regula bonitatis, & malitiæ actuum humanorum; sed hoc dicitur de ipsa natura rationali in se; ergo est lex ipsa naturalis: prob. min. ille actus dicitur bonus, qui decet naturam rationalem, & malus, qui dedecet; ergo natura rationalis est prima regula actuum humanorum.

Resp. dist. min. & ant. prob. prima regula fundamentalis, conc. min. & ant. formalis, neg. min. & ant. lex, & regula morum fundatur quidem in natura rationali, sed hæc non est eorum formalis regula præcipiens, aut vetans.

Objic. contra 2. Scriptura, & Patres, & Philosophi dicunt legem naturalem esse luminis divini participationem; *Signatum est super nos lumen*, &c. & eam esse scriptam in cordibus nostris, & innatam; sed nihil tale habemus præter lumen rationis, seu rationem ipsam, & intellectum; ergo illa ratio est formalis lex naturæ. prob. ant. *Gentes, quæ legem* (positivam)

non

non habent, ipsi sunt sibi lex, ostendunt opus legis scriptum in cordibus.

Confir. 1. ex SS. Patribus; *Illa lex, inquit S. Ambrosius, [1] non inscribitur, sed innascitur, nec aliqua percipitur lectione, sed profluo quodam naturæ fonte in singulis exprimitur: idem docet S. Maximus, [2] Lex naturæ est ratio naturalis, quæ captivum tenet sensum ad delendam vim irrationalem. 2. ex Philosophis: nam est quidem vera lex recta ratio naturæ congrua, diffusa super omnes, constans, sempiterna, quæ voces ad officium iubendo, vetando à fraude deterreat, inquit.*

Resp. neg. conf. Nam Scriptura loquitur de lege radicaliter, non formaliter, & in rigore Scholastico: & SS. Patres sæpè illam legem confundunt cum synderesi, & conscientia: unde Apostolus subdit: *testimonium illis reddente conscientia ipsorum*, licet conscientia, & synderesis multum differant, ut patet ex dictis.

Objic. 3. contra easdem partes: Lex naturalis ea est, quæ innata est omni homini, estque inseparabilis à natura, & ratione; ergo nihil est distinctum à natura rationali, aut ratione. prob. ant. nam manet in pueris, & amentibus: ergo &c.

Resp. dist. ant. inseparabilis quoad radicem, & remotè, seu fundamentaliter, & in actu primo, conc. ant. formaliter, proximè, & in actu secundo, neg. ant. utrumque: nec enim formaliter, nec in actu secundo remanet in pueris, & amentibus, habent intellectum, & rationem, sed ligatam, & actualiter incapacem iudicandi, & agendi conformiter ad dictamen ipsius rectæ rationis.

## CONCLUSIO II.

**L**Ex naturali non consistit in actu ullo positivo divinæ voluntatis præcipientis, aut prohibentis.

Prob. 1. Quia præciso quovis actu divinæ voluntatis circa creaturas, adhuc intelligeretur esse lex naturalis: ergo hæc non consistit in ullo tali actu. Prob. ant. præcisâ quacumque Dei iussione, verum est dicere quod ejus amor est bonus, & à nobis eliciendus, & odium ejusdem malum, & vitandum, sed

[1] L. 9. Ep. 71. [2] Cent. 5. c. 13.

sed non posset esse, nisi ex lege naturæ; ergo haberetur lex naturæ præcisa omni iussione voluntatis divinæ: minor patet, nec enim essent mala ex ulla lege positiva, ut supponitur. prob. maj. patet enim ex terminis cuilibet utenti ratione, quod malum est odisse Deum, & bonum est illum amare, sicut supposita iussione, malum esset non obedire, quia ex terminis per se notum est, malum esse non obedire Deo jubenti; alioqui etiam supposita iussione adhuc ille amor non esset necessarius, nec odium illud malum, quod sic probō: Præcisa omni iussione divina præcipiente obedientiam, malum esset non obedire illi jubenti; ergo iussio non facit, ut inobedientia mandatis ejus sit mala, sed lex purè naturalis, quæ est prima, & fundamentalis regula bonitatis, aut malitiæ.

Prob. 2. Quia omnis iussio Dei est vel necessaria, vel libera contingenter; sed neutra facit legem naturalem; ergo hæc non consistit in illo actu: minor patet ex præcedenti; nam ideo Deus aliqua necessaria præcipit, aut prohibet, quia in eis præsupponitur ratio iussionis, aut prohibitionis, quæ non est in aliis, quæ non sic jubet, aut vetat; sed hæc ratio nihil potest esse aliud, quam lex naturæ; ergo hæc non consistit in iussione illa. Prob. min. per legem enim naturæ nihil intelligimus aliud, quam rationem, & regulam, à qua per se primò, & præcisa omni iussione, vel prohibitionem actus est malus, aut bonus; sed illa ratio, quæ præsupponitur iussioni necessariæ Dei, talis est; ergo est lex naturæ potius, quam iussio.

Denique per legem naturalem omnes intelligunt illam, quæ nascitur ex natura rerum, & innata est omni creaturæ rationali antecedenter ad omnem actum positivum; & in hoc distinguitur ab omni lege positiva sive æterna, sive temporali divina.

Confir. Quia ex omnium sensu, & ex Scriptura ipsa lex naturæ est in nobis scripta in cordibus nostris; iussio autem Dei, & omnis actus ejus in ipso est, & quidem ab æterno; ergo lex naturæ non consistit in illo actu.

Objic. 1. Si lex naturæ non consisteret in illa iussione divina saltem partialiter, consisteret in judi-

cio rationis; sed hoc est falsum; ergo consistit in iustificatione illa. prob. min. 1. quia illud iudicium non est præceptivum, nec per se obligativum ex parte ullius superioris, quod tamen est de essentia legis. 2. iudicium illud prærequiritur in omni lege etiam humana, & tamen non est de essentia eius. 3. quia lex hæc esset in Deo, quatenus etiam habet simile iudicium de aliqua re à se facienda, & 4. posset esse non solum in quolibet superiori, sed etiam in inferiori, vel equali; in his autem non est potestas legislativa; ergo lex naturalis non consistit in iudicio rationis de bonitate, ac malitia actuum.

Resp. 1. neg. maj. potest enim in alio consistere, quam in tali iudicio, saltem formali, ut dicemus.

Resp. 2. neg. min. & ant. 1. probationis: nam illud iudicium de bonitate necessaria sufficienter obligaret; v. g. iudicium de necessitate amoris Dei sufficienter obligaret ad illum actum. Ad 2. neg. conseq. quia si supponeret aliam legem, ut in lege humana, iam illud non esset lex, sed præco legis. Idem est de 3. conf. nam quod Deus habeat non tantum iudicium, sed etiam decretum æternum de actibus suis in tempore, non sequitur, quod sibi leges imponat propriè, & quod illis subjiciatur. Denique in quocumque esset illud iudicium, si esset illi præceptivum, esset ipsa lex.

Objic. 2. Quod est contra legem naturæ debet esse contra voluntatem alicujus superioris, sed præcisa iustificatione Dei nihil fieret in natura contra voluntatem ullius superioris; ergo nec contra legem naturæ: maj. patet; nam lex, per nos, est actus voluntatis in superiore. prob. min. nullus enim est superior ad legem naturæ præter Deum; ergo præcisa iustificatione Dei, nihil fit in creatis contra ejus voluntatem.

Respondeo neg. maj. id enim verum est in legibus positivis, quas diximus consistere principaliter in iustificatione, vel prohibitione cum intentione obligandi, sed non in lege naturali, quæ in hoc differt à positivis.

Inst. ex August. [1] peccatum describitur *dictum, factum, vel concupitum contra legem æternam*; sed ex eodem, *lex æterna est ratio, vel voluntas Dei*; ergo vel non peccatur contra legem naturæ, vel hæc

con-

consistit in iussione aliqua voluntatis alicujus superioris, & maxime Dei. Item prob. ex alio loco, ubi dicit, [1] quod *neque peccatum erit, si quid erit, si non divinis jubeatur, ut non sit; quomodo peccatum dimittitur per Dei misericordiam, si peccatum non est? aut quomodo non vetatur per Dei iustitiam, si peccatum est?* & denique ex Apostolo; [2] *Ubi non est lex, nec pravaricatio*; ergo lex naturalis est in aliquo actu voluntatis divinæ.

Resp. neg. conf. Nam aliud est, quod omne illud sit peccatum, quod est contra legem æternam, & prohibitionem, & illud verissimum est; aliud, quod nihil sit, vel possit esse peccatum, quod non prohibeatur per actum positivum æternum, qui sit lex naturalis, & istud negamus: nam, ut diximus; præcisa quacumque prohibitionem positiva Dei, odium Dei esset peccatum, & teneremur amare Deum. Locus autem Apostoli non facit ad rem; ubi non est lex naturalis, aut positiva, nec pravaricatio, quid inde? lex naturæ est vera lex.

Inst. 2. Ex S. Ambros. [3] peccatum est pravaricatio divinæ legis; ergo ubicumque est peccatum, ibi est pravaricatio Dei iussionis sive in lege naturali, sive in positiva.

Resp. neg. conf. ob eandem rationem. 1. quia potest dici ad mentem S. Ambrosii esse, quod etiam lex naturalis sit lex Dei, quia est auctor naturæ, 2. quia quidquid est contra Dei legem est peccatum, sed non e contra, saltem necessario, sic quin posset esse peccatum sine explicita, & positiva prohibitionem Dei.

Objic. 3. Nihil prohibetur lege naturali, quod non prohibeatur etiam à Deo per iussionem positivam suæ voluntatis; ergo lex ipsa naturalis in tali actu consistit.

Resp. neg. conf. Nam ut idem actus potest prohiberi, aut præcipi diversis legibus, ac præceptis, ex eo quod Deus præcipiat, aut vetet, quæcumque lex naturalis præcipit, aut vetat, non sequitur, quod non sit lex distincta à lege positiva Dei.

C O N.

[1] 2. D. pecc. mer. c. 16. [2] Rom. 4.

[3] De parad. c. 8.

## CONCLUSIO III.

**L** Ex naturalis præcisè, & formaliter est ipsum verum practicum fundatum in rebus ipsis, & ex terminis simpliciter notum lumine rationis naturalis, atque obligans ad faciendum, vel non faciendum independenter ab omni præcepto divino, vel humano.

Prob. 1. ex Scoto [1] jam citato. Aliquid est de lege naturali dupliciter. 1. quod est verum practicum simpliciter notum lumine rationis naturalis; & ita potissimum gradum tenet principium practicum notum ex terminis. 2. gradum tenet conclusio demonstrata ex talibus principiis; secundario autem est de lege naturæ, quod regulariter consonum est legi naturæ primo modo dictæ: Vides conceptum, quem damus de lege naturæ, esse ferè in terminis conformem doctrinæ Scoti. [2] Item, Lex naturæ est lex descendens ex primis principiis notis in agibilibus. Talia sunt quedam principia practica nota ex terminis, quæ sunt quedam semina-ria, ad quorum veritatem naturaliter inclinatur intellectus ex terminis, & ad assentiendum tali dictamini inclinatur voluntas naturaliter ex talibus principiis.

Prob. 2 Quia non potest melius explicari, in quo consistat; ergo &c. Nam illud est formaliter lex naturalis, à quo actiones istæ habent primò per se, & independenter ab omni actu positivo divino, vel humano esse bonæ, aut malæ; seu prohibitæ, aut præceptæ; sed hoc habent à jure illo, quod ex rebus ipsis nascitur in intellectu nostro; ergo in illo consistit propriè lex naturalis: maj. patet, quia per legem naturalem omnes intelligunt eam, à qua actiones nostræ habent esse bonæ, aut malæ de se independenter ab omni voluntate divina, vel humana. prob. min. hoc ipso quòd illud jus sic nascitur in nostro intellectu, cognoscimus evidentè actionem aliquam de se præcipi, aut prohiberi ex se, & ex natura rei, ita ut sit malum eam omittere, si agnoscitur ut præcepta, vel committere, si prohibita, quæ cognitio habet rationem promulgationis.

Dicitur ergo 1. verum practicum, ad differentiam  
prin.

[1] 3.d. 13.7. 1.G.n.7. [2] 3.d. 37.n.2.

principii, seu veri speculativi, quod convincit quidem intellectum, sed non inservit per se ad dirigendam voluntatem in ordine ad bonum, vel malum morale. 2. *fundatum in rebus ipsis*, ad differentiam legis, seu juris positivi, quod fundatur proximè in voluntate, seu iussione superioris. 3. *ex terminis simpliciter notum lumine naturali rationis*, id est convincens intellectum, adeo ut illi necessario assentiatur, & judicet esse verum, & sic non tantum includit prima Principia moralia, sed etiam conclusiones ex illis evidenter deductas. 4. *obligans ad faciendum, vel non faciendum*; non enim quæcumque apparent bona, ea sunt ex lege naturæ, sed tantum ea, quæ apparent de se bona facienda, ita ut si non fiant, peccetur; alioqui etiam quæ cadunt tantum sub consilium, essent de lege illa. Debent ergo agnosci ut bona facienda, vel ut mala vitanda, ita ut peccetur, si non fiant illa bona, aut si fiant illa mala. 5. denique *independenter ab omni præcepto divino, vel humano*, ut distinguatur ab omni lege positiva.

Objic. 1. Lex naturalis dicitur in Scriptura, & Patribus nobis innata, indita, insita, & immobiliter permanens; sed hæc prædicata non conveniunt illi vero pratico, seu iuri; ergo non est lex naturalis. min. patet: nam illud *ius verum*, ex Scotistis, consistit in propositionibus objectivis, & oritur ab ipsa natura rerum, ipsisque potius inheret, atque intellectui divino, à quo est principiativè, velut ab ejus institutore: prob. maj. *Gentes, quæ legem non habent, ipsi sunt sibi lex, qui ostendunt opus legis scriptum in cordibus suis. Et, Signatum est super nos lumen vultus tui Domine. Et, Lex Dei mentem nostram incendens*, inquit Damascenus, [1] *eam ad se protrahit, conscientiamque nostram vellicat*, quæ & ipsa mentis nostræ lex dicitur: & ut docet S. Aug. [2] *Quis legem naturalem scribit in cordibus nostris, nisi solus Deus?* & S. Ambros. dicit, [3] *quod ea lex non scribitur, sed innascitur, nec aliqua percipitur lectione, sed profuso quodam natura fonte in singulis exprimitur*: & ut Lactantius scribit, [4] *est vera lex recta ratio naturæ congruens, diffusa in omnes, congrua, sempiterna, quæ*

vocat

[1] L. 4. c. 23. de fide. [2] 2. de ser. dom.

[3] L. 5. ep. 41. [4] L. 6. c. 28. instit.

*vocet ad officium iubendo, vetando, &c.* ergo ex Scriptura, & Patribus lex naturalis est nobis innata, immobiliter stans, non autem verum practicum relucens in rebus, vel actibus ex natura rei.

Respondeo dist. maj. est innata, & permanens, quatenus vis, & inclinatio eam cognoscendi est innata menti nostræ, quæ parata est, & disposita ad eam agnoscendam, & promulgandam, conc. maj. & neg. min. innata, seu quasi adherens per modum habitus, vel actus, aut facultatis, neg. maj. & hoc sensu intelligenda sunt loca illa, & similia, Scripturæ, & Patrum; nec enim ad litteram possunt intelligi, nec in ipsa natura rationali, in qua Vasquex ponit legem: nec in ipso intellectu, & ratione: in qua eam ponit Averſa, nec in actu rationis, sive intellectus, ut vult Suarez; nec in habitu ullo infuso, vel acquisito, ut volunt alii: nam hæc non sunt innata, vel insita cordibus. Apostolus dicit, *gentes facere, quæ legis sunt*, absque auxilio legis Mosaicæ, sed solo naturali lumine, ac Dei auxilio interiori, & hoc sensu *sibi ipsis sunt lex*. David loquitur de lumine, quo proponuntur nobis bona facienda, & sic ille locus non est ad rem. Damascenus tam potest intelligi de vero objectivo, & practico, quàm de natura rationali, vel de intellectu, vel cognitione, vel habitu ullo: tam enim *verum* illud, & *iur* illud ut propositum, & lumine naturali notum *vellicat conscientiam, mentem incendit, & attrahit*, quàm ullum ex his; imò, & magis dicitur de illo, quàm de istis; natura enim rationalis, nec intellectus *non vellicat mentem*, cum sit ipsa mens, sed potius ipsa *vellicatur*. Ita etiam illud verum rectè dicitur *scribi in cordibus nostris* per hoc, quod illis connaturalis est ejus cognitio absque studio, vel labore, sed simplici naturalis luminis ope. Eodem sensu loquitur S. Ambros. Lactantius loquitur post Ciceronem, & rectè intelligi potest de ratione objectiva, quale est *verum* istud *practicum*, seu *iur*.

Constet igitur, legem naturalem rectè explicari per illud *iur*, quod intimatur singulis hominibus, & obligare incipit eodem ipso tempore, quo habent usum rationis: tunc enim per hanc legem discernunt inter bonum, & malum, & hic usus rationis est talis *iuris*, ac legis intimatio, seu promulgatio, de qua videtur



detur loqui Apostolus dicens: *Ego vivebam sine lege aliquando, sed cum venisset mandatum, peccatum revixit*, id est tempus intelligentiæ appetentis bona, & vitantis mala, tunc peccatum reviviscere incipit, & homo reus esse peccati.

*Verum* igitur, seu *ius* illud, quod dicimus formaliter esse legem naturalem, continetur in propositionibus illis generalibus, & practicis, & objectivis, ad quas respiciens ratio naturalis videt, quæ agere, & prosequi debeat, aut fugere, & omittere, & quædam generalissimæ sunt, ac primæ, per se immediatè, & ex terminis simpliciter notæ, & consensum extorquent ab intellectu sano, ut, *Bonum amandum, malum odiendum; Deus colendus; parentes honorandi*; aliæ sunt magis particulares; & ex illis primis deducuntur, ut conclusiones per discursum elicite, ut indissolubilitas matrimonii, inquit Scotus; hæc enim supponit contractum matrimonialem; fidelitas, & castitas conjugalitatis, &c. & istæ, ut dicebamus, non tam facilè, nec tam universaliter ab omnibus capiuntur, egent aliquo discursu, sed tamen pertinent ad hanc legem, ex qua obligarent per se, & ex natura sua, licet de iis nulla alia jussio positiva extaret.

## Q U Æ S T I O II.

*An lex naturalis sit præceptiva. Et unde habeat vim obligandi, & quomodo obliget.*

**V**idimus legem dici à ligando, & esse de ratione illius generica, ut obliget ad id faciendum, quod jubet, & vitandum, quod vetat, idque sub aliqua pœna, & idèò cum lex naturalis sit vera lex, debet in hoc convenire cum aliis speciebus legum, ut sit præceptiva, & obliget ad ea servanda, quæ præcipit, sub aliqua pœna, quam incurrunt transgressores. Quidam putarunt eam tantum esse ostensivam, & indicativam boni, aut mali, & si præceptiva sit, quæritur à quo superiore præcipiatur.

## CONCLUSIO I.

**L** Ex naturalis non tantum est indicativa boni, & mali, sed etiam præceptiva, & obligativa. Est communior.

Prob. 1. ex Scoto [1] qui semper supponit hanc legem obligare, ut cum docet eam obligare ad indissolubilitatem vinculi conjugalis præmissa tali contrahenti: & quod minus obediunt homines soli legi naturæ, quam Deo præcipienti, quia minus timent conscientias proprias, quam auctoritatem divinam. Vides legem naturalem obligare conscientias hominum, licet eam obligationem facilius contemnant, quam quæ ex positiva lege venit.

Prob. 2. ex Scriptura, qua dicitur, [2] quod gentes, quæ legem non habent positivam, naturaliter ea, quæ legis sunt, faciunt, scilicet testimonium illis reddente conscientia ipsorum, & cogitationum inter se invicem accusantium, & defendentium; nam illud testimonium conscientiae nihil est aliud in gentilibus, quàm dictamen rationis naturalis ex præscripto hujus legis. Item, Manifesta sunt opera carnis, quæ sunt fornicatio, immunditia, quoniam qui talia agunt, regnum Dei non consequentur. Hæc igitur prohibentur lege naturæ, & sunt omnibus nota, & obligant in conscientia.

Confir. ex Patribus, maxime ex D. Basilio [3] Postquam ratio ad perfectum venit, inquit, tunc fit, quod scriptum est, adveniente mandato peccatum revixit; ego autem mortuus sum. Oriuntur namque carnis affectionibus cogitationes animis nostris ingentia. Revera namque ubi mandatum venit, hoc est cognitio bonorum, si prava cogitationi non fueris dominatus, sed rationem permiseris ab affectibus captivari, revixit quidem peccatum, at mens morti succumbit peccatis mortificata. Idem docet S. Hieron. [4] Cum mandatum venerit, hoc est tempus intelligentiæ appetentis bona, & vitantis mala, tunc incipit peccatum reviviscere, & homo mori, reusque esse peccati; ergo ubi rationis usu nobis intignantur præcepta naturæ hæc

[1] 4.d.26.H.n.9. [2] Rom.2.

[3] in 2<sup>o</sup>. [4] Ep. ad Algas. 4.8.

hæc obligant in conscientia, & sub pœnam peccati tunc autem ratione uti incipimus, & legis naturæ præcepta agnoscere, cum saltem alicujus principii universalis practici cognitionem habemus, tunc, inquam, lex illa incipit nobis promulgari, & actu obligare.

Dico, *universalia principia*, v. g. *Omne malum fugiendum, & omne bonum est amandum*; nam hæc & similia statim omnibus ex terminorum sola, & simplici apprehensione innotescunt, magis autem particularia, nec tam facile ab omnibus agnoscuntur, ut istud, *Omne depositum est reddendum*.

Prob. 3. ratione jam data. Nam de ratione veræ legis est, ut obliget subditos, quibus datur, & intimatur ad ejus observantiam; sed lex naturæ est vera lex: ergo verè obligat omnes homines ratione utentes, quia pro eis datur, & illis intimatur ipso lumine rationis.

Prob. 4. ratione Scoti. Nam, ut diximus, lex naturæ est verum practicum, non autem speculativum; sed verum practicum est verè præceptivum; est enim directivum praxis, seu operationis humanæ, ut patet ex dictis in Logica; ergo lex naturalis est præceptiva. Prob. maj. lex naturalis exprimitur modo imperativo, non verò purè speculativo, v. g. *Honestum est prosequendum, & turpe est vitandum; Deus est amandus: quod tibi non vis fieri, alteri ne feceris, &c.* ideoque dicitur esse de necessariò operabilibus, vel vitabilibus.

Objic. 1. Lex præceptiva pendet, & accipit vim obligandi à voluntate legislatoris; sed id non potest dici de lege naturali; ergo hæc non est propriè præceptiva. Prob. min. quia id spectat ad solam legem positivam. 2. quia omne præceptum est vel ab homine, vel à Deo; sed neutrum dici potest de hac lege; si enim esset ab homine, esset humana; si autem esset à Deo, esset divina, æterna, aut temporalis, ergo non potest esse ab ullo superiore. Et id patet ex definitione nostra legis naturalis, ubi diximus, eam obligare antecedenter, & independenter à jussione ulla divina, vel humana.

Resp. dist. maj. Lex præceptiva positiva, conc. maj. naturalis, neg. maj. & cons. dictamen enim, seu verum practicum de se imponit necessitatem fa-

ciendi bonum, quod dicat prosequendum, & vitandi malum, quod dicat fugiendum.

Resp. 2. dist. min. & prob. ejus, non est à Deo, vel ab homine per jussionem voluntatis, conc. min. per intellectum, neg. min. est enim principativè ab intellectu divino, & intimativè, seu dictativè ab ipso intellectu humano, & formaliter ab ipsa natura sic exigente.

Resp. 3. etiam dici posse, hanc esse etiam a voluntate Dei, saltem virtualiter; quatenus eam ipse scribit in mentibus nostris, & intimat per internas revelationes, & inspirationes, ut docet S. August. [1] *Quis legem naturalem scribit in cordibus hominum nisi Deus?* qui operatur omnia ad extra per voluntatem; & sic creando hominem non solum dedit lumen rationis, quo nobis intimantur hujus legis præcepta, sed etiam propensionem voluntatis ad ea implenda; sed hæc inclinatio depravata est per peccatum, aut saltem debilitata; ergo non incongruè dici potest, ipsam naturam à Deo potestatem habere in nos ad imponendas tales obligationes, & eas imponere de facto per illustrationes intellectui, & inclinationes voluntati datas.

Objic. 2. D. Anselmus sic alloquitur Deum; *Illud est justum, quod vis, non justum, quod non vis Domine*; ergo nulla lex est præceptiva, nisi ex voluntate Dei; ergo vel lex naturalis non est præceptiva, & obligans in conscientia, vel id habet ex Dei voluntate, non ex se. Confirmatur ex August. qui dicit, [2] peccatum esse dictum, vel factum, vel concupitum contra legem æternam, id est divinam; ergo factum contra legem purè naturalem non est peccatum, sed tantum prout est contra præceptum Dei. Unde plures antiqui Theologi ponunt legem naturalem in Dei jussione ut auctoris naturæ quatenus vult ea fieri à nobis, quæ sunt naturæ consentanea, & vitari, quæ sunt ei dissidentanea.

Resp. neg. conf. nec enim id intendunt SS. Patres. Anselmus enim loquitur de operibus justis, & injustis in ordine gratiæ, & præmii, vel damnationis æternæ, & ista dependent à lege divina positiva. August.

[1] 2. de ser. dom. in mon. c. 9.

[2] 22. conf. August. c. 27.

gust. verò de lege æterna, prout est actus intellectus divini, quo judicat practicè de necessario agendis, quodque hoc sensu est præceptivum; vel si velis eum loqui de lege, quæ sit actus voluntatis circa contingentia, neg. conf. licet omnia peccata sint etiam contra illam legem, non sequitur, quin sint etiam contra naturalem, quæ non consistit in illo actu voluntatis præcisè. Hoc sensu *quicumque naturali legi obviat, Dei voluntatem non servat*, inquit S. Anselmus. [1]

## CONCLUSIO II.

**P**ræcepta legis naturæ obligant in conscientia, & aliqua obligant sub mortali.

Prob. 1. ex Scoto cit. ubi docet, legem naturæ exigere quidem obedientiam, sed expedit ut superaddatur præceptum divinum, ut fortius moveantur homines ad obediendum, quia *minùs obediunt soli legi naturæ, quàm Deo præcipienti*, &c. sic enim satis clarè supponit legis naturæ præcepta obligare in conscientia; sed quòd superveniente positivo Dei præcepto fortius moventur ad obediendum, quia *minùs reverentur conscientias proprias, quæ ligantur lege naturæ, quàm auctoritatem divinam*. Idem colligitur ex aliis locis, in quibus docet, poenitentiam esse virtutem moralem secundum legem naturæ; & quòd *hæc regula est naturaliter cognoscibilis, scilicet quod de peccato est displicendum*; nam id non esset verum, nisi peccaretur contra legem naturæ; nec sic peccaretur, nisi ipsa obligaret in conscientia, seu in foro interiori.

Prob. 2. ex Scriptura etiam citata quoad utramque partem. Nam *quicumque sine lege* (positiva scripta, aut tradita) *peccaverunt, sine lege peribunt*; ergo ex solis peccatis contra legem naturalem peccatur; ergo per peccata illa incurritur perditio æterna; sed hæc non incurritur sine peccato mortali; ergo lex naturalis obligat in conscientia, & quidem sub pœna peccati etiam mortalis quoad aliqua. Item, *Quod non est ex fide* (id est juxta dictamen conscientiæ) *peccatum est*,

V 3 sed

[1] l. de vol. Dei.

sed conscientia semper dictat de præceptis legis naturæ, saltem universalibus, id enim vocatur synderesis; ergo illa obligant in conscientia, & sub pœna peccati. Unde Innocent. III. dicit, [1] *Quod est contra conscientiam ædificat ad gehennam.*

Prob. 3. ratione. Nam qui violat præcepta legis naturæ Deum contemnit; ut auctorem naturæ, qui in ea, & per eam præcipit, quæcumque præcipiuntur ab ea, & vetat, quæcumque vetantur; sed omnis divina lex obligat in conscientia; ergo & naturalis quoad hoc; & transgressores possunt puniri aliqua pœna pro mensura culpæ, & ut docet Scotus, [2] omnis sic peccans, sive transgrediens hæc præcepta turpiter, & irregulatè agit, atque tenetur de his poenitere: idque dictat ipsamet lex naturæ. Nam si omne turpe est vitandum, sequitur, quòd si admissum fuerit, illud est reprobandum, & detestandum, & in nobis puniendum: ideo poenitentia est *virtus moralis de lege naturæ*, inquit.

Dixi autem, & etiam aliqua sub mortali; nec enim puto omnia indifferenter sic obligare, ut sunt præcepta, quæ respiciunt proximum, quia ex lumine naturæ non patet, quòd pro modica injuria, vel damno illato homini debeat incurri mors æterna, saltem præcisè, & sub hoc respectu, & nisi in quantum peccatum respiceret Deum: nam sub hoc respectu, & supposita gravitate materiæ, posset esse mortale; quæ verò directè respiciunt Deum, ut peccata contra præcepta primæ tabulæ, v. g. odium Dei, & blasphemia, etiam ex sola cognitione legis naturæ sunt digna privatione amicitiae Dei, & per consequens morte æterna.

Pro intelligentia verò hujus quæstionis notandum cum Vulpe nostro, quòd lex naturæ dupliciter obligat in conscientia. 1. *intrinsecè*, scilicet ratione propriæ rectitudinis, & honestatis, quæ est in re, secundum, & quatenus homo est activus cum ratione, ita ut si aliter, quàm secundum dictamen rectæ rationis, debeat ei talis actus displicere. 2. *extrinsecè*, scilicet ex ratione aliqua proveniente aliunde, quàm à rectitudine, seu honestate rei in se, nempe

[1] *de restit. spol. c. 13.*

[2] *Ibid.*

pe ab aliqua lege positiva, v. g. à voluntate divina superaddita legi naturæ. Sub prima consideratione præcisè peccatum dicitur *philosophicum*, seu *morale*, quia ex puro lumine naturalis philosophiæ, seu rationis agnoscitur: sub secunda dicitur *Theologicum*, quia dignoscitur per lumen supernaturale, & pendet à speciali, & positiva Dei ordinatione, quæ est extrinseca naturæ rerum.

Porro circa istud peccatum extat Decretum Alexandrii VIII. 1690. quo damnatur hæc propositio: *Peccatum philosophicum, seu mortale est actus humanus disconveniens naturæ rationali, & rectæ rationi: Theologicum verò, & mortale est transgressio libera divine legis. Philosophicum quantumvis grave in eo, qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æterna pœna dignum: ergo juxta hanc censuram nostra conclusio redditur tenenda ut vera, & certa, nam contrariam dicit scandalosam, temerariam, piarum aurium offensivam, erroneam.*

Fateor tamen me non videre, quomodo noster Vulpes effugisset illam censuram, cum scribebat, [1] *Legem naturalem in conscientia obligare sola obligatione morali ex debito honestatis rei præceptæ sub reatu naturalis pœnitæntiæ, ac displ. cenciæ, nullo modo theologicè ex debito, vel reatu pœnæ æternæ, & id patere ex Scoto.* [2]

Objic. I. Scotum, qui, ut scribit idem Vulpes, vocat positivam illam legem, quæ obligat sub peccato voluntarium recessum à præceptis à recta ratione propositis, in quantum est Dei offensivus, à Deo averfivus, supernaturalis beatitudinis impeditivus, vel supplicii inductivus, & quod principaliter pendet à sola voluntate divina omninò extrinsecè superaddita omni legi naturali: unde concludit, quòd seclusa omni lege positiva Dei extrinseca, nullam naturalem legem Scotus affirmaret in conscientia obligare sub aliqua pœna temporali, vel æterna, præcipuè ut ejus transgressio sit peccatum demeritoriè ablativum gratiæ Dei, quæ est spiritualis vita homi-

[1] To. I. p. 3. d. 5.

[2] d. 5. n. 3.

nis, &c. ergo lex naturalis ex Scoto non obligat sub peccato mortali.

Confir. Nam nec Scotus [1] agnovit ex lumine naturæ differentiam venialis à mortali, sed sunt ejusmodi rationis in genere naturæ, & moris, ut genus virtutis distinguatur contra gratuitum; & peccatum; sed non sunt ejusdem generis, vel rationis in ratione offensæ divinæ: & alibi distinguit peccatum philosophicum à Theologico, quia illud est vitandum ratione propriæ turpitudinis, istud verò ex positiva lege, & aversivum à Deo; ergo ex Scoto lex naturæ non obligat sub mortali, quod privat amicitia Dei, & vita spiritali, & æterna, quam non novit ratio naturalis.

Resp. neg. conf. tam objectionis, quàm confirmationis. 1. enim Scotus non docet hoc in loco citato à Vulpe, scilicet dist. 16. nec id ex ejus textu sequitur; nam undecunque petatur differentia peccati mortalis à veniali, certum est, etiam ex Scoto, & evidens, quòd ea, quæ sunt contra legem naturæ, deordinant ea, quæ Deus statuit, ut auctor naturæ, & ut talis offenditur per omnem obliquitatem voluntariam, Deus quippe [2] omnia in mensura, & numero, & pondere disposuit, Et, [3] Omnia quæ sunt à Deo, ordinata sunt: & hæc lumine naturali patent: nam secundum rectam rationem quilibet legislator vindicat transgressionem legis, inquit Scotus; [4] ergo cum Deus agnoscatur auctor naturæ, ac ordinis ejus, quem violat peccans in eam legem, cognoscitur etiam vindex transgressionum pro mensura, & sic graves graviter puniens; nec est necesse, ut omnes pœnæ, quibus eas punire potest, agnoscantur naturaliter, ut de facto non agnoscitur privatio gratiæ, nec gloriæ, nec pœna inferni: imò & ipsi Ethnici agnoverunt infernum, in quo scelerati puniuntur, & campos Elysios, in quo gaudent boni.

Objic. 2. Lex non obligat extra limites suos, nec ultra vires; sed mortalitas peccati, & pœnæ illius sunt ultra limites legis naturæ; ergo lex naturæ non obligat sub mortali: prob. min. ex eo, quòd per lumen naturale non agnoscuntur pœnæ mortalis pecca-

[1] 4. d. 21. q. 1. H. n. 12.

[2] Sap. 11. (3) Rom. 13.

[4] 4. d. 14. q. 2. A. n. 2.



ai, ob quas dicitur tale; ergo peccati mortalis est extra limites legis naturæ.

Resp. neg. min. & conf. prob. quia non est necesse, ut cognoscantur, & manifestentur per legem pœnæ infligendæ transgressoribus, saltem secundum omnem extensionem suam; sufficit, quòd naturali lumine cognoscatur Deus ut auctor naturæ, & ut offensus graviter, aut leviter per transgressionem: nam hinc agnoscitur per peccatum grave incurri indignationem ejus, ac privationem amicitix, quæ violatur. Nam, inquit Boetius, *Pœna est ordinativa culpæ ita, quod non potest relinqui in universo aliqua culpa, cui non correspondeat pœna ordinativa*, ut notat Scotus. [1]

Objic. 3. Peccatum non cognoscitur, nisi per legem positivam; ergo nec incurritur, nisi per transgressionem legis positivæ, non verò naturalis. Patet conf. quia omne peccatum debet esse voluntarium, & per conseq. cognitum. Prob. ant. ex Script. [2] *Per legem cognitio peccati*: nam *peccatum non novi, nisi per legem*, &c. inquit Apost.

Resp. neg. ant. & dist. prob. cognitio peccati Theologici; conc. ant. Philosophici, neg. ant. nam de peccatis Theologicis loquitur, quæ non cognovit Paulus nisi per legem, & quidem etiam loquitur de lege Evangelica, sine qua vivebat post ejus promulgationem, & ante conversionem: (3) *Ego autem vivebam sine lege aliquando*, inquit ipse, quod non dicit de lege veteri, cujus ardentior, & zelator erat, sed de lege nova, quam ex incredulitate ignorabat.

### CONCLUSIO III.

**L** Ex naturalis continet solam legem æternam à solo iudicio divini intellectus primò dependentem secundum exigentiam objecti operabilis independentem ab omni actu libero divinæ voluntatis, etiam cum reali vi præceptiva, & obligativa. Ita Vulpes cit. & magis patebit ex dicendis de lege æterna.

Prob. 1. ex Scoto [4] citato docente, quòd lex naturæ consistit in vero practico simpliciter noto ex propriis terminis per naturale lumen intellectus, & quod est descendens ex primis principiis notis in

V 3

ag.

[1] d. 14. q. 2. K. [2] Rom. 3. & 7.

[3] Tim. 1. [4] 3. d. 37. n. 2.

agilibus: & quod [1] talia sunt quedam principia practica nota ex terminis, quæ sunt quedam seminaria, ad quorum veritatem inclinatur naturaliter intellectus ex terminis, & ad assentiendum tali dictamini inclinatur voluntas naturaliter ex talibus principiis. Hæc autem principia pendent primariò à divino intellectu, qui est liber lucis æternæ, in quo quasi scriptæ reperiuntur omnes veritates tam practica, quam speculative antecedenter ad omnem actum liberum voluntatis ejus, ut docet idem Doctor juxta August. [2] dicentem, quod istæ regulæ scriptæ sunt in libro lucis æternæ.

Prob. 2. Non potest meliùs explicari, à quo habeat ista lex vim obligandi, nisi ab ipsa rerum exigentia, seu honestate, vel inhonestate tanquam regula proxima, & nobis per se nota ex propriis terminis, sed dependenter à judicio Dei æterno, & practico, à quo esse ideale habent omnia, & quidem independenter ab omni volitione, seu jussione positiva voluntatis ejus, & per hoc lex ista distinguitur è lege positiva, qualis est lex Decalogi, ut patet ex dictis. Sicut ergo creaturæ omnes, & veritates omnes habent esse ideale in intellectu divino, ita regulæ omnes agendorum nobis intimantur, & promulgantur per lumen naturale nostræ rationis, quæ magis patebunt ex dicendis de lege æterna, & divina.

Dixi, secundum exigentiam objecti operabilis, inde enim venit proxima vis obligativa: nam, ut ait Doctor, omnia, quæ prohibentur ex lege, habent malitiam formalem de se, & ex terminis notam, & avertentem à fine ultimo, propter quam prohibentur, nec enim ideò mala sunt; quia prohibentur, ut accidit in lege positiva: sed potius ideò prohibita sunt, quia mala. Similiter quæ hac lege præcipiuntur, habent ex se bonitatem formalem, & necessariam, & ex terminis notam, quæ secundum se ordinata est ad finem ultimum, ut per illa homo convertatur ad illum finem, ut consequatur illum, ita ut non ideò bona sint, quia præcipiuntur, sed potius ideò præcipiantur, & necessariò prosequenda sint, quia bona sunt.

[1] I. d. 3. q. 4. P. n. 18. (2) 14. Tr. c. 15.

## QUÆSTIO III.

*De materia legis naturæ, & quæ sint ejus præcepta.*

**A**liqua possunt esse de materia legis naturæ dupliciter, inquit Doctor (1) subtilis. 1. modo tanquam prima principia practica nota ex terminis, vel conclusiones necessario sequentes, & hæc dicuntur esse strictissime de lege naturæ, ut præcepta primæ tabulæ. 2. alio modo aliqua dicuntur esse de lege naturæ, quia sunt multum consona illi legi, licet non sequantur necessario ex principiis practicis notis ex terminis, & omni intellectui eos apprehendenti, talia sunt præcepta secundæ tabulæ, quia eorum rectitudo valde consonat primis principiis practicis necessario notis, & hæc non sunt ita strictè, sed potius large de lege naturæ: hoc sensu quidquid ratio naturalis judicat conveniens, & honestum, vel inhonestum, potest cadere aliquo modo sub legem naturæ præceptivam, aut sub prohibitivam, scilicet vel strictè, vel large.

Nota, quod homo considerari potest secundum diversas hierarchias, seu status, prout dirigendus est ad diversos fines, & per consequens subjacet diversis legibus, & regulis, per quas illuc dirigatur: præcipue sunt status naturæ puræ, & status gratiæ; in primo debet dirigi ad honestatem vitæ, & ad convivendum pacificè in politia humana, ut per virtutes naturales morales constituatur moraliter bonus operans honestè secundum rectam rationem, & regulæ, quibus sic dirigitur, debent esse naturaliter notæ. in 2. verò debet dirigi ad Deum beatificè attingendum, ut per virtutes Evangelicas constituatur theologicè bonus, scilicet Deo gratus, & hæc regula non debet, nec potest esse nota naturaliter, sicut nec est naturalis, sed supernaturaliter, & ex revelatione divina.

1. Hierarchia dicitur naturalis, moralis, seu civilis.
2. dicitur Ecclesiastica, seu spiritualis, & supernaturalis.

His suppositis, querimus hic de materia, circa

V 6

(1) 3. d. 37. C. D. n. 1. & 4. d. 33. q. 2. G.  
m. 31

quam lex naturalis versatur, an solum circa prima, & universalissima præcepta, quæ per se, & ex terminis nota sunt, atque indemonstrabilia, an etiam circa ea, quæ velut conclusiones ex illis principiis evidenter deducuntur; an etiam circa ea, quæ non sic necessario inferuntur, sed tamen evidenter apparent naturæ consona, ut sunt actus virtutum moralium, & an extendatur non solum ad substantiam actuum, sed etiam ad modum; Quæ breviter hinc decidenda.

## CONCLUSIO I.

**L** Ex naturalis propriè non solum versatur circa prima illa præcepta generalia, & principia per se nota, sed etiam circa illa, quæ ex talibus principiis necessario, & evidenter sequuntur, imò & extensive circa ea, quæ aperte sunt illis principiis consona. Est communis contra aliquos Juristas tenentes, ad hanc legem non pertinere nisi illa prima principia.

Prob. 1. ex Scoto (1) eam expressè docente. Illud est verum de lege naturali, cuius veritas est nota ex terminis, & tale est principium in lege naturæ; sic in speculabilibus principium notum est ex terminis, sive quod sequitur evidenter ex tali vero sic noto, cuiusmodi est conclusio practica demonstrata, & stricte loquendo nihil aliud est de lege naturæ, nisi principium, vel conclusio demonstrata: sic tamen extendendo quandoque dicitur illud esse de lege naturæ, quod est verum practicum consonum principiis practicis, & conclusionibus legis naturæ, in tantum quod statim notum est omnibus convenire tali legi: ecce totam conclusionem in terminis.

Confir. ex Phil. 5. Ethic. 7. qui lege naturali comprehendit omne id, quod habet necessariam, & incommutabilem veritatem, seu quod ubique vim habet eandem, & quia videtur, vel non videtur; talia autem sunt principia, & conclusiones illæ.

Prob. autem per partes. Nam 1. in omnibus scientiis speculativis dantur aliqua prima principia per se nota, & indemonstrabilia, quæ pertinent ad habitum, qui dicitur intellectus, & sunt velut fundamen-

(1) 4. d. 17. q. 1. A. n. 2. & d. 33. q. 1. H. n. 7.

menta, ad quæ reducuntur omnia, quæ in illis scientiis demonstrantur; ergo & in scientia morali naturali debent dari sua. Patet ant. Nam in Mathematicis datur istud; *Omne totum est majus sua parte*: In Metaphysicis, *Quodlibet est, vel non est*: in Physicis, *Omne corpus naturale habet principium motus, & quietis*: in Logicis, *Dici de omni, & dici de nullo*; ergo ita in moralibus dantur ista, *Omne honestum est prosequendum, & omne inhonestum est vitandum, & hic habitus vocatur syndereſis, sicut in speculabilibus vocatur intellectus.*

Prob. utraque pars. Jus naturale est illud, quod obligat ex vi solius luminis naturalis independenter ab omni jussione positiva divina, vel humana, ut patet ex dictis; sed talia sunt non solum prima principia, sed etiam conclusiones ex illis necessario, & evidenter illatae; ergo sunt de lege naturæ strictè sumpta. Prob. min. Nam præcisa quacumque jussione positiva divina, vel humana evidens est, & tenemur non odire, nec contemnere Deum, quia sequitur ex illo principio; *Omne bonum est prosequendum, & malum vitandum*; sed Deus est bonus, & quidem summè; ergo non est odiendus, sed amandus, & colendus. Idem est de honore parentum, & fuga mendacii, &c.

Confir. quia nisi lex naturalis descenderet etiam ad particularia, & conclusiones ex generalibus principiis deductas, non sufficienter dirigeret hominem in finem suum naturalem; nec enim sufficit scire, quod bonum est amandum, sed etiam debet sciri, quod Deus est bonus, & per consequens amandus, quod mendacium est malum, & ideo fugiendum, &c.

Prob. 3. p. quia lex naturalis debet extendi ad ea omnia, quæ necessario debent dirigere hominem, ut rationalem, & moraliter in finem suum etiam naturalem; sed sunt talia ea, quæ evidenter, & necessario consona sunt illis legibus generalibus, principiis, & conclusionibus, tales sunt actus virtutum moralium in communi, ad quas homo naturaliter inclinatur, &c.

Objic. contra 2. & 3. p. Quæ sunt de lege naturæ debent esse per se nota, & à nullo ignorari; sed sola prima principia practica sunt per se nota, non verò;

verò conclusiones ex eis deductæ, & multò minùs alia quæ dicimus illis consona: multa enim possunt ignorari, & de facto ignorantur; ergo illa sola sunt de lege naturæ.

Resp. dist. maj. debent esse per se nota seclusa mala dispositione, & pravis habitibus; uno verbo debent esse de se nota ab omnibus ratione utentibus agnoscì, conc. mai. de facto, stante aliqua prava dispositione ex parte hominis, neg. maj. & conf. Nam multæ quidem conclusiones, & præcepta naturalissima ignorantur, & inde idololatria, & multa abominanda invaluerunt apud nationes, sed per accidens ex prava eorum dispositione, scilicet [1] *excavavit eos malitia eorum, & obscuratum est insipiens cor eorum, & mutaverunt gloriam incorruptibilis Dei, &c.*

Inst. Si tales conclusiones essent de lege naturæ, ita & leges positivæ; sed conf. est falsum; ergo & ant. prob. seq. leges omnes positivæ etiam humanæ sequuntur ex illis principiis, ut conclusiones; ergo essent etiam de lege naturæ.

Resp. neg. seq. & dist. ant. prob. sequuntur contingenter, conc. ant. necessariò, & evidenter, neg. ant. sequuntur quidem (nec enim possunt esse contra ulla præcepta, vel principia legis naturæ) sed valde obscure, & per accidens, & indirectè, ut videbimus, Et præterea nihil vetat rem eandem præcipi, aut prohiberi diversis legibus, ut patet in præceptis Decalogi ob rationem allatam ex Scoto, scilicet quia sic fortius obligant, & firmiùs adhærent mentibus hominum, qui magis timent Deum, & principes, quam proprias conscientias.

## CONCLUSIO II.

**P**ræcepta Decalogi sunt ex se de lege naturæ; non tamen in eodem gradu, sed alia stricte, alia large. Est communis.

Prob. I. ex Scoto [2] citato; ubi aperte docet, quòd duo prima sunt stricte de lege naturæ, sicut & tertium in substantia, quatenus iubet aliquem cultum exhibendum Deo, licet quoad tempus determinatum, scilicet

(1) Rom. I.

(2) 3. d. 37. C. n. 5.

cet diem sabbati, certum est, inquit, omnia præcepta etiam 2. tabulæ esse de lege naturæ, scilicet largè; quia eorum rectitudo valde consonat primis principiis necessariò notis: & recapitulando [1] concludit 1. præcepta omnia 2. tabulæ non esse de lege naturæ strictè loquendo. 2. duæ primæ primæ tabulæ esse de lege naturæ strictè loquendo 3. dubitatum est de 3. 1. tabulæ præcepto, & 4. concessum est, omnia esse de lege naturæ largè loquendo.

Prob. 2. Illa sunt de lege naturæ strictè, quæ habent honestatem, aut malitiam notam per se ex terminis, aut per evidentiam, ac necessariam consequentiam, vel evidenter consonant illis primis principiis, & hoc independentè, & præcisè ab omni præceptione positiva voluntatis divinæ, sed talia sunt omnia illa præcepta in suo gradu respectivè; ergo omnia spectant ad legem naturæ. Maj. patet ex huc usque dictis de hac lege. Prob. min. 1. de duobus primis: nam hæc aperte, & immediatè colliguntur ex illis principiis primis, & per se notis, *Omne bonum est amandum, & omne malum est fugiendum*; sed Deus est bonus, & quidem summè; ergo Deus est amandus, & colendus.

2. De die Sabbati includit præceptum affirmativum de cultu exhibendo Deo pro aliquo tempore, & quoad hoc infertur necessariò ex iisdem principiis; deinde includit determinationem illius temporis ad diem Sabbati, & quoad hoc non est de lege naturæ, sed positiva divina.

Probatur de aliis: nam illa sunt de lege naturæ largè, quæ sunt multum, & apertè consona illi legi; sed talia sunt præcepta omnia secundæ tabulæ; ergo sunt de lege naturæ largè loquendo: major supponitur ut certa, & ab omnibus recepta: min. prob. facile discurrenti per singula: nam supposito præalato principio practico, vel isto, *Quod tibi non vis fieri, alteri ne feceris, & quod tibi vis fieri, alteri feceris*, quid convenientius, quàm honorare parentes, à quibus habes esse, quàm non occidere? non furari? non mæchari? non falsum testari? non concupiscere bonæ, nec uxorem alienam?

Objic. 1. Tam præcepta 2. tabulæ sequuntur ex primis principiis practicis, quam duo 1. tabulæ; er-

go tam sunt de lege naturæ strictè loquendo. Ant. prob. nisi sic sequerentur, non esset ratio, cur sic strictè obligarent ex se, & præcisa lege positiva, ita ut peccaretur transgrediendo illa, v.g. occidendo, aut non colendo parentes; sed conf. est falsum; ergo tam sunt de jure stricto naturæ, quàm duo prima: min. patet: nam certum est, quòd independentè ab omni lege positiva peccaretur occidendo innocentem, aut mæchando, aut contemnendo parentes. Prob. maj. quia non potest reddi ratio, cur sic peccaretur transgrediendo ea præcepta, nisi quia sequantur necessariò ex primis principiis practicis, per se notis v.g. hæc ratio non valeret, nisi essent in æquali gradu, &c.

Respondeo neg. ant. 1. argumenti, maj. 2. & 3. nam ratio, cur peccaretur transgrediendo hæc præcepta ex natura rei petitur ex connexionè convenienti, quæ ex se habent cum illis principiis; quæ connexio licet non sit tam necessaria, tamque indispensabilis, quàm ea, quæ est in aliis; nihilominus seclusis dispensationibus, vel aliis circumstantiis, sufficit ad obligandum in conscientia. Ratio est, quia ideò Scotus dicit, quòd duo prima, & quædam alia, si quæ sunt, sic necessariò connectuntur cum primis principiis, & veris practicis, ut in nulla circumstantia, & per nullam legem positivam possint ab eis divelli; & hoc sensu dixit Scotus, ea esse strictissimè de lege naturæ in primo illo gradu; alia verò ideò dici de lege naturæ largè, quia non sic necessariò connectuntur, sed valde congruenter; de quo magis patebit ex dicendis de immutabilitate; & dispensabilitate huius legis.

Cum autem Scotus dicit, duo prima præcepta 1. tabulæ esse strictissimè de lege naturæ, illa verò 2. tabulæ esse tantum largè, loquitur de illis tabulis, non ut Hesychius, & Origenes, qui in prima ponunt quatuor prima, & sex reliqua in 2. nec ut Josephus, qui quinque ponit in singulis, sed cum August. qui tria priora ponit in 1. reliqua 7. in 2. sed de hoc aliàs.

Porro quoad 3. præceptum de Sabbato sanctificando includit duo. 1. cultum aliquem Deo exhibendum, & nullum opus faciendum, quo ille cultus impediatur. 2. determinationem temporis, sc. diei sabbati, quo



quo feriari debet ab operibus fervilibus, ut vacetur cultui divino: quoad primum non dubitat Scotus, quin sit de lege stricta; sed quantum ad determinationem temporis hujus, vel alius non est de lege naturæ strictè loquendo: unde tempus illud sabbati mutatum fuit in lege Evangelica ad diem Dominicum.

## CONCLUSIO III.

**L** Ex naturæ versatur circa actus virtutum moralium in communi, non verò in particulari.

Prob. 1. quoad 1. p. ex principiis Scoti [1] jam sæpiùs citatis: nam illa sunt de jure naturæ, quæ sunt principia practica per se nota ex terminis, vel conclusiones ex illis principiis illatæ per necessariam, & evidentem sequelam; sed omnes actus virtutum moralium in communi tales sunt; ergo pertinent ad legem naturalem. prob. min. nam nullus est actus talium virtutum, qui non sit de se, & evidenter honestus ex objecto, & qui non colligatur ex illo principio, *Honestum est prosequendum, & inhonestum est vitandum*; ergo sequuntur ex primo principio practico ex terminis noto. Prob. min. inductione, *Honestum est prosequendum*; sed honestum est temperativè vivere, modèstè ulcisci injurias, & eas parvipendere ex fortitudine, & justè vivere ad alterum, & alteri non facere, quod tibi non vis fieri, ut pacificè vivas in communitate; imò & Deum summè diligere, & proximum sicut te ipsum, qui sunt actus charitatis; nam virtutes morales hominem etiam naturaliter moraliter perficiunt, vel ad se, ut *Temperantia*, & *Fortitudo*, vel ad alterum sive superiorem, sive æqualem, sive inferiorem, ut *Justitia*, & se non haberet honestè, nisi esset in se moderatus sive in concupiscibili per *Temperantiam*, sive in irascibili per *Fortitudinem*; ergo actus omnium virtutum moralium continentur ut Conclusiones vel necessariò, aut saltem valde congruenter connexæ cum primis principiis practicis motum.

Probatur 2. p. ex eodem Scoto: *Quia*, inquit, *lex est de universalibus casibus; de particularibus autem*

[1] Ibid. C. D.

*basibus non est lex, sed iudicium legis; ergo lex naturalis non extenditur ad actus particulares virtutum, saltem directè, & immediatè.*

Confir. Nam quæ sunt de lege naturæ, habent evidentem honestatem ex terminis, sed actus in particulari hoc non habent, quia pendent ab innumeris circumstantiis, secundum quas possunt aliter, & aliter existere, & secundum quas aliquando sunt de consilio, aliquando de præcepto; ergo &c.

Dico, *virtutum moralium*; nam sicut naturaliter non agnoscuntur Theologicæ, sic à natura præscribi non possunt, saltem supernaturales: nam amor Dei, & proximi, qui spectat ad charitatem naturalem, etiam præcipitur à natura, sicut & cæteræ.

Objic. 1. contra 1. p. Multi actus honesti, & virtutum sunt tantum de consilio, ita ut non obligent; ergo non sunt de lege naturæ. prob. conf. quia lex naturæ est præceptiva, & obligat etiam in conscientia per nos.

Resp. dist. ant. in particulari sunt de consilio, conc. ant. in communi, neg. ant. nam homo generaliter loquendo ex lege naturæ tenetur honestè vivere, & in ordine ad se, & ad alterum, & quantum ad hoc virtutes omnes, quatenus habent honestatem vitæ, & actuum nostrorum pro objecto, isti sunt de lege naturæ. In particulari autem, vel etiam in specie plures possunt esse de consilio, ut paupertas religiosa, & hæc, & similes quantum ad hanc conditionem non cadunt sub præcepto, nequidem legis positivæ.

Inst. Quæ præcipiuntur lege humana, cadunt etiam sub virtutem; sed hæc non sunt de lege naturæ; ergo virtutis actus non sunt de lege naturæ.

Resp. dist. maj. omnia, & per accidens, conc. maj. per se præcisè, ut taliter præcepta, neg. maj. & dist. min. hæc in particulari, & prout præcipiuntur lege humana, conc. min. per se, & in genere, neg. min. Igitur multa, quæ præcipiuntur lege humana, sunt de se, & ex objecto honesta, sed multa de se etiam ex objecto sunt indifferentia, & sunt honesta extrinsecè per præceptum, & sic cadunt sub virtutem: unde hæc ponitur differentia inter illa, quæ sunt de lege naturæ; quòd idèd sunt prohibita, quia mala, & præcepta, quia bona sunt de se, & evidenter, sed quæ sunt

de

de lege positiva, ideò præcisè sunt bona, quia præcepta sunt, & ideo mala, quia prohibita, ut dicebamus ex Scoto.

Objic. 2. Non omnia præcepta sunt contra legem naturæ sive in communi, sive in particulari; ergo neque omnes virtutes; nam contrariorum eadem est ratio.

Resp. dist. ant. secundum rationem particularem aliquam, conc. ant. secundum rationem communem inhonestatis, neg. ant. & conf. omnia peccata id commune habent, quod dedecent naturam rationalem, sed præterea habent alias differentias, & malitias particulares ex diversis legibus, quas violant; quædam etiam specialiter dicuntur contra naturam, quia violant magis essentialiter ordinem naturæ, ut homicidium sui, sodomia, &c.

Quæres, *An lex naturalis præcipiat etiam modum virtutis, ita ut non possint impleri ejus præcepta per actus indifferentes, aut malos, sed debeant fieri maxime ob finem ipsius virtutis, circa cuius objectum versantur actus*; v. g. an satisfaceret præcepto charitatis, & misericordiæ, qui daret extremè egenti eleemosynam ex vanitate.

Resp. breviter pro nunc 1. quòd non satisfit legi naturali si uni actui addatur circumstantia positivè mala, & ab ipsa prohibita. Ratio est, quia lex prima, & fundamentalis naturæ præcipit bonum honestum, & prohibet malum inhonestum, v. g. præcipit misericordiam in miseros, & vetat hypocrisim, & superbiam; sed qui dat eleemosynam ex superbia, non facit misericordiam, & charitatem, nisi materialiter, nec vitat superbiam; ergo non facit actum charitatis formaliter, sed peccatum superbiæ, seu vanæ gloriæ; sive autem istud peccatum veniat ab alio præcepto, quàm charitatis, vel ab eodem, parum curo; sufficit, quòd hic actus inficiatur ex illa mala circumstantia pravi finis, & ut talis prohibeatur à natura; imò ibi esset deordinatio maxima contra naturam charitatis, cujus honestas subiceretur, ut serviens inhonestati vanæ gloriæ. Subvenitur quidem misericordie pauperis, sive ex fine charitatis, sive ex alio fiat, sed agens violat ordinem, & legem naturæ nec placet huic subtiliori difficultati diutius inhære-

re, magis spectat ad Theologos Casuistas, apud quos famosissima est hæc regula, quæ videtur etiam juris naturæ in moralibus, *Bonum ex integra causa, malum ex quocumque defectu*. De hac quæstione fusè loquitur Poncius in suo Commentario.

## Q U Æ S T I O IV.

*De unitate, & immutabilitate legis naturæ.*

**U**Nitas legis attenditur 1. in se. 2. respectivè ad homines. 3. respectivè ad diversa, & omnia tempora; & sic quæritur hic, an illa sit una in se, vel apud omnes nationes, vel in omni tempore, ita ut nec unquam mutationem admiserit, vel admittere possit.

Porro mutatio fieri potest in lege vel per additionem aliquorum præceptorum, quæ de novo obligent, cum antea non obligarent, vel è contra per deductionem aliquorum, quæ cessent obligare, cum antea obligarent secundum eam legem; & hæc 1. mutatio fieri potest 1. per *abrogationem*, cum lex ex toto cessat obligare. 2. per *derogationem*, cum tollitur obligatio quoad partem; quippe *abrogare* est in totum tollere legem; *derogare* autem pro parte detrahare legi, inquit Glossa. 3. per *irritationem*; nam cessat legis obligatio ex aliquo defectu, v. g. ex defectu consensus, aut potestatis, aut alterius influentis nullitatem. 4. per *subtractionem* materiæ, quæ subest dispositioni legis, ut cum illa materia deficit, vel cessat ex aliqua conditione substantiali ut subsit obligationi ejus. 5. per *Epiiskiam*, seu *interpretationem*, cum superior in certis circumstantiis declarat legem non obligare ex legislatoris intentione. 6. per *privilegium*, aut *dispensationem*, de quibus infra: de *Epiiskia*, & *dispensatione* dicemus in sequenti; de immutatione, seu unitate quoad quatuor priores modos hic quærimus.

## CONCLUSIO.

**L** Ex natura strictè sumpta est una apud omnes, scilicet quoad principia sua universalissima, & veritates practicas, seu conclusiones ex illis evidenter deductas, non verò quoad particularia; & hac veritas est aggregationis.

Prob. 1. ex Scoto, [1] qui putat, quòd omnes habitus speciales prudentiæ sunt unus habitus, & omnes habitus geometricè pertinent ad unam scientiam universalem, & quod hæc unitas non est formalis, sed virtualis; quia sicut in scientiis speculativis habitus ille, qui est de primo objecto, est formaliter unus, & virtualiter omnium, quæ continentur in illo primo objecto, sed non formaliter; ita in practicis ille habitus, quæ est formaliter alicujus finis in aliquibus agibilibus est virtualiter omnium eorum, quorum cognitio practica virtualiter continetur in illo fine, sed non formaliter omnium illorum. Et ita una prudentia est virtualiter omnium virtutum, extendendo nomen prudentiæ ad habitum illum, qui est intellectus primi principii practici: & alibi dicit, [2] quòd in scientiis, quæ habent conclusiones specie diversissimas, & per consequens habitus partiales etiam diversissimos, tamen ratione objecti unius communis potest dici una genericè: sic tot sunt quidem leges naturales partiales distincte speciei, quot sunt ejus præcepta varia circa diversa objecta, & bona naturaliter facienda, & mala vitanda; sed ratione unitatis genericæ boni honesti, & mali inhonesti est una. Sic ergo lex naturæ potest dici una genericè coalescens ex multis partialibus, quæ virtualiter continentur sub illa generali, & id patet ex dictis in Logica de unitate scientiæ.

Prob. 2. ratione, quia lex ista dici potest una vel ratione objecti, vel ratione finis, vel ratione mediæ, quod est lumen naturale rationis; sed præcepta omnia legis naturæ, seu tota lex naturæ pressè sumpta habet unum objectum totale, & unum finem ultimum, & idem lumen rationis naturalis est in omnibus; ergo ratione objecti, & finis ultimates, & mediæ est una,

Maj.

[1] 2.d.36.L.n.21.

[2] 6.met.9.1.n.9.

Maj. patet ex dictis de unitate habituum, & scientiarum. Prob. min. Nam bonum honestum, prout naturaliter, & per se notum est objectum legis naturæ; & rectitudo, seu felicitas naturalis ab homine attainibilis per vires ordinarias naturæ cum ordinario Dei concursu est finis, & eò tendunt per se omnia præcepta ejus. Denique idem lumen naturale est in omnibus, modò non sit impeditum; ergo lex quoad hæc est una apud omnes.

Prob. 3. ex illis principiis: Unitas legis in se petitur ex ratione speciali, per quam habet in se unam rationem, & est in se talis, & distincta ab aliis, quæ non sunt tales; sed lex naturalis strictè habet talem unam rationem, & conceptum, secundum quem est in se indivisa, & distincta ab aliis legibus; ergo est verè una in se. Maj. patet ex conceptu recepto unitatis, quæ est indivisibilitas rei in se, & divisio, seu distinctio a quolibet alio, quod non est ipsa. Prob. min. Nam, ut dicebam, lex naturalis in suo conceptu formali, & specifico, & strictè est omne verum practicum ex terminis notum, vel omnis conclusio ex illis evidenter sequens, & obligans omnem hominem ratione naturali utentem independentem ab omni iussione positiva divina, vel humana; sed per hoc distinguitur ab aliis legibus, quæ non sunt naturæ, & in hoc conveniunt omnes leges partiales, seu omnia præcepta, & partes legis hujus; ergo habet verè unam rationem, qua una est in se, & distincta ab aliis.

Prob. denique. Nam unitas legis strictè sumpta apud omnes consistit in eo, quod habet eadem principia recepta, vel obligantia omnes ratione naturali utentes, & ferè semper; sed talia sunt principia legis naturæ universaliora, & conclusiones ex eis illatae evidenter, & necessariò, & quoad hæc est una apud omnes, & pro semper. Prob. min. nullus enim est homo ratione utens cujuscunque conditionis, & status sit, aut nationis, qui non percipiat, & non teneatur ad amandum omne honestum, & vitandum omne inhonestum: & sic de aliis ex isto immediate, & evidenter sequentibus, ut quòd *Deus sit amandus, & colendus; parentes honorandi*; ergo quoad hæc omnia una est apud omnes, & pro semper.

Probatur 2. p. Nam quoad præcepta magis specialia non

non sic est una : v. g. præcepta, quæ non adeo necessariò, & immediatè, & evidenter inferuntur ex primis, & per se notis, sed tantùm congruunt, non æqualiter ab omnibus capiuntur; ergo non æqualiter obligant.

Confir. quia inter ista sunt aliqua, quæ dirigunt homines secundum diversos status, secundum quos aliqua specialia præcepta eos non ligant, alia verò ligant. Pro statu vitæ civilis, ac politicæ valent ista, *Quod tibi non vis fieri, alteri ne feceris, & quod tibi vis fieri, alteri feceris*, & pro statu innocentie ex Scoto, & aliis omnia erant communia; in statu verò naturæ corruptæ ad vitæ civilis pacem necessaria est bonorum divisio, & unicuique reddi debet suum. Item certum, & evidens est, quòd alia præcipiuntur pro subditis, alia pro regibus, & superioribus; alia pro tempore belli; alia pro tempore pacis; alia pro conjugatis; alia pro solutis; alia pro parentibus; alia pro filiis; sic ex variis circumstantiis, v. g. naturæ lumine patet, non posse patrem nubere cum propria filia naturali, & tamen si hæc sola esset formina in mundo, potius esset sumenda à patre, quàm permittere deletionem generis humani, & sic de similibus.

Dixi, *pro ratione utentibus*; nam casu quo ex malitia, vel infirmitate, ut in pueris, & amentibus, obscuratum esset, vel impeditum lumen rationis, lex illos non obligaret æqualiter, nec esset sic una respectu illorum. Et inde est, quòd apud omnes nationes, & semper non valuerunt eadem præcepta particularia, velut leges naturæ, ut polygamia, & monogamia, &c.

Prob. 3. p. de unitate aggregationis, non autem simplicitatis: Nam certum est, illam continere plures leges partiales, seu plura præcepta specialia ex illo primo principio universalissimo descendencia, & ad unum finem ultimum tendencia: quædam sunt *affirmativa*, quædam *negativa*, quædam *circa Deum*, quædam *circa proximum* in particulari, quædam *circa communitatem*, & singula implentur per actus diversos, quibus generantur etiam habitus particulares diversi specie, & virtutes, ut diximus de unitate scientiæ.

Objic.

Objicies 1. Sicut se habent prima principia, & conclusiones ex eis ductæ in speculativis, ita & in practi-  
cis; sed in speculativis conclusiones ductæ ex primis  
Principiis non sunt eadem, licet sint eadem prima  
principia; ergo præcepta legis naturæ etiam strictè,  
licet sequantur ex iisdem primis principis, non e-  
runt eadem apud omnes. Min. patet experientia de  
diversis adeò sententiis Philosophorum circa eadem  
principia. Prob. maj. quia eadem est ratio quoad  
hoc; nam eadem est vis syllogistica, & connexio ter-  
minorum supponitur utrobique necessaria, & evi-  
dens.

Respondeo neg. min. & ant. probationis ejus. Nam  
ex adversariis patet, quòd ex principiis practicis con-  
clusiones demonstratæ tam sunt necessariæ in specu-  
lativis ex hoc principio, *Omne bonum est amandum*,  
tam necessariò concluditur, quòd Deus est amandus,  
& peccatum vitandum, quàm ulla conclusio specu-  
lativa ex suis principiis; & si omnes intellectus essent  
æquè dispositi, eodem modo discurrerent, & viderent  
in iis, & similibus, quæ primariò, & eviden-  
ter sequuntur ex illis. Non sic de iis, quæ secunda-  
riò pertinent ad hanc legem, & ad principia con-  
tingenter se habent, ut actus particulares, & præ-  
cepta, quibus diriguntur in particulari, & ideò quoad  
istos lex ista non est pro omnibus una; *illud enim,*  
*quod non est de lege naturæ nisi largè, & per quandam*  
*convenientiam, non est omnibus manifestum*, inquit  
Scotus.

Inst. Qui habent usum rationis impeditum ex pra-  
va inclinatione, aut naturali aliqua indispositione  
non colligunt easdem conclusiones ex iisdem princi-  
piis: unde apud aliquas nationes latrocinium non re-  
putabatur malum, & sic de polygamia; ergo lex ista  
quoad conclusiones ductas ex primis principiis practi-  
cis non est eadem apud omnes.

Respondeo neg. conf. Nam loquimur de lege natu-  
ræ quoad omnes habentes liberum usum rationis, &  
non impeditum, vel depravatum, aut excæcatum ex  
malitia.

Objicies 2. Ad legem naturæ pertinet, quod est se-  
dum naturæ inclinationem; sed non est eadem  
cuninatio naturæ apud omnes; ergo nec eadem lex  
incl

Datu.



naturæ. Prob. min. ex Scoto. Quælibet cognitiva habet proprium appetitum, & hunc secundum diversitatem complexionum, & diversitatem dominii in cognitivis diversis.

Resp. dist. maj secundum inclinationem naturæ rectæ, conc. maj. & neg. min. naturæ depravatæ, neg. maj. & conf. & hoc sensu loquitur Scotus dicens, quosdam sequentes inclinationem primam sine regula justitiæ inclinari ad luxuriam, alios ad superbiam, &c. sed hoc accidit ex depravatione naturæ per peccatum, non verò naturæ per se, & secundum rectam rationem.

## CONCLUSIO II.

**L**EX naturæ est una pro semper, seu unitate immutabilitatis, ita ut nec abrogari possit, nec desinere obligatio ejus quantum ad prima principia, & conclusiones ex eis evidenter illatas. Est communis.

Prob. 1. ex Scoto, [1] qui docet, legem naturæ præsumptam esse omnino immutabilem, nec in ipsam cadit dispensatio, & ideo ejus oppositum semper videtur esse peccatum. Certè si non patitur dispensationem, multò minùs abrogationem: Item quæcumque sunt de lege naturæ sive propriè, sive extensivè, semper sunt uniformia.

Confir. ex Gratiano, [2] qui jus naturale à cæteris distinguit, quod inter omnia primatum obtinet tempore, & dignitate: capitenim ab exordio rationalis creaturæ, nec variatur tempore, sed permanet immutabile: non sic alia jura, quæ mutationes patiuntur. Prob. 2. quia lex naturæ est verum practicum per se notum ex terminis, aut conclusio hinc deducta evidenter, & necessariò, ita ut convincat naturaliter, & necessariò intellectum, qui non possit dissentire; & principiativè pendet à judicio intellectus divini, qui est liber lucis æternæ, sed talia omnia sunt æternæ veritatis; ergo & immutabilia, sic ut non possint abrogari, nec cessare ab obligando. Prob. min. quia hæc fundantur in naturis rerum, & rationis humanæ, quæ sunt immutabiles, & æternæ quoad essentiam.

Tom. IV.

X

Objic.

[1] 1. d. 33. q. 1. G. n. 8, & d. 17. q. 1. E. n. 3.

[2] dist. 3. princip.

Objic. Multæ mutationes acciderunt in lege naturæ: v. gr. præceptum *non occides* est de jure naturæ strictè sumpto; & tamen licitum est occidere injustum oppressorem, cum non potest quis aliter se defendere. Idem est de isto, *furtum non facies*; nam licitum est furari in extrema necessitate. Item de lege naturæ bona omnia erant communia, quod sublatum est legibus humanis, per quas divisa sunt dominia, ita ut justè quis possideat suum. Unde Glossa docet, legem naturæ corrigi, & emendari per legem scriptam: sic de lege naturæ est, ut omnes homines nascantur liberi; & tamen jure civili introducta est servitus; ergo leges naturales strictiores non sunt immutabiles.

Resp. neg. ant. & ad probationem dico, ea omnia permitti lege ipsa naturæ in illis circumstantiis, in quibus jam licita sunt; scilicet occisio invaloris injusti ex necessaria defensione; ablatio alieni in extrema necessitate, in qua res ablata sit accipientis, & cessat esse alterius: nec id asseruit Glossa de propria correctione, de qua loquimur. Lex naturæ numquam positivè prohibuit divisionem dominii rerum; sed tantum negativè, quatenus circa hoc nihil statuit ab initio. Imò in statu naturæ corruptæ hæc divisio valdè conveniens fuit ad pacificam societatem servandam inter homines, ut diximus ex Scoto. Item jure naturæ omnes nascuntur liberi præcisa culpa, aut alia circumstantia, vel contractu, per quæ incurritur, vel contrahitur servitus, etiam de jure naturæ, saltem latè sumpto.

Objic. 2. Ut se habent supremi principes ad legem humanam, ita Deus ad naturalem, sed illi possunt abrogare humanam; ergo & Deus naturalem.

Resp. neg. maj. absolutè loquendo: nam lex humana totam vim accipit ab homine; non ita lex naturæ a Dei voluntate positiva, saltem directè, sed à natura rerum, ut diximus, quæ de se, & ex natura sua sunt honestæ, vel inhonestæ.

QUÆSTIO V.

*An lex naturæ sit indispensabilis.*

**H**Uc reservavimus alteram precedentis quæstionis partem de unitate, & immutabilitate legis naturæ quoad dispensationem: *Per hanc enim fieret, ut non esset una respectu omnium, nec pro semper, scilicet pro eis, nec pro illis temporibus, pro quibus, & cum quibus esset dispensatum*, inquit Scotus: [1] dispensare enim non est facere, quod stante præcepto liceat facere contra præceptum; sed est revocare præceptum; & in hoc consistit propria dispensatio; vel declarare qualiter debeat intelligi præceptum, & est impropria dispensatio; est enim duplex dispensatio, *propria*, quæ est juris revocatio; & *impropria*, quæ est juris declaratio.

Quæritur ergo hic, an stantibus omnibus circumstantiis eisdem in isto actu, qui est occidere hominem, variata sola circumstantia prohibiti, & non prohibiti, possit Deus facere, quod ille actus, qui cum talibus circumstantiis est aliquando prohibitus uni, non esset aliis prohibitus; hoc enim est propriè dispensare, revocando scilicet præceptum. Si autem id non possit Deus, ut volunt Thomistæ, & alii, tunc simpliciter verum est, Deum non posse dispensare in lege naturæ, nec in præceptis Decalogi, quæ diximus esse de hac lege, & multò minùs id poterit ulla creatura. Si verò id Deus possit, ut volunt Scotistæ, & alii, quæritur etiam, an possit in iis dispensari ab homine.

CONCLUSIO I.

**D**eus de potentia absoluta potest dispensare propriè in aliquibus præceptis Decalogi, seu naturæ, non in omnibus.

Prob. 1. ex Scoto [1] citato, qui dicit, quod in his, quæ sunt strictissimè de lege naturæ, scilicet quæ sunt tanquam prima principia practica nota ex terminis, vel conclusiones necessariò sequentes ex eis, non potest esse dispensatio, quod concedo, inquit, sed talia non sunt

X 2

quæ.

[1] 3. d. 37. A. n. 3. [2] Ibid.

quæcumque præcepta 2. tabulæ; quia ratione eorum, quæ ibi præcipiuntur, vel prohibentur, non sunt principia practica simpliciter necessaria, nec conclusiones simpliciter necessariae, &c. Inter prima ponit hæc duo, quæ Deum immediatè concernunt, & negativè exprimuntur: *Non habebis Deos alienos*, &c. *Non assumes nomen Domini Dei tui in vanum*: quoad tertium autem, quod ponitur in eadem tabula, nempe, *Memento, ut diem sabbati sanctifices*, quatenus per illud præcipitur aliquis cultus exhibendus Deo pro determinato tempore, an sit de lege naturæ strictè dubium est; & tamen propendit in partem affirmantem, quia nisi esset de jure stricto naturæ, sequeretur, quod Deus posset dispensare, quòd homo toto tempore vitæ suæ non haberet bonum motum circa Deum, quod non videtur probabile, & dixerat, quòd quantum ad determinationem hujus, vel alterius temporis non est de lege naturæ strictè loquendo. Et denique docet, aliqua ex præceptis 2. tabulæ non esse sic de lege naturæ strictissimè; & idèò in illis potest Deus dispensare.

Item alia ratione id probat: Nam in his, quæ præcipiuntur ibi (scilicet in 2. tabula) non est bonitas necessaria ad bonitatem ultimi finis convertens ad ultimum finem; nec in his, quæ prohibentur, est malitia necessario avertens ab ultimo fine sic, quin si bonum illud non esset præceptum, posset ultimus finis amari, & atingi; & si illud malum non esset prohibitum, staret cum eo acquisitio finis ultimi. De præceptis autem primæ tabulæ secus est, quia illa respiciunt immediatè Deum pro objecto, &c. Ista sunt strictè de lege naturæ, quia si est Deus, sequitur, quòd est amandus, ut Deus, & quòd nihil aliud est colendum tanquam Deus, nec Deo facienda est irreverentia; & per consequens in istis non potest Deus dispensare, &c. Non sic est de præceptis 2. tabulæ, quia per illa non præcipiuntur, aut non convertunt necessariò ad ultimum finem; nec quæ prohibentur, sic ab eo avertunt, quin posset amari, & acquiri, licet ea fierent. Prob. min. scilicet quòd ea, quæ prohibentur, non necessariò avertunt a fine ultimo: Occisio hominis, quæ prohibetur 5. præcepto, non impedit per se amorem Dei, nec ejus consecutionem: & sic de furto, de fornicatione, & aliis; ergo quæ præcipiuntur, vel prohibentur,

non necessario avertunt, vel convertunt ad ultimum finem. Prob. ant. quia si occisio, seu mortis illatio necessario averteret à Deo, numquam mors posset sine peccato mortali optari sibi, vel aliis; sed conf. est falsum; ergo &c. Prob. maj. Nam idem esset de occisione, ac de odio Dei, esset tam per se, & ex objecto, ac essentialiter mala, ut nulla unquam occasione posset esse non mala, æque ac odium Dei. Prob. min. tum quia de facto videmus, occisionem innocentis fuisse imperatam à Deo, & volitam ab homine sanctissimo, ut patet de Abraham Isaac immolante: tum quia legibus humanis licet occidere reos criminum mortalium; & ipsa lege naturæ æque, ac civili licet occidere injustum oppressorem cum moderamine inculpatæ tutelæ.

Prob. 3. ex eodem. Illa dicuntur absolute indispensable, quæ sic per se, & essentialiter sunt mala, ut in nullis circumstantiis naturaliter possibilibus possint esse licita; illa verò dispensabilia, quæ in aliquibus possunt esse licita; sed illud contingit circa aliqua præcepta naturæ, & Decalogi, & istud circa alia; ergo quædam sunt indispensable, & alia dispensabilia. Prob. min. Nam odium Dei, idololatria, blasphemia, perjurium, mendacium, & similia sic per se sunt mala, ut nulla sit excogitabilis circumstantia, in qua non sint illicita agentibus rationabilibus: non enim loquimur de pueris, & amentibus; & non ita est de homicidio etiam innocentis, de fornicatione, & furto; ergo, &c. Prob. ant. Nam vidimus de facto, quòd Abraham immolat licite filium: quòd Oseas assumit mulierem fornicariam, ex qua generat filios: & Hebræi furantur bona Ægyptiorum; & hæc dispensatione fiebant divina.

Dices, in his non fuisse dispensationes, sed hæc contigisse per legis cessationem, mutata, vel deficiente materia ejus.

Contra. Nam tota illa mutatio sive in occisione Isaac, sive in furto Hebræorum, sive in fornicatione Oseæ venit ab extrinseco, & à sola voluntate Dei sic jubentis, ut tunc lex naturæ de non occidendo, furando, & moechando cessaret; sed in hoc consistit propria dispensatio; ergo propria dispensatio divina cadere potest in illa præcepta. Et certè qui aliter uti vellet nomine dispensationis, excitaret quæstionem de

nomine; ut revera multi putant reduci ad eam hanc famofam controverfiam, aliis contendentibus cum Scoto, id vocari propriam difpenfationem, aliis negantibus cum Thomiftis; licet omnes de factis conveniant; fed ifti dicunt legem naturæ, & Decalogi prohibere tantum occifionem hominis auctoritate propria, & furtum alieni injuftum, & ufum cum meretrice ante initum matrimonium cum ipfa; fed hæc non contigerunt in cafibus dictis. Abraham occidebat filium auctoritate divina: Hebræi acceperunt Ægyptiorum bona, fed quæ facta erant fua, Deo hæc illis dante in mercedem laborum: & denique divino juffu Ofeas prius fibi desponsaverat fornicariam fœminam. Sed de controverfiis de nomine parum curamus, fufficit nobis, quod hæc in iifdem circumftantiis, in quibus facta funt, licite non potuiffent fic fieri, nifi Deus, ut fupremus naturæ Dominus, fic permiffiffet, aut mandaffet, tollendo obligationem legis; nos id vocamus difpenfationem propriam cum Doctore fubtili; vocent alii, quomodo voluerint, per me licet.

Certè fi hæc non fint propriæ difpenfationes, non video, quomodo in lege ulla etiam pofitiva poffint dari; nam femper, & ubique valebunt tales explicatio- nes: v. g. quando Papa difpenfaret abfque alia caufa hominem à jejuniis quadragefimali ex fola propria voluntate, & in iifdem circumftantiis, in quibus aliàs præceptum illud obligaret, non diceretur difpenfatio, fed mutatio materiæ talis præcepti; quatenus fcilicet efus carniū, qui eft materia ejus, ceffaret effe illicitus, cum antea effet illicitus.

Prob. 4. conclusio: quia ex terminis patet, nulla ratione umquam licere poffe Dei odium, vel ejus nominis contemptum, vel mendacium; & in aliis nulla repugnantia apparet, quin Deus poffit facere, ut licita fit occifio, vel fubreptio rei alienæ: ergo hæc pofterior potestas non debet denegari Deo, ficut illa prior. Ant. patebit folutione objectionum.

Prob. denique ex D. Bernardo. [1] *Non occides, non machaberis, non furtum facies, & reliqua illius tabula fcita, quæ efi nullam prorsus humanam difpenfationem admittant, nec cuiquam hominum ex his a-*

*liquan-*

[1] 21. de præcept. & difpenf. c. 3.

*Aliquando licuit, aut licebit, Dominus tamen horum quod voluit, & quando voluit solvit; sive cum Hebræis Egyptios spoliare permisit, sive quando Prophetam cum muliere fornicaria commisceri præcepit; quorum utique alterum quid nisi grave furii facinus? alterum quid nisi turpitudine flagitii reputaretur, si non excusasset utrumque factum auctoritas imperantis? ergo in hæc duo cadit dispensatio divina, sine qua facta illa Israelitarum, & Osee erant peccata gravissima.*

Objic. 1. Deus non potest mutare naturas rerum; sed quæ ex natura, vel Decalogo præcipiuntur, sunt de natura sua honesta, & quæ prohibentur, sunt mala; ergo Deus non potest dispensare, ut non sint prohibita, vel præcepta. Prob. min. 1. quia hæc omnia non ideo mala sunt, quia prohibita, nec bona, quia præcepta; sed potius ideo prohibita, quia mala, & præcepta, quia bona; ergo bonitas, & malitia venit ex natura intrinseca talium actuum, & rerum.

Resp. 1. dist. min. & ant. prob. de se, & natura sua præcisè aliquot circumstantiis extrinsecis, conc. min. & ant. positis circumstantiis illis, neg. min. & antec. Ablatio rei alienæ, occisio innocentis de se, & præcisa jussione, aut licentia divina, v. g. sunt de se malæ, & ideo prohibitæ; sed adveniente licentia Dei ut supremi, & absoluti domini supra uaturam cessant esse malæ, & prohibitæ.

Resp. 2. dist. maj. non potest mutare naturas physicas, aut metaphysicas rerum, conc. v. gr. non potest facere, quin homo sit animal rationale, supposito quod sit: essentias morales, & quoad extrinseca, neg. maj. v. g. potest facere, ut res, quæ erat de dominio Petri, fiat de dominio Pauli: sicut fecit, quod bona Ægyptiorum transferent in dominium Israelitarum ex puro suo beneplacito; mutare naturam moralem Dei est facere, ut res, quæ sub aliqua denominatione morali ex se, & ex talibus capitibus, fiat sub alia denominatione pariter morali ex aliis capitibus, v. g. ex divina sua potestate, & hoc absque mutatione prædicatorum essentialium Physicorum, & Metaphysicorum.

Inst. Si Deus posset facere, ut actus, aut res prohibita natura fierent non mala, & non prohibita, bonitas eorum non à natura, sed à Dei voluntate penderet; sed hoc est falsum, & contra nos; ergo, &c. Probat.

maj. Nam prohibitione cessante cessaret malitia ; sed prohibitio dependeret à Dei voluntate, quia eam posset tollere ; ergo & malitia sic dependeret.

Resp. dist. maj. fierent non mala , & malitia dependeret à Dei voluntate negativè, id est quatenus non essent mala , si Deus dispensaret , conc. maj. & neg. min. positivè, ita ut voluntas Dei per actum positivum offunderet illis malitiam, vel bonitatem, neg. maj. & conf. occisio innocentis propria auctoritate est de se mala, & prohibita , sed cum tali dependentia, & subordinatione à Dei voluntate, ut per ejus dispensationem desinat esse mala ; & talia sunt multa , quæ prohibentur jure naturæ , non tamen omnia .

Objic. 2. ex D. Th. Deus non potest dispensare in præceptis, quæ continent intrinsecè ordinem justitiæ ; sed præcepta omnia naturæ in Decalogo utriusque tabulæ continent intrinsecè ordinem justitiæ ; ergo in illis non potest Deus dispensare ; maj. patet ; quia Deus non potest dispensare, ut fiat injustitia. Probat. min. præcepta naturæ in Decalogo prohibent id, quod est intrinsece injustum, & præcipiunt justum, verbi gratia 5. præceptum prohibet injustam occisionem ; & 6. prohibet furtum injustum ; & 7. injustam fornicationem : uno verbo omnia præcepta 2. tabulæ injustitiam prohibent erga proximum ; ergo omnia præcepta 2. tabulæ continent ordinem intrinsecum justitiæ.

Resp. dist. maj. Si ordo ille sit inseparabilis à re præcepta, vel prohibita, conc. maj. si sit separabilis, neg. maj. & conf. similiter distincta min. nam ordo justitiæ continetur non inseparabiliter in illis præceptis, nisi cum subordinatione ad Dei iudicium, & voluntatem : verbi gratia *non occides innocentem ex se*, & præcisa ordinatione divina, dicit quidem ordinem justitiæ, sed ille ordo cessat, vel mutatur, cum Deus aliter disponit ; & ita est de aliis, quæ non sunt de jure stricto naturæ, nec sequuntur evidenter, & necessario ex ejus primis principiis. Ad probat. dist. ant. prohibent id, quod de se est injustum, quamdiu est justum, conc. ant. in sensu diviso prohibitionis, & ita ut prohibitio, & injustitia sit inseparabilis ab illis actibus, quos sic prohibent, neg. ant. & conf. occisio innocentis de se, & præcisa divina dispensatione est injusta, & dicit ordinem justitiæ, sed ordinem subordi-



dinatum, & dependentem à Dei voluntate, quatenus est auctor, & dominus supremus naturæ, ac iustitiæ.

Inst. hoc præceptum legis naturæ, *non facies quid injustum*, est unum ex principiis moralibus legis naturæ; est enim notum ex terminis; sed istud, *non occides innocentem* necessario sequitur ex illo primo, & ita est de omnibus aliis 2. tabulæ: quia prohibent injustitiam fieri proximo; ergo sunt de stricto jure naturæ; ergo sunt prorsus indispensabilia.

Resp. neg. min. Talia præcepta sunt quidem declarationes, & exempla particularia illius principii generalis; sed non sequuntur ex illo nec evidenter, nec necessario sic, quin saltem Deo aliter statuente, occisio innocentis, aut furtum alieni possint cum illo concordare, saltem negative, & quin illud possit servari, licet ista non serventur.

Objic. 3. Adulterium, mendacium sic prohibentur in Decalogo, ut non possit in eis dispensari; quia sic sunt intrinsece mala, ut nulla ratio boni possit inesse illis; sed eadem est ratio de omnibus aliis; ergo in nullo ex præceptis illis potest dispensari a Deo. Prob. maj. nam illa tam naturaliter, & intrinsece sunt mala, quam homo est rationalis: Deus autem non potest facere, quin homo sit rationalis; ita nec quin mendacium sit malum; & tam sunt intrinsece, & pure mala, quam odiū Dei; nec potest assignari ratio disparitatis.

Resp. neg. maj. & ant. prob. Ratio disparitatis est, quia odium Dei sequitur, & convertitur evidenter cum primo principio morali naturæ, *Omne bonum est amandum, & Deus est purè, & summe bonus*; non ita de aliis pluribus 2. tabulæ; & quia de facto videmus in istis dispensatum, non autem in illis; & hæc est ratio disparitatis à posteriori, illa à priori.

Inst. In Scriptura habemus, quòd præcepta, *non occides, non machaberis*, & alia 2. tabulæ includuntur in isto, *diliges proximum tuum sicut te ipsum*: & quòd, [1] *qui proximum diligit, legem implevit*; Et, [2] *in his duobus mandatis tota lex pendet, & propheta*. Denique dilectio proximi continetur, & pendet à dilectione Dei; ergo eadem necessitate, qua Dei amor sequitur ex illo principio primo, ita & omnia præcepta, quæ pertinent ad dilectionem proximi.

X 6

Resp.

[1] Rom. 13. [2] Matih. 1.2.

Resp. dist. ant. includuntur per connexionem maximæ convenientiæ, conc. ant. per connexionem evidentem, & necessariam, neg. ant. & conf. Sunt ergo connexa inter se, & cum præcepto dilectionis Dei ex primo illo principio morali legis naturæ strictissimæ, non tamen necessaria, & evidenti sequela, aut connexionem, sed tantum congruenti, ut docet Scotus.

Objic. 4. cum Becano. Dispensare in lege nihil est aliud, quàm permittere alicui, ut agat contra legem adhuc vigentem; sed hoc Deus non potest concedere per ullam potentiam; quia id esset intrinsecè malum: ergo Deus nullo modo potest dispensare in lege naturæ, aut Decalogi.

Resp. dist. maj. ut agat contra legem adhuc vigentem pro illis, cum quibus non est dispensatum, conc. maj. pro illis, cum quibus est dispensatum, neg. maj. & conf. Nam in hoc decipitur ille Theologus, & alii, quod putant legem vigere in sensu composito dispensationis, quod falsum est: nam, ut dixi cum Scoto, dispensatio propria est juris revocatio, ita ut lex revocetur respectu illius, qui dispensatur, verbi gratia, lex de non occidendo innocentem revocabatur pro Abraham, cum jubebatur immolare filium: & sic de aliis.

Objic. 5. Si Deus dispensaret in præcepto, non occideret, bellum aliquod posset esse utrimque justum sine ignorantia; sed sequela est falsa: ergo non potest in eo dispensari. Prob. seq. nam dispensatus posset juste aggredi innocentem, & hic juste defendere se, ergo bellum esset utrimque justum.

Resp. 1. neg. seq. & ant. prob. Nam vel aggressus se defendens sciret, vel ignoraret præceptum datum aggressori; si sciret, ergo peccaret se defendendo, & ex parte ejus bellum esset injustum; si nesciret, ergo non esset justum ex parte ipsius sine ignorantia.

Resp. 1. neg. eandem seq. & ant. prob. Nam præceptum posset non obligare positive ad occisionem, sed permittere, vel suadere per consilium; & sic aggressor videns resistentiam ex parte aggressi, & periculum sui deberet cessare a pugna, quæ ex tunc evaderet injusta ex parte sua.

Resp. 3. neg. min. Nam in multis casibus bellum potest esse utrimque justum, v. g. cum milites iusti

regum suorum inter se pugnant, utrique putant bellum esse justum: imò licet aliqui ex scientia privata putent esse injustum, sed existiment se debere obedire, & conformare se iudicio principis contra propriam suam opinionem. Item quidam docent, quòd duo natantes, & timentes naufragium inter se possunt pugnare ad obtinendam salutarem tabulam, quæ uni soli sufficere potest: & sic de aliis multis casibus.

Objic. 6. Evidenter notum est lumine naturæ, quod non facienda sit injuria parentibus, nec proximo æque, ac quod non sit Deo facienda: ergo de illis Deus non potest magis dispensare, quam de isto; sed omnia præcepta naturæ in 2. tabula sunt de non facienda injuria proximo, & parentibus; ergo tam sunt indispensabilia, quam 1. tabulæ.

Resp. dist. ant. & subsumptum; quod non sit facienda injuria, formaliter ut injuria, conc. ant. materialiter, & præcisa formalitate injuriæ, neg. ant. & subsumptum. Nocumentum potest esse justum, aut saltem non injustum: v. g. occisio est nocumentum, quod potest esse injuriosum, aut non injuriosum: sub ratione injuriosi prohibetur indispensabiliter: sed sicut illa ratio potest separari, ita & Deus potest dispensare, ut innocens occidatur, ut parentibus non obediatur, &c. quia per dispensationem aufertur illa formalitas injustitiæ ab illis nocumentis materialibus, quæ alias, & præcisa dispensatione inesset illis.

Inst. Ista non prohibentur a natura rei, nec in Decalogo, nisi prout sunt injuriosa; ergo si Deus non potest dispensare ut fiant injuriose, non potest dispensare in his præceptis naturæ, & Decalogi.

Resp. 1. argumentum nimis probare, si valeat, probaret enim nequidem in lege humana Deum posse dispensare: nam cum lex humana prohibet aliquid, non prohibet illud, nisi ut non fiat peccaminose, & injuste, sed Deus non potest dispensare, ut aliquid fiat peccaminose, & injuste; ergo nec in lege humana, quod est contra omnes adversarios, & veritatem.

Resp. 2. dist. ant. ita ut modus ille, & formalitas injuriæ non præsupponatur legi, sed ad illam sequatur, conc. ant. quali vero ille modus præsupponatur legi, neg. ant. & conseq. nam occisio, verbi gratia,

quæ prohibetur lege naturæ, si præscindatur lex, prohibitio est naturale documentum vitæ materialiter, & aliqua ratione indifferens ad injustitiam, vel justitiam; & injustitiam habet à prohibitione, quæ quidem prohibitio ut venit à natura, sequitur infalibiliter, & ex natura rei; nisi aliter ab auctore naturæ disponatur, ut diximus.

## CONCLUSIO II.

**N**ulla potestate creata potest dispensari in præceptis naturæ. Ita omnes adversarii præcedentes, & quidem à fortiori; nam si hanc potestatem negant Deo, à fortiori negabunt cuicque creaturæ. Est etiam Scotistarum, quos viderim.

Prob. 1. ex Scot., [1] licet non agitet hanc questionem, tamen ex hoc illius principio colligitur facile: docet enim, quod nulli inferiori licet in lege superioris dispensare; sed lex naturæ, & Decalogi est lex superioris respectu omnis potentie creatæ; ergo nulla potestas humana potest in ea dispensare. Maj. patet ex ipsomet, quia dispensare proprie est revocare præceptum; sed nullus inferior potest revocare præceptum superioris; ergo nec dispensare. probat. min. nam creaturæ omnes tenentur legibus ipsis naturæ, & sunt ei subditi; ergo non habent in eam, vel ejus leges superioritatem.

Confr. ex D. Bernardo citato, [1] qui docet expresse, quod in præceptis Decalogi, *esset nullam prorsus humanam mutationem admittant, cuiquam hominum ex his nullo modo solvere aut licuit, aut licebit.*

Prob. 2. quia hæc potestas esset apud reges temporales, vel Pontificem: sed neutri habent; ergo nullus homo hanc habet. Prob. min. hanc enim haberent vel à Deo, vel à natura: non à Deo: nihil enim, nec ullibi de hoc constat; non à natura; quia ipsimet ligantur, & subduntur ejus legibus; alioqui possent permittere inobedientiam, & irreverentiam in filiis erga parentes, occisionem innocentium, furta, fornicationes, adulteria; ergo in nullo præcepto naturæ possunt dispensare; est enim eadem ratio de his, & aliis.

Di.

[1] 4.d.15.q.3.G.n.8. [2] de dispensat. cit.

Dixi, *proprie*; nam, ut mox patebit, certum est sæpius, & in multis casibus dispensatum fuisse, saltem à summo Pontifice in præceptis legis hujus per declarationem juris; quæ in casibus dubiis, vel obscuris potest fieri à superioribus, vel doctoribus, & sic per leges civiles, & Ecclesiasticas plura statuuntur circa legem naturæ; imò ferè sunt omnes explicationes, & statuta circa illam, ut facile esset ostendere percurrendo singula, & si adversarii nihil aliud volunt per dispensationem, quam sustinent admittendam per potestatem humanam, facilis est conciliatio hujus controversiæ, & reductio ad ejus questionem de nomine.

Objic. 1. Juramenta, & vota obligant ex lege naturæ; sed Papa solet in his dispensare; ergo & in lege naturæ.

Resp. neg. vel dist. min. dispensat *improprie*, scilicet declarando in aliquibus circumstantiis juramenta, & vota non obligare, conc. min. *proprie*, revocando erga aliquos præcepta illa legis, neg. min. Nam in hoc consistit propria dispensatio, & numquam sic dispensant homines ulli, nequidem Papa, sed semper ex causa aliqua, ex qua inducitur, & declaratur solutio voti, & juramenti; sicut dispensat in legibus Ecclesiasticis, & civilibus; & hoc verum est, licet utantur nomine dispensationis, quod est æquivocum ad propriam, & impropriam.

Inst. Dispensat in matrimonio rato; sed illud est naturaliter indissolubile; ergo dispensat etiam *proprie*.

Resp. neg. conf. non enim dispensat, nisi dissolvendo illud ex causa, ex qua sequitur aliqua invaliditas ex aliquo defectu, ut videbitur suo loco.

Inst. 2. Vel illa causa tollit obligationem, & validitatem voti, aut matrimonii, vel non; si tollit, ergo frustra recurritur ad Papam, & non debet dici dispensare; quod est contra praxim: si non tollit, ergo verè, & *proprie* dispensat, quia ille tollit jus, & obligationem.

Resp. quòd causa tollit obligationem, aut invalidat, aut saltem ratio est, cur dissolvatur per legitimum superiorem; & neg. conf. Quia illi defectus, & causæ nullitatum sunt dubiæ, vel obscuræ, meritò legibus positivis statuitur, ut recuratur ad superiores, qui

qui declarent, an tollant obligationem; sicut per leges civiles non licet propria auctoritate particularibus resumere bona sua, quæ ab aliis detinentur, licet certum sit de jure suo. Id etiam statuitur, ut vitentur scandala, & abusus. Nam quotidie vota, & matrimonia dissolverentur sub prætextu nullitatum, nisi cautum esset, ut id examinandum superioribus referretur; ut de contractuum civilium rescissione prædicatur in civilibus.

Obv. 1. ex lege naturæ omnia erant communia; sed hæc legi derogatum est per jus positivum humanum; ergo per jus humanum dispensatur in lege naturæ. Locum est de servitute: nam ex naturali jure omnis homo nascebatur liber.

Resp. Ess. maj. omnia bona erant communia de jure negativo permissivo, & pro statu innocentie, conc. maj. de jure positivo, & pro statu naturæ corruptæ, neg. maj. nec enim extabat ullum præceptum speciale, sed tantum ad pro illo statu innocentie congruebat, ut permissum esset. Ratio est, inquit Doctor, [1.] quia *vis rerum secundum rectam rationem debet contineri dominibus, sicut congruis ad pacificam conversationem, & necessariam sustentationem. In statu enim innocentie communis usus sine distinctione dominiorum ad utrumque horum plus valuit, quam distinctio dominiorum, quæ nullas tunc occupasset, quod jussu naturæ necessarium, nec oportuisset istud ab ipso videtur exquiri, &c. et contrarium accidit post peccatum: communitas omnium rerum esset contra pacificam conversationem, cum malus, & cupidus occuparet ultra ei, quæ sibi essent necessaria (quod videmus quotidie. &c. quoad servitutem eadem est ratio, nullum est præceptum positive prohibens servitutem. si adit causa, vel si quis velit servus esse. In statu naturæ corruptæ inducitur est servitus per peccatum. Alique sunt servi vel jure belli, vel jure emptio- nis, & venditionis: jus belli naturale est; nam qui victor est, & poterat occidere hominem, potest & vitam conditionem servum retinere. In bello iusta defensio est de jure naturæ, & eodem jure victori cedit jus in eum, qui victus est. Jus etiam emptionis, & venditionis oritur ex natura, quæ licet cuique disponere de suo.*

fuo; sed hæc pro statu naturæ depravatæ per peccatum.

Objic. 3. Papa recepit à Christo potestatem illimitatam ligandi, & solvendi, nec excepta est lex naturæ; ergo potest dispensare propria auctoritate in lege naturæ, sicut Christus Deus. Prob. ant. *Quodcumque solveris super terram, erit solutum & in cælis*, &c.

Resp. neg. ant. & conf. prob. Nam per hæc verba non datur potestas Papæ statuendi, aut solvendi contra jus divinum, aut naturale, sed tantum ea omnia, quæ congrua judicat secundum utrumque: alioqui posset dispensare in perjurio, in odio Dei, &c. quod nemo dixerit; & si hoc assereretur de Papa in spiritalibus, idem diceretur de Imperatore, & Rege, ac Summo Pontifice in suis regnis quoad temporalia; & sic nihil esset fixum, nec certum in humanis.

Inst. Idem diceretur de Deo, si posset dispensare in jure naturæ; sed nos id concedimus Deo, & ipse potest suam omnem potestatem committere hominibus illis, ut inquit ille textus Evangelii; ergo ratio illa non sufficit ad regulandam in eis facultatem illimitatam dispensandi in lege naturæ.

Resp. neg. maj. imò impia esset comparatio; Deus à recto deflectere non potest, & sic quantacumque illi tribuatur potestas, semper in bonum tendet; non ita est de hominibus, qui omnes sunt defectibiles.

Inst. Posset esse utile saluti hominum fidelium, ut in aliquibus occasionibus posset Papa dispensare in illis præceptis; ergo id ita factum putandum est ex Dei providentia benignissima.

Resp. neg. ant. imò utilissimum est eam plenipotentiam reservari ob rationem mox allatam.

Porrò, ut rectè advertit P. Poncius, certum est, Papam in allatis casibus dispensare, scilicet in votis, juramentis, matrimoniis, residentiis, necnon in aliis multis præceptis decalogi; an id fiat per propriam, vel impropriad dispensationem parum refert, modo sciatur, enim id numquam facere sine gravi causa, propter quod dicimus illam non esse propriam dispensationem, sed potius declarationem, qua judicat vota, juramenta, matrimonia, &c. non tenere, nec obligare propter illas causas, saltem de stricto jure naturæ, licet possit inesse aliquid indulgentiæ.

Que-

nomine; ut revera multi putant reduci ad eam hanc famofam controverfiam, aliis contendentibus cum Scoto, id vocari propriam difpenfationem, aliis negantibus cum Thomiftis; licet omnes de factis conveniant; fed ifti dicunt legem naturæ, & Decalogi prohibere tantum occifionem hominis auctoritate propria, & furtum alieni injuftum, & ufum cum meretrice ante initum matrimonium cum ipfa; fed hæc non contigerunt in cafibus dictis. Abraham occidebat filium auctoritate divina: Hebræi acceperunt Ægyptiorum bona, fed quæ facta erant fua, Deo hæc illis dante in mercedem laborum: & denique divino juffu Ofeas prius fibi defponfaverat fornicariam fceminam. Sed de controverfiis de nomine parum curamus, fufficit nobis, quod hæc in iifdem circumftantiis, in quibus facta funt, licite non potuiffent fic fieri, nifi Deus, ut fupremus naturæ Dominus, fic permiffiffet, aut mandaffet, tollendo obligationem legis; nos id vocamus difpenfationem propriam cum Doctore fubtili; vocent alii, quomodo voluerint, per me licet.

Certè fi hæc non fint propriæ difpenfationes, non video, quomodo in lege ulla etiam pofitiva poffint dari; nam femper, & ubique valebunt tales explicaciones: v. g. quando Papa difpenfaret absque alia caufa hominem à jejuniis quadragefimali ex fola propria voluntate, & in iifdem circumftantiis, in quibus aliàs præceptum illud obligaret, non diceretur difpenfatio, fed mutatio materiæ talis præcepti; quatenus fcilicet efus carniū, qui eft materia ejus, ceffaret effe illicitus, cū antea effet illicitus.

Prob. 4. conclusio: quia ex terminis patet, nulla ratione umquam licere poffe Dei odium, vel ejus nominis contemptum, vel mendacium; & in aliis nulla repugnantia apparet, quin Deus poffit facere, ut licita fit occifio, vel fubreptio rei alienæ: ergo hæc pofterior potestas non debet denegari Deo, ficut illa prior. Ant. patebit folutione objectionum.

Prob. denique ex D. Bernardo. [1] *Non occides, non machaberis, non furtum facies, & reliqua illius tabulæ fcitæ, quæ eifi nullam prorsus humanam difpenfationem admittant, nec cuiquam hominum ex his a-*

*liquan-*

[1] 2i de præceptis & difpenf. c. 3.



liquando licuit, aut licebit, Dominus tamen horum quod voluit, & quando voluit solvit; sive cum Hebræis Ægyptios spoliare permisit, sive quando Prophetam cum muliere fornicaria commisceri præcepit; quorum utique alterum quid nisi grave furii facinus? alterum quid nisi turpitudine flagitii reputaretur, si non excusasset utrumque factum auctoritas imperantis? ergo in hæc duo cadit dispensatio divina, sine qua facta illa Israelitarum, & Osee erant peccata gravissima.

Objic. 1. Deus non potest mutare naturas rerum; sed quæ ex natura, vel Decalogo præcipiuntur, sunt de natura sua honesta, & quæ prohibentur, sunt mala; ergo Deus non potest dispensare, ut non sint prohibita, vel præcepta. Prob. min. 1. quia hæc omnia non ideo mala sunt, quia prohibita, nec bona, quia præcepta; sed potius ideo prohibita, quia mala, & præcepta, quia bona; ergo bonitas, & malitia venit ex natura intrinseca talium actuum, & rerum.

Resp. 1. dist. min. & ant. prob. de se, & natura sua præcisè aliquot circumstantiis extrinsecis, conc. min. & ant. positis circumstantiis illis, neg. min. & antec. Ablatio rei alienæ, occisio innocentis de se, & præcisa jussione, aut licentia divina, v. g. sunt de se malæ, & ideo prohibita; sed adveniente licentia Dei ut supremi, & absoluti domini supra naturam cessant esse malæ, & prohibita.

Resp. 2. dist. maj. non potest mutare naturas physicas, aut metaphysicas rerum, conc. v. gr. non potest facere, quin homo sit animal rationale, supposito quod sit: essentias morales, & quoad extrinseca, neg. maj. v. g. potest facere, ut res, quæ erat de dominio Petri, fiat de dominio Pauli: sicut fecit, quod bona Ægyptiorum transferint in dominium Israelitarum ex puro suo beneplacito; mutare naturam moralem Dei est facere, ut res, quæ sub aliqua denominatione morali ex se, & ex talibus capitibus, fiat sub alia denominatione pariter morali ex aliis capitibus, v. g. ex divina sua potestate, & hoc absque mutatione prædicatorum essentialium Physicorum, & Metaphysicorum.

Inst. Si Deus posset facere, ut actus, aut res prohibita natura fierent non mala, & non prohibita, bonitas eorum non à natura, sed à Dei voluntate penderet; sed hoc est falsum, & contra nos; ergo, &c. Probat.

maj. Nam prohibitione cessante cessaret malitia ; sed prohibitio dependeret à Dei voluntate, quia eam posset tollere ; ergo & malitia sic dependeret.

Resp. dist. maj. fierent non mala , & malitia dependeret à Dei voluntate negativè, id est quatenus non essent mala , si Deus dispensaret , conc. maj. & neg. min. positivè, ita ut voluntas Dei per actum positivum offunderet illis malitiam, vel bonitatem, neg. maj. & conf. occisio innocentis propria auctoritate est de se mala, & prohibita, sed cum tali dependentia, & subordinatione à Dei voluntate, ut per ejus dispensationem desinat esse mala ; & talia sunt multa, quæ prohibentur jure naturæ, non tamen omnia.

Objic. 2. ex D. Th. Deus non potest dispensare in præceptis, quæ continent intrinsecè ordinem justitiæ ; sed præcepta omnia naturæ in Decalogo utriusque tabulæ continent intrinsecè ordinem justitiæ ; ergo in illis non potest Deus dispensare, maj. patet ; quia Deus non potest dispensare, ut fiat injustitia. Probat. min. præcepta naturæ in Decalogo prohibent id, quod est intrinsece injustum, & præcipiunt justum, verbi gratia 5. præceptum prohibet injustam occisionem ; & 6. prohibet furtum injustum ; & 7. injustam fornicationem : uno verbo omnia præcepta 2. tabulæ injustitiam prohibent erga proximum ; ergo omnia præcepta 2. tabulæ continent ordinem intrinsecum justitiæ.

Resp. dist. maj. Si ordo ille sit inseparabilis à re præcepta, vel prohibita, conc. maj. si sit separabilis, neg. maj. & conf. similiter distincta min. nam ordo justitiæ continetur non inseparabiliter in illis præceptis, nisi cum subordinatione ad Dei iudicium, & voluntatem : verbi gratia *non occides innocentem* ex se, & præcisa ordinatione divina, dicit quidem ordinem justitiæ, sed ille ordo cessat, vel mutatur, cum Deus aliter disponit ; & ita est de aliis, quæ non sunt de jure stricto naturæ, nec sequuntur evidenter, & necessario ex ejus primis principiis. Ad probat. dist. ant. prohibent id, quod de se est injustum, quamdiu est justum, conc. ant. in sensu diviso prohibitionis, & ita ut prohibitio, & injustitia sit inseparabilis ab illis actibus, quos sic prohibent, neg. ant. & conf. occisio innocentis de se, & præcisa divina dispensatione est injusta, & dicit ordinem justitiæ, sed ordinem subordi-

dinatum, & dependentem à Dei voluntate, quatenus est auctor, & dominus supremus naturæ, ac iustitiæ.

Inst. hoc præceptum legis naturæ, *non facies quid injustum*, est unum ex principiis moralibus legis naturæ; est enim notum ex terminis; sed istud, *non occides innocentem* necessario sequitur ex illo primo, & ita est de omnibus aliis 2. tabulæ: quia prohibent injustitiam fieri proximo; ergo sunt de stricto jure naturæ; ergo sunt prorsus indispensabilia.

Resp. neg. min. Talia præcepta sunt quidem declarationes, & exempla particularia illius principii generalis; sed non sequuntur ex illo nec evidenter, nec necessario sic, quin saltem Deo aliter statuente, occisio innocentis, aut furtum alieni possint cum illo concordare, saltem negative, & quin illud possit servari, licet ista non serventur.

Objic. 3. Adulterium, mendacium sic prohibentur in Decalogo, ut non possit in eis dispensari; quia sic sunt intrinsece mala, ut nulla ratio boni possit inesse illis; sed eadem est ratio de omnibus aliis; ergo in nullo ex præceptis illis potest dispensari a Deo. Prob. maj. nam illa tam naturaliter, & intrinsece sunt mala, quam homo est rationalis: Deus autem non potest facere, quin homo sit rationalis; ita nec quin mendacium sit malum; & tam sunt intrinsece, & pure mala, quam odium Dei; nec potest assignari ratio disparitatis.

Resp. neg. maj. & ant. prob. Ratio disparitatis est, quia odium Dei sequitur, & convertitur evidenter cum primo principio morali naturæ, *Omne bonum est amandum, & Deus est purè, & summe bonus*; non ita de aliis pluribus 2. tabulæ; & quia de facto videmus in istis dispensatum, non autem in illis; & hæc est ratio disparitatis à posteriori, illa à priori.

Inst. In Scriptura habemus, quòd præcepta, *non occides, non machaberis*, & alia 2. tabulæ includuntur in isto, *diliges proximum tuum sicut te ipsum*: & quòd, [1] *qui proximum diligit, legem implevit*; Et, [2] *in his duobus mandatis tota lex pendet, & propheta*. Denique dilectio proximi continetur, & pendet à dilectione Dei; ergo eadem necessitate, qua Dei amor sequitur ex illo principio primo, ita & omnia præcepta, quæ pertinent ad dilectionem proximi.

X 5

Resp.

[1] Rom. 13. [2] Matth. 23.

Resp. dist. ant. includuntur per connexionem maximæ convenientiæ, conc. ant. per connexionem evidentem, & necessariam, neg. ant. & conf. Sunt ergo connexa inter se, & cum præcepto dilectionis Dei ex primo illo principio morali legis naturæ strictissimæ, non tamen necessaria, & evidenti sequela, aut connexionem, sed tantum congruenti, ut docet Scotus.

Objic. 4. cum Becano. Dispensare in lege nihil est aliud, quam permittere alicui, ut agat contra legem adhuc vigentem; sed hoc Deus non potest concedere per ullam potentiam; quia id esset intrinsecè malum: ergo Deus nullo modo potest dispensare in lege naturæ, aut Decalogi.

Resp. dist. maj. ut agat contra legem adhuc vigentem pro illis, cum quibus non est dispensatum, conc. maj. pro illis, cum quibus est dispensatum, neg. maj. & conf. Nam in hoc decipitur ille Theologus, & alii, quod putant legem vigere in sensu composito dispensationis, quod falsum est: nam, ut dixi cum Scoto, dispensatio propria est juris revocatio, ita ut lex revocetur respectu illius, qui dispensatur, verbi gratia, lex de non occidendo innocentem revocabatur pro Abraham, cum jubebatur immolare filium: & sic de aliis.

Objic. 5. Si Deus dispensaret in præcepto, non occides, bellum aliquod posset esse utrumque justum sine ignorantia; sed sequela est falsa: ergo non potest in eo dispensari. Prob. seq. nam dispensatus posset juste aggredi innocentem, & hic juste defendere se, ergo bellum esset utrumque justum.

Resp. 1. neg. seq. & ant. prob. Nam vel aggressus se defendens sciret, vel ignoraret præceptum datum aggressori; si sciret, ergo peccaret se defendendo, & ex parte ejus bellum esset injustum; si nesciret, ergo non esset justum ex parte ipsius sine ignorantia.

Resp. 1. neg. eandem seq. & ant. prob. Nam præceptum posset non obligare positive ad occisionem, sed permittere, vel suadere per consilium; & sic aggressor videns resistantiam ex parte aggressi, & periculum sui deberet cessare a pugna, quæ ex tunc evaderet injusta ex parte sua.

Resp. 3. neg. min. Nam in multis casibus bellum potest esse utrumque justum, v. g. dum milites iusti

regum suorum inter se pugnant, utrique putant bellum esse justum: imò licet aliqui ex scientia privata putent esse injustum, sed existiment se debere obedire, & conformare se iudicio principis contra propriam suam opinionem. Item quidam docent, quòd duo natautes, & timentes naufragium inter se possunt pugnare ad obtinendam salutarem tabulam, quæ uni soli sufficere potest: & sic de aliis multis casibus.

Objic. 6. Evidenter notum est lumine naturæ, quod non facienda sit injuria parentibus, nec proximo æque, ac quod non sit Deo facienda: ergo de illis Deus non potest magis dispensare, quam de isto; sed omnia præcepta naturæ in 2. tabula sunt de non facienda injuria proximo, & parentibus; ergo tam sunt indispensabilia, quam 1. tabulæ.

Resp. dist. ant. & subsumptum; quod non sit facienda injuria, formaliter ut injuria, conc. ant. materialiter, & præcisa formalitate injuriæ, neg. ant. & subsumptum. Nocumentum potest esse justum, aut saltem non injustum: v. g. occisio est nocumentum, quod potest esse injuriosum, aut non injuriosum: sub ratione injuriosi prohibetur indispensabiliter: sed sicut illa ratio potest separari, ita & Deus potest dispensare, ut innocens occidatur, ut parentibus non obediatur, &c. quia per dispensationem aufertur illa formalitas injustitiæ ab illis nocumentis materialibus, quæ alias, & præcisa dispensatione inesset illis.

Inst. Ista non prohibentur a natura rei, nec in Decalogo, nisi prout sunt injuriosa; ergo si Deus non potest dispensare ut fiant injuriose, non potest dispensare in his præceptis naturæ, & Decalogi.

Resp. 1. argumentum nimis probare, si valeat, probaret enim nequidem in lege humana Deum posse dispensare: nam cum lex humana prohibet aliquid, non prohibet illud, nisi ut non fiat peccaminose, & injuste, sed Deus non potest dispensare, ut aliquid fiat peccaminose, & injuste; ergo nec in lege humana, quod est contra omnes adversarios, & veritatem.

Resp. 2. dist. ant. ita ut modus ille, & formalitas injuriæ non præsupponatur legi, sed ad illam sequatur, conc. ant. quasi vero ille modus præsupponatur legi, neg. ant. & consequ. nam occisio, verbi gratia,

quæ prohibetur lege naturæ, si præscindatur lex, prohibitio est naturale documentum vitæ materialiter, & aliqua ratione indifferens ad injustitiam, vel justitiam; & injustitiam habet à prohibitione, quæ quidem prohibitio ut venit à natura, sequitur infalibiliter, & ex natura rei; nisi aliter ab auctore naturæ disponatur, ut diximus.

## CONCLUSIO II.

**N** *Ulla potestate creata potest dispensari in præceptis naturæ.* Ita omnes adversarii præcedentes, & quidem à fortiori; nam si hanc potestatem negant Deo, à fortiori negabunt cuicque creaturæ. Est etiam Scotistarum, quos viderim.

Prob. 1. ex Scot., [1] licet non agitet hanc questionem, tamen ex hoc illius principio colligitur facile: docet enim, quod nulli inferiori licet in lege superioris dispensare; sed lex naturæ, & Decalogi est lex superioris respectu omnis potentie creatæ; ergo nulla potestas humana potest in ea dispensare. Maj. patet ex ipsomet, quia dispensare proprie est *revocare præceptum*; sed nullus inferior potest revocare præceptum superioris; ergo nec dispensare. probat. min. nam creaturæ omnes tenentur legibus ipsis naturæ, & sunt ei subditi; ergo non habent in eam, vel ejus leges superioritatem.

Confir. ex D. Bernardo citato, [1] qui docet expresse, quod in præceptis Decalogi, *etsi nullam prorsus humanam mutationem admittant, cuiquam hominum ex his nullo modo solvere aut licuit, aut licebit.*

Prob. 2. quia hæc potestas esset apud reges temporales, vel Pontificem: sed neutri habent; ergo nullus homo hanc habet. Prob. min. hanc enim haberent vel à Deo, vel à natura: non à Deo: nihil enim, nec ullibi de hoc constat; non à natura; quia ipsimet ligantur, & subduntur ejus legibus; alioqui possent permittere inobedientiam, & irreverentiam in filiis erga parentes, occisionem innocentium, furta, fornicationes, adulteria; ergo in nullo præcepto naturæ possunt dispensare; est enim eadem ratio de his, & aliis.

Di.

[1] 4.d.15.q.3.G.n.8. [2] de dispensat. cir.

Dixi, *proprie*; nam, ut mox patebit, certum est sepius, & in multis casibus dispensatum fuisse, saltem à summo Pontifice in præceptis legis hujus per declarationem juris; quæ in casibus dubiis, vel obscuris potest fieri à superioribus, vel doctoribus, & sic per leges civiles, & Ecclesiasticas plura statuuntur circa legem naturæ; imò ferè sunt omnes explanationes, & statuta circa illam, ut facile esset ostendere percurrendo singula, & si adversarii nihil aliud volunt per dispensationem, quam sustinent admittendam per potestatem humanam, facilis est conciliatio hujus controversiæ, & reductio ad ejus quæstionem de nomine.

Objic. 1. Juramenta, & vota obligant ex lege naturæ; sed Papa solet in his dispensare; ergo & in lege naturæ.

Resp. neg. vel dist. min. dispensat *improprie*, scilicet declarando in aliquibus circumstantiis juramenta, & vota non obligare, conc. min. *proprie*, revocando erga aliquos præcepta illa legis, neg. min. Nam in hoc consistit propria dispensatio, & numquam sic dispensant homines ulli, nequidem Papa, sed semper ex causa aliqua, ex qua inducitur, & declaratur solutio voti, & juramenti; sicut dispensat in legibus Ecclesiasticis, & civilibus; & hoc verum est, licet utantur nomine dispensationis, quod est æquivocum ad propriam, & impropriam.

Inst. Dispensat in matrimonio rato; sed illud est naturaliter indissolubile; ergo dispensat etiam *proprie*.

Resp. neg. conf. non enim dispensat, nisi dissolvendo illud ex causa, ex qua sequitur aliqua invaliditas ex aliquo defectu, ut videbitur suo loco.

Inst. 2. Vel illa causa tollit obligationem, & validitatem voti, aut matrimonii, vel non; si tollit, ergo frustra recurritur ad Papam, & non debet dici dispensare; quod est contra praxim: si non tollit, ergo verè, & *proprie* dispensat, quia ille tollit jus, & obligationem.

Resp. quòd causa tollit obligationem, aut invalidat, aut saltem ratio est, cur dissolvatur per legitimum superiorem; & neg. conf. Quia illi defectus, & causæ nullitatum sunt dubiæ, vel obscuræ, meritò legibus positivis statuitur, ut recuratur ad superiores, qui

qui declarent, an tollant obligationem; sicut per leges civiles non licet propria auctoritate particularibus resumere bona sua, quæ ab aliis detinentur, licet certi sint de jure suo. Id etiam statuitur, ut vitentur scandala, & abusus. Nam quotidie vota, & matrimonia dissolverentur sub prætextu nullitatum, nisi cautum esset, ut id examinandum superioribus reservaretur; ut de contractuum civilium rescissione prædicatur in civilibus.

Objic. 1. ex lege naturæ omnia erant communia; sed huic legi derogatum est per jus positivum humanum; ergo per jus humanum dispensatur in lege naturæ. Idem est de servitute: nam ex naturali jure omnis homo nascebatur liber.

Resp. dist. maj. omnia bona erant communia de jure negativo permissivo, & pro statu innocentia, conc. maj. de jure positivo, & pro statu naturæ corruptæ, neg. maj. nec enim extabat ullum præceptum speciale, sed tantum id pro illo statu innocentia congruebat, ut permissum esset. Ratio est, inquit Doctor, [1] quia *usus rerum secundum rectam rationem debet competere hominibus, sicut congruit ad pacificam conversationem, & necessariam sustentationem. In statu autem innocentia communis usus sine distinctione dominiorum ad utrumque istorum plus valet, quam distinctio dominorum, quia nullus tunc occupasset, quod fuisset alteri necessarium, nec oportuisset istud ab ipso violenter extorqueri, &c. at contrarium accidit post peccatum: communitas omnium rerum esset contra pacificam conversationem, cum malus, & cupidus occuparet ultra ea, quæ sibi essent necessaria (quod videmus quotidie) &c. quoad servitutem eadem est ratio, nullum est præceptum positive prohibens servitutem, si adsit causa, vel si quis velit servus esse. In statu naturæ corruptæ inducta est servitus per peccatum: aliqui sunt servi vel jure belli, vel jure emptionis, & venditionis: jus belli naturale est; nam qui victor est, & poterat occidere hominem, potest & vita condonata servum retinere. In bello iusta defensio est de jure naturæ, & eodem jure victori cedit jus in eum, qui victus est. Jus etiam emptionis, & venditionis oritur ex natura, qua licet cuique disponere de suo.*

[1] 4d. 15. q. 2. A. n. 3.



fuo ; sed hæc pro statu naturæ depravatæ per peccatum.

Objic. 3. Papa recepit à Christo potestatem illimitatam ligandi, & solvendi, nec excepta est lex naturæ; ergo potest dispensare propria auctoritate in lege naturæ, sicut Christus Deus. Prob. ant. *Quodcumque solveris super terram, erit solutum & in cælis*, &c.

Resp. neg. ant. & conf. prob. Nam per hæc verba non datur potestas Papæ statuendi, aut solvendi contra jus divinum, aut naturale, sed tantum ea omnia, quæ congrua judicat secundum utrumque : alioqui posset dispensare in perjurio, in odio Dei, &c. quod nemo dixerit ; & si hoc assereretur de Papa in spiritualibus, idem diceretur de Imperatore, & Rege, ac Summo Pontifice in suis regnis quoad temporalia ; & sic nihil esset fixum, nec certum in humanis.

Inst. Idem diceretur de Deo, si posset dispensare in jure naturæ ; sed nos id concedimus Deo, & ipse potest suam omnem potestatem committere hominibus illis, ut inquit ille textus Evangelii ; ergo ratio illa non sufficit ad regulandam in eis facultatem illimitatam dispensandi in lege naturæ.

Resp. neg. maj. imò impia esset comparatio ; Deus à recto deflectere non potest, & sic quantacumque illi tribuatur potestas, semper in bonum tendet ; non ita est de hominibus, qui omnes sunt defectibiles.

Inst. Posset esse utile saluti hominum fidelium, ut in aliquibus occasionibus posset Papa dispensare in illis præceptis ; ergo id ita factum putandum est ex Dei providentia benignissima.

Resp. neg. ant. imò utilissimum est eam plenipotentiam reservari ob rationem mox allatam.

Porro, ut rectè advertit P. Poncius, certum est, Papam in allatis casibus dispensare, scilicet in votis, juramentis, matrimoniis, residentiis, necnon in aliis multis præceptis decalogi ; an id fiat per propriam, vel impropriam dispensationem parum refert, modo sciatur, eum id numquam facere sine gravi causa, propter quod dicimus illam non esse propriam dispensationem, sed potiùs declarationem, qua judicat vota, juramenta, matrimonia, &c. non tenere, nec obligare propter illas causas, saltem de stricto jure naturæ, licèt possit inesse aliquid indulgentiæ.

Que

Quæres, *An saltem possit lex naturæ per homines corrigi, vel emendari, aut commodè exponi per Epikuriam, sicut leges humanæ.*

Resp. negativè: nam sic legem corrigere est explicare: in certis casibus, aut circumstantiis præcepta legis non comprehendunt, nec extenduntur ad eos; quia præsumitur benignè, quod legislator noluit eos casus comprehendere; nam lex naturalis est ipsa rectitudo, & convenientia objectiva rerum ex terminis nota, & evidens cuilibet ratione utenti, seu verum ipsum practicum, seu propositiones objectivæ, quibus proponuntur, quæ sunt faciendæ, aut vitandæ à parte rei, & independenter ab omni lege positiva; ergo quoad hæc non potest corrigi, vel emendari, nec dubitari de casibus, quos comprehendat; bene verò dari possunt circumstantiæ, & casus particulares, in quibus dubitari potest, an sint de materia præceptorum ejus; & explicatio, seu declaratio cadit non in intensionem legis, sed in materiam ipsam.

## QUÆSTIO VI.

*De jure naturæ, an, & quomodo differat à jure gentium.*

**O** Biter hanc quæstionem tangimus hîc, quia ex professo examinanda erit in tract. de justitia, & jure. Diximus autem *juris* nomen significare 1. *justum*, quod alicui debitum est, & est objectum justitiæ, quæ inclinatur ad reddendum cuique suum, seu debitum. 2. *legem*, seu *regulam justæ*; quo sensu jus divinum, vel humanum idem significat, quod lex humana, vel divina, quo determinatur, & statuitur quid debeat homo sibi, vel alteri, & dirigitur in suis actibus liberis. 3. *pro legisima potestate* aliquid habendi, vel faciendi, ut *jus regis* est tributa imponere, & recipere, leges ferre: & hoc sensu describitur *potestas legisima ad aliquid habendum, vel faciendum, cujus violatio dicitur injuria*.

Jus dividitur 1. in *naturale*, *gentium*, & *positivum*: *naturale* describitur à Scoto, cujus veritas nota est ex terminis, & quod sequitur evidenter ex tali vero sic noto. *Jus gentium* dicitur illud, quod *usum*  
om-

*omnium, vel plurium nationum introductum est, ut conveniens humano generi, & societati. Positivum denique, quod voluntate potestatem habentis positum est.*

Rursus in plura alia membra subdividi potest, v. g. in *paternum*, quod inter patrem, & filium: *Oeconomicum*, quod inter maritum, & uxorem: & *herile*, quod inter dominum, & servos. Item in *divinum*, quod Dei legibus constitutum est; & *humanum*, quod humanis. *Divinum* subdividitur in *vetus*, quod lege Mosaica statuebatur; & *novum*, quod Evangelica. *Humanum* denique in *temporale*, seu *civile*, quod potestate sæculari; & *Canonicum*, seu *Ecclesiasticum*, quod spirituali auctoritate sancitum fuit. His prælibatis sit

## CONCLUSIO.

**J**us naturale distinguitur à jure gentium per hoc: *Naturale est verum illud practicum, quod de se est notum omni naturæ rationali independenter ab omni institutione positiva: Jus verò gentium, quod ex consensu populorum omnium, aut ferè omnium constitutum est; non verò in hoc, quod illud sit commune homini cum brutis, istud verò proprium soli homini. Est communis Philosophorum, & Theologorum contra Juristas, qui hoc 2. modo illa jura distinguunt.*

Prob. 1. ex Scoto citato, [1] qui sic *jus naturæ* definit; & sæpe retulimus varios textus, quibus docet pertinere ad *jus naturæ strictum* non solum prima principia practica ex terminis nota, sed etiam conclusiones ex illis evidenter, ac necessario ductas; *latè* verò quidquid est consonum illis principiis, licet non sequatur ex illis tam evidenter.

Prob. 2. ex dictis hucusque de essentia, & conditionibus legis naturæ, cujus hæc est notabilissima, & præcipua, quod obliget independenter ab ulla institutione positiva: nam inde sequitur evidenter illud per id distingui à *jure gentium*, quod vel consensu tacito, vel positivo nationum introductum est: nam in hoc convenit cum *jure positivo*: usus enim ille perpetuus, & communis æquivaleret constitutioni positive.

Hinc

[1] *Ibid.* & 3. d. 37. n. 3.

Hinc pater, quòd ad *jus naturale* pertinet omne præceptum, quod recta ratio ex lumine, & instinctu naturæ, non constitutione aliqua positiva servandum judicat ab homine secundum se spectato: ut quòd Deus sit colendus; parentes honorandi; nulli facienda sit injuria: &, ut loquitur Gratianus, *jus naturale* est commune omnium nationum, & quod ubique instinctu naturæ, non aliqua constitutione habetur; ut viri, & sæminæ conjunctio; liberorum susceptio, & educatio; communis omnium possessio; & omnium una libertas; acquisitio eorum, quæ terra, marique capiuntur; depositæ rei, vel commendatæ pecuniæ restitutio; violentiæ per vim repulsio: nam hoc, aut si quid simile est, numquam injustum, sed naturale, æquumque habetur. Ad *jus* autem *gentium* pertinent omnia illa, quæ pro societate civili tuenda populis bona visa sunt; eorumque consensu, & usu constituta: & hujusmodi sunt sedium occupatio, ædificatio, munitio, bella, captivitates, servitutes, fœdera, paces, induciæ, legatorum non violandorum religio, connubia inter alienigenas prohibita, bonorum divisiones, dominia, & alia, quæ populi omnes, aut serè omnes conspicientes rectæ rationi conformia, & fovendæ societati communi inter se judicantes opportuna, non ab aliquo principe, nec in aliquo particulari regno stabilita sunt, sed communi usu, & consensu; & idè quasi medium est inter naturale, & civile: quia nec à sola natura insitum, nec voluntate, vel decreto positivo principis, aut rei publicæ stabilitum, sed tacita gentium plurimarum consuetudine, & usu introductum; & sic est quasi *positivum*, & *humanum*: & in hoc differt maximè à *naturali*; nam alioqui omnia ejus præcepta sunt satis naturalia largè sumpto nomine *juris naturalis*, scilicet pro eo, quod valde consentaneum est principiis primis, & practicis morum.

Prob. 2. p. contra Juristas. Nam *jus*, prout convenit cum lege, debet esse regula quædam morum, seu justæ operationis, vel injustæ, laudabilis, vel vituperabilis; sed hæc propria est homini: ergo omne *jus* sive naturæ, sive gentium respicit solum hominem; non autem bestias, quæ non sunt capaces talis regu-

le, sicut nec operationis honestæ, aut turpis; hæc enim propria est solius naturæ rationalis.

## DISPUTATIO VIII.

## De lege divina

**I**Nter leges positivas divina principatum habet; & hæc duplex est, æterna scilicet, & temporalis, & de utraque hic breviter agemus, quantum tamen sufficiet Philosopho, aut Theologo.

## QUÆSTIO I.

## De lege æterna Divina, an, &amp; quid sit.

**L**EX omnis divina dici potest æterna, vel 1. quia Deus eam habet ab æterno; & hoc sensu actus omnes tam intellectus, quam voluntatis divinæ sunt æterni, quia ille totus est æternus, & nihil de novo potest habere in tempore propter immutabilitatem suam summam; vel 2. quia à parte post durare debet sine fine: sic lex Evangelica in comparatione Mosaiscæ dicitur æterna, quia finem non habebit. vel 3. quia est quid necessarium in Deo in comparatione actuum liberorum, & contingentium, quos sic habet, ut potuerit non habere, ut volitio, & decretum creationis, quod potuit non habere, quamvis illud habuerit ab æterno.

Porro dari aliquam huiusmodi legem in Deo non est quod probem: omnia id clamant: ut cum ore, & calamo Salomonis Sapientia dicit, [1] *Ab æterno ordinata sum, quando certa lege, & gyro vallabat abyssos, & legem ponebat aquis, ne transirent fines suos.* Et D. August. eam velut aliarum omnium legum fontem, ac regulam docet; *Nihil quippe in temporali lege iustum, quod ex lege æterna non derivetur.* Imò & ipsi Philosophi eam videntur agnovisse; *Vide*, inquit Cicero, *sapientissimorum fuisse sententiam, legem neque hominum ingenis excogitatam, neque scitum a quod esse populorum, sed æternum quiddam, quod universum mundum regit imperandi, prohibendi*

[1] Prover. 8. [2] 1. de lib. arb. c. 6.

*diſque ſapientia. Item, Principem legem illam, & ultimam mentem dicebant eſſe omnia ratione ſeu cogentis, ſeu præcipientis, aut vetantis Dei, ex qua illa lex, quam Dii humano generi dederunt, & recte laudata. Reſtat videre quid illa ſit.*

## CONCLUSIO.

**L**EX æterna eſt actus divina mentis, quo iudicat, & vult quasdam regulas practicas æternæ, ac neceſſariæ veritatis à creaturis obſervari.

Prob. 1. ex Scoto, [1] qui poſt S. Auguſt. ait: *oportet concedere, quod veritates infallibiles videmur in regulis æternis, & quod iſtæ regulæ ſcriptæ ſunt in libro lucis æternæ.* Regulæ autem illæ non tantum pendunt ab intellectu divino, ſed etiam ab ejus voluntate, & quidem principaliter: deinde dicit: [2] *potentia ordinaria eſt illa, quæ conformis eſt in agendo regulis prædeterminatis à divina ſapientia, ſed magis à divina voluntate:* & patet etiam ex textibus, quibus probatum eſt ex Scoto vim legis principaliter conſiſtere in actu voluntatis, qua vult legiſlator ſubditos obligari ad ejus obſervantiam.

Prob. 2. ex S. Auguſt. [3] qui inter alias definitiones hujus legis docet; *Lex æterna, inquit, eſt ratio divina, & voluntas Dei ordinem naturalem conſervari jubens, & perturbari vetans:* & peccatum dicit eſſe dictum, factum, vel concupitum contra legem æternam. & alibi [2] vocat eam *ſummam rationem in Deo exiſtente, cui ſemper eſt obtemperandum, vel qua juſtum eſt, ut omnia ſint ordinatiſſima;* ſed ſola cognitio, ſeu judicium intellectus Dei non imponit per ſe præciſè obligationem obtemperandi, niſi accedat obligandi volitio; nec enim tenemur omnia facere, quæ Deus novit recta, & bona; ergo lex æterna importat utrumque actum, ſcilicet rationis, ac voluntatis divinæ.

Prob. 3. Quia lex æterna ex omnium ſenſu nihil aliud eſt, quam actus Dei judicantis, & volentis aliqua fieri, aut vitari propter bonitatem, aut malitiam ex natura rei prodeuntem, aut propter ipſam volitionem, vel nolitionem ejus poſitivam. Unde aliqua pec-

[1] 1.d.3.q.4.P. [2] 2.2.d.7.1.I.

[3] 22.cont. Fauſt. c. 27. [4] De lib. arb. c. 5.

peccata sunt contra legem naturalem simul, & positivam æternam, aliqua purè contra æternam, illa videlicet, quæ sunt immediate contra aliquam aliam legem positivam in re, & ex natura sua non præcepta, vel vetita; quia lex æterna Dei jubet obedirendum esse omni potestati legitimæ; est enim origo aliarum omnium legum, ut dicitur.

Objic. Voluntati divinæ debent omnes semper conformari; sed non omnes semper debent conformari legi æternæ; ergo non est in voluntate Dei. Probat. min. sæpe dolemus rationabiliter de rebus, quæ secundum legem æternam fiunt; v. gr. filii dolent de morte parentum, nec id eis imputatur; sed hæc mors accidit secundum legem æternam; ergo non omnes semper debent conformari æternæ legi.

Resp. dist. maj. Debemus conformari quoad volentem, conc. maj. & neg. min. quoad volitum, neg. maj. debemus sic conformari divinæ legi, & voluntati, ut velimus id, quod jubet nos velle, & eo modo, quo id jubet nos velle, licet aliunde nobis displiceat objectum, v. gr. filiis displicere debet mors parentum, sed non debet displicere respectu voluntatis divinæ; & hoc vult ipse Deus; scilicet *vult, quòd ipse filius velit patrem vivere ex naturali pietate, quem ipse vult mori ex suo iudicio*, inquit August.

Dixi, *quæ vult regulas practicas necessaria, ac æternæ veritatis observari à creatura*; & per hoc differt à lege positiva, seu temporali divina, quæ est de contingentibus, & est mutabilis saltem objectivè, ut lex Mosaica, quæ temporaria fuit, & finem accepit per promulgationem Evangelicæ. Nam lex purè positiva divina est circa contingentia; & sic absolutè, & totaliter pendet à decreto voluntatis Dei, à qua est prima regula contingentium, & agibulum ad extra: æterna verò est de regulis necessariæ, ac æternæ veritatis, quas scilicet intellectus divinus videt, ac iudicat necessariam habere connexionem cum fine; & sic dicitur propriè æterna: nam quòd sit in Deo ab æterno, id non facit differentiam ejus à legibus, & decretis, & liberis, ac contingentibus; hæc enim sunt etiam in Deo ab æterno. 2. differunt, quia illa, quam dicimus æternam, est immutabilis; quia est de necessariis, & æternæ veritatis, quæ aliter se ha-

be.

bere non possunt; quia essentialem, & intrinsecam habent honestatem, aut turpitudinem, ut amor, & odium Dei: illa verò, quam dicimus positivam divinam, est de contingentibus, quæ esse, vel non esse potuerunt: ut ceremonialia legis Judaicæ, præceptum baptismi, & circumcisionis, &c. 3. lex æterna extenditur ad omnes creaturas: positiva autem ad solas creaturas rationales, & quidem secundum diversos status, & ætates.

Quod ut clarius sit, supponendum, quòd quædam habent ex se necessariam, & naturalem, & intrinsecam honestatem, ut amor Dei, cultus parentum, obedientia superioribus, &c. vel turpitudinem, ut odium Dei, contemptus parentum, mendacium, &c. & horum prima regula non petitur à voluntate Dei, sed ab intellectu sic judicante, & cui voluntas divina in his necessariò conformatur ad intra per approbationem, vel improbationem internam. Etenim licet Deus ad extra potuerit non prohibere odium Dei, nec illud præcipere positivè; tamen non potuit non judicare internè, & indicativè honestum esse amorem, nec voluntas potuit non approbare similiter illum amorem, sicut nec potuit idem intellectus non judicare indicativè inhonestatem odii Dei, nec voluntas illud non reprobare per displicentiam. Dico, internè, & absque ullo actu positivo ad extra, quo prohibuerit odium, vel præceperit amorem; hoc enim fecit contingenter, & liberè, illud verò non, sed summa necessitate. Igitur externa jussio, ut ista; *diliges Dominum Deum tuum*, & prohibitio pariter externa, ut ista; *non assumes nomen Domini Dei tui in vanum*, pertinent ad legem positivam; interna verò, qua illi displicet blasphemia, & eam improbat ut malam, & qua ei placet amor Dei, & illum judicat bonum, ac necessarium, spectat ad legem æternam; & istud judicium in intellectu, & ista displicentia, & complacentia in voluntate sunt necessariae; sed illa præceptio, & prohibitio ad extra sunt contingentes; & liberè Deus eas habet.



## CONCLUSIO.

**L**EX ista æterna habet veram legis rationem, & obligat omnes prorsus creaturas.

Prob. 1. ex Scoto locis citatis, ubi eam vocat legem; nec est ulla ratio, cur dicatur loqui in sensu improprio.

Prob. 2. ex August. [1] qui describit eam ut veram. *Æternæ legis notio*, inquit, *nobis impressa est; ea enim est, qua iustum est, ut omnia sint ordinatissima.* Licet ergo æternam illam legem comprehendere non possimus, nihilominus ipsam per varios effectus cognoscere possumus; sicut aliquis non videns solem in sua substantia, ipsum per irradiationem, & diffusum lumen comprehendit.

Prob. 3. quia nihil deest illi ad rationem propriæ legis; est enim vera regula humanarum operationum à legitima potestate præscripta communitati creaturarum, obligans eas ad obediendum.

Prob. 2. p. quia est gubernativa universi, & directiva omnium in suos fines; sed omnes prorsus creature subduntur gubernationi divinæ; ergo & legi ejus æternæ. Prob. min. ex Script. [2] *Quando circumdabat mare, & legem ponebat aquis, &c.* Et, *dixit mari, huc usque venies, & non procedes amplius.* Et, *Atingit a fine usque ad finem fortiter, & disponit omnia suaviter*: hoc dicitur de sapientia divina. Et, [3] *Ignis, grando, nix, glacies, spiritus procellarum, quæ faciunt verbum ejus.* Et, *Ordinatione sua perseverat dies, quoniam omnia serviunt tibi*; quod si ei subduntur creature istæ irrationales, quanto magis rationales? illæ quidem necessario, & naturaliter, quatenus eas regit per instinctum, & inclinationem, quam illis imprimit, tendunt in finem, quem ipse illis præfixit; istæ verò liberè illi obsequuntur, & media cognitione, non autem cecè, aut necessario, maxime in moralibus, & idèò obedientia illis imputatur ad meritum, & inobedientia ad pœnam.

Confir. ex Augu. [4] citato, qui definit legem æternam esse rationem in mente Dei existentem, qua res omnes

omnia

[1] de vera relig. c. 30. [2] Sap. 8.

[3] Ps. 148. & 118. [4] Ibid.

*mines per consentanea media in fines suos diriguntur.*

Objic. 1. contra 1. p. Lex dicit relationem necessariam superioris præcipientis ad subditum, qui obediat; sed ab æterno nullus existerat subditus; ergo neque lex. Min. patet ex dictis de creatione mundi in tempore. Maj. prob. lex est actus imperii superioris ad subditum, & vanum est imperium, si nullus sit; qui possit obedire.

Resp. dist. maj. relationem aptitudinalem ad subditum aliquando futurum, conc. maj. actualem necessariò coexistentem præcepto, neg. maj. & cons. probationis: nam solent legislatores ferre leges pro futuro, & pro subditis futuris. Sic lex de morte pro peccato originali respicit posteros Adæ.

Inst. De ratione veræ legis est, ut promulgetur; sed non fuit ab æterno ullus, cui promulgaretur; ergo non habuit rationem veræ legis.

Resp. dist. pariter maj. id est debet promulgari, ut obliget, & pro tempore, pro quo incipit obligare, conc. maj. quasi promulgatio sit de essentia legis, & debeat promulgari, dum fertur, neg. maj. & cons. Diximus promulgationem esse tantum conditionem, sine qua lex non obligaret, non verò formalitatem ejus essentialem: & ideò sufficit ut promulgetur, cum incipit obligare. Deinde suo modo pronuntiata est, ac scripta in libro lucis æternæ: & *semel locusus est Deus*, scilicet per æternitatem, & ille liber semper patens est, si autem non sint audientes, pronuntiantes, nec legentes verbum scriptum, non minus existit verbum, & lex.

Objic. contra 2. p. Lex non est pro iis, quibus non potest promulgari; sed non potest lex æterna promulgari irrationabilibus creaturis; ergo pro illis non est.

Resp. dist. maj. quibus non potest promulgari ulla ratione, nec sufficienter, & sic ut possit ei obediri, conc. maj. & neg. min. promulgari, ita ut veniat in cognitionem subditi, neg. maj. & cons. lex æterna, quæ concernit creaturas irrationales, illis promulgatur ea ratione, qua illius sunt capaces, scilicet imprimendo illis inclinationes, & instinctus, quibus ducuntur in finem ipsis à Deo per legem æternam præfixum; quæ verò concernunt rationales, intimantur

illis

illis suo pariter modo: scilicet illa est promulgatio metaphorica, & impropria, ista verò propria.

Inst. Irrationales creaturæ non sunt capaces præcepti; ergo nec legis.

Resp. dist. ant. præcepti moralis, conc. ant. præcepti naturalis, neg. ant. & conf. vel eam similiter distinguo: nam homines sunt capaces præcepti moralis, quo dirigantur in suis moribus ad honestè, & laudabiliter agendum; creaturæ verò irrationales præcepti naturalis, quod fit per impressionem virtutis activæ, & motricis, qua dirigantur ad finem suum naturalem. Sic præceptum omnibus posuit, & non præteribit. Sic armabit creaturam ad ulsionem contra insensatos.

Objic. 2. Ea tantum subijciuntur legi, quæ præmii propter obedientiam, vel pænæ propter inobedientiam sunt capacia; sed tales non sunt creaturæ omnes præter rationales; ergo istæ solæ subijciuntur legi æternæ. Prob. min. Nam istæ solæ sunt liberæ; ergo & solæ capaces præmii, & pænæ.

Resp. dist. mai. legi morali, conc. maj. & min. legi naturali, neg. maj. & min. & conf. Nam, ut docet Anselmus, *unaquæque creatura cum sibi præceptum ordinem naturaliter, aut rationabiliter servat; Deo obedire dicitur*. Vides præcepta divina servari rationabiliter ab homine, & Angelo, & naturaliter ab irrationabilibus: & hoc sensu ignis, grando, nix, glacies dicuntur facere verbum Dei.

Inst. Si creaturæ rationales dirigerentur, & subijcerentur legi divinæ, nulla evenirent fortuita; sed falsum consinnumerata enim talia eveniunt singulis momentis; ergo non subijciuntur legi æternæ.

Respondeo dist. min. plura eveniunt fortuita, & monstruosa respectu causarum particularium, conc. min. respectu Dei gubernantis, neg. min. & conf. illa, quæ dicimus fortuita, & monstruosa, sic dicuntur respectu causarum particularium, extra quarum ordinem fiunt, non verò respectu Dei, qui omnia facit *in pondere, numero, & mensura*, & scit quomodo, & quare hæc fiant.

Objicies 3. ex Scriptura. Iniqui non subijciuntur legi divinæ; ergo nec omnes creaturæ rationales. Prob. ant. [1] *Sapientia carnis inimica est*

Tom. IV.

Y

Deo

[1] Rom. 8.

*Deo, legi enim Dei non est subiecta.*

Resp. dist. ant. & prob. non subjiciuntur de facto, idest non obediunt, conc. non subjiciuntur de jure, & non debent obedire, neg. ant. utrumque: non obediunt quidem, sed non minùs subjiciuntur, quàm iusti; sicut enim illi de facto subjiciuntur, & obediunt, ideoque legi præmianti subjacent; ita illi de jure subjiciuntur, & debitores sunt obedientiæ, & incidunt in pœnas legis, cui nolunt obedire, & sic declinantes legem incurrunt in legem, Sicut ea, quæ cœli ambitu continentur ( idem est de omni circulo ) non esse sub Cœlo, aut elongari à Cœlo non possunt, nec fugere cœlum, nisi appropinquando; ita licet nullus Angelus, vel homo divinæ voluntati subiacere velit; tamen eam fugere non valet, quia, si vult fugere de voluntate præcipiente, fugit sub voluntatem punientem, quod brevius dixit Boetius: [1] *Ordo cuncta complectitur, ut si quis ab assignato ordine recesserit, in alium ordinem relabatur.* Sic lex æterna optimè comparatur circulo, in quo inclusus non potest recedere ab una parte circumferentiæ, quin accedat ad aliam,

### CONCLUSIO III.

**L** Ex æterna est in se una, sed formaliter, & obiectivè multiplex, invariabilis secundum se; & origo aliarum omnium legum.

Prob. 1. ex Scoto, [2] qui docet, regulas æternas contineri in luce increata, quæ est primum principium speculabilem, & ultimus finis operabilem: & cum August. quod veritates infallibiles videntur in regulis æternis &c. ergo ex Scoto habent unitatem entitativam, pluralitatem terminativam, & formalem secundum diversa objecta, ad quæ terminantur.

Prob. 2. quia, ut suppono ex Theologis, intellectus divinus respectu necessariorum, sicut voluntas divina respectu contingentium est ratio summa, & unica, in qua continentur eminenter omnes veritates tam practicæ, quàm speculativæ; ergo sicut una est in entitate summa, & æterna veritas, ita est una lex æterna; & sicut formaliter, & terminativè sunt plures veri-

[1] 4. consol. pro. 6.

[2] d. 3. q. 4. P. & I.

veritates, ita & leges æternæ. Ideò Scotus leges illas semper exponit pluraliter, ut patet ex innumeris textibus, ut cùm dicit, [1] quòd *non est necessaria specialis illustratio ad videndum in regulis æternis, quia Aug. non ponit in eis videri nisi vera, quæ sunt necessaria.*

Prob. 2. p. ex eodem. Nam lex æterna est de regulis æternis, quæ sunt veritates æternæ, necessariæ, & immutabiles in mente divina, scilicet leges illæ in Deo sunt immutabiles, quia nihil sunt realiter distinctum ab ejus intellectu, & voluntate; ergo in se non potest esse nisi immutabilis.

Confir. ex August. *Quis dubitat, inquit, istam legem intervallis locorum, & temporum nec majorem esse, nec minorem, cùm potentia superet omnia? Hæc est lex omnium artium, cùm sit omninò immutabilis, &c.* loquitur autem de lege æterna, & alibi: *Lex illa, quæ summa ratio nominatur, cui semper obtemperandum est, potest ne cuiquam intelligenti non incommutabilis, æternaque videri?* scilicet secundum se, non autem terminativè, & quoad effectus suos, secundum quos variatur, cum sint temporales, & contingentes.

Prob. 2. ratione jam tacta ex Doctore, quia lex æterna est actus intellectus, seu judicium ejus de veritatibus practicis necessariis, & æternæ veritatis, & complacentia interna voluntatis ejus, qua illas approbat, & vult eas observari; sed omnes actus interni intellectus, & voluntatis Dei sunt immutabiles secundum se; ergo & lex æterna. Maj. constat ex concl. 1. minor supponitur ex Theologis de immutabilitate Dei.

Prob. 3. p. ex Scoto, qui post August. docet, quòd *nulla est lex, nisi quæ vel descendit à lege divina, sicut conclusiones pract. cæ à principiis practicis, vel quæ concordat legi divinæ, ad minùs quæ non discordat;* ergo lex æterna est origo aliarum legum.

Prob. 4. ex Scriptura, qua constat Deum esse auctorem omnis potestatis, & regulam omnis regiminis, ac politiæ, & legislationis; *Non est potestas nisi à Deo, & qui potestati resistit, Dei ordinationi resistit,* inquit Apost. [2] Et Christus dicebat Pilato, [3] *Non haberes in me potestatem, nisi tibi datum esset de super.*

Y 2

Et,

[1] Ibid. F. [2] Rom. 13. [3] Jo. 19.

Et Per me reges regnant, (inquit divina sapientia) per me principes imperant, & legum conditores iustā decernūt.

Confir. ex Patribus, maximē ex August. [1] In lege temporalī nihil iustum, atque legitimum, quod non ex hac aeterna sibi homines derivaverint. Et alibi: Non tribuamus dandi regni, imperiique potestatem, nisi Deo vero, qui dat felicitatem regnorum piis, regnum verò terrenum & piis, & impiis, sicut ei placet, cui nihil placet iniuste. Nam qui dedit Mario, ipse & Cajo Casari, qui Augusto, ipse & Neroni &c. qui Constantino Christiano, ipse & Apostata Juliano.

Prob. 5. ratione: quia omnis vis causativa vim causandi participat à causa prima; ergo omnis lex vim habet obligandi, & dirigendi à Deo. Prob. ant. quia quod est primum in omni genere, est mensura, & causa cæterorum.

Confirmatur: quia de facto omnia, quæ in legibus positivis tam humanis, quàm divinis statuuntur, respiciunt vel cultum Dei, & directionem hominis in suum finem ultimum, vel quietam vitam civilem; sed omnia hec derivantur à lege eterna, seu à iudicio practico intellectus divini de veritatibus necessariis practicis, & à volitione obligandi ad illa; ergo leges omnes derivantur à lege eterna ut conclusiones ex illis principiis deductæ. Prob. min. inductione: nam quæ spectant ad Deum pendent ad hoc principio, *Deus est colendus*; quæ verò ad vitam civilem, pendent ab isto, *Nulli faciēda est injuria*; vel, *Quod tibi non vis fieri &c.*

Objic. contra 1. p. In lege eterna sunt plures regulæ, & dictamina in ordine ad plura objecta; ergo non est in se una, sed multiplex. Prob. ant. Aliæ respiciunt creaturas omnes, etiam irracionales, aliæ solas rationales &c. ergo sunt plura dictamina; idē in Patribus, & Scoto, & aliis nominantur pluraliter.

Resp. dist. ant. plures regulæ materialiter terminativè, conc. ant. entitativè, & in se, neg. ant. & conf. unde plures sunt rationes objectorum, & materialium diversarum, ad quas terminantur, non verò in se.

Objic. contra 2. p. Lex præcipiens contraria est mutabilis; sed lex eterna præcipit contraria; ergo &c.

Prob. min. ex August. *Domine si modò imperas, quod*

ait

*aliquando vetasti, quis dubitat hoc esse faciendum?* ergo imperat, vel imperare potest contraria.

Resp. dist. maj. si contrarietas sit intrinseca, & in motivo, conc. maj. & neg. min. si sit intrinseca, & terminativè, neg. maj. & conf. Contrarietas, si quæ apparet in legibus divinis, reperitur in terminis extrinsecis, scilicet in creaturis, juxta diversitatem statuum, & temporum; sed ratio, & motivum legis semper est unum, & in hoc sensu loquitur Augustinus: Sic divina providentia modò gubernat, & providet nobis per media dulcia, modò per severa, & amara; aliis alia jubet; sed una est sapientia, & regula prima; tota diversitas est in terminis, & effectibus.

Objic. 2. Leges aliquæ æternæ sunt conditionatæ; ergo & obnoxia mutationi, si videlicet adsit, vel absit conditio, quæ ponitur contingenter. Prob. ant. Deus enim non dicit absolutè, *Petrus salvabitur*, sed conditionatè, *si in gratia perseveraverit*, & idem est de Juda damnando. Hæc difficultas pendet ex dicendis de scientia Dei.

Respondeo tamen pro nunc absolutè neg. ant. Nam Deus æterna lege dicit, *Ubi cecideris lignum, ibi eris*; ex hac autem regula sequuntur aliæ conditionatæ, ut: *Si ad dexteram, eris cum ovibus, & prædestinatis, si vero ad sinistram, eris cum hædis, & reprobis*. Uno verbo tota conditio, & varietas, seu mutatio est in effectu, & subditis, non autem in Deo, qui non hæsitat dubius.

Objic. cont. 3. p. Plures humanæ leges opponuntur æternæ; ergo non pendent ab ea. Prob. ant. Nam multa permittuntur, aut impunita fiunt per humanas leges, quæ prohibet, & punit æterna.

Respondeo dist. ant. opponuntur negativè, & secundum rationes aliquas particulares, conc. ant. positivè, & secundum rationes communes, neg. ant. & conf. Nam nihil statuitur, nec fit contra providentiam generalem, & quæ lex humana prætermittit punire, aut vetare, id sibi reservat divina & prohibenda, & punienda. *Videtur mihi legem istam, quæ populo regendo scribitur rectè permittere, & per divinam providentiam vindicari*; ea enim vindicanda sibi assumit, quæ satis sint conciliandæ paci hominibus impensis, inquit Augult. [1]

[1] 1. lib. ar. c. 5.

Inst. Ipsæ leges humanæ inter se sunt contrariæ : una vetat, quod alia jubet : una abrogat aliam : ergo non possunt ab una, eademque æterna derivare.

Resp. neg. conf. imò ea contrarietas est juxta regulas æternas, quæ volunt, ut mutatis hominum statibus, & morbis, & indigentis mutentur regulæ, & remedia; *Sicut ars Medicinæ cum eadem maneat, neque ullo pacto in se mutetur, inquit August. mutat tamen præcepta languentibus, quia mutabilis est nostra valetudo; ita divina providentia cum sit ipsa immutabilis, mutabilitati creaturæ variè subvenit, &c.*

Inst. 2. Plures legislatores inter homines neque norunt quid ferat lex æterna; nec ipsam legem hanc; ergo leges eorum non possunt ab ea derivare. Prob. ant. maximè de Paganis.

Resp. dist. ant. non norunt clarè, & immediatè, conc. ant. mediatè, & confusè, neg. ant. & conf. Nam qui non norunt legem, nec legislatorem æternum immediatè, & in se, norunt illum, & legem æternam confusè, & in lege naturali, quæ est prima legis æternæ emanatio, ut dicebamus non semel: [1] *Quis ostendit nobis bona? Signatum est super nos lumen vultus tui Domine: lex autem naturalis est omnibus nota, ut probatum est.*

Objic. 3. Si leges humanæ vim haberent à divina, obligatio earum esset de jure divino; sed conf. est falsum; ergo & ant.

Resp. neg. seq. Nam jus illud mensuratur ex potestate immediati legislatoris, quales sunt homines pro legibus humanis; non verò ex eo, à quo habet potestatem, nisi valdè remotè, & reductivè: & hoc sensu dicit Apost. cit. [2] *Qui potestati resistit, Dei ordinationi resistit. Et, Qui vos spernit, me spernit.*

Objic. denique. Concupiscentia dicitur vera lex ab Apostolo: *Video aliam legem in membris meis repugnantem legi mentis meæ; sed concupiscentia non derivatur à lege æterna; ergo nec omnis lex.* Idem est de legibus infidelium, quibus præcipiebatur Idolatria.

Resp. neg. ant. absolutè enim non est lex, sed pœna legis, in quantum concupiscentia est afflictiva, & sequela quædam privationis justitiæ, & gratiæ ori-

gina-



ginalis, quam peccatum invexit; ideo dicitur lex peccati, sed valde metaphoricè.

Alia quæri possent de hac lege, quæ videre est apud Theologos, & alibi videbuntur: nam solet ista lex confundi cum providentia divina.

## Q U Æ S T I O II.

*De lege divina positiva, seu temporali, An, & quid sit, & quoniamplex.*

**L**icet lex æterna sit aliquo sensu positiva, quia consistit in actu positivo intellectus Dei, & voluntatis in sensu a nobis explicato; tamen non solet absolutè dici positiva in comparatione legum, quas Deus in sua quidem æternitate, sed pro tempore, & ad extra tulit, maxime pro hominibus dirigendis in finem suum supernaturalem, & quia tam naturalis, quàm æterna sunt de universalissimis principiis practicis, nec satis descendunt ad specificas occasiones, in quibus homo indiget directione; dari autem hujusmodi leges divinas Fides docet, & universa Scriptura, & traditio. Hanc expetebat David, [1] *Legem pone mihi Domine in viam justificationum tuarum*, &c. *Quomodo dilexi legem tuam Domine?* & ejus utilitatem, & excellentiam commendat dicens 1. *lex Domini immaculata*, quia nihil mali continet, sed prohibet, damnat, & punit omne peccatum. 2. *conversens animas* a terrenis ad cœlestia, a vitiis ad virtutes, a creaturis ad Deum. 3. [2] *testimonium Domini fidele*, quia certissimè docet, quod rectum est, & honestum, & detegit vitiorum iniquitatem, & turpitudinem. 4. *sapientiam præstans parvulis*; quia nos parvulos, & ignorantes erudit, & manuducit in viam salutis præceptis familiaribus. Hanc Prophetæ prænuntiaverunt: *De Sion exibit lex*; veterem Christus implevit; *non veni solvere legem, sed implere*, & illius finis est, [3] *Finis legis Christus*.

## CONCLUSIO.

**L** Ex divina positiua est regula diuina sapientiæ per decretum liberum voluntatis eius præscribens modum hominibus necessarium, quo aptè perueniant ad finem supernaturalem.

Prob. 1. ex Scoto, qui has leges vocat *regulas prædeterminatas a diuina sapientia, vel magis a diuina voluntate, & quantum ad creaturam rationalem beatificandam, quæ sunt regulæ ordinatæ iustitiæ*; nam sic assignat principales condiciones hujus legis.

Prob. 2. Nam per hanc descriptionem explicatur natura hujus legis, prout convenit cum aliis, & ab illis distinguitur. Dicitur 1. *regula prædeterminata a Deo*; & per hoc convenit cum æterna, & differt a naturali, quæ obligat independenter ab ullo actu positivo. 2. *præscripta a voluntate per decretum liberum*; & per hoc differt etiam ab æterna, quæ licet importet volitionem ad intra, tamen non ita positivè, nec libere, nec limitatur ad solam creaturam rationalem, nec ad finem supernaturalis beatitudinis, sicut neque lex naturalis; sed generaliter præscribit regulas generales ad finem supernaturalem. Hæc autem conditio, & hic finis sunt propria legi huic positivæ, imò & per easdem particulas distinguitur etiam a legibus humanis, maxime civilibus, quæ per se non ordinantur nisi ad vitam, & felicitatem naturalem civilem.

Dixi, *modum necessarium*; nam quæ præcipiuntur hac lege, sunt necessariò servanda necessitate præcepti, quæ venit a voluntate divina, ut docet Scotus: [1] nam in omni peccato mortali voluntas inordinatè se habet respectu alicujus necessarij ad finem. Unde illud necessarium dico, quod est a voluntate divina præcipiente illud observari: [2] *Si vis ad vitam ingredi, serva mandata*; non ab alio syllogismo practico, hic enim non oportet querere moralem doctrinam Philosophorum, sed præcepta Dei, in Scriptura scilicet; nam ista necessitas venit non ex natura rei, sicut in iis, quæ præcipiuntur lege naturali, vel æterna, sed contingenter ex decreto, & ordinatione Dei libera.

Obji.

[1] D. 39. D. n. 8.

[2] Matth. 19.

Objicies 1. Homo sufficienter dirigitur ad ultimum finem per legem naturalem, & æternam; ergo non datur, aut frustra datur alia positiva per decretum liberum. Probat. antec. Per illas leges Deus est amandus super omnia, non est odiendus, nec blasphemandus, aut contemnendus; parentes colendi; omne bonum prosequendum, & omne malum vitandum; sed hæc sufficiunt ad ultimum finem attingendum; ergo &c.

Respondeo neg. ant. & min. prob. Nam 1. ut diximus ex Scoto, quamvis lex naturalis, aut æterna præciperent ea, quæ sic sufficiunt; tamen respectu hominis necesse fuit eadem præcipere positivè cum prescriptione præmii, aut pœnæ; quia sic fortius movetur ad eorum observantiam, 2. quia lex positiva divina multa statuit ad statum hominis lapsi necessaria, ut sunt leges sacramentales, sine quarum auxilio non posset observare alias illas, cum sint sanativæ, & præscribant remedia illi necessaria contra lapsus, & vulnera, & infirmitates contractas ex peccato; & 3. quia sic naturalia, & æterna præcepta melius intuantur, & clariùs.

Objic. 2. [1] *Deus fecit hominem rectum, & dimisit eum in manu consilii sui*; ergo supposita lege naturali, aut æterna non egebat alia directione, aut regulis ad consequendam beatitudinem, agendo liberè secundum illam rectitudinem: Et confir. ex Apostolo; [2] *Gentes, quæ legem non habent, naturaliter ea, quæ legis sunt, faciunt, & ipsi sibi sunt lex, &c.* scilicet absque lege divina positiva faciunt, quæ lex naturalis dictat.

Resp. neg. conf. propter eandem rationem; quia homo defecit ab ea rectitudine, & lapsus est in intellectu, & voluntate, ideoque indiget legibus medicinalibus, & supernaturalibus, quibus reparentur vires tam intellectus, quam voluntatis. Ad confir. etiam negatur, quòd gentes sine lege divina possint pervenire ad beatitudinem, ut explicat August. [3] *Si autem hi, qui naturaliter ea, quæ legis sunt, faciunt, nondum sunt habendi in numero eorum, quos Christi iustificat gratia, sed in eorum potius, quorum etiam impiorum,*

[1] Eccle. 15. [2] Rom. 2.

[3] De spir. & lit. c. 27.

rum, nec Deum verum veraciter, iusteque colentium, quedam tamen facta vel legimus, vel novimus, vel audivimus, quæ secundum iustitiæ regulam non solum vituperare non possumus, verum etiam meritò, rectèque laudamus, quamquam, si discutiantur, quo fine fiant, vix inveniuntur, quæ iustitiæ laudem debitam, defensionemque mereantur: sed de hoc aliàs.

## CONCLUSIO II.

**L** Expositura divina potest dividi in legem naturæ, seu non scriptam, & scriptam, & hæc in veterem, seu Mosaicam, & novam, seu Evangelicam.

Prob. 1. ex Scoto, [1] qui omnes has leges agnoscit, 1. quidem dicens, quòd [2] lex naturæ paucioribus præceptis suis contenta, quæ memorialiter ad filios per Patres de venerunt. Illi etiam homines magis erant præditi in naturalibus, & ideò modica doctrina inspirata potuit eis sufficere; scilicet per inspirationem tradita, & promulgata fuit primis parentibus, deinde filiis per parentes sine scriptura: de Mosaica potest dici, quòd ordinatur processus scripturæ ostendit ejus Doctorem. Denique de nova, quòd ad devotionem conferuntur illa, quæ dicta sunt in novo testamento, & hæc etiam est scripta in toto Evangelio, & aliis libris, qui dicuntur novi Testamenti.

Prob. 2. ex Scriptura, & Patribus, & communi sensu omnium Theologorum, qui in omnibus statibus hominum agnoscunt veras leges positivas divinas. Nam, ut loquitur Tertullianus, *Ut congruit bonitati Dei, & æquitati ejus, utpote plasmatoris generis humani omnibus gentibus eam dedit legem, quam certis, & statutis temporibus observari præcepit, quando voluit, & per quos voluit, & sicut voluit: nam in principio mundi ipsi Adæ legem dedit, ne de fructu arboris plantatæ in medio paradisi ederet. In hac lege data omnia præcepta recondita cognoscimus, quæ postea pululaverunt data per Moysen, idest, diliges Dominum Deum tuum, &c. primordialis lex data fuit Adæ, & Evæ in paradiso quasi matrix omnium præceptorum Dei. Denique ante legem Moysis scriptam in tabulis lapideis legem fuisse contendendo non scriptam, quæ naturali-*

[1] Q. 2. prob. E. n. 15. [2] Es 3. d. 37. H. n. 11.

*valiter intelligebatur, & a Patribus observabatur; quod inductione ex historia sacra probat de Abraham, de Melchisedech, &c. Ex quo arguit fuisse sacerdotium, & Levitas, qui sacrificia Deo offerebant: Sic enim post supradictos Patriarchas data est lex Moysi, &c.*

Prob. 3. Quia valde congruebat secundum immensam Dei bonitatem, & misericordiam, ut nullum statum generis humani relinqueret sine regulis, & directione, quibus possent homines justificari a peccato, maxime originali, & mereri, & pervenire ad supernaturalem beatitudinem, quam illis præparaverat, & propter quam illos creaverat; qui enim vult finem, vult & media. Porro de lege non scripta nihil restat addendum: certum est, quod obligavit omnes prorsus homines ab Adamo usque ad promulgationem legis Mosaicæ pro Israelitis, & aliis gentibus usque ad promulgationem Evangelii: imò & adhuc viget quantum ad præcepta legis naturæ, & æternæ, quæ continebat, & quæ non sunt abrogata per leges scriptas, sed potius confirmata, & iterum promulgata; & scripta. De Mosaicæ, & Evangelicæ paucula restant delibanda, quæ potius spectant ad Theologos, quam ad Philosophos.

### Q U Æ S T I O III.

*De lege veteri, seu Mosaicæ.*

**U**Sque ad tempus Moysis non fuerat ulla lex data hominibus per signa publica, & manifesta, per quam populi convenerint in unum Dei cultum, & ætus externos religionis; sed singuli suo modo, & secundum diversa præcepta sibi specialiter inspirata, aut revelata, aut tradita serviebant Deo: v. g. ante diluvium legimus datam legem de subjiendo appetitu, & de vivendo sub dominio rationis: *Sub te erit appetitus tuus*: post diluvium prohibita sunt homicidia, & in horrorem sanguinis comestio carnis cum sanguine, *Carnem cum sanguine non comederis*. Tempore Abraham data & lex circumcisionis in signum sensibile vocationis ejus, & posterorum ad cultum veri Dei, & fœderis inter populum fidelem, & Deum,

ut sit signum inter me, & vos, & gratiæ futuræ per Christum ex eis nasciturum, sed tempore illius Patriarchæ data fuit ista, quæ prima dici potest propriè lex, quæ solemniter fuit intimata hominibus per signa sensibilia; ideo dicitur 1. *scripta*, quia scriptis tradita in tabulis lapideis. 2. *Mosaica*, non quòd Moyse fuerit ejus auctor, sed quia illi fuit primùm revelata, & dictata a Deo per Angelum, & ipse ejus fuit promulgator ad Israelitas. 3. *Vetus* in comparatione Evangelicæ, quam præfiguravit, & per quam est antiquata. Hæc omnia ex Scriptura constant; sed hæretici quidam, inter quos Cordonianistæ, Manichæi, & Marcionistæ, & Valentiniani, teste D. August. [1] negarunt eam fuisse a Deo, nec bonam. Illi, inquit, *putabant Deum legis, ac prophetarum nec bonum Deum esse, nec patrem Christi Domini, sed illum Deum, quem justum appellabant; contra quos sit*

### CONCLUSIO.

**L** Ex *vetus* verè divina est, & bona, *Moyse* verè ejus tantum fuit promulgator post Angelos, non autem auctor ejus. Est de fide.

Prob. 1. p. ex Scoto [2] dicente, quòd *quæcumque præcepta continentur in Scriptura pro tempore, pro quo observanda sunt; & tamen non sunt nota ex terminis, nec sunt demonstrabilia ex talibus notis, nec statim consona talibus verbis, qualia sunt præcepta legis naturæ, sunt merè de jure divino positivi, cujusmodi sunt omnes caeremoniæ Judæorum pro tempore illius legis. Et idem docuerat [3] de judiciis ejusdem legis Mosaicæ, Deus, inquit, non fuit faustus, ut daret illa judicia contra rationem; licet dederit aliqua dura: circumcisio fuerat instituta a Deo. Et lex vetus non erat mala, sed debuit synagoga cum honore sepeliri, ut ostenderetur fuisse bona pro tempore suo. Docet etiam, [4] quòd fuit data a Deo immediate per Angelum loquentem ex parte Dei, cum diceret; [5] Ego sum Deus Abraham, &c. Et denique vocat eam Mosaicam, quia Moyse per Angelum fuit revelata, & per Moysem Judæis.*

Prob.

(1) *Con. Adimam. Et con. faust.*

(2) 4. d. 17. q. 1. B. n. 3. (3) d. 15. q. 3. D. n. 5.

(4) D. 3. q. 4. C. n. 4. *Ibid. D.*

(5) D. 8. q. 2. B. n. 3. Et d. 15. q. 3. C. n. 4.

Prob. 2. ex Script. (1) & 1. ex ipso Moyse dicente, quod locutus est Dominus cunctos sermones hos; &c. Et Christus (2) ipse hanc legem vocat *mandatum Dei*. Et Zacharias dicit Deum esse, qui loquutus est per os sanctorum, qui a seculo sunt Prophetarum ejus. Et (3) B. Virgo Incarnationem peractam in se, sicut Deus loquutus est ad Patres; &c. idem dicit D. Petrus (4) de passione: *Deus*, qui pronuntiavit per os omnium Prophetarum *patri Christum Filium suum*. Et idem D. Paulus (5) de Evangelio Dei, quod ante promiserat per Prophetas suos: & quod multifariam, multisque modis olim Deus loquens Patribus in Prophetis; ergo etiam ex novi testamenti oraculis vetus testamentum, seu lex vetus est a Deo; ergo non Moyfes, sed Deus ipse est auctor illius legis.

Prob. 2. ex Conciliis, (6) in quibus anathematizantur, qui dixerint alium Deum esse *prisca legis*, alium Evangeliorum; & quod Ecclesia (7) omnes libros tam veteris, quam novi testamenti, cum utriusque unus Deus auctor sit, pari pietatis affectu, ac reverentia suscipit, ergo illa lex vetus est a Deo æque ac nova.

Prob. 2. p. de bonitate, 1. quia si est a Deo, ut patet, non potest esse nisi bona, & sancta. 2. quia eam Christus ipse approbavit, & implevit, (8) *Non veni solvere legem, sed implere*; & in ipso impleta sunt, quæ in ea prædicebantur, aut præfigurabantur, *Oportet*, inquit, *impleri omnia, quæ scripta sunt in lege, & in Psalmis, & in Prophetis de me*; & quod (9) si crederetur Moyse, crederetur & ipsi, quia ille de me scripsit, *scrutamini scripturas* (scilicet veteris testamenti, quippe novum nondum erat scriptum) quia vos putatis in illis vitam habere, & illa sunt, quæ testimonium perhibent de me; id non diceret, nisi essent bonæ, & veræ, & sanctæ. D. Paulus, (10) *Lex quidem sancta, & mandatum sanctum, & iustum; & bonum; & scimus, quia bona est lex, si quis eam legitime utatur; & lex pedagógus noster fuit in Christo, ad quem scilicet nos duxit, ut ex fide justificemur*.

Prob. 3. p. & primo si Moyfes fuisset institutor, lex illa

[1] Exod. 20. [2] Matth. 15. [3] Luc. 1.

[4] Act. 3. [5] Rom. 1. [6] Tol. consecr.

[7] Trid. sess. 4. [8] Matth. 5.

[9] Jo. 5. [10] Exo. 21. & 25.

illa non fuisset divina, sed humana; sed hoc est falsum; & contra Scripturam; ergo Moyses non fuit nisi promulgator. Prob. min. nam Scriptura sacra dicit, quod *Loquutus est Dominus ad Moysen, dicens, loquere filiis Israel, ut tollant mihi primitias: loquutusque est Moyses ad filios Israel omnia, quae loquutus est ei Dominus.* Quid clarius, ut probetur hunc hominem fuisse tantum promulgatorem legis a Deo datae? Item, *Lex per Moysen data est.*

Prob. 4. p. scilicet quod promulgator eius fuerit post Angelos; quia illi priores, & immediate eam acceperunt a Deo, & Moysi (1) intimarunt, ut patet ex Scriptura (2) dicente, quod lex illa fuit ordinata per Angelos in manu mediatoris (sic vocatus est Moyses.) [3] Ego, inquit ipse, sequester, & medius fui inter Dominum, & vos in tempore illo, ut annuntiarem verbum eius vobis. Legimus etiam in Actis: *Hic est, qui fuit in Ecclesia in solitudine cum Angelo, qui loquebatur ei in monte Sina, &c.* Et, *Si enim qui per Angelos dictus est sermo, &c.*

Objic. 1. multa Scripturae ipsius loca, in quibus dicitur lex vetus non bona, quod peccatum per eam operatur, quod iram operatur, &c. Dedit enim legem non bonam, & praecepta, in quibus non vivit. Et, *Passiones peccatorum, quae per legem erant, operabantur in membris nostris, &c.* Lex iram operatur. Et, *Ubi non est lex, nec praevaricatio.* Et, *Lex subintravit, cum abundaret delictum.* Et, *Virtus peccati lex, & propter transgressionem lex posita est;* sed lex, quae omnia haec inducit, non est a Deo, nec bona; ergo lex vetus non est a Deo, nec bona.

Resp. ea loca debere conciliari cum praellatis, quae magis positiva sunt. Unde S. Hieron. locum Ezechielis explicat non de lege veteri, sed de legibus iniquis, tyrannicis, & impiis Gentilium, quibus Judaei dispersi, & vagabundi propter suas iniquitates iusto Dei iudicio premebantur. S. Gregor. dicit legem veterem vocari non bonam, non absolute, & in se, sed comparative ad meliorem, qualis est nova lex: *Mala enim, inquit, quasi desinunt esse mala ratione peiorum, & bona quasi non bona sunt in comparatione meliorum.*

Ita

[1] Gal. 3. (2) Deuter. 5.

(3) Act. 7.



*Ita melioribus novi testamenti præceptis subsequenibus præcepta bona, quæ rudibus data sunt, non bona esse memorantur. S. Augustinus (1) Apostolo opponit sequentia ejusdem verba: Quid ergo dicemus? lex peccatum est? absit: imo ipsa arguit peccatum, & vetat concupiscentiam; nam peccatum non cognovit nisi per legem, quæ dicit, non concupisces: jam interrogo te, Manichæe, Mala est lex, quæ dicit, non concupisces? S. Thomas docet, ea esse intelligenda, quod lex per accidens, & occasionaliter causabat peccatum, quia ex transgressione legis crescebat enormitas peccati: uno verbo seipsum explicat Apostolus, protestans se non accusare legem, sed potius laudare, quia vetat, & detegit enormitatem peccati; sed ita prohibebat, & accusabat, ut non daret tam efficacia media ad faciendâ bona, quæ præcipiebat, nec vitanda mala, quæ prohibebat, sicut lex Christi; & hoc sensu non erat bona, sicut ista.*

*Objic. 2. Lex, quæ opponitur Evangelicæ non est divina, nec bona; sed talis est vetus; ergo nec divina est, nec bona. Prob. mm. vetus tribuit creationem Deo, & nova Verbo. 2. Vetus dicit hominem factum ad imaginem Dei, nova dicit eum esse ex diabolo. 3. Vetus dicit Deum quievissse 7. die ab omni opere, & Christus dicit, (2) Pater meus usque modo operatur, & ego operor. 4. vetus ut dura, & crudelis inspirat vindictam per pœnam talionis, oculum jubet auferri pro oculo, & dentem pro dente; item (3) dictum est antiquis, Odio habebis inimicum tuum; nova autem utrumque improbat, Audistis, inquit Christus, (4) quia dictum est antiquis, oculum pro oculo, & dentem pro dente: ego autem dico vobis non resistere malo: Ego autem dico vobis, diligite inimicos vestros. 5. vetus dicitur gravis, & intolerabilis, & jugum, quod nec patres nostri, neque nos portare potuimus, ait Apostolus; (5) nova autem jugum suave, & onus leve. 6. vetus concessit usuras, & libellum repudiî: nova utrumque prohibet, Mutuum date nihil inde sperantes. Et, (6) Quod Deus conjunxit, homo non separet.*

Resp.

[1] ser. 4. de ver. Apost. lib. 1. c. 1. [2] Gen. 1.

[3] Jo. 1. & 8. [4] Ex. 21. & Matth. 5.

[5] Act. 15. & Matth. 11. [6] Deuter. 17. & 24.

Resp. neg. min. non est enim inter eas leges contrarietas proprie, sed differentia, quia nova abrogat, & reformat veterem, non quod mala esset, sed quod nova perfectior, & suavior, & efficacior. Ad 1. 2. & 3. nihil contradictionis est, quod Deus creaverit omnia cum Verbo suo, seu per Verbum, ut dicit Evangelium; neque 2. quod fecerit hominem ad imaginem, & similitudinem suam, & quod homo per depravationem, & malitiam imitetur diabolum, sicut filius patrem, ut faciebant Scribæ, & Pharisei, ad quos id dicebat Christus; nec 3. quod quieverit septima die a creatione novorum entium, & quod deinceps non cessarit ab opere in conservandis, & propagandis iis, quæ tunc creaverat, ut cum dicitur, *Qui producit in omnibus formam*.

Ad 4. dicitur 1. quod lex pœnæ talionis erat quidem dura, & severa, sed non mala; & eam severitatem correxit Evangelium. Unde S. Augustinus (1) explicat eum locum sic, ut non præcipiatur nec pœna talionis, nec vindicta, sed ne excederent modum vindictæ, ne plus rependat quisque, quam accepit: nemo enim facile invenitur, qui pugno accepto pugnum reddere contentus sit; sed ira perturbatus immoderatus vindicat. Talem animum magna ex parte refrænavit lex, in qua scriptum est: *Oculum pro oculo, &c.* quibus nominibus significatur modus, ut injuriam vindicta nemo transeat; & hæc est pacis inchoatio; perfecta autem pax est talem penitus nolle vindictam. In hoc ergo bona erat illa lex, sed non perfecta, ut est nova. Nanti qui tantum reddit, quantum accepit, jam donat aliquid, quia non debet esse æqualis pœna pro eo, qui innocens passus est aliam, & pro eo, qui reus dedit. Addit alibi, illam vindictam fuisse convenientem pro fructu illo Judæorum ad terrorem; hanc verò misericordiam pro Christianis, qui magis amore, quam timore ducuntur.

Eadem est ratio ad 5. Nam pro populo duro necessaria erat lex durior, sicut pædagogus severus; sicut equis indomitis, & ferocioribus datur frænum gravius, & durius.

Ad 6. respondet S. Thomas, (3) quod lex vetus per-

[1] de ser. Dom. in mon. [2] Com. Adim. c. 17.

[3] 2. 2. q. 13. de malo.

permisit usuras ; & repudium ob eandem duritiem illius populi , & ad vitandum majus malum , non tamen fuerunt approbata , nec præcepta : & licet Deus dispensasset in illa lege quoad hæc , & eadem prohibuerit in nova , non sequitur illam fuisse malam , sed diversam , quod sæpe congruit , imo & necessarium est pro diversitate conditionum , & statuum hominum , in quibus quod bonum , & utile , aut tolerabile est pro uno , fit inutile , aut nocivum , ac intolerabile pro alio.

Inst. Lex vetus ordinabat sacrificia , quæ Deus oderat ; ergo illa non erat bona , nec divina . Prob. ant. (1) *Holocaustis non delectaberis : sacrificium , & oblationem nolisti* , agebat David . Quid mihi mirumdo victimarum vestrarum ? ait ipse per Isaiam : (2) *Plenus sum : incensum abominatio est mihi ; calendæ vestras , & solemnitates vestras odit anima mea* , &c. quod confirmat Apostolus , (3) *Oblationes , & sacrificia , & holocausta pro peccato nolisti* , nec tibi complacita sunt , quæ per legem offerebantur ; ergo &c.

Resp. dist. ant. quæ Deus oderat ex prava dispositione , & affectione offerentium , con. ant. ex se , & secundum se , vel ratione legis , neg. ant. loca illa ex Psalmis intelliguntur de sacrificiis illis non pro tempore , quo scribebat David , sed pro tempore legis novæ . Alia verò loca ex Isaja , (4) & Paulo intelliguntur de sacrificiis non in se , sed respectivè ad malum affectum , & dispositionem offerentium.

Objic. 3. Lex vetus dicitur inutilis , & imperfecta , & ideo abrogata est ; ergo non est divina , nec bona , quia *Dei perfecta sunt opera* ; & omnia opera , quæ fecit Deus , perseverant in perpetuum . Prob. antec. ex D. Paulo : (5) *Reprobatio fit præcedentis mandati propter infirmitatem , & inutilitatem*.

Resp. neg. ant. quoad 1. p. & dist. quoad 2. imperfecta comparative ad novam , & ad conferendam gratiam , ad quod non pertinebant sacramenta ejus , conc. ant. in sua specie , neg. ant. Certè in sua specie fuit utilissima , 1. quia per eam agnoscebant Judæi peccatū ; *Peccatum non cognovi nisi per legem* . 2. plurima præcepta

mo-

[1] Psal. 50. & 39.

[2] Isa. 1. [3] Hebr. 7.

[4] Denier. 32. [5] Hebr. 7.

moralia dabat ad instituendos mores. 3. præfigurabat Christum, ad quem propterea se disponebant per desideria; *Lex data est, ut gratia quæreretur*, inquit S. August. (1) unde orabant: *Rorate cæli desuper, & nubes pluant iustum*. Et (2) *Domine, inclina cælos tuos, & descende*. Et, (3) *Uinam disrumperes cælos, & descenderes*. 4. per observantiam veteris disponebantur ad obtinendam, & observandam novam, &c. quod autem abrogata fuerit per novam, nihil inde colligitur, nisi quod umbræ cedunt lumini, & figuræ veritati, &c.

Objic. con. 4. Ille, qui loquebatur Moyfi, se dicit Deum, & Dominum; *Ego Dominus Deus tuus*, qui *eduxi te*, &c. ergo non Angelus, sed Deus ipse immediate, & per se dedit legem Moyfi, non per Angelos.

Resp. neg. conf. Nam, ut dicit Doctor, *Angelus loquebatur in persona Dei, ego sum Deus Abraham*, & ut notat S. Gregorius, (4) *Angelus, qui apparuisse Moyfi scribitur, modò Angelus, modò Dominus memoratur: Angelus, quia exterius loquendo serviebat: Dominus autem, quia interius præsidens loquendi efficaciam ministrabat. Per obsequium Angelus, & per inspirationem Dominus appellatur.*

## CONCLUSIO II.

**L** Ex vetus pro solis Israelitis data est, & eos tantum obligabat, & hoc usque ad mortem Christi, per quam fuit mortificata, sed non mortifera, nisi post promulgationem novæ. Est etiam de fide saltem quoad 1. & 2. p. contra quosdam hæreticos, ut erant Cherintiarum, Ebionitæ, & Nazaræi, & Anabaptistæ, qui existimabant illam adhuc vigere, & obligare cum nova, ut colligitur ex August. & Epiphanio.

Prob. 1. p. 1. ex Scoto (5) & Script. cum dicitur, quod *gens sine lege erat sibi lex vivens secundum legem naturæ*, potest dici, quod *quamvis non habebant legem scriptam Mosaicam, habebant tamen in corde legem, & bene vivebant sicut boni gentiles; non enim tenebantur tunc ad legem Moyfis, nisi populus Israeliticus,*

[1] De spir. & litt. c. 19. [2] Psal. 143.

[3] Isa. 46. [4] Pref. in lib. Job.

[5] 4. d. 2. B. & in Refor. ibid. n. 11.

cus, & qui volebant eis adherere, & tunc debebant, circumcidi : unde Cornelius fuit bonus, dum vivebat extra legem Mosaicam : non adeò positivè loquitur in scripto Oxoniensi . Dicitur potest, quòd si non erant obligati ad legem Moysis, nisi filii Israel, alii gentiles potuerunt justè vivere servando legem naturæ, &c. ergo ex Scriptura, & Scoto pro solis Israelitis, non verò pro gentilibus data erat lex Moysis; & eos solos obligabat.

Confir. ex Scriptura, [1] Quid amplius Judæo est ? multum quidem, & per omnem modum ; primum quidem, quia credita sunt illis eloquia Dei . Et, [2] Non fecit taliter omni nationi, & judicia sua non manifestavit eis ; fuit quippe ista lex signum singularis amoris Dei in Judæos, quia cùm esset ex eis nasciturus Christus, debuerunt præ cæteris nationibus privilegiari, ut singulari sanctitate fulgerent . 2. quia cùm essent ad idololatriam proni, egebant speciali directione : unde audi Israel, Dominus Deus tuus unus est ; nam unitas Dei est quidem nota lumine naturæ, sed fortius innotuit per legem positivam, & magis continebat populum per præcepta cæremonialia in veri Dei cultu .

Prob. 2. quia ex dictis lex non datur, nec obligat, nisi eos, quibus promulgatur ; sed lex Moysis non dirigebatur, nec promulgabatur nisi Judæis ; ergo pro illis solis erat, & eos solos obligabat . Maj. patet ex Apostolo, [3] Quicumque lex loquitur his, qui in lege sunt . Patet etiam min. ex toto veteri testamento, & tota illa lege, quæ ad solos Israelitas dirigitur ; Loquere filiis Israel .

Prob. 2. p. quòd obligarit usque ad mortem Christi, & 1. ex Scoto [4] dicente, quòd tempus, quo baptismus fuit sub consilio, hoc non evacuat circumcisionem, etiam quoad necessitatem ; tempus autem istud erat à publicatione ejus, scilicet baptismi, dicente Christo, Nisi quis renatus fuerit ex aqua, &c. usque ad Christi passionem .

Prob. 2. ex Scriptura : nam Christus ipse dixit, Non veni solvere legem, sed implere . Et revera quandiu vixit, eam exactè observavit, & observari fecit à suis, circumcidi voluit, offerri in purificatione matris

[1] Rom. 3. [2] Ps. 140. [3] Rom. 3.

[4] 4. d. 3. q. 4. l. n. 7.

matris secundum legem Moyſis; mittebat diſcipulos ad templum diebus feſtivis; Paſcha etiam inſtante morte cum ipſis celebravit; miſit leproſum ad ſacerdotem; ut offerret munus, & decem alios, quos mundavit, *Ite, oſtendite vos ſacerdotibus*; jubebat obedientiam ſedentibus ſuper Cathedram Moyſis, ſedentibus Scribis, & Pharifæis quantumcumque inimicis ſuis, & iniquis. *Quæcumque, dixerint vobis, facite*, non ſecundum opera. Unde lex quidem ægrotare, & languere cœpit ab adventu Chriſti, ſicut nox, & umbræ minuuntur adveniente luce, *Nox præceſſit, dies appropinquavit*; lex umbram habet futurorum bonorum, ſed non eſt penitus ſoluta, & extincta ante mortem Chriſti.

Hinc convincitur error quorundam hæreticorum, qui putarunt veterem legem abrogatam à tempore Joannis Baptiſtæ, quia dicitur *lex, & Propheta uſque ad Joannem*: Nam Joannes ſicut non fuit inſtitutor novæ legis, ita nec abrogator veteris, ſed Chriſtus ſolus; *Non erat ille lux, ſed ut teſtimonium perhiberet de lumine*, Joannes prænuntiavit legis finem imminentem, ſicut & Chriſti adventum.

Prob. 3. p. quod ſcilicet lex vetus fuit mortificata per Chriſti mortem: nam inquit Doct̃or; [1] à tempore paſſionis eius uſque ad tempus publicationis Evangelii circumciſio fuit licita, ſed nec neceſſaria, nec utilis, quia in Chriſti morte legalia ſunt conſummata: quod prob. ex illo Joân. 19. morte imminente dixit Jeſus, conſummatum eſt; tertio vero tempore poſt publicationem Evangelii fuit mortifera, &c. diſtinguit tria tempora circa ceſſationem hujus legis, & obligationem novæ. 1. fuit ab inſtitutione baptiſmi, & prædicatione Evangelii, & tunc languebat quidem vetus, ſed tamen vigeſcit, & neceſſaria erat circumciſio, baptiſmus verò tantum ſub Conſilio. 2. à morte Chriſti uſque ad promulgationem Evangelii, y. g. ad Pentecoſtem, & tunc circumciſio, & legalia mortificata erant, vigorem, & utilitatem amiſerant, non tamen erant prohibita. 3. à publicatione Evangelii; & ex tunc obligavit baptiſmus, & lex nova, nec fuerunt amplius licita legalia.

Prob. 2. ex Scriptura, & Patribus; [2] *Lex pedagogs*

[1] 4.d.3.q.4.F.n.7. [2] Gal.3.

gogus noster fuit in Christo; at, ubi venit fides, jam non sumus sub pedagogo. Item, [1] Translato sacerdotio necesse est, ut legis translatio fiat. Certè mortuo sacerdote, inquit S. Thom. non mutatur lex, nisi fortè sit introducta illa propter personam ejus; sed mutato sacerdote, mutatur totus modus, & ordo reg. minis; sed in Christi passione novum sacerdotium institutum est; ergo & nova lex. Ideò notant SS. Patres, quòd in ejus morte templum veli scissum est à summo usque deorsum. Per veli scissionem repudiatos vos, ò Judai, debnitis agnoscere, ait S. Leo, [2] & omne jus sacerdotii perdidisse: adeò tunc à lege ad Evangelium, à Synagoga ad Ecclesiam, à multis sacrificiis ad unam hostiam, quæ Deus est, facta est translatio. Idem sentiunt alij, ut S. Ambrosius, *Velum templi scinditur, quo mysteriorum Synagoga profanatio declaretur*. Idem docet Aug. *Velum templi scinditur, quia synagoga honore nudatur; observantia antiqua dissolvitur*. Eodem sensu explicant, quòd clamavit Christus moriens consummatum est; scilicet quia lex vetus umbratilis, & figurativa erat, & finis legis Christus Redemptor; & sic dicens significabat omnes umbras, figuras, & prophetias esse impletas, & consummatas.

Dixi, mortificata, non penitus extincta. Nam adhuc licita erant legalia usque ad Evangelij solemnem promulgationem, & saltem usque ad Pentecostem in Jerusalem, & tota vicinia, ubi ex eo tempore sufficienter, & solemniter post adventum Spiritus sancti promulgatum est per Apostolos Evangelium: imò nec adhuc penitus ibi cessavit tam citò, ut dicemus.

Prob. 4. p. scilicet, quòd fuit mortifera post promulgationem Evangelij 1. ex Scoto [3] dicente, quòd tertio tempore post promulgationem Evangelij circumcisio fuit mortifera, pro quo tempore loquitur Paulus, [4] circumcidamini, Christus nihil vobis proderit.

Prob. 2. Nam circumcisio, & alia legalia veteris testamenti post sufficientem Evangelij promulgationem usurparentur, vel quatenus præcepta, & necessaria ad significanda illa, ad quæ instituta fuerant, vel tamquam utilia ad gratiam conferendam, vel ut media necessaria ex præcepto, vel per se ad salutem; sed jam nullum horum fieri potest sine

pecc.

[1] Hebr. 7. [2] 10. de pass. [3] Ibid. [4] Gal. 5.

peccato; ergo jam illa lex, & observatio ejus est mortifera post Evangelii promulgationem: prob. min. si ne peccato nihil potest jam fieri, per quod significetur nos dubitare, aut inducantur homines ad dubitandum de novæ legis institutione, & efficacia sufficienti, & evacuatione veteris, & sepultura synagogæ per foundationem Ecclesiæ Christi, & necessitate absoluta impletionis legis Evangelicæ; sed si usurparentur legalia veteris testamenti ex uno talium motivorum, daretur occasio dubitandi de legis novæ existentia, efficacia, & sufficientia; ergo &c. prob. min. 1. si usurparentur ut figurativa legis novæ, & adventus Messiæ, significaretur eum non venisse; non enim se compatiuntur umbræ cum lumine, nec figuræ cum existentia figurati, tota autem lex vetus erat figura, & umbra Christi venturi: *Omnia quippe illa in figuris contingebant.* 2. si licerent adhuc legalia ut utilia, vel necessaria, non esset absolute necessarius Baptismus, nec sufficiens lex nova, & non esset verum, quod Sacramenta veteris legis fuerunt *vacua, & egera elementa*, ut dicebat Paulus; ergo non possunt usurpari legalia, quin detur occasio dubitandi de existentia, vel necessitate, aut sufficientia legis novæ.

Ut melius pateat vis argumenti hujus, suppono totam legem veterem ex divina intentione fuisse figurativam Christi venturi, & sacramentorum legis novæ. 2. ut regulativam cultus Dei veri per actus, & cæremonias, & signa externa, per quæ populus ille in unum conveniebat, & ab aliis nationibus distinguebatur. 3. continentem præcepta, & media necessaria, vel utilia, & efficacia ad causandam gratiam, & salutem æternam consequendam, & poterant legalia illa usurpari ex omnibus, vel ex aliquo ex illis motivis. Certum est autem, quod post promulgationem Evangelii hoc non licet ob rationes datas, scilicet 1. quia consummatæ sunt figuræ, & Prophetiæ, & dissipatæ sunt umbræ ad præsentiam lucis expectatæ. 2. quia Christus est *lapis angularis*, qui facit *utraque unum*; una omnium fides, unum baptisma, nulla distinctio inter Judæos, & Græcos in Ecclesia. 3. nulla salus extra baptismum, & Ecclesiam, & si ante Christi adventum tam infirma erant Sacramenta, quid virtutis, & efficacix nunc haberent? certe



certè si per Christum linceret nunc circumcidi in remedium peccati originalis, vel actualis, baptismus non esset necessarius, nec unica via ad reconciliationem.

Objicies 1. contra 1. p. Si lex Moyſis obligasset, solos Judæos, gentes, quæ legem non habebant, fuissent melioris conditionis; sed falsum conf. nam Judæi dicuntur *populus Dei*, & *populus electus*, & *hereditas Dei*; ergo &c. prob. maj. Nam gentes illæ salubantur per observantiam solius legis naturæ, nec onerabantur illo intolerabili præceptorum difficillimorum, & cæremonialium onere, quod in Scriptura ipsa vocatur *servitus*; ergo gentes illæ fuissent melioris conditionis, quia liberæ, isti verò servi.

Respondeo neg. maj. & conf. prob. Non enim attenditur melioritas conditionis ex libertate à lege, sed ex majori perfectione, & sanctitate status, licet illi annectantur strictiores observantiæ; sicut conditio laicorum non est melior conditione clericorum, & religiosorum, licet isti pluribus, & difficilioribus onerentur præceptis, ac regulis, & ideo magis Deo conjunguntur, & securiores tendunt ad finem salutis nobilioribus mediis, & sanctioribus: ita erat de Judæis in comparatione Gentilium, magis per legis observantias, & sacrificia conjungebantur, & consecrabantur Deo.

Inst. Absolutè dicitur de omnibus, qui erant extra legem, quod erant maledicti; ergo lex erat absolutè pro omnibus. Prob. ant. [1] *Maledictus, qui non permanet in sermonibus legis hujus*; ergo &c.

Respondeo neg. ant. & conf. prob. Nam illa maledictio cadebat in solos Judæos, quando recedebant à testamento legis: hanc, & alias maledictiones publicabat Levita in transgressores Judæos, ut patet ex textu.

Poterant tamen gentiles illi legi se subicere aggregando se Judæis per circumcisionem juxta illud, [2] *Si quis peregrinus in vestram volueris transire coloniam, & facere phase domini, circumcidetur prius omne masculinum ejus, & tunc rite celebrabit, eritque sicut indigena terræ, ut de facto plures aggregati sunt; plures siquidem alterius gentis, & selectæ eorum*

[1] *Dent. 27.* [2] *Exod. 12.*

eorum religioni, & cæremoniis nungebantur.

Certum etiam est, quòd licèt soli Judæi, & illi, qui eis sic aggregabantur, fuerint obligati ad observantiam legis quoad legalia, & cæremonialia, & alia præcepta, quæ in illa erant specialia, & extra, vel supra legem naturæ; tamen multa continebat, quæ erant de lege naturæ, ut maxima pars præceptorum moralium, & præcipuè præcepta Decalogi, & ideo ad hæc obligabantur omnes homines, & adhuc obligantur; sed, ut docet Scotus, hæc non urgent ex vi legis Mosaicæ, sed naturalis, aut Christianæ.

Item certum est, quòd licèt in ratione legis obligatio spectaret ad solos Judæos, tamen aliquo modo spectabat ad omnes etiam Christianos, quatenus scilicet continebat in figuris, & promissionibus ea, quæ per Christum Redemptorem peracta sunt: [1] *Omnia enim in figura contingebant illis, & quotquot promissiones sunt, in illo sunt* (scilicet in Christo) *impleta.*

Objic. contra 2. p. Lex vetus vocatur in Scriptura [2] *testamentum æternum*; ergo non potuit cessare, nec abrogari. prob. ant. *statuit illud Jacob in testamentum æternum.*

Resp. dist. ant. æternum quoad præcepta moralia de lege naturæ, & quoad res promissas, & significatas, conc. ant. quoad obligationem, neg. ant. dicitur *pactum*, & *testamentum æternum* quoad res figuratas, ut sunt Christus, & Ecclesia, aut quia duraturum erat usque ad impletionem conditionum, & promissionum; sed cessavit figurare, & promittere, & obligare ad observantiam judicialium, & cæremonialium, seu sacramentalium. Item *æternum* in Scriptura sæpe sumitur pro longiori duratione.

Objic. 2. Lex vetus fuit bona, & a Deo instituta, qui non mutatur; ergo debuit esse perpetua.

Resp. neg. cons. Quia mutata est in melius, ad quod ordinabatur, & cessavit præcipuus finis ejus, qui erat figurare novam, & præparare ad ejus receptionem, & observantiam.

Inst. Fides nostra non differt à fide veterum Judæorum, & Patriarcharum; sed ista perseverat; ergo & lex.

Resp.

[1] 1. Cor. 10. [2] Ps. 104.

Respondeo dist. maj. quoad substantiant, & obiectum *quod*, conc. quoad rationem, & obiectum formale *quo*, neg. maj. Nam Deus, & Christus semper fuit, & est obiectum fidei *quod* Patriarcharum, & nostrę; sed illi credebant in Christum ut venturum, nos verò in Christum ut natum, & mortuum, & viventem in cœlis.

Objic. 3. Lex non abrogatur, nisi per expressam revocationem, vel per legem novam contrariam priori; sed neutro ex capite cessavit lex Moyſis; ergo non cessavit. prob. min. 1. nullibi constat de expressa revocatione; & 2. lex nova non est contraria veteri, nec impossibilis cum illa; ergo neutro ex capite abrogata est.

Resp. 1. neg. maj. Nam si lex sit lata pro certis quibusdam temporibus, & circumstantiis, cessat ipso facto, si tempora, & circumstantię mutantur, ut contingit in lege veteri, quę data fuit pro tempore precedente adventum Messię, & ad illum prefigurandum, *Donec venerit semen*, id est Christus: unde *lex, & prophetiæ usque ad Joannem*; cessante ergo fine legis, cessat & ipsa.

Respondeo 2. neg. min. Nam 1. licet expressis, & formalibus verbis eam Christus non revocaverit, id fecit equivalenter per institutionem novę *Legem mandatorum evacuantis*, inquit Apost. *& dum mutavit sacerdotium*, &c. & 2. duę illę leges sunt aliquo modo contrarię, quia nova datur ut se sola sufficiens ad salutem, & necessaria; quod non esset verum, si simul vigeret vetus. 2. sacramenta novę significant, & operantur gratiam mediatoris presentis, & redemptionis peractę; ergo non debent adhiberi ea, quę significabant Messię venturi, & redemptionis futurę. 4. vetus dabatur tantum pro uno populo, ex cujus semine Messias erat nasciturus; posterior est universalissima: hæc autem omnia inter se repugnant, ut patet.

Objicies contra 3. p. *Lex, & Prophetæ usque ad Joannem* viguerunt; sed Joannes diu vixit ante mortem Christi; ergo lex debuit obligare diu ante mortem Christi.

Respondeo dist. maj. usque ad Joannem, id est ad Joannis etatem moraliter, & circiter, conc. maj.

mathematicè, & præcisè usque ad Joannis nativitatem, ut prædicationem, neg. maj. Joannes autem, & Christus eodem ferè tempore nati sunt, ille sex mensibus ante istum, & paulò ante mortuus est. Fuit etiam ultimus prophetans adventum Christi; & sic tunc prophetiæ terminatæ sunt, & lex vetus etiam, quia nova jam tunc imminebat, non tam futurum præmonstravit, quàm præsentem monstravit.

Objic. 2. Lex circumcisionis non debuit vigere post institutionem, & præceptum baptismi; sed baptismus institutus est, & præceptus ante mortem Christi; ergo & lex ante desit. Prob. maj. Nam Christus ante dixerat, [1] *Nisi quis renatus fuerit ex aqua* &c. Et de facto tam ille, quàm Apostoli baptizabant ante passionem; *Venit in terram judæam*, & illic baptizabat, & id narrant Joanni, *Ille*, inquiunt *Judei, cui testimonium perhibuisti, ecce hic baptizat; & omnes veniunt ad eum* &c. ergo non vigeat lex circumcisionis, sed baptismi ante mortem Christi. Apostolos [2] etiam baptizasse docet Hugo Victor.

Resp. neg. min. Nam baptismus fuit quidem institutus vivente Christo, sed non fuit sub præcepto, bene verò sub consilio, ut dicit Scotus, & alii Theologi, & ideò lex circumcisionis languebat quidem, & non erat absolutè necessaria pro originali, sed non erat penitus extincta. *Quantum ad circumcisionem distinguo 4. tempora*, inquit Scotus: pro 1. erat necessaria: scilicet ante institutionem baptismi: pro 2. utilis, non necessaria, scilicet à tempore instituti baptismi usque ad mortem Christi; quia tunc alterius sacramentum sufficiebat ad sanctificationem à peccato originali: pro 3. nec utilis, nec necessaria; tamen licita; scilicet à morte Christi usque ad solemnem promulgationem Evangelii, & paulo ultra, pro 4. omninò illicita, & mortifera. Quando inceperit istud 4. tempus dicetur postea.

Objicies contra 4. p. Non solum post mortem Christi, sed etiam post Pentecostem, & in Jerusalem apud ipsos Apostolos adhuc viguerunt cæremonialia legis judæicæ; ergo non fuit mortificata, nec mortifera per mortem Christi. Prob. ant. Vide, inquit Di-

Jaco-

[1] Jo. 3.

[2] de sacram. p. 6. c. 4.

Jacobus, [1] quot millia hominum in judæa crediderint, & omnes amulatores sunt legis; sed hoc contigit post promulgationem Euangelii; ergo nequidem tunc fuit mortua, nec mortifera legis observantia.

Respondeo dist. ant. non fuit mortua quoad usum, conc. quoad utilitatem; & efficaciam, neg. ant. fuit quidem tunc licita, sed non fructifera ad justificationem, & gratiam internam. De hoc amplius in seq.

## CONCLUSIO III.

**U**Sus legis veteris non fuit statim illicitus nec post passionem Christi, nec post prædicationem Euangelii. Ita Scotus cum suis, & aliis.

Probat 1. ex Scoto, & Scriptura, Apparet Actuum 21. inquit, ubi legitur de Paulo, qui ascendit in Jerusalem, & ibi de Consilio Jacobi, & aliorum fratrum post 4. Synodum habitam Hierosolymis purificatus secundum legem ascendit templum, & obtulit pro se sacrificium, quamvis solemniter ante jam ibi fuerat Euangelium publicatum: quia ibidem dixit Jacobus, vide, quot millia hominum jam crediderunt in judæa, & omnes sunt amulatores legis; ergo stante tanta publicatione Euangelii ibi, & in ipso Paulo, & in judæis conversis approbatur observatio legis, & ipse Paulus ibidem inter tot Christianos opus legis implevit: quo autem tempore facta fuerit ista Pauli purificatio, & oblatio secundum legem consici potest partim ex textu actuum, & partim ex magistro historiarum. Istud enim fuit ante captionem Pauli per septem dies, sicut patet act. 21. illa autem captio fuit circa principium regni Neronis, quia 3. anno regni Neronis venit secundum magistrum historiarum; Nero autem cepit regnare circa 20. annum post Christi passionem. In tanto autem tempore videtur Euangelium satis publicatum fuisse, & maxime in Judæa, ubi tamen Paulus observavit legalia &c. Lege totum hunc textum, in quo clare hoc explicat Doctor, & ostendit, quod diu post publicationem Euangelii mortua quidem fuit lex Moylis, id est inutilis, sed non mortifera, sed tolerata pro Judæis etiam conversis; ut patet de facto

Z 2

Pauli,

[1] act. 21. [2] Ibid..

Pauli, qui presentibus, & approbantibus aliis Apostolis observavit legalia.

Confir. hoc 1. ex eadem Scriptura: nam idem S. Paulus ascenderat Jerosolymam ad consulendos fratres Apostolos super factum Concilii, & super questionem, an gentes conversę tenerentur ad observanda legalia; & D. Jacobus tanquam Episcopus Jerosolymitanus tulit sententiam hanc; *Ego iudico non inquietari eos; qui ex gentibus convertuntur ad Deum; & scribere ad eos, ut abstineant se à contaminationibus, ab idololatriis, à fornicatione, à suffocato, & à sanguine, &c.* Inter quatuor hæc prohibita priora duo erant necessaria, sed duo posteriora erant solum congrua, ne Judęi conversi eos abhorrerent, & facilius cum gentilibus conversis in unum corpus Ecclesię convenirent, quia Judęi abhorrebant à sanguine, & suffocato. D. ipse Paulus circumcidit Timotheum; ergo non putavit legem etiam multis annis post publicatum Evangelium esse mortiferam, ut de facto non fuit saltem Judeis, modò non crederent illam esse necessariam, neque utilem.

Objic. 1. Lex Moysis est nunc mortifera, & quidem à longissimo tempore; sed non potest assignari aliud, quàm tempus solemnisi publicationis Evangelii; ergo ab eo tempore fuit mortifera. Maj. patet ex concl. præcedenti: [1] *Abst.* inquit Ecclesia, ut in illam damnatam hæresim incidamus, qua peperam affirmabat legem cum Evangelio, & circumcisionem cum baptismo servandam. Prob. min. nullibi enim legitur alia prohibitio quoad Judęos: nam illa decisio Jerosolymitani Concilii erat tantum pro gentibus conversis, ut patet ex textu allato; ergo vel adhuc esset licita Judęis conversis, vel fuit illicita ex tempore publicationis baptismi.

Resp. neg. min. & conf. prob. Nam inquit Doctor citans illam decretalem; *Ecclesia non judicaret hæresim, nisi lex circumcisionis fuisset aliquando revocata, imò & à Deo prohibita per revelationem factam Apostolis; videtur, quòd hoc fuit propter aliquam revocationem simpliciter factam à Deo*, licet non habeamus præcise tempus talis revocationis, & prohibitionis, nec fuerit simpliciter explicitum in Scriptu-

ra;

[1] c. majores de bapt.

ra; & id factum est, ne Judæi perfidi haberent inde occasionem asserendi, aut credendi non venisse adhuc Messiam, quandoquidem duraret lex circumcisionis: certum est autem ex textibus allatis, quòd id non accidit statim post Pentecostem.

Objic. 2. D. Paulus in faciem restitit D. Petro, & graviter eum reprehendit, quòd gentes conversas cogeret judaizare, [1] *Dixi Cepha coram omnibus, quomodo gentes judaizare cogis, si tu, cum judæus sis, gentiliter vivis?* scilicet cum Judæi quidam à Jerosolymis venissent Antiochiam, ubi Petrus sedebat, hic propter illos segregans se à gentibus observabat legalia, vel observare fingeat cum Barnaba socio Pauli; & iste hoc videns arguebat publicè, & acriter Petrum; ergo ex ipsa Pauli sententia lex Moysis erat mortifera etiam pro Judæis à tempore promulgationis Euangelii, alioqui injusta fuisset reprehensio, & non verè diceret Paulus, quòd *Petrus reprehensibilis erat.*

Hęc difficultas grande excitavit dissidium inter SS. Ecclesię Doctores Augustinum, & Hieronymum. Putabat iste, Apostolos numquam sincrerè observasse legalia post promulgatum Euangelium, sed simulatè. Ego dico, & Petrum, & Paulum timore fidelium Judæorum legis exercuisse, imò simulasse mandata: idem dicit de reprehensione Pauli, quę etiam simulata fuit, & ex conjecto inter Apostolos. Augustinus verò dicit, eos id fecisse sincrerè, non mentientis astu, sed compaiientis affectu; nec simulatione fallacię, sed compassione misericordię. Dicebat enim Paulus, [2] *Factus sum judæis tanquam judæus, ut judæos lucrifacerem:* ideò concludit, quòd tunc lex erat quidem mortua, id est inutilis, sed non mortifera, quia licebat Judæis eam exercere non tanquam necessariam, imò neque utilem; sed ex quadam complacentia, & commiseratione in fratres, ut eos sic allicerent ad fidem.

Resp. autem cum Aug. & Scoto verè, & sincrerè Apostolos inter Judęos legalia servasse aliquandiũ post promulgatum Euangelium, & Pauli reprehensionem etiam fuisse sinceram; alioqui si semel admittamus aliquam fictionem in textu sacro, maxima

fit illi injuria, & infirmatur ejus summa certitudo. Certè si Paulus simulatè se purificasset Jerosolymis, & Timotheum gentilem virum circumcidisset: post istud factum, qua fronte potuisset simulationis arguere Petrum? *Necesse est dicere ista verba esse simpliciter vera, inquit Doctor, vel totius Scripturæ auctoritas aufertur.*

*Inst. 1.* In quo ergo peccaverat Petrus? Si observando legalia; ergo & Paulus ipse postea peccavit purificando se legaliter, & circumcidendo Timotheum, & tunc jam erant mortifera, quòd si non peccavit; ergo vel Paulus ipse peccavit injustè arguendo, vel arguebat simulatè, ut scilicet dum Petrus favebat Judæis judaizando cum ipsis, ipse instrueret gentes probando non esse judaizandum.

*Resp.* Petrum peccasse venialiter saltem vel non conformando se Ecclesiæ, quam fundaverat, & quæ erat ex gentilibus conversis, quibus non licebat judaizare, ex quo id definitum fuerat, vel quia sic cogebat gentiles conversos judaizare contra Decretum Concilii Jerosolymitani, quo itatuebatur, ne illud jugum eis imponeretur: cogebat autem, dum ipse summus eorum pastor se subtrahebat, ut Judæis advenis adhæreret, vel enim privabantur suo pastore, vel ei se debebant conformare. 3. quia ante adventum Judæorum ab Jerosolyma vescebat cum gentilibus; & tunc apparuit, quòd non sensit fore abstinendum à gentilibus conversis ad fidem; & in 2. facto ab eis discedebat: seu ostendit, quòd hoc esset faciendum, & id vocat Paulus *simulationem*, in quam trahebat alios, inquit Paulus. 4. illa condescendentia cum Judæis decedebat summum Ecclesiæ Christi pastorem; *Non utebatur auctoritate pastoris*, ait Doctor, cum enim esset superior illis nuntiis Jacobi, debet iste constanter tenere veritatem in opere, & eos deducere ad rectitudinem suam potius, quàm propter timorem eorum flecti ad illud, quod eis placebat, & talis timiditas, seu remissio præiati est pro tempore reprehensibilis: Hanc insinuat textus: *segregabat se ab aliis timens circumcisos.* Non enim ibi erat verè timor quia licebat Judæis non servare legem, & maxime quando erant inter gentes.

Quòd si queras; an peccavit mortaliter: Respondet



det Doctor, si possint verba Pauli in Scriptura salvare, melius est dicere, quocumque ex illis 4. modis peccaverit; potius fuisse veniale, quàm mortale.

Dices, posse Petrum excusari, quia id faciebat ad vitandum scandalum Judæorum.

Contra. Non enim erat ibi materia scandali perfectis, neque parvulis, sed tantum Pharisæis, de quo scandalo non est curandum; de tali actu non debebat scandalizari, nisi male sentiens de libertate Evangelica, quæ non tenebatur, sed potius debebat abstinere à legalibus veteris legis: unde valebat regula juris, *Utilius scandalum nasci permittitur, quàm veritas relinquatur.*

Breviter ergo concludit Scotus *Paulus licitè inter Judæos servavit legalia, etiam multo tempore post tertium Concilium, & hoc fuit licitum, dum tamen ipse non poneret in eis spem, licet non esset utile, nec necessarium necessitate præcepti, nec medii: inter gentes autem gentibus se conformabat, &c.*

Inst. 2. Convenientius est, si amoveatur à principe Apostolorum error, vel peccatum; sed hoc fit, si dicatur cum Hieronymo tam Petrum, & alios simulatè servasse legalia, quàm Paulum reprehendisse Petrum sibi superiorem; ergo ita dicendum est.

Resp. neg. min. Nam neque ad litteram, & sensum Scripturæ id dici potest, neque ad finem excusationis à peccato: non primum, quia revera cum Paulus ex consilio aliorum Apostolorum purificatus est juxta legem, id fecit, non ut id putarent alii, & id ipse videretur fecisse, cum non fecisset, sed ut id scirent, inquit textus; *Et scient omnes, quoniam quæ de te audierunt, falsa sunt, sed sequeris hoc ipse custodiens legem.* Profecto si hoc syncerè non dicitur, nihil est in Scriptura, quod ut syncerum capiatur: scire non est putare, & velle ut sciant, non est velle ut putent. Si revera sic legalia reprobaret Paulus, quemadmodum de illo auditum erat, & idè celebranda susceperet, ut actione simulata suam posset occultare sententiam, non diceret Jacobus, *Et, scient omnes, sed putabunt omnes, quoniam quæ de te audierunt, falsa sunt* (inquit August.) 2. nec etiam licitè sic potuerant simulare, quia talis simulatio annexum habet mendacium, irreligionem, & scandalum, 1. menda-

peccato; ergo jam illa lex, & observatio ejus est mortifera post Evangelii promulgationem: prob. min. si ne peccato nihil potest jam fieri, per quod significetur nos dubitare, aut inducantur homines ad dubitandum de novæ legis institutione, & efficacia sufficienti, & evacuatione veteris, & sepultura synagogæ per foundationem Ecclesiæ Christi, & necessitate absoluta impletionis legis Evangelicæ; sed si usurparentur legalia veteris testamenti ex uno talium motivorum, daretur occasio dubitandi de legis novæ existentia, efficacia, & sufficientia; ergo &c. prob. min. 1. si usurparentur ut figurativa legis novæ, & adventus Messiæ, significaretur eum non venisse; non enim se compatiuntur umbræ cum lumine, nec figuræ cum existentia figurati, tota autem lex vetus erat figura, & umbra Christi venturi: *Omnia quippe illa in figuris contingebant.* 2. si licerent adhuc legalia ut utilia, vel necessaria, non esset absolute necessarius Baptismus, nec sufficiens lex nova, & non esset verum, quod Sacramenta veteris legis fuerunt *vacua, & egera elementa*, ut dicebat Paulus; ergo non possunt usurpari legalia, quin detur occasio dubitandi de existentia, vel necessitate, aut sufficientia legis novæ.

Ut melius pateat vis argumenti hujus, suppono totam legem veterem ex divina intentione fuisse figurativam Christi venturi, & sacramentorum legis novæ. 2. ut regulativam cultus Dei veri per actus, & cæremonias, & signa externa, per quæ populus ille in unum conveniebat, & ab aliis nationibus distinguebatur. 3. continentem præcepta, & media necessaria, vel utilia, & efficacia ad causandam gratiam, & salutem æternam consequendam, & poterant legalia illa usurpari ex omnibus, vel ex aliquo ex illis motivis. Certum est autem, quod post promulgationem Evangelii hoc non licet ob rationes datas, scilicet 1. quia consummatæ sunt figuræ, & Prophetiæ, & dissipatæ sunt umbræ ad præsentiam lucis expectatæ. 2. quia Christus est *lapis angularis*, qui facit *utraque unum*; una omnium fides, unum baptisma, nulla distinctio inter Judæos, & Græcos in Ecclesia. 3. nulla salus extra baptismum, & Ecclesiam, & si ante Christi adventum tam infirma erant Sacramenta, quid virtutis, & efficacix nunc haberent?

certe

certè si per Christum liceret nunc circumcidi in remedium peccati originalis, vel actualis, baptismus non esset necessarius, nec unica via ad reconciliationem.

Objicies 1. contra 1. p. Si lex Moyſis obligasset. ſolos Judæos, gentes, quæ legem non habebant, fuiſſent melioris conditionis; ſed falſum conſ. nam Judæi dicuntur *populus Dei*, & *populus electus*, & *hereditas Dei*; ergo &c. prob. maj. Nam gentes illæ ſalvabantur per obſervantiam ſolius legis naturæ, nec onerabantur illo intolerabili præceptorum difficillimorum, & cæremonialium onere, quod in Scriptura ipſa vocatur *ſervitus*; ergo gentes illæ fuiſſent melioris conditionis, quia liberæ, iſti verò ſervi.

Reſpondeo neg. maj. & conſ. prob. Non enim attenditur melioritas conditionis ex libertate à lege, ſed ex majori perfectione, & ſanctitate ſtatus, licet illi annectantur ſtrictiores obſervantiæ; ſicut conditio laicorum non eſt melior conditione clericorum, & religioſorum, licet iſti pluribus, & difficilioribus onerentur præceptis, ac regulis, & ideo magis Deo conjunguntur, & ſecurioreſ tendunt ad finem ſalutis nobilioribus mediis, & ſanctioribus: ita erat de Judæis in comparatione Gentilium, magis per legis obſervantias, & ſacrificia conjungebantur, & conſecrabantur Deo.

Inſt. Abſolutè dicitur de omnibus, qui erant extra legem, quod erant maledicti; ergo lex erat abſolutè pro omnibus. Prob. ant. [1] *Maledictus, qui non permanet in ſermonibus legis huius*; ergo &c.

Reſpondeo neg. ant. & conſ. prob. Nam illa maledictio cadebat in ſolos Judæos, quando recedebant à teſtamento legis: hanc, & alias maledictiones publicabat Levita in tranſgreſſioreſ Judæos, ut patet ex textu.

Poterant tamen gentiles illi legi ſe ſubjicere aggregando ſe Judæis per circumciſionem juxta illud, [2] *ſi quis peregrinus in veſtram volueris tranſire coloniam, & facere phaſe domini, circumcidetur prius omne masculinum eius, & tunc rite celebrabit, eritque ſicut indigena terræ, ut de facto plures aggregati ſunt; plures ſiquidem alterius gentis, & ſectæ*  
eorum

[1] *Dent. 27.* [2] *Exod. 12.*

eorum religioni, & cæremoniis iungebantur.

Certum etiam est, quòd licèt soli Judæi, & illi, qui eis sic aggregabantur, fuerint obligati ad observantiam legis quoad legalia, & cæremonialia, & alia præcepta, quæ in illa erant specialia, & extra, vel supra legem naturæ; tamen multa continebat, quæ erant de lege naturæ, ut maxima pars præceptorum moralium, & præcipuè præcepta Decalogi, & ideo ad hec obligabantur omnes homines, & adhuc obligantur; sed, ut docet Scotus, hæc non urgent ex vi legis Mosaicæ, sed naturalis, aut Christianæ.

Item certum est, quòd licèt in ratione legis obligatio spectaret ad solos Judæos, tamen aliquo modo spectabat ad omnes etiam Christianos, quatenus scilicet continebat in figuris, & promissionibus ea, quæ per Christum Redemptorem peracta sunt: [1] *Omnia enim in figura contingebant illis, & quotquot promissiones sunt, in illo sunt* (scilicet in Christo) *impletæ*.

Objic. contra 2. p. Lex vetus vocatur in Scriptura [2] *testamentum æternum*; ergo non potuit cessare, nec abrogari. prob. ant. *statuit illud Jacob in testamentum æternum*.

Resp. dist. ant. æternum quoad præcepta moralia de lege naturæ, & quoad res promissas, & significatas, conc. ant. quoad obligationem, neg. ant. dicitur *pactum*, & *testamentum æternum* quoad res figuratas, ut sunt Christus, & Ecclesia, aut quia duraturum erat usque ad impletionem conditionum, & promissionum; sed cessavit figurare, & promittere, & obligare ad observantiam judicialium, & cæremonialium, seu sacramentalium. Item *æternum* in Scriptura sæpe sumitur pro longiori duratione.

Objic. 2. Lex vetus fuit bona, & a Deo instituta, qui non mutatur; ergo debuit esse perpetua.

Resp. neg. conf. Quia mutata est in melius, ad quod ordinabatur, & cessavit præcipuus finis ejus, qui erat figurare novam, & præparare ad ejus receptionem, & observantiam.

Inst. Fides nostra non differt à fide veterum Judæorum, & Patriarcharum; sed ista perseverat; ergo & lex.

Resp.

[1] 1. Cor. 10. [2] Ps. 104.

Respondeo dist. maj. quoad substantiam, & obiectum *quod*, conc. quoad rationem, & obiectum formale *quo*, neg. maj. Nam Deus, & Christus semper fuit, & est obiectum fidei *quod* Patriarcharum, & nostrę; sed illi credebant in Christum ut venturum, nos verò in Christum ut natum, & mortuum, & viventem in cœlis.

Objic. 3. Lex non abrogatur, nisi per expressam revocationem, vel per legem novam contrariam priori; sed neutro ex capite cessavit lex Moysis; ergo non cessavit. prob. min. 1. nullibi constat de expressa revocatione; & 2. lex nova non est contraria veteri, nec impossibilis cum illa; ergo neutro ex capite abrogata est.

Resp. 1. neg. maj. Nam si lex sit lata pro certis quibusdam temporibus, & circumstantiis, cessat ipso facto, si tempora, & circumstantię mutantur, ut coniugit in lege veteri, quę data fuit pro tempore precedente adventum Messię, & ad illum prefigurandum, *Donec venires semen*, id est Christus: unde *lex, & prophetiæ usque ad Joannem*; cessante ergo fine legis, cessat & ipsa.

Respondeo 2. neg. min. Nam 1. licet expressis, & formalibus verbis eam Christus non revocaverit, id fecit equivalenter per institutionem novę *Legem mandatorum evacuantis*, inquit Apost. *& dum mutavit sacerdotium*, &c. & 2. duę illę leges sunt aliquo modo contrarię, quia nova datur ut se sola sufficiens ad salutem, & necessaria; quod non esset veterum, si simul vigeret vetus. 3. sacramenta novę significant, & operantur gratiam mediatoris presentis, & redemptionis peractę; ergo non debent adhiberi ea, quę significabant Messię venturi, & redemptionis futurę. 4. vetus dabatur tantum pro uno populo, ex cujus semine Messias erat nasciturus; posterior est universalissima: hæc autem omnia inter se repugnant, ut patet.

Objicies contra 3. p. *Lex, & Prophetiæ usque ad Joannem* viguerunt; sed Joannes diu vixit ante mortem Christi; ergo lex desiit obligare diu ante mortem Christi.

Respondeo dist. maj. usque ad Joannem, id est ad Joannis etatem moraliter, & circiter, conc. maj.

mathematicè, & præcisè usque ad Joannis nativitatē, ut prædicationem, neg. maj. Joannes autem, & Christus eodem ferè tempore nati sunt, ille sex mensibus ante istum, & paulò ante mortuus est. Fuit etiam ultimus prophetans adventum Christi; & sic tunc prophetiæ terminatæ sunt, & lex vetus etiam, quia nova jam tunc imminebat, non tam futurum præmonstravit, quàm præsentem monstravit.

Objic. 2. Lex circumcisionis non debuit vigere post institutionem, & præceptum baptismi; sed baptismus institutus est, & præceptus ante mortem Christi; ergo & lex ante desiit. Prob. maj. Nam Christus ante dixerat, [1] *Nisi quis renatus fuerit ex aqua* &c. Et de facto tam ille, quàm Apostoli baptizabant ante passionem; *Venit in terram judæam*, & illic baptizabat, & id narrant Joanni, *Ille*, inquiunt Judæi, *cui testimonium perhibuisti*, ecce hic baptizat; & omnes veniunt ad eum &c. ergo non vigeat lex circumcisionis, sed baptismi ante mortem Christi. Apostolos [2] etiam baptizasse docet Hugo Victor.

Resp. neg. min. Nam baptismus fuit quidem institutus vivente Christo, sed non fuit sub præcepto, bene verò sub consilio, ut dicit Scotus, & alii Theologi, & ideò lex circumcisionis languebat quidem, & non erat absolutè necessaria pro originali, sed non erat penitus extincta. *Quantum ad circumcisionem distinguo 4. tempora*, inquit Scotus: pro 1. erat necessaria: scilicet ante institutionem baptismi: pro 2. inutilis, non necessaria, scilicet à tempore instituti baptismi usque ad mortem Christi; quia tunc alteriusrum sacramentum sufficiebat ad sanctificationem à peccato originali: pro 3. nec utilis, nec necessaria; tamen licita; scilicet à morte Christi usque ad solemnem promulgationem Evangelii, & paulo ultra, pro 4. omnino illicita, & mortifera. Quando inceperit istud 4. tempus dicetur postea.

Objicies contra 4. p. Non solum post mortem Christi, sed etiam post Pentecostem, & in Jerusalem apud ipsos Apostolos adhuc viguerunt cærimonialia legis judicæ; ergo non fuit mortificata, nec mortifera per mortem Christi. Prob. ant. *Vide*, inquit D.

Jaco-

[1] 70. 3.

[2] de sacram. p. 6. c. 4.

Jacobus, [1] quot millia hominum in judæa crediderint, & omnes amulatores sunt legis; sed hoc contigit post promulgationem Euangelii; ergo nequidem tunc fuit mortua, nec mortifera legis observantia.

Respondeo dist. ant. non fuit mortua quoad usum, conc. quoad utilitatem; & efficaciam, neg. ant. fuit quidem tunc licita, sed non fructifera ad justificationem, & gratiam internam. De hoc amplius in seq.

## CONCLUSIO III.

**U**SUS legis veteris non fuit statim illicitus nec post passionem Christi, nec post predicationem Evangelii. Ita Scotus cum suis, & aliis.

Probatur 1. ex Scoto, & Scriptura, Apparet Actuum 21. inquit, ubi legitur de Paulo, qui ascendit in Jerusalem, & ibi de Consilio Jacobi, & aliorum fratrum post 4. Synodum habitam Jerosolymis purificatus secundum legem ascendit templum, & obtulit pro se sacrificium, quamvis solempniter ante jam ibi fuerat Euangelium publicatum: quia ibidem dixit Jacobus, vide, quot millia hominum jam crediderunt in judæa, & omnes sunt amulatores legis; ergo stante tanta publicatione Evangelii ibi, & in ipso Paulo, & in judæis conversis approbatur observatio legis, & ipse Paulus ibidem inter tot Christianos opus legis implevit: quo autem tempore facta fuerit ista Pauli purificatio, & oblatio secundum legem consici potest partim ex textu actuum, & partim ex magistro historiarum. Istud enim fuit ante captionem Pauli per septem dies, sicut patet act. 21. illa autem captio fuit circa principium regni Neronis, quia 3. anno regni Neronis venit secundum magistrum historiarum; Nero autem cepit regnare circa 20. annum post Christi passionem. In tanto autem tempore videtur Euangelium satis publicatum fuisse, & maxime in Judæa, ubi tamen Paulus observavit legalia &c. Lege totum hunc textum, in quo clarè hoc explicat Doctor, & ostendit, quòd diu post publicationem Evangelii mortua quidem fuit lex Moylis, id est inutilis, sed non mortifera, sed tolerata pro Judæis etiam conversis; ut patet de facto Pauli,

Z 2

Pauli,

[1] act. 21. [2] Ibid.

Pauli, qui presentibus, & approbantibus aliis Apostolis observavit legalia.

Confir. hoc 1. ex eadem Scriptura: nam idem S. Paulus ascenderat Jerosolymam ad consulendos fratres Apostolos super factum Concilii, & super questionem, an gentes conversę tenerentur ad observanda legalia; & D. Jacobus tanquam Episcopus Jerosolymitanus tulit sententiam hanc; *Ego iudico non inquietari eos; qui ex gentibus convertuntur ad Deum; & scribere ad eos, ut abstineant se à contaminationibus, ab idololatriis, à fornicatione, à suffocato, & à sanguine, &c.* Inter quatuor hæc prohibita priora duo erant necessaria, sed duo posteriora erant solum congrua, ne Judęi conversi eos abhorrerent, & facilius cum gentilibus conversis in unum corpus Ecclesię convenirent, quia Judęi abhorrebant à sanguine, & suffocato. D. ipse Paulus circumcidit Timotheum; ergo non putavit legem etiam multis annis post publicatum Euangelium esse mortiferam, ut de facto non fuit saltem Judeis, modò non crederent illam esse necessariam, neque utilem.

Objic. 1. Lex Moylis est nunc mortifera, & quidem à longissimo tempore; sed non potest assignari aliud, quàm tempus solemnis publicationis Evangelii; ergo ab eo tempore fuit mortifera. Maj. patet ex concl. precedenti: [1] *Abstet, inquit Ecclesia, ut in illam damnatam hæresim incidamus, quæ perperam affirmabat legem cum Euangelio, & circumcisionem cum baptismo servandam.* Prob. min. nullibi enim legitur alia prohibitio quoad Judęos: nam illa decisio Jerosolymitani Concilii erat tantum pro gentibus conversis, ut patet ex textu allato; ergo vel adhuc esset licita Judęis conversis, vel fuit illicita ex tempore publicationis baptismi.

Resp. neg. min. & conf. prob. Nam inquit Doctor citans illam decretalem; *Ecclesia non iudicaret hæresim, nisi lex circumcisionis fuisset aliquando revocata, imò & à Deo prohibita per revelationem factam Apostolis; videtur, quòd hoc fuit propter aliquam revocationem simpliciter factam à Deo, licet non habeamus præcise tempus talis revocationis, & prohibitionis, nec fuerit simpliciter explicitum in Scriptu-*

ra;

[1] c. majores de bapt.



ra; & id factum est, ne Judæi perfidi haberent inde occasionem asserendi, aut credendi non venisse adhuc Messiam, quandoquidem duraret lex circumcisionis: certum est autem ex textibus allatis, quòd id non accidit statim post Pentecostem.

Objic. 2. D. Paulus in faciem restitit D. Petro, & graviter eum reprehendit, quòd gentes converfas cogeret judaizare, [1] *Dixi Cepha coram omnibus, quomodo gentes judaizare cogis, si tu, cum judæus sis, gentiliter vivis?* scilicet cum Judæi quidam à Jerusalem venissent Antiochiam, ubi Petrus sedebat, hic propter illos segregans se à gentibus observabat legalia, vel observare fingeat cum Barnaba socio Pauli; & iste hoc videns arguebat publicè, & acriter Petrum; ergo ex ipsa Pauli sententia lex Moyſis erat mortifera etiam pro Judæis à tempore promulgationis Euangelii, alioqui injusta fuisset reprehensio, & non verè diceret Paulus, quòd *Petrus reprehensibilis erat.*

Hęc difficultas grande excitavit dissidium inter SS. Ecclesię Doctores Augustinum, & Hieronymum. Putabat iste, Apostolos numquam sincere observasse legalia post promulgatum Euangelium, sed simulatè. Ego dico, & Petrum, & Paulum timore fidelium Judæorum legis exercuisse, imò simulasse mandata: idem dicit de reprehensione Pauli, quę etiam simulata fuit, & ex conjecto inter Apostolos. Augustinus verò dicit, eos id fecisse sincere, *non mentientis astu, sed compatiētis affectu; nec simulatione fallacię, sed compassione misericordię.* Dicebat enim Paulus, [2] *Factus sum judæis tanquam judæus, ut judæos lucrifacerem:* ideò concludit, quòd tunc lex erat quidem mortua, id est inutilis, sed non mortifera, quia licebat Judæis eam exercere non tanquam necessariam, imò neque utilem; sed ex quadam complacentia, & commiseratione in fratres, ut eos sic allicerent ad fidem.

Resp. autem cum Aug. & Scoto verè, & sincere Apostolos inter Judæos legalia servasse aliquandiu post promulgatum Euangelium, & Pauli reprehensionem etiam fuisse sinceram; alioqui si semel admittamus aliquam fictionem in textu sacro, maxima

fit illi injuria, & infirmatur ejus summa certitudo. Certè si Paulus simulatè se purificasset Jerosolymis, & Timotheum gentilem virum circumcidisset: post istud factum, qua fronte potuisset simulationis arguere Petrum? *Necesse est dicere ista verba esse simpliciter vera*, inquit Doctor, *vel totius Scripturæ auctoritas aufertur.*

Inst. 1. In quo ergo peccaverat Petrus? Si observando legalia; ergo & Paulus ipse postea peccavit purificando se legaliter, & circumcidendo Timotheum, & tunc jam erant mortifera, quòd si non peccavit; ergo vel Paulus ipse peccavit injustè arguendo, vel arguebat simulatè, ut scilicet dum Petrus favebat Judæis judaizando cum ipsis, ipse instrueret gentes probando non esse judaizandum.

Resp. Petrum peccasse venialiter saltem vel non conformando se Ecclesiæ, quam fundaverat, & quæ erat ex gentilibus conversis, quibus non licebat judaizare, ex quo id definitum fuerat, vel quia sic cogebat gentiles conversos judaizare contra Decretum Concilii Jerosolymitani, quo statuebatur, ne illud jugum eis imponeretur: cogebat autem, dum ipse summus eorum pastor se subtrahebat, ut Judæis advenis adhæreret, vel enim privabantur suo pastore, vel ei se debebant conformare. 3. quia ante adventum Judæorum ab Jerosolyma vescebat cum gentilibus; & tunc apparuit, quòd non sensit fore abstinendum à gentilibus conversis ad fidem, & in 2. facto ab eis discedebat: seu ostendit, quòd hoc esset faciendum, & id vocat Paulus *simulationem*, in quam traherat alios, inquit Paulus. 4. illa condescendentia cum Judæis decebat summum Ecclesiæ Christi pastorem; *Non utebatur auctoritate pastoris*, ait Doctor, *cum enim esset superior illis nuntiis Jacobi, debet iste constanter tenere veritatem in opere, & eos deducere ad rectitudinem suam potius, quàm propter timorem eorum flecti ad illud, quod eis placebat, & talis timiditas, seu remissio præiati est pro tempore reprehensibilis*: Hanc insinuat textus: *segregabat se ab aliis timens circumcisos*. Non enim ibi erat verè timor quia licebat Judæis non servare legem, & maximè quando erant inter gentes.

Quòd si quæras; an peccarit mortaliter: Respondet

det Doctor, si possint verba Pauli in Scriptura salvare, melius est dicere, quocumque ex illis 4. modis peccaverit; potius fuisse veniale, quàm mortale.

Dices, posse Petrum excusari, quia id faciebat ad vitandum scandalum Judæorum.

Contra. Non enim erat ibi materia scandali perfectis, neque parvulis, sed tantum Phariseis, de quo scandalo non est curandum; de tali actu non debebat scandalizari, nisi male sentiens de libertate Evangelica, quæ non tenebatur, sed potius debebat abstinere à legalibus veteris legis: unde valebat regula juris, *Utilius scandalum nasci permittitur, quàm veritas relinquatur.*

Breviter ergo concludit Scotus *Paulus licitè inter Judæos servavit legalia, etiam multo tempore post tertium Concilium, & hoc fuit licitum, dum tamen ipse non poneret in eis spem, licet non esset utile, nec necessarium necessitate præcepti, nec medii: inter gentes autem gentibus se conformabat, &c.*

Inst. 2. Convenientius est, si amoveatur à principe Apostolorum error, vel peccatum; sed hoc fit, si dicatur cum Hieronymo tam Petrum, & alios simulatè servasse legalia, quàm Paulum reprehendisse Petrum sibi superiorem; ergo ita dicendum est.

Resp. neg. min. Nam neque ad litteram, & sensum Scripturæ id dici potest, neque ad finem excusationis à peccato: non primum, quia revera cum Paulus ex consilio aliorum Apostolorum purificatus est juxta legem, id fecit, non ut id putarent alii, & id ipse videretur fecisse, cum non fecisset, sed ut id scirent, inquit textus; *Et sciunt omnes, quoniam quæ de te audierunt, falsa sunt, sed sequeris hoc ipse custodiens legem.* Profecto si hoc sincerè non dicitur, nihil est in Scriptura, quod ut sincerum capiatur: scire non est putare, & *vellet ut sciam, non est velle ut putent.* Si revera sic legalia reprobaret Paulus, quemadmodum de illo auditum erat, & idè celebranda susceperet, ut actione simulata suam posset occultare sententiam, non diceret Jacobus, *Et, sciunt omnes, sed putabunt omnes, quoniam quæ de te audierunt, falsa sunt* (inquit August.) 2. nec etiam licitè sic potuerant simulare, quia talis simulatio annexum habet mendacium, irreligionem, & scandalum, 1. menda-

cum toties committitur, quoties assumitur signum falsum ad insinuandam falsam opinionem cum intentione fallendi, quod fecissent Apostoli, si voluissent credi servare legalia fingentes ea servare, & adhibentes actus externos legales cum intentione contraria. 2. irreligio committitur per actus contrarios religioni in cultu Dei; sed si putassent ceremonias legales prohibitas in Religione Christiana, exercuissent in cultu Dei actus prohibitos per religionem veram; ergo irreligiosè egissent. Et certè tot SS. Martyres non putarunt sibi licere thurificare idola etiam fictè. Exemplum habemus in Eleazaro Machabeo, qui noluit fingere esum carnis porcinae. 3. ille scandalum dat alteri, qui facto suo confirmat illum in errore, & peccato; sed sic Apostoli confirmassent Judæos in errore, & peccato contra fidem Evangelii, si fictè servassent legalia, quæ de facto credebant prohibita, & peccata; ergo scandalum dedissent illis.

Inst. 3. Quando sic agebat Petrus, acceperat spiritum sanctum; ergo erat confirmatus in gratia; ergo non poterat peccare; ergo nec reprehensibilis esse.

Resp. dist. conf. non poterat peccare mortaliter saltem potentia morali, conc. venialiter, neg. consequ. dixi autem cum Scoto, peccatum Petri fuisse veniale.

Objic. 2. Paulus erat inferior, & subditus Petro, qui erat Princeps Apostolorum, & Vicarius Christi, & caput Ecclesiæ; sed inferior non potest syncerè reprehendere superiorem; ergo reprehensio fuit mystica, & simulata.

Resp. dist. min. ex Aug. non potest reprehendere superiorem cum auctoritate, & juridicè, conc. min. charitativè, seu ex libertate charitatis, neg. min. & ita se gessit Paulus: *Ipse verò Petrus quod à Paulo fiebat libertate charitatis, sancta, ac benigna pietate humilitatis accepit, atque sanctius, & rariùs exemplum posteris præbuit, ut non dedignarentur à posterioribus corripì.*

Constet igitur, legem Moylis mortuam quidem fuisse per mortem Christi, & à fortiori per solemnem publicationem Evangelii, sed non statim fuisse mortiferam, seu illicitam, saltem pro Judæis; sed

tolc.

toleratam per plurimos annos, modò qui exercebant eam, non ponerent in ea spem, nec putarent eam utilem, nec necessariam ad gratiam ullam obtinendam ex operibus illis

## CONCLUSIO IV.

**L** Ex vetus jam mortua est quoad omnia sua præcepta. Est Scotistarum, & aliorum magis communiter.

Supponendum ex Scoto, & omnibus, quod triplicis generis erant præcepta veteris legis, *moralia*, *cæremonialia*, & *judicialia*: *Moralia* pertinebant ad dirigendos mores sub morali regula justitiæ, temperantiæ, & fortitudinis; & hæc continebantur præcipuè in duabus tabulis decalogi, licet alia fortè addita essent, quæ videbantur extra illas, sed facile ad hæc reduci possent. *Cæremonialia* spectabant Dei cultum, & religionem sub divina revelatione, & ordinatione, qualia erant sacramenta, sacrificia, sacra, & observantiæ. *Judicialia* pertinebant ad justitiam rectè administrandam in ordine ad pacificam cohabitationem, & convictum populi sive inter se, sive ad externos. Nam ordinabant 1. principes erga subditos. 2. subditos ad se invicem. 3. populum illum Israeliticum ad extraneos, & 4. singulas familias ad domesticos.

2. Supponitur, quòd eadem præcepta moralia quoad decalogum sicut antea viguerant, utpote quæ sunt de lege naturæ, ut diximus, ita & nunc vigent; sed queritur an ex vi talis legis. Idem est de pluribus judicialibus, imò & de aliquot cæremonialibus, quæ adhuc servantur in lege nova, ut decimæ, primitiæ, &c. His suppositis.

Prob. concl. 1. ex Scoto [1] citato sæpiùs, ex quo patet legem illam fuisse pro solis Judæis, & illam mortuam fuisse in morte Christi, &c. Et clarissime id docet, & probat dicens, *nec moralia, nec cæremonialia, nec judicialia mansisse eadem in lege nova, sed perfectiora. In lege erant moralia, sive legalia, judicialia, & cæremonialia: quantum ad quodlibet istorum potest intelligi verbum Christi: Non veni solvere legem,*

Z 5

sed

*sed implere, quia decalogus simpliciter manet, quem Judæi intelligebant: v. g. illis dicebatur, non occides, nobis nequidem licet dicere fratri Racha: illis prohibebatur mechari, nobis concupiscere mulierem. Judicialia autem manent non in se, sed in æquipollenti quantum ad finem, ut puta de pœna talionis, quæ non sic firmat pacem, quàm condonatio injuriæ, & amor inimici, qui jubetur in nova. Unde breviter nullum judiciale illius legis, seu quatenus illius legis erat, ligat nunc. Licet tamen bene principibus nunc statuerè aliquid, quæ erant de lege Moysis; & illa ligant auctoritate principis nunc statuentis, non auctoritate veteris legis. Sic præcepta novæ legis, quæ erant etiam in veteri, obligant nos ex vi novæ, non autem veteris: cæremonialia autem non manent in se, sed in suis significatis, quia umbra transiit, & veritas successit, &c.*

Prob. 2. ex iisdem locis Scripturæ, quibus probavimus absolute cessionem illius legis; nam indistinctè loquuntur.

Prob. 3. quia, ut dicebamus, lex illa erat pro solis Judæis, & pro illo tempore, nec obligabat eos, qui extra synagogam erant; ergo jam ex vi talis legis ad nullum præceptum tenemur, nec ullum amplius viget, quia Christiani omnes sunt extra synagogam, imò nec illa extitit amplius.

Objic. 1. ex Scriptura. Christus non venit solvere legem, sed implere; sed hoc intelligitur saltem de moralibus; ergo lex quoad moralia viget adhuc.

Confr. Nam quærentibus, quod est mandatum magnum in lege, respondet Christus; [1] *In lege quid scriptum est?* replicant, *Diliges Dominum Deum*; annuit Christus, & addit secundum, *diliges proximum*, &c. Et alias suadet adolescenti circa idem præceptum, *hoc fac, & vires*, id est. possidebis vitam æternam. Item legem Apostolus [2] præcipit Romanis, & Ephesiis eorumdem præceptorum obedientiam; *Honora patrem tuum, & matrem tuam, quod est mandatum primum in promissione*. Idem præcipit S. Jacobus, [3] *Sic tamen legem perficitis regalem secundum scripturas diliges proximum tuum*, &c. ergo hæc præcipiunt; ut præcepta ex veteri lege.

Resp.

[1] Luc. 10. [2] Rom. 13. [3] Ephes. 6.

Resp. ut supra neg. conf. Nec enim in eo sensu hæc dixit Christus, quasi vellet nos ad illa obligari ex vi legis, quam sepeliebat in morte sua, sed quia illam per se, quamdiu vixit, implevit, & quia non tam solvit, quam perficit, & in melius mutat, ut mox vidimus ex Scoto, & eadem præcepta perseverant, non ut à veteri lege statuta, sed ut præcepta legis naturæ, & Evangelicæ, in qua hoc positivè præscripsit, & id solum probatur per alios textus; nullus enim illorum asserit hanc obligationem venire à lege Moysis, sed tantum quod hæc illa docebat suos subditos.

Objic. 2. ex Patribus, & Theologis, qui sæpe utuntur textibus veteris legis, ut adstruant præcepta moralia, v. g. ut usuras damnent, utuntur testimonio Psalmistæ, *Qui pecuniam suam non dedit ad usuram*; ergo præcepta moralia veteris legis adhuc obligant, & vigent.

Resp. neg. conf. vel dist. vigent ex vi legis novæ divinæ, aut Ecclesiasticæ, conc. ex vi legis veteris, neg. conf. nec enim id prætendunt SS. Patres, nec Theologi: cum autem citant hujusmodi textus, eos adducunt ut exempla, & præjudicata ex parte Dei pro Judæis, non autem ut præcepta, quæ nos obligent ex vi talis legis, nam dicebamus ex Scoto, *Rex aliquis videns aliquam legem inter Judæos, vel alios populos esse bonam, & saluarem potest eam statuere pro suis. Et, tunc isti tenebuntur eam observare, non ut latam à Moyse pro Judæis, vel ab alio principe, sed ut latam à proprio rege: ita est de preceptis omnibus, quæ ex veteri lege in novam translata sunt, obligant ex vi istius.*

## QUÆSTIO IV.

*De lege divina nova, seu Evangelica.*

**L**Ex ista dicitur veriùs *lex Christi*, quam præcedens dicatur Moysis, quia iste non fuit auctor, sed purè promulgator veteris; Christus autem fuit verus legislator, & auctor istius, quidquid ablatent hæretici Lutherani, & Calvinistæ, & ex professo videbimus in tract. de Incarnatione, si Deus

dederit: 2. dicitur *Nova*, quia successit Mosaicæ, quæ veteravit, & antiquata est. Unde per eam [1] *vetera transierunt, & nova facta sunt omnia*: nam novus homo Christus venit in mundum, *nova præcepta dedit mundo, & vitæ nostræ veteri contrarietatem opposuit novitatis suæ*; inquit S. Gregor. 3. [2] dicitur *Euangelica* ab Evangelio. Nam Evangelium est *bonum nuntium*, inquit Imperf. bona autem hominibus nuntiantur, quando promittitur eis beatitudo cælestis, peccatorum remissio, adoptio filiorum, mortuorum resurrectio, immortalis vita, &c. 4. *Lex fidei*, quia apertius nobis proponit mysteria divina, v. g. Trinitatis, Incarnationis, &c. *Vobis datum est nosse mysterium regni Dei*, illis autem, qui foris sunt, *omnia in parabolis sunt*, &c. Et in hoc amorem suum singularem ostendit, *Vos dixi amicos, quia omnia, quæcumque audivi à Patre meo, nota feci vobis*. 5. *Lex gratiæ*; nam ipsa est summa gratia, & per eam gratiæ fontes aperiuntur nobis. *Lex per Moysen data est, gratia, & veritas per J. C. facta est*: dicitur etiam *lex amoris*, sicut *vetus lex timoris*.

Quæritur ergo hic, an sub Christo Redemptore detur aliqua lex præceptiva, quæ obliget ad sui observantiam, quænam sint ejus præcepta, & quomodo à lege veteri differat, & quando cæperit obligare, &c. 2. & alia, quæ hic breviter decidemus.

## CONCLUSIO I.

**D**atur *vere lex præceptiva à Verbo Dei incarnato instituta, in Evangelio præcipue scripta, & per Apostolos promulgata*. Est de fide contra hæreticos hujus temporis, qui docent, quod homini Christiano nulla lege opus est, cum per fidem sit liber ab omni lege, & quod non habuit Christus id operis, ac muneris, ut novam institueret legem inquit Calvinus, sed ut ab hominum cervicibus servile illud iugum auferret, &c. & arguit novos Theologos, qui pro liberatore legislatorem, qui nos in durissimam tradat servitutem, suscipiendum docent.

I rob. autem 1. ex Scoto, qui comparans novam legem

[1] 2. Cor. 5. [2] *Heb. 22. in Evan.*



legem cum veteri docet, quòd in nova lege moralia sunt eadem, quæ in veteri, sed magis explicata. Cæremonialia sunt multò pauciora, & leviora, quæ imposita sunt per Christum, iudicialia nulla posita sunt per Christum, sed magis est lex mititatis, & humanitatis, &c. ergo ex Scoto in statu Euangelii habemus veram legem novam à veteri diversam, & per Christum datam, & verè præceptivam.

Prob. 2. ex Script. utriusque testamenti: nam in veteri promittitur Messias allaturus fœdus novum, & legem: [1] *Ecce dies venient, dicit Dominus, & feriam domui Israel, & domui Iuda fœdus novum, dabo legem meam in visceribus eorum. Et, De Sion exibit lex, & verbum Domini de Ierusalem*, quod de nova interpretatur D. Paulus. [2] Item Messias promittitur, ut iudex, & legifer noster. Et in novo ipse Christus jubet, *Mandata mea servate. Et, Si præcepta mea servaveritis, manebitis in dilectione mea: & jubet Apostolis, ut eam doceant omnes gentes, [3] Docete eos servare omnia quaecumque mandavi vobis*: & Paulus dicit, se in lege esse Christi; *Esti enim, qui per Angelos dictus est sermo legis ad Moysen factus est firmus, & omnis prævaricatio, & inobedientia accepit justam mercedis retributionem, quomodo non effugiemus, si tantam neglexerimus salutem?* &c. scilicet si inobedientes legis Mosaicæ puniebantur, quantò magis nos, si hanc, quæ à Christo, & per Christum data est, neglexerimus? ergo verè legem habemus à Christo, & quidem præceptivam, quæ nos obliget: nam si lex nova esset purè directiva, ostendendo scilicet media, & viam salutis, non autem præceptiva, & constans veris præceptis, non obligaret sub pœnis, & quidem majoribus, & à fortiori quàm lex vetus.

Prob. 2. ex Concilio Tridentino [4] definiente, quòd, si quis dixerit nihil præceptum esse in Euangelio præter fidem, anathema sit. Et, Si quis dixerit Christum 1. à Deo datum hominibus ut redemptorem, cui fidant, non etiam ut legislatorem, cui obediant, anath. sit; ergo habemus à Christo veram legem, & verà præcepta alià, quàm quæ fidem imperant.

Prob.

[1] Jerem. 31. [2] Isa. 2. [3] arbi, 8. & 10.

[4] ss. 6. can. 19. & 21.

Prob. 3. Nam Christus fuit Summus Pontifex, & princeps omnium hominum; ergo non solum potuit, sed etiam debuit. leges ejus præscribere, quibus in statu suo regerentur ad finem, ad quem venerat ad eos, & maxime ad cultum divinum, scilicet ad salutem eos. perducendum, patet cons. nam decet summum sacerdotem, & principem sic regere subditos, scilicet optimis legibus, & præceptis. Prob. ant. ex Scriptura; nam in ejus persona dicitur, [1] *Ego autem constitutus sum rex ab eo*, & de illo dicebat Angelus, [2] *dabit illi Dominus sedem David patris ejus, & regnabit in domo Jacob*, &c. Et ipse Christus sibi applicat illud Psalmistæ, [3] *Tu es sacerdos in æternum secundum ordinem Melchisedech*. Et, [4] *Dominus iudex noster, Dominus legifer noster ipso veniet, & salvabit nos*. Et D. Paulus. [5] *Habentes Pontificem magnum qui penetravit cælos, Jesum filium Dei*.

Prob. 2. p. quod sit lex scripta, & præcipue in Evangelio: nam D. Joannes dicit [6] *Hæc scripta sunt, ut credatis, quia I. est Christus filius Dei, & ut credentes vitam habeatis*; loquitur autem de suo Evangelio, in quo habentur omnia credenda, speranda, & agenda ad vitæ æternæ consecutionem. Et Apostolus. [7] *Quaecumque scripta sunt, ad nostram doctrinam scripta sunt*. Et, *Per patientiam, & consolationem scripturarum spem habeamus*. Item Deus per Christum dicitur nobis loquutus: & lex est in sermone non quidem solum vocali, sed scripto, Novissime loquutus est nobis in filio; sicut olim loquebatur in patribus, & prophetis. Et apparuit gratia Dei omnibus hominibus erudiens nos, &c. Et, [8] *si manseritis in sermone meo, verè discipuli mei eritis; si quis sermonem meum servaverit, &c.* ergo lex nova vere scripta est.

Dixi maxime in Evangelio; nam plura habemus etiam scripta in litteris Apostolorum, in actis, & Apocalypsi, & alia ex traditione, quæ Apostoli ab ipso Christo ore tenus acceperunt; & alia successive ab Apostolis usque ad nos: sed de hoc alias.

Prob. 3. p. Nam ex Evangelio constat, Christum

[1] Ps. 2. [2] Luc. 1. [3] Matth. 22.

[4] Isa. 35. [5] Hebr. 4. [6] Jo. 20.

[7] Rom. 35. [8] Jo. 16.

Apostolos destinasse in mundum universum *predicare Euangelium omni creaturæ*; nec de hoc dubitatur.

Objicies 1. Christus venit potius, ut redimeret nos à lege, quàm ut subiceret legi; *Misit Deus filium suum natum ex muliere factum sub lege*, ut eos, qui sub lege erant, redimeret, unde exclamabat Calvinus, *ò miserabilem iustitiam! ò perniciosum errorem prædicantium Christum novum legislatorem; quasi veterem legem abrogaveris, ut novam Christianis imponeres*, &c. Item, *Lex per Moysen data est, gratia, & veritas per Jesum Christum facta est*; ergo Christus venit non ut legislator, sed ut liberator hominum à legis servitute.

Resp. dist. conf. à servitute legis Mosaicæ, quæ est lex servitutis, conc. & de ista loquuntur isti textus; à subiectione legis novæ, quæ est lex gratiæ, & liberatis, neg. conf. & de hac non loquuntur illi textus. Lex vetus erat lex servitutis, non solum ob multitudinem, & duritiem præceptorum, sed etiam ob raritatem, & debilitatem mediorum, & auxiliorum, nova autem dicitur gratiæ, & libertatis tum propter paucitatem præceptorum, tum quia dat auxilia ad faciendâ ea, quæ jubet: idèò jugum, sed suave, onus, sed leve, & ipse clamat; *Venite ad me omnes, qui laboratis, & onerati estis, & ego reficiam vos, tollite jugum meum*, &c. Videat Calvinus, si sit error prædicantium Catholicorum, qui cum Scriptura, & Christo ipso loquuntur.

Inst. ex Apostolo *Non estis sub lege, sed sub gratia*, &c. *si spiritu ducimini, non estis sub lege*: ergo qui spiritu Dei ducuntur, ut christiani omnes, non habent legem.

Resp. ut supra, neg. conf. Nam, inquit Aug. *Non sumus sub lege veteri bonum quidem iubente, non tamen dante; sed sumus sub gratia, quæ id, quod lex jubet faciens nos amare, potest liberis imperare*. Idèò non tam sumus sub lege, quàm cum lege, quia lex ipsa gratiæ nobiscum agit per gratiam Christi, quam secum affert. Nonne ipsemet agnoscit legem Christi, cum dicit, *Alter alterius onera portate, & sic adimplebitis legem Christi*.

Objic. 3. alios textus: v. g. [1] *ubi spiritus Domini*,

[1] 2. Cor. 4.

*Ibi libertas ab obligatione legis: non enim accepistis spiritum servitutis, sed spiritum adoptionis filiorum: præcepta non dantur filiis, sed servis, & subditis, & dicitur quidem lex, sed libertatis. Denique iusto non est lex posita; ergo nec christianis, qui per baptismum, & fidem iustificati sunt.*

Resp. eodem modo ad textus istos, & similes; scilicet quod per [1] *spiritum gratiæ Christi liberati sumus à servitute legis Mosaicæ, quæ erat lex timoris, & servitutis, quia ejus observatoribus, & contemptoribus non proponebat nisi pœnas, & mercedes temporales: nova autem non proponit nisi spirituales, & ex amore implenda sunt præcepta; idcirco dicitur lex libertatis, & amoris.* [2] *Si præcepta mea servaveritis, manebitis in dilectione mea: Qui habet mandata mea, & servat ea, ille est, qui me diligit: Et hunc spiritum, quo timore filiali, & amore ducimur, non timore pœnarum temporalium, accepimus in baptismo.* Ultimum locum sic exponit S. August. [3] *Fuit non est sub lege, quia in lege Domini est voluntas ejus: qui enim sub lege est, secundum legem agitur; ergo ille liber est, iste servus, qui est sub lege, quia portat legem ut onus, ille portatur à lege, in qua quiescit ejus voluntas.*

Objices 3. Lex ista vocatur Evangelium, id est bonum nuntium; quia promittit vitam æternam per fidem; quod non faciebat vetus, nisi sub conditione mandatorum ejus; ergo ista non est præceptiva nisi per fidem.

Respondeo neg. conf. Nam per excellentiam dicitur Evangelica non propter solam fidem, sed propter innumera spiritualia, quæ promittit, ut beatitudo cœlestis, peccatorum remissio, adoptio filiorum, resurrectio mortuorum &c. nec propter solam fidem, sed etiam propter alia bona opera, & maxime charitatis, quæ præcipiuntur; *Hæc mando vobis, ut diligatis invicem, &c. Ego autem dico vobis, diligite inimicos vestros, ut sitis filii Patris vestri, qui in cœlis est: Qui habet mandata mea, & servat ea, ille est, qui diligit me.*

Objic. contra 2. p. pro S. Thoma, [4] qui docet hanc legem

[1] Gal. 5. [2] Jo. 15. [3] in ps.

[4] 1. 2. q. 105. a. 1.

legem non esse scriptam; sed inditam. Lex nova est lex novi testamenti; sed ista est indita in mentibus fidelium; ergo non est scripta, sed indita. Prob. min. ex Apostolo. [1] *Hoc est testamentum, quod ponam domui Israel post dies illos, dabo leges meas in monte eorum, & in corde eorum superscribam*; sed loquitur de lege nova; ergo hæc est indita saltem principaliter, & primariò.

Confir. ex Apostolo, [2] qui docet eam esse *legem fidei*, quæ tota est interior: & quòd *lex spiritus vitæ in Christo liberavit me à lege peccati*. Unde Aug. docet, [3] quòd *sicut lex factorum scripta fuit in tabulis lapideis, lex fidei scripta est in cordibus fidelium. Quæ sunt leges Dei ab ipso Deo scriptæ in cordibus, nisi ipsa præsentia Spiritus Sancti*? scilicet lex nova, cum sit lex gratiæ, quæ in cordibus residet.

Respondeo neg. min. loquendo de *indita*, prout excludit signa externa vocis, aut scripturæ, per quæ objectum aliquod percipitur ab anima; sicut de lege naturæ dicitur, quòd sit *indita*; quia non docetur exterius, nec ab extra venit in mentem per voces, aut scripturas. Ad Apostolum dico, legem hanc præ veteri dici mentibus inscriptam, quia per Spiritus Sancti unctionem maxime se insinuat in animos, ipsisque inhæret, verbis, & scriptis plantatur; sed Deus internè dat incrementum. Non sic erat de veteri, quæ statim scripta est in tabulis lapideis digito Dei, seu per Angelos, aut Moysen. Eodem sensu loquitur Augustinus.

Idem resp. ad confir. Nam dicitur *lex fidei*, & *gratiæ*, quia fidem, & gratiam abundantem secum affert in comparatione veteris, quæ sterilis erat, & per mysteria redemptionis, quæ annuntiat, & continet.

Objic. 2. Unaquæque res videtur esse, quod in ea est potissimum, ex Phil. sed gratia Spiritus Sancti, quæ datur per fidem, est potissimum in lege nova, & hæc gratia inspiratur, non scribitur; ergo lex principaliter est indita, seu inspirata, non verò scripta, nisi secundariò, quatenus habet quædam sicut dispositiva ad gratiam, & ad usum ejus pertinentia, quæ sunt secundaria in illa lege, & de quibus instruendi sunt fideles verbis, & scriptis.

Resp.

[1] Hebr. 8. [2] Rom. 3. & 8. [3] de spir. & litt.

Resp. dist. min. est potissimum in lege causaliter ; conc. min. formaliter , neg. min. gratia Spiritus Sancti est principalis effectus legis , quatenus eam secum trahit à Deo , & continet sacramenta , quæ illam causent , & præcepta , per quæ mereamur eam . Fatetur ipse D. Thomas ; sed malè confunditur effectus legis cum ipsa legis entitate formali .

## CONCLUSIO II.

**L** Ex nova præter præcepta moralia decalogi , quæ renovat , & ampliat , continet etiam alia quædam tam positiva , quam negativa , ut sunt vel sacramentalia , vel moralia , vel fidei , & præter hæc continet consilia .

Prob. 1. ex Scoto. [1] Decalogus simpliciter manet , sed perfectius exponitur , quàm iudæi intelligunt . ut patet Matthæi 5. audistis quia dictum est antiquis , non occides , ego autem dico vobis , quicumque dixerit fratri suo Racha , reus eris . Similiter dictum est , non mœcaberis , ego autem dico vobis , quicumque viderit mulierem ad concupiscendam eam , iam mœchatus est in corde suo , &c. Vides eadem præcepta decalogi præcipi modo perfectiori , quàm intelligerent iudæi : & plura addit cap. 6. & 7. ejusdem Evangelistæ .

Prob. 2. ex Script. nam adolescenti quærenti quid faciendo vitam æternam possidebo ? respondet Christus , in lege quod scriptum est : ille , diliges Dominum , &c. recte respondisti , ait Christus ? hoc fac , & vires ; ergo etiam in lege nova dantur illa præcepta , & adhuc obligant , non quidem ex vi prioris legis , sed ex vi legis naturæ , quæ indefectibilis est , & novæ , in qua hæc Christus renovavit .

Prob. 3. p. nam ex locis citatis à Scoto patet , quòd ea præcepta novis quibusdam explicationibus , & ampliationibus Christus tradidit : v. g. cum præceptum non occides extendit ad prohibitionem injuriarum ; non mœcaberis ad prohibitionem actus interni concupiscentiæ , & desiderii fornicandi ; & præceptum dilectionis proximi ad dilectionem etiam inimici ; ergo in lege nova præcepta decalogi præcipiuntur cum perfectioribus explicationibus , & ampliationibus .

Prob.

[1] 4. d. 3. q. 4. Q. n. 19.

Prob. 4. p. de aliis præceptis extra decalogum: nam inquit Scotus. *ceremonialia veteris legis non manent in se, sed in suis significatis*; scilicet habemus præcepta sacramentalia, v.g. baptismi pro omnibus juxta illud, *Nisi quis renatus fuerit ex aqua*; & *Sp. S. non potest introire in regnum Dei*. Et, [1] *docete gentes baptizantes eos*, &c. 2. Eucharistiæ pro adultis; *nisi manducaveritis carnem filii hominis, & biberitis ejus sanguinem, non habebitis vitam in vobis*, & sic de aliis, ut videbimus l. 4.

De præcepto fidei patet, [2] *Qui credierit, & baptizatus fuerit, salvabitur, qui vero non crediderit, condemnabitur*. Et, [3] *Si non credideritis, quia ego sum, moriemini in peccato vestro* &c.

Dices. Fuit etiam fides in Deum necessaria pro omni lege, & statu; ergo quoad hoc nihil est speciale in lege nova. Prob. ant. *Sine fide impossibile est placere Deo*; ergo &c.

Contra: quia in lege naturæ, nec Moyſis fidei mysteria non fuerunt sic explicitè proposita, maxime trinitatis, & incarnationis, & redemptionis; ergo hæc sunt specialia in hac lege; in qua hæc magis explicitè tenentur christiani credere, & quidem incarnationem, & redemptionem non ut futuram, ut Judæi, & Patriarchæ, sed ut peractam. Idem est de sacramentis, & eorum necessitate, ac efficacia.

Prob. denique 5. p. 1. ex Scoto [4] id supponente, cum ait, quod generaliter promulgatio de consilio *divino obligat ad non contemnendum*; qui enim consilium contemnit, contemnit consulentem, in quantum consulentem, & ideo nolens servare consilium Evangelicum, quasi contemnens illud tanquam irrationabile, & infructuosum, peccat mortaliter. Inter hæc autem numerantur maxime hæc tria, paupertas, obedientia, & castitas.

Prob. 2. ex Script. de Virginibus præceptum Domini non habeo. consilium autem do, &c. inquit Apostolus; quod colligit ex Evangelio, & verbis Christi dicentis, *sunt Eunuchi, qui se castraverunt propter regnum celorum: qui potest capere capiat*. Item, *Si vis perfectus esse, vade, & vende omnia, quæ habes, &*

aa

[1] Jo. 6. [2] Mar. 16.

[3] Jo. 8. [4] Ibid. E. ...

*da pauperibus*, & sic de aliis, quæ non præcipiuntur ut necessaria, sed consuluntur ut utilia ad perfectionem, & valde salutaria.

Objic. 1. pro hæreticis, qui putant Christum nos liberasse ab obligatione veteris legis quoad præcepta decalogi, quia putant ea impossibilia. [1] *Christus nos redemit de maledicto legis*: ergo hæc non debent censi præcepta pro statu legis novæ.

Respondeo neg. conf. Nam quod præcepta non sint impossibilia, videbimus suo loco. Et cum dicitur, *nos redemisse de maledicto legis*, sensus est, quod nos liberavit à maledictione, & morte, quam incurrerant transgressores legis veteris, quatenus meruit nobis auxilia abundantiora, & efficaciora ad eam servandam, & ipsamet secum affert gratias novas, ut dictum est.

Objic. 2. pro eisdem: sufficit sola fides ad salutem: ergo non dantur alia præcepta. Prob. ant. [2] *Iustus ex fide vivit*. Et, [3] *Crede tantum, & salva eris*, &c. Et, *Iusto non est lex posita*.

Resp. neg. ant. & conf. prob. Nam 1. iustus vivit quidem ex fide, sed non sola. 2. ly, *crede tantum* non est ad propositum exigebat fidem à patre, ut filiam ejus suscitarret. 3. jam diximus, quo sensu dicatur; quod iusto non est posita lex.

### CONCLUSIO III.

**L** Ex nova omnibus est necessariò recipienda de necessitate salutis, imò & observanda.

Prob. 1. ex Script. [4] quæ ad omnes, nullo excepto, cujuscumque nationis, vel conditionis sic loquitur dicens, *Qui non crediderit, condemnabitur*: & Christus mittit Apostolos, [5] ut doceant omnes gentes in mundum universum: pro omnibus dicitur, [6] *nisi quis renatus fuerit ex aqua* &c. sicque baptismus est omnibus necessarius necessitate medii ad salutem. Item, [7] *An Judæorum Deus tantum?* Nonne & gentium; imò & gentium, quoniam quidem unus est Deus &c. scilicet sicut unus est Deus omnium, ita & legem hanc gratiæ, & salutis dedit pro omnibus, & omnes tenen-

[1] Gal. 3. [2] Rom. 1. [3] Luc. 8. [4] Mar. 16.

[5] Matth. ult. [6] Jo. 1. [7] Rom. 4.



tenentur illi obedire. Idem prædicebant Prophetæ. *Fluent ad eum omnes gentes; exhibunt populi multi; & dicent: ascendamus ad montem Domini, & ad domum Dei Jacob, quia de Sion exhibet lex, &c.*

Confir. Nam docet Apostolus, Deus vult omnes salvos fieri, & in cognitionem veritatis venire; quia unus est Deus omnium. Item, Christus pro omnibus venit, & mortuus est; ergo vult legem suam omnibus imponi, & servire, & ab omnibus observari: Unus enim mediator omnium homo Christus. Non tamen singuli ad singula ejus præcepta obligantur; sed omnia prorsus obligant omnes in communi, & collectivè, aliqua verò singulos per distributionem accommodam secundum diversos status, & conditiones: v. g. præceptum baptismi omnes, & singulos obligat: Præceptum confessionis solos adultos, & lapsos in peccatum post baptismum. Item non omnes matrimonii juribus subsunt, sicut nec omnes sunt sacerdotes.

## CONCLUSIO IV.

**L**Ex nova in aliquibus convenit, & in multis differt à veteri, in quibus absolute præcellit eam, & longè mitior, ac levior est.

Prob. 1. p. 1. ex Scoto: [1] quia 1. quoad moralia in lege nova eadem, quæ tunc, sed magis explicata. 2. idem finis, scilicet Christus in veteri relatus, & figuratus, & in nova revelatus. [2] Finis legis Christus ad iustitiam omni credenti; & hominis salus sanctificatio. 3. eadem causa, scilicet Deus utriusque auctor, utraque divina est, & Christus utriusque causa meritoria. Nam si quæ gratia ex veteri percipiebatur, maximè ex sacramentis à Christi meritis, & fide in eum venturum pendebat; ergo in aliquibus conveniunt.

Prob. 2. p. Nam 1. vetus [3] per Moysen data est, ista per Christum, qui fuit legislator, & redemptor, & primus promulgator. 2. vetus debilior, inefficacior, & imperfectior; nova fecundior per gratias abundantiores: nam passio Christi exhibita plus meretur  
de

[1] 3. d. 40. B. n. 3. [2] Rom. 10.

[3] Ibid. F. n. 7.

de gratia credentibus eam jam exhibitam, quam ipsa ut exhibenda meruit illis, qui crediderunt eam exhibendam, inquit Doctor: & ideo sacramenta nostra, quæ habent efficaciam ex merito passionis exhibitæ, plus conferunt de gratia, quàm sacramenta veteris legis. 3. in nova majorem efficaciam habent sacramenta, quæ gratiam conferunt tam ex opere operato, quam operantis, quam vetera non conferebant nisi ex opere operantis, excepto fortè sacramento pro infantibus, & peccato originali, de quo alias. 4. plura habemus adiutoria gratiæ, quia plura sacramenta; nam illi præter matrimonium (si tamen fuit illis sacramentum) nullum habuerunt nisi circumcisionem; & hoc pro remedio contra originale: post verò recidivationem, si mereri potuerunt gratiam aliquo motu proprio, bene quidem, sed ad gratiam acquirendam nullum tunc habuerunt sacramentum poenitiæ institutum apud eos: nos autem habemus septem sacramenta, & quidem efficacissima. 4. Habemus in nova doctrinam explicativam, & declarativam veritatis, & exempla sanctorum plura, & efficaciora ad incitandum. 5. plura merita sanctorum, qui fortè non tantum sibi, sed & nobis meruerunt, & nos etiam meremur invocando auxilium eorum, & intercessionem apud Deum. 6. nobis promittit lex nova explicitè vitam æternam, & alia bona spiritualia, in veteri autem vel rarò, vel numquam promittebantur nisi bona temporalia; ideo servilis erat. 7. gratia in nova lege constituit simpliciter filios Dei adoptivos, non sic illa, juxta Apostolum; [1] *Non enim accepistis spiritum servitutis iterum in timore, sed spiritum adoptionis filiorum*. Et, [2] *Cum essemus parvuli sub elementis mundi huius eramus servientes, at ubi venit plenitudo temporis, misit Deus filium suum, ut adoptionem filiorum reciperemus*: ergo in his, & aliis multis lex nova differt, & præcellit veterem. 9. denique lex vetus temporanea fuit, nova erit æterna, novum, et æternum testamentum, numquam finietur nisi cum mundo; ergo in his & aliis multis lex nova differt, & præcellit veterem.

Prob. 3. p. de majori suavitate r. ex Scriptura [3] nova lex dicitur *jugum suave*, & onus leve vetus e

con-

[1] Rom. 8. [2] Gal. 4. [3] Matth. 11.

contra onus grave; [1] *Quare vultis nobis imponere onus grave, quod neque patres nostri; neque nos portare potuimus?* Nam licet moralia præcepta sint eadem in nova, aut forte arctiora, & magis explicata, ut diximus; tamen aliunde sunt perfectiora, & habemus longè plura, & maiora auxilia, quæ difficultatem minuunt; ex alia verò parte etiam levior est; nam nova non habet tot præcepta caeremonialia externa, non prohibentur tot cibi, & tot actiones, ut tactus mortuorum, quibus legaliter polluebantur iudei, & egebant importunis purificationibus. Denique lex nova nulla habet judicialia præcepta; ergo in hoc levior est.

Objic. contra hanc partem. Opera, quæ lex nova præcipit, sunt perfectiora; ergo & difficiora. Probant. in veteri sufficebat non occidere; in nova non licet irasci, at virtus est circa bonum arduum; ergo quò perfectus est opus, ad quod lex obligat, eò difficilior; ergo & lex gravior.

Resp. dist. conf. cæteris paribus, conc. conf. aliter, neg. conf. nam quando adsunt nobiliora, & ampliora auxillia gratiæ, facilius est christiano propter Deum omnia relinquere, quàm diviti avaro dimittere nummum etiam ex necessitate. *Iugum Christi amanti suave est, Dominus dat suavitatem*; & ut dicebat David; *Viam mandatorum tuorum cucurri, cum dilatasti cor meum*, scilicet inspirando amorem.

## CONCLUSIO ULTIMA.

**I**n lege nova nulla humana potestas potest proprie dispensare, Dico nulla potestas humana, nec enim dubium est 1. quin Christus ipse eadem potestate, qua illam instituit, posset & abrogare, aut dispensare, aut revocare, saltèm in his, quæ ipse statuit. 2. quin potuerit eandem potestatem hominibus, vel Ecclesiæ suæ committere; sed conclusio est de facto, quòd scilicet nulli eam potestatem dederit.

Prob. 1. ex Scoto, [2] quia *nulli inferiori licet in lege superioris dispensare*; sed omnes homines sunt inferiores Christo; ergo nullus potest dispensare in lege divina novà.

Prob.

[1] *Act. 15.* [2] *4. d. 25. q. 3. G. n. 8.*

Prob. 2. quia jus illud dispensandi in homine, etiam in Papa, non constat neque ex Script. neque ex traditione ulla, neque ex usu, vel consuetudine; ergo non potest asseri: ant. patebit ex solutione objectionum.

Prob. 2. ex ipsis SS. Canonibus: nam si quis homo id posset, maxime Summus Pontifex; sed ipse Papa declarat se id non posse; ergo nullus homo id potest.

Prob. min. Nam Sanctus Leo Papa declarat, [1] *ne in dubiis quidem posse quidquam statui præceptis euangelicis contrarium*: & Urbanus, *Summopere sciendum est, quia inde Romanus Pontifex novas leges condere potest, unde euangelistæ aliquid, & propheta nequaquam dixerunt; ubi vero aperte Dominus, vel ejus Apostoli, & eos sequentes SS. Patres aliquid definierunt, ibi novam legem Romanus Pontifex dare, sed potius quod prædicatum est usque ad animam, & sanguinem confirmare debet, si enim quod docuerunt Apostoli, & Prophetæ, destruere (quod absit) niteretur, non sententiam dare, sed magis errare convinceretur*. Imo Zozimus [2] fatetur, nequidem posse condere, nec mutare contra statuta Patrum. Idem asserit Marcellinus, scilicet, *nec quidquam contra Evangelicæ, vel Propheticæ, aut Apostolicæ doctrinæ constitutionem*: & Alexander III. loquendo [3] de usuris, in quibus non dispensat, dicit, *quod cum usurarum crimen utriusque testamenti pagina detestetur, super hoc dispensationem aliquam posse fieri non videmus*.

Objic. 1. Christus concessit Petro, & successoribus illimitatam potestatem: *Quodcumque ligaveris, & quodcumque solveris* &c. ergo Papa potest dispensare in omni lege divina.

Resp. neg. conf. Nam illa potestas ligandi, & solvendi intelligitur de peccatis, & pœnis eorum, quæ retinere, aut solvere potest, non de legibus: alioqui nihil penitus esset reservatum pro ipso, nequidem in præceptis legis naturæ; nam idem esset iudicium de his, atque de aliis.

Objic. 2. De facto Papa dispensat in votis; sed hæc sunt de lege divina; nam præcipit, *Vovete, & reddite Domino Deo*: ergo & in aliis.

Resp. dist. ant. dispensatione impropria, conc. ant.

[1] Ep. 90. c. *sicut quædam dist.* 14. 25. 7. 1. c. *sum. quidā*, pro-

[2] *Contra statuta* [3] c. *in ferret, de usuris*,

propria, neg. ant. de quo patet ex dictis de dispensatione. Dispensatio impropria fit vel per Epichejam interpretando legem, dicendo, quod in tali, vel tali casu lex non obligat; seu quod legislator non intendit obligare; & hanc potestatem communiter agnoscunt Theologi in Papa pro legibus etiam divinis, per clavem scientiæ simul, & jurisdictionis; & propterea in conclusione dixi, quod *nulla humana potestas potest propriè dispensare*; quod autem possit improprie, doceant, ut dixi, communiter DD. Nam interpretatio legum solet committi rectoribus reipub. sed Papa est Summus Rector Reipublicæ Christianæ, saltem in spiritualibus; ergo, &c.

## DISPUTATIO IX.

*De lege positiva humana.*

**D**IXIMUS dari leges, quas divisimus in naturales, & positivas; & has in æternas, & temporarias; & rursus istas in divinas, quæ à Deo sunt, ut vetus, & nova; & humanas, quæ sunt ab hominibus: & de his restat agendum, & quidem primò de illis pauca prælibabimus in communi, antequam ad ultimas species descendamus.

## QUÆSTIO I.

*An, & quid sit lex humana; an sit in hominibus potestas legislativa, & unde.*

**M**AXIMA pars hujus quæstionis patet ex dictis supra de legibus in communi, ubi dedimus divisiones, & definitionem legis, & conditiones ejus expendimus, & probavimus contra hæreticos dari in hominibus potestatem legislativam, & verè obligativam, scilicet in Papa pro tota Ecclesia, in aliis Prælatibus pro suis diocæsi-bus quoad spiritualia; & in summis Principibus, atque communitatibus perfectis secularibus in suis statibus, & pro suis subditis quoad temporalia; & quod hæc leges obligant in conscientia, id est sub peccato: nam ex definitione legis in communi facile patebit, quid competat legi humanæ positivæ.

Porro lex humana largè, & improprie sumitur pro quovis rationis humanæ dictamine, seu decreto vi rationationis naturalis elicitò ex principio legis naturalis, quo regulantur actiones humanæ: & hoc sensu spectat ad legem naturalem; sed proprie sumitur pro decreto emanato ab homine habente potestatem, quo aliqua generaliter præcipiuntur, aut prohibentur; & hoc sensu dicitur *lex positiva humana*.

Igitur lex humana describi potest *Regula constans, & vera honestæ operationis ab homine potestatem habente præscripta, & obligans ad aliquid faciendum, vel omittendum*. Id patet ex descriptione prædictæ legis in communi, cui nihil additur præter particulam, *ab homine potestatem habente præscripta*, per quam exprimitur differentia limitans descriptionem generalem, & constituens istam distinctam à legibus divinis positivis; & hæc sufficiunt pro 1. p. quæstionis.

Quoad 2. verò probatum est etiam, quòd potestas legislativa residet in hominibus; sed restat videndum, unde illa deriveretur.

Potestas describitur *facultas quedam propinqua ad exercendam aliquam operationem in aliquo supposito*. Sic in Architecto potestas domificativa est facultas, qua proximè, & quando voluerit, potest còstruere domum: sic potestas jurisdictionis, de qua hic agitur, (1) est facultas propinqua dicendi ius, seu ferendi sententiam, aut legem etiam in invitum. Alia (2) est spiritalis jurisdictionis Ecclesiasticæ, & est potestas à Christo data Apostolis, & eorum legitimis successoribus supernaturaliter, & specialiter ad ædificationem Ecclesiæ suæ militantis secundum leges Evangelicas pro consecutione felicitatis æternæ. Alia secularis, seu laica, & est facultas à populo ex successione hereditaria, vel ex electione alicui tradita ad ædificationem communitatis quoad res civiles, & secundum leges item civiles pro consecutione convictus pacifici: sic definit Gerson apud Almainum. De utraque quæritur unde sit, quamvis satis hoc colligatur ex allatis definitionibus.

CON.

[1] Alm. de pot. Eccle. [2] Ibid.

## CONCLUSIO I.

**P**otestas legislativa tam civilis, quam Ecclesiastica, seu spiritualis est à Deo; civilis quidem mediante populo, spiritualis verò immediatè.

Prob. 1. ex Scoto. (1) Nam ad legem justam requirit in legislatore prudentiam, & auctoritatem; quomodo autem auctoritas justa habeatur, quæ requiritur ad legem justam, sic concludit: Duplex est principatus, & auctoritas, scilicet paternus, & politicus; & politicus duplex, scilicet in una persona, vel communitate. 1. seu paternus iustus est ex lege natura, quæ omnes filii tenentur parentibus obedire; nec ista per legem aliquam Mosaicam, vel Evangelicam est revocata, sed magis confirmata: Auctoritas verò politicus, quæ est super extraneos, sive in una persona resideat, sive in communitate, potest esse iusta ex communi sensu, & electione ipsius communitatis. 1. resp. cit. consensum naturalem, quamquam non cohabitantes civiliter. 2. resp. cit. cohabitantes quantumcumque nulla consanguinitate, vel propinquitate conjunctos; & ista auctoritas politica civilis venit immediatè ab electione populi.

Quantum ad potestatem Ecclesiasticam docet, (2) quod in Ecclesia est duplex forus, unus secretissimus, in quo idem accusator est reus, & alius forus publicus; quia & Ecclesia habet auctoritatem corrigendi delicta publica, & ibi requiritur auctoritas, (scilicet ligandi, & solvendi) de hac potestate data Ecclesiæ habetur, dicente Christo ad Petrum, si peccaveris in te frater tuus, dic Ecclesiæ, si Ecclesiam non audierit, sit tibi sicut Ethnicus, & Publicanus. Et sequitur; (3) Amen dico vobis, quæcumque alligaveritis s. p. r. terram, erunt ligata & in cælis: & quæcumque solveritis super terram, erunt soluta & in cælis: ergo hæc potestas in Ecclesia est immediatè a Deo, & in populis est laica.

Prob. 2. tota concl. ex Scriptura. (4) Audite reges, quoniam data est vobis a Domino potestas: & Christus; Non haberes in me potestatem, nisi tibi datum esset de super. Et, Omnis anima potestatibus sublimioribus sibi

A a 2

dita

[1] 4.d.6.q.2.E.n.6. [2] 4.d.19.q.1.K.n.11.

[3] Matth. 18. [4] Rom. 13.

*dicta sit; non est enim potestas, nisi à Deo. Itaque qui potestati resistit, Dei ordinationi resistit; ergo omnis potestas legislativa tã civilis, quã Ecclesiastica est à Deo. Item, (1) Per me reges regnant, per me principes imperant, & legum conditores iusta decernunt: & de se David (2) fatebatur; Ego autem Rex constitutus sum ab eo. Hoc probat de potestate civili.*

*Confir. ex illo loco Ezechielis. (3) Suscitabo super eos pastorem unum, qui pasciat eos, servum meum David; ipse pascet eos. Ego autem Dominus ero eis in Deum, & servus meus David princeps in medio eorum. Item D. Petrus monet Christianos: Subiecti estote omni humanæ creaturæ propter Deum, sive regi præcædenti, sive Ducibus ab eo missis. Denique monet Deus ipsos reges suam ab ipso potestatem agnoscere acceptam; (4) Audite ergo reges, & intelligite; discite iudices finium terræ, quoniam data est à Domino potestas vobis, & virtus: quod sic exponit Glossa: Potestas iudiciaria in terra quoad sententiæ definitionem, & virtus puniendi quoad potentiæ executionem, vel potestas in causis civilibus, & virtus in criminalibus data est vobis ab Altissimo, qui interrogabit opera omnia. Hæc maximè probant de potestate laica, & civili.*

*Quoad Ecclesiasticam autem ratio particularis est, quia cum illa sit spiritualis, & extendatur ad animas, non potest esse nisi à Deo. Unde dicitur Petro, (5) Tibi dabo claves regni cælorum, quodcumque ligaveris, &c. Item, (6) Pásce oves meas, pásce agnos meos. Item, (7) Sicut misit me Pater, & ego mitto vos, id est cum simili potestate ad gubernandam Ecclesiam, & fideles. Quis putas est fidelis servus, & prudens, quem constituit Dominus super familiam suam? Et Apostolus (8) docet, quòd nec quisquam sumit sibi honorem, sed qui vocatur a Deo tamquam Aaron. Denique Christus vult seipsum æstimari, loqui, audiri & sperni in Apostolis, & Prælatís, (9) Qui vos audit, me audit, qui vos spernit, me spernit: & ideo in Conciliis, cum decernunt, & statuunt aliquid, dicunt, Visum est Spiritui Sancto, & nobis, ut significant se vice*

[1] Prov. 8. [2] Ps. 20.

[3] Ezech. 34. [4] Sap. 5.

[5] Matth. 16. [6] Jo. 21.

[7] Luc. 12. [8] Hebr. 5. [9] Luc. 10.



vice Dei loqui; ergo potestas Ecclesiastica legislativa est à Deo immediatè.

Prob. 2. p. scilicet quòd civilis sit à Deo mediatè: Nam ut ex Scoto videbamus, potestas ista ordinariè, & originaliter venit ab electione populorum, qui convenientes in unam civitatem, aut provinciam, & videntes se non posse bene regi sine aliqua auctoritate, poterant concorditer consentire, ut vel uni personæ, vel pluribus committerent illam communitatè, & uni vel pro se tantum, & successores eligerentur, sicut ipse, ut faciunt Poloni, vel pro se, & tota sua posteritate, ut in aliis regnis, ubi coronæ sunt hereditariæ; ergo hanc Deus dat mediante populi electione.

Prob. 2. Nam si hæc potestas legitima veniret aliunde immediatè, hanc haberent vel à Deo, vel à natura; sed neutrum dici potest; ergo immediatè est à populis. prob. min. non à Deo, quia licet divinæ providentiæ beneficium sit, ut nobis dentur tales reges, & principes, tamen de via ordinaria id non facit, nisi ex populorum consensu, & libera electione; ut de facto videmus contigisse de omnibus, quos agnoscamus. Dico, de via ordinaria: non enim dubitamus, quin Deus possit reges, & principes immediatè, & se solo constituere; & ita videtur constituisse Moysen, & Josue, & Saul, & David; imò & hos quidem elegit, & designavit, sed accedente populi electione, & consensu, ut in Saul mediantibus fortibus, & in David, qui 1. unctus est à viris Juda, ut regnaret super domum Juda, deinde à toto Israele. Idem est de Salomone, & Jesu: & sic prædixit, & statuit: *Moses cum ingressus fuisset terram, & eam possederit, & constituam super te regem*, &c. 2. non à natura, & per se; quia omnes à natura nascuntur liberi; ergo nullus in alterum habet auctoritatem jure naturæ; ergo restat, ut hanc habeant ex populorum voluntate, Deo tamen sic disponente. Deus siquidem hanc inclinationem hominibus indidit, ut auctor naturæ, ut convenient in societatem, & communitatem unam. Nihil principi Deo in rebus humanis est gratius, quàm homines habere inter se societatem ordinatam, & perfectam, aiebat Cicero; (2) non potest autem esse

ordinata, & perfecta societas, nisi in ea sit, & videatur suprema auctoritas, ad quam ex officio spectet bono communi invigilare, & providere. Privati quippe singuli propriis intendunt commodis, nec de communibus curant. Ad hoc autem bonum necessariae sunt leges, quibus promoveantur, & foveantur boni, & contineantur mali, & sic constituentur, quae ad pacem, iustitiam, & felicitatem communem sunt necessariae.

Prob. 3. p. de potestate Ecclesiastica: nam extenditur ad animam, & tendit ad finem supernaturalem, ad quem animas dirigit per actus religionis; sed haec non cadunt sub potestate hominum; ergo nullus homo potest dare potestatem condendi leges Ecclesiasticas. maior est certa: min. patet ex Script. *Nolite timere eos, qui occidunt corpus, animam non possunt occidere.* Unde Papa non accipit potestatem ab electoribus; & cum ordinantur sacerdotes, & Episcopi, imponuntur eis manus, & accipiunt Spiritum Sanctum, *in quorum remisissent peccata, remittantur eis*; & ut dicebamus, cum definiunt Apostoli ipsi aliquid, dicunt, *Visum est Spiritui sancto, & nobis*: & dicuntur *in spiritu sancto congregati*.

Objectiones, quae fieri possunt contra hanc conclusionem, jam propositae sunt, & solutae supra, quatenus videntur impugnare hanc potestatem in hominibus.

## Q U A E S T I O II.

*De materia legis humanae, quatenam possit illa praecipere, & prohibere, an actus internos.*

**J**Am constat ex dictis de lege in communi, & conditionibus ejus, quod materia, circa quam versatur, debet esse honesta, iusta, utilis, & possibilis, adeo ut non possit praecipere, nisi actus honestos, & virtutis, & utiles communitati, & possibiles etiam moraliter. Difficultas esse posset de actibus indifferenter, & de internis, an scilicet cadere possint sub legem humanam, & per eam praecipere, vel prohiberi.

Actus aliqui hominis sunt pure externi, ut pure animales, qui ex vi, & motu spirituum animalium in

potentiis externis absque directione intellectus, & imperio voluntatis consummantur, ut sunt actus dormientium. Alii sunt purè *interni*, qui consummantur in solis facultatibus interioribus animæ absque interventu facultatum externarum, & cogitationes, & volitiones: alii sunt *mixti*, quia *externi* habent dependentiam, & connexionem aliquam cum *internis*, & vicissim *interni* cum *externis*, quatenus consummantur interventu motuum, & actionum externarum; & hæc connexio est vel *physica*, quando actus interni concurrunt ad physicam entitatem, & existentiam externorum, ut quando cognitio, & volitio causant, vel impediunt actus externos per imperium efficax; & sic non concurrunt ad moralitatem actus, sed ad solum materiale, non ad formale virtutis, aut vitii; vel connexio, & dependentia est *moralis*, quando actus interni intellectus, & voluntatis concurrunt ad moralitatem externorum, & ad formale virtutis, & vitii: v. g. in recitatione horarum, vel auditione missæ actus purè externus est præsentia physica in Ecclesia, dum missa celebratur, & prolatio physica Psalmorum, & orationum, quibus constant horæ canonicæ, hæc præsentia, & recitatio physica non possunt esse sine imperio voluntatis, quo movetur ad veniendum in templum, & ad recitandos psalmos; & illa assistentia, & recitatio non erit virtuosa, si fiat sine recta intentione satisfaciendi, & attentione aliquali ad rem sacram; & sic attentio, & intentio requiruntur, ut illi actus sint religiosi, & meritorii, & pertinent ad esse morale talium actuum. Denique *meditatio*, *contemplatio*, *cogitatio*, *volitio*, & *volitio* per se sunt actus purè interni.

Quæstio non procedit de actibus internis, qui concurrunt ad esse physicum actuum externorum: nam evidens est, istos non posse præcipi, sic nec existere sine illis; sed procedit de illis, qui faciunt ad esse morale, & virtuosum: v. g. an lex humana possit præcipere attentionem, & devotionem in auditione missæ, & recitatione breviarii, ita ut non satisfaciat illis præceptis, qui assistit, aut recitat cum voluntaria distractione.

## CONCLUSIO I.

**L** Ex humana non potest præcipere directè actus purè internos, bene verò indirectè eos, qui connexionem habent necessariam ad esse physicum; & imò ad esse morale externorum. Est communis quoad 1. p. & communior quoad 2.

Prob. 2. ex Scoto (1) dicente, quòd ultra jus positivum divinum, quod continetur in Scriptura divina, Ecclesia statuit multa & propter observantiam honestiorem in moribus, & propter reverentiam majorem in suscipiendis, & administrandis sacramentis; sed non potest esse observantia in moribus, nec reverentia illa sine actibus interioribus intentionis, & devotionis: ergo Ecclesia, & per consequens lex humana præcipere potest indirectè saltem actus internos.

Prob. 2. quia potestas legislativa, quæ est in hominibus, vel est à Christo pro lege canonica, vel ab hominibus, & populis pro civili; sed à neutris data est potestas in actus purè internos: ergo nulla lex humana cadere potest in actus purè internos. Prob. min. de Christo: nam licet potuerit eam dare, qualis erat in ipso, & ipse haberet sine dubio jurisdictionem directam, & immediatam in animas, & posset actus internos præcipere, ut de facto præcepit actus fidei, spei, & charitatis: tamen non constat, quòd eam ut talem communicaverit Ecclesiæ: ergo non est asserendum. Prob. ant. Christus non communicavit Ecclesiæ, nisi potestatem condendi leges ad rectam fidelium gubernationem humano modo: sed non possunt gubernari fideles humano modo quoad actus purè internos: quia horum cognitio directa, & immediata soli Deo reservatur: *Scrutator cordium Deus*. Et, *Homo videt ea, quæ patent, Dominus autem intuetur cor*. Item Ecclesia est visibilis, nec regit homines directè, nisi circa ea, quæ sunt visibilia, seu sensibilia: unde manavit effatum, *Ecclesia non judicat de occultis*.

Prob. 2. ex SS. Canonibus: [2] nam Innocentius III. docet, quòd fideles non feriuntur pœna canonica, nisi excessus eorum essent manifesti Ecclesiæ, quæ non judicat de occultis. Et cap. seq. Nobis, inquit,

[1] 4. d. 17. q. 1. B. n. 1. [2] c. sicut tuis de simo.

*datum est de manifestis tantummodo judicare*; & ideo qui peccant ex pura intentione interna mala, apud districtum judicem, qui scrutator est cordium, & cognitor secretorum, culpabiles judicantur. Et Ecclesia non damnat actus externos de se, & quoad apparentias non malas, quanivis ex prava intentione agentium sint mali, v. gr. simoniam, ut in casibus horum canonum.

Prob. eadem min. de lege civili, & quidem à fortiori: nam princeps temporalis non potest præcipere, aut vetare actus, de quibus non potest cognoscere an sint, vel non sint, ut bonos præmiet, malos puniat; sed non potest cognoscere purè internos, nec punire, aut præmiare; ergo nec præcipere, aut prohibere.

Confir. ex ipsis legibus civilibus, l. *cogitationis*, & refertur in can. [1] ubi dicitur, quòd *cogitationis pœnam nemo patitur*; & quòd *cogitatio non meretur pœnam lege civili*. Et Urbanus II. *De manifestis quidem loquimur, secretorum autē & cognitorum, & judex est*.

Confir. ex Philosophis, Errat, si quis in servitutum putat totum hominem descendere, pars melior excepta est, corpora obnoxia sunt, & adscripta dominis, mens sui juris est.

Denique potestas civilis non respicit, nisi gubernationem politicam, quæ tota est externa.

Prob. 2. p. de actibus internis necessariis ad esse materiale, & physicum externorum: nam qui habet jus imperandi jejunium v. g. habet jus imperandi quicquid requiritur ad esse physicum jejunii ab homine servandi; sed non potest quoad esse physicum servari ab homine sine actu voluntatis; ergo iste actus imperari potest, saltem indirectè, & quatenus concurrere debet ad illud jejunium. Idem est de actu interno orationis, &c. Prob. min. Nam homo, ut homo, non agit exterius, nisi liberè, & per voluntatem.

Prob. 3. p. de actu interno necessario ad esse morale. 1. quia qui habet jus præcipiendi aliquem actum, habet etiam jus præcipiendi omne id, quod necessario requiritur, ut valeat ille actus; sed tales sunt plures actus externi, quos præcipiunt leges humanæ, ut contractus civiles, & actus sacramentales; ergo

A a 5 &c.

[1] *de pœnis, de pœnis, d. l. c. 14. & 2. c. erubescant*;

&c. Et de facto leges civiles regulant contractus, qui valere non possunt in moralibus sine libero consensu: spectat enim ad politiani rectam, ut tales sic fiant, ut sint validi; & non sunt validi sine consensu interno: & Ecclesiasticæ imperant actus religionis, v. gr. orationes, adorationes, actus fidei, & charitatis, & poenitentiae in sacramentorum usu, qui existere nequeunt in esse morali sine actibus internis, ita ut sine illis non satisfiat talibus præceptis: v. g. in sacramento poenitentiae [1] exigit *detestationem de peccatis præteritis, & propositum non peccandi de cætero*. Item in cap. [2] *dolentes* præcipitur clericis attentio in recitatione horarum, quæ attentio est actus interior: *Præcipientes*, inquit Innocentius III. *in virtute obedientiae, ut divinum officium nocturnum pariter, & diurnum, quantum Deus eis dederit, studiosè celebrent pariter, & devote*, glossa addit, *quantum ad officium cordis*.

Confir. Nam hæc propositio damnata est à sede Apostolica sub Innocentio XI. *Cum causa licitum est jurare sine animi iurandi, &c.* ergo cum exigitur juramentum à iudice tam laico, quam sacro, exigitur actus tantum internus, quam externus, adeo ut peccet, qui jurat sine intentione interna. Et ibidem prohibentur juramenta cum restrictionibus mentalibus, & amphibologiis: & quod præcepto communionis annue satisfiat per sacrilegam Domini manducationem. Item sub Alex. VIII. hæc damnatur: [3] *Valet baptis- mus collatus a ministro, qui omnem actum externum & formamque baptizandi observat; intus autem in corde suo apud se resolvit non intendendo, quod facit Ecclesia* ergo præcipiuntur actus interni, qui faciunt ad validitatem moralem actuum externorum.

Dices, Ecclesiam non requirere per caput *dolentes*, & similia præcepta, nisi actus externos orationis cum omnibus circumstantiis pariter externis, v. gr. cum externa attentione, modestia, reverentia, sine ocularum divagatione, sine confabulatione, ita ut actus illi sint veræ religionis, si sic fiant, licet absit attentio, vel intentio interna; sicut adoratio externa idolâ, licet sine intentione, esset verum peccatum idololatricæ.

Con-

[1] Sess. 14. c. 3. [2] *Dolentes de celebr. miss. Prop. 25.*  
[3] *Prop. 27. 28. 29. & 65.*

Contra. Nam actus veræ religionis est *in spiritu, & veritate*: nec sufficit *in faciem benedicere*, vel ore tenuis recitare orationes, ut facerent pueri, & psittaci; hoc enim non est orare: de iis dicitur, *Populus iste labiis me honorat, cor autem eorum longe est à me*: nec paritas currit de idololatria: nam *bonum* [ut oratio, & religio] *est ex integra causa*, requirit autem actum internum æquè, ac externum; *malum* verò (ut idololatria) *est ex quocumque defectu*, qualis est actus externus ille adorationis.

Objic. 1. contra 1. p. Potestas Ecclesiæ à Christo data non limitatur ad externos actus; ergo extenditur tam ad internos, quam ad externos. Prob. ant. *Quæcumque ligaveritis super terram*, &c. sed tam actus externi, quam interni fiunt super terram; ergo tam ad illos, quam ad istos extenditur hæc potestas.

Resp. neg. ant. Nam limitatur ad ea, quæ per se cadunt sub cognitionem Prælatorum Ecclesiæ; & tales sunt actus externi, aut interni cum illis necessario connexi, non autem purè interni: & sic intelligendus est locus Evangelii, *Quæcumque ligaveritis*, &c. non dixit, *Potestis omnia ligare, aut solvere*, sed, *quæ ligaveritis rationabiliter*, & quæ cadere possunt sub jurisdictionem humanam, quales non sunt actus pure interni.

Inst. 1. Potestas data sacerdotibus respicit salutem animarum, & omnia, quæ faciunt ad illam, sed actus interni non minus faciunt ad salutem animarum, quam externi, imò isti nihil juvant, aut nocent sine internis; ergo tam interni cadunt sub illam potestatem, quam externi.

Resp. dist. maj. ad salutem, quantum possunt ad eam concurrere humano modo, conc. maj. absolute, & generaliter, neg. maj. & cons. alioqui deberent scrutari corda, & renes, quod Deo soli competit: habent connexionem necessariam cum externis; & sub hoc respectu cadunt sub legem.

Inst. 2. Sacerdos præcipit actus meditationis, contritionis; amoris Dei, attentionis, &c. sed isti sunt purè interni; ergo actus purè interni cadunt sub leges.

Resp. 1. dist. maj. quatenus connectuntur cum externis, conc. directe, ut purè internos, neg. maj.

& conf. similiter distincta minori: sunt pure interni in se, conc. min. in circumstantiis, in quibus præcipiuntur, neg. min. nam sic dependent à sacramento, quod est opus sensibile; & attentio connectitur necessariò cum oratione, ut sit verus actus religionis.

Resp. 2. dist. maj. præcipit actus orationis internæ, meditationis, &c. ut Dei minister, & in foro pure interno conscientiæ, conc. maj. in foro externo, neg. maj. & conf. quoad actus legis, qui pertinent ad forum externum Ecclesiæ, non sic præcipit.

. Objic. 2. Ecclesia præcipit confessionem peccatorum pure interiorum, verbi gratia cogitationum, & desideriorum; ergo exercet potestatem in actus pure internos.

Resp. 1. neg. ant. Nam confessio peccatorum tam interiorum, quàm exteriorum est de jure divino, sicut ipsa confessio.

Resp. 2. neg. conf. nam Ecclesia præcipit directè confessionem peccatorum, quæ est actus sensibilis: & sic indirectè tantum attingit interna, quatenus peccata, & eorum accusatio facit ad integritatem confessionis.

Objic. 3. Ecclesia dispensat, aut irritat vota pure interna; ergo habet potestatem in actus pure internos. Ant. patet ex praxi.

Resp. 1. dist. conf. ut tollat obligationem, vel eam declarat nullam, conc. ut præcipiat, vel prohibeat directè, neg. conf. alioqui etiam dicendum esset laicum id posse: nam parentes irritant vota filiorum sub patria potestate existentium. Igitur Ecclesia declarat vota non tenere, nec obligare: minus autem requiritur ad tollendam, quàm ad inferendam obligationem: nam odia restringenda sunt potius, quàm amplianda, potestas præceptiva est onerosa subditis.

. Resp. 2. dist. ant. cum deducuntur per actus externos ad forum externum, conc. ant. per se, & directè, neg. ant. & conf. nam tunc ea vota non sunt amplius occulta.

. Vides ergo, quòd materia ordinaria, & immediata legis humanæ est actus hominis externus, indirecta verò, & mediata est actus internus, qui requiritur necessariò ad esse physicum actus interni, & ad morale, quatenus valeat externus in sua specie.

. Objic. 4. Concil. Toletanum 1. anathematizat eos,



*qui crediderint aliquid contra fidem: & in Clementina multorum excommunicat Inquisitores, qui ex odio, vel amore, vel cupiditate lucri ea omittunt, quæ sunt sui officii; ergo Ecclesia prohibet actus illos internos hæresis, amoris, odii, & cupiditatis; ergo & actus purè internos, licèt non sint necessariò connexi cum externis.*

Resp. dist. ant. qui crediderint, & errorem, seu hæresim aliquo signo externo ostenderint, conc. qui crediderint sine ullo signo externo, neg. ant. & consequ. Nam, ut colligitur ex Bulla dicta *in carna Domini*, excommunicatio non cadit, nisi cùm hæresis interna ostenditur aliquo signo exteriori. Idem patet à fortiori de Inquisitoribus: nam illæ passiones amoris, vel odii, vel cupiditatis comitantur defectus externos in sui operis exercitio.

Inst. Ecclesia sic præcipit intentionem recipiendi ordines pro illo, qui recipit beneficium, ut puniat defectum talis intentionis privatione fructuum, quos debet restituere; ergo præcipit actus purè internos, qualis est illa intentio.

Resp. neg. conf. Nam intentio illa jure naturali, & divino est connexa cum aditione beneficii; ideo Ecclesia solum declarat eum, qui adit beneficium sine illa, non facere fructus verè suos: qui enim non habet animum serviendi Ecclesiæ, non debet habere fructus annexos tali servitio: sicut qui non laborat, nec vult laborare, non debet recipere stipendium: & hoc dicitur ipsa ratio naturalis.

## CONCLUSIO II.

**L**EX humana potest præcipere quascumque externas virtutes, saltem quoad materiale, & prohibere quacumque vitia, prout illa sunt utiles, & ista vitia nociva sunt bono communi, vel contra legem divinam, aut naturalem; non autem actus indifferentes ut tales. Est communis.

Prob. ex Scoto, (1) i. quatenus docet, legislatorem non debere prætermittere ea, quæ secundum se congrua sunt in lege ordinata, scilicet pro bono communi Reipublicæ, & pro conservatione pacifica, & felici politi-

tiz

(1) 4. d. 20. F. n. 9.

tiæ suæ; sed omnes virtutes possunt esse secundum legem bene ordinatam ad bonum commune; & vitia omnia contra bonum commune; ergo illæ possunt præcipi, & ista prohiberi. 2. quatenus docet, quod communitas potest leges, quas, judicat rationabiles, sibi assumere; & ille, qui habet auctoritatem condendi leges in communitate illa, potest statuere illas observari; sed nulla est virtus, quæ non possit esse utilis, nec vitium ullum, quod non possit esse nocivum bono, & quieti communitatis alicujus tam civilis, quam Ecclesiasticæ; ergo nulla est virtus, nec vitium, quæ non possint esse materia legis, & ab ea præcipi, vel prohiberi.

Confir. Nam ex D. Aug. docet, *Quæ est lex justa illa, nisi vel quæ descendit à lege divina, sicut conclusiones præctica à principiis practicis, vel quæ concordat legi divine, vel quæ non discordat*; sed lex, quæ prohibet quodcumque vitium, vel jubet quancumque virtutem, non discordat a lege divina; ergo est justa.

Prob. I. ratione, & ex Script. quia finis humanæ legis est omne malum prohibere, & omne bonum procurare communitati; sed nulla est virtus, quæ non possit congruere bono communi, nec vitium ullum, quod non possit nocere bono publico: ergo nulla est virtus, quæ non possit præcipi, nec ullum vitium, quod non possit prohiberi lege humana. Prob. maj. ex Scriptura; *Principes non sunt timori boni operis, sed mali: vis non timere potestatem? bonum fac, & habebis laudes*: ergo scopus humanæ legis est prohibere omne malum, prout nocet communi bono, & promovere bonum: nam princeps minister est hominis in bonum, & vindex in iram ei, qui operatur malum, inquit idem Apost.

Confirmatur. Nam vitia omnia sunt inhonesta, & deordinantia in alterum; ut illa, quæ opponuntur justitiæ; vel contra se ipsum, ut illa, quæ opponuntur temperantiæ, ac fortitudini; sed priora sunt nociva aliis directè, posteriora verò saltem indirectè, & per scandalum; ergo omnia sunt contra bonum publicum directè, aut indirectè. Idem est de virtutibus moralibus. Theologicæ verò pertinent ad Dei cultum, & legem divinam, ac naturalem; ideo leges

civilis

civiles possunt prohibere vitia contraria utrisque, & ea punire in foro externo; quia, inquit Scotus, *per-  
tinet ad leges reddere homines bonos, civiles, morales,  
honestos saltem in foro fori, naturalium, ac divina-  
rum legum observatores*; divinæ verò leges obligant  
in utroque foro, maxime in foro conscientie sub  
pœna æterna à Deo infligenda; ergo contra publicos  
transgressores earum statuere potest lex humanæ  
quodvis temporale supplicium non prohibitum leges  
divina.

Imponuntur leges in politia moralis propter obser-  
vantiam in moribus, si fuerint civiles, & ob maio-  
rem reverentiam in sacramentis suscipiendis, ac mini-  
strandis, si fuerint canonicæ in politia spirituali, ut  
docet idem Doctor subtilis.

Prob. 2. p. scilicet quod *non præcipiat formale virtute-  
is*. 1. quia formale virtutum pendet ab actibus pure  
internis, de quibus non cognoscit homo, quippe *vi-  
des tantum ea, quæ patent*; ergo non potest illud præ-  
cipere. Idem est de vitiis internis. Prob. ant. nam ad  
formale actus virtutis requiritur, ut fiat liberè, &  
propter honestatem ejus, non ex pravo fine, vel co-  
actè, aut ex timore serviliter servilr. 2. quia ut mox  
patebit, lex humana non aliud intendit per se, nisi  
bonum publicum; sed sufficit ad illud, ut virtutes  
externæ, & materialiter ferventur, & vitia pariter  
externa vitentur; ergo extra fines legis humanæ est  
præcipere, vel prohibere formale virtutum, aut vi-  
tiorum.

Prob. 3. pars. Nam, ut dicebamus, objectum, &  
finis legis est bonum commune; ergo & legis huma-  
næ: ergo in suis præceptis, aut prohibitionibus in-  
tendit positivè, & primariò bonum publicum, ut re-  
ctè docet S. Thomas. Prohibentur præcipuè illa vi-  
tia, quæ sunt in nocumentum aliorum, & sine quo-  
rum prohibitione societas humana conservari non  
posset; &c.

Non dixi, quod de facto, sed quod potest præcipere  
quamlibet virtutem, & prohibere quodlibet vitium,  
& quidem publicum: tum quia, ut dicit S. August.  
*Lex civilis, quæ regendis civitatibus fertur, multa  
concedit, atque impunita relinquit, quæ per divinam  
providentiam vindicantur*, &c. item non omnia om-

nibus prohibentur, vel præcipiuntur; nec etiam ad omnes actus vitiorum, aut virtutum in particulari, vel specie atoma descendit lex; quia non omnes illi actus respiciunt bonum commune; prohibet tamen aliquos singulorum vitiorum, & præcipit aliquos singularum virtutum.

Prob. ultima pars de actibus indifferentibus: quia legis objectum, & finis est bonum commune; ergo nihil potest præcipere, vel prohibere ut indifferens, sed ut utile ad bonum commune. Fateor, quod potest præcipere actus de se, & ex genere suo indifferentes, sed in circumstantiis, in quibus jubentur, debent esse utiles bono communi, ut sæpe contingit.

: Objic. contra 2. & 3. p. Scriptura jubet, *Custodite omnia, quæ scripsi vobis*. Et, *Sancti estote, quia ego sanctus sum*. Et, *Estote perfecti, sicut Pater vester cælestis perfectus est*; sed hæc esse non possunt, nisi actus vitiosi prohibeantur, & fiant omnes actus virtutum, etiam secundum formale; ergo lex obligat ad omnes actus virtutis formaliter, & prohibet similiter omnia vitia.

Resp. dist. conf. ex lege divina, vel humana spiritali, conc. ex humana, & civili, neg. conf. illi textus sunt de lege, & intentione divina, aut saltem de spiritali, quæ intendit etiam perfectionem internam hominis per actus externos conjunctos internis: civilis verò contenta est substantia exteriori actuum virtutis, & abstinencia ab actibus similiter externis vitiorum: his enim attingitur finis ab ea intentus, nempe felicitas publica, & temporalis civium.

Inst. Intentio legis est facere subditos virtuosos; ergo & obligare ad formale virtutum, & ad omnes actus earum.

Resp. dist. ant. virtuosos in foro suo proprio, conc. ant. ultra forum suum, neg. ant. forum legis humanæ, & maximè civilis est exterius, nec potest cognoscere de interiori; imò neq. de externis occultis judicat.

## Q U Æ S T I O III.

*De obligatione legis humanæ, an obliget in conscientia,  
& sub peccato, & aliis pœnis.*

**D**E obligatione legum humanarum in foro externo nulla est difficultas, sed de interno. Nam cum potestas legislativa Ecclesiastica sit spiritualis, & immediatè à Deo data, non est difficile creditu, quòd lex Ecclesiastica obliget in conscientia, & sub pœnam peccati venialis, aut mortalis secundum gravitatem præcepti, aut materiæ; sed dubium est præcipuè de civili: quia obligatio conscientiæ est spiritualis, & lex illa est temporalis, & non venit immediatè, nisi ab hominibus, ut dictum est; & id negant non solum hæretici plures, & Calvinistæ VValdenses, & Anabaptistæ, sed etiam aliqui Catholici Theologi, ut Almainus; [1] *Nullum est mortale, inquit, nisi quia contra legem Dei.* Et ex Gersone: [2] *Nulla transgressio legis naturalis, & humanæ ea ratione, qua est naturalis, aut humana, est peccatum mortale: ex quo infert, quòd aliquis potest satisfacere, & adimplere præceptum humanum per mortale peccatum, sicut & aliquis potest mereri transgrediendo præceptum humanum.*

Quæritur ergo 1. an leges humanæ tam civiles, quàm Ecclesiasticæ possint obligare in conscientia, & sub peccato; 2. an omnes, & semper; 3. an sub peccato mortali; 4. an cum periculo vitæ; quæ breviter decidenda sunt.

## C O N C L U S I O I.

**L**eges non solum Ecclesiasticæ, sed etiam civiles obligant in conscientia. Est communissima, & de fide quoad 1. p. communior quoad 2.

Prob. 1. quoad 1. p. cum Scoto [3] ex Script. *Est aliud forus, inquit Doctor, quia & Ecclesia habet auctoritatem corrigendi delicta publica. De hac potestate Ecclesiæ data habetur, dicente Christo ad Petrum, [4]*

*si pec-*

[1] *De potest. Eccle. c. 19. prop. 1.* [2] *ibid. cap. 1. prop. 2.*

[3] *4. d. 1. q. 1. K. n. 15.* [4] *Math. 18.*

*si peccaverit in te frater tuus, &c. sequitur tandem, dic Ecclesie, si Ecclesiam non audierit, sit tibi sicut Ethnicus, & publicanus, & sequitur, amen dico vobis, quodcumque alligaveritis super terram, &c. Ex quo patet, quod Deus approbat solutionem, & ligationem Ecclesie factam in foro publico; hæc igitur est potestas excommunicandi, & ejiciendi ex Ecclesia, & reconciliandi; ergo & obligandi in conscientia per suas leges, quarum transgressioni annectit hanc poenam, qua numquam ferit, nisi ob peccatum mortale: & Ecclesia habet jurisdictionem spiritualem in animas fidelium ad eas ligandas, aut solvendas.*

*Confir. ex aliis textibus: ut cum dicit, quod etiam Scribis, & Phariseis quantumcumque pravis obediendum, [1] Quaecumque dixerint vobis, facite. Et Apostolus, [2] Obedite præpositis vestris etiam discipulis, & quod Deus in illis imperat [3] Qui vos audit, me audit; & qui vos spernit, me spernit. Et ipse Christus posuit Episcopos regere Ecclesiam Dei; & non tantum habent potestatem præcipiendi, sed etiam poenis coercendi contumaces, ut patet de D. Paulo, [4] Quid vultis? in virga veniam ad vos? an in spiritu mansuetudinis? Item, Hæc absens scribo, ut non præsens deus meus agam secundum potestatem, quam Dominus dedit mihi. Sic quando excommunicavit, & tradidit [5] Sathana in interitum carnis incestuosum, & Hymenæum, & Alexandrum propter hæresim. Et ad Thessalonicenses scribebat; Si quis non obedit verbo nostro per Epistolam, hunc notate, & non commisceamini illis; ergo Apostoli, & Prælati eorum successores habent potestatem dandi præcepta, & leges, quibus regant Ecclesiam; & iis fideles tenentur obedire sub poenam excommunicationis [ & per consequens peccati] quam transgressores incurrunt.*

*Prob. 2. p. etiam ex Scriptura. Nam Christus ipse præcipit Cæsari obediendum in legibus tributalibus; [6] Reddere, quæ sunt Cæsaris, Cæsari: & ut diximus; potestas civilis est à Deo, saltem mediatè; [7] Non est potestas, nisi à Deo. Item; Qui potestati resistit, Dei ordinationi resistit, & qui resistunt ei, & ipsi sibi damnationem acquirunt. Idèò subditi estote non solum propter iram,*

- [1] *Matth. 23.* [2] *Hebr. 13.* [3] *Jo. 26.* [4] *1. Cor. 4.*  
[5] *2. Cor. 13.* [6] *Matth. 13.* [7] *Rom. 13.*

*iram, sed etiam propter conscientiam, id est non solum propter ultionem presentem, parit enim ira vindictam, sed & propter futurum iudicium, ubi accusante conscientia puniemur, ait S. Ambr. item ex locis supra citatis, quibus probavimus illam potestatem esse à Deo: sequitur enim, quod inobedientia illis exhibita Deum ipsum offendit.*

Prob. 2. ex Scoto: (1) quia auctoritas politica iusta est; ergo ex iustitia teneris obedire, sicut ex iustitia potest præcipere, & condere legem iustam; ergo qui non obediunt, injustè agunt, & peccant, sicut qui non obediret patri, licet hujus potestas sit à natura, illa verò ab hominibus. Unde qui furatur rem alienam invito domino, peccat contra iustitiam, quæ exurgit ex distinctione dominiorum, quæ introducta est per legem humanam positivam, cum ex natura essent omnia communia; *Prima distinctio dominiorum potuit esse iusta à lege positiva iusta, sive lata à patre, sive à principe, &c.* Sic qui vendit res ultra pretium à principe taxatum, peccat contra iustitiam; sed hoc peccatum venit à transgressione legis taxativæ, quæ est civilis; ergo civilis lex obligat sub peccato.

Dices, eam obligationem legis humanæ venire ex conformitate, quam habet cum lege divina, vel naturali, non autem ex se, & prout humana est; ergo lex humana positiva non obligat ex se, sed per accidens, & indirectè.

Contra. Nam modò lex non sit contra jus divinum, aut naturale, potest ferri à principe civili, & tunc obligabit; sed tunc obligatio non veniet ab ulla lege divina, aut naturali; ergo veniet à lege humana, ut humana. Prob. maj. quando Saul præcepit jejunium unius diei usque ad vespèram, illud præceptum fuit purè humanum, & positivum; & tamen transgressio ejus per Jonatam displicuit Deo.

Dices 2. illam obligationem venire ab aliqua lege universali, & divina, aut naturali dictante, quod est obediendum legitimo superiori, & iudici legitime imperanti; ergo vis obligativa legis humanæ venit directè, & immediatè à lege naturæ, aut Dei.

Contra. Quæritur hìc de causa particulari, & immediata obligationis hujus, & huius legis, quæ ve-

nit.

nit præcisè à voluntate legislatoris, non verò de mediata, & universali; sed Deus, & lex naturæ in re publica non proponuntur, nisi ut causæ universales, & remotæ: certum enim est, quòd cum potestas legislativa civilis sit à Deo mediata, ut probatum est, ita & vis obligativa legum civilium, & influxus causæ universalis non impedit influxum causæ particularis; ergo sicut non recurritur in aliis effectibus ad causam universalem, quando potest assignari particularis, ita & nunc.

Denique undecumque venit vis illa obligativa in legibus principum sive à Deo, sive à natura, parum refert, modò verum sit, quòd lex civilis ab homine posita, & ut talis obliget in conscientia: nam Deus non contulit potestatem primariò principibus, nisi ut homines sunt; & sibi resisti dicit, cùm eis resistitur, ut patet ex Scriptura.

Objic. 1. cont. utramque p. Forum conscientiae est spirituale, & soli Deo patet; ergo nullus homo potest in illo obligare. Prob. ant. homo non habet potestatem nisi in corpus, & quoad exteriora; ideo animam non potest occidere, nec propterea est timendus, sed posset occidere animam, si posset obligare in conscientia, & sub peccato mortali; ergo, &c.

Resp. dist. ant. soli Deo patet directè, & immediate, conc. ant. indirectè, & mediata, neg. ant. & conf. nam hoc ipso quod homo potest præcipere in foro exteriori, & actus externos, sequitur obligatio in interiori ad obediendum, alioqui frustra esset potestas illa.

Inst. Homo non potest infligere, nec remittere poenam peccati; ergo nec obligare sub peccato. Ant. patet; utrumque enim soli Deo reservatur. Probat. conf. nam legislator non potest poenam legi apponere, quam non potest infligere: poenæ autem peccati sunt æterna, vel temporalis damnatio, & purgatio in alia vita.

Resp. neg. conf. & dist. probationem, poenam apponere directè, & immediate, conc. ant. indirectè, & mediata, neg. ant. Legislator, maximè civilis, non imponit directè poenam peccati mortalis, aut venialis, & privationis gratiæ, vel damnationis, sed ponit præceptum, cujus transgressioni Deus alligavit eas

poæ.



pœnas, quas ipsemet infligit directè privans gratia sua inobedientes.

Objic. contra 2. p. Princeps laicus non potest ligare, nec solvere in conscientia; ergo ejus leges non ligant sub peccato. Prob. ant. non habet potestatem spirituales, sed purè temporalem; sed ligare, aut solvere conscientias sunt effectus purè spirituales; ergo in eos nihil potest homo laicus.

Resp. similiter dist. ant. non potest ligare, aut solvere directè, conc. indirectè, neg. ant. Nam si quis furi, aut debitori remittat ablatum, aut debitum; solvit conscientiam ab obligatione restitutionis, & à peccato injustæ retentionis alieni; quia cessat illa esse injusta, & peccatum per illam condonationem externam; sed indirectè, & quandiu non condonat, tenet conscientiam ejus ligatam peccato furti, & injustitiæ, sed indirectè. Ita est de Rege præcipiente aliquid graviter; ponit materiam transgressionis, cui Deus annectit peccatum, & privationem peccati, & tenet subditum ligatum, quandiu vult legem servari.

## CONCLUSIO II.

**L**EX humana verè præceptiva quandoque obligat sub peccato etiam mortali. Est communis.

Prob. 1. p. 1. ex Scriptura citata in præcedenti, ubi dicitur, (1) quòd *qui potestati resistunt, sibi damnationem acquirunt*. 2. quia hoc ipso, quod obligat in conscientia, sequitur, quòd in materia gravi graviter obligat; ergo qui tunc transgreditur, peccat graviter, seu mortaliter.

Confir. Nam supposito, quod inobedientia legi civili displiceat Deo, ut patet ex dictis, sequitur, quòd in re gravi displicet graviter, & leviter in levi; ergo si lex obligat in conscientia, ut probatum est, obligat etiam sub mortali, quando materia est gravis: nam solent peccata ponderari, & mensurari principaliter ex gravitate, vel levitate materiæ.

Confir. ex Augult. (2) *Quicumque legibus imperatorum, quæ pro Dei veritate feruntur, obtemperare non vult, acquirit grande supplicium, scilicet apud Deum, apud quem non incurritur grave supplicium,*

nisi

[1] Rom. 13. [2] Ep. 50. ad Bonif.

nisi pro culpa gravi. Et certe in legibus Ecclesiasticis plures obligant sub pœnam majoris excommunicationis, quædam sunt mitiores; ita & in politicis quædam sub pœnam mortis, quædam sub pœnam carceris, & triremium.

Objic. 1. Peccatum omne est *dictum*, vel *factum*, vel *concupitum* contra legem æternam ex August. ergo non peccatur, nisi contra legem divinam.

Resp. neg. conf. Nam hoc ipso, quod lex Dei, vel naturæ obligant ad obediendum legitimo superiori justè jubenti, peccatur contra utrumque, scilicet contra legem illam generalem, & contra legem hominis in particulari. Lex divina jubet sub peccato obedire superioribus; sed superior Ecclesiasticus, vel civilis jubet abstinere à ludo taxillorum, v.g. qui ludit peccat contra utramque legem: & puto, quod qui sic peccaret; non se sufficienter explicaret in confessione dicens, *non obedi vi legi Dei*, quia non exprimeret totum peccatum; bene verò dicens, *non obedi vi superiori in re gravi*; ergo ex lege humana contrahitur specialis obligatio in conscientia, & sub peccato mortali, aut veniali.

Objic. 2. ex Scoto, & Vulpe. Potestas legislativa civilis in principe laico venit immediate ab hominibus, qui eum elegerunt Regem ad finem purè temporalem; ergo hæc potestas non extenditur ad conscientiam, nec ad finem spiritualem, qualis est obligatio sub peccato. Ant. quoad 1. p. patet ex dictis, imò & quoad 2. p. nam finis potestatis, & legis civilis est felicitas temporalis, & convictus pacificus populorum, sicut finis regiminis, & legis Ecclesiasticæ est felicitas æterna, & sanctitas animarum. prob. conf. nam obligatio ad peccatum mortale, aut veniale respicit salutem spiritualem animarum, quas occidit; potestas verò civilis non potest occidere animas, sed tantum corpus.

Resp. neg. utramq. conf. Nam licet directè princeps laicus, & leges ejus respiciant felicitatem temporalem, indirectè tamen etiam respiciunt spiritualem, quatenus ista dependet à debita subordinatione temporali, quam Deus statuit inter principes, & subditos; & lex naturæ dictat, quod obediendum est superioribus; alioqui non essent superiores, aut frustra essent.

CON-

## CONCLUSIO III.

**L**EX vere præceptiva semper obligat sub aliquo peccato ex se, ita ut non detur vera lex, quæ ex se sit purè pœnalis, saltem propriè loquendo.

Suppono distinctionem culpæ, & pœnæ, & legis pœnalis, quæ statuit aliquam pœnam in transgressores, v. g. amissionem gloriæ, & gratiæ, vel damnationem æternam, quæ sunt pœnæ spirituales; & sequuntur peccatum, vel pœnam mortis, carceris, virgarum, mulctæ pecuniariæ, &c. quæ sunt pœnæ temporales.

Rursus quædam est purè pœnalis, quæ propriè non prohibet, nec præcipit actum, sed pœnam directè imponit, aut præmium assignat facienti; quædam est mixta, quæ verè, & propriè præcipit, aut vetat actum, & pœnam statuit contra transgressorem.

Suppono 2. plures Theologos docere, quòd dantur leges purè pœnales, quæ non obligant transgressores nisi ad aliquas pœnas, & talia præcepta reperiri in pluribus regulis, & constitutionibus monasticis, quæ non obligant sub ullo peccato nequidem veniali, sed purè sub aliquibus pœnis, quas singulis præceptis aligant, & quas imponunt transgressoribus.

Suppono 3. pœnam propriè, & ex communi acceptione esse aliquod malum, vel damnum privans bono convenienti propter delictum; & dicitur pœna canonica, vel legalis, quæ statuitur à lege; & sic distinguitur à pœna naturali, quæ est à natura, ut morbi, & mutilationes. Pœna dupliciter potest considerari, inquit S. Thomas: (1) 1. secundum rationem pœnæ; & secundum hoc pœna non debetur, nisi peccato, quia per pœnam reparatur æqualitas iustitiæ, in quantum ille, qui peccando nimis sequutus est suam voluntatem, aliquid contra suam voluntatem patitur. 2. in quantum est medicina non solum sanativa peccati, sed etiam præservativa à peccato futuro, & promotiva ad aliquod bonum: prima pœna non imponitur sine culpa, bene verò secunda, sed non sine causa. His suppositis

Prob. 1. ex SS. Canonibus: (2) quia non potest infringi

[1] 2.2.2.108.4.4. [2] c. cognoscentes de constit.

**N**igī vera pœna sine culpa : nam rem, quæ culpa caret, in damnum vocari non convenit : & ut docet Glossa, nemo potest privari jure suo sine culpa, saltem regulariter : unde statuitur hæc regula juris, sine culpa, nisi subsit causa, non est aliquis puniendus ; sed omnis lex verè præceptiva obligat sub aliqua pœna ; ergo & sub culpa.

Prob. 2. quia qui transgreditur talia præcepta, quæ dicuntur pœnalia, vel tenetur, vel non tenetur acceptare pœnam taxatam à lege ; si tenetur, ergo obligat ad conscientiam, saltem indirectè, & mediatè ; si non tenetur ; ergo non est verum præceptum, quia vera lex præceptiva non est sine aliqua obligatione.

Prob. 3. quia omnis vera lex præceptiva exigit obedientiam & in conscientia, & id ex iisdem principiis, quibus aliæ omnes, quas cognoscimus obligare sub peccato, sive apponatur pœna, sive non ; ergo omnis lex præceptiva obligat sub peccato. Prob. ant. 1. quia lex divina, & naturalis indistinctè præcipiunt, & dicunt obedientiam superiori. 2. quia si quid istas distingueret, maximè appositio pœnæ exterioris ; sed hæc appositio non tollit obligationem, sed potius eam firmat ; sicut pœna mortis appolita præcepto Adæ dato de non comendendo pomò non abstulit obligationem à culpa mortali ; ergo omnis lex verè præceptiva exigit obedientiam in conscientia, & sub peccato ex iisdem principiis, quibus aliæ quæcunque leges.

Confir. quia nisi transgressores harum legum tenerentur in conscientia, & sub peccato saltem acceptare pœnas taxatas, isti possent eas impunè omittere, nisi cogrentur à superiore illas subire ; quod iste non posset facere iuste, nisi constaret juridicè de transgressione ; ergo non essent propriè leges præceptive, & obligantes.

Dixi autem, *vere præceptivæ*, & *ex se* : nam vera lex, & vere præceptiva primariò cadit in actum jejunii v. g. & obligat ad illud, & secundariò tantum in pœnam ; istæ verò, quæ sunt pure pœnales, cadunt directè in pœnam, ad cujus acceptationem obligant, supposita omissione, vel commissione actus ; & istæ pœnæ non sunt propriè pœnæ, sed mala quædam medicinalia, quæ imponuntur sine culpa, sed ob aliquam aliam causam, verbi gratia ob præservationem

à causa in peccatum, vel ad incitamentum ad virtutem.

Objic. 1. Leges quarundam religionum sunt purè pœnales; & obligant tantum ad pœnas aliquas ibi taxatas; sed illæ sunt vere leges, & præceptivæ; ergo dantur leges verè præceptivæ, quæ obligant tantum ad pœnas sine culpa.

Resp. neg. min. nec enim sunt veræ leges, nec verè præceptivæ, sed quædam statuta, & regulæ concernentes gubernationem externam.

Inst. Leges non obligant sub culpa, nec in conscientia, nisi quando Deus, aut natura dictant iis parendum; quia vis obligativa in conscientia, & sub culpa venit à Deo, vel naturæ dictamine; sed neque Deus, neque natura dictant parendum legi purè pœnali; ergo non obligant in conscientia, seu sub culpa. Prob. min. Deus, nec natura non dictant parendum superiori ultra intentionem ejus; sed superior in istis legibus non intendit obligare ultra pœnam; ergo nec Deus, nec natura dictant aliter esse parendum illis. Prob. maj. quia lex naturæ, aut Dei non dictant parendum superiori, nisi quantum ipse jubet; ergo quando ille non jubet cum intentione obligandi in conscientia, non tenemur aliter obedire.

Resp. dist. min. 1. 2. & 3. argumenti, si non sint veræ leges, nec veræ pœnæ, conc. min. si sint veræ leges, & veræ pœnæ, ut pœnæ, neg. min. nam, ut dictum est, Deus, & natura dictant superioribus obediendum verè præcipientibus, & acceptare pœnas, easque subire, quas alligant transgressionibus; & sic semper obligant in conscientia vel ad præceptorum obedientiam, vel ad pœnarum executionem; aut non sunt veræ leges, nec veræ pœnæ ob rationes datas: sunt quædam ordinationes, & regulæ, non præcepta, & dicuntur leges quoad modum, quo feruntur, non quoad vim, sicut & pœnæ; sic enim vocantur improprie; ideo tota hæc controversia dici potest de nomine; nam reducitur ad nomen, quo significantur hæc præcepta, & mala, quæ sequi debent eorum transgressionem.

Potest etiam dici, quòd tales regulæ, & præcepta non sunt absoluta, nec cadunt super actum faciendum, vel omittendum, sed super pœnam, & quasi

datur optio inter utrumque, quasi diceretur, *si velis jejunare, bene quidem, sed si non jejunas, volo, ut habeam alem mortificationem, vel non habebis talem facultatem.*

## CONCLUSIO IV.

**L**ex humana in materia gravi obligat graviter, & sub mortali, & leviter sub veniali in materia levi, nec potest aliter obligare legislator humanus.

Suppono autem, quod gravitas rei præceptæ, aut prohibitiæ est vel *absoluta*, & *intrinseca*, vel *relativa*, & *extrinseca*. 1. est ex natura ipsius objecti independenter ab ulla circumstantia finis, aut personæ, aut loci, &c. 2. petitur non ex natura rei in se, sed ex aliqua circumstantia extrinseca: v. g. in præcepto, quo Deus prohibuit Adæ esum pomi scientiæ, non reperitur gravitas materiæ. Quid enim pomum unum inter tot, & tantos fructus, quibus abundabat Paradisus terrestris, ut prohiberetur sub tanta pœna, qualis est mors, & damnatio ipsius, & totius generis humani? Sed gravitas attenditur ab extrinseco, scilicet à circumstantia finis, quia Deus hanc ab Adamo exigebat obedientiam in testimonium, & recognitionem supremi dominii sui in eum, & ejus ab eo dependentiæ. Igitur conclusio nostra prætendit, quod ad obligationem sub mortali præceptum debet esse in materia gravi gravitate absoluta, & intrinseca, vel extrinseca, & relativa; nec aliter potest homo ferre legem graviter obligantem. Hoc supposito

Prob. 1. concl. ex Scoto: [1] quia potest quis contumaciter, vel præceptum superioris contemnere, id est iudicare inutile, & infructuosum, seu irrationabile, modo non contemnat superiorem faciem præcipientem; sed potest procurare, ut amoveatur. Et alibi dicit, quod lex positiva iuste requirit in legislatore prudentiam, ut secundum rationem dicat quid agendum; ergo ex Scoto lex, seu præceptum debet esse rationabile; sed non est rationabile, nisi proportionetur materiæ, ita ut graviter præcipiat in materia gravi, & leviter in materia levi; ergo lex in materia gravi graviter obligare debet, & vicissim.

Prob.

[1] 4.d.3.7.4.E.n.6.

Prob. 2. quoad 1. p. quia lex debet esse justa; sed non esset justa, nisi gravitas obligationis proportionaretur materię: v. gr. si levissima, & nullius momenti præciperentur sub mortali, & è contra; ergo lex humana non præcipit, nec debet præcipere sub gravi peccato rem levem; loquor semper de gravitate intrinseca, & absoluta, vel extrinseca, seu relativa, seu accidentali.

Confir. Lex humana, ut sit justa, debet conformari legi divinę; sed lex divina non obligat de facto graviter, & sub peccato mortali, nisi in materia gravi ex se, vel ex circumstantiis; ergo ita esse debet de lege humana.

Confir. 2. Potestas legislativa civilis derivatur, immediate à populis; sed populi non prætendunt posse obligari graviter pro levibus: alioqui lex esset onus intolerabile, si pro re minimi momenti imponeretur poena mortis; potestas enim legislativa datur superioribus ad bonum publicum; & sic quę non sunt notabiliter utilia, aut nociva bono publico, non debent graviter præcipi, aut prohiberi, nec graviter puniri. Et certè videtur esse contra dictamen rectę rationis, & per consequens contra legem naturę, quod obligatio præcepti superet exigentiam, & capacitatem materię.

Confir. 3. ex ipso Evangelio, in quo Christus materias leves peccati, & leves defectus comparat festucis, & graves trabibus; & quod prius tollendę sunt trabes, quàm festucę; ergo in materia levi superiores non possunt ponere gravem obligationem.

Prob. quoad 2. p. ex iisdem principiis. Nam omnino irrationabile videtur, ut superior, qui procurare debet bonum publicum, sive ad finem supernaturalem, & spirituales, ut Ecclesiasticus, sive temporalem, ut politicus, leviter imperet res summi momenti ad illos fines; ergo superior tam Ecclesiasticus, quàm politicus debet graviter præcipere, & obligare in materia gravi, non autem leviter. Prob. ant. Nam ordinariè in materia gravi transgressio graviter, seu notabiliter avertit à fine legis: & sic respectivè ad Deum peccatur mortaliter; ergo si homo hæc præciperet, obligaret tantum venialiter ad vitandum peccatum mortale; & sic lex illa humana esset contraria divinę, ac naturali.

Prob. 2. Obligatio ex lege naturæ debet mensurari ex dissonantia cum recta ratione; sed quando res graviter servit, aut nocet bono publico, omisso, vel commissio actus graviter dissonat à recta ratione; ergo & graviter obligare debet. prob. min. nam recta ratio dicat grave malum graviter nocere bono publico, & fini, quem intendere debent leges omnes; nec unquam ulla communitas voluit dare potestatem rectoribus suis, ut sic perturbarent ordinem rerum, leviter curando gravia, & graviter levia, & multò minùs id voluit Deus permittere Prælati Ecclesiæ, ut tollendarum festucarum essent solliciti, & negligentes tabium. Profectò æqualis iniquitas, & deordinatio est punire occisionem gallinæ morte hominis, & homicidium punire morte gallinæ.

Objic. 1. Obligatio legis pendet à voluntate legislatoris; ergo si velit in re levi graviter obligare, & leviter in re gravi, hoc pendet ab ejus arbitrio. Prob. ant. lex pendet in esse legis obligatorię à voluntate ejus per nos; ergo & in gravitate, vel levitate obligationis.

Resp. neg. ant. & conf. prob. Nam lex in esse pendet quidem à voluntate legislatoris, quatenus potest eam dare, vel non; sed supposito, quòd ferat legem, hæc debet esse prudens, iusta, & conformis legi Dei, & per consequens proportionata materiæ. Et sic lex quoad hoc non pendet absolute ab arbitrio legislatoris, sed à voluntate iusta, & rationabili.

Inst. In materia gravi potest velle obligare tantum ad pœnam aliquam, & non ad culpam; ergo & in genere culpæ poterit obligare ad levem tantum etiam in materia gravi.

Resp. neg. ant. & conf. utrumque enim falsum est: ant. quidem, ut patet ex concl. præcedenti; conf. vero: quia supposito, quòd aliquid præcipiatur, culpa, vel pœna debet proportionari materiæ, ita ut, si hæc gravis est; illa quoque sit gravis; si una levis, ita & alia: id enim ratio naturalis dicat.

Hinc colliges, meritò dari has regulas ad dignoscendum, an lex obliget sub veniali, aut sub mortali. 1. si sit in materia gravi ex se, vel ex circumstantiis, obligat graviter, & sub mortali, & leviter, ac sub veniali, si est materia levis. 2. est, quòd illa, quæ precipi-



aliquid sub gravi pœna, censetur etiam obligare graviter, & sub mortali; quæ verò præcipit sub pœna levi, obligat venialiter: & ratio petenda est ex his fundamentis; nam gravitas, vel levitas pœnæ appositæ legi significat levitatem, aut gravitatem obligationis culpæ, non solum ex intentione legislatoris, quæ se explicat in pœna appositæ, sed etiam ex gravitate, aut levitate materiæ, cui proportionata censetur illa pœna. Hæc tamen non est adeò certa in hominibus, qui possunt ab hac proportionem deviare. 3. quòd gravitas, & levitas obligationis, seu obligatio ad veniale, aut mortale non satis certò colligitur ex verbis, quibus legislator humanus intentionem suam significat: & ratio est eadem; nam intentio in homine posset esse injusta, si videlicet vellet obligare sub mortali in materia levi, aut è contra.

Nulla ergo est certior regula ad dignoscendum, an lex aliqua humana, & maximè canonica obliget sub mortali, aut veniali, quàm prudens, & iusta materiæ gravitas, aut levitas attentis omnibus circumstantiis. Nonnihil tamen juvant verba legis, & qualitas pœnæ, quibus mentem suam explicat legislator, qui ordinariè præsumendus est prudens, & iustus, ita ut non sine ratione urgenti præceptis suis apponat pœnas tam culpæ, quàm pœnæ: v. g. cum Pontifex, aut Prælati præcipiunt, vel prohibent *sub interminatione divinæ judicii, vel maledictionis æternæ, vel sub indignatione omnipotentis Dei, vel sub pœnam excommunicationis, & similibus*, significant sine dubio legem obligare sub mortali.

Hinc Clemens Papa V. regulam tradit ad dignoscenda præcepta regulæ obligantia Fratres minores sub mortali, scilicet ea, quæ jubentur verbis præceptivis, ut *præcipio, impero, iubeo, prohibeo, veto, &c.* signa verò æquivalentia sunt, *debent, obligentur, utineantur, &c.* sed tamen existimo alia verba ex se præcisè non sufficere ad inferendam obligationem sub mortali, quia tam positivè potest prohiberi mendacium jocosum, quàm seriusum, & præcipi temperantia à potu extra prandium, quàm jejunium in die veneris: unde cum talibus signis, & verbis debet attendi gravitas materiæ ex se, vel ex circumstantiis.

## QUÆSTIO IV.

*An lex humana obliget cum periculo vitæ.*

**C**ertum est, quodd bona corporis, & à fortiori bona fortunæ sunt diligenda in ordine ad bonum animæ; & istud in ordine ad Deum, & ideo debemus exponere vitam corporalem, & omnia alia bona externa potius, quàm admittere peccatum ullum per transgressionem legis divinæ, vel alterius obligantis in conscientia, stante tali obligatione: sed dubium est, an leges humane tam Ecclesiasticæ, quàm civiles obligent ad sui observantiam cum tanto rigore, ut nullum incommodum, nequidem vitæ periculum, excuset ab earum observantia, vel obligatione.

Porro lex humana 1. quædam præcipere potest ad deo necessaria bono publico, ut nisi ea fiant, respublica gravissimum damnum passura sit, ut tempore belli, aut pestis; nam tempore belli, maxime defensivi, facile patietur ruinam respublica, nisi milites exponant se alicui periculo, ut repellant injustos aggressores, & tempore pestis plurimi morientur sine sacramentis, & incurrant damnationem æternam, si sacerdotes omnes, & parochi fugiant. Idem est, si ageretur de tuenda fide, & religione.

2. Quædam verò alia posset præcipere, quæ non essent multum necessaria bono communi, sed potius spectarent ad bonum particulare, ut jejunium, auditio missæ, & similia, quæ quidem præcipiuntur graviter, & sub mortali, sed illa respiciunt bonum animæ particulare. Idem est, si agatur de salvanda vitæ unius, aut alterius hominis, aut domum conflagrantem; & juxta hanc diversitatem casuum diversa debet esse resolutio.

## CONCLUSIO I.

**O**rdinariè loquendo leges humane non obligant cum graviore incommodo, vel dispendio vitæ, aut famæ ad sui observantiam, bene verò aliquando, scilicet in casibus extraordinariis. Est communis.

Prob.

Prob. 1. ex Scoto, [1] *Expedi*, inquit, *quod aliquis exponat vitam suam in causa iusta, utpote contra inimicos Ecclesiæ: & approbat illud dictum Philosophi 9. Ethic. quod scilicet propter bonum virtutis debet se virtuosus exponere morti, &c.* Et licet hoc dicat in occasione vitandi peccatum, ac offensam contra legem Dei, tamen id etiam non negaret in casibus, de quibus loquimur; ergo ex Scoto, leges humanæ non obligant cum dispendio vitæ, nisi in quibusdam casibus extraordinariis.

Prob. 2. quoad 1. p. ex praxi. Nam leges ipsæ divinx nequidem obligant cum gravioribus incommodis, aut damnis, maximè communibus: unde solet dispensari in feriatiōe à laboribus servilibus in diebus dominicis, urgente necessitate vindemiarum, quod non faceret Ecclesiæ, nisi iudicaret in his casibus legem divinam de sabbato custodiendo non obligare. Sic legimus de David, [2] qui urgente necessitate comedit panes propositionis, quos lex divina prohibebat laicis. Et Christus [3] id non improbat, nec violationem sabbati à sacerdotibus in templo; ergo id à fortiori dicendum est de legibus humanis tam Ecclesiasticis, quàm civilibus. Unde in casu infirmitatis non obligant ad ieiunia, nec ad auditionem missæ, quam vis alioqui leges illæ obligent in conscientia, & sub mortali.

Confir. Nam nullus est legislator, qui velit sic obligare subditos in casibus ordinariis cum graviore dispendio vitæ, sanitatis, aut famæ, aut aliorum bonorum: non quidem Ecclesiæ, quæ est pia mater; nec etiam à fortiori legislator politicus, qui forte non habet eam potestatem; quia potestas regitiva non collata est illi ad gravandos sine ratione urgenti subditos, sed potius ad eos levandos; ergo, ex humana positiva regulariter non obligat cum dispendio vitæ, neque famæ, aut cum graviore aliquo incommodo.

Prob. 2. p. Nam quilibet homo secundum bona vitæ, aut famæ temporalis est membrum communitatis, seu corporis politici; sed in quolibet toto pars aliqua exponitur pro conservatione illius; ergo in toto corpore politico quilibet particularis potest obligari

B b 4 ad

[1] 4.d.19.q.4.F.n.6. & d.50.q.2.F.n.11.

[2] 1.Neg.21. [3] Matth.12.

ad exponendum se pro conservatione communitatis, & notabilissimo ejus bono, quod longè bono aliquo privatorum præponderaret. Sic de facto quilibet civis in particulari tenetur ad arma, & bellum currere pro defensione civitatis injustè aggressæ. Sic Judith laudatur, quòd se exposuit tantis vitæ, & honoris periculis pro defensione populi sui; ita & Esther apud Assuerum ingrediendo non vocata.

Prob. 2. Communitas, aut princeps summus habet sufficientem potestatem, etiam ex subditorum consensu, ad conservandum bonum commune quibuscumque mediis congruis; sed bonum commune sæpe exigit ad sui conservationem, ut privati exponant se periculis vitæ, aut famæ, aut aliorum bonorum suorum temporalium; ergo, &c. Prob. maj. Nam de facto non arguuntur injustitiæ duces, & principes, qui exponunt milites suos armis hostium in bello justè defensivo; & quòd sub pœnam mortis inhi beant, ne stationes suas deferant, licèt immineat illis periculum valde probabile mortis; quod continua docet experientia.

Confir. quia non minùs potest exponere cives periculo mortis in gravi necessitate boni publici, quàm infligere, & inferre de facto mortem eisdem pro criminibus valde perniciosis bono eidem publico, v. g. seditionis grassatoribus viatum, &c. sed istud justè statuunt leges civiles; ergo & illud possunt statuere.

l. Objic. contra 1. p. Omnis homo debet potius velle mori, quàm peccare; sed non potest velle transgredi legem humanam sine peccato; ergo debet potius velle mori, seu exponere vitam, quàm transgredi legem humanam; ergo regulariter leges humanæ obligant ad sui observantiam cum periculo vitæ, si adsit.

Resp. neg. min. Nam instante graviori dispendio, & periculo vitæ, famæ, aut bonorum, lex ista non obligat, & sic non faciendo, quod jubebat, vel faciendo, quod vetabat, non peccatur, nec violatur lex.

Objic. 2. Omnis lex respicit bonum commune; sed propter bonum commune debet quilibet privatus exponere non solum bona sua particularia, sed & vitam, & omnia præter animam; ergo lex quælibet humana obligat cum periculo vitæ. Maj. patet ex con-

conditionibus legis. Min. admittitur ab omnibus; nam bonum quodlibet privatum cedit bono communi.

Resp. dist. min. quando conservatio boni, aut vitio mali communis est maximi momenti, & prævallet bono conservationis vitæ privatorum, & malo mortis eorum, vel detrimenti famæ, conc. min. quando bonum, aut malum commune non est majoris momenti, & quidem notabiliter, neg. min. nam jus, quod quisque habet ad tuendam propriam vitam est naturale, & viget quandiù fortius, & urgentius naturale non viget: & de facto nullum fortius viget in casu responsionis.

Inst. Quilibet civis est pars civitatis; ergo quoties instat bonum totius civitatis, debet quilibet civis exponere vitam, nos ipsi fatemur.

Resp. eodem modo dist. conf. quando agitur de gravissimo, & quasi summo bono, vel malo totius corporis politicæ, v. g. civitatis, conc. sin minus, neg. conf. ob rationem datam: nam lex humana, aut legislator non obligat cives cum tanto dispendio, nisi in casibus urgentissimis, & extremis.

Inst. 2. Experientia quotidiana docet, cogi milites in bello ad custodiendam stationem, & pugnam habendam cum tali periculo, licet non appareat tanta necessitas; ergo nulla solutio.

Resp. neg. ant. quoad 2. p. nec enim dubitandum, quin urgeat necessitas pro conservatione status, quando id præcipiunt optimi principes.

Objic. 3. De facto leges Cartusienſes dicuntur obligare ad carniū abſtinentiam cum dispendio vitæ; sed in hoc non gravis intervenit necessitas boni communis; ergo etiam regulariter potest lex humana obligare cum dispendio vitæ. Major ſupponitur ut conſtans. Min. prob. nam quod grave damnum immineret regno, vel Eccleſiæ, vel toti illi religioni, ſi unus monachus aliquando frangeret abſtinentiam ad tuendam vitam? Aut quod grave bonum eiſdem, ſi moriatur monachus ille ad obſervandum illud unum regulæ præceptum? ergo ad obligationem cum dispendio vitæ non attenditur gravitas damni communis, aut boni.

Resp. neg. abſolutè maj. id quidem illis in more po-

statum est, ut numquam violent illam abstinentioniam; sed non puto, quin possent uti carnibus, si certò constaret, saltem moraliter, illam escam esse unicum remedium ad salutem à morte; quia verò casus ille non censetur unquam accidere, ita nec fractio illius capitis regulæ. Quis enim medicus sciret certò, quòd usus carnis salvaret à morte, & quòd nullum est aliud in natura, vel arte remedium?

Objic. 1. contra 2. p. Obligatio, & jus singulorum ad vitam propriam tuendam est naturale; ergo nulla lex positiva potest contra illud jus obligare ad exponendam propriam vitam. Prob. conf. quia jus naturale est superius ad omne jus positivum.

Resp. ut priùs dist. conf. nisi urgeat summum periculum salutis communitatis, conc. conf. si urgeat, neg. conf. tunc enim primarium jus naturale dicitur salutem totius præferendam salutì partium, quæ etiam cum salute publica periclitatur.

Inst. Lex humana non debet præcipere, nisi quæ sunt moraliter, & faciliè factibilia, & quæ communem usum non excedant; sed exponere se periculo vitæ non est sic factibile, nec de communi usu; ergo nihil debet præcipere faciendum cum periculo vitæ.

Resp. dist. maj. ordinariè, & regulariter, conc. maj. & neg. min. in casibus extraordinariis, ut sunt gravissima pericula publicæ salutis, neg. maj. & conf. Hæc ratio facit pro prima parte conclusionis, non pro 2.

Colliges igitur 1. quòd rarò præcipiunt homines prudentes subditis cum intentione obligandi subditos ad obediendum cum periculo vitæ, aut famæ, aut etiam alterius gravioris incommodi, ut patet in præceptis Ecclesiasticis jejunii, & missæ, & celebrationis festorum, &c. id non faciunt nisi in casibus extraordinariis, & gravioris necessitatis, in quibus imminet notabilissima damna corpori politico ex eorum præceptorum transgressione; aut contemptus, & injuriâ Dei, ac religionis: rarò igitur accidit, ut observatio legis plus profit communi bono, quàm conservatio vitæ, aut famæ privatorum.

2. Posse obligari Parochum, aut sacerdotem, ut maneat in parochia grassante peste; quia salus spiritalis animarum, quæ periclitatur, nisi adsit sacerdos, est majoris momenti, quàm vita temporalis sacer-

cer-

cerdotis. *Bonus quippe pastor animam suam ponis pro ovibus suis.*

3. Aliquas esse leges positivas humanas, à quibus actus habent totam suam bonitatem, & malitiam; quando scilicet de se sunt indifferentes, aut saltem eo tempore non præcipiuntur, aut prohibentur alia ulla lege naturali, aut divina; & tales non solent obligare cum graviore incommodo; quia superiores non prætendunt sic gravare subditos; imò nec debent, nisi in casibus urgentissimis, & qui rarissimè contingunt: quædam verò res præcipiunt vel ex se præceptas, aut prohibitas jure naturali, aut divino, ut illæ, quæ prohibent blasphemias in Deum: & istæ obligant cum periculo vitæ; quia non possunt violari sine peccato, quod sine comparatione majus est malum, quàm mille mortes temporales.

## QUÆSTIO V.

*Quosnam obliget lex humana.*

**S**uppono 1. ex dictis, aliquas leges humanas præcipere res jam ex lege superiori, scilicet naturæ, vel divina præceptas, aut prohibitas, ut mendacium, perjurium, falsum testimonium, & similia, quæ jam ex se sunt mala, vel celebrationem sabbati, cultum Dei, & similia, quæ à Deo sunt præcepta; aliæ verò sunt leges, quæ omninò pendent à præcepto, vel prohibitione humana, ut nec aliunde habeant bonitatem, aut malitiam moralem, quàm ex voluntate legislatoris, non autem ab ulla alia lege superiori, ut solutio vectigalium, taxatio mercium, &c.

2. Duplex solet distingui in superioribus potentia.

1. *absoluta*, quæ dicitur etiam *potentia facti*, quæ est à legibus libera, & secundum quam princeps agit supra, aut præter, aut contra leges honestè etiam, & rectè, ut Deus quando leges, quas naturæ imposuit, prætergreditur faciens miracula. 2. *potentia ordinata*, seu *juris*, qua ipse princeps, ac legislator agit rectè, & ordinatè secundum leges. Quæritur, an in quolibet legislatore sit utraque illa potestas, ita ut rectè, & honestè possit agere supra, vel contra leges à se positas. Dico rectè: nam tyranni sunt, qui absque ra-

tionem agunt contra leges; quippe ex Aristotele tyrannus proprium querit commodum; Rex verò eorum, qui ab ipso reguntur, inquit August.

3. Duplex est vis obligativa in legibus, una *directiva*, quæ consistit in hoc, quod dicet, quid faciendum, aut vitandum, prohibendo, vel præcipiendo cum obligatione sub peccato, seu in conscientia: altera *coactiva*, quæ sub aliqua pœna coguntur subditi obedire; & hæc obligatio dicitur *pœnalis* propter pœnam, quæ sequitur transgressionem, & queritur, quinam teneantur ad obediendum legibus humanis quoad utramque illam vim?

4. Quædam leges sunt *præceptive*, aut *prohibitive* aliquorum actuum humanorum; quædam purè *constitutivæ*, quæ non præcipiunt, nec prohibent aliquas actiones humanas, sed purè ut aliquid sit, aut non sit; v. g. ut qui admittitur ad ordines, & alia sacramenta sit baptizatus: primæ non possunt esse nisi pro habentibus usum rationis, qui agnoscant, quod præcipitur, aut prohibetur, non autem pro pueris, vel amentibus. Posteriores verò possunt cadere in omnes; quia omnes subsunt illis conditionibus, quæ statuuntur necessariæ ad aliquid.

Queritur ergo hic 1. an Christiani, & iusti teneantur obedire legibus humanis. 2. An Ecclesiastici teneantur legibus politicis, & civilibus. Et hæc duo capita jam patent ex dictis de potestate legislativa contra Lutheranos, Calvinistas, & alios Hæreticos. 3. an ipsi reges, & principes legislatores subjiciantur suis legibus. Denique an peregrini teneantur legibus locorum, per quæ transeunt.

## CONCLUSIO I.

**L**egislatores non subduntur suis legibus quoad vim pœnalem, seu coactivam: imò neque quoad directivam in his, quæ statum suum non concernunt, verò in aliis. Fit communis.

Prob. 1. ex Scoto docente, [1] quòd quando in potestate agentis est lex, & rectitudo ejus, ita quòd non est recta, nisi quia est ab illo statuta, tunc rectè potest agere agendo aliter, quàm lex illa dicat ... Ista possent

ex-

[1] 1. d. 44. B. n. 3.



*explicari de principe, & subditis, & lege positiva posita ab ipso.* Igitur quando actus per legem positivam præceptus, aut prohibitus non habet bonitatem, aut malitiam aliunde, quam à voluntate legislatoris, hic non ligatur suis legibus; si verò aliunde habeant bonitatem, aut malitiam, v. g. à Deo, vel à natura, tunc illis tenetur, quatenus à lege superiori sunt iunctur, nisi forte seipsum volens subiecisset; & hæc obligatio veniret quasi ex pacto.

Prob.2. quia obligatio legis, & maximè quoad vim coactivam venit à legitima superioritate, & jurisdictione legislatoris imperantis; sed legislator superioritatem non habet veram in seipsum, nec in parem suum, juxta illud, *Par in parem non habet imperium*; & legislator non est sibi superior, nec subditus; ergo non tenetur suis legibus in his, quæ ab eius voluntate, & imperio dependent.

Confir. & maximè quoad vim coactivam; quia vis illa non est necessaria in superiore, qui jurisdictionem habet ad infligendas pœnas legibus taxatas pro transgressoribus; sed legislator in regno non habet superiorem; est enim supremus, ut patet ex dictis; ergo non subjacet suis legibus quoad vim coactivam.

Confir. 2. ex ipsis legibus civilibus, quibus declaratur, quòd *Princeps legibus solutus est*; sine dubio intelligitur hoc de vi coactiva, & de illis, quæ non decent principatum.

Prob.2.p. Nam multæ sunt leges, quæ non concernunt, sed potiùs dedecent statum ejus, ut solutio tributorum, depositio armorum in palatio, &c. hæ, inquam, & similes dedecent potiùs statum principis; ergo non eum ligant nequidem quoad vim directivam.

Prob.3.p.2. ex Script. Nam Christus reprobat eos, qui dicunt, & non faciunt, & imponunt aliis [1] *onera gravia*; ipsi autem nec digito volunt ea movere; ergo ex Dei lege superiores, & principes debent facere, quæ aliis præcipiunt, quantum eorum statui, & conditioni congruit.

Prob.2. ex ipsis legibus canonicis, & civilibus. Nam ex Innocentio III. [2] *Quod quisque juris statui in aliterum, ipse eodem uti debet*; & ex Theodosio, & Valentin.

[1] *Matth. 3.* [2] *c. cum omnes de const. 1.*

lent. [1] *Digna vox maiestate regnantis est se alligatum profiteri.* Et alibi dicitur : [1] *Pareto legi quisque legem sanxerit*, quod sine dubio verum est de illis, quæ concernunt bonum publicum, & maximè quæ aliunde jam præcipiuntur à Deo, vel à natura: hæ enim tam ligant principes, quàm subditos, nec purè dependent ab eis.

Confir. ex SS. Patribus. *Iustum est*, inquit S. Isid. relatus in decretis, *principem obtemperare legibus suis*, tunc enim jura sua ab omnibus custodienda existimat, quando & ipse illis exhibet reverentiam, &c. idèd S. Ambr. scribebat ad Valent. *Semper quod præscripsisti aliis, præscripsisti tibi; leges enim Imperator fert, quas ipse primus constituit.*

Prob. 3. quia leges feruntur in bonum commune; sed non minùs legislator tenetur cooperari bono communi, & ad ea servanda, quæ bonum illud concernunt, quàm ipsi populi; ergo non minùs tenentur principes vivere secundum leges. Min. prob. 1. quia sunt capita communitatis; ergo non minùs debent cooperari bono communi. 2. quia id jubet lex naturæ: nam hæ tres propositiones sunt de lege naturæ:

*Quod oneris tibi non vis imponi, aliis, qui sunt ejusdem conditionis, quoad hoc non debes imponere: & vicissim, Quod aliis imponis, debes & tibi imponere, cæteris paribus.* 2. *Turpis est pars, maximè caput, si non congruat aliis partibus ejusdem corporis, & cum toto.* 3. *Qui aliquid subditis præcipit, sermò, debet facere quidquid oportet, ut ad obediendum ipsi moveantur.* Ex his enim principiis naturali ratione dictatis sequitur, superiorem quemcumque debere vivere secundum leges à se latas.

Dixi, neque quoad vim directivam in his, quæ statum ejus dedecent; nam in aliis tenetur sine dubio, & in conscientia non quidem ex motivo obedientiæ, quia non habet superiorem, cui subjiciatur, & obediat, sed 1. ex motivo virtutis, in cujus materia versantur leges; nam, ut diximus, materia regularis legum est maximè bonum honestum, quod est objectum virtutis alicujus. 2. ex motivo justitiæ, & pietatis, nam sic agens dat exemplum subditis, ut ex-

ctio

[1] c. de Leg. L. princeps ff. de leg.

[2] dist. 9. c. iustum.

etiores reddat eos ad obediendum. 3. ut vitet scandalum; nam cum principes ostendunt contemptum legum suarum, reddunt eas etiam contemptibiles suis subditis. 4. ut conformentur aliis membris sui status, in quantum decet eorum munus, & dignitatem. 5. etiam ex pacto; nam in aliquibus regnis, & communitatibus potest esse conventio ab initio fundatæ Monarchiæ, vel Principatus, aut Communitatis; ut Princeps ab eis delectus teneatur iisdem legibus cum proportionem, & respectivè. 6. ex juramento ab eis præstari solito de recte, & sancte administranda Republ. nam leges omnes ordinantur ad bonum publicum; ergo rectum, & sanctum regimen exigit in rege, ut leges ipsemet servet.

Objic. 1. cont. 1. p. Princeps tenetur in conscientia servare leges; ergo & quoad vim coactivam, saltem indirecte. Ant. patet ex dictis. Prob. cons. Si quid eximeret principem a vi coactiva, esset defectus superioris ad infligendam poenam; sed hic defectus non reperitur saltem in politia temporali; ergo saltem in ea possunt cogi principes ad servandas leges. Prob. min. In politia temporali tota communitas est superior; quia princeps ab ea potestatem legitimam, ut diximus, habet; ergo est illi quoad hoc inferior.

Resp. dist. ant. tenetur in conscientia ex motivo virtutis, & congruitatis, aut juramenti, aut pacti, aut conformitatis in capite cum suis membris, conc. ant. ex motivo obedientiæ, & subjectionis, neg. ant. & cons. 1. argumenti, min. 2. & ant. 3. & cons. prob. ejus. Nam licet rex habeat potestatem immediate à communitate per electionem, tamen hoc ipso quod semel est supremus, amplius non subjacet; & si aliter statutum esset, tunc ex ratione illa particulari, & in illo regno id verum esset, sed non in aliis regulariter, & maxime in statibus monarchicis, & successivis. Hæc obiectio multò minus locum habet in Ecclesiasticis superioribus, ut Papa, qui potestatem immediate habet à Deo, non à subditis. Igitur tam reges, quam Pontifices non possunt subire poenas transgressionum, nisi à Deo.

Objic. 2. Aliquæ poenæ incurruntur ipso facto à transgressoribus legis; sed tunc non requiritur superior, qui eas infligat; ergo saltem ad illas tenetur  
pro

princeps, seu legislator quoad vim coactivam; quia cessat ratio nostra.

Resp. neg. maj. de lege quoad pœnam tempora lem: nam in pœna temporali semper requiritur, quòd intelligens à reo, seu patiente distinguatur: sed de hoc suo loco.

Objic. contra 2. p. Nemo ligari potest lege, nisi quatenus habet superiorem, cui debetur obedientia; ergo nemo ligari potest propria lege, etiam quoad vim directivam. Prob. conf. quia nemo est sibi superior; ergo si par non habet imperium in parem, multò minus in seipsum.

Resp. neg. conf. & dist. prob. nemo est sibi superior sub eodem respectu, conc. sub diverso respectu, neg. ant. princeps ut legislator, & caput communitalis est superior communitalis; sed ut membrum ejusdem communitalis, cui toti imperat, est sibi inferior, & tenetur legibus communitalis. Præterea diximus, eum teneri quoad vim directivam suis legibus, non ex obedientia, sed legi divinæ, aut dictamini rectæ rationis aut ratione juramenti, aut pacti, aut ex motivo virtutis.

Inst. Ex ipso jure civili à nobis citato, *Rex est solutus legibus suis*; ergo nulla obligatione tenetur ad eas servandas.

Resp. dist. ant. solutus quoad vim coercitivam, & ex motivo obedientiæ, conc. ant. quoad vim directivam, & ex aliis motivis allatis, neg. ant. nec id volunt jura ulla, saltem in his, quæ non dedecent statum, & dignitatem suam, ut diximus.

### CONCLUSIO III.

**L** Ex non obligat cives extra territorium legislatoris existentes, bene vero advenas, & peregrinantes, quandiu degunt in eo; imò & vagos, qui nullibi domicilium habent. Est communior.

Prob. 1. ex communi axiomate; Extra territorium jus dicenti non paretur impune. Unde Bonifacius VIII. definit, [1] quòd statuto Episcopi, quo in omnes, qui furtum commiserint, sententia excommunicationis promulgatur, subditi ejus extra diocesim furtum commis-

ser

(1) ut animarum, de constit. in 6.

tentes minimè ligari noscuntur, cum extra territorium, &c.

Prob.2. quia jurisdictio, seu potestas legislativa non extenditur extra locum, cui præest legislator; & leges locales respiciunt per se territorium ejus; ergo non obligant existentes extra illud, quia tunc non sunt subditi ejus actuales. 3. id patet etiam ex 2. parte; quia si advenæ subduntur legibus loci, in quo peregrinantur, & fiunt subditi loci illius, non possunt teneri patriis legibus, nec sunt actu, & pro tunc subditi principis naturalis.

Prob.2. p. 1. ex August. [1] qui consulens S. Ambrosium pro sua matre S. Monica, quæ videns, quòd Mediolani non jejunabatur diebus sabbati, turbabatur, dicit, quòd Ambros. respondit, *Cum Romam venio, jejuno sabbato, & cum hic sum, non jejunò; sic etiam & tu, ad quam forte Ecclesiam veneris, ejus morem serva, si cuiquam non vis esse scandalo, nec quemquam tibi.* Et hanc regulam tradit; *Nec ulla disciplina in his est melior gravi, prudentique Christiano, quàm ut eo modo agat, quo agere videris Ecclesiam, ad quamcumque forte deveneris.* Unde Glossa [2] recitat duos vulgares versus, *Cum fueris Romæ, Romano vivito more: Cum fueris alibi, vivito sicut ibi;* ergo sentiunt illi SS. Doctores, & Patres, quòd quisque debet se conformare legibus loci, in quo existit.

Prob.2. Nam bonum pacis publicæ, imò & ipsum jus gentium, & ratio naturalis postulant, ut omnes residentes in eadem civitate, & regno conformentur iisdem legibus, scilicet ad vitanda jurgia, scandala, & contemptus legum; & quilibet superior, & princeps jus habet curandi, ut omnes, qui in suo territorio degunt, suis obediant statutis, sive sint originarii, & naturales, sive advenæ, sive manentes, & domiciliati, sive transeuntes.

Prob.3. ex præcedenti; quia peregrini extra patriam sunt exempti à patriis legibus; ergo debent subjici legibus loci, in quo existunt; alioqui essent exleges.

Confir. Nam peregrini sentiunt commoda loci; ergo debent sentire & onera.

Prob.3. p. de vagis, & quidem à fortiori, qui cum nul-

[1] Ep. 118. c. 1. [2] dist. 12. c. illi.

nullibi habeant domicilium fixum, & permanens, debent saltem vivere, & regi secundum leges loci, in quo actualiter reperiuntur; alioqui ex vagatione commodum libertatis haberent.

Confir. Nam peregrini, qui habent patrias leges, tenentur localibus se conformare; ergo & à fortiori vagi, qui leges patrias non habent, tenentur legibus locorum.

Objic. contra 1.p. Lex obligat omnes subditos; sed absentes, & peregrinantes in alieno territorio non cessant esse subditi principis naturalis; ergo tenentur ejus legibus.

Resp. dist. maj. lex obligat actualiter subditos actuales, & habitualiter habituales, conc. maj. obligat actualiter subditos habituales, neg. maj. & similiter dist. min. peregrinantes sunt subditi principis naturalis habitualiter, conc. min. actualiter, neg. min. & conseq. Quandiù ergo sunt extra territorium patrium, seu originis, non sunt actualiter subditi, sed ad summum habitualiter.

Inst. Sequeretur eum, qui de proprio territorio exiret animo vitandi præceptum, non obligari, nec peccare; sed conf. est falsum, & absurdum; id enim fieret ex dolo, & in injuriam præcepti proprii principis: ergo saltem in his casibus debet quis teneri legibus proprii principis, aut superioris, etiam extra territorium ejus.

Resp. cum aliquibus apud Mastrium [1] neg. min. & rationem ejus; nam fugere, seu evitare obligationem præcepti non est contra præceptum, nec injuriosum principi, qui non præcipit, nisi pro existentibus in territorio; & non contemnitur præceptum, sed vitatur, quod probabile putat Mastrius.

Inst. 2. Si Episcopus excommunicet non residentes in beneficio existente intra diocesim, Clericus non obediens incurreret, nisi resideat, excommunicationem, quamvis existens extra diocesim; ergo lex obligat etiam absentem à territorio.

Resp. neg. conf. in sensu conclusionis: nam licet corpore absens, tamen delinquit in diocesi defectu residentiae in beneficio subdito, & existente in territorio.

Objic. contra 2.p. Lex non obligat nisi subditos, & mem-

[1] *Disp. 11. n. 116.*

membra communitalis: sed peregrinantes in loco sine animo ibi constituendi domicilium, aut quasi domicilium, nec sunt subditi legislatoris, nec membra communitalis; ergo non tenentur legibus illius loci. Prob. min. quia homo non fit subditus principi, nec membrum communitalis, nisi per domicilium, aut quasi domicilium; ( per *domicilium* intelligo locum, in quo quis eligit perpetuò, vel saltem longissimo tempore commorari, & per *quasi domicilium* locum, in quo eligit commorari assidue, & diu, saltem per maiorem anni partem, ut scholares, & procuratores in urbibus, ubi assidue, & diu commorantur studiorum causa, aut sollicitandi lites in curiis. ) Hoc supposito

Resp. neg. min. & ant. prob. Nam ut homo fiat subditus principi, & subdatur ejus jurisdictioni, ac fiat quasi membrum communitalis quantum ad obligationem conformandi se legibus loci, sufficit, ut habitet in ejus territorio, & quamdiu ibi est, subjaceat jurisdictioni ejus: leges enim communiter feruntur pro omnibus existentibus in civitate, nisi aliter se explicet princeps excipiendo forenses.

Inst. 3. Infideles, & Judæi non ligantur legibus Christianis, licet existentes inter Christianos; ergo nec forenses, & peregrini legibus localibus. ant. patet experientia.

Resp. neg. conf. aliud est enim de legibus religionis, quæ non feruntur, nisi pro baptizatis, & subditis Ecclesiæ, [ & aliud de politicis, quæ feruntur pro omnibus habitantibus quomodocumque in regno principis.

Objic. 2. ex SS. Canonibus. (1) Sententia excommunicationis ab Episcopo lata non ligat forenses, sed tantum subditos excommunicationi; ergo peregrini non tenentur legibus diœcesanis alienis. Agitur enim de committentibus furtum, quod poterat committi etiam a peregrinis.

Resp. neg. ant. Non enim ibi fit mentio de forensibus, & peregrinis, sed tantum de non subditis, quales sunt exempti a jurisdictione Episcopali, licet nati neant intra diœcesim; & de his dicit Pontifex, quod non ligantur illis sententiis; quoad forenses vero cer-

tum

(1) c. a nobis de sent. excom.

tum est, quod ligarentur excommunicatione, nisi excusaret ignorantia.

Occasione hujus questionis, & materię quæri posset hic, an leges synodales, & statuta Episcoporum ligent monachos, & regulares exemptos. Sed de hoc alibi.

## Q U Æ S T I O VI.

*De lege humana pœnali, quomodo obliget.*

**T**Am diximus, leges pœnales illas esse; quæ transgressoribus imponunt pœnas aliquas aut spirituales, v. gr. excommunicationem, suspensionem, privationem, aut inhabilitatem, ut in legibus Ecclesiasticis; vel temporales, ut mortem, exilium, carcerem, virgas, confiscationem bonorum, triremes, &c. & in hoc distinguuntur a pure præceptivis, quæ nullas tales pœnas imponunt. Dixi etiam, alias dici *pure pœnales*, quæ non ligant ad pœnas aliquas, saltem directe; alias *mixtas*, quæ obligant simul ad culpam, & pœnam; & conclusimus, nullam dari pure pœnalem, sed omnes obligare etiam in conscientia, & ad culpam, saltem indirecte.

Rursus quædam leges imponunt pœnas *ipso facto*, seu *ipso jure* incurrendas, seu *latæ sententiæ*, quæ scilicet incurruntur posita transgressione absq; alia sententia judicis; quædam ad pœnas *ferendas*; & hæ non ligant ante sententiam judicis, per quam inferuntur.

3. Inter pœnas quædam sunt pure *privativæ*, ut privatio officii, vocis activæ, aut passivæ, &c. quædam *positivæ*, quæ per aliquam actionem positivam exercentur, ut flagellatio, multa, & solutio pecuniæ, &c. *Privativæ* autem privant vel bonis fortunæ, & pure temporalibus, ut pecuniis, fructibus, cibis, vel bonis naturæ, & aliquid habent actionis, & passionis, ut exilia, flagellationes, carceres, quæ privant libertate, membris, vita, &c. vel bonis pure spiritualibus, ut excommunicationes, quæ privant suffragiis, & communicatione bonorum spiritualium Ecclesiæ; & istæ sunt pure *privativæ*, quia non requirunt actionem ullam, ut infligantur, sicut præcedentes, & aliquo modo primæ; & quærimus,



an omnes iste pœnæ possint per quaslibet leges sic imponi, ut ipso facto incurrantur, & infligi possint, aut debeant non expectata ullius iudicis sententia, per quam infligantur. De facto videmus multas leges, quæ transgressoribus imponunt pœnas *ipso facto*, vel *ipso jure*, vel *ex tunc*, &c. imò & absque ulla declaratione, vel sententia.

## CONCLUSIO I.

**L** Ex humana potest imponere non solum pœnas leves, & aliquas pure privativas spirituales, sed etiam aliquas temporales, saltem leves ipso facto incurrendas, patiendas, imò & aliquas positivas.

Prob. 1. p. ex praxi Ecclesiæ, quæ per suos canones, & constitutiones solet multa præcipere, aut prohibere sub pœna excommunicationis, suspensionis, vel interdicti, aut privationis officiorum ipso facto incurrenda; & id patet etiam ex Concilio Tridentino, ubi aliquot peccatis, v. gr. adulterio, uxoricidio imponuntur inhabilitates, & impedimenta tam impediencia, quam dirimentia matrimonium; & idem faciunt leges civiles. Nam propter certas causas impediunt validitatem contractuum, translationem dominii, &c.

Prob. 2. ratione. Nam recta ratio, & bonum publicum exigit, ut per omnem viam honestam, & pœnas rationabiles coerceantur delicta; ergo expedit, ut ea, quæ per sententiam iudicum, & solemnitates juris non possunt commodè puniri, & coerceri, puniantur per ipsasmet leges, & reos cogente conscientia; sed plura sunt hujusmodi peccata, ut patet ex ipsis legibus sic statuentibus: nam licet consistant in actibus externis; tamen iudex Ecclesiasticus, vel civilis non potest facile attendere, aut probare, & formalitates nimium tempus consumerent, ergo meritò leges plurimæ imponere possunt, & de facto imponunt pœnas *ipso facto* incurrendas à transgressoribus.

Prob. 2. p. Nam in Concil. Lateranensi [1] sub Leone X. Clericus beneficiatus omittens horas canonicas privatur ipso facto fructibus beneficii pro rata omissionis, & temporis, & eos restituere obligatur, tamquam

quam

[1] Sess. 24. can. 3. & 4.

quam injustè perceptos; in fabricas hujusmodi beneficiorum, vel pauperum eleemosynas erogare tencur. Ubi nota, hanc pœnam non esse aded, & purè privativam, quin exigit etiam aliqualem actionem, nempe restitutionem, & applicationem partis restitutæ; & talis est praxis Ecclesiæ.

Prob. 2. Nam lex, quæ moderatam aliquam pœnam sive pecuniariam solvendam, sive corporalem ab ipso sibi infligendam, v. g. jejunium aliquod, disciplinam, & flagellationem, aut aliam mortificationem privatam imponeret, obligaret sine dubio transgressiorem in conscientia; & peccaret ille contra obedientiam, qui non impleteret tale præceptum; & tales multæ sunt apud regulares; ergo lex humana potest aliquas pœnas imponere ipso facto incurrendas, & ante omnem sententiam judicis exequendam.

Dixi autem *leges aliquas*, non verò omnes: nam certum est, quod cum leges humanæ tantæ Ecclesiasticæ, quàm civiles debeant esse suaves, & non nimis rigidæ; & onerosæ, non debent, nec possunt obligare homines ad graviores pœnas sive privativas, v. gr. durissima jejunia, aut privationem omnium bonorum, sive positivæ, ut mutilationes, carceres, exilia, & mortes sibi infligendas: nec Deus hanc Ecclesiæ contulit potestatem; quippe *iugum ejus suave est, & onus leve*; nec etiam principibus laicis; nec in eam consenserunt populi. Igitur certum est, quod non possunt Prælati obligare subditos in conscientia ad infligendas sibi publicas flagellationes v. g. vel alias pœnas infamantes ob eandem rationem, sed in his, & similibus expectatur judicis sententia, saltem declarativa criminum, quibus imponuntur pœnæ illæ graviores, imò & plures privativæ, v. g. privationes vocis activæ, & passivæ, vel officiorum, &c. Unde cum limitatione debet intelligi præsens conclusio.

Obiic. contra hanc limitationem. Leges possunt obligare ad omnem actum honestum, & congruentem bono communi; sed acceptatio, & obligatio ipso facto pœnarum etiam positivarum, & gravium est actus honestus, & congruens bono communi; ergo leges possunt obligare ad illas pœnas ipso facto. Prob. min. Nam sic melius coercetur licentia peccandi, & nullum peccatum carebit sua pœna; ergo id magis est

honestum, & congruens bono communi. Prob. ant.  
*Oderunt enim peccare mali formidine pœnæ.*

Resp. neg. min. & ant. prob. Nam non congruit reos sibi infligere graviores pœnas, quæ certis delictis per leges imponuntur, v. gr. mutilationes, & mortes. Inde enim orirentur graviores transgressionēs, & majora inconvenientia; præterquam quod paucissimi obedirent; nemo enim satis æquus est sui iudex.

Objic. contra concl. Lex non debet esse nimis rigida, nec onerosa; sed si obligaret in conscientia, & ipso facto ad pœnas aliquas, esset nimis rigida, & onerosa, & difficilis; ergo non debet obligare ad ullas pœnas subeundas ipso facto, & ante sententiam iudicis.

Resp. neg. min. quæ enim tam gravis reperitur difficultas in levi, & privata flagellatione, aut jejunio, vel alia parya mortificatione privatim, & secretò subeunda, & sibi infligenda, vel restitutione facienda pro peccato, & transgressionē legis? Certè leviores, & faciliores sunt illæ pœnæ, quàm iudicum citationes, & correctiones, & quæcumque publicæ.

Objic. 3. Leges canonicæ statuunt pro hæreticis pœnam spoliationis omnium bonorum ipso facto incurrendam, imò & civiles, quæ & idem statuunt pro criminibus læsæ majestatis; ergo tam graves, quàm leves pœnæ incurruntur ipso facto. Prob. conf. Nam spoliatio bonorum omnium est sine dubio gravissima.

Resp. juxta communioem Canonistarum sententiam dist. ant. ita ut ex tunc, & ipso facto, & ante iudicis sententiam bona omnia hæreticorum, & talium reorum sint addicta fisco, conc. ant. ita ut sint privati ipso facto bonorum omnium possessione, neg. ant. sic enim censent plurimi tam canonistæ, quàm juristæ, scilicet eas leges non sortiri suum effectum ante iudicis sententiam, nec tales reos amittere prius bonorum suorum possessionem, imò nec dominium; nec aliud operari clausulam, *ipso facto*, quàm additionem bonorum illorum fisco, ita ut ex tunc donationes, venditiones, & similes contractus, quibus disponerent de bonis suis, sint invalidi; imò multi docent, reos nequidem amittere dominium bonorum suorum.

Dices: ergo frustra apponuntur tales clausulæ, quia

nihil plus operantur, quàm aliæ de pœnis inferendis.

Resp. neg. subsumptam. Nam operantur taxationem pœnæ, cui rei addicuntur, ita ut non expectetur alia sententia iudicis, quàm declaratoria criminis commissi, cui talis pœna est statuta, sicut requiritur in lege de pœnis inferendis.

## CONCLUSIO II.

**L** Ex pœnalis obligat reos iustè condemnatos ad subeundas, saltem passivè, pœnas à iudice impositas, ita ut non possint sine peccato resistere ministris executoribus eos offendendo.

Prob. 1. ex Scoto [1] dicente, quòd magis debet sustinere suspendium, quàm occidere suspendentem, ut evadat; quia dilectio vitæ corporalis injustè custodita non est dilectio ordinata, quia non est ad dilectionem animæ, nec Dei. Et infra, quòd ubicumque pro vita reddenda lex statuta est iustè, debet homo patienter solvere istam pœnam, scilicet mortis pro homicidio: quam legem dicit conformem legi divinæ, & naturali: & confirmatur à Christo in lege Evangelica, [2] *Omnis, qui gladio occidit, gladio peribit*, & consequenter ubicumque lex talis de vita pro vita reddenda statuta est iustè debet homo patienter solvere istam pœnam; ergo ex Scoto, & ratione debet reus ex iustitia subire pœnam mortis, ad quam iustè damnatus est, non tamen debet eam sibi inferre; ergo multo minùs debet ministris iustitiæ resistere eos offendendo. Ideò miror P. Montepilosum [3] inlignem adeo Scotistam, qui sustinet sine lethæ i culpa damnatum etiam iustè ad mortem posse se defendere, fugamque arripere cum violentia sub moderamine inculpata tutelæ: obligatur dumtaxat ad illam patienter tolerandam, si non poterit illam evadere: imò addit, quod non videtur satis tutus in conscientia, si potens se defendere, & liberare sine aliqua alterius offensione corporali, id omittat, quia seipsum occideret.

Prob. 2. quia si iustè condemnatus est, ergo ex iustitia debet puniri, & pœnam subire. Prob. conf. Nam duo contradictoria non possunt esse simul vera; ergo

li ju.

[1] 4. d. 15. q. 2. H. n. 9. [2] Matth. 26.

[3] 10. 2. p. 3. disp. 96. a. 4. n. 5.

si iudex iustè punit, reus non potest iustè velle non puniri; & ut docet S. Thomas, bellum non potest esse utrumque iustum à parte rei, & nisi excuset ignorantia, iudex potest iuste impugnare resistentem; ergo resistentia non est iusta.

Confir. ex Apostolo. Nam *qui potestati resistit, scilicet iustè, & iusta præcipienti, Dei ordinationi resistit; & ipse sibi damnationem acquirit*. Potestas autem principum, & ministrorum iustitiæ à Deo data est in vindictam criminum, & virtutum præmiationem.

Prob. 3. quia si lex ulla pœnalis obligat ad subeundam pœnam iustam, v. g. lex obligans ad restitutionem ablati, ad solutionem mulctæ pecuniariæ, ad flagellationem, &c. eadem est ratio de morte, quando culpa eam demeruit; ergo si ulla pœnalis obligat, ita & ista.

Objic. Nulla lex positiva, maximè humana, potest obligare contra jus naturæ; sed jus naturæ obligat, aut saltem permittit omnibus tueri vitam suam absolutè; ergo lex positiva humana non potest obligare ad subeundam mortem, quantumcumque iustam; ergo reus non tenetur subire mortem, ad quam condemnatus est, etiam iustè, sed omnibus viis potest se, & eam tueri.

Resp. dist. min. ad tuendam vitam secundum regulas rectæ rationis etiam naturalis, conc. min. contra illas regulas, neg. min. & conf. lex ipsa naturæ, & rectæ rationis dicat nemini faciendam injuriam; & sic non debet fieri injuria ministris iustitiæ: dicat etiam vindicanda esse delicta, & per consequens subeundas pœnas delictis proportionatas, hæc enim sunt correlativa, sicut agere, & pati.

Objic. 2. Condemnatus iustè ad mortem potest fugere, ut eam vitet; ergo & se defendere ob eundem finem. Ant. patet ex Scriptura: (1) *longè abesto ab homine potestatem habente occidendi, & non vivificandi*. Prob. conf. est enim par ratio fugiendi, & resistendi; imò & jubemur tales liberare, & eruere, qui trahuntur ad mortem; ergo condemnatus potest fugere, & quidem a fortiori.

Resp. neg. conf. utramque; aliud enim est, quod pos-

Tom. IV.

C c

fit

[1] Eccl. 9.

fit fugere, aliud, quod possit resistere ministris iuste punientibus. 1. potest; quia, inquit S. Thom. *nihil debet facere, ex quo sibi mortem advocet, vel ex quo sequatur, si potest*; & id faceret, si potens fugere, maneret. Teneretur tamen non resistere agenti, quin patiatur, quod iustum est euni pati; loca autem illa Scripturæ non loquuntur de occisoribus iustis; alioqui teneremur liberare reos de carceribus, & de patibulis, & ad id tenerentur ipsimet iudices.

Dixi autem 1. *reos iuste condemnatos*; nam si condemnatio esset iniusta, non solum posset fugere, sed etiam armis se tueri; & ante condemnationem posset etiam resistere lictoribus, ne capiatur, & carceretur, aut è carceribus aufugere.

Dixi 2. *resistere ministris eos offendendo*; quia multi censent eum fugere posse, si liberum id ei sit absque offensione; quia lex non obligat cum tanto rigore ad se offerendum morti, aut ad eam expectandam, cum possit vitare: sed ut verum fatear, id mihi non videtur adeo certum; nam si lex, secundum quam debet mori, iusta est, ipse debet obedire, & si debet obedire, non debet fugere. Viderint Casuistæ doctiores.

## Q U Æ S T I O VII.

*De lege humana irritante, quomodo distinguatur à prohibente.*

**P**ER legem irritantem intelligo eam, quæ non solum prohibet aliquem actum, sed etiam decernit illum, si fiat, fore nullum, & invalidum, irritum, nullius momenti, valoris, & efficaciar, carere robore firmitatis, quasi non fuisset, &c. nam his, & æquivalentibus verbis solent exprimi tales leges, ut actus aliqui, qui alioqui ex natura sua possent valere moraliter, & ligare, nullo modo valeant: sic leges Ecclesiasticæ irritant matrimonia clandestina, quæ sine præsentia Parochi, & testium fiunt; sic civiles invalidant testamenta facta sine certis conditionibus, & formulis. Non disputamus, an tales leges existant, vel obligent; quia his pleni sunt codices tam sacri, quam politici; sed queritur, an distinguantur à simpliciter prohibitis, ita ut actus sint invalidi, & irriti hoc ipso, quod  
sunt

sunt prohibiti; an verò irritatio, seu invalidatio addat aliquid supra prohibitionem, & an, quando, & quomodo obligent.

## CONCLUSIO I.

**L** Ex, & maximè canonica, non irritat hoc ipso, quòd prohibet actus aliquos: seu non omnis actus prohibitus à lege est statim nullus.

Prob. 1. ex Conc. (1) Trid. quod docet matrimonia clandestina libero contrahentium consensu facta rata, & vera esse matrimonia, quando ea irrita non fecit Ecclesia: nihilominus sancta Dei Ecclesia ex iustissimis causis illa semper detestata est, & prohibuit. Ideò lege sua declarat, ea in posterum irrita, & nulla decerni, nisi fiant præsente Parocho, vel alio sacerdote de ipsius Parochi, seu Ordinarii licentia, & duobus, vel tribus testibus; & similiter irritas professiones factas ante completum novitatus annum, vel ante 16. ætatis; (2) na ut professio antea facta sit nulla, nullamque inducat obligationem; sed hi actus ante huiusmodi leges erant prohibiti, sed validi; ergo non omnis lex prohibens est eo ipso irritans.

Confir. Certum enim est, & de fide, alium esse actum prohibitum, & invalidum, & alium esse prohibitum, qui non erit invalidus; v. g. consecratio est actus prohibitus sacerdoti degradato, vel in peccato mortali celebranti; sed tamen consecratio erit valida; ergo non omnis actus prohibitus a lege est eo ipso invalidus. Item habenti votum simplex castitatis prohibetur matrimonium; quod tamen tenet, & validum est, si contractum fuerit non obstante impedimento illo. Denique ex Innocentio III. (3) *Multa fieri prohibentur, quæ si facta fuerint, obtinent firmitatem roboris.*

Prob. 2. absolutè de omni lege etiam civili. Nam ex terminis patet, quòd prohibere aliquem actum, & illum invalidare sunt distinctissima: nam prohibitio facit, ut actus sit peccatum contra obedientiam, non autem præcisè ut sit invalidus: hæc enim duo possunt separari tam in civilibus, quàm Ecclesiasticis, ut pa-

C c 2

tet

[1] ff. 24. c. 3. [2] ff. 35. de regul. c. 15.

[3] c. ad Apostolicam de regular.

tet ex dictis; & maxime de matrimonio, in quo utroque jure statuuntur impedimenta, quæ omnia non invalidant contractum: & multi contractus, & actus civiles licet illiciti tenent, donec infirmantur per iudices. Idem est de sententia injusta, & nulla, quæ tenet, donec per appellationem obtineatur cassatio; ergo simplex prohibitio de se non operatur nullitatem, nisi lex prohibens, aut alia generalis id statuât.

Objic. Lex civilis dicit, quod ea, quæ fieri prohibentur, si fuerint facta, non solum inutilia, sed pro infectis etiam habentur, licet legislator fieri prohibuerit tantum, &c. ergo ex regula generali iuris civilis idem est actum prohiberi, & irritari.

Resp. dist. consubi lex illa imperialis est recepta, & pro subditis imperii, & in civilibus, conc. consubi lex illa imperialis non viget, & pro non subditis, & maxime pro Ecclesiasticis actibus, neg. cons. Nec id facit contra concl. quia tantum loquitur de lege secundum se prohibitiva: hæc autem regula generalis addit illi vim extrinsecam; & idem pro omnibus civilibus actibus, & prohibitis per alias leges, ac si essent singulæ etiam irritantes; sed illa regula nihil operatur erga canonicas, quæ ab ea non dependent.

Objic. 2. pro lege canonica: (2) Greg. relatus in decreto approbat illam constitutionem imperialem; ergo eadem est regula pro Ecclesiasticis actibus, ac pro civilibus. Confir. ex Joanne VIII. quod contra leges accipitur, per leges dissolvi meretur.

Resp. neg. cons. Nam hæc non dicunt Pontifices statuendo, vel approbando, sed recitando. (2) Unde Glossa in illud caput remittit ad aliud, in quo Anacletus declarans Episcopis prohiberi, ne in aliena diocesi consecrent altaria, & ne ordinent clericos alienos, decernit tamen, tam consecrationem, quam ordinationem, licet prohibitas tenere, altaris tamen consecratione manente: sed poenam statuit suspensionis in transgressionem Canonum. Et Glossa in caput vides, adducit plures canones, & casus, in quibus prohibita tenent. Hæc regula, inquit, multas recipit instantias: contra legem enim fit, si contrahitur post simplex votum, tamen contractus tenet, &c. Et concludit, quod hæc

[1] c. imperial. 25. q. 2. dist. 12. c. vides.

[2] c. Episcopus 8. q. 1.



hæc regula intelligitur de talibus, ubi est causa perpetua prohibitionis, ut ne filius contrahat cum matre.

Objic. 3. Hæc regula est pro jure canonico: Quæ contra jus sunt, debent pro infectis haberi; ergo in omni jure omnis actus prohibitus est etiam irritus, & nullus.

Resp. neg. conf. Nam ex Glossa hæc regula habet locum in his, quæ habent causam perpetuam prohibitionis; contraria verò in his, quæ habent causam temporalem; vel nisi eodem, vel alio jure tolleretur, ut de facto per alios canones tollitur.

Hinc sequitur legem esse irritantem, & actum contra ipsam factum esse irritum, & nullum, quando se explicat legislator verbis expressis dicens, *Quidquid fiet in contrarium esse irritum, inane, invalidum, nullius roboris*, aut æquivalentibus: v. g. cum dicit de beneficio, quod sic, vel sic acquisitum vacuum remaneat: aut de matrimonio sine Parocho, & testibus contracto, quod debeant partes separari, aut quod sit eis licitum alii nubere &c. Item quando declarat aliquas formalitates, quasi essentielles actui: nam res sine partibus essentialibus non existit, ita nec actus illi morales.

Quæres, an omnis lex irritans obliget in conscientia ad non faciendum actum irritum? Seu, an omnis actus irritus per legem sit etiam ex vi ejusdem prohibitus, & peccatum.

Resp. negativè, saltem directè, & ex vi ejusdem legis.

Ratio est 1. quia id pendet ex arbitrio legislatoris; ergo nisi actus sit aliunde malus, non erit peccatum, licet sit nullus, si legislator non intendat aliter prohibere: v. g. lex, quæ irritat contractus factos cum minoribus, non videtur obligare ad aliud, quàm ad invaliditatem illorum actuum: sic quæ irritat testamentum factum sine tali, aut tali solemnitate, nihil aliud per se importat, nisi invaliditatem eorum, & sicut homo sine peccato posset non testari, ita & posset sine peccato testari invalidè.

Dico, ex vi talis legis; nam aliunde posset peccari, v. g. ex lege naturæ; quia est facere actum invalidum, & inutilem repugnantem rectæ rationi; & aliunde posset inde oriri alia mala, quæ mala influerent malitiam peccati, & redderent eos malos.

Resp. 2. aliquas leges non solum esse irritantes, sed etiam prohibentes eosdem actus, quos irritant.

Ratio est eadem: nam id pendet etiam ex mente, & intentione legislatoris; & de facto tales sunt fere omnes, v. g. matrimonia cum impedimentis dirimentibus non tantum sunt invalida, sed etiam prohibita: & ita est de aliis.

Quæres 2. *An lex irritans suum effectum sortiatur etiam in conscientia ipso facto, an verò tantum post sententiam iudicis declaratoriam nullitatis.*

Resp. id pendere ab intentione superioris, & hæc colligenda est ex verbis legis, quæ si significant nullitatem *ipso facto*, & ex tunc, actus erit *ipso facto*, & ex tunc nullus; si verò significant actum esse annullandum, lex non obligabit, nec habebit effectum ante sententiam, aut quando actus non pertinet, nisi ad forum externum.

Id patet ex praxi de electionibus, de professionibus, de provisionibus beneficiorum, de testamentis, donationibus: nam electi, professi, provis, hæredes, donatarii hoc ipso, quod sciunt defectus irritantes, debent abstinere ab effectibus, & exercitiis, si lex dicat illos actus esse *ipso facto nullos*; & ideo solent irritari quicumque electi, & provis gesserunt consequenter.

Dices. Sæpe leges illæ fundantur in præsumptionibus: v. g. leges irritantes contractus inter minores præsumunt deceptionem, aut violentiam, aut fraudem contra minores; & sæpe fallunt præsumptiones: nam contingere possunt contractus inter minores sine illis defectibus; ergo tunc leges illæ non obligant. Prob. conf. Nam tunc cessat ratio legum illarum.

Resp. neg. conf. quia leges respiciunt bonum universale, & in communi; & sic non fundantur in præsumptione casuum particularium, qui aliquando accidunt, vel accidere possunt, sed casuum, qui ordinariè accidunt, vel accidere possunt, ut caveant pericula, & mala, quæ ex actibus talibus possunt, & solent evenire, quamvis etiam possint non evenire: v. g. potest fieri, ut aliqui contrahentes clandestinè matrimonium non incidant in fraudes, quas alii committunt in similibus, & ob quas illa matrimonia irritantur ab Ecclesia; & tamen absolute, & universaliter illa irritavit.

QUÆ

## Q U Æ S T I O VIII.

*De mutatione, seu cassatione legis humanæ per  
abrogationem.*

**S**I mutantur leges, id fit vel *derogatione*, vel *abrogatione*, vel *irritatione*, vel *interpretatione*, vel *dispensatione*. 1. *derogare* legi est eam tollere ex parte tantum, reliquo remanere, ut si lex vigiliarum tollatur quoad jejunium, & remaneat quoad abstinentiam à carnibus. 2. *abrogare* est tollere legem in totum, ita ut nihil eius remaneat, quod obliget. 3. *irritare* est impedire, ne vim habeat; & sic magistratus superior irritat leges inferioris. 4. *interpretari* est declarare aliquem casum non comprehendi sub lege. 5. *dispensare*, seu *relaxare* est eximere aliquem ab obligatione legis, ad quam alioqui esset obligatus, & quæ alios obligat. Aliæ etiam possunt afferri causæ, aut modi mutationis, ut cessatio finis, aut materię, de quibus infrà: hic examinamus 1. an leges sint mutabiles, & 2. per abrogationem.

## C O N C L U S I O I.

**L** Ex omnis positiva etiam divina est mutationi obnoxia in iis, quæ non sunt communia cum lege naturæ.

Prob. 1. ex Scoto docete, [1] quod ipsa lex naturæ distat mutandas esse leges secundum mutationem status rerum. Unde in statu naturæ lapsæ communitas bonorum, quæ pro statu innocentie præcipiebatur lege divina, debuit mutari pro statu naturæ corruptæ; quia communitas omnium rerum esset contra pacificam conversationem, &c. ergo ex Scoto secundum diversam exigentiam, aut statum rerum debent dari, aut abrogari leges positivæ; sicut ista debuit mutari, cum natura transit de statu integritatis, & innocentie in statum peccati, & corruptionis: quia scilicet quod fuisset bonum, & necessarium pro illo statu, fuisset nocivum pro illo.

Prob. 2. Certum enim est ex fide, quod lex Mosai-

C c 4 ca

[1] 4. d. 15. q. 2. B. n. 3.

ca erat à Deo, ut vidimus, & quòd cessavit per institutionem Euangelicæ. Videtur etiam nonnullas mutationes accidentales contigisse in Euangelica, & id fortè probant hæc Christi D. verba, (1) *Quando misi vos sine sacculo, & pera, & calceamentis, numquid aliquid defuit vobis? sed nunc qui habet sacculum, tollat & peram*; quod sine dubio non contigit ex defectu, vel inconstantia ulla ex parte legislatoris, sed ex ejus misericordia, & sapientia, quibus sese accommodare dignatur temporum, & morum humanorum mutationi, ut docet S. August. & id docet etiam [2] Concil. Toletanum relatum in decretis: *Incommutabilis Deus, idemque semper existens sua sæpe in sacris litteris legitur mutasse promissa, & pro misericordia mutasse sententiam.*

Prob. 4. ratione. Cum lex omnis positiva pendeat à voluntate legislatoris, & maximè divina, nihil prohibet, quin possit pro libitu suo derogare, aut abrogare leges suas.

Confir. præcipuè de legibus Ecclesiasticis. Nam in iis ipsis, quæ spectant ad religionem, & usum sacramentorum, non ad substantiam, multa successivè, & pro temporum, & morum exigentia reperiuntur mutata, unde monebant [3] PP. Concilii Later. sub Innocentio III. *quod non debet reprehensibile judicari, si secundum varietatem temporum statuta quoque varientur humana, præsertim cum urgens necessitas, vel evidens utilitas id exposcit, quoniam ipse Deus ex his, quæ in veteri testamento statuerat, nonnulla mutavit in novo.*

( Prob. 4. quia lex positiva dependet à judicio, & voluntate legislatoris; sed hæc sunt mutabilia; ergo & lex positiva. prob. min. certum enim est, quod quædam, quæ judicantur, & sunt utilia bono communi uno tempore, & statu, cessant esse talia pro alio: v. g. pro statu innocentie, & naturæ integræ Deus videbat communitatem bonorum omnium esse bonum, & eam sic statuebat, & volebat; sed pro statu naturæ corruptæ permisit hominibus, imò inspiravit eis leges divisionis: præceptum legis naturæ, id est quod vigeat in statu naturæ integræ, & non quod à natura

erat

[1] Luc. 21. [2] Con. Faust. 22. q. 4. c. 9.

[3] Cap. 3.

erat de habendo omnia communia revocatum est post lapsum, & rationabiliter propter duo. [1] 1. quia communitas omnium rerum esset contra pacificam conversationem, cum malus, & cupidus occuparet ultra ea, quæ sibi essent necessaria, & hoc etiam inferendo violentiam alijs, &c. 2. esset contra necessariam sustentationem, quia fortiores bellatores privarent alios necessarijs; ergo qua ratione obligantur superiores ad dandas leges, quas judicant utiles, aut necessarias ad bonum commune, eadem tenentur datas tollere, & alias dare, quando judicant primas esse inutiles, aut nocivas, & alias evadere necessarias, ut patet in exemplo allato.

Dixi, *in his, quæ non communicant cum lege naturæ*; quia quæ sunt de lege naturæ sive propriæ, sive extensivæ, sunt semper uniformia, inquit Scotus, [2] sunt principia moralia nota ex terminis, & necessaria, seu æternæ, ac immutabilis veritatis, & stricte loquendo nihil aliud est de lege naturæ, nisi principium, vel conclusio demonstrata. Illa autem principia, & conclusiones demonstratæ sunt immutabilia; ergo & præcepta omnia legis naturæ; ergo leges positivæ, quæ cum lege naturæ communicant, sunt pariter immutabiles.

Objic. 1. Perpetuitas est de ratione legis, saltem à parte post; ergo semel lata non debet mutari, quia mutatio excludit perpetuitatem.

Resp. dist. ant. perpetuitas ex parte legislatoris, & subditi, conc. ant. ex parte materiæ, neg. ant. nam mutata materia legis, mutari debet & ipsa; mutatur autem, quando quod bonum erat, evadit inutile.

Objic. 2. Omnis lex positiva derivatur a lege naturæ, & à lege æterna: sed istæ sunt immutabiles: ergo & ista debet esse immutabilis. Ant. patet ex dictis.

Resp. dist. ant. derivatur, id est non debet esse illis contraria, sed conformis, conc. ant. debet esse in materia illarum propria, neg. ant. Leges positivæ nihil debent habere contrarium legibus naturali, & æternæ; sed possunt habere materiam sibi propriam, quæ nec præcipitur, nec prohibetur per illas.

Objic. 3. ex Arist. mensura debet esse permanens:

C c 5      sed

[1] *Sent. ibid.*

[2] *d. 17. q. 1. B. n. 4.*

sed lex humana est mensura actuum humanorum ; ergo debet esse permanens , non mutabilis .

Resp. dist. maj. debet esse permanens relativè ad mēsuratum, conc. maj. in se, neg. maj. hoc enim soli Deo convenit, ut sit in se absolutè immobilis ; lex verò, seu mensura relativè ad mēsuratum permanet cum ipso, sed absolutè, & in se potest deficere .

## CONCLUSIO II.

**L** Ex humana cessare potest per abrogationem, & per eandem potestatem, per quam posita est, & ex eadem ratione .

Prob. 1. p. ex præcedenti . Nam *abrogatio* legis nihil est aliud, quam cessatio, seu cassatio ejus in totum quoad vim obligandi, quam habuerat ex voluntate superioris ; sed sic videmus quotidie leges positivas non solum humanas, sed etiam divinas cessasse, ut patet ex dictis ; ergo lex humana potest abrogari .

Prob. 2. p. ex communi regula juris . Res omnis per quascumque causas nascitur, per easdem dissolvi potest, ergo lex humana dissolvi, & abrogari potest per eandem potestatem, per quam nata est . Et certè non plus requiritur potestatis ad tollendam legem, quam ad ferendam ; ergo princeps, qui ex probabili judicio utilitatis publicæ legem aliquam tulit, potest ex simili causa eam abrogare ; & ita contingit in praxi quotidiana .

Prob. 3. p. ex eodem principio ; quia sicut superior justè, & rationabiliter non potest dare legem, nisi ex judicio, & intentione boni publici ; ita nec eam tollere : unde sicut in conscientia peccaret, nisi ex eodem judicio, & intentione tolleretur legem, cujus abrogationem judicaret necessariam bono eidem : & maximè ad id obligat ex juramento bene, & justè administrandi rem publicam . Per id enim obligatur ad statuendum quicquid judicat notabiliter utile, aut necessarium ; nec est ei licitum pro arbitrio dare, aut tollere leges .

Dixi, eadem potestate, non tamen sic ; quin leges datæ à superiori subalterno possint irritari, vel abrogari à supremo, & altiori : v. g. Generalis Ordinis

potest abrogare legem datam à Provinciali, & Papa legem datam à Generali, quia princeps, aut prælatus supremus potest quidquid possunt inferiores; non verò isti possunt quod superiores. Ideò inferior non potest abrogare, nec derogare legi superioris præcisè, & propria sua potestate; hæc siquidem postulat rectus ordo regiminis.

*Quæres, an legislator inferior possit legem suam, quam tulit, abrogare, quando superior eam confirmavit.*

Resp. in hoc attendendam naturam subordinationis inter illos, & terminos, seu formam confirmationis. Nam si inferior prælatus absolutam accepisset potestatem dandi, & tollendi leges à se datas; aut, si confirmatio superioris nihil addat obligationis legi datæ ab inferiori, sed sit nuda approbatio quoad solemnitatem majorem; tunc inferior poterit legem suam abrogare; sed si inferioris potestas esset limitata ad dandas leges, & non ad abrogandas; aut si superior per suam confirmationem daret legi vim, & robur novum à sua auctoritate dependens, tunc non posset eam abrogare, nisi dependenter ab auctoritate superioris, ita ut, sicut lex egebat ad vigorem auctoritate superioris, ita & ad abrogationem. Debent autem cauti esse superiores in abrogandis legibus; quia, ut dicebam, id non ita pendet ab eorum arbitrio, quin peccent, si absque gravi utilitate, vel necessitate id faciant; & aliunde id cedit in contemptum potestatis, & legum, si tam facile abrogarentur, aut mutarentur: sed tamen si prohibitu suo superior quicumque tam regularis, quàm Ecclesiasticus legem suam abrogaret, cessaret obligatio in subditis, quia tota vis obligativa pendet ab ejus voluntate.

Dices. Hoc ipso quod lex evadit inutilis, aut nociva reipublicæ, cessat obligatio, ergo quandiu durat utilitas, aut necessitas, durat & obligatio. Prob: conf. Nam contrariorum eadem est ratio.

Resp. neg. conf. & rationem ejus, quia plus requiritur ad valorem legis stabiliendum, quàm ad tollendum; ad istud sufficit defectus minimus, ad illud verò concurrunt omnes conditiones; si daretur aliqua obligatio propter utilitatem, aliunde veniet, quàm ex voluntate principis, v. g. à lege naturæ.

## CONCLUSIO.

**A** Brogatio, seu derogatio fit vel per simplicem actum superioris revocantis legem in toto, vel in parte, vel per constitutionem legis contraria.

Quoad 1. p. non indiget probatione: nam hoc ipso, quod princeps edictum, vel legem revocat, tollit omnem vim obligativam; quandoquidem, ut mox dicebamus, totaliter venit ab ejus voluntate.

Prob. quoad 2. quia posteriora iura derogant prioribus, quando illis sunt contraria; ita ut cuni illis consistere non possint. Unde si lex posterior sit totaliter contraria toti priori, hæc tota tollitur; si verò sit contraria alicui parti, & non aliis, tunc istæ restant in vigore.

Confir. ex hac regula juris civilis: [1] *Quidquid in posteriori lege specialiter non fuerit expressum, id veterum legum, & constitutionum regulis relictum esse intelligendum est.*

Quæres, an sicut lex non obligat sine sufficienti promulgatione, ita neque abrogatio tollat obligationem sine illa.

Resp. quod necessaria est promulgatio, quando abrogatio fit per aliam legem contrariam, ob rationem datam suo loco: imò & quando simpliciter abrogatur purè, & sine alia, debet id ita publicari, ut omnibus innotescat.

Ratio est, quia qui omitterent id, quod lex jubebat, nescientes obligationem cessasse, peccarent ex voluntate erronea; & qui omitterent ex scientia abrogationis, scandalizarent eos, qui putarent obligationem durare: ideò debet publicari, si non eadem solemnitate, qua promulgatur lex positiva, saltem sufficienter, ut omnibus innotescat.

QUÆ

[1] *l. præceptum de appellat.*



## QUÆSTIO IX.

*De dispensatione legis humane.*

**J**Am diximus in superioribus disputationibus, quid, & quodplex sit *dispensatio*. Differt ab *abrogatione*, & *derogatione* in eo, quod non tollit nec in toto, nec in parte legem, sed eam relinquit in suo robore quoad communitatem, exceptis aliquot particularibus casibus, aut personis, quæ ab ejus observantia, & obligatione eximuntur ex quibusdam rationabilibus causis: & quæritur 1. an prælatus inferior possit dispensare in lege superioris, v. g. Episcopus in lege Papali, aut Provincialis in lege sui Generalis. 2. an dispensatio exigat causam, ut sit valida, aut justa, & sine peccato in dispensante, vel dispensato.

Diximus etiam ex Scoto, quod dispensare non est facere, quod stante præcepto liceat agere contra præceptum: sed est revocare præceptum, vel declarare illud circa dispensatum, vel in casu dispensationis, vel declarare, qualiter debeat intelligi, est enim duplex *dispensatio*, *propria*, quæ est juris relaxatio, & *impropria*, quæ est juris declaratio. Differt autem *dispensatio* à *derogatione*, & *abrogatione*, quod *abrogatio* tollat in toto vim legis, *derogatio* in parte; sed *dispensatio* relinquit legem in toto robore suo; sed tantum restringit eam quoad aliquas personas, aut casus, vel effectus, respectu quorum permittit, quod non obliget, licet perseveret obligare cæteros, ut jam notavimus supra.

## CONCLUSIO I.

**N**ullus inferior dispensare potest in lege superioris propria dispensatione, nisi ex delegatione cum plenitudine potestatis; sed hoc pertinet ad solum superiorem, qui legem tulit, vel ad ejus delegatum.

Prob. 1. ex Scoto. [1] Nulli inferiori licet in lege superioris dispensare. Loquitur absolutè, & de propria dispensatione.

Prob. 2.---

[1] 4. d. 5. q. 3. G. n. 8.

Prob. 2. ex SS. Canonibus. C. cum inferior de major. & obed. *Cum inferior superiorem solvere nequeat, vel ligare, sed superior inferiorem liget regulariter: & cap. ne Romani Clem. de Elect. Attendentes, quod lex superioris per inferiorem tolli non potest.*

Prob. 3. Dispensare est tollere vim, & obligationem legis pro dispensatis; sed nullus inferior tollere potest obligationem positam à suo superiore; ergo neque dispensare in legibus ejus. Prob. min. sic enim non esset inferior potestate, sed superior, vel æqualis: nam obligare, vel deobligare, ligare, & solvere sunt ejusdem potestatis; ergo sicut ad solum superiorem spectat condere leges, & obligare inferiores, ita & solvere.

Dixi, *regulariter*, 1. quia ex delegatione speciali Prælati, aut Magistratus Supremi, posset id facere inferior, & subalternus; & id faciunt delegati cum plenitudine potestatis. 2. communiter docetur, quod in casibus extraordinariis & urgentissimis, in quibus non datur tempus, aut facultas recurrendi ad superiorem legislatorem, tunc potest inferior dispensare; quia id postulat recta ratio, & bonum commune; & judicatur legem in his casibus non obligare. Ideò putarem, tunc non esse propriam dispensationem, seu juris relaxationem, sed impropriam, scilicet per interpretationem, quatenus superior, aut lex non intendit in his casibus obligare; aut saltem inferior interpretatur eum consentire.

Assignari autem solent plures casus, in quibus inferiores Prælati dispensant in legibus superiorum. 1. in materia leviori, cujus transgressio non posset esse peccatum, nisi veniale; sicut enim peccatum veniale non reservatur, ita nec leges in levioribus. 2. in casibus frequentioribus, in quibus nimis onerosum esset tam superiori, quam subditis sic quæ continuò recurrere; ideò præsumitur superiorem supremum consentire, ut inferiores in his dispensent, v. g. in festorum, aut ieiuniorum dispensatione. 3. in urgentissimis necessitatibus, quæ non patiuntur moram ob periculum, vel grave detrimentum imminens: v. g. si quis habens verum continentæ nupsit, & matrimonium consummavit, potest Episcopus dispensare cum eo, ut petat, & reddat debitum conjugale.

4. quæ

4. quando dubium est, an casus egeat dispensatione, aut an sit per legem reservatus, potest inferior dispensare: quia in dubiis favorabilior pars est amplectenda, & præsumitur pro libertate; extra casus autem legitimos dispensatio inferioris in lege superioris est nulla.

## CONCLUSIO II.

**A**D justam, & honestam dispensationem requiritur causa rationalis, alioqui dispensans peccat, licet dispensatio sit valida. Est communis.

Prob. 1. ex Concil. Trident. docente, quòd [1] sicut expedit legis vinculum quandoque laxare, ut plenius evenientibus casibus, & necessitatibus pro communi utilitate satisfiat; sic frequentius legem solvere, exemploque potius, quàm certo personarum, rerumque delictu petentibus indulgere, nihil aliud est, quàm cuique ad leges transgrediendas aditum aperire: quod si urgens, iustaque ratio, & maior quandoque utilitas postulaverit, cum aliquibus dispensandum esse, id fiat causa cognita, ac summa maturitate à quibusdam, ad quos dispensatio pertinebit. Idem statuitur pro dispensationibus in impedimentis matrimonii.

Confir. ex D. Bernardo, [2] Queritur inter dispensatores, ut fidelis quis inveniatur, ubi necessitas urget; excusabilis dispensatio est, ubi utilitas provocat; laudabilis est dispensatio, utilitas dico communis, non propria: nam cum nihil horum est, non planè fidelis dispensatio, sed dissipatio est; ergo requiritur causa ad licitam dispensationem.

Prob. 2. quia cum lex non statuatur, nisi pro bono communi, & gravi, & obliget etiam legislatores in his, quæ ad eos spectant, non debet ab ea discedere tam pro aliis, quàm pro se absque causa rationalissima, & maxime ne detur occasio leges contemnendi, ut fieret, si absque causa, & pro libero arbitrio superiorum eximerentur quicumque placeret superiori, indeque etiam perturbaretur, & communitas frustraretur utilitate veniente ex lege: ergo superior, seu princeps peccat, & graviter, si absque rationali causa dispenset in legibus suis.

Prob. 2.

[1] ff. 24. de Resor. c. 17. [2] 3. de confid.

Prob. 2. p. quia lex non obligat præcisè nisi ex voluntate superioris; sed in dispensatione cessat illa voluntas obligandi, siue sit ex causa, siue non; ergo dispensatio etiam data sine causa valet ad tollendam obligationem. prob. min. Nam si abrogaret legem, tolleretur obligatio pro tota communitate, etiam si hoc fieret sine causa; ergo à fortiori si tollatur pro aliquo particulari etiam sine causa.

Objic. 1. contra 1. p. ex SS. Canonibus sola Pontificis voluntas comparatur iustæ causæ; & idem docetur à lege civili de voluntate principis: ergo ad dispensationem sufficit voluntas legislatoris etiam sine causa.

Resp. neg. conf. Nam ideò sic loquuntur jura illa de voluntate Pontificis, & principis, quia supponunt eam esse iustam, nec quidquam velle sine causa rationabili.

Objic. 2. Positio, & obligatio legis pendet à sola voluntate superioris; ergo & dispensatio, vel abrogatio, per quam tollitur obligatio absque alia causa.

Resp. 1. neg. conf. Nam licet positio legis pendeat à sola voluntate principis, semel tamen posita non debet tolli sine causa; sicut ex eo quod positio voti sit libera, non sequitur, quod ita sit de ejus solutione; imò sicut superior non ponit legem sine ratione, ita nec tollere debet.

Objic. 3. Si iusta causa semper adesset, nihil conferret dispensatio superioris; nam dispensatio veniret ex iustitia causæ, propter quam lex non posset obligare, non verò ab indulgentia superioris; sed conf. est contra suppositionem; supponimus enim, quòd deobligatio veniat ab indulgentia superioris; ergo non semper requiritur causa.

Resp. neg. seq. maj. & dist. rationem eius, dispensatio veniret à iustitia causæ aliquo modo, & partialiter, conc. totaliter, & unice, neg. Nam causa est quidem motivum superiori ad dispensandum cum tali subdito, vel in tali casu; sed non est se sola sufficiens ad tollendam obligationem legis absque voluntate superioris; alioqui non esset opus dispensatione.

Objic. 1. contra 2. p. supposita necessitate causæ ad dispensandum. Si absque causa non poterit princeps dispensare; ergo dispensatio invalida erit. Prob. conf.

Actus,

Actus, qui excedit potestatem agentis, est invalidus: non est enim major defectus, quam potestatis: ergo invalidè dispensabit.

Resp. dist. ant. non poterit dispensare iuste, & licite, conc. validè, neg. ant. & conf. & similiter dist. ant. prob. actus, qui excedit potestatem legitimam, & absolutam, conc. potestatem quoad iustitiam tantum, neg. ant. Dispensatio sine causa est illicita, & excedit potestatem honestatis, seu virtutis; quia non est iustum, nec honestum eximere sine causa privatos aliquos ab onere legis, dum communitas illud portat; admitteretur aliqua acceptatio personarum: sed si hoc fiat, validè fiet, sed illicitè.

Inst. Dispensatus non posset uti dispensatione; ergo non esset valida. Prob. ant. adhuc teneretur servare legem, saltem ex natura rei; quia teneretur se conformare communitati, non habens causam aliter agendi; ergo non posset uti dispensatione.

Resp. dist. utrumque ant. non posset uti dispensatione, si alia lege obligaretur ad actum, in quo dispensatur ab homine, conc. ant. si sola lege humana obligaretur, neg. ant. & conf. Loquimur de obligatione, & dispensatione in materia legis purè humanæ; & dicimus principem non posse quidem licite in ea dispensare sine causa, benè verò validè; sed si materia sit aliunde præcepta, vel prohibita per aliam legem, dispensatio non erit valida quoad istam, & ex eadem ista: v. g. ex lege naturæ tenebitur adhuc dispensatus se conformare aliis, non ex vi legis humanæ, sed ex vi legis naturæ, in qua homo non potest dispensare.

Peccaret ergo legislator, seu superior dispensans irrationabiliter, & sine iusta causa aliquos ab observatione legum suarum, & quidem contra iustitiam distributivam, secundum quam debet dispensare bona communia singulis secundum rationem; & contra iustitiam legalem, quæ vult bonum commune procurari, aut servari per observantiam legum, quæ in eum finem instituuntur; & quidem peccatum est mortale, aut veniale secundum gravitatem, aut levitatem materiæ; & id etiam mensurandum, & ponderandum ex aliis circumstantiis.

Sequitur etiam, quòd cessante causa dispensationis, cessat

cessat & ipsa: nam [1] *cessante causa cessat effectus*. Voluntas dispensandi ex parte superioris cessat cum causa, qua movebatur ad dispensandum. Quod tamen intelligendum est in iis dispensationibus, quæ nondum sortitæ sunt totum suum effectum, non verò in alijs; v. g. in dispensatione matrimonii, quod contractum fuit, & consummatum ante cessationem causæ, & voluntatis dispensandi, non revocatur, nec cessat contractus.

Quæres, *An legislator possit dispensare seipsum in sua lege.*

Resp. affirmativè in iis, quæ ab ipso dependent, & statuuntur, & cum causa, sicut dispensaret alios. Dico in his, quæ ab ipso dependent, & statuuntur; nam si aliunde statuerentur, scilicet per aliam legem, v. g. naturalem, non posset secum dispensare.

## Q U Æ S T I O X.

*De interpretatione, & Epikieia, seu emendatione legis humanæ.*

**P**ossunt etiam aliquo modo cessare, aut mutari leges per *interpretationem*, quando sensus verborum non est satis clarus, nec ea satis explicant mentem legislatoris; vel per *emendationem*, seu *Epikieiam*, seu *correctionem*, quando dubitatur de aliquo particulari casu, an comprehendatur in lege universali, & loquente: v. g. lex generaliter præcipit, quod omnis homicida moriatur, & in casu particulari accidit homicidam esse hominem maximæ utilitatis Reipublicæ: v. g. excellentem in arte, & dubitatur an iste comprehendatur in lege illa generali, & per benignam interpretationem judicatur eum non comprehendi, juxta illud, quod [2] *excellens in arte non debet mori* (est exemplum Scoti.) In 1. casu *interpretatio* dicitur *simplex*, quia agitur de mente legislatoris, quæ non satis constat ex verbis legis. in 2. agitur de *valore legis*, quia videtur deficere in aliquo casu particulari, quem non videtur comprehendere, nec prævisum fuisse à legislatore, quando legem in generali condidit; & ideò dicitur *emendatio*, seu le-

[1] c. Cum cessante de appellat. [2] 1. d. 44. D. n. 5.

gis *correctio*. Igitur *interpretatio legis* est explicatio verborum legis, & mentis legislatoris, & triplex est.

1. *authentica*, quæ fit sola auctoritate legislatoris, aut æqualis, vel superioris in potestate: & hæc habet vim legis; venit enim ab eodem fonte; & de hac dicitur, quod *eius est interpretari, cuius est condere leges*, scilicet *authentice*. 2. *usualis*, quæ fit per usum, ac consuetudinem, & secundum quod observatur in consuetudine, quæ ideo dicitur (1) *optima legum interpretes*; & hæc etiam vim magnam habet, velut ipsa lex. 3. *doctrinalis*, quæ fit per simplicem explicationem verborum legis secundum illorum proprietatem naturalem, aut civilem; & hæc non habet vim legis, sed pendet à iudicio doctorum, seu peritorum in lingua, & lege; ideo dicitur *doctrinalis*.

*Epiikeia* verò dicitur ab Arist. (2) *emendatio legis ex ea parte, quæ deficit propter universale*; id est per quam legem aliquid generaliter præcipientem corrigimus, & emendamus in aliquo casu particulari, in quo creditur cessare illius obligatio, vel quia legislator non creditur voluisse, aut potuisse comprehendere talem casum; vel quia in eo cessat ratio legis; vel quia observatio legis in eo casu esset peccatum, vel perniciosum Reipublicæ, aut ipsi subdito observanti. Differt ab *interpretatione*, sicut species à genere; nam *interpretatio* latius patet.

Quæritur ergo, an liceat subditis interpretari sive per *simplicem* explicationem, sive per *Epiikeiam*, seu ut alii communiter proponunt dubium, an liceat subdito præter verba legis agere, seu legem emendare, aut corrigere, & quidem *doctrinaliter*: nam *authentica* pertinet ad solum legislatorem, aut ad successorem, vel superiorem ejus, aut delegatum; & *usualis* petitur ex consuetudine legitima, de qua dicemus brevi: & utramque admittendam quotidiana experientia docet; agitur de *doctrinali*, & *reverentiali*, ut vocant.

CON-

[1] c. cum dilectus. de consuet.

[2] 5. Ethic. 10.

## CONCLUSIO.

**L**ex humana mutationibus obnoxia est etiam per interpretationem, & Epiikeiam, ita ut liceat sæpe agere præter, aut contra verba legis, & eam interpretari, vel emendare.

Prob. 1. ex Scoto docente, quòd [1] aliquid potest esse ordinatum, & ordinate fieri dupliciter. 1. ordine universali, quòd pertinet ad legem communem, ut si Rex statuatur, quòd omnis homicida moriatur. 2. in ordine particulari circa hoc iudicium, ad quòd non pertinet lex; quia lex est de universalibus casibus; de casu autem particulari non est lex. Igitur cum lex sit universalis, & sic non prævideat omnes casus particulares, in quibus ratio legis communis potest cessare; ita & potest tunc agi contra, aut præter verba legis, & interpretando eam benignè, quòd non obliget in tali casu: v. g. lex obligat generaliter, ut restituatur depositum petenti; sed accidere potest, ut Petrus petens ensen depositatum sit furiosus, & sit seipsum, vel depositarium jugulaturus, si ei restituatur ensis; lex illa generalis debet explicari, ita ut non obliget tunc ad restituendum depositum; & id fit per iudicium circa legem.

Prob. 2. ex eodem. In legibus universalibus possunt contingere casus particulares, in quibus majus bonum provenit communitati ex inobservantia legis, aut malum proveniret ex inobservantia; & tunc rationabiliter debet explicari, aut revocari lex, quæ non obligat. [2] Sic Machabæi interpretati sunt ipsam legem divinam de Sabbati sanctificatione, quando laceßiti ab hostibus judicarunt, sibi licere bellare, nec eam legem in hoc casu obligare: sic Christus ipse explicat eandem legem, quòd non violetur per extractionem bovis, aut asini ex fovea, vel per adaequationem eorum, & à fortiori per sanationem hominis infirmi.

Prob. 3. ex Arist. [3] Quando lex in universum dixerit, & præter universale potest quidpiam universale contingere, tunc recte se habet, si quæ legislator omisit

[1] 2. d. 44. D. n. 5. [2] 2. Machab. 2.

[3] 5. Ethic. 10.



*fit, corrigatur defectus, id quod legislator etiam ipse, si adesset, dixisset, & si scivisset, ita præscribentem legem instituisset. Ideò dicitur hoc Episkeia, seu interpretatio benigna mentis legislatoris, quatenus noluit obligare in his casibus particularibus ad observantiam legis suæ generalis; & quod implicite, & virtualiter, seu interpretativè hos casus excepit à lege, ideò id vocatur correctio, seu emendatio legis, seu æquitas, quæ ex eodem est legis emendatio in ea parte, qua lex deficit ob aliquem particularem eventum, in quo casu si legislator adesset, ita dixisset.*

Prob. 4. ex SS. Canonibus. Nam cap. [1] *Humana aures* Papa Cælestinus docet, quòd *non debet aliquis verba considerare, sed intentionem, ac voluntatem; quia non debet intentio verbis deservire, sed verba intentioni*; ergo quando occurrunt aliqui casus, in quibus particularis observatio legis ad litteram esset notabiliter gravis, aut damnosa communitati, aut daret occasionem peccati, aut scandali, tunc licet uti *Episkeia*, seu *interpretatione* legis, præsumendo legislatorem non prævidisse casus illos particulares, nec ad eos voluisse extendere suam legem: ideoque non solum potest subditus non facere, quod lex ad litteram videtur jubere, sed nequidem licet, & peccaret faciendo. Quòd si dubitetur tantùm de sensu verborum, quæ non sunt satis clara, sed æquivoca, vel obscuriora, tunc locum habet *simplex interpretatio*, & consulendi sunt periti legum, & linguarum, ut verus sensus habeatur; sed si in utroque casu possit commodè adiri legislator, vel successor, aut superior habens æqualem, aut superiorem potestatem, tutius erit consulere.

Ad hoc autem traduntur aliquot regulæ, ex quibus poterit videre subditus, quomodo tuta conscientia se debeat gerere in huiusmodi casibus.

1. Est, quando iudicat apertè, quòd in casu aliquo ex legis, vel præcepti observantia sequitur aliquod peccatum, vel grave damnum sive communitati, sive ipsimet observanti, potest, vel tenetur interpretari legem ex æquitate, & facere, quod iudicat opportunum ad vitandum peccatum, aut damnum: v. g. si quis certo sciret se die Dominico Ecclesiæ ex-

pe:

pectari ab hostibus in via, ut occidatur, debet judicare, quod in eo casu non urget præceptum sacrum audiendi, & potest manere clausus domi.

2. Quòd si casus est dubius, an lex obliget, tenetur consulere superiorem, si potest, aut si non potest consulere, nec dubium deponere, tenetur agere secundum verba legis ad litteram; quia in dubiis *ius est sequi partem, quæ favet legi*: si verò apparet una pars probabilior, hanc eligere potest, nisi posset expectare, ut certior reddatur.

3. Si diversæ sint Doctorum opiniones circa sensum legis, vel decisionem casus, an in eo lex obliget? Hanc regulam tradit Doctor subtilis; (1) *bene videndum est in moralibus, antequam aliquid asseratur; quia videlicet cum habens duas opiniones contrarias perplexus sit, periculose se determinat ad unam, nisi se diligenter inspecta eligeret probabiliorē.*

Pro interpretatione *simplici*, & *doctrinali* attenditur 1. proprietates verborum, quantum potest; alioqui nihil esset in legibus certum; lex autem debet esse clara: ergo & verbis propriè, quantum potest, significantibus expressa: & ideò sensus litteræ quantum fieri potest est attendendus; ille autem est duplex. 1. *naturalis*, qui ex prima vocis institutione colligitur: sic mors significat separationem realem animæ à corpore. 2. *civilis*, qui ex similitudine extenditur à lege ad aliud significandum: Sic professio religiosa dicitur mors, sed civilis; sed ad idum non recurritur, nisi ex defectu naturalis. 2. si verba ambigua sint; sensus petendus ex mente, & intentione legislatoris; & ad hoc pensanda sunt finis, materia, & circumstantiæ, in quibus locutus est; ex his enim intelligi poterit mens illius. 3. attendenda ratio, quæ est *anima legis*; nam lex omnis debet esse rationalis. Pater igitur, *interpretationem*, & *Epikeiam* non habere locum, quando constat de legislatoris voluntate, & potestate; nec grave incommodum publicum, aut privatum sequitur ex legis ad litteram observantia: si verò alterum istorum adsit, licebit agere contra, vel præter verba legis, & eam interpretari, si non adsit superior, qui possit consuli.

## QUÆSTIO XI.

## De Consuetudine.

**C**onsuetudo habet vim legis, & legem abolet, & est interpretatrix legum, inquit (1) S. Th. idem dicebamus, legis interpretationem fieri per usum. *Consuetudo* enim nihil est aliud, quàm frequentia, & repetitio similium actuum; & nomen sumpsit ab usu communi, inquit Gratianus ex Isidoro, qui & est (2) *jus quoddam moribus institutum, quod pro lege suscipitur, cum deficit lex: vel, ut aliis placet, est jus non scriptum, quod ex lege, & continuo usu receptum est.* Per particulam, *ex continuo usu*, innuitur, quod in consuetudine currit quædam *præscriptio*. Unde conveniunt 1. quia utraque stabilitur per aliquid facti, & juris, quod per factum introducitur. 2. quia *præscriptio* exigit consuetudinem aliquam facti, & *consuetudo* aliquam præscriptionem temporis. Differunt tamen 1. quia *consuetudo* jus legale inducit omnes obligans. *Præscriptio* vero confert solum jus domini, vel utendi, aut fruendi. 2. ad *jus consuetudinis* requiritur factum communitatis, ad *jus præscriptionis* sufficit factum privatorum. 3. ad introductionem *consuetudinis* requiritur consensus saltem tacitus principis, contra cujus legem præscribitur, non verò ad simplicem *præscriptionem*. 4. ad *præscribendum* legitimè requiritur titulus bonæ fidei, & certi temporis lapsus à lege statutus; non autem tantus in omni consuetudine.

Dicitur ergo 1. *jus*, quod ponitur loco generis; nam relinquitur ex usu, seu ex frequentatis actibus populi, sicut ex lege: nam jus omne legibus, ac moribus constat, inquit idem Gratianus. 2. *moribus institutum*, & sic distinguitur à lege, quæ non moribus populi, sed voluntate superioris; consuetudo verò inducitur solo usu, & sufficit tacitus principis consensus. 3. *quod pro lege suscipitur*, quia vim habet legis abrogandæ, si adeit, aut ipsamet obligat per modum legis. Aliæ descriptiones facile ad hanc reducuntur.

Porro triplex solet tribui effectus *consuetudini*.

1. ab-

[1] 1.27. q.97. n.3. [2] d.1. c. consuetudo,

1. abrogandi legem, 2. faciendi legem, & 3. interpretandi legem; veterem abrogat, novam instituit, & dubiam explicat. Quærimus hic an, & qualiter id verum sit, qualesve ad hoc requirantur conditiones.

## CONCLUSIO I.

**C**onsuetudo habet vim legis humanae positiva, veteris legis abrogandæ, aut novæ instituendæ, si sit legitima. Est communis.

Prob. 1. ex Scoto, [1] qui consuetudini parem cum lege auctoritatem in iudiciis confert quoad condemnationem: ideò docet, quòd iurans in foro ubi ex lege positiva, vel consuetudine sequitur condemnatio ad mortem, peccat mortaliter, nisi sit pro crimine certo. Item ubi docet, [2] terminum celebrationis missæ sumendum esse ex consuetudine Ecclesiarum: & post Arlem docet, [3] quòd quantam vim habeat consuetudo, leges ostendunt.

Prob. 2. quoad 1. p. ex jure civili. [4] Nam rectissime illud receptum est, ut non solo suffragio legislatoris, sed etiam tacito consensu omnium per consuetudinem leges abrogentur. Item ex jure canonico. [5] Nam ex Honorio III. Cum consuetudinis, ususque longevi non sit levis auctoritas, & plerumque discordiam pariant novitates, auctoritate presentium vobis inhibemus, ne absque Episcopi vestri consensu immutetis Ecclesiæ vestræ constitutiones, & consuetudines approbatas &c. Ecce pondus consuetudinis, & auctoritatem. Greg. IX. docet, [6] quod consuetudinis non levis est auctoritas, non tamen est adeo valitura, ut vel juri positivo debeat præiudicium ferre, nisi fuerit rationalis, & legitime sit præscripta; ergo consuetudo legitima, qualis est rationalis, & legitime præscripta, vim habet jus, seu legem positivam abrogandi.

Prob. 2. p. item ex eodem jure. Nam Innocentius III. [7] irritat Abbatis electionem factam contra consuetudinem aequè ac contra legem, tam contra sta-

1116

[1] 3. d. 39. D. n. 5. [2] 4. d. 13. q. 2. n. 18.

[3] 2. metaph. c. 3. n. 22. [4] ff. de leg.

[5] c. consuetudinis de consuet. [6] Ibid. c. cum tanta.

[7] Ibid. c. cum venerabilis.

tui tenorem, quam etiam contra consuetudinem approbatam, quæ optima est legum interpret, minus canonicè attentata, merito cassari debeat.

Cofir. ex S. August. [1] Mos populi Dei, & instituta majorum pro lege sunt tenenda; & sicut prævaricatores legum divinarum, ita & contemptores consuetudinum Ecclesiasticarum coercendi sunt. Item ex Tertul. [2] Consuetudo etiam in civilibus rebus pro lege suscipitur, cum lex deficit. Item ex Isidoro constat ex definitione allata, quæ communiter recipitur.

Prob. denique: quia consuetudo habet conditiones omnes legis, non quidem scriptæ, sed tacitæ: Est de bono communi, & auctoritate publica tum populi, tum principis annuentis, saltem interpretativè, & negativè, ut mox patebit; ergo eandem vim habet sive ad veteres abrogandas, sive ad novum jus inducendum.

Objic. Consuetudo non prævalet rationi, ut patet ex iure canonico: Nemo consuetudinem veritati, & rationi præponat; quia veritas semper, & ratio excludit consuetudinem: sed omnis lex nititur ratione, & veritate: ergo non solum consuetudo non prævalet legi, sed potius illi cedit. Min. patet ex dictis de natura legis.

Resp. dist. maj. non prævalet rationi fortiori, conc. maj. & neg. min. rationi minori, & debiliori, neg. maj. & conf. Lex quidem nititur ratione: sed aliquando rationabilior est consuetudo; & ideo prævalet, si non ex objecto, & per se, saltem ex circumstantiis, & per accidens.

Inst. Ratio non opponitur rationi, nec justum iusto; sed consuetudo, quæ opponitur legi, opponitur rationi, & iusto; ergo consuetudo non potest esse rationabilis, nec iusta, & multò minùs erit rationabilior.

Resp. dist. min. non potest opponi legi vigenti, quin opponatur rationi; & iusto, conc. min. legi languenti, & derelictæ, neg. min. & conf. Lex in suo vigore est rationabilis, & iusta tum propter utilitatem, tum propter auctoritatem principis, & consensum populi, stante illo vigore, actus, quibus inducitur consuetudo, possunt esse irrationabiles. Sed quando semel con-

Tom. IV.

D d

hic.

[1] Ep. 86. [2] de cor. mil. c. 4.

fuetudo invaluit, legis vigor elanguit ex ipsius legislatoris, aut principis, ac populi consensu, & evasit utilis bono, ac paci publicæ.

Inst. Princeps non potest consentire in actus contrarios legi suæ; ergo nec introductioni consuetudinis, ac abrogationi legis. Prob. ant. Actus illi opponuntur rationi æquæ, ac legi, & ideo sunt peccamini; ergo non potest princeps illis consentire, nequidem toleranter, aut permissivè.

Resp. neg. 1. ant. & 2. conf. Nam cum videt princeps populum fortius inclinari in partem contrariam suæ legi, sicut potest legitimè, & rationabiliter revocare, & abrogare positivè, sic etiam potest eam rationabiliter derelinquere, ne sit subditis gravior, & occasio peccatorum, & iurgiorum; & sic ipsemet quasi tacitè abrogat, aut abrogationi consentit, quamvis ab initio illi actus irrationabiles fuerint, & peccamini.

Objic. 2. Consuetudo contra legem induci non potest sine peccato; ergo non potest legitimè introduci. Prob. ant. Non potest introduci nisi per actus contra legem justam; sed actus contra legem justam sunt peccata; ergo non potest introduci sine peccato.

Resp. neg. conf. Nam licet in principio illi actus sint peccata, tamen successu temporis, & ex consensu tacito, & expresso legislatoris, quo lex prior languescit, & quasi moritur, aut revocatur, evadunt legitimi quasi ex nova lege; quod verius est respectu posterorum, qui bona fide sequuntur exempla maiorum, nescientes quod prius introductores peccabant.

Igitur supponimus, consuetudinem non introduci, nisi cum aliquo superioris consensu. Nam si populus sit liber, & potest, condere sibi leges, eadem ratione, qua potuit sibi præscribere vel scriptis, vel factis; si verò sit subditus principi supremo, apud quem resideat tota potestas legislativa, potest iste in consuetudinem contrariam legi suæ consentire, vel tacitè, quatenus videt inobservantias, & non contradicit; vel expresse, approbando positivè mores illos populi, aut ferendo positivam legem illis conformem.

Dixi, autem *legis humanæ positivæ*: nam sicut contra legem naturalem, & divinam nulla præscribit duratio, nec prævalet auctoritas, ita nec ulla consuetudo:

tudo : nam ex Scoto, [1] *Quod est contra legem naturæ non potest fieri iustum, nec antiquitas temporis re-  
tificat crimina.*

## CONCLUSIO II.

**C**onsuetudo vim suam principalem habet à consensu principis expresso, si adest, vel tacito, vel iuridico, qui sufficiunt.

1. Loquor de communitate subdita principi, apud quem residet potestas suprema, & legislativa. Nam populus liber non indiget alterius consensu ad dandam vim istam consuetudini, sicut nec ad ferendas leges.

2. Suppono, triplicem dari consensum. 1. est *expressus*, quando princeps sciens aliquem usum introduci in populo, & civitate, illum explicitè approbat. 2. *tacitus*, cum sciens introduci talem usum contra suam legem, silet, & dissimulat non contradicens, cum id commodè posset. 3. *iuridicus*, seu *communis*, quando in communi, & generali approbavit consuetudines legitime introductas, non descendendo ad hanc, vel illam in particulari, quæ postea & tractu temporis introduci possunt. His positis.

Prob. 1. concl. ex Scoto citato, quatenus vult, consuetudinem esse *communitatem*, & *approbatam*; nec enim potest communis, vel approbata sine principis consensu.

Prob. 2. quia consuetudo habet vim legis abrogandæ, aut stabiliendæ, aut interpretandæ: sed ad hæc omnia requiritur legitima potestas; ergo consuetudo vim non habet sine aliquo principis consensu. Prob. min. Nam ad abrogandam, vel interpretandam, & statuendam legem requiritur potestas legislativa; sed hæc residet in principe; ergo &c.

Objic. 1. ex jure. Consensus populi sufficit ad vim consuetudinis; ergo vis illa non pendet à principe.

Probant. [2] ex textu legis, *Cum ipse leges nulla ex alia causa non teneant, quam quod iudicio populi sint receptæ, merito & ea, quæ sine ullo scripto populus probavit, tenebunt nos: nam quid interest, suffragio po-*

D d - 2

pu

[1] J. d. 36. q. 8.

[2] L. de quibus, &amp; L. quod ea. ff. de leg.

*populus voluntatem suam declares, an rebus ipsis, & factis. Item, Ea, quæ consuetudine longa comprobata sunt, & per annos plurimos observata, velut tacita civium conventio, non minus, quàm ea, quæ scripta sunt, jura servantur; ergo solus populi consensus sufficit ad vim consuetudinis.*

*Resp. dist. ant. & prob. ejus in populo libero, conc. ant. in populo subdito principi supremo, neg. ant. Leges, & jura illa sunt de populo libero, & habente potestatem legislativam, non verò de populo subdito.*

*Inst. Princeps ipse licet sæcularis potestatem legislativam habet à populo; ergo hæc a fortiori est in populo; ergo saltem consuetudo in civilibus habet vim sine principe.*

*Resp. neg. conf. quia ex quo semel populus in principem transtulit eam potestatem, hæc apud illum tota est, nec potest revocari. Non ita est quidem de Prælato Ecclesiastico, v. g. de Papa, qui à solo Deo potestatem habet. Ideò plures fatentur, sine isto consuetudinem non firmari; sed quoad hunc sufficit consensus juridicus, quatenus scilicet Ecclesia approbat in communi consuetudines longo tempore stabilitas, ut patet ex Canonibus citatis in præcedenti conclusione.*

### CONCLUSIO III.

**A**d firmitatem, & valorem consuetudinis contra legem, & quæ fit ex consensu tacito, debet durasse continuè per tempus decem, aut 20. aut 40. annorum, ut abroget legem. Est communis.

Prob. 1. ex Scoto, & ex juribus civilibus, & canonicis citatis. [1] *Consuetudo non inducitur, nec firmatur sine præscriptione temporis, & præscriptio non curret, nisi præcesserit tempus à lege determinatum: sed leges determinant decem annos, ut currat præscriptio contra præsentem, & 20. contra absentes in civilibus, & 40. in canonicis; ergo sic firmari debet consuetudo. Patet maj. ex textibus citatis: nam requirunt longum usum; Quæ longa consuetudine probata sunt, & per annos plurimos: longæ consuetudinis non est levis auctoritas, inquit Canones. Et,*

non

[1] 4. d. 36. q. 1. c. n. 4.



*non debet præjudicium generare, nisi fuerit legitimè præscripta*: min. etiam prob. quia jus civile non requirit, nisi decennium. Et Ecclesia requirit 40. annos, ut patet *de quarta decima*. [1] Et C. *ad aures*; quia, inquit Alexand. III. *quadragenalis præscriptio omnem prorsus actionem excludit*.

Igitur dicunt Doctores, quòd quando princeps est præsens, sufficit decem annorum consuetudo; sed si est absens, requiritur 20. quia plus temporis requiritur ad præsumendum consensum absentis, quàm præsentis. Ideò si est præsens, censetur consentire in consuetudinem durantem 10. annis: requiruntur 20. pro absente; & quia leges Ecclesiasticæ sunt privilegiatæ, ideò longius tempus requiritur ad præscribendum contra illas. Idem tempus requiritur pro aliis rebus item Ecclesiæ. Tamen P. Vulpes Noster non plus requirit ad præscriptionem contra leges canonicas, quàm contra civiles; sed minùs probabiliter, ni fallor, quia Canones ad firmam consuetudinem requirunt, ut lex sit legitimè præscripta, id est secundum conditiones præscriptionis, quæ pro rebus Ecclesiasticis requirit lapsum 40. annorum.

Dixit autem, *quæ sit ex consensu tacito, vel præsumptio*; nam quæ confirmatur ex consensu expresso, non exigit aliud tempus, quàm illud, quo legislator explicat, & præbet expressè talem consensum.

Dixi 2. *ut abroget legem*; nam ad inducendam obligationem legis in his, quæ non adversantur prioribus, non exigitur tanta duratio, sufficit decennalis in omni jure, ut communiter docetur.

## CONCLUSIO IV.

**C***onsuetudo, ut valeat, debet esse rationabilis, & in materia honesta, & per actus publicos, & majoris partis communis. Est communis.*

Prob. 1. p. quia consuetudo est quædam lex: ergo debet esse in materia idonea legis; sed materia legis debet esse rationabilis, & honesta, & utilis bono publico; ergo & materia consuetudinis.

Prob. 2. Nam consuetudo vim habet maximè ab aliquo superioris consensu, saltem tacito, vel præ-

D d 3 sum-

[1] *de præscript.*

sumpto, seu juridico: sed ille non præsumitur consentire in actus, vel consuetudinem pravam; ergo &c. Prob. min. Nam potestas illi data est sive à Deo, sive à populo ad ædificationem, non ad destructionem.

Prob. 3. quia, ut dicebamus, non præscribitur, nec inducitur consuetudo contra legem naturæ, aut divinam; sed quod non est rationabile, & honestum, est contra jus naturæ, & divinum; ergo non potest rectificari per consuetudinem. Quod igitur sit contra honestatem, & jus naturale, aut divinum, non potest inducere consuetudinem approbatam, sed reprobata; non est usus, sed abusus.

Prob. 2. p. eadem ratione: scilicet quia princeps non censetur approbare, nisi actus publicos, & manifestos, non verò secretos, & particularium, seu privatorum, nec consuetudinem, nisi quæ inducitur per actus manifestos.

Confir. ex textibus ex jure civili adductis: quia hæc vocat *longa consuetudine comprobata, velut civium conventio*: & quod sint *leges receptæ iudicio populi*: & quod *populus eas sine scripto probavit*: & quod *per eas populus voluntatem suam declaret factis*. Hæc verba, ut vides, non conveniunt nisi actibus manifestis, & quidem multitudinis, & communibus, non autem privatis, & occultis.

Quæres 1. *quot actus requirantur ad inducendam consuetudinem*.

Resp. cum P. Vulpe sufficere duos actus *iudiciales*, sed quod extra *iudiciales* requiruntur plurimi. Per actum *iudicalem* intellige sententias definitivas in iudicio contradictorio latas; per *extra iudiciales* verò, qui à privatis ut privatis, & per simplicem usum fiunt. Unde si in iudicio pars vincens allegaverit consuetudinem 10. annorum, aut 20. censetur per duo iudicia consuetudo approbata.

Prob. 1. responsio ex [1. Scoto dicente, quod *secundum jura binus actus introducit consuetudinem*, 2. quia consuetudo non inducitur, nisi per actus, qui arguant consensum principis, aut populi, qui potest sibi facere legem; sed hic consensus non arguitur, nisi ex actibus manifestis, & frequentatis; quæ enim rarissime fiunt in occasionibus similibus, aut non ad-

ver-

vertuntur, aut potius improbantur quasi singularia, & illicita, utpotè contra legem.

Quæres 2. *an actus, per quos incipit introduci consuetudo contra legem, sint peccata.* Dico, *contra legem*: nam qui sunt *præter legem* in materia, de qua non est lex nec naturalis, nec positiva divina, vel humana, non sunt peccata; sed possunt esse boni, & virtuosi; nec de his dubitatur.

Resp. quòd in foro externo sunt peccata, non verò in interno, saltem ordinariè.

Ratio 1. partis est, quia in foro externo sunt contra legem; ergo quoad hoc sunt peccata.

Ratio 2. p. est quia possunt esse ex bona fide, sicut requiritur ad præscriptionem ex ignorantia, vel conscientia erronea, aut probabili, saltem quoad simplices, qui videntur alios regere, putant id sibi licere. Fateor tamen, quòd ab initio, & pro iis, qui sciunt prohibentem legem, tales actus sunt peccaminosi; quia leges humanæ obligant in conscientia, ut dictum est.

## QUÆSTIO XII. & ultima.

### De Privilegio.

**V**Is obligativa legum humanarum cessat etiam per *privilegium*, quod nomen sumpsit, ut aliqui volunt à *privatione legis*; idèd dicitur quasi *privatio legis*, aut *privans legem*; quia concedit, ut aliquid fiat contra, vel præter communem legem, à cuius obligatione eximit aliquos. Dicitur etiam *favorabilis*, quia specialem continet favorem: idèd de illo cum legibus loquimur, sed quasi per occasionem, & per transennam.

Describi solet *lex privata speciale aliquid indulgens*. Dicitur, 1. *lex*; quia per modum legis conceditur, quamvis non sit lex, sed potius oppositum legis, à cuius obligatione eximit privilegiatos. 2. *privata*; quia per *privilegium* aliqui distinguuntur à communitate, seu excipiuntur à communi lege. 3. *speciale aliquid indulgens*: quia per *privilegium* gratia, seu favor conceditur privilegiato quod non conceditur communitati: unde *privilegium* in hoc mutat legem.

gem, & vim ejus tollit quoad aliquos particulares, vel partem communitatis; & eis conceditur aliquid, quod est contra, vel præter, vel ultra legem communem: & differt à dispensatione per hæc duo ultima: & præterea quia dispensatio datur ad unum, aut duos, vel aliquos actus determinatos contra legem: ut cum dispensatur cum aliquo, ut contrahat matrimonium cum fœmina in gradu prohibito: *Privilegium* verò datur per modum facultatis permanentis; ut si quis eximatur a jejunio quadragesimali per totam vitam: & in hoc etiã differt à gratia, seu beneficio; quia neutrum datur per modum legis permanentis, sicut *privilegium*. Deinde non omnis gratia est *privilegium*, benè verò omne *privilegium* est gratia, ut absolutio ab irregularitate est gratia, non verò *privilegium*: differt 2. à lege, quia hæc respicit per se bonum commune; *privilegium* bonum privatorum. 3. quia lex obligationem imponit, *privilegium* eximit ab obligatione.

Dividitur autem 1. in reale, quod conceditur directè alicui rei, ut prædio, monasterio, Ecclesiæ, vel statui, v. g. clericali Episcopali, pupillari; & quia conceditur quidem in favorem personarum, sed directè, & immediatè intuitu locorum, statuum, & officiorum: & personale, quod directè datur personæ ratione sui; ut si Petrus eximatur à decimis, à tributis, &c. illud videtur de se perpetuum; sicut & res, quibus adnectitur: sed istud temporale est; nam extinguitur cum persona, & personam sequitur.

2. *Gratiosum*, quod gratis datur, seu absque meritis ex parte privilegiati; & *onerofum*; seu *remunerativum*, quod datur ex meritis, vel cum onere aliquid faciendi, aut vitandi. Nō solent tamen cōcedi sine aliqua causa vel ex parte personæ accipientis, aut aliorum.

3. *Purum*, quod datur sine pacto, sed absolute, & *conventionale*, quod datur pacto, seu conditione aliqua interveniente.

4. *Favorabile*, quod nemini fert incommodum, ut privilegium non jejunandi in quadragesima; & *odiosum*, quod, dum favet privilegiato, nocet aliis: utabilitas ad plura beneficia simul habenda est quidem favorabile clerico privilegiato, sed odiosum prætendentibus.

5. *Affirmativum*, quod dat facultatem ad aliquid faciendum; & *negativum*, quod dat facultatem ad aliquid omittendum.

6. Ratione modi, quo obtinetur, vel confertur, aliud datur ad *petitionem*, seu *instantiam*, quod conceditur precibus, seu supplicationibus; & aliud *motu proprio*, scilicet ex pura liberalitate principis: & hæc dignosci solent ex litteris, in quibus narratur, quòd sit *ad petitionem*, vel *ex motu proprio*. Primum non est tam liberale, quàm secundum; & ideo istud potest ampliari, quantum patitur concessionis verborum significatio; illud verò restringi debet ad terminos petitionis. 2. Privilegiatus potest cogi ad utendum privilegio petito, non autem concessio motu proprio. 3. petatum obnoxium est vitio subreptionis, vel obreptionis, non verò secundum.

## CONCLUSIO I.

**I**lle solus concedere potest privilegia, qui potest condere leges, saltem regulariter, & propriè; potest tamen concedi non subditis.

Prob. 1. p. quia privilegium derogat legi, & datur contra legem; sed hæc illi soli conveniunt, qui potest condere legem; nam qui hoc præstat, debet esse supra legem, ut patet ex dictis; ergo ille solus potest privilegiare, qui potest ligare, seu condere legem.

Confir. Nam privilegium, ut dicebamus, datur per modum statuti stabilis; & per consequens qui concedit illud, debet habere jus, & potestatem tuendi privilegiatum contra legem, vel ultra illam.

Dixi, *propriè*; nam sæpè inferior, cui committitur executio legis, potest aliquos eximere, & dispensare ab actibus aliquibus legis; sed hoc non est *propriè* privilegium, sed aliqualis dispensatio.

Prob. 2. Nam princeps, qui exigit aliqua onera à suis subditis, v. g. in emptione, vel venditione, potest ab eis eximere extraneos transeuntes per statum suum.

Quæres, an cessante causa motiva concessionis privilegii, cesset & ipsum.

Resp. aliqui cum distinctione: nam si detur ob  
me.

meritum aliqua exemptio, v. g. Egregio militi exemptio Gabelle, cessante bello, & exercitio militari, non cessat exemptio: si verò detur sine merito, sed propter incompatibilitatem exercitii alicujus cum observantia legis: v. g. si concionator eximatur ab officii recitatione, aut à jejuniis per quadragesimam, cessante exercitio concionandi; cessat privilegium. Sed pace illorum dicerem, non esse opus tali distinctione nam meritum propriè non cessat. Licet enim exercitium militare cesset, adhuc perseverat meritum egregiè factorum, & laborum militarium præteritorum. Ideo absolutè crederem, quòd cessante absolutè causa impulsiva, propter quam, & sine qua non concessum esset privilegium, cessat & ipsum, nisi aliter disponatur per concessionis titulum. Sic privilegium concessum clericis, ut percipiant fructus præbendarum, dum vacant studiis; cessat, dum & ipsi cessant studere, ut constat ex jure canonico.

Quæres 2. *An cesset aliis modis.*

Resp. affirmative. Nam 1. cessat per *renunciationem* privilegiati; quia cum detur in gratiam, & favorem, non in gravamen, ideo non cogitur illo uti, dum sit onerosum; modò sit personale; nam si sit reale, & generale, v. g. concessum statui, aut religioni, nullus particularis potest illi renuntiare: v. g. Clericus non potest renuntiare privilegio fori, aut canonis; nec Regularis privilegio suæ religionis. 2. cessant per usum, vel non usum in iis, quæ sunt onerosæ aliis; quia non minus consuetudo valet, & præscriptio contra privilegia, quàm contra leges. Dico, *in iis; quæ sunt aliis onerosæ*; nam in his, quæ nullis præjudicant, & sunt purè gratiosa privilegiato; non amittuntur per non usum, quia non præscribit privilegiatus contra se ipsum, & usus sui privilegii est merè facultativus; nec etiam alii præscribunt contra illum, quia nihil ipsorum interest; in casu autem præscriptionis requiritur lapsus temporis, sicut in aliis legibus dicebamus. 3. amittitur per delictum privilegiati in usu, & materia privilegii, non in aliis: v. g. si eo abutatur per excessum facultatis concessæ, aut quia inde sumit occasionem malè vivendi, aut nocendi aliis, juxta canones: *Nam privilegium meretur amittere, qui permissa abutitur potestate.* 4. Quando est

est merè gratuitum ex parte principis, potest ad nutum ejus revocari, saltem validè; nam regulariter, & honestè revocari non debet sine causa, sicut nec datur regulariter sine causa. *Decet enim concessum à principe beneficium esse mansurum*, inquit Regula juris; sed si sit *onerosum, & remunerativum*, est irrevocabile; nam princeps tenetur jure naturæ servare pacta justè inita etiam cum subditis. Talia sunt fere omnia Regularium mendicantium privilegia, ut patet ex Bullis concessionum, in quibus allegantur eorum merita erga Ecclesiam; cum autem revocantur, debet de illis fieri expressa mentio: sed de his satis. Vide Rodericum, Miranda, Pellizarium, Donatum, &c.

*Et hæc de actibus humanis dicta sufficiant, quæ omnia cedant in Dei Opt. Max. gloriam B. V. M. & Seraphici P. Francisci.*

FINIS TOMI QUARTI.

ANT 1317898





